



sc. sup. 25. pl. 3.







THEOLOGIA MORALIS

QUADRIPARTITA,

Incipientibus accommodata,

ET

In Aula Theologica S. J.

Treviris publicè

exposita

à R. P. JOANNE REUTER

Ejusdem Societatis, SS. Theologiæ

Doctore in Universitate Tre-

virensi, & Professore publico,

NUNC

IN USUM ET UTILITATEM

plurium Typis data

Cum prævia Analyfi

DOCTRINÆ MORALIS à SEDE

APOSTOLICA REPROBATÆ,

PARS III.

Editio Secunda Auctior & Emendatior.

COLONIÆ AGRIPPINÆ,


Ex Officina METTERNICHIANA

Sub Signo Gryphi Anno MDCCLVI.

*Cum Privilegio Sac. Cas. Majestatis Speciali,
& Permissu Superiorum,*







THEOLOGIÆ MORALIS

P A R S III.

D E

Justitia, & Jure, per eam cuique
tribuendo, læsoque reparando.

Cum in hac parte non rarò citentur
Leges, in Corpore Juris tum Ca-
nonici, tum Cæsarei contentæ, ali-
qua de Corpore utriusque Juris præ-
mittenda sunt.

PROLEGOMENA.

De Corpore utriusque Juris, mo-
doque citandæ Leges.

Q U Æ S T I O I.

Quid sit Corpus Juris Canonici ?

Resp. Corpus Juris est Liber, continens
Constitutiones Ecclesiasticas, vel Civiles.
Constitutiones Ecclesiasticæ dicuntur Jus Ca-
nonicum à græca voce *νόμος*, quæ idem signi-
ficat, quod Latinis Regula. Hujusmodi Con-
stitutionum septem numerantur species: scili-
cet Canon, Decretum, Epistola decretalis,

A 2

Dogma,

Dogma, Mandatum, Interdictum, Sanctio, Censura non est Constitutio, vel Lex . edita à Concilio Generali. Decretum est Constitutio edita à Pontifice ab aliis non consulto. Epistola decretalis est Constitutio, rescripta à Pontifice consulto. Dogma est Constitutio doctrinalis circa fidem. Interdictum est Constitutio sine pœna. Sanctio sub pœna aliquid prohibens. Mandatum est, quo Superior Ecclesiasticus ordinat ea, quæ pertinent ad disciplinam Ecclesiasticam. Verùm ista sæpe confunduntur.

Q U Æ S T I O II.

Quid sit Jus Canonicum ?

Resp. Jus Canonicum sunt Leges à Summis Pontificibus vel latæ, vel traditæ, aut approbatæ, quibus actiones & mores Christianorum ad cultum divinum, ordinem publicum in statu Ecclesiastico, ad pacem, justitiâque in Fidelibus conservandam, augendam, & ultimato ad finem ultimum supernaturalem diriguntur. Dicitur etiam Jus Pontificium . Jus sacrum, Jus Ecclesiasticum, & aliquando, sed late, divinum, ut habetur Cap. *Cum diversis*. 2. *De Privilegiis*. in 6. Differt à Jure Civili tum per causam efficientem, quæ est Summus Pontifex vi jurisdictionis spiritualis universalis, tum per causam suam finalem, quæ est cultus divinus, boni mores, virtus & salus æterna. Dixi : *Leges vel latæ, vel traditæ, vel approbatæ* ; nam aliæ sunt à Pontifice latæ, aliæ ex S. Scriptura desumptæ, aliæ ex Jure Civili translatae, & approbatæ à Pontifice.

QUÆS-

Q U Æ S T I O III.

Quomodo Jus Canonicum dividatur ?

Resp. Dividitur in scriptum , & non scriptum. Non scriptum sunt Leges à principio solâ voce dictatæ , & ad nos successive, velut per manus transmissæ , etsi postea literis consignatæ sint. Tales sunt Leges de Quadragesimali Jejuniis , de aqua miscenda vino in Sacrificio Missæ. Scriptum est , consignata literis congeries legum , quæ desumptæ sunt vel ex S. Scriptura , vel Conciliorum Decretis, à Summo Pontifice confirmatis , vel ex Summorum Pontificum Constitutionibus, vel ex Principum sæcularium statutis , vel denique ex SS. Patrum sententiis.

Ubi tria notanda sunt. 1. Præcepta , quæ ex veteri testamento merè positiva, Pontifices suis Decretis inseruerunt , non obligant Christianos , ut fuerunt Juris divini, sed in quantum, authoritate Ecclesiæ , vim legis obtinuerunt. Cætera verò , quæ jure naturali obligant , ut de non occidendo . de non exercenda usura , &c. eatenus ad Jus Canonicum pertinent , quatenus à Summis Pontificibus traduntur , aut magis explicantur : neque enim repugnat , idem esse juris naturalis, divini , & humani. 2. dum. Leges Principum sæcularium , authoritate Pontificis in Corpus Juris Canonici translatae , vim legis Ecclesiasticæ habent , in quantum à Pontifice sunt approbatæ , & canonizatæ ; aliæ verò leges civiles , quæ in foro Ecclesiastico recipiuntur , sunt

solum velut quædam adjuncta. 3^{ium}. Sententiæ Patrum vim legis non habent, nisi Corpori Juris insertæ per modum legis proponantur. Sunt tamen magnæ authoritatis, & deficiente juris dispositione allegari possunt ad probandum.

QUÆSTIO IV.

Quæ sint partes Juris Canonici scripti ?

Resp. Sunt hæc sex. 1. Decretum Gratiani. 2. Libri quinque Decretalium Gregorii IX. 3. Sextus Decretalium Bonifacii VIII. 4. Clementinæ Clementis V. 5. Extravagantes Joannis XXII. 6. Extravagantes communes. Hæc intellige de Jure Canonico, ut nunc habetur: nam olim solum Decretum Gratiani erat in Corpore, & ideo, quando ex Decretalibus fiebat citatio, addebatur vox *extra*; vel loco ejus X. ut intelligeretur, quod textus, vel ritulus citatus extra Decretum quærendus sit, v. g. *Can. Dum. extra. De Prabendis*. Sed id hodie rarò fit, observandum tamen est, ne, si ejusmodi citatio reperiatur in Authore, putetur citari extravagantes.

QUÆSTIO V.

Quid de Decreto Gratiani sit observandum ?

Resp. Sequentia. 1. Decretum est opus, à Gratiano, Monacho Bononiensi, Ordinis S. Benedicti, sub annum Christi 1150. tempore
Euge-

Eugenii Papæ III. compilarum, tum ex S. Scripturæ sententiis, tum ex Conc. & Pontificum Decretis, tum ex PP. testimoniis, tum denique ex Legibus Civilibus, quibus Gratianus, & Palea ejus discipulus, quædam unâ cum Glossematis addiderunt. Opus illud à Gratiano inscribitur; *Concordia discordantium Canonum*, quia plures Canones, vel reipsa, vel saltem in speciem sibi contrarios, concessit, & studuit conciliare.

2. Decretum hoc habet tres partes. Prima complectitur 101. distinctiones, divisas in Canones, seu Capita, atque sic citatio fieri solet: *Cap. vel Can. Jus gentium. dist. 1. vel; Can. 9. dist. 1. vel: dist. 1. can. 9.* 2da pars continet 36. causas, seu casus, vel controversias, quarum fere singulæ habent plures quæstiones, distinctas in Canones, seu Capita: Citatio fit hoc modo: *Can. Quicunque. causa. 1. q. 1. Vel; 1. q. 1. Can. Quicunque: Causa* enim plerumque scripto non exprimitur, sed solum pronuntiatur. Ut autem scias, an cifra significet numerum Canonis, vel causæ, attende, an sequatur litera Q. seu *Quæstio*: quando enim hoc sequitur, tunc cifra hanc litteram præcedens, etsi solitariè posita, significat quoram causæ, non Canonis. Porro causæ trigessimæ tertiæ quæstio tertia insertum sibi habet Tractatum longiorem de Pœnitentia, qui in septem distinctiones, per Canones, seu Capita divisas, distinguitur, & citatio fit hoc modo: *Can. homicid. dist. 1. de Pœnit. vel: de Pœn. dist. 1. Can. homicidiorum.* proinde quando additur: *de Pœnit.* quærendum est in causa 33. q. 3. Pars 3. & ultima Decreti inscribitur *de Consecratione*, & habet 5. distinctiones,

nes, divisas in Canones, seu Capita : Modus citandi est : v. g. *Can. Noëte. dist. 1. de Consecrat. vel : de Consecrat. dist. 1. Can. Noëte.* Itaque quando allegatur *distinct.* sine addito, querendum est in 1ma parte, quando allegatur cum addito *de Pœnit.* querendum est in 2da parte *Caus. 33. Q. 3.* quando allegatur cum addito *de Consecrat.* querendum est in 3. parte. In fine Decreti recensentur Canones Pœnitentiales 47. quibus pro gravioribus peccatis certum tempus & modus agendi Pœnitentiam decernitur ; sed hoc tempore non vigent amplius.

His subjunguntur Canones, qui vulgò dicuntur Apostolici, eò quòd ex multorum opinione ab Apostolis traditi, tanquam regulæ ad formandos Christianorum mores, & à Clemente I. S. Petri discipulo, collecti fuerint, Eorum numerus diversus assignatur. In fine Corporis Juris nostri recensentur 84. Baronius autem refert tantùm 52. tanquam authenticos. Sed hi Canones, etsi sub initium sexti sæculi ab Ecclesia Græca fuerint recepti, tanquam verè Apostolici, & saltem 50. priores cœperint eodem tempore à multis recipi in Ecclesia Latina, adhuc tamen hodie à multis eruditis habentur omnes, ut suppositicii, nec verè collecti à Clemente, etsi multi multa utilia contineant. *Ratio illorum est* 1. quia Gelasius Papa in Concilio Romano septuaginta Episcoporum eos recenset inter libros ab Ecclesia rejectos, & non probatos. 2. Quia nullus priorum sæculorum scriptor illorum meminit, etiam dum maximè debuisset ; quando nempe agebatur de controversia, per hos Canones definita. Nam S. Cyprianus contenden-

dens

dens baptizatos ab Hæreticis rebaptizandos esse, nunquam meminit Canonis 46. expressè dicentis, Episcopum, aut Presbyterum; suscipientem Baptismum Hæreticorum, damnari præcipimus; Nec Victor Papa, in controversia cum Episcopis Asiaticis de Paschate celebrando, allegavit unquam Canonem septimum, qui vetat, Pascha cum Judæis celebrari. Hi autem Canones, si fuissent agniti Apostolici, utrique debuissent allegari; nam controversiam decidissent. 3. Quia continent errores, nempe: Hæreticum esse, qui Jesum suspicatur Deum super omnia: Baptismum ab Hæretico collatum debere iterari: Patrem esse Deum Spiritûs sancti. 4. Quia Apostolis, festa statuunt: certum autem est, quod Apostoli sibi ipsi festa non instituerint. 5. Quia primis Ecclesiæ Patribus non videntur fuisse noti: neque S. Epiphanius & S. Hieronymus, qui omnia Clementis scripta recensent, illos ipsi, ut collectori, adscribunt. Imò S. Isidorus Hispalensis signanter dicit, hos Canones nec à SS. PP. nec ab Ecclesia recipi; sed ab Hæreticis esse confictos. Quare authoritatem non habent. Vide Francolinum in Tyroc Theol. p. 2. p. 117.

Q U Æ S T I O VI.

Quid circa 5. Decretales sit observandum?

Resp. 1. Decretalos sunt Constitutiones, five Epistolæ variorum Pontificum, quas in unum volumen collegit S. Raymundus de Penafort, Ord. S. Dominici, sub ann. Christi

1230. autoritate Gregorii Papæ IX. Collegit autem eas ex quinque antiquioribus collectionibus S. Ivonis Episcopi Carnotensis, Anno 1114. S. Brocardi, vel Burchardi, Episcopi Wormatiensis, Anno 1020. &c.

2. Decretales dividuntur in 5. libros, libri in Titulos, Tituli in Canones, seu Capita. Citantur hoc modo; *Can. Super literis, 20. de rescriptis.* Vel: *Can. 20. de rescriptis.* Vel: *Can. Super literis, de rescriptis.* Vel: *Can. 32. eodem.* Quando enim citatur Canon ex eodem titulo, de quo immediatè antè fuit aliquid citatum, usurpatur vox *eodem*.

3. In 1mo libro Decretalium post aliquot titulos generales de constitutionibus, consuetudine, & rescriptis, agitur de modo constituendi Prælatos, & ordinandi personas Ecclesiasticas. In 2do, de Processu judiciali. In 3tio, de Clericorum, tum Sæcularium, tum Regularium vita, obligationibus, & rebus. In 4to, de Sponsalibus, & Matrimonio. In 5to, de delictis, & pœnis.

Q U Æ S T I O VII.

Quid circa librum sextum Decretalium?

Resp. Complectitur Constitutiones, & Decreta Pontificum, qui Ecclesiæ præfuerunt post Gregorium IX. & duorum Generalium Concil. Lugdunensium: quæ jussu Bonifacii VIII. collegit Richardus Senensis, & distinxit pariter in 5. libros, quorum singuli divisi sunt in titulos, & quidem eosdem (omissis tamen aliquibus) quos habent Decretales priores:

Titu-

titulos verò rursus divisit in Canones seu Capita ; unde citatio fit sicut in prioribus cum hoc discrimine solum , quòd in fine citationis addatur : in 6. v. g. *Can. Pastoralis. de Clericis agrotantibus in 6.* Huic operi in fine adjunctæ sunt 88. regulæ juris , desumptæ potissimum ex regulis Juris Cæsarei. Citantur hoc modo : v. g. *Quòd alicui gratiosè conceditur , trahi non debet aliis in exemplum. Reg. 74. Juris in 6.*

Q U Æ S T I O VIII.

Quid de Clementinis?

Resp. Sunt Constitutiones jussu Clementis V. editæ , & partim collectæ in Concilio Viennensi , in Gallia Anno 1310. celebrato , partim ex propriis ejus statutis , & Clemente mortuo per ejus Successorem Joannem XXII. Avinionense Anno 1317. residentem promulgatæ. Dividuntur pariter in 5. libros , quorum singuli suis titulis constant , uti decretales , & decretalium sextus. Dividuntur dein tituli in Canones seu Capita , & citantur hoc modo : v. g. *Clementinâ unicâ. de renuntiatione.* Vel : *Clementinâ. Cum illusio. de renuntiatione.* Vel : *Clementinâ ad nostrum. 3. de hæreticis.* Vel : *Clementinâ 3. de hæreticis.* Vel : *Canone ad nostrum 3. in Clementinis &c.*

Q U Æ S T I O IX.

Quid de Extravagantibus. Joan. XXII.

Resp. Sunt Constitutiones Joannis XXII.
dictæ

dictæ extravagantes , quia antè necdum insertæ Corpori Juris Canonici , sede incertâ quasi vagabantur extra illud , in quod nunc numero viginti relatæ sunt , habentque 5. libros, distributos in eisdem titulos , sed valde paucos , & in Capita more Clementinarum , ad quarum etiam modum citantur : v. g. *Extravagante Joan. XXII. ad Conditorem. de verb. signif.* Vel : *Can. ad Conditorem de V. signif. in Extravag. Joan. XXII.* Pro voce *Extravag.* ponitur subinde sola Vox *Ex*, vel littera *X*.

Q U Æ S T I O X.

Quæ dicantur Extravagantes communes?

Resp. Constitutiones pluribus Pontificibus Communes , seu à pluribus editæ , olim non insertæ Corpori Juris. Dividuntur in 5. libros , & hi in titulos , hi rursus in capitula. Citantur uti Extravagantes antecedentes, ponendo loco Joan. XXII. *Inter communes* , vel *in communibus*. V. g. *Extravag. quia non nulli. de sententia Excomm. inter communes.*

His partibus Juris Canonici adjectus est liber 7mus & ultimus , in 5. libros perinde , ut sextus decretalium , divisus , cum quo etiam in titulis plerisque , & in materia titulorum, modoque citandi convenit. Collectus est à Matthæo jurisconsulto Lugdunensi. Verùm quia nec jussu , nec autoritate , nec approbatione Pontificis alicujus id factum est , auctoritatem juris non habet ; sed relatæ ibi Bullæ , vel Constitutiones Pontificum eum tantum valorem habent , quem habent independenter ab illa collectione , quæ authentica non est. Idem esto
judi-

Judicium : de institutionibus Juris Canonici à
Lancelloto Jurisconsulto conscriptis , & nunc
Corpori Juris appressis.

Q U Æ S T I O XI.

An saltem omnes partes Corporis juris
antecedentes habeant authoritatem le-
galem , & vim Juris Ecclesiastici quo-
ad omnes textus ?

Resp. 1. Decretum Gratiani per se non ha-
bet authoritatem legalem , nec vim decisivam
in foro , & scholis ; quia nec Gratianus , ut-
pote vir privatus , illi authoritatem , vel vim
dare potuit ; nec dedit aliquis Pontifex. Con-
tenta tamen in eo vim illam habent , quam
habent fontes , ex quibus ea desumpsit Gra-
tianus ; quia , postquam Gregorius XIII. De-
cretum illud ab ertoribus , quibus abundabat,
diligenter expurgavit , censentur contenta in
eo convenire cum originalibus. Proinde , quæ
ex S. Scriptura desumpta sunt , habent autori-
tatem divinam : quæ ex Decretis Pontificum ,
vel Conc. Generalium , vim Juris Ecclesiastici
obtinent : quæ ex SS. PP. etsi magnam pro-
babilitatem habeant , non tamen vim legis ,
nisi fortè aliunde per Pontifices eâ donata sint.
Quæ ex constitutionibus Imperatorum , & le-
gibus civilibus Gratianus inspersit , in foro Ec-
clesiastico recipiuntur , quando suppleant defe-
ctum Juris Canonici , nec repugnant immu-
nitati Ecclesiasticæ , nihilque determinant circa
res , vel personas Ecclesiasticas , seu quando
ab Ecclesia sunt approbata , aut usu communi
sunt recepta. Quæ denique ex suo addidit ,
non

non nisi auctoritatem Authoris privati habent.

Resp. 2. Reliquæ Juris Canonici partes, ut Libri 5. & sextus decretalium, Clementinæ, extravagantes, tum Joannes XXII. cum communes vim legalem habent; quia eas aut condidit, aut approbavit summus Pontifex. Unde & singuli textus decisivi vim illam habent, nisi eam amiserint per consuetudinem, vel constitutionem contrariam: Consuetudo enim vim habet abrogandi legem, & lex posterior priorem tollit, si cum ea conciliari nequeat. Cæterum textus partium, quæ eundem habent Authorem, ut Libri 5. decretalium, Greg. IX. & sextus Bonifacii VIII. conantur Doctores ab omni contrarietate, & correctione absolvere, nisi in textu posteriore exprimaturs clarè correctio prioris.

Q U Æ S T I O XII.

Quid sit Rubrica, & quæ ejus
auctoritas?

Resp. Rubrica est brevis summa materiæ subsequenti, vel constitutionis, cui præfigitur: quæ, quia olim solebat rubris characteribus exprimi, *Rubrica*, vel *Rubrum* dicitur. Est autem in quinque partibus ultimis, seu in decretalibus, Clementinis, & extravagantibus maximæ auctoritatis, quia sicut textus, ita & rubricæ, ab auctoritate Pontificis vim habent. Unde, quando textus non est satis clarus, à rubro ad nigrum utilis est argumentatio, & interpretatio ad decisionem causarum. *Arg.*

L. 1. Si de rebus credendis. Non est tamen

tanta

tanta autoritas rubricæ in decreto Gratiani, quia vel ipse, vel alius eam fecit: unde ab ea ad textum argumentatio non stringit.

Q U Æ S T I O XIII.

Quid sit Glossa, & quæ ejus autoritas?

Resp. Glossa est Canonum, vel textuum uberior explicatio, ad marginem apposita ab Accursio antiquo Glossatore Juris Canonici. Unde Corpus Juris, fusiorem hanc explicationem habens, dicitur glossatum, vel majus: aliud autem, cui tantum breves adjectæ sunt notæ, seu explicatio brevior, & varix citationes, dicitur Corpus Juris notis illustratum. Quamvis autem Glossa (idem est de notis) magnam habet probabilitatem, nisi communis DD. aut consuetudo obstat; tamen non habet autoritatem Juris. In glossa vel textu occurrens litera C. significat *contra*, *I. Infra*, *S. supra*. Præter leges, seu constitutiones, in Corpore Juris contentas, sunt alix varix, ut conditæ à Tridentino, in Bullis latæ à Pontificibus, quæ in Bullario legi possunt.

Q U Æ S T I O XIV.

Quid sit Corpus Juris Civilis, seu Cæsareæ?

Resp. Est collectio legum, quibus omnes Imperio Romano subjecti diriguntur ad pacem, tranquillitatem, aliaque commoda temporalia, & publica. Cœprum est colligi in ordinem circa annum 528. tempore Justiniani Imperatoris. Dividitur ab aliquibus in tres,
ab

ab aliis in 4. ab aliis in 5. partes, videlicet in Institutiones, Digesta, Codicem, Novellas, & Libros Feudorum.

Q U Æ S T I O XV.

Quid de Institutionibus observandum?

Resp. Institutiones sunt quasi quoddam legum compendium, quod prima elementa scientiæ legalis, imò universam legum materiam exhibet. Collectæ sunt autoritate Justiniani senioris ex digestis & Codice Justiniano antiquo, non quo nunc utimur, sed ex aliis antiquioribus constitutionibus. Dividuntur in 4. libros, distinctos in titulos, & Paragraphos. Quando citantur, primò allegatur Paragraphus, deinde titulus, hoc modo: §. *Inter eas 2. Inst. de nuptiis.* Quandoque omittitur numerus, & dicitur: §. *Inter eas Inst. de nuptiis*: Quandoque ponitur numerus, & omittitur initium Paragraphi hoc modo: §. *2. Inst. de nuptiis*: Quandoque additur Pr. quibus literis indicatur principium Paragraphi, qui in iis reperitur. Institutiones quandoque exprimuntur per unicam litteram I. aut S.

Q U Æ S T I O XVI.

Quid de Digestis?

Resp. Digesta, græcè Pandectæ, continent leges, & responsa Juris Consultorum, jussu & autoritate Justiniani collecta, & confirmata, in 50. libros digesta; quorum 24. priores

ores digestum vetus : 14. sequentes infortia-
tum ; fortè quia agunt de ultimis voluntati-
bus , quæ post mortem testatoris fortissimæ
sunt , vel quia de fortuitis successionebus tra-
ctant : reliqui 12. digestum novum vocantur ,
cujus tamen distinctionis in legum citatione
nulla habetur ratio. Quando citantur digesta,
formatur litera majuscula D. vel græcum π .
vel loco hujus ponitur ff. Citatio fit hoc mo-
do : 1. citatur lex per literam L , deinde
initium , vel numerus legis , vel initium , &
numerus simul , tum additur ff. demum titu-
lus libri , seu rubrica . v. g. L. *Jus publicum*.
38. ff. de pactis. Vel L. *Jus publicum* ff. de
pactis. Vel L. 38. ff. de pactis. Quando autem
lex est longior , & divisa in Paragraphos , alle-
gatur vel ejus principium per literas pr. vel §. &
quandoque Versus per literam v. v. g. L. *Juris*
gentium 7. §. 8. v. in rem. ff. de pactis.

Q U Æ S T I O XVII.

Quid de Codice?

Resp. Codex continet 12. libros , quorum
tamen tres ultimos aliqui alteri juris parti adjii-
ciunt. Modus citandi est fere idem , qui in Di-
gestis , hoc tamen cum discrimine ; quod sæpius
primo loco allegetur Codex per literam majusculam
C. dein hoc speciale est in citatione Codi-
cis , quod in tribus libris ejus ultimis addatur
numerus libri , v. g. C. de *Jure Fidei* L. 1. Lib.
10. Vel L. *Omnes profugi* 8. §. Caterum C. de
Agriculis Lib. 11.

Porro Novellæ quædam sub titulis conve-
nientibus insertæ sunt ab Irnerio , quæ appel-
l. R. P. *Rexer Theol. Mor.* P. III. B lan-

Q U Æ S T I O ultima.

Quid de jure feudali observandum?

Resp. Jus feudale sunt consuetudines feudales, duobus libris comprehensæ, qui distinguuntur in titulos, & capita, & Paragraphos. Quando citantur, ponitur unum, vel duplex F. hoc ferè modo: 2. F. 55. Vel: 1. FF. Tit. 14. §. ultimo de Feudo Marchia, &c. Quintus liber de Feudis, qui adjicitur, non habet authoritatem.

Extra Corpus Juris Civilis dantur adhuc alia constitutiones: ut sunt rñò Bulla aurea, quæ agit de electione Imperatoris, de officiis, & juribus Principum Electorum, citaturque per B. A. 2. Capitulario Cæsarea, quâ Imperator electus acceptat juratus condiciones sibi propositas. 3. Pax profana, seu pragmatica sanctio, quâ omnis vis injusta atteritur astitibus, & subditis Imperii. 4. Pax religiosa, quâ liberum religionis suæ exercitium hæreticis in Imperio est permissum Passavij per Ferdinandum I. Anno 1552. & quæ deinde renovata est per instrumentum pacis Osnabrugensis. 5. Ordinatio criminalis Carolina, seu Nemesis. 6. Recessus, seu ordinationes Imperij. Citatio recessus fit per R. I. Pacificationis Osnabrug per P. O. &c.





DIVISIO & SERIES

PARTIS III.

TRACTATUS I.

De Justitia, & Jure tum in genere, tum in specie, deque hujus subiecto, objecto, & modis id acquirendi citra contractum.

CAPUT I.

De Quidditate, & divisione Justitiæ, ejusque obligatione.

Questio I. Quid sit Justitia, prout est virtus specialis? N. 2.

Questio II. Quomodo dividatur Justitia specialis? 3.

Questio III. Quanta sit obligatio Justitiæ tum commutativæ, & distributivæ, tum legalis & vindicativæ? n. 7.

CA-

CAPUT II.

De
Quidditate , & Divisione Juris , &
Dominii.

Questio I. Quid sit Jus proprietatis activum ,
ei respondens Jus passivum , & debitum ?

n. 13

Questio II. Quomodo Jus proprietatis divi-
datur ?

n. 16

Questio III. Quid , & quotuplex sit dominium
proprietatis ?

n. 17

Questio IV. Quid sit ususfructus , Feudum ,
Emphyteusis ?

n. 19.

Questio V. Quid , & quotuplex sit servitus ?

n. 22.

Questio VI. Quid , & quotuplex sit possessio ,
quæ ejus emolumenta , & quomodo acqui-
ratur , & amittatur ?

n. 24

CAPUT III.

De Subjecto , & Objecto Dominii.

Questio I. Quæ universim cadant sub Domi-
nium hominis ?

n. 28

Questio II. Quæ bona temporalia cadant sub
dominium filiorum familias ?

n. 40

Questio III. Quæ bona temporalia subsint do-
minio conjugum tum privativè , tum cumu-
lativè ?

n. 46

Questio IV. Quæ dominio dominorum Eccle-
siasticorum ?

n. 48

Questio V. Quæ temporalia subesse possint do-
minio Religiosorum ?

n. 52

B 3

Questio

Questio VI. Quorum Dominium habeant man-
cipia?

n. 55

C A P U T IV.

De modis acquirendi Dominium pro-
prietatis citra præscriptionem,
& contractum.

Questio I. Quæ universim necessaria sint ad ac-
quirendum Dominium proprietatis? n. 57

Questio II. An, & quomodo acquiratur Do-
minium animalium per occupationem, vena-
tionem, &c. n. 58

Questio III. An, & quomodo peccet, qui ve-
natur, vel piscatur in loco aperto, ubi, &
quando adest justa prohibitio? n. 62

Questio IV. Cui per inventionem acquiratur
thesaurus? n. 63

Questio V. An, & cui per inventionem acqui-
rantur fodinæ, & venæ metallicæ? n. 66

Questio VI. Cui, & quomodo acquirantur
alia bona incerta, vacantia, & derelicta? n. 67

Questio VII. Quomodo acquiratur Dominium
lignatione, pastione, & jure belli? n. 73

Questio VIII. Quomodo Dominium acquira-
tur per accessionem tum naturalem, tum in-
dustrialem? n. 77

C A P U T V.

De modo acquirendi Dominium per præ-
scriptionem, seu usucapionem.

Questio I. Quid sit usucapio, seu præscriptio? n. 86

Questio

Quaestio II. An per praescriptionem transferatur Dominium etiam pro foro conscientiae?

n. 87

Quaestio III. Quænam requirantur ad legitimam praescriptionem?

n. 89

Quaestio IV. An, & quomodo bona fides Authoris, seu possessoris antecedentis prosit, & mala obsit Successori in ordine ad praescriptionem?

n. 95

Quaestio V. Quantum temporis requiratur, ut praescribantur tum immobilia, tum mobilia praescriptionis capacia?

n. 98

Quaestio VI. Quandonam praescriptio dicatur non procedere, dormire, vel interrumpi?

n. 103

Quaestio VII. Quænam praescribi non possint?

n. 104

Quaestio VIII. Quibus concedatur restitutio in integrum contra praescriptionem?

n. 105

TRACTATUS II.

De Justitia servanda in contractibus, & jure per illos acquirendo,

CAPUT I.

De contractibus in genere.

Quaestio I. Quid sit contractus, & quid pactum?

n. 106

Quaestio II. Quomodo contractus dividatur?

n. 108

Quaestio III. Qualis debeat esse materia contractus validi?

n. 109

Quaestio IV. An validus, & firmus sit contractus ex errore, vel dolo procedens? n. 111

Quaestio V. An validus, & firmus sit contractus ex metu initus, & quid dicendum in dubio? n. 118

Quaestio VI. An, & quatenus validus, vel invalidus sit contractus sub conditione? n. 130

Quaestio VII. Quandonam validus, aut invalidus sit contractus sub causa, modo, demonstratione, poena, disjunctione, vel in diem celebratus? n. 132

Quaestio VIII. An validus sit contractus initus cum intentione quidem contrahendi, sed sine voluntate se obligandi, vel absque solemnitate juris praescripta? n. 140

Quaestio IX. Quinam possint, & quinam non possint contractus inire valide? n. 141

Quaestio X. An, & quatenus pupillus, & minor possint valide contrahere, & contractibus obligari? n. 142

Quaestio XI. An, & quatenus possint valide contrahere filii-familias, uxores, Religiosi, servi, & prodigi? n. 146

Quaestio XII. An, si pupillus sine tutoris, minor sine curatoris, filius-familias sine patris consensu acceperit pecuniam mutuam sit obligatio restituendi? n. 151

Quaestio XIII. An contractus jure positivo irriti, vel irritabiles, accedente juramento de iis servandis promissorio, convalescant, vel ita firmentur, ut obligent etiam ex iustitia? n. 153



C A P U T II.

De promissione liberali, & gratuita
donatione ?

Quaestio I. Quid sit liberalis, & gratuita promissio ? n. 156

Quaestio II. Quænam requirantur, ut promissio valeat, & obliget ? n. 157

Quaestio III. Quomodo promissio acceptata obliget ? n. 159

Quaestio IV. Quandonam promissio valida & acceptata revocari possit, & obligare desinat ? n. 163

Quaestio V. Quid, & quotuplex sit donatio ? n. 165

Quaestio VI. Quid dicendum, si donatio, vel promissio fiat absenti per nuntium, vel litteras ? n. 167

Quaestio VII. Quænam donationes, & promissiones sint Jure Civili irritæ, vel infirmæ ? n. 168

Quaestio VIII. Quas ob causas donatio valida, & acceptata revocari licitè possit ? n. 171

Quaestio IX. An donatio, facta ad certum finem, sit valida, & firma, si finis ille non præstetur ? n. 172

Quaestio X. Quid observandum de donatione mortis causâ ? n. 173

C A P U T III.

De Deposito, Commodato, Precario,
& Mandato.

Quaestio I. Quid sit contractus depositi, & quæ depositarii obligationes ? n. 174

Questio II. Quid sit commodatum, & precarium? n. 177

Questio III. Quæ sint obligationes commodatarii? n. 178

Questio IV. Quæ sint obligationes commodantis? n. 179

Questio V. Quid sit mandatum, & quæ obligationes mandatarii, & mandantis? n. 180

C A P U T IV.

De Mutuo, & Usura,

Questio I. Quid sit contractus mutui, seu mutuatio? n. 183

Questio II. Quæ sint obligationes mutuatarii, & mutuantis? n. 184

Questio III. In qua specie, & bonitate res mutui accepta restitui debeat? n. 185

Questio IV. Quid, & quoduplex sit usura, & contractus usurarius? n. 187

Questio V. Quo jure usura sit prohibita? n. 189

Questio VI. An, & qui sint tituli, ob quos liceat mutuantii exigere aliquid ultra sortem? n. 191

Questio VII. An usurarius acquirat dominium usurarum, & fructuum, quos postea inde lucratur? n. 196

Questio VIII. Quando, & à quibus restituendæ sint usurae, & damna, per eas causata, reparanda? n. 198

Questio IX. An liceat petere mutuum sub usura, & usuras solvere? n. 199

Questio X. Quæ poenæ sint statutz usurariis notis? n. 200

Quæ

Quaestio XI. Quomodo ab usura excusetur praxis, praesertim in Germania, exigendi singulis annis 4. vel 5. erga 100. mutuo datos, absque eo, quod alius titulus allegetur, aut in iudicio probari debeat? n. 201

CAPUT V.

De Emptione, & Venditione.

Quaestio I. Quid sit venditio, & emptio? n. 202

Quaestio II. Quod, & quocumque sit pretium iustum rerum venalium? n. 203

Quaestio III. An res, quae nec habent legitimum, nec vulgare pretium, vendi possint, quanti dominus voluerit? n. 205

Quaestio IV. Ex quibus causis crescat, vel decrescat, pretium rerum venalium? n. 206

Quaestio V. An liceat aliquando vendere supra, aut emere infra iustum vulgare pretium rei, secundum se spectatae? n. 208

Quaestio VI. Quae vitia mercis teneantur venditor emptori manifestare? n. 215

Quaestio VII. An, & quatenus liceat vendere res mixtas, & inducere emptores, ut carius emanent? n. 219

Quaestio VIII. Quando emptor acquirat dominium rei emptae? n. 224

Quaestio IX. Ad quem pertineat periculum, commodum, & incommodum rei venditae? n. 225

Quaestio X. Quae pacta venditioni, & emptioni licite possint adjici? n. 227

Quaestio XI. Quae non liceat vendere, & emere? n. 232

Quaestio XII. An licita sint monopolia? 233

Quaestio

Quaestio XIII. Quid de venditionis rescissione,
retractu rei venditæ, & evictione? n. 234

C A P U T VI.

De Contractu Locationis, & Con- ductionis.

Quaestio I. Quid sit locatio, & conductio? n. 235

Quaestio II. Quæ sint obligationes locatoris? n. 236

Quaestio III. Quæ sint obligationes locatarii,
seu conductoris? n. 237

Quaestio IV. Quæ in hac materia observanda
sint circa famulantes, & operarios? n. 238

C A P U T VII.

De Censu, Emphyteusi, Feudo, & Libello.

Quaestio I. Quid, & quotuplex sit census? n. 241

Quaestio II. Quid sit emphyteusis, & quæ
emphyteutæ obligationes? n. 247

Quaestio III. Quid de feudo, & libello? n. 250

C A P U T VIII.

De Contractu Societatis.

Quaestio I. Quid sit contractus Societatis? n. 253

Quaestio II. Quænam requirantur, ut sit ju-
stus? n. 254

Quaestio

Quaestio III. An licitus sit contractus Societatis triplex.

n. 256

CAPUT IX.

De Contractu Cambii.

Quaestio I. Quid, & quoruplex sit Cambium?

n. 257

Quaestio II. An, & ex quibus titulis licitum, & justum sit cambium tum manuale, tum locale?

n. 258

Quaestio III. An licitum sit cambium, quo quis dat pecuniam, in nundinis v. g. Francofurtensibus recipiendam, cum lucro majore, vel minore, quò magis vel minus distant nundinae à die numeratae pecuniae?

n. 259

CAPUT X.

De Contractibus, in quibus fortuna admiscetur, affecuratione, spon-
sione, lusu, sorte.

Quaestio I. Quid sit affecuratio, & quid ad ejus justitiam requiratur?

n. 260

Quaestio II. Quid sit sponsio, seu concertatio de rei veritate, vel eventu?

n. 261

Quaestio III. Quid sit lusus, & quæ ad ejus honestatem, & justitiam requisita?

n. 262

Quaestio IV. Qui lusus sint lege positivâ prohibiti?

n. 264

Quaestio V. Quid de contractu sortis?

n. 265

CAPUT

CAPUT XI.

De Contraſtibus ſubſidiariis , fidejuſſione , pignore , hypothecâ.

Quæſtio I. Quid ſit fidejuſſio , & à quibus præſtari poſſit ? n. 266

Quæſtio II. Quid ſit pignus , & hypotheca ? n. 267

Quæſtio III. Quotuplex ſit hypotheca ? n. 268

Quæſtio IV. An in contraſtu pignoris liceat convenire , ut creditor utatur pignore , vel hypothecâ , v.g. agro , & fructus tamdiu inde percipiat , donec debitum ſolvatur ? n. 269

Quæſtio V. Quid de tranſactione obſervandum ? n. 270

CAPUT XII.

De ultimis voluntatibus , teſtamento , codicillo , donatione mortis cauſâ , legato , fidei-commiſſo.

Quæſtio I. Quid ſit teſtamentum , codicillus , donatio mortis cauſa , legatum , fidei-commiſſum ? n. 271

Quæſtio II. An , & quomodo teſtamentum , & reliquæ ultimæ voluntates valeant factæ ad pias cauſas ſine ſolennitate Juris Civilis ? n. 276

Quæſtio III. An teſtamenta , facta ad cauſas profanas , deſtituta ſolennitatibus Juris Civilis , valeant pro foro conſcientiæ ? n. 278

Quæſtio

Quaestio IV. Quinam condere non possint testamentum? n. 280

Quaestio V. Quinam hæredes institui non possint? n. 281

Quaestio VI. Qui sint hæredes ab intestato? n. 282

Quaestio VII. Qui sint hæredes necessarii? n. 283

Quaestio VIII. Quæ sit portio legitima, hæredibus necessariis ex hæreditate debita? n. 284

Quaestio IX. Quos effectus habeat in testamento clausula codicillaris? n. 287

Quaestio X. Quibus casibus legata profana, in testamento profano invalido relicta, subsistant in foro etiam externo? n. 288

Quaestio XI. An, & à quo testamentum, & reliquæ ultimæ voluntates mutari, & revocari possint? n. 289

Quaestio XII. Quæ sint obligationes, commoda, & privilegia hæredis, tum ab intestato, tum per testamentum? n. 290

Quaestio XIII. Quæ observanda sint hæredi circa solutionem legatorum? n. 291

Quaestio XIV. An, & quando valeat renunciatio hæreditatis? n. 290

TRACTATUS III.

De Injuriis, & Jure læso per Justitiam reparando, seu Restitutione.



CAPUT I.

De Injuria, & Restitutione in genere.

- Quaestio I.* Quid, & quotuplex sit injuria? n. 293
- Quaestio II.* An scienti, & volenti possit fieri injuria? n. 295
- Quaestio III.* Quid sit restitutio, & quæ ejus necessitas? n. 297
- Quaestio IV.* Quæ sint radices, seu tituli, ex quibus oritur obligatio restituendi? n. 300
- Quaestio V.* Quæ sit mensura, & discrimen obligationis restituendi, ortæ ex re aliena, & injusta damnificatione? n. 301

CAPUT II.

De obligatione restituendi titulo rei acceptæ, seu alienæ.

- Quaestio I.* Ad quid possidens bonâ fide rem alienam teneatur, & quid possit domino rei comparente? n. 302
- Quaestio II.* Ad quid teneatur, aut quid possit, qui bonâ fide rem furtivam possidet titulo emptionis, donationis, &c.? n. 308
- Quaestio III.* An possessor bonæ fidei fructus, ex re aliena titulo singulari v.g. emptionis, donationis, &c. possessâ, ante litis contestationem perceptos, tantum in æquivalente existentes, teneatur domino restituere comparenti? n. 310

CAPUT

C A P U T III.

De obligatione restituendi titulo injustæ
damnificationis.

Questio I. An obligatio illa oriatur ex sola culpa Theologica ?

n. 314

Questio II. Qualis esse debeat culpa Theologica , ut ex ea sequatur dicta obligatio ?

n. 319

Questio III. Quæ culpa Theologica inducat gravem , & quæ levem restituendi obligationem ?

n. 321

Questio IV. An culpa graviter læsiva Juris alieni , venialis tantum ex imperfectione actus , inducat obligationem restituendi ?

n. 322

Questio V. An culpæ merè veniales , plene deliberatæ , successivæ , tamen graviter læsivæ Juris alieni , inducant obligationem gravem restituendi , titulo injustæ damnificationis ?

n. 326

Questio VI. Ad quam restitutionem teneatur malæ fidei possessor , & damnificator formaliter injustus ?

n. 329

Questio VII. An , & quando ad restitutionem teneatur , qui alium impedivit à consecutione alicujus boni ?

n. 331

Questio VIII. An , & quando obligatio restituendi , titulo injustæ acceptionis , oriatur ex acceptione turpis lucri ?

n. 336



CAPUT IV.

De obligatione restituendi , titulo injustæ cōoperationis ad damnum alienum.

Quæstio I. Quibus modis cooperari quis possit ad alterius damnum ? n. 340

Quæstio II. Quid requiratur , ut quis uno ex prædictis modis cooperando injustæ damnificationi, teneatur restituere ? n. 341

Quæstio III. Quantum singuli ad damnum cōoperatorum teneantur restituere, titulo injustæ damnificationis ? n. 343

Quæstio IV. Quo ordine prædicti teneantur ad restitutionem ? n. 344

Quæstio V. An, & quando unus cooperans restituit , ab obligatione liberentur alii ? n. 345

CAPUT V.

De circumstantiis restitutionis in genere, & causis ab ea excusantibus , vel perpetuò , vel ad tempus.

Quæstio I. Cui, quando, ubi, cujus sumptibus & periculo sit facienda restitutio ? n. 346

Quæstio II. Quo ordine sit facienda restitutio, quando debitor non est par solvendis debitis omnibus ? n. 350

Quæstio III. Quæ causæ excusent à restitutione, cognitâ jam ejus obligatione ? n. 351

Quæstio IV. Quæ , & quando excuset impotentia ? n. 352

Quæstio

Quaestio V. Quæ condonatio, vel remissio debiti excuset? n. 353

Quaestio VI. Quâ ratione excuset cessio fori? n. 354

Quaestio VII. Quale damnum excuset à restitutione? n. 355

Quaestio VIII. Quando solutio creditoris facta creditori excuset? n. 356

Quaestio IX. Quando excuset rei interitus? n. 357

Quaestio X. Quando excuset compensatio? n. 358

Quaestio XI. Quando excuset sententia Iudicis? n. 359

Quaestio XII. An donatio facta creditori liberet ab onere restitutionis? n. 360

Quaestio XIII. In quibus excuset compositio cum Papa? n. 361

Quaestio XIV. An excuset ingressus in Religionem? n. 362

Quaestio XV. An mors vel supplicium debitoris extinguat obligationem restituendi? n. 363

Quaestio XVI. An causa excusans à dilatione restitutionis, excuset à compensatione damni, quod Dominus vel creditor ex dilatione patitur? n. 364

C A P U T VI.

De injuriis in bonis internis animi, & corporis per occisionem, mutilationem, & vulnerationem, ortâque inde obligatione restituendi.

Quaestio I. An, & quando lædens proximum
C 2 in

in bonis tum naturalibus, tum supernaturalibus animi, peccet contra Justitiam, & teneatur ad restitutionem? n. 366

Quaestio II. An, & quis sine injuria, & licite possit occidere, mutilare, vel verberare nocentes? n. 368

Quaestio III. An aliquando liceat injustum actum aggressorem mutilare, aut occidere ad vitae suae, pudicitiae, bonorum fortunae, & famae defensionem? n. 370

Quaestio IV. An pro vitanda morte, vel gravi infamia aliquando liceat procurare abortum foetus humani? n. 375

Quaestio V. Quando licitum, quando & quibus sub poenis prohibitum sit duellum? n. 377

Quaestio VI. Quando bellum licitum sit, & quando illicitum? n. 382

Quaestio VII. Quid, & quibus teneatur restituere injustus mutilator, vulnerator, vel occisor extra duellum? n. 383

Quaestio VIII. Ad quid teneatur, qui alium occidit in duello? n. 386

C A P U T VII.

De injuriis corpori illatis per stuprum, & adulterium, ortaue inde obligatione restituendi.

Quaestio I. Quandonam corruptor virginis, seu mulieris non conjugatae, ei injuriam faciat, & teneatur ad restitutionem? n. 388

Quaestio II. Ad quid teneatur adulter & adultera, si proles ex adulterio nata sit? n. 391

Quaestio III. Ad quid teneatur adulter vel adul-

adultera , in dubio , an nata proles concepra
sit ex adulterio , vel ex quo cum pluribus ?

n. 394

C A P U T VIII.

De injuriis in fama & honore , ortaue
inde obligatione restituendi.

Quaestio I. Quid sit fama , & honor , & quibus
actibus violetur ?

n. 395

Quaestio II. Quale peccatum sit judicium ,
opinio , suspicio , & dubitatio temerariar

n. 400

Quaestio III. An , & quando detractio , & ca-
lumnia sint peccata mortalia , & quot modis
fiant ?

n. 403

Quaestio IV. An , & quando detractio sit , cri-
men publicum , aliis , id ignorantibus reve-
lare ?

n. 409

Quaestio V. An aliquando possit occultum de-
lictum alterius , consilii , solatii , auxilii , vel
gravis mali à se , vel proximo avertendi cau-
sâ , sine detractiōe revelari ?

n. 413

Quaestio VI. An , & quando licitè possit secre-
tum promissum , vel commissum revelari , vel
literarum secretum aperiri ?

n. 416

Quaestio VII. An , & quando peccet audiens
detractiōes ?

n. 420

Quaestio VIII. An , & quomodo fama sit resti-
tuenda ?

n. 422

Quaestio IX. An sit obligatio restituendi famam ,
sine formali injuria læsam ?

n. 424

Quaestio X. Quænam excusent à restitutione fa-
mæ ?

n. 425

C 3

Quæ

Quaestio XI. An, & quomodo honor per contumeliam læsus sit restituendus? n. 431

C A P U T IX.

De injuriis in bonis fortunæ per furtum,
& rapinam, orta que inde obligatione restituendi.

Quaestio I. Quid, & quotuplex sit furtum, & rapina? n. 433

Quaestio II. Quæ quantitas materiæ sufficiat, & requiratur ad furtum grave & ad inducendam obligationem gravem restituendi? n. 435

Quaestio III. Quid tenendum de furtis minutis multiplicatis? n. 442

Quaestio IV. An, & quæ necessitas excuset à furto? n. 447

Quaestio V. An, & quando occulta compensatio excusetur à furto? n. 448

Quaestio VI. Quid tenendum in variis dubiis de restitutione? n. 449

T R A C T A T U S IV.

De Justitia, & Obligationibus in
Judiciis fori externi.

C A P U T I.

De Judice.

Quaestio I. Quænam prærequirantur in Judice? n. 452

Quaestio II. Quot modis Judex juridicè procedat?

cedat adversus crimina, & quæ illi observanda?
n. 455

Quaestio III. Quid iudici liceat circa capturam, examen & torturam Rei?
n. 458

Quaestio IV. An liceat iudici acceptare munera?
n. 463

Quaestio V. An iudex, si advertat unius ex litigantibus Advocatum omittere aliquid, quo allegato evinceret litem, teneatur, aut possit illi id suggerere?
n. 464

Quaestio VI. Quæ observanda sint iudici in ferenda sententia?
n. 466

Quaestio VII. An iudex licitè possit condemnare Reum, quem privatâ scientiâ scit esse innocentem, si iuridicè probatus sit nocens?
n. 471

C A P U T II.

De Accusatore, Denuntiatore, & testibus,

Quaestio I. Quis teneatur, vel possit denuntiare, vel accusare?
n. 472

Quaestio II. An, & quando accusationi, & denuntiationi præmittenda sit privata correctio?
n. 474

Quaestio III. Quot, & quales ad legitimum iudicium testes requirantur, & sufficiant?
n. 475

Quaestio IV. An citatus ad testandum, & interrogatus à iudice teneatur respondere, & dicere veritatem?
n. 476

Quaestio V. Quibus casibus testis etiam legitime interrogatus non teneatur respondere?
n. 477

Quaestio VI. An peccet, & ad quid teneatur,
C 4 qui

qui se occultat, ne ad testandum citetur, aut
qui citatus non comparet, vel interrogatus
veritatem dicere dissimulat, aut falsum te-
statur ?

n. 478

C A P U T III.

De Reo.

Quaestio I. An, & quando Reus à iudice inter-
rogatus teneatur fateri veritatem ? n. 481

Quaestio II. An peccet mortaliter Reus, si, ut
tormentis liberetur, imponat sibi falsum cri-
men, falsò se dicendo nocentem, ob quod
morte perimetur ? n. 489

Quaestio III. An Reo, verè etiam nocenti, liceat
fugere ex carcere ? n. 490

Quaestio IV. An, & quando Reus condem-
natus teneatur sententiæ iudicis obedire ?
n. 492

C A P U T IV.

De Advocato, Procuratore, Referente, & Notario, &c.

Quaestio I. Quæ sint obligationes Advocati ?
n. 497

Quaestio II. Quid sit Procurator judicialis, &
quod ejus officium ? n. 498

Quaestio III. Quid sit Assessor, Referens, & No-
tarius ? n. 499

Quaestio IV. Quæ iuramenta in iudicio pos-
sint, & soleant exigi, vel præstari ? n. 500

CAPUT V.

De re judicata.

Quaestio I. Quando Sententia censeatur transiisse in rem judicaram? n. 503

Quaestio II. Quibus casibus Sententia judicis non transeat in rem judicaram? n. 507

Quaestio III. An transitus Sententiæ in rem judicaram locum quoque habeat in foro conscientiae, dum postmodum Sententia scitur fuisse injusta ex parte objecti? n. 508

Quaestio IV. An idem procedat in transactionibus, & foederibus, inter Reges, ut supremos Principes, ita, ut injuriam passus, salvâ conscientia, resilire, & priora sua vi armorum dein recuperare possit? n. 510

Quaestio V. An saltem Summus Pontifex foedera Catholicorum tum inter se, tum cum A Catholicis possit relaxare? n. 511



TRACTATUS I.

D E

Justitia, & Jure in genere ac specie, deque hujus Subjecto, Objecto, & Modis illud acquirendi citrà Contractum,

CAPUT I.

De Quidditate, & Divisione Justitiæ, ejusque Obligatione.

1.
*Quid
veniat
nomine
justitiæ?*

Justitia sumitur 1. Pro gratia sanctificante, quâ eam habens Justus constituitur, id est, elevatur, aptusque fit ad eliciendos actus supernaturales, quibus se conformet voluntati divinæ. 2. Pro collectione omnium virtutum; Justitia enim sonat æquationem debiti cum lege; omnis autem virtus procurat quandam æquationem voluntatis cum regula morum, seu lege Dei, per rationem propositâ, cujus observatio debita est. 3. Pro charitate, quæ, cum sit plenitudo legis, merito dicitur Justitia, utpotè ordinans hominem, ut omni lege se coæquet, seu conformet. 4. Accipitur pro una ex virtutibus Cardinalibus, & complectitur omnes virtutes morales ad alterum, ut sunt Religio, obedientia, gratitudo, observantia, fidelitas, veracitas, affabilitas, liberalitas, misericordia, pietas in parentes. 5. Accipitur pro virtute speciali ad alterum, red-dente alteri, quod ei stricto jure debetur, & de hac hic agitur.

QUÆS.

QUÆSTIO 1.

Quid sit Justitia , prout est Virtus
specialis ?

Resp. Justitia est virtus appetitiva , volun-
tatem adjuvans ad tribuendum constanter ac
perpetuò cuique jus suum propter specialem ho-
nestatem in eo relucentem. Dicitur 1. *Vir-*
tus ? quia disponit suum subiectum ad actum in
suo genere perfectum. Dicitur 2. *Voluntatem*
adjuvans ; ut intelligatur ejus officium , quod
est , adjuvare , vel simpliciter elevando ad actus
naturæ indebitos , vel facilitando tantum ad
actus naturales , & sic definitio Justitiam su-
pernaturalem , & naturalem complectitur.
Dicitur 3. *Ad tribuendum cuique* ; per quod
indicatur , quòd Justitia sit virtus ad alterum,
suumque subiectum , rectè illud ad alterum
afficiendo , ordinet ad finem ultimum , secus
ac fortitudo & temperantia , quæ moderantur
passiones sine respectu ad alterum , & hinc di-
cuntur virtutes ad se. Dicitur 4. *Ad tribuen-*
dum cuique jus suum ; id est , ex jure debitum,
quod sunt tum actiones , & omissiones Juri
activo alterius debitæ ; tum ea , quæ per illas
actiones tribuenda sunt , per quæ indicatur
objectum materiale Justitiæ , tum proximum ,
quod sunt actiones illæ & omissiones : tum re-
motum , quod sunt omnia , circa quæ actiones
& omissiones illæ debitæ versari debent. Di-
citur 5. *Constanter & perpetuò* ; quia Justitia
non tantum elicere debet actus firmos , sed
etiam urget , dum alterius juri plenè reipsâ sit
satisfactum : unde specialiter dicitur , respice-
re

re medium rei, seu consistens in indivisibili, quod non variatur pro varietate circumstantiarum, ideoque facile per se invenibile est: id est, Justitia exigit tantum poni, quantum debetur: non attendendo, an is, cui debetur, sit dives, an pauper; vilis, an honoratus, debilis, vel firmus; sique per errorem etiam bonæ fidei non sit satisfactum, urget satisfactio- nem: secus ac aliæ virtutes appetitivæ morales, quæ respiciunt medium, seu præscriptum ratio- nis, consideratis circumstantiis, v.g. tempe- rantia non eandem quantitatem cibi & potus omnibus, nec eidem semper eandem permit- tit, vel præscribit, sed pro dispositione sub- jecti, & circumstantiis. Atque hinc Justitiæ non satisfacit, nisi res in individuo restituatur, & juxta communem ei non satisfacit per solu- tionem probabilem; quia, cum hæc non æqui- valeat solutioni certæ, qui eam ponit, non po- nit, quantum debet, adeoque manet jus alte- rius, urgetque Justitia, ut satisfiat pro ratione dubii saltem, secus est de aliis virtutibus mora- libus. Dicitur 6. *Propter specialem honestatem*; quibus indicatur objectum formale Justitiæ, & discrimen præcipuum ab aliis virtutibus, proba- turque esse virtus moralis. Atque his confor- miter intelligenda est definitio Justitiæ, quâ di- citur: constans ac perpetua voluntas jus suum cuique tribuendi, sive per voluntatem intelliga- tur habitus, sive actus.



QUÆSTIO II.

Quomodo dividatur Justitia specialis?

Resp. Dividitur in commutativam, distribu-^{3.}
tivam, legalem, & vindicativam, seu retributi- *Divisa.*
vam. Explico membra singula.

1. Justitia commutativa est virtus specialis *Justitia*
ordinans privatum adtribuendum cuique jus *commu-*
suum, directe tendens in utilitatem propriam *tativa.*
sui subjecti. Hæc, si de naturali loquimur,
non est una specie infima: nam cum bona,
quæ vel conservat illæsa, aut læsa reparat, ha-
beant valde diversam conducibilitatem ad
usum, felicitatemque humanam, Jura quoque
ad illa bona sunt notabiliter diversa, adeo-
que & in iis tribuendis, conservandis, & resti-
tuendis notabiliter diversa honestas reperitur,
quæ facit virtutes specie differre: v. g. Justitia,
quatenus versatur circa Jus ad famam, diver-
sa est ab ea, quæ versatur circa Jus ad hono-
rem, bona fortunæ, vitæ, &c. Hinc & specie
diversa sunt peccata, læsio honoris, læsio fa-
mæ, vitæ, membrorum, pudicitæ, rationis,
fortunæ, &c. secundum dicta de peccatis.
num. 340.

2. Justitia distributiva est virtus specialis *Distri-*
ordinans communitatem, vel ejus Principem *butiva.*
ad rectam distributionem bonorum commu-
nium secundum jus proportionale, quod mem-
bra communitatis, quæ talia, ad ista habent.
Dicitur 1. *Virtus specialis*; ob specialem ho-
nestatem, quæ in proportionata dignitati, vel
merito, & indigentia distributione bonorum
com-

communium inter membra communitatis re-
lucet. Dicitur 2. *Ordinans communitatem*,
vel ejus Principem, quàm talem; quia hæc vir-
tus à solo Superiore, quàm tali, exerceri potest
erga membra communitatis, quàm talia, utpote,
qui solus habet obligationem, & potestatem
distribuendi bona communia membris com-
munitatis, sique extraneis illa communicaret,
actum hujus virtutis non exerceret. Dicitur 3.

Bonorum; quia, etsi distributio onerum, quo-
ad modum, imitetur Justitiam distributivam;
pertinet tamen ad Justitiam commutativam;
quia nemo ad illa onera Jus quoddam habet,
sed Jus quisque habet, ne gravetur impro-
portionatè relativè ad alios. Dicitur 4. *Bo-*

4. *Bona* *bonorum communium*; quæ in triplici sunt classe.
commu- In prima sunt bona, quæ ità sunt communi-
nia sunt tatis, ut singulis quidem competat Jus utendi
in tri- vel fruendi, non expedit tamen illa ulli ap-
plici propriari, ut sunt sylvæ cæduæ, pascua com-
classe. munia, viæ, & domus publica, fontes, fluvii.
In 2da classe sunt bona, quæ sic sunt commu-
nitatis, ut expedit ea aliquando membris
appropriari ad succurrendum indigentia, ad
merita compensanda &c. talia sunt, pecunia
ærarii communis, frumenta, vina communia,
honores &c. horum bonorum ante distribu-
tionem Jus in re est penes communitatem,
Jus ad rem penes membra singula secundum
partem, sed objectivè inadæquatè pro majore
vel minore indigentia & dignitate, prout legè
vel pacto portio fuerit statuta. Si nihil sit sta-
tutum, nullus habet Jus strictum ad quidquam
ex iis. In 3tia classe sunt, quæ sic sunt com-
munitatis, ut intendendo principaliter bonum
communitatis, illa aliquando conferri particu-
laribus

laribus oporteat : talia sunt officia publica , & beneficia , dignitatesque Ecclesiasticæ. Hæc ante distributionem pleno jure pertinent ad communiter ; Jus ad rem particularis nullus habet , nisi lex vel pactum intervenerit de iis juxta capacitatem serviendi Reip. distribuendis. Hoc genus bonorum simpliciter & per se est bonum commune , ad justitiam distributivam pertinens ; quia etiam post distributionem tendit directè & principaliter ad felicitatem communiter , quâ talis. Sic Consularatus , etsi Consul actualis Jus reale in illo habeat cum obligatione serviendi bono Reipublicæ , adhuc directè tendit in utilitatem publicam. Bona verò 2dæ classis ad eam pertinent per accidens ; quia sic possunt fieri hominis privati , ut ea directè in suam utilitatem convertere possit , consumendo , vel alienando , sicque desinant esse bona communia. Idem est de iis , quæ quis participat de bonis primæ classis.

3. *Justitia legalis* est virtus specialis , ordinans partem communiter , quâ talem , ad procurandum bonum communiter , ob honestatem in eo relucens. Dicitur *Legalis* ; quia habet pro objecto id , quod debetur communiter ratione legum. Dicitur etiam *generalis* ; quia versatur circa debitum , ortum ex Jure communi , seu generali , quod communiter habet ad actiones , & omissiones , & bona privatorum. Differt ab obedientia ; quia hæc primariò & directè spectat honestatem repertam in eo , quod quis suo Superiori , tanquam principio gubernativo obediat ; illa verò ob honestatem repertam in eo , quod pars , quâ talis , procuret bonum suæ communiter , quâ talis.

4. Ju-

*Vindi-
cativa.*

4. *Justitia vindicativa* est virtus specialis, ordinans communitatem, vel ejus præsidem ad delicta subditorum convenienter puniendâ, quia id fieri honestum est: quamvis enim per punitionem delictorum procuretur bonum commune, attamen independenter ab hoc honestum est delicta puniri, ut, quantum homo à dignitate hominis aberravit, tantum illi auferatur de iis, quæ hominis dignitati debentur, & quantum legitimæ potestati se subtrahit, tantum illi se subjectum sentiat, non quod hæc virtus in alterius malo sistat quâ tali, sed ut correctivo & commensurato culpæ. Cæterum actus justitiæ vindicativæ imperari possunt à justitia legali, & commutativa. Imò in delictorum punitione miscetur justitia commutativa, quia reus strictum Jus habet, ne puniatur ultra condignum, ob quam causam justitia vindicativa nomen justitiæ sortiri videtur potius, quàm aliæ virtutes ad alterum, cum de cætero in reo Jus activum exigens prænam non respiciat. Et hinc secundum se considerata, propriè justitiæ species distincta non est.

Huic accedit justitia præmiativa, quæ cum justitia vindicativa distributivam integrat, atque ita in Rep. plenum justum constituitur: per justitiam enim commutativam pars se justè habet erga partem, per distributivam superior, vel communitas justè habet se erga partem suâ quâ talem, per legalem pars quâ talis erga communitatem, per vindicativam Resp. erga Reos, per præmiativam erga bene meritos. Ex his

5.
*Differunt
specie.*

Colliges partes, seu membra dividentia justitiæ differre specie tum inter se, tum ab aliis vir-

virtutibus ad alterum ob honestatem diversam, fundatam in diversis debitis & juribus: Nam justitia commutativa respicit jus rigorosum in altero directè, & per se tendens in privatam ejus utilitatem, vi cujus potest quis exigere tanquam propriè suum, deque eo disporre, in suo vero subjecto debitum quoque respicit rigorosum, vi cujus tenetur alterius juri respondere, ità, ut, nisi faciat, injuriam committat, teneaturque ad restitutionem: Justitia autem distributiva respicit jus minùs rigorosum, & respectivum, dependens à numero & dignitate civium, vi cujus non potest pars communitatis de bono communi aliquid sibi vindicare, usurpare, & in rigore exigere tanquam suum, unde in Rep. non est debitum Justitiæ distributivæ nisi legale; Justitia verò legalis respicit jus etiam minùs rigorosum, fundatum in connexionè partis cum communitate, vi cujus debet per actiones, & omissiones suas consulere bono communi, tanquam participans de bono communitatis, hocque si negligat, sit reus socordix, & puniri potest, non tamen obnoxius restitutioni, nisi pactum intervenerit, aut violatio Justitiæ commutativæ. Esse autem diversam honestatem in horum jurium adæquatione, per se patet consideranti. Denique quòd specie differat Justitia ab aliis virtutibus ad alterum, non minùs clarum est, utpote quarum debita in aliis, diversisque titulis fundantur: v. g. debitum religionis fundatur in excellentia Dei infinita, & indispensabili nostra ab eo dependentia: debitum pietatis in principio ortùs nostri: debitum observantiæ in principio gubernationis,

quæ debita cùm adæquari non possint, nomen Justitiæ virtutes illæ non sortiuntur : debitum vero gratitudinis, liberalitatis tantùm in titulo honestatis, tenentē se ex parte retribuentis, vel dantis; nam nobis potiùs debemus harum virtutum exercitium, quàm alteri.

Q U Æ S T I O III.

Quanta sit obligatio Justitiæ tum commutativæ, & distributivæ, tum legalis, & vindicativæ.

6. Resp. 1. mò. Justitia commutativa obligat sub
Per se mortali ex genere suo, non tamen toto; quia,
sub gra- manendo intra ejus materiam, læsio illius potest
vi obli- esse gravis, ut furtum 100. potest quoque esse
gat com- levis, ut furtum unius assis.

mutati- Resp. 2. Justitia distributiva obligat quo-
va. que, per se loquendo, sub mortali ad justam
Item di- distributionem bonorum communium, ex na-
stribu- tura sua, & per se talium, ut sunt officia, &
tiva. munia publica, beneficiaque Ecclesiastica. *Ra-*
tio est; quia, si secus fiat, committitur ac-
ceptio personarum, quæ juxta omnes est ex ge-
nere suo mortale, cùm gravissima mala in
Remp. inducere nata sit, respiciatque pro cau-
sa non causam, seu ea, quæ personam ad offi-
cium aptiorem non faciunt, ut est sanguinis con-
junctio, amicitia peculiaris, pecunia, &c.
Dixi. *Bonorum communium, ex natura sua*
talium; nam ad distribuenda proportionatè
bona per accidens talia, ut sunt pecuniæ æra-
rii, sylvæ cæduæ, spolia, terræ communes
dividendæ ad fruges producendas, &c. ordi-
nariè

variè de facto obligat Justitia commutativa per pactum saltem implicitum, interveniens ad illa bona distribuenda secundum formam Justitiæ distributiæ, ita, ut personæ particulares jus rigorosum habeant secundum proportionem suæ dignitatis ex iis participandi, cuius læsio ex Justitia commutativa reparanda sit ab iniquo distributore, ut habet com. cum S. Th. q. 62. a. 2. ad 4. *Ratio est* : quia, quando bona principaliter ordinata in utilitatem privatorum, iis sunt distribuenda, prudenter præsumitur intendi à communitate, ut juxta formam Justitiæ distributiæ distribuatur, v.g. ut spolia, hostibus erepta, à Duce militibus distribuantur secundum proportionem meritum; ex tali autem intentione communitatis privati acquirunt jus rigorosum ad partem suæ dignitati proportionatam, sicut acquirunt hæredes, quibus testator secundum proportionem inæqualis dignitatis jubet hæreditatem distribui. Atque hoc sensu dicunt DD. communiter, in distributione iniqua bonorum communium peccari contra Justitiam distributivam, & commutativam; quia nec servatur forma, & materia Justitiæ distributiæ, cui respondet tanquam titulus inæqualis dignitas nudè spectata, necdum formaliter, & sub peccato gravi obligans (nisi fortè lex ex speciali Justitiæ distributiæ honestate lata accesserit) sed mensutans tantum obligationem alienam; nec servatur Justitia commutativa secundum formam, & mensuram Justitiæ distributiæ, obligans distributorem per voluntatem Reip. intendentis principaliter utilitatem particularium personarum. Atque ideo docet Tannerus, Disp. 4. Q. 1. Dub. 1. N. 23.

Justitiam distributivam lædi materialiter & mediatè, commutativam autem formaliter & immediatè, cujus solius violatiopem per se loquendo sufficiat aperire in Confessione dicendo: intuli aliis gravem injuriam in bonis fortunæ, quod etiam approbat Lugo Disp. 1. N. 49.

7. *Legalis quandoque.* Resp. 3. Justitia legalis etiam citra contemptum boni communis obligat quandoque sub mortali: graviter enim aliquando repugnat re-
Legalis quandoque. *æta* rationi, nolle, cum quis facile potest, amoliri à Republ. grave malum, v. g. exitiale bellum, grave incendium ab urbe sua, estque hoc peccatum specie diversum repugnans honestati speciali Justitiæ legalis.

8. *Vindictiva per se vix unquam.* Resp. 4. Justitia vindictiva præcisè secundum se vix unquam graviter obligat; quia sistendo intra ejus limites, omissio punitionis delictorum vix unquam repugnat graviter regulæ morum, imò bene meritis remittere poenam, actus quandoque est clementiæ. Dixi: *Præcisè secundum se*: Nam ad punienda delicta quandoque graviter obligat Justitia tum commutativa, tum distributiva, tum legalis; quia Judex, ut subditi serventur indemnes, obligatur tum Reip. tum privatis, ad ejus stipendium concurrentibus ex contractu tacito ad punienda delicta, exigitque ab eo id sæpè bonum commune, imò & charitas, dum delictorum impunitas ab aliis trahitur in exemplum.

9. *Per se grave est eligere indignum.* Hinc imò mortale peccatum est, & intrinsicè malum promovere simpliciter indignum, seu ineptum ad officium sæculare publicum, v. g. consulatum, præturam, &c. est communis omnium. *Ratio est*: quia repugnat tum
Per se grave est eligere indignum. *fide-*

fidelitati, quam administrator debet Reip. tum justitiæ commutativæ, quâ tenetur non tantum non cooperari damnis Reip. sed etiam illa ab ipsa avertere; tum justitiæ distributivæ, quæ jubet bona publica distribuere secundum dignitatem; tum denique religioni ob juramentum præstitum. Estque hoc verum non tantum de supremo Principe; sed etiam de Collegio Senatorum; unde tenentur in dignitatem eligendi inquirere. Idem dicit Sanchez de resignante officium.

2. Est quoque intrinsecè malum, & per se loquendo, peccatum mortale ad officium sæculare publicum promovere, vel eligere dignum præterito digniore, si hic commodè haberi possit, & officium sit non levis momenti. Ita DD. communiùs contra Cajet. Vasq. & alios. *Ratio est*; quia, nisi id esset graviter prohibitum, non bene provisum esset Reip. sed gravia damna pateretur propter ministros minùs aptos, qui debent posse avertere damna, etiam extraordinariè occurrentia. Oritur autem obligatio digniorem præferendum ex fidelitate, tum ex justitia commutativa, & distributiva. Est tamen excusationi à peccato mortali locus, si dignior non facilè haberi possit, nec mortale erit minùs dignum præficere, si officium non sit magni momenti, aut excessus non sit gravis.

Controversia est, an vendere liceat officia sæcularia publica. Affirmat Esparza & alii: *Vendere* negant alii cum Lugone. Sed tria in officio publico, quæ plerumque concurrunt, consideranda sunt: 1. Imò nempe Jurisdictio, & in ea fundata præeminentia. 2. Stipendium justum. 3. Excessus illius. Jurisdictio vendi

non potest ; quia ordinatur in bonum Reip.
non verò in bonum illam habentis , nec ven-
di potest præminencia in potestate præcipienti-
di fundata : quia & hæc ordinatur in bonum
commune. Denique nec vendi potest justum
stipendium , quia hoc aliunde debetur ex ju-
stitia. Superest tantum emolumentum tem-
porale excedens debitum stipendium : ob hoc
pretium proportionatum exigi potest ab ha-
bente supremam potestatem , modò officium
conferatur digniori ; attamen & hoc dissua-
dendum est ob periculum damni : sic enim fa-
cilè negligerentur digniores , & subditi grava-
buntur , ut recipiatur pretium. Beneficia Ec-
clesiastica dignioribus esse conferenda , dixi P.II
N.400.

CAP T U II.

De Quidditate, & Divisione Juris,
& Dominii.

12.
*Quid
veniat
nomine
juris.*

Nomine Juris venit imò peritia legum,
seu Jurisprudentia : & sic dicitur quis stu-
dere Juri , vocaturque ars æqui & boni. 2.
Lex aliquid dictans , vel præscribens : & sic
dicuntur aliqua esse juris naturalis , alia juris
positivi , divini vel humani , Ecclesiastici , vel
civilis. 3. Locus , in quo Judex secundum
leges fert sententiam : & hoc sensu dicitur quis
vocari in jus , in jure comparere , &c. 4. Id,
quod alteri debetur , & dicitur justum , Jus
passivum objectivum. 5. Moralispotestas au-
thoritative disponendi de aliquo : & hæc si
principaliter & directè ordinetur in bonum
alio-

aliorum, puta, subditorum, vel communitatis; dicitur Jus, vel Dominium Jurisdictionis, cujus actus sunt præcipere, prohibere, permittere, ferre sententiam, seu ligare, absolvere, punire, præmiare. Et huic responder in subdito debitum legale, seu obligatio obtemperandi. Si verò ordinetur directe, & principaliter in utilitatem sui subjecti, dicitur Jus proprietatis, cui in altero respondet debitum rigorosum, cujus violatio injuriam constituit. De Jure in hac postrema significatione nobis tantum hic sermo est.

Q U Æ S T I O I.

Quid sit Jus proprietatis activum, ei-
que respondens Jus passivum,
& debitum?

Resp. 1. mod. Jus proprietatis activum, Me- 13.
taphysicè spectatum, est libera, & authorita- *Defini-*
tiva potestas disponendi de aliquo, directe, & *tio juris*
principaliter immediate ordinata in bonum *activi.*
sui subjecti. Dicitur 1. mod. *Potestas libera;*
quia Jus soli naturæ intellectuali competit, qua-
tenus libera est, potestque subire, vel indu-
cere obligationem in alium. Dicitur 2. *Po-*
testas authoritativa; quia debet esse munita
lege naturali, vel positivâ, favente Jus ha-
benti, & gravante alios, sicque conferente illi
quandam præminentiam in dispositione, ita,
ut vi illius non possit in ea ab aliis privatis
impediri authoritative. Dicitur 3. *Disponen-*
di; id est, ponendi, vel obtinendi actiones,
vel omissiones, v. g. re utendi, eam venden-
di, donandi, destruendi, &c. exigendi, ut

aliter tibi rem debitam ex contractu tradat, ne quid faciat, vel attentet contra te, ne per fraudem impediatur à consecutione boni. Unde Jus quoque definiri potest: potestas libera, directè & principaliter in bonum proprium subiecti sui ordinata, disponendi de aliquo, non impedibilis licitè ab aliis. Dicitur 4. *Directè, immediatè, & principaliter ordinata in bonum sui subiecti*; per quod Jus proprietatis primariò differt à Jure jurisdictionis. Dico 2. *primariò*, nam etiam differt in eo, quod Jus proprietatis non obliget suum subiectum ad operandum in utilitatem propriam, cum sua possit aliis liberaliter dare, destruere sine aliorum injuria; at Jus jurisdictionis obligat superiorem ad sui usum in bonum subditorum.

14.
*Constituti-
ua
juris.*

Resp. 2. Jus formale activum, prout est forma quædam relativa sui subiecti ad certas actiones, aut omissiones exercendas vel obtinendas, est complexum quoddam morale, quod physicè suo modo constituit, imò. Libertas physica: 2. Titulus, v.g. contractus, occupatio & rei derelictæ. 3. Lex favens Jus habenti, & gravans alios. 4. Cognitio illius legis, vel tituli. 5. Libera utriusque acceptatio. 6. Si Jus sit proximè expeditum, negatio legis actum verantis, vel irritantis. His enim habitis habetur Jus, & uno deficiente non habetur Jus formale, saltem proximè expeditum: nam si desit libertas, non habetur potestas moralis libera. Si desit titulus, non assistit lex, adeoque deficit potestas authoritativa; si lex non faveat uni, & alios grave, non est cur unus alteri præferatur in usu, vel dispositione; si lex & titulus non acceptetur libe-

liberè, lex non favet; quia favorem non obtrudit: si desit cognitio, acceptari non potest liberè: si desit negatio legis prohibentis, vel irritantis, Jus quidem esse potest, sed non proximè expeditum. Addi potest libertas etiam ejus, contra quem Jus habetur, quia hâc sublatâ, obligari non potest. An autem hæc omnia sint de essentia juris, ad Scholasticos pertinet examinare, ad moralem non facit. Dici potest, quòd lex habeat hunc tendendi modum: Volo homini esse Jus in re, vel ad rem, dum adest legitimus titulus, ejusque libera acceptatio; adeoque Jus essentialiter consistat in lege, & legis, tituliue liberâ acceptione, reliqua sint tantùm termini à lege essentialiter respecti.

Cæterum Jus potest esse vel actuale, cujus constitutiva actu existunt: vel habituale, cujus constitutiva quidem non sunt actu omnia, fructu tamen, nec sunt retractata; quale Jus est in dormientibus; vel formale, cujus constitutiva habentur omnia: vel radicale, quod non habet omnia requisita in se, continet tamen virtute, potestque ea inducere. Formale dicitur vinculatum, si lege aliquâ dispositio prohibeatur, vel irritetur. Denique potest esse vel intrinsecum, cujus constitutiva sunt in ipso Jus habente, vel extrinsecum, cujus constitutiva non sunt physicè, vel objectivè in habente Jus, sed in alio, qui ejus vices supplet, ut sunt Respublica, vel tutor respectu infantis, qui hæres est, jusque habet ad hæreditatem. In exemplo: Cajus moriens scribit te hæredem, id nescientem, & jam incipit tibi favere Jus titulo testamenti, dicentisque habero jus radicale, & in causâ ad hæ-

reditatem : deinde tibi innotescit, quodd scriptus sis hæres, hocque acceptas ; jam habes jus formale : quodd si lege prohibearis dispo- nere de hæreditate, v. g. quia pupillus es ; diceris habere jus vinculatum, seu non pro- ximè expeditum : quodd, si adhuc rationis im- pos esses, haberes jus tibi physicè extrinsecum, moraliter, & fictione juris intrinsecum ; quia resp. pro te voluntate perseverante in lege ac- ceptat.

15. Resp. 3. Jus passivum rigorosum formale, *Defini-* respondens juri activo, est obligatio ad actio- *tio juris* nem, vel omissionem aliquam, alteri præ- *passivi,* standam, quam is autoritative exigere potest *sen de-* in bonum proprium. Hujus constitutiva sunt *biti.* eadem, quæ sunt juris activi ; sicut enim ea- dem est relatio physicè, quæ denominat Ca- jum, v. g. patrem, & Titium ejus filium, ita eadem physicè est relatio, quæ denominat te valentem autoritative obtinere certas actiones, vel omissiones à Titio, & Titium illas debentem ; debitum autem rigorosum, quodd & ju- stum dicitur, est æquale debitum alteri ex jure.

Debi- Dixi : *Debitum rigorosum* ; nam debitum *tum est* triplex est, unum simplicis honestatis, puræ *triplex,* decentiæ, & purè morale, fundatum in ho- nestate virtutis, cujus violatione contrahitur solùm turpitudine moralis. Tale est debitum gratitudinis erga benefactores. 2dum est le- gale generale, fundatum in lege obligante in conscientia. Tale est debitum filiorum ad alendum parentes in necessitate, debitum pie- tatis in parentibus ad procuranda filiis necessa- ria. Hæc debita non fundantur in jure alio- rum, sed in solâ honestate virtutis, vel lege.

rium legale speciale est debitum rigorosum, cujus solutionem exigere alter autoritativè potest, ut ei reddatur, quod suum est, & quod exigere potest absque eo, quòd debeat gratias, si præstetur.

Ex his constat, quòd terminus immediatus juris activi sit semper actio, vel omissio præstanda, vel ab obligato, vel ab ipso jus habente exercenda; terminus autem mediatuſ saepe est res alia, circa quam actio, vel omissio versatur; ut patet in solutione pretii, traditione rei venditæ; aliquando tamen nullus intervenit terminus ab actione, vel omissione distinctus, ut si quis præcisè ad aliquam meam actionem vel omissionem jus habet, v. g. ne impediam eum à consecutione beneficii, ad quod nullum jus habet; ut eam ad certum locum tanquam nuncius.

Q U Æ S T I O II.

Quomodo Jus proprietatis dividatur?

Resp. Dividitur imò in reale, seu jus in re, & personale, seu jus ad rem. Jus reale *ius in re* seu in re est, quod quis habet in rem existentem, sibi immediatè obligatam; unde definitur libera: & autoritativa potestas disponendi de re sibi immediatè obligata, ità, ut, qui jus in re habet, possit eam, ad quemcunque devenit, sibi vindicare, deque illà pro libitu disponere, nisi fortè lex specialis hic & nunc certæ dispositioni obsistat; uti contingit circa rem pignori datam, elocatam, in feudum, vel emphyteusin concessam: Dominus enim retinet Jus in re, nequit tamen in præjudicium alteri.

alterius partis de ea pro libitu disponere, donec cesser contractus. Unde patet, quod jus in re sit affixum rei, illamque Domino ubique devinctam teneat; ideoque reale dicitur, & fundat actionem realem, quæ dicitur rei vindicatio, & inter actiones reales præcipua est. Jus ad rem est, quod quis habet ad rem sibi debitam, sed nondum traditam, ita, ut non res, sed persona aliqua sit immediatè obligata ad eam præstandam, vel tradendam; vel contineatur in re, jam immediatè obligatâ, vel effectus. Definiri potest: autoritativa potestas obtinendi actiones, vel omissiones circa rem primò habendam ut suam, seu ad consequendum jus in ea. Quare licet jus ad rem faciat hanc suo subjecto aliquo modo obstrictam, non tamen ita devincit, ut eam possit apprehendere tanquam suam; sed tantum facit, ut eam possidens possit urgeri ad eam tradendam, aut possint impediri autoritative volentes obstatere ejus consecutioni. Hinc, ut plurimum parit actionem personalem, quâ persona conveniri potest, & conditio appellatur. Dixi: *Ut plurimum*; nam non parit eam, si persona non sit, à qua res talis extradenda est. V. g. si emisti equum, habes jus ad rem ante traditionem, & actionem personalem contra venditorem, si renuat equum tradere, aut alteri eum vendiderit, & tradiderit: post traditionem autem equi tibi factam habes jus in re, & actionem realem, si quis furto tibi equum subducat. Agri tui habes jus reale, ad fructus ex eo nascituros habes jus ad rem, quod tamen actionem personalem non parit. Jus autem, quod habes adversus alios, ne ab usu rerum tuarum impediaris, ne

læda-

lædatis in fama, etsi propriè non sit jus in re, nec jus ad rem, cùm non sit ad terminum positivum, sed negativum, revocatur tamen ad jus in re, ex quo præsupposito naturaliter resultat. Si Cajo vendideris equum, & deinde vendas, & tradas illum alteri; hic habet jus in re, & Cajus jus ad rem, tenerisque ei, quanti interest, equum non fuisse venditum alteri. Ex quibus patet, quòd ad acquirendum jus ad rem sufficiat titulus sine traditione, ad acquirendum verò jus in re requiratur non tantùm titulus, v. g. venditio, emptio, donatio acceptata, sed rei existentia, & regulariter etiam traditio secundùm dicenda.

2. Dividitur jus proprietatis in naturale, *ius naturale*, quod lege naturali, & positivum, quod lege *positivum*, positivâ vel divinâ, vel humanâ seu Ecclesiasticâ, seu civili munitum est.

3. In jus paternum, quod patri in liberos quâ *pater-*tales, & œconomicum seu marital, quod ma- *nium*, & rito competit in uxorem, ut talem gubernan- *œcono-*dam: & dominativum, quod habet Dominus *micum*. in servum, quâ talem gubernandum; sed hæc jura non sunt jura proprietatis æquè strictè dicta, cùm inter tales personas, ut tales, non detur alteritas moralis: nam filius ut talis, suo modo est aliquid patris, & uxor ut talis, aliquid mariti, &c. adeoque gubernatio liberorum, & uxoris redundat aliquo modo in utilitatem patris, & mariti, sicque jura illa sunt mixta ex jure proprietatis, & jurisdictionis, seu potestatis dominativæ. Dixi: *Ut tales*: nam sic spectentur disparatè, & qui tales, potest inter eas dari jus strictum, cujus violatio injuriam constituat. Sic enim non censentur una moraliter persona: hinc si pater filii, maritus

ritus uxoris , Dominus servi , vel contra , famam , aliave bona ipsi propria læderet injustè , strictam injuriam committeret. Unde , quando dicitur , quòd inter patrem , & filium , uxorem , & virum , dominum , & servum stricta exerceri non possit Justitia , sensus non est , quòd in sensu composito filiationis , matrimonii , vel servitutis nequeat exerceri , nec quòd in iis fundari non possit jus strictum : nam in Matrimonio fundatur jus strictum ad debitum conjugale : in servitute fundatur jus strictum domini ad operas servi ; in filiatione fundatur jus illud restrictum patris , vi cujus potest eum vendere in necessitate , pro sua vita tuenda , in servum. Sed sensus est , quòd non omnis obligatio , orta ex illis titulis , sit strictæ Justitiæ : adeoque particula reduplicativa sensum universalem non facit , sicque strictè non accipitur : nam pater filium , maritus uxorem , dominus servum tenetur gubernare , hicque illis vicissim obedire , sed non ex Justitia stricta.

4. Dividitur Jus reale in dominium , usum , usumfructum , feudum , emphyteusim , superficiem , libellum , pignus , hypothecam , quibus affinis est possessio , velut complementum domini. Habet enim creditor jus quoddam reale in pignus , depositarius in rem depositam , usufructuarius in rem ad usum datam , &c. habent nempe jus possessionis , detentionis , usus , &c. Hoc jus tamen est imperfectum ,
& simpliciter dominium dici non meretur.



Q U Æ S T I O III.

Quid , & quotuplex sit dominium
proprietatis ?

Resp. 1. Est authoritativa potestas , de re ^{17.}
sibi specialiter & immediate devinctâ , dispo- *Defini-*
nendi directè in utilitatem propriam, saltem nisi *tio do-*
lex obstat. Vel : est Jus reale stabile, disponendi *minii.*
de re aliquâ tanquam suâ, seu suo nomine, ar-
bitratu ; & authoritate , nisi lex vel pactum
obstat. Definitio constat ex dictis. Dixi tamen
1. *Dominium proprietatis* : nam dominium Ju-
risdictionis est potestas authoritativa disponen-
di, seu actiones , vel omissiones obtinendi ,
principaliter tendens in utilitatem subditorum.
Dixi 2. *Jus stabile* ; quia datur Jus in re, quod
propriè dominium non est , ut Jus in pigno-
re , vel hypothecâ creditoris , hoc quia infir-
mum , & ad nutum creditoris extinguibile est,
nomen domini propriè dicti non obtinet. Di-
xi 3. *Nisi lex , vel pactum obstat* ; quia po-
test quis habere dominium, etsi ejus usus lege
impediatur , aut irritetur : sic pupillus habet
dominium bonorum suorum ; etsi non possit
sine consensu tutoris validè de iis disponere.
Dixi : *Saltem, nisi &c.* nam dubium hic mo-
vetur , an potestas authoritativa disponendi ,
quæ jus vel dominium constituit , mereatur
nomen juris vel domini in ordine ad actum
prohibitum , aut per legem positivam irritum.
Ratio dubitandi ex una parte est ; quia potest
manere potestas transferendi jus per actum il-
licitum : sic si vendidisti Cajo equum, & non-
dum tradidisti , si dein eundem vendas Titio,
& tra-

& tradas, verè transfers dominium, etsi illicitè agas; idem est, si Cajus primò contraxit Sponsalia cum Berta, & deinde Matrimonium ineat cum aliâ non impeditâ. Similiter, si duo conjuges, mutuo consensu, voveant castitatem, usus Matrimonii fit illicitus, & tamen manet jus conjugale: sique Matrimonio uterentur, votum quidem violarent, non essent tamen rei fornicationis. Ob has rationes tenent quidam, dari jus ad actum lege positivâ illicitum, non quidem proximè expeditum ad eum licitè ponendum, sed vincularum, & terminativè conditionatum. Ratio dubitandi ex altera parte est; quia nemo habet jus ad peccandum, v. gr. ad immolandum agnum idolo, comedendas carnes die Veneris. Hinc negant dari dominium ad actum illicitum. Respondent primi, neminem habere jus ad peccatum ut tale, habere tamen potestatem legitimam ad actum, vel sine injuria alterius, vel validè ponendum, aut jus completum in sensu diviso legis vetantis, quâ sublatâ, jam sine accessu novæ potestatis posset exire in actum illum, & hoc sufficere ad jus. Ex quibus vides, quæstionem esse de nomine, in qua meliùs loquuntur, qui simpliciter negant dari jus ad actum malum; quia jus respicit actum justum ex objecto: quod addo, quia, qui dat eleëmofynam, aut solvit debitum ex malo fine, actum dominii exercet.

18.
*Dominium
 altum
 & bassum,
 perfectum,
 & inutile.*

Resp. 2. Dominium proprietatis dividitur imò in altum, & humile, seu bassum. Altum est, quod habet Princeps vel Respublica in bona subditorum, vi cuius, si ita necessitas publica, vel bonum commune postulet, ea usurpare potest in usus publicos; ita tamen, ut,

si quædam in hunc finem auferantur privato v. g. ager, domus, &c. ex communi æratio, vel aliunde fieri debeat compensatio, ne plus quàm reliqui gravetur. Hoc potest simpliciter dici dominium proprietatis; quia communitas, velut persona ficta, disponit in bonum suum. Dominium humile, sive bassum est, quod habent privati in bonis suis, salvo tamen dominio alto-Reipublicæ. Tale habet & Princeps in bonis suis, respectu quorum ipse personam privati sustinet, uti & respectu Jurisdictionis, quod verè possidet. Dividitur 2dò in dominium perfectum, seu plenum, & imperfectum. Perfectum est, Jus reale proprietatis, non restrictum Jure alterius firmo: sive potestas autoritativa disponendi de re, & fructibus ejus tanquam suis, seu nomine proprio. Imperfectum est, Jus reale disponendi, restrictum Jure alterius firmo: seu disponendi vel de sola re, vel de solis emolumentis. Unde subdividitur in dominium directum, quo quis habet solam proprietatem rei, sine Jure percipiendi fructus ejus: & in dominium utile, quod est Jus disponendi de fructibus, non de re.

Q U Æ S T I O IV.

Quid sit Usus, Ususfructus, Feudum, Emphyteusis, Superficies, Habitatio?

Resp. 1. Usus, ut est species domini, est Jus reale utendi tantum re alienâ, salvâ ejus substantiâ. Dicitur 1. *Jus*, per quod usus Juris distinguitur ab usu puri facti, seu mera licentiâ utendi re alienâ ad unum concedentis

R. P. Reuter Theol. Mor. P. III. E revo-

revocabili. Dicitur 2. *Utendi tantum* : nam qui habet tantum usum juris v. g. equi alieni pro itinere , vecturis , non potest alios fructus ex eo percipere præter utilitatem usui respondentem. Dicitur 3. *Salvâ ejus substantiâ* : quia usufructus non potest rem alienare , commodare alteri , destruere , &c. Secus est de usu puri facti in rebus , unico sui usu consumptibilibus , uti sunt cibi in mensa v. g. convivii , qui per usum destrui possunt.

20. Resp. 2. *Ususfructus* , ut est species juris realis , est Jus re alienâ fruendi , utendi , salvâ ejus substantiâ : unde est Jus non solum utendi , sed etiam omnem fructum ex ea percipiendi , libereque de hoc disponendi utpote suo. Usus actualis est assumptio rei ad aliquid , v. g. equi ad equitandum ; fructus verò est id , quod provenit ex re , ut agnus , lana ex ove , fruges ex agris &c. fœnum ex pratis , fructus arborum , proventus ex venatione , aucupio , ligna ex sylvis cæduis , quorum tamen fructuum non fit dominus , nisi postquam eos perceperit : quamdiu enim rei adhærent , faciunt unum cum illa : unde si , antequam à re separati fuerint , usufructuarius moriatur , ad dominum rei frugiferæ pertinent. Quod si soleant humanâ industriâ separari , non fiunt usufructuarii , nisi per se , vel per constitutos separaverit ; secus , si sine humana industria separari soleant : unde si ventus v. g. poma decusserit , licet possit ea colligere , & sua facere usufructuarius , si tamen proprietarius præveniat , sunt ipsius , teneretur hic tamen ad eorum æstimationem. Si fur separasset fructus , quamdiu sunt apud furem , pertinent ad proprie-

prietarium, qui tamen, si eos occupet, tenetur usufructuario ad æstimationem illorum.

Porro usufructus cessat imò morte naturali, & civili, id est, damnatione ad ultimum *Quando cesset?* supplicium usufructuarii. 2. Interitu rei frugiferæ, ut si animal moriatur, domus comburatur. 3. Omnimodâ mutatione rei, ut si ager, vel pratum fiat stagnum. 4. Præscriptione. 5. Consolidatione, si usufructuarius jus suum cedat proprietario, vel contra. 6. Lapsio tempore constituto. His casibus redit ad proprietarium, non tamen per professionem religiosam, sed manet Monasterio, vel Ordini illius capaci, ad dies vitæ professi.

Obligationes usufructuarii sunt sequentes: 1^ama debet uti re frugiferâ moderatè, ac rationabiliter, velut paterfamilias suâ, hinc si ejus negligentia, vel abusu fiat deterior, tenetur in conscientia de damno. 2^ada. Si res frugifera sit pomarium, sylva, vineæ, &c. tenetur in locum arborum vel stipitum emorientium novas plantare, non tamen, si tempestate extraordinariâ deiciantur. 3^atia. Si sit domus, tenetur ad modicam reparationem, ut integra permaneat. non tamen ad sumptus, quibus melior evadat. Si vetustate corruat, neuter tenetur eam reedificare: hoc tamen si proprietarius faciat, alter retinebit usumfructum. 4^ata. Si sit grex pecorum, capitibus demortuis, tenetur ex sortu alia substituere, non tamen alia emere; quia grex censetur perpetuus, secus si singulorum haberet usumfructum. 5^ata. Tenetur tributa rei imposita solvere, & pia legata, si sit usufructuarius omnium bonorum, & æs alienum secundum proportionem, si habet usumfructum partis hæreditalis.

*Obligationes
usufructuarii*

21.
Feudū,
Emphy-
teusis,
Superfi-
cies, Ha-
bitatio.

Resp. 3. Feudum est dominium utile in re aliena, concessum sub onere fidelitatis, & obsequii personalis præstandi in recognitionem dominii directi proprietario. Emphyteusis est dominium utile non minus, quam ad decennium concessum sub onere pensionis realis. Superficies est jus utendi, fruendi solâ superficie soli alieni, saltem ad decennium gratis, vel sub onere concessum, v. g. in eo ædificandi, plantandi &c. si concedatur infra decennium, erit locatio. Habitatio est jus, domum alienam inhabitandi ad dies vitæ, aliisve elocandi salvâ ejus substantiâ: differt ab usu domûs per potestatem elocandi, ab usufructu, quia solâ morte amittitur habitantis. Pignus & hypotheca formalis, sive ut est species juris, est jus in re alterius sibi obligatâ pro securitate debiti. De his plura infra, ubi de contractibus.

Q U Æ S T I O V.

Quid, & quotuplex sit Servitus?

22.
Defini-
tio.

Resp. 1mò. Servitus activè sumpta, est jus in re aliena, ad hoc, ut in ea aliquid fiat, vel non fiat in utilitatem jus illud habentis, salvâ rei substantiâ: passivè sumpta, est obligatio rei ad hoc, ut aliquid in ea fiat, vel non fiat in commodum alterius salvâ rei substantiâ. V. g. si habeam jus transeundi per agrum tuum, vehiculum agendi, vel aquam ducendi in agrum meum; servitus est, quo ager tuus meo servire debet, & meus tuo dominatur. Dixi: *Vel non fiat*; quia quædam servitutes tantum impediunt, ne aliquid fiat, v. g. ut do-

mus

mus tua non extollatur altiùs , ne officiat lumini in meam , ne in tua aperiatur fenestra , quâ possis in hortum meum prospicere. Atque ita sunt quædam servitutes affirmativæ , quædam negativæ. Dixi 2. *Jus in re* ; nam non sumitur hic servitus pro conditione , quâ unus homo dicitur mancipium alterius , seu servus , sed pro subjectione quadam rei alienæ , vi cujus debet servire alteri.

Resp. 2. Servitus dividitur imò in realem, & personalem. Realis est , quâ res unius immediate obligatur rei alterius : ut , si ager tuus debeat servire meo , v. g. pro introducenda aqua in meum. Jus autem illud transit ad eum , ad quem res transit. Personalis est , quæ immediate debetur personæ , adeoque hæc extinctâ extinguitur : ut , si domûs tuæ inhabitatio mihi debeat ; quod à plerisque referuntur feudum , Emphyteusis , & similes obligationes , quas Haunoldus potiùs dominia vult appellanda.

1. Servitus divitur in continuam , quasi continuam , & discontinuam. Continua est , cujus usus perpetuò , & quasi sine intermissione , quantum est de se , durat , ut servitus aquæ ductûs , tigni in muro tuo pro domo mea suscipiendi. Quasi continua est , cujus non quidem semper usus durat actu , tamen , utpote pendens à causis naturalibus , non continuo operantibus , semper est in potentia , ut servitus stillicidii à tecto tuo ex meo suscipiendi. Discontinua est , cujus usus non semper est , quia pendet à libera hominis voluntate , ut iter per agrum tuum. Hæc divisio bene observanda est pro intelligenda servitutum præscriptione.

*Alia
urbana,
alia ru-
stica.*

3. Servitus realis dividitur in urbanam, & rusticam. Urbana est, quæ debetur prædio urbano; rustica, quæ prædio rustico. Prædium urbanum est omne ædificium, principaliter habitandi causâ ordinatum sive in sive extra urbem, cui accensetur domus recreationis, vel lucri causa exstructa. Item hortus annexus ob voluptatem. Prædium rusticum dicitur fundus, v. g. ager, vinca, pratium, sive in sive extra urbem. Item ædificia, v. g. stabula, horrea, quæ non serviunt habitationi hominum, suntque ab habitaculo separata, quod addo, quia conjuncta prædio urbano, hoc sequuntur velut accessoria: pro his distinguendis potius ratio habenda est prædii dominantis, quam servientis.

*Servi-
tutes ur-
bane, &
rustica.* Porro servitutes urbanæ sunt obligatio admittendi tignum in muto tuo pro domo aliena, recipiendi stillicidium in tectum tuum ex tecto alterius, non attollendi altius tectum tuum, non offendi luminis, non impediendi prospectum in hortum tuum, &c. Qui habet jus exigendi hæc, habet servitutem urbanam activam, alter passivam. Servitutes rusticæ sunt iter, actus, seu ductio pecoris, via, aquæ ductus, appulsus pecoris ad aquam per fundum alienum, jus in alieno pascendi, calcis coquendæ, arenæ fodiendæ, &c. hæc, quia ut plurimum pertinent ad utilitatem prædii rustici, simpliciter dicuntur servitutes rusticæ, quamvis aliquando cedant in utilitatem prædii urbani. Denique servitutes constituuntur lege, vel contractu, aut præscriptione acquiruntur. Desinunt pariter vel præscriptione, vel remissione, vel emptione fundi servientis, facta ab eo, qui servitutem habet.

QUÆS-

Q U Æ S T I O VI.

Quid , & quotuplex sit possessio , quæ
ejus emolumenta , quomodo acqui-
ratur , & amittatur ?

Resp. 1mò. Possessio, à pedum , seu sedis,
aut potestatis positione dicta , est insistentia
rei tanquam suæ. Alia est facti , alia juris,
alia naturalis tantum , alia tantum civilis , alia
naturalis simul & civilis. Explico membra sin-
gula.

1mò. Possessio facti est detentio rei , corpo- 24.
ris, animi , & juris adminiculo. Dicitur 1mò. *Possessio*
Detentio rei , id est apprehensio prima , vel *facti*.
continuata , quâ res constituitur in potestate
possessoris. Dicitur 2. *Rei* , id est sive corpo-
reæ , sive incorporeæ ; etsi enim Juristæ res
corporeas dicant tantum possideri , res verò
incorporeas quasi possideri ; à Theologis ta-
men communissimè possideri dicuntur etiam
res incorporeæ , ut beneficia , officia , census,
& similia. Dicitur 3. Corporis, animi , &
juris adminiculo , quia ad possessionem tria
requiruntur : 1mò enim debet res actu quo-
dam corporali , v.g. pedibus , manibus in se,
vel in signo aliquo apprehendi , deinde de-
bet id fieri animo rem habendi tanquam suam,
etsi fortè sciat esse alienam. Denique jus non
debet resistere , vel impedire , quominus ta-
lis apprehensio sufficiat ad possessionem. Hinc
detentio rei sacræ à Laico nequidem est pos-
sessio facti , quia jus eam detentionem repro-
bat , & irritat. Econtra fur acquirit posses-
sionem facti rei furtivæ profanæ ; quia jus non

impedit, ne talis rei detentio sufficiat ad possessionem. Unde Possessio facti ab aliis dicitur detentio rei à jure non prohibita possideri, & aliquando apprehensa cum animo eam sibi habendi.

*Possessio
juris.*

2. Possessio juris est jus insistendi rei, non prohibita possideri, tanquam sua. Dicitur 1. *modo jus*, per quod distinguitur à possessione puri facti, quæ est actus possidendi, seu ipsa occupatio, seu detentio rei, ex qua jus oritur, si sit justa; secus in foro conscientia jus non oritur, si occupatio vel detentio justa non sit. Dicitur 2. *Insistendi rei*, id est, rem pacifice deinde, & remediis juris utendi contra perturbatores, & per hoc differt à dominio, quod est jus disponendi de re. Dicitur 3. *Tanquam sua*, id est, nomine proprio: qui enim insistit rei nomine alterius, non est verus possessor. Hinc Tutor non possidet bona pupilli, nec colonus bona Domini, nec propriè depositarius depositum, nec usufructuarius rem usui concessam, vel frugiferam; quia non possidet nomine suo. Dicitur 4. *Non prohibita possideri*, quod claritatis causâ additur, cum de cætero satis per jus intelligatur, quod legem faventem possidenti includit. Unde strictè loquendo est jus reale, seu potestas rem sibi habendi, eique insistendi tanquam suæ, fruendi que commodis inde provenientibus. Ad minus strictam possessionem juris sufficit, quod possessor velit haberi pro Domino, sic fit possidet possessione juridicâ in ordine ad aliquos effectus civiles.

*Pure
naturalis, &
civilis.*

3. Possessio purè naturalis est, quâ res, cuius possessio civilis est penes alium, corpore & animo simul retinetur ut sua, quod sufficit, quod

quoddam res semel apprehensa sit ita vicina in conspectu, ut ei continuo adesse possis, aut per alium nomine tuo possideatur actu. Possessio pure civilis est, quam rei, quam ab alio corporaliter possidetur, solo animo insistitur. Sic, si me absente alius agrum meum invaderet cum animo possidendi cum, ille inciperet possidere naturaliter, ego autem adhuc possiderem civiliter, donec reversus, auditam invasionem, agrum tentarem recuperare, & repellerer, aut non auderem, vel negligerem me opponere. Mixta, seu naturalis, & civilis simul est, quam quis rem corporis & animi adminiculo actualiter, v. g. domum, quam inhabitat, possidet, nullo alio retinente possessionem civilem. *Ceterum* in jure possessor civilis, justè possidens, simpliciter dicitur rem possidere præ possessore pure naturali: hic enim dicitur possidere tantum cum addito diminuyente *naturaliter*. Unde possessio naturalis à Juristis dicitur, quando quis rem sibi detinet, civilis verò, quando cum opinione dominii eam detinet. Unde aliqui possessionem facti naturalem, & juris civilem vocant. Alia quædam possessio est, quam civilissima dicitur in quibusdam regnis, ut Galliâ, Italiâ, Castellâ, & absque apprehensione vera, vel ficta, ex sola legum dispositione confertur, & per hanc acquiruntur hæreditates etiam ab extraneo sine ullo corporalis apprehensionis actu. Sed hæc in Imperio locum non habet, hinc nec definita. 4. Possessio justa est, cum res cum vero & legitimo titulo; injusta, cum sine justo & legitimo titulo possidetur. 5. Possessio bonæ fidei est, cum quis rem possidet,

putans esse suam ; malæ fidei , si putet non esse suam.

25.
*Emolu-
menta
possessio-
nis bonæ
fidei.*

Resp. 2. Possessio bonæ fidei hæc parit emolumenta. 1. modò. Debito tempore cum titulo continuata præscriptionem. 2. Facit in dubio, an res sit tua, vel alterius, ut possis eam retinere etiam in foro conscientiæ, si adhibita diligentia convenienti, dubium maneat. 3. In foro externo parit præsumptionem dominii, ita ut, si actor non probet rem esse suam, aut injustam possessionem, adjudicetur possidenti. 4. Confert jus administrationis ; hinc si possidens bonâ fide jus patronatus quempiam ad beneficium præsentet, valida est præsentatio ; etsi postea constet, non fuisse verum patronum. 5. Possessor vi illius potest in utroque foro, etiam vi & armis, tueri se contra injustum invasorem, servato tamen moderamine inculpatæ tutelæ ; &, si eâ dejectus sit, potest armis repetere, modò spectatâ rei naturâ (apparatus enim moram admittit) id fiat in continenti. Imò si absentis possessio rei immobilis occupata sit, & rediens à detentore repellatur, potest armis contra eum uti. Dixi : *Rei immobilis* ; nam si fur tibi rem mobilem clam subduxerit, aut si te advertente, & persequente fugerit, & jam rem extra tuam custodiam posuerit, ut quæsita reperiri non possit, non potes eam vi reperere ; quia amisisti totalem possessionem, solumque superest recursus ad remedia juris.

26.
*Quomo-
do pos-
sessio ac-
quiratur ?*

Resp. 3. Possessio acquiritur apprehensione verâ, seu physicâ, vel fictâ, & dispositione juris. Rerum vacantium possessio non acquiritur, nisi verâ corporali apprehensione ; rerum immobilium, ut domus, fundi agri, vel usus-
fru.

fructus ex iis possessio acquiritur, modò aliqua pars eorum bonorum, quæ continua, aut contigua sunt, totumque aliquod morale constituunt, verè apprehendatur: nec necesse est omnes partes, v. g. agri ingredi. Rerum mobilium possessio acquiritur, quando eam intendens possidere, locum incipit, in quo includuntur, possidere, aut à tradente dominium oculis ejus exhibetur, vel traditur instrumentum, vel scriptura, jus & titulum continens, vel clavis, ad illarum custodiam pertinens, aut rei in dominium translatae signum imprimitur, v. g. arboribus emptis in silva, vel pecoribus nondum à venditoris grege separatis.

Resp. 4. Possessio amittitur imò, morte possidentis. 2. Abdicatione, seu animo effiaci non amplius habendi rem ut suam. 3. ^{27.} Quando Per amissionem rei, nisi sit sub Domini custodia, ut quæsitā ab illo, reperiri possit. *possessio amittitur?* 4. Invasione alterius, volentis rem possidere ut suam, & non repulsi. 5. Longa absentia à re immobili, nisi alius nomine ipsius possideat, aut antè sit protestatus. 6. Rei mobilis possessio amittitur per furtum, & rapinam, ubi fur eam Domini potestati subduxerit. 7. Animalium possessio amittitur per fugam: uti, si à grege aliquod aberraverit, & diligenter quæsitum inveniri non possit; si aves, feræ, non habentes consuetudinem cundi, vel redeundi manûs nostræ custodiam evaserint; si apes avolaverint, ità ut consuetudinem redeundi non habeant. Denique possessio jurium ac rerum incorporalium amittitur amissione fundi, vel rei dominantis, item diuturno non usu

usu, etiam per vim extorto, interpellatione, præscriptione, de qua infra.

CAPUT III.

De Subjecto, & Objecto Domini.

QUÆSTIO I.

Quæ universim cadant sub Dominium hominis?

NON est hæc quæstio de Dominio Dei, qui titulo creationis, & conservationis absolutum, perfectissimumque omnium creaturarum tum jurisdictionis, tum proprietatis habet dominium. Nec quæstio est de Dominio Angelorum, qui habent dominium famæ, honoris, bonorumque suorum spiritualium, non tamen rerum corporearum, nisi fortè aliquando ex speciali Dei concessione: non enim Angelis, sed hominibus dictum *Genesis 1. Dominamini piscibus maris, & volatilibus cæli, &c.* neque rerum corporalium usu indigent. Unde, mali Angeli, si sic Deo permittente, hominibus noceant, veram iis injuriam faciunt, & homini afferentes pecunias nullum ei dominium conferunt. Quanquam, si ex bonis derelictis, v. g. in mari, vel in terra absconditis eas desumpserint, homo titulo iuræ occupationis possit fieri earum Dominus. Videri potest Lugo Disp. 3. Sect. 1. Itaque quæstio tantum est, de Dominio hominis: ad quam

28.

*Homo
quomodo
sit
dominus
sue famæ.*

Resp. 1^{mo}. Homo habet dominium, 1^{mo}, non tantum bonorum corporalium, quæ iuste acqui-

acquisivit, ut per se patet; sed etiam actuum suorum liberorum. 2. Famæ suæ, & honoris. 3. Non tamen dominium proprietatis vitæ, & membrorum; sed horum tantum est usufructuarius, & custos. Ratio primæ partis est; quia habet potentiam moralem de illis pro libitu suo disponendi in suam utilitatem, ita, ut à privato non possit sine injuria ab iis impediri. Est tamen hoc dominium minus amplum; cum de iis non possit disponere ad tam multos usus, quàm de rebus externis, eos alienando. Imò si sint mali, non habet dominium ad eos ponendos, saltem in sensu composito legis prohibentis. Habet quoque dominium in habitus acquisitos, gratiam, & dona supernaturalia divinitus collata, quatenus scilicet iis uti potest, & non uti, & iis sine injuria invitus spoliari non potest. Ratio 2dæ partis est; quia homo ex S. Thom. habet jus perfectè disponendi de iis, quæ libero suo arbitrio acquirit, nisi lege prohibeatur, atqui homo liberè acquirit suam famam, & honoris dignitatem, ut constat: nam acquirit ea per actus bonos, potestque per malos destruere sine injuria, nisi ejus infamia redundet in alios, v. g. infamia patris in filios innocentes, complices in complicem, religiosi in religionem. Potest quoque famam amissam vindicare, injustè læsæ reparationem ab alio exigere, vel condonare, imò se ex justa causa diffamare, v. g. consilii, vel insignis humilitatis causâ, modò absit scandalum, & læsio famæ alienæ. Nemo autem Jus habet exigendi à proximo positivum judicium de sua excellentia, sed tantum ut non concipiat temerè judicium contrarium, & non minuat existimationem bono
 nomi-

nomini necessariam, videlicet, quæ petitur ex vita & moribus secundum exteriorem apparentiam honestis, aliisque talentis verè possessis: non verò jus strictum habet existimationis bono nomini non simpliciter necessariæ, videlicet quæ petitur ex talentis quibusdam rarioribus non possessis, sed existimatis tantum errore vulgi, v. g. quod sit insignis Theologus, Jurisconsultus, Concionator, Medicus, cum re ipsa non sit; ideoque hunc errorem detegere non est injuriosum, nec contra charitatem, si vergat in dampnum commune, vel grave proximi. Quod dixi de fama, idem dicendum cum proportionem de honore: licet enim homo strictum Jus habeat, ne injustè inhonoretur, v. g. contumeliis, aliisve signis vilipendii, idque pro ratione dignitatis, & excellentiæ; positivam tamen honorationem stricto jure exigere non potest, nisi ejus negatio ab aliis pro contemptu, & vilipensione, ut sæpe contingit, reputaretur. Dixi, posse disponere de acquisitis, nisi lege prohibeatur: nam nec patri conceditur Jus perfectè disponendi de filiis, nec servo, aut Monacho de bonis liberè acquisitis. Dein quisque tenetur curam habere de bono nomine sibi conveniente, & necessario, v. g. Christianus de bono nomine Christiani, Religiosus de bono nomine Religiosi, &c. & quanquam quis sine injuria alterius quandoque possit prodigere suam famam, peccare tamen potest prodigendo contra charitatem ratione scandalii, imò id sine causa facere, aliis etiam seclusis, veniale saltem foret. Quamvis Tamb. in Decalogum L. 6. C. 3. §. 6. contendat posse etiam à levi peccato excusari.

*Homo
vita &
mem-
brorum.*

Ratio 3^{tiæ} partis est; quia Deus nemini, ut fatentur omnes, dedit Jus in vitam, & membra

membra sua, sed tantum illorum quasi usufructum. Cujus Ratio est; 1. Quia, cum Deus creavit hominem in suam gloriam, & obsequium, non conveniebat, ut sine consensu ejusliceret se subducere ejus servituti, vel ineptum ad illam reddere mutilando, vel occidendo se: sicut non convenit licere militi sine consensu Ducis statione suâ cedere; secus est de bonis fortunæ, quæ cum condita sint in utilitatem hominis, utile autem aliquando sit illa destrui & consumi, hinc conveniens erat, ut ea potestas esset homini. 2. Rectus ordo in Republica humana exigebat, ut homini non esset dominium suæ vitæ & membrorum, ne passione vel miseriis adactus se interficeret in suam, aliorumque perniciem. Nec juvat, quod Deus dato dominio homini in vitam, potuisset hominem ex obedientia & charitate propria obligare ad se non occidendum vel mutilandum: nam, cum obligatio illa debuisset esse perpetua, frustranea fuisset collatio domini in vitam & membra. Sufficit itaque, quod homo sic sit constitutus à Deo, ut omnem ex vita sua, membrisque, salvâ eorum substantiâ, utilitatem capiat, eaque administret; usurpet, & custodiat in Dei obsequium & gloriam, suamque felicitatem, sicque habeat dominium utile, quod se vendendo, in alium transferre potest, nec aliud transfert sui corporis ineundo Matrimonium, nec læditur ipsi aliud, dum injustè occiditur vel mutilatur.

Hinc 1. Nemini licet propriâ autoritate seipsum occidere directè. Dixi 1. *Autoritate propriâ*: nam Deus facultatem se occidendi concedere potest: sic censetur, per singularem instinctum concessisse Samsoni, Judic. 16.

Elea-

usufructu.
Et hanc
tantum
est.

29.

Sui occiso.

Eleazaro 1. Machab. 6. S. Apolloniæ , quæ præveniendò carnificem se in ignem præcipitavit. Quamquam & aliqui fortè ex ignorantia invincibili id fecerunt. Dixi 2. *Directè* : nam ex justa causa licent actiones, ex quibus prævidetur indirectè mors secutura : sic potest miles in sua statione manere , etsi se prævideat occidendum : potest filius evidenti mortis periculo se exponere , ut patrem eripiat &c. nisi enim ejusmodi actiones licerent, non esset satis prævisum communitati humanæ : unde meritò Deus præsumitur ad eas licentiam dare.

30. 2. Nemini licet autoritate propriâ , & directè se mutilare notabiliter, cujusunque tantilatio , dem lucri causâ ; licet tamen , quando id est quando necessarium ad conservationem totius ; quia licita , jacturam suæ partis ordinare ad conservationem totius , prudentis est administrationis , justæque defensionis contra mortem imminentem. Imò tenetur quis mutilationem talem sustinere , si fieri possit sine gravissimo dolore. An reus possit, jussu Judicis, in se exequi pœnam mutilationis , vel mortis, dubitant AA. Negat Lugo, eò quòd minister justitiæ debeat esse distinctus à Reo. Negat & Less. eò quòd id hominem dedecet propter intimam secum conjunctionem ; verùm opposita sententia videtur probabilior : quia id faceret , ut publicus minister justitiæ vindicativæ , nec opus est, ut executor ejus sit realiter distinctus à Reo : nam jussus ire in exilium, ad triremes, ad metalla fodienda, pœnam exequitur in seipsum, uti & pœnitens , cui à Confessario pro satisfactione salutari imposita est suū flagellatio. Nec videtur indecens, cùm pœna sit justa, adeoque possit ex affectu justitiæ vindicativæ Deo pro peccatis

catis satisfaciendi executioni dari à Reo, ut ministro Reipublicæ ad id constituto. Cogi tamen Reus ad id non posset; quia foret mandatum nimis durum. Neque suâ sponte mortem sibi Reus accelerare directè, & ex intentione licitè potest. Et licèt Lugo putet, posse strangulandum priùs abstinere à cibo, ut sic debiliior citiùs suffocetur, id tamen non suadendum; cùm omnes doceant, non licere v. g. à vino directè eâ intentione, ut vel horâ citiùs moriatur, abstinere; quia nemo, etiam ad horam, est dominus suæ vitæ. Aliud foret, si justè damnatus esset, ut fame vel siti periret: tunc enim licitè cibum & potum oblatum rejiceret: sicut Reus licitè non fugit ex carcere, licèt prævideat, se mortè afflicendum. Imò juxta Less. Lug. n. 38, & alios, contra Vasquez, licitè Reus se sistit Judici secundùm merita plectendum: suspendendus tamen, nisi jubeatur, non potest licitè seipsum à scala dejicere.

3. Sicut potest quis servire peste infectis, 31.
 obijcere se telo vel ictui ad servandam vitam *Obijce-*
 Principis, amici, ad evadendum incendium ex *re se*
 alto se præcipitare cum certo periculo mortis; *certo pe-*
 rità potest se pro alio injustè ad mortem dam- *riculo*
 nato offerre ex motivo virtutis; quia sic non *mortis,*
 amat plùs aliùm, quàm se, sed plùs amat he- *quando*
 roicam virtutem, quàm vitam suam, nec sibi *liceat?*
 mortem infert, sed inferri permittit. Secùs
 foret juxta aliquos, si alius ad mortem esset
 justè damnatus; quia sic Judicem induceret
 ad occidendum innocentem. La Croix L. 3.
 P. 1. n. 780. & L. 2. n. 177. An liceat ad
 perdendos hostes pulverem incendere, etsi
 prævideas te occidendum, vel mergere navim,
 ne capiat ab hostibus, etsi prævideas te sub-

mergendum, dubium est. Negat Mendo, Lugo putat esse licitum in causa boni communis, si ab hostibus eras occidendus. An liceat se ex turri præcipitare, ut evadas mortem acerbiorē, vide Lug. n. 50.

32. 4. Et si virgini non liceat se pro servanda castitate directè occidere; licet tamen certo mortis periculo se exponere, etiam pro sola integritate corporali, quia hæc magni æstima-
Licet virgini pro servanda integritate. tur. Non licet tamen se castrare ad conservandam castitatem, vel sedandas tentationes; quia hoc ad eum finem non est necessarium.

33. 5. Homo tenetur, pro vita sua conservanda, adhibere media ordinaria: aliàs rei alienæ, cujus ipse quasi usumfructum habet, non est fidelis custos, & administrator; non tamen tenetur adhibere media extraordinaria, aut pretiosa, nisi id postulet necessitas Reipublicæ, vel Ecclesiæ. *Ratio est*, quia id officium prudentis administratoris non requirit, & major obligatio exponeret nimis anxietatibus. Unde, licet juxta Sanch. nemo teneatur singulis annis sumere medicinam ad præcavendas febres, & probabile periculum mortis; tamen ægroti periculosè, si commodè possint, tenentur consulere medicos, & uti cibis salutaribus; quia hæc sunt media ordinaria, & facillè parabilia, secùs ac quotannis sumere medicinam. Si tamen absit periculum mortis, licet respuere medicinas, graves dolores tolerandi causâ, uti fecisse scribitur P. Ludovicus de Ponte. Licet quoque carnem vigiliis, & inedia moderatè affligere, & abstinere etiam à parte cibi communis & potûs, quamvis mors inde sequeretur citiùs, modò sumantur necessaria ad conservationem individui; quia sic
non

non tollitur, sed tantum non prolongatur vita, ad quod, per se loquendo, nemo tenetur habens bonum finem, qui est utilitas spiritualis, prævalens corporali; aliàs peccarent plurimi per studia, & artes laboriosas consumendo nativum calorem, sicque abbreviando vitam. Spectat proin id ad rectum vitæ usum, quæ nobis concessa est ad virtutum exercitium pro consequenda vita æterna. Hinc potest quis Religionem ingredi, nec tenetur ex Novitatu exire, vel victum à communi diversum, aut mutationem loci petere, etsi prævideat sic suam vitam esse abbreviandam.

An Casthusianus, cum certo periculo mortis, in extrema ægitudine possit licitè abstinere à carnibus; quibus vitam possit conservare, dubitant DD. Affirmant aliqui, eò quod pro bono communi Ordinis laudabiliter negligat vitam. Negant alii; quia non apparet in ista abstinencia tantum Ordinis bonum. Putat Sanch. Si necessitas sit ab intrinseco, v. g. ex morbo, non teneri; quia mors sequeretur naturaliter: si autem sit ab extrinseco, v. g. inopia alterius cibi, teneri; quia mors illa, cum sit violenta, illi imputaretur. At, si necessitas sit ab intrinseco, tenetur sumere medicinam: cur non carnem comedere? si necessaria est ad vitam conservandam. Alii infirmi tenentur uti cibis salutaribus, quisque tamen secundum facultates suas tantum.

6. Mulier non potens parere potest admittere sectionem cæsaream, ut infans baptizetur; enim est, teste Rayn. semper spes vitæ *is sectio* non amittendæ, cum per se sectio illa non sit *cæsarea*. lethalis. Similiter potest quis sibi licitè amputare manum, ut liber catenâ mortem evadat;

dat ; quia licitè pars postponitur toti : unde & alius rogatus potest ipsi illam amputare, quod enim quis licitè facit per se, nisi aliud obstat, potest & licitè per alium.

35. *Respub-* Resp. 2. Nec Respublica, multò minùs
lica non homo privatus, habet dominium proprietatis
habet in vitam, vel membra alterius. *Ratio est ;*
domini- quia nec Reipublicæ Deus illud concessit : cùm
um in enim ad bonum generis humani procurandum
vitam sufficiat potestas publica puniendi convenien-
hominis. ter delicta, etiam per membrorum, & vitæ
ademptionem ; & facultas contra iniquum ag-
gressorem se defendendi, servato tamen incul-
patæ tutelæ moderamine, percipiendique fru-
ctus ex hominum industria ; inconveniens erat
privatis, & Reipublicæ, concedi dominium in
alterius vitam & membra, quo homines, in-
star pecorum, mutilati vel occidi possent. Pro-
inde cùm Respublica occidit malefactores, non
agit id vi domini directi in vitam subdito-
rum, sed vi juris recti gubernandi, & defenden-
di corpus politicum ab interitu, aut confusione
nimiâ : sicque membrum putridum resecat, ut
salvetur corpus, vel agit ministrum Dei, cujus
vice gladium portat, ut loquitur Apost. ad Rom.

13. *Ex his resolves*

36. *Castra-* 1. Peccant patentes, qui filios etiam con-
tio filii sentientes castrant, ut sint utiles cantui, nec lu-
illicita. crum magnum inde proveniens, & utilitas Rei-
publicæ est causa excusans, cùm alii cantores
non desint. Unde communis cum Lugone te-
net, esse mortale, etsi absit periculum vitæ.
Peccant quoque parentes, si liberos suos ultra
meritum puniant.

37. 2. Judex, privatâ scientiâ sciens innocentem,
Nunquā non potest illum condemnare ad mortem, etsi
juridi-

juridicè probatus sit nocens; quia Respublica non habet dominium in vitam, & Justitiæ vindicativæ non est locus, ubi non est delictum. Ità communior, & probabilior contra Thomist. Sanch. Illfung. & alios, qui fatentur omnes, quòd Judex supremus, utpote potens dispensare in lege, sciens innocentem, id non possit: hinc non apparet, cur id magis possit Judex inferior qui vices Reipublicæ, vel supremi Principis sustinet. De hoc plura n. 470. 471.

licet directè occidere innocentem.

3. Nunquam licet directâ intentione, & scienter occidere innocentem, nisi Deus facultatem concedat; indirectè autem, id est, ponere actionem utendo jure suo, ex qua alterius mors præter intentionem videtur secutura, aliquando licet, quando nempe actio licita, necessaria, ac tanti momenti est, ut vitæ æquivalet. In exemplis: Si tyrannus minetur excidium urbi, nisi occidatur innocens, non licet hunc directè occidere; quia, etsi sit membrum Reipublicæ, non est tamen nisi morale, quod à Republica esse & vivere non accepit, sicut membrum physicum à corpore. Similiter non licet occidere obsides, etsi, qui eos miserunt, non servant fidem, quia sunt innocentes. Econtra si tyrannus excidium urbi intentet, nisi certus quis innocens extradatur, potest Respublica jubere, ut tyrannum adeat, & nolentem extradere; quia tenetur privatus vitam suam ponere pro conservatione ab interitu Reipublicæ, sicque nolit, sit nocens; morsque ejus sequitur præter intentionem Reipublicæ. Similiter licet, quando necessarium est ad urbem justo bello expugnandam, vel victoriam reportandam, tormenta in eum locum dirigere, ubi sunt multi innocentes quia horum

38.
Quandoque licet indirectè.

mors præter intentionem sequitur. Idem est in aliis ejusmodi, quando datur opera rei licitæ, & necessariæ ad gravius, vel æquale malum evadendum. Vide dicta p. 1. n. 15. & 16. & dicenda inferiùs n. 374.

39. Resp. 3. Et si hoc universum sit in usum hominis conditum, non est tamen homo illius absolute dominus, sed rerum tantùm inferiorum, & sublunarium, quæ in illo continentur. *Ratio 1^a me partis est*; quia non potest de toto hoc absolute universo disponere v. g. de Cælo, Sole, Luna, dominus Astris, licet horum influentias, effectusque complures patcipiet, & in tantum sit usufructuarius illorum. *Ratio 2^a de partis est*; quia homo exercet quendam dominatum in illas secundum illud Gen. 1. *Dominamini piscibus maris, & volatilibus Cæli.* Hinc, quando de his aliquid legitimè apprehendit, sit ejus dominus: fuisset tamen dominium hominis in animantia longè perfectius, si is permanisset in primævo innocentie statu, propter illorum perfectam ad hominem subjectionem, quam pleraque nunc deirectant.

Q U Æ S T I O II.

Quæ bona temporalia cadant sub dominium filiorum - familias?

40. *Nota 1.* Filius - familias, quo nomine etiam venit filia, est proles legitima, aut saltem legitimata per subsequens Matrimonium, vel rescriptum Principis, constituta sub patria potestate. Est autem patria potestas Jus à lege civili inductum, quod habet solus pater, vel avus, aut proavus paternus in personas, & bo-

na liberorum legitimorum ; vi cuius potest de illis necdum emancipatis disponere, secundum quod ei leges permittunt , prout dicitur. Dicitur 1. *ius a Lege-Civili concessum* : nam per patriam potestatem non intelligitur hic potestas gubernandi liberos , quam natura parentibus , proinde etiam matri concessit ; sed potestas patri , vel avo paterno concessa speciali modo disponendi , à qua proles descendens filius-familias dicitur, & ascendens pater-familias : quanquam hæc denominatio conveniat omni , qui est sui juris , & capax suæ domûs, qualis esse potest non habens prolem , imò & infans. Dicitur 2. *Quod habet solus pater , vel avus paternus* : nam, nec femina, nec avo maternò competit patria potestas , sed supremo ascendentium in descendentes per lineam masculinam, aut patri in liberos sibi jam emancipato natos.

Emancipatio autem olim fiebat variis modis ; nunc censetur filius emancipari, & fieri sui juris, quando uxorem ducit , & focum patris deserit, seu seorsim habitat ; item per Clericatum , & Professionem in Religione seu patris, seu filii. Dicitur 3. *Liberorum legitimorum* : quales sunt nati ex legitimo Matrimonio : nam illegitimi , seu spurii, seu naturales, nisi per rescriptum Principis , vel subsequens Matrimonium legitimentur , seu restituantur patribus in ordine ad ea , quæ illegitimis Jure Civili negantur , non subsunt patriæ potestati , quanquam tam legitimi, quam illegitimi subsint parentum potestati gubernativæ, vi cuius delinquentes, si non sint in sacris, moderate puniri possunt ; quod etiam in filios-familias matri conceditur , uti & propinquis senioribus,

bus, penes quos est gubernatio familiæ: imò juxta Molinam à senioribus extraneis, quando absunt illi, quorum curæ subsunt, & putantur id ratum habituri, puniri possunt moderate pro suis excessibus, & offensa, si deferri non possint suis, aut ab iis non putentur corrigendi: cum enim deferri non possint ad potestatem publicam, debet esse medium insolentias compescendi. Hinc communi prudentum consensu id concessum videtur. Magnâ tamen hîc moderatione opus est, præsertim, quando parentes merito creduntur correcturi.

Bona filiorum quadruplicia.

Nota 1. Bona, quæ filius habere potest, sunt quadruplicia: nempe castrensia, quasi castrensia, adventitia, & profecticia.

Castrensia sunt, quæ filius acquirit in militia, vel occasione militiæ, ut stipendia militaria, hostium spolia, Ducum, vel commilitonum dona, vel legata, lucra ex his provenientia; donata eunti ad militiam. Item acquisita in obsequio Principis, in aula ipsius exhibito, & lucra omnia ex talibus profecta interventu contractûs.

Quasi castrensia sunt, quæ quidem intuitu militiæ non acquiruntur, in Jure ramen æquiparantur castrensibus: talia sunt, quæ filius acquirit ex officio publico v.g. Judicis, Tabellionis, Advocati, Syndici, Doctoris, Prætoris, ex professione artis liberalis, & intuitu ejus, ex dono patris, vel Clericatu, item dono Regis, vel Regiæ, ex Beneficio Ecclesiastico, propriâ parsimonia, & quæ dantur filio, ut ipse tantum, & non pater usufructum habeat. Denique omnia, quæ post Clericatum acquirit. *Auth. Presbyt. Cod. de Episcopis.*

Adventitia sunt, quæ aliunde filio proveniunt

niunt, sed nec à patre, nec intuitu patris donata, v. g. successione in bona ex linea materna, donatione, vel legato, inventione thesauri, propriâ industriâ, vel per artes mechanicas, labore, negotiatione per pecuniam alienam, aut à patre mutuo acceptam, modò non negotietur nomine patris; cum enim lucrum ad bona profectitia pertineret. Item quæ donantur à patre donatione remuneratoriâ, vel gratitudinis causâ, aut ut in partitionem non veniant.

Profectitia sunt, quæ filius accepit à patre vivente ex affectu tantùm paterno, vel intuitu patris principaliter data sunt filio, non tamen intuitu militiæ, aut quasi militiæ, item quæ ex bonis paternis acquiruntur, v. g. negociando patris nomine.

Resp. 1. Bona castrensia, & quasi castren- 42.
sia pleno jure spectant ad filium familias. Un- Pleno
de potest pro libitu suo de illis disponere sine jure ca-
consensu patris (modò pubes sit, id est an- strensia,
norum 14.) per donationes, aliosve contra- & quasi
ctus, & per testamentum, cæterasque ul- castren-
timas voluntates; pater autem nihil potest de sia sunt
prædictis usurpare, nisi pro alimentis filii (si filii.
lium enim habentem bona castrensia, vel quasi
castrensia, aut adventitia non tenetur pater de
suo alere) sique faciat pater tenetur ad restitu-
tionem, quam, si omnino velit habere filius, &
nequeat obtinere, poterit uti occultâ compensa-
tione, vel ab hæredibus mortuo patre postulare,
quia certum est jus ejus. Dixi: Modò pubes sit:
nam aliàs administratio tantisper ad patrem,
vel ad eum, sub cujus patria potestate est, spe-
ctabit.

43.
Adven-
titia
sunt qui,
de filii,
sed u-
sumfru-
ctum
habet
pater
regula-
riter.

Resp. 2. Bona adventitia quoad dominium directum, seu quoad proprietatem pertinent ad filios familias, quoad usumfructum, vel utilitatem, & administrationem regulariter ad patrem. Est communis, & de jure certa ex lege; *Cum oporteat Grâ.* Durat hic ususfructus patris, quamdiu pater vivit, etsi per Clericatum, vel per professionem religiosam filii patriâ potestas solvatur, aut ante moriatur filius, quanquam hoc mortuo mater cum patre succedat in bona filii quoad proprietatem. Si tamen bonum filii adventitium esset majoratus, vel aliud bonum vinculum, quod ad alium, moriente filio, transire deberet, tunc hic, & non pater ususfructum haberet. Dixi; *Regulariter*; Nam certis casibus filius retinet ususfructum; ac imò quidem, si pater illum remittat, quo casu tamen pater, nisi in perpetuum remiserit, cessionem illam revocare quidem potest, non tamen fratres; quia non est donatio inofficiosa, sed mera non usurpatio juris, sicque non minuitur fratrum hæreditas, sed tantum non augetur. 2. Si quid donetur filio, patre contradicente, quia tunc æquum non est, ut pater ex eo commodum reportet. 3. Si quid donatione, aut testamento non necessario, sed liberali obveniat filio eâ lege, ut in eo ususfructum pater non habeat. 4. Si filio tantum relinquatur ususfructus alicujus rei; quia non potest super ususfructum constitui alius ususfructus; non enim, ut Jura ajunt, datur servitus servitutis. 5. Si pater cum filio succedat in non extranei aliquam hæreditatem. 6. Si filius familias exeat patriâ potestate per mortem patris, vel per eman-

emancipationem legibus inductam, v. g. si fiat Episcopus.

Extra hos casus filius non potest disponere de bonis adventitiis, potest tamen de iis donare mortis causâ, patre consentiente, non tamen de iis testari, nisi ad pias causas ex Cap. *Licet pater* 4. de sepulturis in 6.

Resp. 3. Bona profectitia pleno jure domini, tam quoad proprietatem, quàm quoad utilitatem, & administrationem pertinent ad patrem. Est communis & certa de jure ex lege, *cum oportet. Cod. de bonis, quæ liberis* 44. *Profectitia pleno jure sunt patris.* Excipe, quæ pater dat filio in patrimonium ad suscipiendos sacros ordines, aut ad nuptias, vel filiæ in dotem; nam horum dominium, & ususfructus ad filium, vel filiam spectat. Dicuntur tamen profectitia; quia postea quoad substantiam, licet non quoad usumfructum afferri debent in partitionem hæreditatis. Hoc tamen commodi habet filius ex bonis suis profectitijs, quod si bona patris ob hujus delictum publicarentur, vel Fisco addicerentur, profectitia manerent filio. Ex dictis resolves.

1. In divisione hæreditatis inter liberos nec castrensia, nec quasi castrensia, nec adventitia veniunt in partitionem, secus est de profectitiis. 2. Si bonum adventitium sit res usu consumptibilis, uti pecunia, frumentum, & pater eâ utatur, tenetur filio ad æquivalens. 3. Si dubium sit, an bonum sit adventitium, vel profectitium, tum si filius de se industrius sit, censetur adventitium, si omnibus expensis dubium manet, deferendum est ejus possessori; unde si filius possideat, adventitium; si verò pater possideat, profectitium censetur; si neu-

neuter possideat, dividendum est, quia res tradenda est secundum jus, quod quisque habet; cum itaque pater & filius habeant jus dubium, res pro qualitate dubii ab utroque participari debet. 4. Si filius aliquid patri surripiat ex bonis profectitiis, tenetur vel restituere, si possit, vel postea, si non possit, adducere in divisionem hereditatis, nisi quid aliunde excuset, v.g. donatio patris, vel æquale ab aliis liberis subductum. Hactenus dicta de jure communi statuta sunt, cui si alicubi derogaverit jus particulare, hoc observandum est. An filius, si bona patris administret, plus laboret, possit petere salarium, dictum est in Neo-Confess. N. 145. Videri potest La Croix L. 3. P. 2. N. 1034.

Q U Æ S T I O III.

Quæ bona temporalia subsint Dominio
conjugum tum privativè, tum simul
& cumulativè?

46. Resp. Bona temporalia conjugum quadruplicia sunt. Nempe:
- Bona dotalia.* 1. Bona dotalia, seu dos, quæ est omne id, quod marito futuro ab uxore, vel alio ejus nomine datur, vel promittitur eum in finem, ut ex ejus fructibus onera matrimonii sustineat. Dotis dominium naturale (nisi sit æstimata in venditionem, vel sit res mobilis, & usu consumptibilis, ut pecunia) est penes uxorem; civile verò, ususfructus, & administratio est penes maritum. Constat ex lege *in rebus*. 30. *Cod. de jure dotium*. Ratio est; quia maritus onera matrimonii sustinere debet,

bet, uxor autem non esse exposita periculo paupertatis. Proinde marito debent cedere fructus dotis, & uxori manere dominium naturale dotis: Unde & uxori, etiam durante matrimonio, competit vindictio dotis, ad illamque pertinet ejus periculum, commodum, & incommodum, v. g. si res crescat, vel decrescat, augeatur, vel minuaturs ejus pretium sine culpa mariti, crescit & decrescit uxori, etsi maritus teneatur de damno, si ex ejus culpa proveniat. Dixi 1^{mo}: *Nisi sit aestimata in venditionem*; quia tunc perinde est, ac si marito esset vendita, ejusque traditæ maritus habet dominium, ideoque omne periculum, & commodum ad maritum pertinet, ita, ut, si conventum sit, ut soluto matrimonio dos restituatur, teneatur maritus, vel ejus hæredes pretium taxatum, vel rem restituere in eo valore, quem tempore venditionis habebat. Dixi 2. *Nisi sit res usu consumptibilis*; Nam si est ejusmodi, etsi non sit aestimata, dominium naturale habet maritus, quia talis traditur marito, ut eam possit alienare, & consumere: unde & eam habet suo periculo; soluto autem matrimonio maritus, vel ejus hæres tenetur uxori, vel ejus hæredibus tantundem restituere ejus speciei, & bonitatis, siue tempore restitutionis plus, siue minus valeat, quam tempore traditionis. Quod si ex contractu teneatur solvere pretium, tenetur ad pretium quo valebat tempore non traditionis, sed tempore dissoluti matrimonii. Pro majore securitate dotis uxor habet hypothecam privilegiatam præ omnibus creditoribus in omnia bona mariti.

2. Sunt bona paraphernalia, sic dicta, quia *Paraphernalia* juxta, *lia*.

juxta, seu præter dotem afferantur ab uxore, sive eâ donatione, sive hæreditate acquisiverit, vel acquirat. Hæc pleno jure pertinent ad uxorem, nisi ita tradantur, ut instar dotis marito cedant. Habet tamen maritus eorum administrationem, sed ad nutum uxoris revocabilem. Si autem ita tradantur, ut ipsius fiant, sequuntur naturam dotis, hoc excepto, quòd fructus illorum non lucratur maritus; quamvis possit eos expendere in uxoris, & suam simul utilitatem: capitalia verò, quæ reluuntur, vel fundorum, qui retrahuntur, pretium, servari debent uxori, nec nisi secundum ejus voluntatem expendi.

Contra- 3. Sunt bona antiphernalia, seu contradotalia. *dotalia.* talia, quæ maritus, vel alius nomine ejus uxori assignat ad assecurandam ejus dotem. Horum dominium proprietatis saltem naturale, fructus, & administratio est penes maritum; quia contrados à marito unice præstatur uxori ad assecurandam dotem, ab illa marito allatam: huic autem fini plenè satisficit absque eo, quòd in uxorem transferatur naturale dominium ejus, vel usufructus, & administratio; cum à lege fiat uxori potestas (quæ dominium civile dicitur) contradotem vindicandi etiam durante matrimonio contra creditores mariti: unde sicut marito à legibus est potestas, quæ dominium civile dicitur, prohibendi omnem dotis alienationem, retractionem, depravationem, quam attentare veller uxor in præjudicium viri, ita quoque uxori est facultas tuendi contradotem, habetque in bonis mariti tacitam hypothecam. Quòd si contrados consistat in rebus immobilibus, maritus non potest eam alienare etiam consentiente uxore, nisi trans-
acto

ad biennium iterum consentiat, sintque alie res mariti, ex quibus uxori succurri possit, si laderetur in dotalibus. Ex quo patet contradotem uxori perutilem esse: cui & hoc accedit, quod quando pactum est, ut premortua uxore maritus lucretur dotem, uti sæpe fit, tum etiam, uxor viro premortuo, lucretur contradotem. Quanquam artifices plerumque pro contradote vix assignent aliud, quam suam artem, & frequenter Advocari, & Medici vix aliud, præter suam scientiam.

4. Sunt bona communia, quæ conjuges *Bona* stante matrimonio per mercaturam, aliumve *commu-* laborem communem, & industriam acqui- *nia.* runt. Hæc tam quoad proprietatem, quam quoad utilitatem pertinent ad utrumque conjugem; administratio ad solum maritum: æquum enim est, ut, quod communi labore, & industriâ acquiritur, commune fiat; cumque maritus præsumatur communiter capacior administrationis, ad illum hæc pertinere debet, utpotè familiæ caput. Talia sunt bona provenientia ex capitali utriusque conjugis, fructus provenientes ex officio unius, vel utriusque conjugis, bona ex iis de novo empta, acquisita labore unius, vel utriusque conjugis, modo uterque suo debite fungatur officio. Aliud est de iis, quæ vir, vel mulier ante initam societatem sibi habuit, & retinuit, vel stante matrimonio aliunde obvenerunt, v. g. testamento, legato, donatione, &c. Quod si aliquid de capitali conjugis consumptum, vel quid in bonum domus venditum esset; deberet compensari ex lucris. Lucrum enim dicitur, quod salvis capitalibus, & soluto ære alieno superest. Si tamen vir prædives, aut mer-

mercator industrius nollet ducere filiam imparem, nisi lucris saltem ex parte renuntiet, nihil, præter suam dotem, vel capitale suum, posset exigere, nisi de quo conventum est. Secus tam vir, quàm uxor soluto matrimonio, etsi ad secundas nuptias transeat, potest dispo-
nere de medietate lucrorum, quæ in priori matrimonio acquisita sunt. Hæc intelligenda sunt tanquam dicta secundùm jus commune: nam ubi jura particularia aliud statuunt, aliter dicendum. Vide La Croix L. 3. P. 1. N. 1020. ubi cum aliis refert Gobatum existimantem, viri esse, quæ lucratur stante matrimonio per laborem, & industriam suam, sicut & uxoris, quæ extraordinariâ industriâ lucratur. Sed contradicit communior. Plus concedi viro posset, si ipse severis occupetur studiis, gravibus fatigetur laboribus, multis se debeat committere periculis, & uxor, domi ancillis provisa, vix quidquam lucratur suâ industriâ. Sed spectanda est consuetudo loci, & circumstantiæ expendendæ cum fructibus ex dote. Ex his resolves

47. *Obligatio-
tiones &
jura
conjugũ
circ
bona.* 1. Sicut maritus peccat graviter contra justitiam, si suâ negligentia, vel culpâ gravi grave nocumentum bonis uxoris afferat: ita graviter peccat uxor, si viro rationabiliter invito quantitatem notabilem usurpet, vel consumat de bonis, quorum dominium, vel usum-fructum, vel administrationem maritus habet; quia læditur jus strictum in re gravi, adeoque oritur, per se loquendo, obligatio restituendi damni illati.

2. Quamvis maritus possit aliquid ad honestum lulum exponere, honestæ recreationi impendere; si tamen id faciat in magna summa

ma sapius, aut ex consuetudine, vel cum notabili neglectu rei domesticæ, peccat mortaliter, teneturque damnum ex bonis propriis resarcire. Nec capax est absolutionis, nisi consuetudinem emendet, quod bene notent Confessarii, ut non indulgenter tractent habituales ejusmodi lufiores, & potatores, quos plerosque omnes constat lusu, & potatione ad mendicitatem redigi. Idem dic de uxoribus, quæ confortia frequentant, ludunt, &c. & rem domesticam negligunt.

3. Potest uxor invito marito, si suæ obligationi desit, de bonis, aliquo ex prædictis modo ad ipsam pertinentibus, impendere in victum, vestitum convenientem, moderatas eleëmofynas, honestas recreationes, decentes donationes, quæ permixtæ sunt aliis similis conditionis mulieribus, attentis tamen rei familiaris, & status sui circumstantiis; quia illa pertinent ad decentem uxoris sustentationem, ad quam se vir per matrimonium obligavit.

4. Potest in defectu viri ex iis exponere, quæ necessaria judicat ad grave malum familiæ impendens avertendum.

5. Potest filio, in studiis, vel bello ex voluntate patris versanti, necessaria mittere, si pater id negligat, item suis parentibus, liberis ex primogenito, imò & fratribus, in gravi necessitate constitutis, ex bonis communibus moderatè succurrere, saltem si propria, quibus possit, non habeat, aut parcius deinde sit salvâ decentiâ erga pauperes alios, vel subtrahat sibi permixta.

6. Si bona maritus dilapidet, potest clam sibi & familiæ necessaria subducere; imò et si

R.P. Renter Theol. Mor. P. III. G non

non timeret familiæ, sibi que necessaria defutura, potest clam reservare, quantum maritus immoderate potu dilapidat; quia medietas ad ipsam pertinet, quam vir ipsâ invitâ minuire non potest.

7. Non peccat uxor, si accipiat aliqua, quæ maritus facile, & certò concederet, si rogaretur; quia adest licentia præsumpta, & plerumque iusta causa non petendi, ne cogatur se ostendere velut ancillam. Potest quoque licite retinere ea, quæ per parsimoniam supersunt ex iis, quæ maritus ei pro vestitu, vel familiæ sustentatione ad certum tempus assignavit; quia reputatur fructus industriæ: & quamvis ab injustitia non excusetur præcisè ex eo, quod largam dotem attulerit; censetur tamen ideo maritus minùs invitus, & liberalior erga uxorem.

8. Ad debita, stante matrimonio à viro contracta, solvenda non tenetur concurrere ex bonis suis dotalibus, etsi communia non sufficiant, juncta bonis viri propriis. De bonis autem aliis, si quæ habet, concurrere ex dimidio tenetur, si stante matrimonio in bonum familiæ, deque utriusque consensu contracta sunt. Secùs si ante matrimonium, vel non in bonum familiæ, aut citra uxoris consensum contracta sunt. Pleraque ex dictis maxime valent marito absente, vel amente, quo casu postremo administratio ad uxorem devolvitur, potestque administrare secundum pruden-
dum dictamen, quod ipsa sibi format, & non tenetur, ut judicat facturum fuisse maritum; quia ipsi competit administratio.

Q U Æ S T I O IV.

Quæ bona temporalia cadant sub dominio Ecclesiasticorum secularium?

Resp. Bona, quorum dominium habere possunt Ecclesiasticæ personæ, quadruplicia sunt. Nempe patrimonialia, quasi patrimonialia, Ecclesiastica, & beneficialia, seu redditus ex beneficiis.

1. mod. Patrimonialia sunt, quæ illis conveniunt sine respectu ad beneficia, & munia Ecclesiastica: talia sunt, quæ hereditate, successionem, contractu, donatione, præscriptione, pleno usu, labore, industriâ acquisiverunt, vel ac jure subquirunt. Hæc pleno jure pertinent ad illos, sunt Ecclesiastici. Næque enim ligantur voto paupertatis, neque ullâ lege prohibentur plenè de iis disponere.

2. Quasi patrimonialia sunt, quæ Clericus acquirit quidem intuitu, & occasione Ecclesiastici ministerii, non sunt tamen fructus beneficii, sed potiùs habent se velut præmium, stipendium laboris, v. g. in concionando, celebrando, Sacramenta administrando, funeralia exequendo, assistendo matrimonio, & obeundo similia iis, quæ Capellani, Oeconomi, & Vicarii temporales exequuntur. Unde ad hanc classẽ pertinent, quæ jura stolæ vocantur. Huc quoque spectant juxta probabiliorẽ distributiones quotidianæ, seu præsentialiæ, licet ex fructibus præbendæ deducantur. Item parsonalia, quæ sibi Clerici ex beneficiis,

ficialibus ad congruam sustentationem pertinentibus parcius vivendo comparserunt. Atque hæc quasi patrimonialia pleno & absoluto domini jure ad Clericos pertinere, ita, ut de iis non secus, ac de patrimonialibus possint disponere, habet communis, veraque sententia. Ratio est, tum quia ministri Ecclesiastici, cum ratione officii spiritualis stipendium accipiant, non debent esse deterioris conditionis, quam alii Officiales, v.g. Judex, Tabellio, Advocatus: dignus enim est operarius mercede sua; tum quia fideles, ministris Ecclesie stipendium offerentes, intendunt absolute id donare, nec reperitur ulla lex, quæ tales donationes infirmet; tum quia distributiones quotidianæ videntur cum in finem ab Ecclesia destinari, ut sint in præmium assistentibus in choro officio divino, sicque magis in Clericis excitetur studium cultus divini, ut rectè notavit Lugo hic disp. 4 n. 25.

*Secus
strictè
Ecclesi-
astica.*

3. Strictè Ecclesiastica bona sunt tum mobilia, & immobilia, quæ ad fabricam, & ornatum Ecclesiarum, vel ad officia divina peragenda spectant, ut sunt templa, vasa, ornamenta sacra; tum quæ ad stabilem ministrorum sustentationem ab Ecclesiis sunt deputata, ut fundi, & prædia. Et hæc bona non pertinent ad ullum Ecclesiasticum particularem, sed ad Ecclesiam particularem, quatenus est pars Ecclesie universalis: omnia enim bona Ecclesiarum particularium pertinent ad Ecclesiam universalem, cujus caput est Romanus Pontifex: Fideles enim dederunt eâ intentione bona Ecclesiis suis particularibus, seu communitati personarum etiam futurarum, constituentium Ecclesiam particularem, quæ etiam alie-

alienari non possunt sine consensu Pontificis secundum dicenda.

4. Bona beneficialia, quæ in latiore sensu *Benefi-*
etiam Ecclesiastica dicuntur, sunt proventus, qui *cialia*
intuitu beneficii obveniunt, ut decimæ, alique *subsunc*
reditus annui & fixi, jamque recepto nomine *pleno*
corpus appellantur. Originem beneficiorum vid. *jure eor-*
P. 2. N. 387. Horum bonorum pars, ad com- *um di-*
petentem sustentationem necessaria, pleno, & *spositio-*
absoluto jure domini pertinet ad Clericos, ut *ni, exciq-*
habet communis, certa quæ sententia: unde *pe su-*
possunt de iis disponere non minus, ac de pa- *perflua*
trimonialibus. Ratio est, quia hæc pars est *susten-*
justa eorum merces, qui Ecclesiæ deserviunt: *tationi.*
qui enim Ecclesiæ servit, jure potest de Eccle-
siæ bonis vivere; competens autem seu hone-
sta sustentatio illa est, quæ convenit Clerico
ratione sui statûs, dignitatis; estque triplex:
infima, media, & summa; neque excludit
honestas recreationes, moderatas donationes,
aliasque similes expensas. Quanquam hæc ma-
gis arbitrio timoræ conscientiæ, quàm unâ ge-
nerali regulâ determinari possint.

Pars quoque superflua honestæ sustentationi *49.*
juxta nunc communior, & probabiliorem *Tenen-*
jure domini pertinet ad Ecclesiasticos; tenen- *tur su-*
tur ramen, saltem ex præcepto Ecclesiæ, eam ex- *perflua*
pendere in pias causas. Prima pars colligitur *expen-*
ex Trid. Sess. 24. Cap. 12. de Reform. ubi *dere in*
statuit, ut beneficiatus intra tres menses à die *pias*
adeptæ possessionis emittat professionem fidei, *causas:*
alioquin *fructus non faciat suos*: &, si quis
ultra tres menses abfuerit ab Ecclesia, primo
anno priyetur dimidiâ parte fructuum, *quos*
fecit suos: quibus satis apertè innuit, quod
alioquin fructus faciat suos. Loquitur autem

indistinctè, videturque potius velle Ecclesiasticos privari superfluis, quàm necessariis. Et ratio est, quia redditus omnes indistinctè assignati sunt Clericis velut stipendium, & merces: stipendium autem, & merces, etiam honestæ sustentationi redundans, transit in dominium operariorum sæcularium: an dicemus, quòd Ecclesia operarios spirituales minùs liberaliter habeat? Quod autem teneantur partem superfluam, saltem ex præcepto Ecclesiæ, expendere in causas pias, constat tum ex Jure Canonico Can. 7. causâ. 1. q. 1. & Can. 13. q. 3. &c. tum ex Trid. Sess. 25. Cap. 1. in decreto Reform. interdiciente, ne Clerici ex redditibus Ecclesiæ consanguineos, familiaretque suos angere studeant, sed si pauperes sint, uti pauperibus distribuunt; tum denique ex communi consensu DD. estque omninò decens, ut quæ ad cultum Dei promovendum, & conservandum destinata sunt, eidem impendantur: unde peccat Clericus, si sustentationi honestæ superflua non expendat in usus pios, non quidem contra religionis legem naturalem; cùm redditus Ecclesiastici in se non sint sacri, & quamprimum dantur Ministris, seu Sacris, seu Laicis, extrahantur de dominio, & ærario Ecclesiæ; sed vel ex obedientia tantùm, vel ex justitia.

Probabiliter Dixi: *Saltem ex præcepto Ecclesiæ*: Nam Laym. l. 4. tr. 2. cap. 3. n. 3. Gormaz, & alii concedunt quidem beneficiatis dominium partitis superflue, sed restrictum, & sub onere eam expendendi in usus pios, adeoque ex justitia, ita, ut, si secùs fecerint, teneantur ad restitutionem: sic ut, si quis tibi pro viatico ad peregrinationem offerret 100. aureos, eâ tamen

con-

conditione, ut, quod tibi superfuert, pauperibus teneris erogare; habes dominium totius summæ, objectivè quidem, non tamen, subjectivè perfectum; uti &, si quis alienam pecuniam misceret suæ, ita ut discerni non posset, acquireret quidem totius cumuli dominium, sed non subjectivè perfectum; cum teneatur alienæ pecuniæ Domino satisfacere. Ratio hujus sententiæ est, quia juxta omnes est obligatio expendendi superflua in usus pios; sed non apparet, ex qua lege, nisi justitiæ; non enim ex lege tantum Ecclesiastica; alias posset Ecclesia in ea lege dispensare, quod plerique negant; non ex lege charitatis tantum, quia hæc non obligat ad eleemosynam, nisi quando est proximi necessitas, quæ non semper adest; non ex virtute religionis, quia bona superflua non sunt ex se sacra, & quamprimum dantur Ministris, seu Sacris, seu Laicis, extrahuntur de dominio, & ærario Ecclesiæ. Ergo obligatio oritur ex justitia, quia fundatores bona dederunt Ecclesiæ, ut impendantur ad cultum Dei, nempe ad sustentationem Ministrorum Ecclesiæ, & usus pios, quæ superflua sunt sustentationi. Abundantiora autem dederunt, ut prospectum esset necessitati pro temporum diversitate; & quia videbatur pertinere ad Ecclesiæ honorem, & commendationem, ut ejus Ministri, utpote patres pauperum, eleemosynas in pauperes erogarent. Hæc sententia probabilis est. Econtra alii nunc communiùs tenent, non esse obligationem ex justitia. Ratio est, quia obligatio justitiæ est onus grave, utpote obligans ad restitutionem, ubi violata fuerit; talis autem obligatio imponenda non est, nisi sufficienter

probetur : in dubio enim nemo (spoliandus est jure, quod possidet, uti habet regula juris, & in pari causa melior est conditio possidentis ; atqui talis obligatio non probatur. Imprimis non ex modo donandi fidelium ; quia non constat, quod hi bona Ecclesiæ donaverint. illam ex justitia obligando ad superflua pauperibus distribuenda, vel in alios pios usus expendenda : etsi enim id desiderârint, reverentia tamen erga illam, cùm scirent esse sollicitam, & fidelem, potius suadet non imposuisse obligationem justitiæ, sed obtulisse bona ex fiducia bonæ administrationis, & pii usûs. Neque probatur ex dispositione Ecclesiæ, cùm id nullibi reperiat expresse. Quæ tamen, si esset ista obligatio, debuisset aliquando declarare ; cùm in minoribus non defuerit ejus sollicitudo. nempe statuendo, ut, qui horas uno, vel pluribus diebus omitit, fructus non faciat suos secundum dicta. Deinde plures Pontifices dederunt de facto pluribus Clericis facultatem redditus superfluos expendendi in usus profanos honestos, uti constat ex Bulla: *Esti univervi*. Sixti IV. Anno 1474. Ex Bulla *Cupientes*. Julii III. 1550. Ex Bulla *In eminenti*. Pauli V. 1606. Hoc autem non fecissent illi Pontifices in præjudicium pauperum, & caularum piarum, si ex justitia deberetur illis pars redundans honestæ sustentationi beneficiatorum.

50.
Proba-
bilius
ex pra-
cepto
Ecclesi-
astico
solum.

Restat tamen dubium, unde oriatur obligatio redditus superfluos exponendi in causas pias. Aliqui sentent oriri ex religione, quia valde indecens est bona, quæ sunt destinata ad cultum Dei, ideoque à sacris Canonibus dicuntur res Dei, patrimonium Christi, vota fide-

fidelium, pretia peccatorum, expendere in usus profanos, ideoque Ecclesiam, ejusque ministros teneri eos expendere ex reverentia erga Deum in usus pios. Alii tenent, oriri obligationem ex præcepto Ecclesiæ, fundato in naturali quadam condecencia, ita, ut tamen non sit obligatio gravis naturalis ex Religione, quod contendunt alii; quia per destinationem ad cultum Dei, etsi inducatur condecencia aliqua, ut in usus pios expendantur bona superflua, non tamen in se sunt sacra, uti calices per Consecrationem; & quando dantur ministris, extrahuntur de dominio Ecclesiæ, & ætario Christi: aliàs ministri Laici, qui participant de redditibus Ecclesiæ, non possent de iis disponere ad usus profanos. Hæc sententia videtur probabilior, secundum quam resolves sequentia.

1. Si Clericus ex superfluis Beneficii redditibus notabilem summam impenderit in usus profanos. non tantum peccavit mortaliter; sed *hic græ* etiam, si ita aliis suis pepercerit, tenetur *ex viter* his tantundem expendere in usus pios, quantum *peccæ* suis pepercit, quia illa habet æquivalenter ex *tur?* beneficio: si aliis suis non pepercit, ad restitutionem non tenetur; quia non peccavit contra Justitiam. Quantitas autem, ut notabilis sit, hic major esse debet, quam in materia Justitiæ, v. g. furto, & determinanda est ex circumstantiis, præsertim proventuum, & personæ sustentandæ. Lugo hic Disp. 4. S. 3. num. 42. dat hanc regulam: ut culpa gravis evitetur, debet esse verum, quod, moraliter loquendo, totam summam expenderit in usus pios; moraliter verò censetur, totam expendisse in eos, si expenderit circiter totam: unde docet, non peccati mortaliter, si ex 100. tan-

tum 5. vel ex mille 50. expendere in usus profanos.

An con- 2. Si consanguinei, vel alii non pauperes, ex
sanguini superfluis Beneficii redditibus à Clerico accepe-
rit te- rint, fiunt eorum domini, nec tenentur ad resti-
neantur tutionem, aut expendere in usus pios; quia ob-
restitu- ligatio Clerici eos expendendi non est iustitiæ,
ret nec realis, sed personalis, quæ ad hæredes, aut
 donatarios non transit. An autem tales, accep-
 tando ejusmodi à Clerico, peccent, variant sen-
 tentiæ. Affirmat probabilius Sanch. L. 2. Conf.
 Cap. 2. Dub. 38, num. 14. quia, inquit, coope-
 rantur peccato donantis. Negat probabiliter Lu-
 go D. 4. n. 48. &c. eò quòd peccatum donantis
 compleatur per oblationem, & activam transla-
 tionem domini, non verò per acceptationem,
 quæ velut effectus sequatur oblationem. Sic di-
 citur conjux non cooperari peccato conjugis, si
 illi habenti votum castitatis, & petenti debitum,
 reddat. Ità Lugo, qui videri potest de *Sacramen-*
tis in genere sect. 1. n. 180. disp. 8. *Excipe*, nisi
 acceptans instigaverit Clericum ad donandum,
 qui tamen si aliunde habeat ad dona retarcienda;
 à peccato potest esse excusatio.

An Cle- 3. Et si Ecclesiasticus beneficiarius de Patrimo-
rici be- nialibus, & quasi patrimonialibus ad causas etiam
neficia- profanas; de proventibus verò ex beneficio, con-
rii testa- gruz sustentationi superfluis ex consuetudine con-
ri possint, tra jus scriptum in variis locis recepta ad causas
 pias disponere, & testari possit, saltem ex licentia
 ab Episcopo obtenta, non potest tamen dispone-
 re, & testari de iis ad causas profanas per se lo-
 quendo licite; sed . si in magna quantitate id fa-
 ceret, v. g. eos transcribendo amicis, vel consan-
 guineis divitibus, vel sponte permittendo, ut hi
 ab intestato succederent; peccaret mortaliter, quia
 ageret

ageret in re gravi contra præceptum Ecclesiæ, non secus, ac si in vivis impenderet eos usibus profanis. Dixi 1^{mo}: *Per se loquendo*. Nam si ex facultate à Papa impetrata, procederet ex iusta causa non peccaret. Dixi 2^{dò}: *Licet*: quia dispositio probabilius foret valida: nam, uti dictum, verum habet talium etiam proventuum dominium: unde hæredes etiam valide succederent; nec juxta Less. & alios peccarent relicta jure hæreditario admittentes, nisi testatorem ad talem dispositionem induxissent, verum esto, hoc concedatur velut probabile; an non mirum, si in quibusdam Ecclesiasticis tanta sit salutis suæ incuria, & futurorum malè persuasa securitas, ut, etiam si mox rapiendi ad Christi tribunal sint, ea tamen negligant, quibus salutem facile possent consequi, & insuper rem adeo periculosam audeant tentare, ut consanguineos suos ditent cum tanto salutis suæ periculo; cum & experientiâ constet, sic ditatos non raro esse valde ingratos, relicta malè consumere, &, Deo justè disponente, delabi in statum deteriorem quam fuerint, antequam Piiis causis applicanda perceperint. Certè viri pii, & timorati ab ejusmodi dispositionibus semper abhorruerunt, & abhorrent modò, deque Superfluis ex beneficiis ad pias causas, quales sunt templa, sacella, beneficia Ecclesiastica, capellanæ, hospitalia, sacrificia pro defunctis, pauperes, qui non habent ad naturam, vel statum convenientem necessaria, aliaque quæ cultum Dei, & misericordiæ opera spectant, sollicitè disposuerunt, & etiamnum disponunt.

*Omnia
ad su-
stenta-
tionem
potest
desume-
re ex be-
neficiis
libus,*

4. Quamvis possit Beneficiatus omnia, quæ spectant ad honestam suam sustentationem, secundum conditionem sui statûs desumere ex redditibus sui Beneficii, adeoque & debita solvere,

con-

contracta ob suam sustentationem, vel piam causam; non tamen, quæ contraxit ante Beneficium obtentum, si ea ex aliis solvere possit. Imò juxta Sanch. si patrimonialia, vel quasi patrimonialia habet, non potest se ex beneficialibus alere secundum conditionem status, quæ provenit ex qualitate personæ; sed tantum, quæ provenit ex qualitate beneficii: qua fit, ut plus possit expendere Episcopus, quàm Decanus, & hic plus, quàm simplex Canonicus &c. non tamen ideo plus, quia nobilis est; si aliunde habeat, quo & huic conditioni convenienter vivat.

5. Potest Beneficiatus, qui patrimonialia impendit sustentationi convenienti, vel causis piis, tantundem ex superfluis Beneficii fructibus retinere; quia jus habet vivendi ex Beneficio, nec sua tenetur erogare; id quod verum est, etsi de extinguenda obligatione non cogitasset, imò etsi intendisset non satisfacere.

6. Beneficiatus, qui parcius vivit, quàm posset pro ratione sui status, vel contentus vivit sustentatione mediocri, cum posset majori vivere, totum id, quod sic comparat, potest retinere sibi ex fructibus Beneficii ad liberam suam dispositionem; quia jus habet sustentationem etiam summam suo status convenientem, quæ erit 400. si media sit; 50. infima 300.

*Quid de
Capellania
dis-
cedendum?*

7. Capellani amovibiles, seu quorum Capellania non est perpetua, & collativa, quales sunt in multis castris nobilium, possunt pro libitu suo de omnibus redditibus liberè disponere; quorum verò Capellania est collativa, seu perpetua tenentur redditus superfluos expendere in usus pios, nisi illa habeat onera annexa, ita ut redditus censeantur dari in stipendium; quia Capellania perpetua ob stabilitatem inter Beneficia Ecclesiastica com-

com-

computatur. Secus est de Capellania non perpetua. Similiter Pensionarius licite suam pensionem expendit in usus profanos, utpote jam extractam de bonis Ecclesiæ; secus est de Commenda perpetua, quæ subit locum beneficii.

8. Qui pecuniam superfluam expendit in usus profanos, v. g. agros, aliave bona immobilia emendo, adhuc manet obligatus; quia res emptæ cedit in locum pretii. Non est tamen obligatio, superflua statim expendendi in usus pios, sed colligi possunt in summam pro erigenda pia foundatione, modò bonâ fide procedatur, nec sit periculum, ne postea ad usus profanos deveniant.

Q U Æ S T I O, V.

An, & quatenus bona temporalia cadere possint sub dominium Religiosorum?

Resp. 1. Religiosi etiam professi in communi, seu communitates Religiosorum sunt capaces domini bonorum temporalium, idque de facto habent, nisi repugnent specialia Ordinis § 2.
statuta. Est communis contra Navarr. qui solam *Religio-*
administrationem Religiosis, Christo verò pro- *sa com-*
prietatem concedit. *munitas*
est capax
Probatu rex Trid Sess. 25. *dominii*
Cap. 3. *tempo-*
ralium.
De Regularibus, ubi concedit omnibus
Monasteriis, & domibus Religiosis, tam mulierum, quàm virorum, nisi quæ huic privilegio renuntiant, ut bona etiam immobilia possidere possint, utique tanquam sua. Huic tamen privilegio renuntiant Fratres Minores de Observantia, & Capucini, uti & domus professa Societatis Jesu, quoad redditus stabiles, bonaque immobilia, præterquam, quæ ad habitationem, villam,

villamque aliquam relaxationi animi destinatam necessaria sunt. Non verò renuntiârunt reliquâ Religiosi, quanquam eorum dominium vinculatum sit; quia non extendit se ad alienandas res immobiles, & mobiles pretiosas, quæ servando servari possunt. Habet quoque Papa dominium altum in bona Religiosorum temporalia, vî cuius hæc in alios justis de causis ob bonum publicum Reipublicæ Christianæ transferre potest.

53. Resp. 2. Quilibet Religiosus, in Religione *Non ve-* approbata professus, etsi non solus, est in par-
vo Reli- ticulari incapax omnis domini, ususfructûs;
giosus similiumque jurium in bonis temporalibus pre-
professus tio æstimabilibus, non quidem jure divino;
in parti- vel ex natura voti solennis paupertatis, sed ex
culari. jure positivo Ecclesiastico. *Prima pars* con-
statum ex Cap. *Cum Monasterio* 6. *De Sta-*
tu Monachorum, tum ex Trid. Sess. 25. Cap. 2.
ubi statuitur, ut nemo Regularium possit bona
mobilia, vel immobiliatantum propria possi-
dere, sed statim ea Conventui incorporentur:
unde Religiosus, seu subditus, seu Superior,
nec cibi, quo vescitur, nec vestis, quâ tegitur,
est dominus; & quidquid acquirit Professus,
acquirit Monasterio, in quo non transeunter,
sed habitualiter moratur. *Pars 2da* est hodie
quoque communis: nam 1. Non potest affer-
ri ullum jus divinum, ex quo illa incapacitas
oriatur. 2. Non oritur illa ex natura voti
Religiosæ paupertatis: nam hoc emittunt Scho-
lastici Societatis JESU, & tamen retinent ad
tempus dominium suorum bonorum tempora-
lium, abdicantque tantum usum, & disposi-
tionem omnem de temporalibus, à Superioris
voluntate independentem: unde votum pau-
per-

paupertatis Religiosæ non est abdicatio omnis domini possessionis, ac usûs proprii, ut olim quidam existimârunt; sed libera promissio facta Deo de non utendo ullâ re temporali, pretio æstimabili, independenter à voluntate Superioris, & in hac impotentia utendi consistit abdicatio proprietatis, seu obligatio nullâ re utendi tanquam propriâ, non verò in incapacitate, seu carentiâ domini: siquidem hoc absque capacitate eo utendi moraliter pro nullo reputatur. Quid enim juvat esse dominum bonorum, si iis uti, frui non possis? 3. id. Non oritur incapacitas illa ex natura voti ut solennis: nam coadjutores formati Societatis Jesu sunt incapaces domini, & tamen non emittunt vota solennia. 4. Nec ex eo, quòd Professus renuntiet dominio, promittatque nihil temporale in posterum amplius admittere tanquam suum; quia aliàs posset se per contrariam voluntatem reddere capax domini: si nempe, mutatâ voluntate, acquirat aliquid, tanquam suum illud habere volens: sicut qui vovit non transferre dominium alicujus rei in alium, v. g. non inire Matrimonium; verè potest mutatâ voluntate transferre dominium, & acquirere v. g. in corpus conjugis. 5. Non ex eo, quòd omne jus suum in Ordinem transtulerit; quia Juris Ordo quidam incapax est: & esto transtulerit, tunc saltem ex consensu Ordinis posset ista incapacitas tolli, quod falsum est. Restat ergo dicendum, quòd incapacitas illa oriatur ex constitutione Ecclesiæ, sicut & solennitas voti, quæ votis Religiosis accidentalis est, uti constat ex dictis P. 2. n. 378.

Dixi in conclusione. 1. *Professus*; quia votum simplex paupertatis Religiosæ comparatur domi-

dominium. Dixi 2. *Et si non solus* ; quia coadjutores formati in Societate JESU sunt incapaces domini. Dixi 3. *Est incapax futurum in rebus temporalibus* ? nam Religiosi , etiam professi , sunt capaces domini , vel quasi domini quorundam incorporalium , uti famæ , vocis activæ , & passivæ in electionibus , item Beneficiorum Regularium , uti Abbatiz , Prioratûs , Præposituræ , Commendæ &c. Juris habendi alimenta , & manendi in tali Monasterio , vel Ordine ; neque enim per votum paupertatis renuntiant bonis spiritualibus , & prædictis Juribus , sed tantum temporalibus & corporalibus , quæ pretio æstimabilia sunt , & hominem locupletant , seu impedire apta sunt , quò minus sit re ipsa pauper.

Notandum. Et si , quidquid Religiosus professus acquirit , acquirat suo Monasterio , vel domui , aut Provinciæ , ad quam non ut hospes , sed ut habitualis subditus pertinet , modò Ordo sit domini capax ; attamen Scholastici Societatis JESU non tantum retinent bonorum suorum , quæ in sæculo habuerunt , dominium , donec cum facultate Superioris omnibus renuntient , sed etiam sibi acquirunt ea , ad quæ jus habebant , quæque sine nova acceptatione obveniunt , ut fructus fundi , redditus annui , legatum rei determinatæ , & quæ cum permisso Superiorum ab eorum parentibus , cognatis , amicis donantur , non ad consumendum , sed ad eorum patrimonium stabiliter augendum ; quia domini sunt capaces , & institutum Societatis non repugnat . Secus tamen est de iis , quæ non donantur in eum finem . Quomodo Ordo succedat in bona . & Jura Religiosi dicetur infra , ubi de Successione , & Testamentis . n. 385. *Ex dictis resolves*

1. Si Religiosus disponat de re aliqua temporali, v. g. donando, acceptando, commutando, utendo, abutendo, vel aliâ ratione disponendo sine omni Superioris licentia, peccat contra votum paupertatis pro quantitate materiæ; quia per hoc se obligavit ad non disponendum de ejusmodi re sine licentiâ Superioris sui. Quod si dominus rei sit rationabiliter invitus, peccat quoque contra Justitiam cum damnificando, vel Jus lædendo. Dixi 1. *Sine omni licentia Superioris*; quæ triplex est, expressa, quæ verbis, aliqve signo à Superiore manifestatur; alia tacita, quæ fundatur in consuetudine Superioribus nota, & tolerata, cum impedire facillè possent; alia præsumpta, & interpretativa, quæ fundatur in judicio prudente ex rationabilibus causis affirmante, Superiorem non esse invitum, ut subditus hîc & nunc de aliqua re disponat sine expressa licentia. Prima & 2da licentia sufficit ad licitè operandum, 3tia verò tunc solum, & quando Superior adiri non facillè potest, nec sine incommodo actio differri. Vide dicta P. 1. n. 195. Dixi 2. *Peccat pro quantitate materiæ*, nempe mortaliter, si materiâ gravis; venialiter verò, si levis sit. Gravitatis autem materiæ æstimari debet non solum ex gravitate damni temporalis, quod patitur domus Religiosa, sed etiam ex gravitate damni spiritualis, quod patitur Religio ex vitio proprietatis, seu violatione paupertatis: ex utroque enim hoc capite judicari debet, an Superior sit graviter invitus: unde licet Religiosi communiter æquiparentur filiis parentum mediocriter divitum, & ad peccatum mortale contra votum paupertatis sufficiat materiâ,

R. P. Reuter Theol. Mor. P. III. H qua

54.
Corollaria.

Peccata
contra
paupertatem
Religiosam.

quæ secundum se sufficit ad grave furtum filii de bonis parentum ; non sunt tamen quoad materiam paupertatis omninò filiis æquiparandi ; quia Superior est magis invitatus ratione damni spiritualis , neque necesse est , ut furtum de se sit grave . nam si Religiosus admitteret 10. aureos sibi oblatos eâ conditione ; ut Monasterio non acquirantur , graviter peccaret contra votum paupertatis ; etsi nec ipse , nec Monasterium pecuniæ dominium acquireret ; quia illis utendo ; etsi cum voluntate domini , proprietatis vitium contraheret , quantum contra Justitiam non peccaret . Similiter peccaret contra votum paupertatis Religiosus , si sine omni licentia Superioris apud externos comederet , vel biberet , quia , licet dominium cibi & potûs dicas manere penes externos , non abesset tamen vitium proprietatis propter usum independentem à voluntate Superioris . Etsi putet Suar. sæpe excusari à mortali , & regulariter non perveniri ad materiam gravem contra pauperatatem , nisi frequenter in notabili quantitate fieret ; eò quòd Religiosi æquiparentur filiis familias , & major quantitas requiratur materiæ pertinentis ad externos , quàm pertinentis ad Monasterium ; quia Superior , quoad posteriorem , est magis invitatus . Sed attendi debet damnum spirituale ex vitio proprietatis . Contra non videtur peccare mortaliter Religiosus , si Religioso ejusdem Monasterii donet librum 5. aureorum sibi permissum , & emptum pecuniâ sibi oblatâ ; quia , cum liber maneat ejusdem Monasterii , Prælati non videtur graviter invitatus Sanch. Neque si ex rebus sibi ad usum concessis commodet etiam externo , modò certus sit rem esse restituendam , nec notabiliter deterioran-

randam ; quia dominium non transfertur, nec concessio usus temporalis, nisi foret valde longi temporis, videtur tanti esse, ut censeatur materia gravis. Idem est, si pecuniam permutteret cum alia simili, vel commodatò acciperet ad breve tempus rem etiam magni valoris ; secus si re notabili uteretur ad notabile tempus, g. per annum.

2. Peccat Religiosus contra votum paupertatis, si sine licentia Superioris fidejubeat, aut accipiat aliquid custodiendum in vim contractus depositi ; quia tales in te obligationes suscepæ actus domini post se trahunt : & quamvis forè obligationes nullæ sint, intendunt tamen actus domini ; secus esset, si quis rem alterius tantum acciperet in fidam custodiam. Vide Castropal. D. 4. P. 13. §. 4. Disp. 3. P. 21. n. 6.

3. Religiosus professus, sine licentia aliquid alienans, disponit invalidè, teneturque repetere, &, qui accipit, reddere, si adhuc res in se, vel in æquivalenti existat : quia Religioso professus deest potestas disponendi ; unde, si ex præsumpta licentia aliquid exposuit, tenetur indicare ; quia si Superior re ipsa sit invitus, res manet sub dominio Monasterii ; si tamen ex licentia præsumpta consumpsisset, necesse non esset indicare ; quia res non est amplius, atque eâ non utitur. Dixi : *Professus* ; nam Scholasticus Soc. secundum Lug. contra Sanch. disponit validè, etsi illicitè ; quia non reperitur lex irritans.

4. Non potest Superior Religiosus sine peccato contra paupertatem disponere de bonis Religiosæ communitalis ea consumendo, expendendo, nisi ex rationabili, & conformi

regulis voluntate Ordinis, quam ille congregatus ediceret, si rogaretur : quia Superior non est dominus illorum bonorum, sed tantum administrator, & ipse voto paupertatis obstrictus est, nec majorem habet facultatem, quam ipse Ordo, vel Religiosa communitas concedat, cujus nomine bona administrat : proinde non potest ea expendere, aut veniam dare expendendi in usus vanos, superfluos, inutiles, indecentes sine peccato contra paupertatem : unde & subditus sic expendens, juxta Sanch. & alios, peccat contra paupertatem; licet Ordo det licentiam, ut disponat validè : ut sit in emptione inutilium, vel superfluatorum ob bonum commune, & confusionem vitandam. Qui plura de his desiderat, videre potest La Croix L. 4. à n. 96. & 97. & alios.

Q U Æ S T I O VI.

Quæ cadant sub Dominium Servorum, seu Mancipiorum ?

55. Resp. Etsi non habeant dominium lucri, & *Non ca-* fructus sui laboris dominis impensis, habent ta-
rent om- men dominium suæ famæ, bonorumque spiri-
ni do- tualium, & quorundam temporalium; ac 1. Eo-
minio. rum, quæ habuerunt ante servitutem. 2do. Quæ dantur illis, ut se redimant, vel eâ lege, ut non fiant domini. 3tiod. Quæ de bonis suis aliquâ negotiatione sine detrimento domini lucrantur : unde Jura, quæ dicunt, quæ acquirit servus, domino acquirit, intelligenda sunt regulariter de lucro sui laboris.

CAPUT IV.

De Modis acquirendi Dominium
Proprietatis citra Præscriptionem, seu Usucapionem, & Contractum.

Natura equidem bona quædam divisit, quæ homini insunt, eumque intrinsecè perficiunt, certis subjectis ea attribuendo: ut sunt vires, valetudo, complexio, membra; adeoque eorum divisio formaliter, determinatè, & immediatè est jure naturæ induc[t]a; bona tamen externa homine inferiora, ut sunt fundi, metalla, feræ, animalia &c. etsi recta ratio dictaret utile esse, imò in statu naturæ lapstæ quodammodo necessarium, tum ad acuendam hominum industriam, tum ad vitandum lites, jurgia, & confusionem, tum ad materiam pluribus virtutibus subministrandam v. g. misericordiæ, liberalitati, justitiæ &c. formaliter determinatè, & immediatè non divisit, nec modò dividit, sed mediatè solùm, & radicaliter inclinando, & dictando, eorum divisionem perutilem esse, & suo modo necessariam: hinc inventi sunt diversi dominii acquirendi modi, qui generatim in triplici sunt differentiâ.

1^{us} est occupatio, quâ bona, quæ antè nullius erant, fiunt primo occupantis: sub hoc continentur etiam inventio. piscatio, venatio, aucupium &c. Hic introductus est jure gentium, seu mutuo populorum omnium, seu ferè omnium consensu; etsi legibus deinde firmatus, & circumscriptus sit.

2dus est, quod bona, quæ antè alicujus erant, fiunt alterius, ipso licèt invito: ut sit per præscriptionem, accessionem tam naturalem, quàm industrialem, sententiam Judicis, crimen læsæ Majestatis &c. Hic inductus est lege civili, saltem quoad formam,

3rius est, quod, quæ alterius antè erant, cum illius consensu transeunt ad alium, ut sit in contractibus. Hic ceteris etiam legibus circumscribitur. De primo. & ex parte de secundo modo hoc capite tantùm agitur.

Q U Æ S T I O I.

Quænam generatim necessaria sint ad
acquirendum Dominium pro-
prietatis?

57. Resp. Hæc tria. 1. Intentio rem ut suam
Trias habendi, sive jam quis eam per se, sive per
Intentio alium, qui ejus personam fictione Juris repræ-
titulus sentet, concipiat; quia aliàs lex non assistit, ut-
Gregu- pote non obtundens favores. 2. Titulus;
lariter quia, hoc deficiente, non est ratio, cur lex uni
traditio potius alios gravando faveat, quàm alteri: est
enim titulus domini causa habilis à legibus
approbata, ut illà positâ dominium acquiratur.
Proinde radix & fundamentum domini
est, consistitque ut plurimum in actione, vel
quasi actione hominis, ut sunt emptio, do-
natio, occupatio rei, quæ nullius antè erat.

Titulus Quod si fundamentum acquirendi domini
triplex revera subsistat, v. g. Sit emptio rei à legitimo
ejus domino legibus conformis, dicitur titulus
verus; si autem non subsistat, habeat tamen
speciem veri tituli, dicitur titulus coloratus,
ut

ut emptio rei à fure, qui putatur verus dominus. Si rationabiliter putetur subesse causa, vel fundamentum dominii, de quo non constat, dicitur titulus præsumptus. 3. Ad acquirendum dominium rei, sub alterius dominio existentis, regulariter requiritur ejusdem traditio, ubi dependenter ab ipsius voluntate acquirendum est, non quidem ex natura rei, sed lege ità disponente ad majorem Reipublicæ tranquillitatem. Est autem traditio, translatio rei, vel possessionis de persona in personam.

Dixi *Regulariter*; nam in quibusdam casibus traditio non requiritur, ac imò quidem dominium Beneficii Ecclesiastici acquiritur Clerico solâ collatione; & Beneficii acceptatione. *Can. Si tibi absenti. De Prabendis in 6.* *Quibus casibus non requiritur traditio?*

2. Dominium hæreditatis acquiritur solâ ejus aditione, id est, si hæres eam acceptet, & profiteatur, se velle esse hæredem. 3. Dominium legati in specie determinati, id est, legati singularis, v. g. hujus agri, hujus vestis, acquiritur legatario, hoc ipso, quòd hæres adeat hæreditatem; ità ut, etsi legatarius ignoret, aditam esse hæreditatem, sibi que relictum esse legatum, fictione Juris tale legatum retrahatur ad punctum mortis testatoris, perinde ac si ab illo puncto legati dominus fuisset. Secus est, si legatum quidem sit determinatum in quantitate, non tamen in individuo, v. g. si legata sit tanta pecuniæ summa, tot mensuræ tritici; hujus enim dominium non acquiritur aditione hæreditatis. Conceditur tamen legatario actio hypothecaria in bona defuncti, ut, ad quemcunque devenerint, is vel legatum solvat, vel bona defuncti tradat ad petendam ex iis solutionem. 4. Dominium rei donatæ,

venditur, legata Ecclesiis, civitatibus, monasteriis, aliisque piis locis acquiritur absque traditione, & juxta aliquos, solo titulo absque acceptatione. V. La Croix L. 3. P. 2. à n. 767. apud quem alii requirunt acceptationem. 5. Dominium rei donatæ sub modo, ut donatarius præbeat alimenta donatori, non impletur conditione, reddit ad donatorem absque traditione, potestque is eam vindicare. L. 1. Cod. De Donationibus sub modo. Extra hos casus titulus sine traditione tantum tribuit Jus ad rem.

Q U Æ S T I O II.

An, & quomodo acquiratur Dominium animalium per occupationem, venationem, aucupium, piscationem, &c.?

58.
Tria
anima-
lium
genera

Nota sequentia. 1. Animalia alia sunt mansueta, & domestica, ut equi, oves, boves gallinæ, &c. alia fera, aut sylvestria, ut cervi, lepores, cuniculi, capræ, apri, &c. ad quæ revocantur aves, & pisces, quæ nempe naturâ suâ talia sunt, nec educatione sunt cicurata. Aliqua tamen sunt partim sylvestria, partim domestica, ut columbæ, apes, cervi, capreoli, aliaque ex natura sua quidem fera, attamen cicurata.

Venatio,
piscatio
jure na-
tura li-
cent.

2. Certum est, quod venatio, piscatio, aucupium jure naturæ nemini sint illicita, dum feræ retinent naturalem libertatem; quia tamdiu nullius sunt: quæ autem nullius sunt, licetè occupantur, nisi lex positiva obster: cum enim bona homine inferiora sint ad ejus felicitatem condita; hinc tacito hominum consensu, etiam legibus firmato, conventum est, ut, quæ

quæ nulli sunt appropriata, licet occupentur, & appropriantur.

3. Certum quoque est, quod Princeps, vel *An, &* Respublica certis de causis sibi reservare, vel *quomo-* prohibere subditis (ut Jure Canonico Cleri- *do possit* cis venatio clamorosa secundum dicta P. 2. n. 415. *Princeps* prohibita est) possit venationem, piscationem, *venatio-* aucupium: ac imò quidem propter publicam ui- *nem pro-* litatem certis anni temporibus, v. g. ne fiant *hibere?* ante messem, ob periculum damni in frugibus, vel tempore fœturæ; ne soboles fetina extinguantur cum publico detrimento; item, ne fiat certis instrumentis, aut pharmacis, quibus plurimi pisces v. g. simul enecentur, aut fluvii inficiantur. 2. Potest Princeps in loco aliquo communitalis jus venandi sibi reservare, idque vel ex consensu subditorum gratuito, aut per contractum onerosum debito, vel etiam sine eorum consensu; si id, vel ad Principis sustentationem, vel ad honestam Principis recreationem necessarium sit, quia hæc ei debentur: imò potest & id in loco certo publici juris, vel communitalis reservare personis aliis de Rep. bene meritis, v. g. nobilibus, & Toparchis.

Dixi; *In aliquo loco communitalis*; quia nimis inhumanum foret, sui commodi, & recreationis causâ universim populo in omni communitalis loco prohibere; nisi remissione, vel aliâ ratione id compenset; ad quod tenetur, si locum aliquem præ aliis pro sua recreatione, vel sustentatione prohibendo venationem gravet; quia subditi debent cum proportionem æqualiter concurrere ad Principis sustentationem, & recreationem. Imò si ob has causas venationem in certo districtu, intra quem sunt prædia privatorum, qui ante illam reservationem

jure communi venandi gaudebant, reservaret sine consensu libero omnium, & singulorum, talia prædia habentium; teneretur compensare omnia damna, quæ feræ illis inferunt: nec sufficit consensus metû mali alterius injusti extortus, vel consensus primatiorum; quia non licet etiam de consensu rectoris populi inferre damnum ulli privato invito in rebus ipsi propriis: nec sufficit pro compensando damno tributa remittere, nisi ex illa remissione singuli reportent tantum lucri, quantum acceperunt damni ex illa reservatione. Secus esset, si prædia ab initio cum illo onere vendita, data, vel in Emphyteusi tradita essent, vel Domini prædiorum postea gratis, aut pretio, vel alio contractu oneroso in id onus consensissent: tunc enim ad restitutionem non teneretur. Quod autem prædia districtui illi contermina, à multiplicatis feris fortè damnum paterentur, id per accidens esset, & cum commodo conjunctum; quia contermini possent in suis prædiis feras capere, & in suam utilitatem vertere, quin & in locis, ubi venatio justè prohibita est, subditi licitè feras occidunt, si aliter à frugibus arcere non possint. Nec possunt id prohibere Principes, sique prohiberent, ne arceantur, aut multiplicando feras rusticis causent damna, quæ hi avertere vetantur, aut non possunt, tenentur ea Principes compensare; quia, cum liceat se defendere contra homines injuriosos, multò magis contra feras id licebit. Neque censentur subditi unquam consensisse in damna immodica: unde & si Principes, vel jus venandi habentes, conculcando segetes in venatione causent damna, tenentur ea rescire. 3. Potest Princeps venationem prohibere

bere publicæ utilitatis causâ, ut v. g. ex ejus elocatione confletur vis pecuniæ ad sustinenda Reip. onera, aut ne plebeji suis laboribus se abstrahant, & obliuiscantur familiæ, &c. His præmissis.

Resp. 1^{mo}. Animalia mansueta, & domestica, quantumvis aberrarent, semper remanent prioris Domini, nec fiunt occupantis, etsi naturalis eorum possessionem capiat. §. *Gallinae* *inst. de rerum divisione*. ubi dicitur furari, cicurata qui hæc animalia, cum fugerint, detinet; proinde sine iniustitia non licet ea detinere: imò si quis ea, vel partem eorum ex ore lupi, vel alterius bestię extraheret, cetũ alias perituram, teneretur Domino restituere, quavis præmium negotii utiliter gesti petere posset. *L. Pompeius ff. de acquirendo rerum dominio. Instit. de rerum divisione §. Gallinarum*. Idem dicendum de iis, quæ naturâ suâ sunt sylvestria, sed usu vel educatione cicurata; hæc enim occupare non licet, quamdiu retinent redeundi consuetudinem, tunc enim naturalem libertatem necdum recuperasse censentur; id quod prudentum judicio, spectatâ varietate animalium, & circumstantiarum, est determinandum; nam cervi, capræ, aliæque feræ cicuratæ per plures sæpe dies vagantur in vicinis sylvis, agris, vineis, & tandem tamen revertuntur.

Resp. 2. Animalia fera, & sylvestria, si antea nullius fuerint, aut si ante capta, & in alterius potestate constituta, naturalem libertatem recuperaverint, fiunt primò occupantis, licetque, per se loquendo, capiuntur in fundo proprio, tum alieno aperto. Ratio 1^{ma} partis est; quia ejusmodi animalia sub nullius sunt dominio; quod autem nullius est, & alius esse potest, jure naturali, & gentium fit

imò

imò occupantis. Ratio 2da partis est ; quia feræ non sunt fructus fundi , cumque naturalem libertatem habent , nullius sunt. Secus est , si fundus sit clausus ità , ut fera censeatur naturalem libertatem amisisse , tunc enim fera est illius , cuius est fundus ; quod fit , quando locus clausus non ità est vastus , ut facilè capi feræ , vel pisces possint : si enim aquè difficulter in eo capi possint , ac in loco non clauso , non censentur naturalem libertatem amisisse , adeoque nec pertinere ad Dominum fundi , quod accidit juxta Less. quando v. g. sylva est duarum , vel trium leucarum. Porro sicut feræ cicuratæ naturalem libertatem censentur recuperâsse . & esse nullius , si consuetudinem redeundi amiserint : sic captæ , & non cicuratæ recuperâsse censentur libertatem ; cùm captoris custodiam ità evaserunt , ut oculos ejus effugerint , vel si sint adhuc in conspectu , tamen non sit facilis eorum comprehensio , v. g. si avis ex cavea in liberam auram evaserit , si piscis ex vivario tuo in fluvium transierit.

*Quid de
apibus ?*

De apibus id speciale est : si examen integrum ex tuo alveario avolet , tamdiu est tuum , quàm diu est in conspectu tuo , & illud persequeris cum spe recuperandi ; ubi verò disparuerit . & spes recuperandi cessat , desinit esse tuum , & fit primò occupantis. Quamvis autem examen aliquod in tuo fundo , vel arbore tuâ confederit , nondum est tuum ; sed si alius te præveniat , idque occupet , fit illius , etsi prior videris , alterique prohibueris , ne fundum tuum eâ de causâ ingrediatur. §. *Apum quoque Inst. de rerum divisione.* Idem dic. si casu expositum tuum alveare occupâisset , secus si ideo à te expositum. Dixi : *Per se loquendo* ,
id

id est, seclusa iustâ prohibitione : Nam si venatio, piscatio, &c. sit iustè prohibita, peccatur secundum dicenda. Ex dictis resolves

1. Si feram ità vulnerâsti, aut retibus 61.
implicâsti, ut à te moraliter certò capienda sit ; Corolla-
si laqueum, vel rete posuisti, quo avis, vel ria.
piscis captus est, ità, ut non possit evadere ; 1. De fa-
sicapta erunt tua, cùm naturalem libertatem ra vul-
amiserint, sintque moraliter potestativæ sub- nerata.
jecta : unde alius ea occupans tenetur ad re-
stitutionem. Si autem fera non sit ità vulne-
rata, aut conclusa retibus, quin moraliter
possit effugere, non sit tua, sed capientis : quia
necdum amisit naturalem libertatem. In dubio
an ità vulnerata, vel capta fuerit. in praxi sua-
denda est divisio. Quòd si fera, quam tu actu
persequeris, incidat in laqueum alterius, vel
rete, juxta Lugonem est ejus, qui laqueum,
vel rete posuit. Juxta Less. uterque habet jus
eam occupandi, sitque primo apprehendentis.
Juxta Molinam inter utrumque dividenda est.
Hoc videtur æquitati conformius, saltem quando
uterque æqualiter, vel fere æqualiter confert ad
ejus captionem.

2. Cum columbaria habere consuetudo re- 2. De
cepta, & Resp. permittat, tum quia confert colum-
ad communem utilitatem, cùm aliàs columbæ bariis.
magis multiplicatæ plus nocerent, magisque
fugerent manuscoquorum ; tum quia non in-
ferunt damnum notabile, utpote colligentes
in agris tantùm grana aperta, non verò coo-
perta, & mala absumant, quæ relictæ magis
nocerent, quàm ipsæ columbæ : hinc non
licet, per se loquendo, occidere pascentes in
agro tuo, quamvis eas possis abigere. Si ta-
men dominus eas in fame detineret, ut egres-
sa

sæ irruant in alienas segetes ; possent capi , & juxta Lug. occidi , quia fraus fieret : sed spectanda est consuetudo. Similiter non licet alienas columbas per illecebras inusitatas , vel fraude aut arte ad tuum columbarium allicere ; quia non minùs pertinent ad Dominum , quàm gallinæ : licet tamen facere aliqua utilia circa suas columbas , et si per accidens alienæ columbæ alliciantur ; quæ si prius columbarium revisendi consuetudinem amiserint , cessant esse prioris Domini , & fiunt ejus , ad cujus columbarium veniendi , sine fraude consuetudinem habent.

De feris 3. Feras , quæ in circumseptis saltibus ad-
in salin- modum vastis ita continentur , ut nunquam
vasto. capræ censeantur , seu ut Dominus non possit eas , quando vult capere , sed ibi nascantur , vel etiam aliunde importentur , capere furtum non est ; quia feræ naturalem libertatem non amiserunt ; cùm captura multùm difficilis , & anceps sit. Atque juxta Rebell. & Dicast. sufficit , si locus tantus sit , quantus solet esse cursus feræ , ut evadat per fugam. Si tamen Dominus solus habuit jus ibi venandi , fieret ei injuria , reparanda non secundùm æstimationem feræ , sed spei talem feram capiendi. Idem dic de lacu vastæ magnitudinis , ex quo pisces extrahi vix possunt. Secus est , si feræ sint ita septis conclusæ , aut pisces in vivario , ut facile capi possint : & hinc si fera etiam suâ sponte incurreret in tuum septum , ex quo exire nequireret , & facile posset capi , fieret tua. Idem est , si pisces ex fluvio defluerent in tuam piscinam ; quia talia receptacula sunt ex natura sua ordinata ad talem capturam , semperque adest animus ibi capiendi , si adveniant.

Q U Æ S T I O III.

An, & quomodo peccet, qui venatur,
vel piscatur in loco aperto, ubi,
& quando adest justa pro-
hibitio ?

Resp. 1^{mo}. Si venatio, vel piscatio sit pro-
hibita alicui tantum ratione statûs, uti vena-
tio clamosa prohibita est Clerico, & Religio-
so; eam exercens peccat plerumque venialiter
tantum, nisi frequens esset, vel scandalum,
contemptus, vel periculum mutilationis acce-
deret; non quidem contra justitiam, sed con-
tra religionem, vel obedientiam: unde ad re-
stitutionem non tenetur.

62.
1. Vena-
tio pro-
hibita
ratione
statûs.

2. Qui exercet venationem prohibitam ra-
tione modi, aut circumstantiæ, v. g. ne fiat
certis instrumentis, vel armibus, aut certo anni
tempore, peccat ordinariè tantum veniali-
ter; quia ordinariè non dampnat graviter
communitatem, non tenetur restituere, quod
cepit, quia hoc, cum nullius sit, fit 1^{mo}
occupantis, & licet leges prohibeant actum
venandi, non tamen invalidant acquisitionem
dominii in feram captam. Dixi: Ordinariè;
quia, si modo uteretur notabiliter pernicioso
communitati, v. g. quo proles ferina notabiliter
extingueretur; peccare posset mortaliter. te-
nereturque ad compensationem juris ad rem
injustè impediti, secundum æstimationem spei,
judicio prudentum taxandam, & ad pœnam
legis, si per sententiam Judicis ad eam con-
demnaretur.

2. Ratio-
ne modi.

3. Qui

3. *Ratione rei.*

3. Qui venatur in loco publico, vel tam modicè clauso, ut feræ ibi libertatem naturalem, potentiamque fugiendi non amiserint, etsi is venationi Principis, alteriusve Magnatis, vel Officialis justè reservatus esset; acquirit dominium feræ, nec peccat, saltem secluso damno gravi, nisi venialiter; quia rationi consonum est, ut obligatio illa non ità strictè accipiat. Ità Less. hic N. 44.

An autem peccet peccato injustitiæ, teneaturque ad compensationem secundum æstimationem spei jus habeatis, controversitur. Affirmant multi cum Molina & Less. qui tamen fatetur, feram fieri capientis, cum nullius fuerit, & occupatio non sit injusta ex parte rei acquisitæ, sed extrinsecè tantum, non quatenus est acquisitiva hujus juris; excusatque à restitutione, etsi damnum aliquo modo notabile sit; eò quod Principes non soleant talem restitutionem curare, sed requirant tantum, ut deprehensi pœnam luant, quæ non debet esse corporalis, sed pecuniaria tantum, nisi fortè iterata sæpius nihil perficeret. Econtra alii non pauci cum Lugone Disp. 6. N. 69. Vasq. *De restitutione*. Cap. 5. §. 2. D. 7. N. 19. negant peccari contra justitiam, etsi admittant, peccari contra obedientiam. Ratio illorum est, quia licet Princeps posset sibi, vel alteri reservando jus venandi obligare subditos ex justitia: id tamen non censetur facere; sicut quando sibi vel alteri licentiam reservat certas merces vendendi, conficiendi saponem, aliamve actionem lucrosam exercendi, non censetur sibi reservare, vel in alterum transferre jus proprietatis, obligans ex justitia alios, ne tales actiones exercent, sed ex potestate legislativa

lariva solum prohibet illam, non auferendo potestatem acquirendi dominium lucris, ex prohibita actione provenientis, nec auferendo illis jus in actu primo, sed tantum prohibendo actum secundum. Et in hoc sensu leges prohibentes venationem videntur accipiendae, nisi aliud aliunde constet; cum praesumendum sit pro benignitate Principis, nolentis aliter obligare, quam bonum commune exigit, adeoque ex obedientia tantum. Imò non desunt, qui probabiliter docent, leges illas esse merè penales, eò quod non aliter intendat Princeps obligare, aut subditi aliter leges non acceptent, idque etiam, etsi alteri id reservet pro pretio. Accedit, quod saepe dubium sit, an toparchæ jus venandi habeant ex concessione Principis, vel consuetudine vim legis habente: unde cum obligatio non sit imponenda, nisi satis probeatur; mitior pars hic amplectenda est, donec obligatio major constet. Quin & asserentes hic obligationem justitiæ, dicunt ordinariè, & secluso notabili dâmnno, non peccari nisi venialiter; damnum notabile autem dicunt, si quis venatione frequenti magnam solitudinem alieno solo inferret, non verò si magna in sylva unum tantum, vel alterum cervum prosterneret. Imò Palao de justitia in genere N. 4. P. 17. ait: hoc damnum in æstimatione morali nullum esse, cum animalia faciliè aliò fugiant, sicque spes Domini sit nullius pretii.

4. Venator egrediens terminos suos ad loca 4. *Rario* vicina, in quibus alteri jus venandi competat, *ne ver-*ordinariè non peccat; quia id Domini sciunt, *mini.* & invicem faciunt, contenti multâ, vel pœnâ, si quis deprehendatur fuisse transgressus.

R. P. Reuter Theol. Mor. P. III. I 5. Si

petit, quamdiu manet Domino potestas bona per se, vel per alium recuperandi: quilibet enim censetur bona ante à se, vel suis antecessoribus, quibus ut hæres succedit, possidenda retinendi habere animum, quamdiu per ipsum, vel alium recuperari possunt: ut patet in aliis deperditis, v. g. naufragio mari immerfis &c. Nec obstat, quòd Dominus boni non recorderetur; quia per alium edoceri potest de re antiquitus non minùs, quàm recentet deposita: quamquam rarò contingit, ut res antiquitus deposita resciri possit; quia licet in communi sciat, quæ gens, vel quæ familia ibi habitaret, non potest tamen sciri, quæ persona pecuniam illam ibi absconderit, nec quos hæredes habuerit, unde nemo potest rem recognoscere tanquam suam. Si verò constaret de legitimis thesauri Dominis, jam thesaurus appellari non deberet; quia, ut res sit thesaurus, debet ejus Dominus esse ignotus omninò ex *Lege unica Cod. de thesauris*. Hoc notato

Resp. Thesaurus in quocunque loco inventus, jure naturali, & gentium est inventoris; quia cum ante nullius sit, fit imò occupantis: jure autem positivo civili statuta sunt sequentia.

1. imò, Thesaurus in proprio fundo, sive casu, 64. sive industria inventus, totus est inventoris: *Inven-* si tamen arte magicâ esset inventus, pertineret *ms in* ad Fiscum, non quidem ante, sed post sententiam Judicis; quia lex pœnalis est, non ob- *proprio,* ligans ante sententiam §. *Thesauros* 39. *Inst. vel pu-* de rerum divisione. Idem dicendum, si in- *blico, est* veniat in loco publico, speciali dominio ad *invento-* nullum pertinente, v. g. littore maris, fluvio, *ris totus* plateâ publicâ, foro, aliove loco, cujus nec

Princeps, nec Resp. habet proprietatem, sed tantum dominium jurisdictionis, quia sic thesaurus non invenitur in loco alieno, sed communi omnibus. Nec obstat, quod §. *cit.* dicatur: Theauri in loco publico inventi medietas spectare ad Fiscum, vel communitatem: nam per locum publicum ibi intelligitur non locus omnibus communis, sed quem communitas, aut Princeps speciali jure possidet, ut sunt v. g. sylva, pascua, domus publica, &c. quia leges restringentes jus naturale loquuntur de Domino speciale dominium habente, non de alio, in quo proinde thesaurus modo licito etiam de industria inventus, pertinet totus ad inventorem. Aliqui probabiliter dimidium Fisco attribuant.

Casu inventus in fundo alieno 1. Thesaurus inventus casu in fundo alieno etiam Principis, ut v. g. si operarius conductus in fundo fodiat alienam terram, vel lapides eruat, & inveniat thesaurum, ex æquo dividendus est inter ex æquo inventotem, & Dominum fundi, *ex lege unica Cod. de thesauris*. Quæ lex ubi viget juxta communem obligat in conscientia ante sententiam Judicis; quia lex non est pœnalis, sed ex æquitate naturali de proprietate disponit, ut medietas per occupationem inventoris pertineat ad Dominum fundi. Ità Haunold. Unde si inventor illo inscio sibi totum reservâset, teneretur in conscientia ad restitutionem dimidii. Dixi: *Casu inventus*: Nam inventus in fundo alieno de industria sine consensu Domini, totus ad hunc spectat *ex lege unica Cod. de thesauris*: ubi id rectè statuitur, ut tollatur ansa effodiendi alienos agros. Hæc tamen lex, quia pœnalis videtur, non obligat ante sententiam Judicis ad tradendum totum, sed tan-

tantum ad dimidium est obligatio, quia inventus in fundo alieno. Colligitur id ex ipsa lege, quæ ait : *totum reddere compellatur* : proinde supponit sententiam Judicis. Quod si verò Dominus fundi consensisset, ut quæratur in suo fundo ; standum erit pacto, si quod præcesserit : quod si nullum adfuerit, juxta Less. totus erit inventoris ; quia Dominus fundi tunc jure suo cessisse videtur, nisi tamen fraus inter- venerit, v. g. si quæsitore scivisset ibi latere thesaurum, & simulasset se nescire : tunc enim Dominus sic deceptus, non censetur juri suo renunciâsse.

3. Si thesaurus inveniatur in loco ad duos *Inven-* Dominos imperfectos pertinente, quorum unus *tus in* sit proprietarius, alter verò feudatarius, seu *fundo* Emphyteuta ; Less. Mol. & alii probabiliter *ad duas* censent eam partem, quæ Domino loci debe- *Domi-* rur, æqualiter dividendam esse in propieta- *nos im-* rium, & feudatarium, vel Emphyteutam, *perfe-* Proinde si unus horum thesaurum inveniret, *et os per-* haberet medietatem, ut inventor, & alteram *tinente,* medietatem divideret ex æquo cum alio. Alii *quomo-* probabiliter cum Palao integram partem, Do- *do divi-* mino fundi debitam, adjudicant feudatario, *dendur* vel Emphyteutæ ; quia hi substituuntur pro- prietario in omnibus, præterquam in casibus à jure exceptis, inter quos non est casus præ- sens : proinde solus feudatarius, vel Emphy- teuta hic pro Domino fundi reputandus est. Quod confirmatur ex eo, quia hi possunt pro- prietario invito de industria quærere thesau- rum, illis autem invitis sine injuria non po- test id proprietarius. Aliter tamen sentien- dum de conductore, usufructuario, imò & usufru- ctuario : hi enim habentur pro extraneis :

proinde iis nihil de thesauro ratione fundi debetur, cum thesaurus non sit fructus fundi. Colligitur *ex lege 7. fructus. ff. soluto matrimonio.* ubi dicitur, quod thesaurus inventus in fundo dotali non sit viri, sed uxoris. Quidam tamen censent, usufructuarium, & qui ad vitam conduxit, censeri Dominum. Vid. P. 2. n. 389.

Inven- 4. Thesaurus fortuitò inventus in loco sa-
tu in lo- cro, juxta Less Laym. Spor. totus est invento-
co sacro, ris; si de industria est inventus, medietas ce-
ex dimi- dit Ecclesiæ, vel Prælato. At Less. loquitur de
dio cedit locis sacris omnino publicis, quæ in jure di-
Ecclesiæ. cuntur esse nullius, qualia ait, non esse mo-
nasteria, & similia. Cumque in præsen-
ti sit locus sacer, cujus dominum Prælato,
vel communitati non competat; hinc probabi-
lius medietas etiam inventi fortuitò tradenda
est Ecclesiæ, vel Prælato. Si datâ operâ in-
ventus sit, loquendum sicut de invento in loco
alieno.

Fundus 5. Si scias in alieno agro latere thesaurum,
in quo & agrum emas, thesauro necdum eruto; eum
scitur postea effodiens, facis totum tuum, quia ap-
latere prehendis in fundo tuo. Quod autem possis
thesau- illum fundum emere communi pretio, habet
rus, lici- communior cum S. Thoma; quia nec fructus,
te emi- nec pars agri est thesaurus, nec ager ob eum
tur com- latentem in communi æstimatione plus valet,
muni mensura autem justii pretii est communis æsti-
pretio. matio. Hæc servanda sunt de jure communi:
ubi verò sunt leges speciales, vel consuetudi-
nes, secundum eas judicandum est. Sic in
Gallia thesaurus, in alieno fundo repertus, di-
vidi debet in tres partes æquales, quarum una
sit inventoris, altera Regis, 3tia dynastæ loci,
vel

vel Regis, si alius non sit. Inventus autem in fundo proprio, ex media parte est inventoris, & ex altera Regis, vel dynastæ. Solent & in aliis locis hodie ferè Principes potissimam saltem partem thesauri sibi vindicare, & inventori tantum relinquere quoddam honorarium, estque ferè communis sententia DD. posse à Principe, vel Rep. justè sic decerni, etsi quis in fundo proprio thesaurum inveniat, utpote qui nullus erat. Hæc tamen appropriatio à multis dicitur se habere per modum tributum; ideoque inventorem tutâ conscientiam posse thesaurum inventum occultare, sibi que retinere, donec exigatur ab eo, qui exigere potest, ut reliqua ferè tributa solent. Atque, ubi hæc Principum legitima consuetudo obtinet, cessant leges civiles de thesauris, illi contrariæ.

Petes. An thesauris annumerari debeat, si quis pecuniam, vel aliam rem mobilem, præ-
tio æstimabilem, intra superficiem terræ, in an-
gulo domus, v. g. retro cistam, vel intra alias
res mobiles inveniat? Respondet Layman
Tract. 1. Cap. 5. N. 23. Castrop. & alii ne-
gativè, etsi res diu deposita fuisse videatur;
quia thesaurus propriè non est, nisi verus de-
positio, seu potius defossio pecuniæ, vel simi-
lis rei, vel ut loquuntur alii, profunda &
antiqua defossio in terram. Unde ad inven-
torem spectabit; si Dominus, vel hæredes ig-
norentur, & inveniri non possint; si inveni-
antur, eis reddenda est. Attamen Lugo the-
sauris annumerat, quæ alibi etiam, quàm in
terris sunt recondita, v. g. in muro, pariete,
arbore; idem dicit Less. de reconditis in re

mobili, v. gr. vase tabaci, sacco lanâ pleno; quia *L. tutore. ff. de rei vindicatione.* habetur hic casus: a tutore pupilli domum mercatus, ad ejus refectionem fabrum induxit, pecuniam invenit: quæritur, ad quem pertineat, respondeturque; si non thesauri fuerint, sed pecunia fortè perditâ, vel ab alio, ad quem fortè pertinebat, non ablata, nihilominus ejus esse, cujus fuerat, ubi videtur supponi, pecuniam in pariete reconditam posse esse thesaurum: Faber enim lignarius non solet effodere terram. Ex quibus patet, dubium sæpè esse posse, an res antiquitus deposita sit propriè thesaurus, valeantque de ea dispositiones juris. Quod, si sit, standum est jure naturali, & dicendum, non esse; quia pecunia deposita non censetur esse thesaurus, antequam constet de requisitis ad eum constituendum. Videri potest Burchaber Cent. 2. Casu 1. ubi ad thesaurum requirit, ut res sit defossa in profundiorē terræ partem, vel locum ab humanis oculis remotum, seu occultum, & communiter inaccessum, ut ait Sporer.

Q U Æ S T I O V.

An, & cui per inventionem acquirantur fodinæ, & venæ metallicæ?

66.

*Omnes**perti-**nent ad**Domi-**num**fundi,**jure**commu-**ni.*

Resp. Fodinæ non tantum carbonariæ, arenariæ, inarimoræ, aliæque similes minores, sed & metallicæ etiam pretiosæ, v. g. argenti, & auri jure naturæ, & positivo communi pertinent ad Dominum fundi. Ità Molina, Lug. Vasq. & alii contra Less. Valentiam id negantes, præsertim de venis auri, & argenti, quas

VO.

volunt esse nullius, ideoque esse primo occupantis, non tantum, quando in loco publico, quod verum est, sed etiam, quando inveniuntur in fundo alicujus: uti si ab operario aurum inveniatur in fundo alieno; justamen efodiendi competere domino fundi, per se loquendo. *Ratio nostra est*; quia tam venæ auri & argenti, quàm ferri, plumbi, carbonum sunt pars fundi, adeoque ad ejus dominum pertinent: neque enim hic est solius superficiæ proprietarius, ut patet ex eo, quia in fundo dominus potest fodere puteos, excavare fossas &c. unde non se habent ad agrum, vel fundum, velut accessorium, sed sunt fructus fundi in illo, Sole agente, vel igne subterraneo nati.

Jure tamen speciali variarum nationum venæ, auri præsertim, & argenti, in quocunque fundo reperiantur, sunt Principis, ut onera Reipublicæ sustineat; & aliqua pars datur inventori, ut homines incitentur ad venas indagandas; domino autem fundi compensatur tantum damnum, quod patitur fossione in fundo suo. Potuisse autem sic leges statuere ad bonum commune, habet communis sententia, putatque Vasquez, agros non aliâ ratione primum esse distributos. Quod tamen alii negant, eò quòd aliàs non liceret inventori occultare, & aliquid inde sibi retinere etiam ex proprio fundo. *Nec obstat*, quòd venæ illæ jure naturæ sint ejus, cujus est fundus, sicque videatur induci inæqualitas onerum: nam cum ante venæ inventionem fundus, in quo vena latet, non sit ideo magis, quamdiu vena communiter est occulta, æstimabilis, quàm alius similis, reservatioque antecedit

*Non in-
reparti.
culari
in qui-
busdam
locis.*

inventionem cujuscunque venæ in particulari ;
lex nata est omnes æqualiter gravare ; unde nul-
la hîc intervenit inæqualitas onerum , manente
ignorantiâ , in cujus fundo vena lateat,

Q U Æ S T I O VI.

Cui , & quomodo acquirantur alia bona
incerta , vacantia , & derelicta ?

67.
*Quæ bo-
na in-
certa,
vacan-
tia, de-
relicta?*

Nota. Bona incerta sunt triplicis generis ;
nam 1. Alia sunt fortuitò inventa , quorum
dominus post diligentem inquisitionem adhuc
ignoratur. 2. Alia sunt incerta ex contractu,
vel quasi contractu justo , ut , si quis habet rem
ex emptione , vel mutuo , & nesciat , à quo ,
etiam indeterminatè , quod addo ; quia , si sci-
ret , se habere ab uno ex duobus , nesciret ta-
men , à quo determinatè ; debitum esset cer-
tum , deberetque in duos dividi , si & ipsi du-
bitarent. 3. Alia sunt incerta ex delicto , v. g.
furto, injustâ venditione , usurâ, &c. ità, ut do-
minus ignoretur : ut , si mercator promiscuè
ad se venientes emptores in pondere , & men-
sura decipiat , & nesciat postea , quos deter-
minatè deceperit. Dein bona vacantia sunt,
quæ quis moriens intestatus relinquit , & se-
cundùm leges hæredem non habet : ut fieri
potest in bonis nothorum & peregrinorum.
Bona derelicta dicuntur , quæ dominus animo
non amplius inter sua habendi abjecit , vel re-
liquit. Quando autem de animo domini non
certò constat, conjecturis agendum est , v. g. si
dominus facîle sua potest recuperare , & tacet,
ac negligit , præsumitur ea dereliquisse. Item
si res ob temporis diuturnitatem , distantiam
loci,

loci, vel similes ob causas, ita est extra potestatem domini, ut eam tanquam suam recognoscere, aut recipere non possit ex defectu alicujus principii physici ad hoc requisiti; tunc enim censetur domino carere, uti de thesauris dictum est. *Ratio est*; quia tunc prius dominium nullius est momenti, & à nullo pretio emeretur; adeoque habetur pro nullo, etiam à domino. Cæterum, si certò non constet, omnibus consideratis, rem eò devenisse, ut planè sit extra potestatem domini, uti contingit in quibusdam raris casibus, de quibus Lugo Disp. 6. n. 100. &c. non est censenda carere domino.

Hoc notato

Resp. 1. Circa res inventas, à thesauris distinctas, tenenda sunt sequentia. 1. Quæ nullius antè fuerunt, ut lapilli, gemmæ inventæ in littore maris, fiunt non primò videntis, sed primò occupantis. 2. Si res inventa fuerit aliquando alicujus, sed jam nullius; fit primò occupantis, adeoque de illa tanquam suâ disponere potest. 3. Si autem meritò censetur dominus retinere animum rem inventam adhuc habendi ut suam; non fit inventoris, sed manet domini, qui ordinariè habet animum res perditas habendi; ut suas, ut quisque ex seipso, si rem amiserit, scire potest, quæ optima hîc regula est. Unde 4tò ordinariè, seriò, & diligenter inquirendus est dominus, & quidem diligentia debet esse pro rei gravitate major, & diuturnior, si res sit magni momenti, v. g. curando publicari ex Cathedra, vel in tribu, aut affigendo publicè schedulam: id enim charitas saltem exigit, obligans ad avertendum damnum proximi, quando sine gravi incommodo averti potest. Non est

68.

Qua nullius sunt, fit prius primò occupantis.

Rei inventa, qua adhuc dominum habet, dominus inquirendus est.

est tamen obligatio rem nominandi in individuo, vel specie, ne illam repetat, cujus non est: nec cuilibet statim credendum dicenti, rem esse suam; sed id prudenter exquirendum, & dijudicandum est. Quòd si dein dominus compareat, & meritiò judicetur esse ipsius, ei restituenda est, deductis tamen expensis, si quæ factæ sint in gratiam domini.

Quòd, si dominus non compareat, quid agendū?

§. Si adhibitâ sufficienti diligentia, & elapso tempore tali, ut meritiò judicetur dominus non compariturus, dominus non compareat; an inventor teneatur rem illam dare pauperibus, vel illam, aut ejus valorem impendere in pias causas, aut possit sibi retinere, controversia est inter DD. Primum affirmant Less. Valentia, aliique multi, eò quòd debeat de ea disponere ex præsumpta domini voluntate; quæ præsumitur esse, ut de ea disponatur modo optimo in domini utilitatem, qui hic alius non est, quàm ut expendatur in animæ ejus bonum, seu causas pias. Concedunt tamen hi DD. quòd inventor, si ipse sit pauper, possit eam, ut talis, retinere, cum obligatione tamen rem, si adhuc in se, vel in æquivalenti existat, domino comparenti restituendi, in quantum factus est ditior. Lugo tamen Disp. 6. n. 139. docet, quòd, quando circumstantiæ sunt tales, ut videatur, humano modo fieri non posse, ut res redeat ad dominum, vel hæredes ejus recognoscant eam, ut suam; possit inventor eam sibi retinere, eò quòd jam censeatur carere domino. Si verò possit humano modo reperiri dominus, vel is eam pro sua recognoscere; vult, retineri posse, si conservari possit, cum obligatione tamen restituendi domino, si compareat; si autem

con-

conservari non possit, debere alienari, & conservari pretium; si nec hoc possit, expendi debere in usus pios, idque ex lege naturæ, eò quòd res maneat domini sui, quamdiu spes est eam recuperandi: lex autem naturæ dicitur, rem esse expendendam secundum voluntatem domini sui. Demum Dicast. Hannold, Ill-fung, & alii multi docent, posse inventorem rem retinere cum obligatione restituendi, si dominus compareat, antequam dominium apud ipsum periisse meritò censeatur. *Ratio* hujus sententiæ est; quia, quamdiu spes est domino rem recuperandi, uti sæpe est, etsi ipse, factâ debitâ inquisitione, non statim inveniat, non est præsumendum, illum velle, ut res expendatur in usus pios, sed potius, ut inventor bonæ fidei eam retineat cum obligatione restituendi, si adhuc existat, ipso comparente, aut si non existat, reddendi, in quantum inde factus est ditior; quia sic inventor, ex spe eam retinendi, si dominus non inveniat, diligentius inquireret, remque bene conservabit in se, vel æquivalenti, seclusâ autem spe illâ, minus inquireret, minus sollicitè conservabit, declinans molestiam. Accedit, quòd erogatio in pauperes parum videatur domino rei profutura: voluntas enim præsumpta ejus non est meritoria, & ipse mallet rem suam recuperare, & impendere in bonum suum, quàm ut per alium fiat. Aliud foret, si ipse advertens, difficulter rem recuperandam esse, optaret, ut in pauperes, vel alios usus erogaretur. Hæc sententia probabilis est, & in praxi tuta; prima est magis pia, & suadenda, nisi inventor sit ipse pauper; si enim expendatur in causas pias, orabitur pro domino.

Ex dictis

69.
Modus
pro pra-
xi de
tali re
inventæ.

Colliges. Si rem alienam invenisti, in praxi sic procede : 1. Diligenter inquire in dominum rei, qui, si adhibitâ pro rei qualitate, & circumstantiis diligentiam non inveniatur, eam retinere tibi potes ; sed eâ lege, ut, si dominus compareat, & tibi res adhuc sit integrâ, eam sincerè restituas, dempto pretio laboris tui, si quem impendisti : eâ enim conditione rem assumpisti, ut inquireret dominum, & conservâsti, ut redderes : dominus autem tacitè consensit in compensationem laboris tui : si autem res tibi integrâ non sit, citra tamen culpam tuam ; restitue, quantum factus es ditior ex illa. Si autem jam erogâsti in pauperes, quod certò poteras, quia dominus præsumitur id permittere, etsi ad id non obliget ; jam ad nihil teneris amplius : sed nec plerumque pauperes ; quia plerumque jam absumpserunt in necessitatem suam. Quod si necdum fecerunt, putant aliqui, pauperes teneri ad restitutionem ; eò quòd dominus consenserit in illam distributionem sub conditione, ut, si is re adhuc integrâ compareat, ei restituatur. Negant id probabiliter alii, eò quòd pauperes, vel loca pia jam acquisierint dominium : distributio enim facta est ; quando dominus non poterat censi rationabiliter invitus. Lug. Disp. 21. à n. 101. La Croix L. 3. P. 2. n. 95. Quòd si rem distribuisses, non factâ debitâ inquisitione, & adhuc existeret apud pauperes, vel locum pium ; hi juxta omnes tenerentur restituere, & in horum defectu tenereris tu, quia, domino rationabiliter invito, facta est à te injuriâ, & dominium non translatum : unde, si pauperes rem absumpsissent bonâ fide, nec quisquam inde esset factus ditior, tu tenereris

teris ex injuria : domino enim rationabiliter invito , de ejus re disposuisses. Vide quoque La Croix n. 97.

Quæ dixi de bonis incertis inventis , pariter procedunt de incertis ex contractu licito , v. g. si habes apud te rem depositam , & nescis ejus dominium , & hæredes , &c.

Resp. 2. Bona incerta , ex delicto debita , 70. non potest sibi acquirere debitor , sed domino , quem tenerur inquirere , non compa- *Incerta ex deli-*rente , tenerur in usus pios erogare. Est com- *to, si do-*munis. Constat ex Cap. *Cum tu. De usuris, minus* & Cap. *Nemo. causâ 14. Q. 5.* ubi Pontifex *resciri* pro ratione assignat , quia non dimittitur pec- *non poss-*catum , nisi restituatur ablatum. Dein vide- *fit, in pi-*tur id dictare lex naturalis , quæ vetat , quen *os usua-*quam habere emolumentum ex delicto suo , *sunt ex-*ne hâc spe homines alliciantur ad multipli- *pendenda* candas injurias ; unde meliori modo in bonum damni expendenda sunt. Et , ut præcise loquar , si quem malè defraudasti , sed nescis postea , quis ille fuerit , vel , si quid furatus es , nesciens , cujus fuerit , & post diligentem inquisitionem eum nequis invenire ; non potes retinere tibi , sed in usus pios erogare debes : nisi fortè ipse sis pauper , & hoc titulo velis applicare tibi præ aliis : hoc enim tandem poteris , & ità quidem , ut dein factus ditior , non tenearis tantundem aliis dare pauperibus ; quia hoc jam semel pauperi applicasti. Quod dixi de incertis ex delicto , idem dicendum de inventis , si tuâ culpâ , cum posses , & deberes , non inquisivisti in dominum , & ideo jam eum scire non potes : tunc enim incipiunt deberi ex delicto ; quia suscipiens rem alienam , subit obligationem inquirendi ,
eam-

eamque habendi velut in deposito , idque ex tacito consensu communi per praxin hominum declarato : sicut qui habet rem , de qua dein incipit dubitare , num sit sua , ex eodem capite tenetur inquirere.

71. Resp. 3. Bona vacantia per mortem domini , ex dispositione Juris communis devolvuntur ad fiscum , seu ærarium Principis ; bona verò derelicta , ut insinuavi , fiunt primò occupantis. Prima pars constat ex *Lege : Scire debet gravitas tua. Cod. de vacantibus* , & ibidem *Lege : Vacantia*. Excipe mobilia peregrini in hospitio , sine testamento , & hærede legitimo defuncti : hæc enim per Episcopum in pias causas eroganda sunt. Si verò peregrinus habeat hæredes , illis per Episcopum tradenda sunt. *Auth. Omnes peregrini. Cod. de successoribus*. 2da pars constat ex §. ultimo. *Inst. de rerum divisione*. Et ratio est ; quia , cum dominus ea nolit amplius habere inter sua , jam sunt nullius , adeoque fiunt primò occupantis ; nisi tamen hic falsò putasset , rem esse derelictam , & necdum legitimè præscripserit : quò non sufficit error , nisi sit inculpabilis. Quæ autem censeantur derelicta , ex dictis colligendum est. His non annumerantur , quæ metu naufragii ejiciuntur ex navi , vel inadvertente domino ex rheda currente decidunt , vel naufragio deperdita sunt , vel liberantur ex incendio , vel hostium direptione , etsi aliàs peritura fuissent. Constat ex §. 48. *Inst. de rerum divisione* , & *L. Pompejus. 14. ff. de acquir. rer. dom.* Ratio est ; quia omnia ea dominus cupit in bonis suis remanere , quoad fieri potest , donec spes omnis ea aliquando recuperandi , vel per se , vel per alium

aliud perierit. Teneatur tamen dominus pro labore, & periculo ea salvanti satisfacere.

Potes. Cum incerta ex delicto jure naturæ debeant expendi in causas pias, quomodo potest Pontifex illam obligationem, ut videmus fieri, remittere, vel mitigare? *Resp.* Summo Pontifici concessa est à Deo potestas administrandi res piis causis applicandas; creditor autem non vult bona incerta applicari piis causis, nisi cum subordinatione ad legitimum Superiorem: quare si Pontifex judicet magis expedire bono communi, ut parum exigatur, & multum remittatur, ut sit per compositionem, ut vocant, consentit creditor.

72.

Compo-
sicio cū
Ponti-
fice.

Q U Æ S T I O VII.

Quomodo acquiratur Dominium Lignatione, Pastione, & Jure belli?

Resp. 1. Qui in loco particularis alicujus domini ligna cædit, aut pecora pascit, ipso rationabiliter invito, injuriam facit, teneturque ad restitutionem. *Ratio est;* quia ligna sunt sylvæ, & pascua sunt pratorum fructus; res autem fructificat suo domino. Dixi: *Ipsa rationabiliter invito;* quia aliud est, si adsit consensus ejus saltem tacitus: sic licet quis jure communi post messem collectam possit sibi reservare herbas residuas, & sponte nascentes in suo fundo, ex consuetudine tamen multis in locis recepta, non peccat, qui inducit pecora sua in agros alterius apertos, collectis jam frugibus: ut nec, qui in sylva hominis privati unum, alterumve baculum excindit, vel ligna arida pauca colligit.

73.

Ligna-
tio in lo-
co alieno
privati.

R. P. Reuter Theol. Mor. P. III. K Resp.

gnam non faciat ; quia acquiescunt , quòd deprehensi multam luant , eoque sine silvis custodes solent adhibere , qui licet jurarint , se denuntiuros lignantes , non tenentur denuntiare sine peccato injustitiæ lignantes ; quia juramentum intelligitur de denuntiandis , qui cum peccato & onere restitutionis lignantur. Sed circa hæc omnia , ut rectè monet Lugo , attendenda locorum consuetudo , & communis existimatio.

76. Resp. 4. Res immobiles justo bello captæ, *Res bello* fiunt Principis , vel Reipublicæ ; quæ , si à parte *capta.* adversa iterum ipsi eripiantur , sunt antiquis dominis restituendæ. L. 20. §. 1. ff. de Capt. At si res sint mobiles , eæque vulgares , acquiruntur capientibus ; imò juxta Dicast. & Haunold. et si sint pretiosæ ; quia Cap. 17. Inst. de rerum divisione absolutè dicitur : *Item ea , qua ex hostibus capimus , jure gentium statim nostra fiunt.* Quòd si capiantur , quæ hostes injustè rapuerant , legitimis dominis restituenda sunt jure naturæ ; jure tamen Cæsareo ad vitandas lites fiunt capientium , si hostes ea jam deportaverant ad præsidia , vel loca tuta. Sed hoc tantum valet pro subditis Cæsari , & circa bona fortunæ Laicorum ; quia de illis solis Jus Cæsareum potest disponere. Si autem hostes ea necdum deportarint ad præsidia , vel loca tuta , aut si dominium habentes adhuc insequantur , de Jure etiam Cæsareo restitui debent prioribus dominis. Dixi : *Bello justo* : nam quæ occupantur bello injusto , furta sunt , & rapinæ.



Q U Æ S T I O VIII.

Quomodo Dominium acquiratur per
accessionem tum naturalem, tum
industrialem?

Nota. Accessio generatim accepta, est, cum 77.
res unius ad rem alterius, ita ut hic prioris ac- *Accessio*
quirat dominium, accedit. Alia est naturalis, *in gene-*
ut fœtura, seu nativitas, & alluvio; alia indu- *re.*
strialis, ut specificatio, specifica accessio, con-
fusio, & immixtio, inædificatio, implantatio,
inseminatio, impictio, inscriptio, &c. *Hoc no-*
tato

Resp. Circa hos modos dominii acquirendi 78.
tenenda sunt sequentia: 1. Si per alluvionem, *Alluvio*
id est, vi aquarum insensibiliter uni fundo de-
trahatur, & alteri adjiciatur pars, hæc domino
fundi, cui sit adjectio, acquiritur. Dico: *In-*
sensibiliter: nam si vis fluminis partem aliquam
notabilem, tuo fundo detractam simul, vicino
adjiceret, non esset alluvio, sed incrementum
patens, tibi que maneret.

2. Quod ex animali fœminei generis na- 79.
scitur, pertinet ad dominum animalis: res *Fœtura*
enim suo domino fructificat, & partus sequi-
tur ventrem; unde, si quis habet usumfructum
animalis, illi acquiritur partus. Partus ramen
hominis v. g. ancillæ non annumeratur fru-
ctibus.

3. Si per specificationem res aliena ita mu- 80.
tetur in aliam speciem, ut ad pristinum sta- *Specifi-*
tum utiliter reduci nequeat; uti, si ex aliena *catio,*
lana fecisti pannum; pannus est tuus, sed te-
peris solvere pretium lanæ, damnaque, si quæ

sint . compensare , & ad hoc datur actio alteri . Probabilius tamen requiritur , ut processeris bonâ fide ; secus nova species ad dominum pertinebit materiæ . Si autem res aliena ad pristinum statum reduci possit , ut vas argenteum in massam argenteam , dominium vasis acquiritur illi , cujus est materia .

81. 4. Si per accessionem specificam , seu simplicem additionem , res aliena tuæ , speciem suam retinenti , humanâ industriâ tuâ accedat , v.g. ansa scypho , gemma annulo ; hoc additamentum cedit tibi : teneris tamen domino additamenti ad æquivalens : hoc tamen solum verum probabiliter est , si additamentum separari non possit , salvâ rei substantiâ ; secus enim manet domini .

82. 5. Si per confusionem , quâ duæ materiæ liquidæ , vel per mixtionem , quâ duæ res solidæ humanâ industriâ in unum coeunt , v.g. vinum tuum cum alio confundatur , vel frumenta tua misceantur cum alienis ; totum inde consurgens sive fiat casu , sive communi consensu , fit utriusque , si materiæ ab invicem separari nequeant , ut fit in exemplis allatis : si verò separari possint , ut oves permixtæ in grege , debent separari . *Excipe* , nisi fieret specificatio , v.g. si cum intentione acquirendi dominium , ex melle tuo , & vino alieno faceres mulsum : tunc enim mulsi esses dominus , cum obligatione tamen alteri compensandi damnum , sive bonâ , sive malâ fide processisses ; quia nemo locupletari ex re aliena debet cum damno domini .

Si tamen pecuniam alienam , incio , vel invito domino , ita ut discerni non possit , misceas tuæ , volens totam habere ut tuam ; acqui-

quis ejus dominium, saltem si tua fuerit in maiore quantitate. Habetur ex *L. 78. de solut.* Ratio sic statuendi videtur fuisse, ne, cum usus pecuniæ in humano commercio sit frequentissimus, ob incertum pretii dominium multi contractus invalidi, aut invalidandi forent. Dixi: *Saltem si pecunia tua fuerit in maiore quantitate*; quia pars major trahit ad se minorem. Si autem aliena fuisset major, aut æqualis, juxta Lugonem non fieret tota tua, neque alterius, cum hic non habeat voluntatem acquirendi dominium totius. Idem dicit de mixtione frumenti. Si autem commixtio sive pecuniæ, sive alterius rei fiat communi consensu, vel casu, dominium cumuli ad utrumque pertinet. Ad quid autem teneatur, qui suæ pecuniæ miscuit alienam, distinguendum est: nam si id fecit bonâ fide, & pecuniam accepit in solutionem debiti, domino comparente, ad nihil tenetur, juxta Sporer &c. quia pecuniam fecit suam, nec inde factus est ditior, cum acceperit solum, quod ei debetur. Si acceperit illam gratis, tenetur ad æquivalens: quia ex aliena factus est ditior. Si pars cumuli pereat, vel furto subducatur, debet restituere tantum, quanto nunc retinet plus, quam retinisset, si mixtio facta non esset. Si autem malâ fide processit, tenetur dominum servare indemnem.

6. Qui in proprio solo ædificat ex materia 83. aliena, fit dominus ædificii; quia, quod solo *Inadifi-* inædificatur, solo cedit. Hinc dominus mater- *catio,* riæ, stante ædificio, non potest eam sibi vindicare; ædificans tamen tenetur de damno. Econtra si quis ex propria materia ædificet in alieno fundo, ædificium cedit domino fundi,

est tamen obligatio rem nominandi in individuo, vel specie, ne illam repetat, cujus non est: nec cuilibet statim credendum dicenti, rem esse suam; sed id prudenter exquirendum, & dijudicandum est. Quòd si dein dominus compareat, & meritiò judicetur esse ipsius, ei restituenda est, deductis tamen expensis, si quæ factæ sint in gratiam domini.

Quòd, si dominus non compareat, quid agendū?

§. Si adhibitâ sufficienti diligentia, & elapso tempore tali, ut meritiò judicetur dominus non compariturus, dominus non compareat; an inventor teneatur rem illam dare pauperibus, vel illam, aut ejus valorem impendere in pias causas, aut possit sibi retinere, controversia est inter DD. Primum affirmant Less. Valentia, aliique multi, eò quòd debeat de ea disponere ex præsumpta domini voluntate; quæ præsumitur esse, ut de ea disponatur modo optimo in domini utilitatem, qui hic alius non est, quàm ut expendatur in animæ ejus bonum, seu causas pias. Concedunt tamen hi DD. quòd inventor, si ipse sit pauper, possit eam, ut talis, retinere, cum obligatione tamen rem, si adhuc in se, vel in æquivalenti existat, domino comparenti restituendi, in quantum factus est ditior. Lugo tamen Disp. 6. n. 139. docet, quòd, quando circumstantiæ sunt tales, ut videatur, humano modo fieri non posse, ut res redeat ad dominum, vel hæredes ejus recognoscant eam, ut suam; possit inventor eam sibi retinere, eò quòd jam censeatur carere domino. Si verò possit humano modo reperiri dominus, vel is eam pro sua recognoscere; vult, retineri posse, si conservari possit, cum obligatione tamen restituendi domino, si compareat; si autem con-

conservari non possit, debet alienari, & conservari pretium; si nec hoc possit, expendi debere in usus pios, idque ex lege naturæ, eò quòd res maneat domini sui, quamdiu spes est eam recuperandi: lex autem naturæ dicitur, rem esse expendendam secundum voluntatem domini sui. Demum Dicast. Haunold, Ill-sung, & alii multi docent, posse inventorem rem retinere cum obligatione restituendi, si dominus compareat, antequam dominium apud ipsum periisse merito censeatur. *Ratio* hujus sententiæ est; quia, quamdiu spes est domino rem recuperandi, uti sæpe est, etsi ipse, factâ debitâ inquisitione, non statim inveniat, non est præsumendum, illum velle, ut res expendatur in usus pios, sed potius, ut inventor bonæ fidei eam retineat cum obligatione restituendi, si adhuc existat, ipso comparente, aut si non existat, reddendi, in quantum inde factus est ditior; quia sic inventor, ex spe eam retinendi, si dominus non inveniat, diligentius inquireret, remque bene conservabit in se, vel æquivalenti, seclusâ autem spe illâ, minus inquireret, minus sollicitè conservabit, declinans molestiam. Accedit, quòd erogatio in pauperes parum videatur domino rei profutura: voluntas enim præsumpta ejus non est meritoria, & ipse mallet rem suam recuperare, & impendere in bonum suum, quàm ut per alium fiat. Aliud foret, si ipse advertens, difficulter rem recuperandam esse, optaret, ut in pauperes, vel alios usus erogaretur. Hæc sententia probabilis est, & in praxi tuta; prima est magis pia, & suadenda, nisi inventor sit ipse pauper; si enim expendatur in causas pias, orabitur pro domino.

Ex distis

bitum extinguatur , & præscribens liberetur obligatione præhabitâ , & hæc dicitur præscriptio privativa. Per 1^{am} dicimur rem, servitutem , jurisdictionem præscribere ; per 2^{dam} dicimur juri , obligationi , servituti , vel contra ea præscribere. Dicitur 3. *Modo, & tempore , per legem definitis* ; quia præscriptio , quoad modum , & determinationem certi temporis , à jure civili primùm , deinde à Jure Canonico oritur : quanquam quoad substantiam videatur esse Juris gentium ; quia omnes ferè gentes pro bono communi videntur in hoc conspirasse , ut per possessionem debitè continuatam dominia transferantur , ad bella, litesque vitandas.

Ordinaria. Porro præscriptio alia est ordinaria , quæ absolvitur tempore ordinario , nempe triennio , & hæc dicitur brevis temporis ; vel *extraordinaria*. cennio , aut vicennio , & hæc dicitur longi temporis. Alia extraordinaria , quæ non absolvitur , nisi 30, 40, &c. annis, & dicitur longissimi temporis. Alia centenaria , quæ centum annorum possessionem requirit. Alia immemorialis , quando capte possessionis initium excedit hominum memoriam , sive jam possessio 100, sive paucioribus annis duraverit.

Q U Æ S T I O II.

An per præscriptionem transferatur dominium etiam pro foro conscientie ?

87. *Trans-* Resp. Per legitimam præscriptionem trans-
fertur, fertur dominium , seu jus ; & immunitas ab obli-

obligatione acquiritur etiam pro foro conscientie. Est communis nunc omnium : Ratio est, quia sine dubio leges potuerunt ob bonum commune statuere, nempe ne dominia nimis diu manerent incerta, ne lites multiplicarentur sine fine, ne homines negligentes essent in rebus suis conservandis, & requirendis, ut dominia, continuata cum bona fide, titulo, per certum tempus possessione, transferantur pro utroque foro. Quòd autem sic statuerint, patet, ex pluribus legibus Juris Civilis, à Jure Canonico approbatis, & communi omnium consensu, sic leges intelligentium; quæ nisi locum haberent pro foro etiam interno, finem suum non obtinerent. Constat, leges, ubi constat, præscriptionem esse completam, assistunt præscribenti, etsi adversarius probare possit, rem antè fuisse suam; hoc autem faciendo injustæ essent, si dominia pro foro conscientie non transferrentur.

Hinc, qui finitâ præscriptione deprehendit, rem hætenus fuisse alterius, non tenetur illam restituere; sed vi præscriptionis tutâ potest eam conscientiam retinere, nisi in casibus, quibus prior Dominus per Judicem restituitur in integrum; sique per ignorantiam alteri reddidisset, eam retinere hic non posset.

Dices : Leges positivæ non possunt derogare juri naturæ; atqui juris naturalis est, ne quis invitus spoliatur re suâ : ergo. *Solvitur*
Resp. objectio. Non possunt derogare juri naturæ, relicta ejus materiâ, faciendo, ut, quod illicitum erat, fiat licitum, C. immutando materiam, & sic indirectè faciendo, ut cesset lex naturæ N. Et ita hæc fit. Sed neque rei Dominus est rationabiliter invitus, ut legitimâ præscriptione com-

completâ, amittat rei suæ dominium ; cùm id ad humanæ communitatis felicitatem , in quam consentire debet, ordinatum sit, ipseque gaudeat facultate etiam aliena præscribendi.

Q U Æ S T I O III.

Quænam requirantur ad legitimam præscriptionem ?

Resp. Hæc quinque ; Possessio, bona fides, tempus lege definitum, & Titulus, ac res apta præscribi.

§ 9.
*Quin-
que re-
quirun-
tur.*

1. *Pos-
sessio.*

1^{mo}. Itaque requiritur possessio, vel quasi possessio, nempe civilis, & legaliter continua, & completa juris, vel rei præscribendæ : nam possessio naturalis nec requiritur, nec se solâ sufficit, etsi utraque simul ad præscribendum sit efficacissima. Hinc occupans rem alienam, non potest inchoare præscriptionem, quamdiu Dominus adhuc eam possidet civiliter ; & qui incapax est possessionis, ut religiosus Respectu bonorum temporalium, Laicus respectu rerum sacrarum, v. g. Beneficii Ecclesiastici, etiam incapax est præscriptionis : & quamvis possit præscribere, qui per alium possidet, v. g. per Procuratorem, per Colonum ; non tamen, qui possidet alieno nomine. Sic Depositarius, Commodatarius, Tutor, alique similes, non præscribunt res depositas, commodatas, &c. Nec Usufructuarius ; Feudatarius, Emphyteuta, saltem quàm diu se gerunt pro talibus, præscribunt dominium directum ; quia proprietatem non possident animo eam habendi ut suam. Dixi 1^{mo}. *Vel quasi possessio* : Nam ut præscribas immunitatem ab aliquo onere, v. g. à servitute passiva permittendi alteri

alteri aquæ ductum per fundum tuum , non requiritur possessio propriè dicta, sed sufficit quasi possessio alicujus negativi , ut nempe alter legitimo tempore suo jure usus non sit. Dixi 2. *Possessio legaliter completa* : Nam leges non computant semper possessionem secundum partes physicas continuas, sed quando dormit, seu quiescit præscriptio, partem posteriorem cum priore nectunt. Dixi 3. *Rei, vel Juris* : *Continua*. Nam etiam Jura præscriptione acquiri, vel amitti possunt, nec unquam plus præscribitur, legaliter quàm possidebatur. Hinc, licet Abbas legitimo tempore possederit certo in loco Jura Episcopalia, non ideo præscribit cætera, ut patet ex Cap. Cum olim 18. de præscriptionibus. Subinde tamen ex uno actu continuato præsumitur integra Jurisdictio : uti si dubium sit, cujus Episcopi sit aliqua Parochia ; adjudicatur illi, qui aliquem actum Episcopalem consuevit in ea exercere.

Notandum tamen hic, præscriptione non 90. acquiri Jus per actus meræ facultatis, seu prorsus liberos, sed debere esse actus, vel omissiones Juri, vel legi debitas, factasque cum animo jus possidendi : Juri enim, vel actioni ex altera parte obligatio responderet. Hinc dum aliquis liberè, vel non tanquam ex obligatione aliquid præstat ; non consurgit præscriptio : ut, si Titium singulis annis invites ad convivium ; accedas ad tabernam, des 10. aureos Ecclesiæ, multis annis non extollas altiùs tuam domum ex mero beneplacito. Aliud esset, si alter exigeret, vel impedire veller, tuque acquiesceres : sic enim exerceret actum possessorium, & jus contra te possidere inciperet, actusque tui essent tanquam debiri. Similiter, quam-

quamdiu quis se gerit tanquam obligatum , vel communiter habetur tanquam obligatus , v. g. ad præstandas angarias , tributa , decimas , non consurgit præscriptio , etsi exactio facta non sit. Ratio est ; quia non exactio est meræ voluntatis. Econtra si non præsentibus ad beneficium vacans , potes præscriptione jus amittere ; quia leges requirunt certum tempus ad præsestandum. Si quis verò se neget obligatum , aut se gerat velut non obligatum , jam incipit possidere immunitatem , nisi contradicatur.

91. 2. Requiritur bona fides , seu iudicium præ-
 2. *Bona* cium , non ortum ex ignorantia juris clari ,
Fides. quo quis prudenter existimat , se justè & licitè rem possidere ut suam , vel non agere contra jus alterius ponendo , aut omittendo actionem ; quia iniquum est , alienum , cognitum ut tale , sibi arrogare : unde leges civiles , quæ approbant præscriptionem longissimi temporis malâ fide inchoatam , & longi temporis bonâ fide cœptam , etsi dein mala superveniret , à Jure Canonico sunt correctæ , requiriturque bona fides toto tempore ad præscriptionem necessario.

Dixi : *Non ortum &c.* Nam licet quis sincerè , & prudenter judicet se non agere contra jus alterius , sicque habeat fidem Theologicè bonam , seu à peccato excusantem ; si tamen hoc iudicium repugnet legi , seu juri claro , fides præsumitur mala , & civiliter bona non est , nec ad præscribendum sufficiens saltem præscriptione ordinariâ : uti , si acceperis aliquid à pupillo sine autoritate Tutoris , ignorans invincibiliter eam requiri , non præscribis. Secus est de ignorantia facti invincibili , uti si

igno-

ignores illum esse pupillum : tunc enim præscriptio ex *L. 4. ff. de juris & facti ignorantia* procedit : uti & , quando adest ignorantia juris clari , probabiliter non obest præscriptioni longissimi temporis, v. g. 30. 40. an. quia Jura loquuntur de præscriptione ordinaria, quæ 3, vel 10, vel 20. annos complectitur : cum illa sola , teste Lessio, cognita sit ex *ff. unde jura desumpta sunt*. Ratio horum est, quia præscriptio omnem vim suam habet à legibus; hæ autem tolerant ignorantiam invincibilem facti, modò proprium non sit, & ignorantiam juris dubii, cum hoc vim legis non habeat : non verò tolerant ignorantiam juris manifesti, ut constat ex *lege 4. juris & facti ignorantia* , saltem regulariter : quod addo, quia toleratur in minorennibus , & militibus &c. Lugo hic N. 33. defendit, præscriptioni non obstare ignorantiam Juris clari pro foro interno , sed tantum pro externo , quod præsumit ignorantiam illam esse culpabilem, & hanc sententiam probabilem agnoscit Haunold , Less. Castrop. Ex dictis

Colliges 1mò. Qui bonâ fide incepit rem 91. possidere , & dein dubitat, an sit sua, vel ali. *Corollæna* , non amittit bonam fidem , si, factâ diligentis inquisitione, maneat dubium speculativum ; sed potest cum ea præscribere , quia non obstante dubio speculativo, potest formare judicium practicè certum, quod justè, licitèque rem possideat ut suam, nec teneatur ob dubium se eâ spoliare juxta *regulam juris 65. in 6. In pari causa melior est conditio possidentis*. Et illud Sancti Augustini : *Tam diu quis bona fidei possessor rectissime dicitur, quam diu se possidere ignorat alienum.*

Econ-

Econtra, qui cum dubio, seu practico, seu speculativo de proprietate, vel jure incipit possidere, non est bonæ fidei; quia non habet titulum sibi rem usurpandi, & sibi eam appropriando, exponit se periculo alteri faciendi injuriam. Imò, si esset tibi ratio probabilis, quòd res ab altero possessa ad te pertineat, necdum posses eam tibi accipere; quia in dubio melior est conditio possidentis. Si autem à nullo possideretur, pro ratione dubii foret dividenda, partemque obvenientem tibi, posses bonâ fide possidere, & præscribere.

2. Si rem accepisti donatione, vel emptione, & statim incipis dubitare, an sit aliena, potes adhibitâ sufficienti inquisitione, formare judicium, si non sciatur esse aliena, fuisse donatoris; quia nemo præsumendus est malus, & melior est conditio possidentis. Atque ita potes præscribere. Quod verum est, etsi & ipse donans dubitaret, modò adhibita sit debita in inquirendo diligentia, & antè bonâ fide rem possederit. Si tamen esset dubium de honestate inchoandæ, vel continuandæ possessionis; adesset quoque mala fides, etsi reipsâ possessio esset materialiter honesta, & justa. Habetur expressè: *Lege si Fur.* relata à Lessio N. 13.

3. Si dubius, an res sit aliena, insistas possessioni animo conditionato eam habendi ut tuam, si non sit aliena, non præscribis; quia si aliena sit, non voluisti habere ut tuam: si non fuit aliena, præscriptio locum non habet. Similiter si scivisti, rem esse alienam, & per inculpabilem oblivionem reliquisti in tua cista, non præscribis; quia vel voluisti restituere, &
jam

jam non possedisti ut tuam ; vel noluisti restituere , & jam fuisti malæ fidei.

4. Si fides tua ab initio non fuit nisi venialiter mala, v.g. ob negligentiam in inquirendo , probabiliter potes præscribere ; quia jura loquuntur de peccato mortali , & quidem contra iustitiam , & fides deo supponitur fuisse indubia. Si autem ab initio fuit fides graviter malæ , & postea superveniat bona fides per oblivionem , vel alium titulum , cujus causa sit illa prior possessio malæ fidei , non præscribes , vel saltem obligaberis compensare damna inde secuta , inter quæ est amissio rei , quæ privaretur Dominus. Ratio est , quia prior possessio fuit injuriosa. Si verò aliunde proveniret bona fides , præscriberes ; tum enim damnum non proveniret ex mala fide , hancque bona fides purgasset : ait enim reg. Juris 36. in 6. *Pro Possessore habetur , qui dolo defuit possidere.*

3. Requiritur titulus aliquis ad præscribendum , à Jure approbatus : qualis est successio ^{93.} vel ab intestato , vel per testamentum , emptio , ^{3. Titu-} donatio , legatio , occupatio derelicti , assignatio pro dote , permutatio , transactio , &c. ^{lin.} & dicuntur tituli pro hærede , pro emptore , pro donato , pro derelicto , pro dote , &c. Ratio , cur titulus requiratur , est ; quia , hoc deficiente , non est causa , cur lex assistat possidenti ad acquirendum dominium , & bona fides esse non potest.

Dixi : *Requiritur titulus aliquis* : Nam non requiritur verus , seu validus , v.g. emptio valida , quia si is adsit , habetur dominium ; sed sufficit imò. qui prudenter existimatur validus , qui coloratus , & apparens dicitur .

R.P. Reuser Theol. Mor. P. III. L licet

licet ex circumstantia vitietur : ut , si bona fide emisti rem à non Domino , quem ejus Dominum prudenter existimabas. 2. Sufficit etiam prudenter existimatus . si fundetur in errore facti alieni ; non verò , si oriatur ex errore facti proprii : hujus enim ignorantia à Jure non toleratur , ut ignorantia facti alieni : unde si putes ; te rem emisse , vel tibi donatam esse , & à te acceptatam , & revera nihil horum fuerit , non usucapies ; usucapies autem , si errore probabili putes , quòd servus , vel Procurator tuus , cui in mandatis dedisti , rem emerit , quam tibi tradidit ; vel si putes , eum emisse , in cujus locum successisti hærediratio Jure , is autem non fuerit malæ fidei. 3. Item in præscriptione contra servitutem sufficit quasi titulus , quæ est Domini non usus , seu negligentia. Idem dicit Pichler de positiva præscriptione servitutis , v. g. aquæ ductûs , ad quam putat , pro titulo sufficere patientiam Domini , modò non fiat clam , vel precariò. Sed in hoc alii contradicunt , voluntque , sicut & in Jure venandi , & pascendi præscribendo , ità hic requiri alium titulum , sine quo vix aderit bona fides. 4. Denique titulus præsumptus sufficit non quidem ad ordinariam , sed extraordinariam præscriptionem , id est , ad præscriptionem temporis longissimi , & immemorialis saltem *regulariter* , ità , ut possidens non teneatur ullum titulum determinatum assignare , sed sufficiat temporis , quo possedit , antiquitas , ex qua Jura præsumunt , titulum aliquem præcessisse. Sumitur ex *Lege* 4. *Cod. de præscript.* 30. 40. *ann.* & ex *Can. Adanes , de præscript.* Et ratio est ; quia difficile

ficile est post lapsum tantî temporis assignare determinatum titulum. Secus est de praescriptione ordinaria, pro qua titulus assignari debet.

Dixi : *Regulariter* : quia si Jus resisteret prohibendo, etsi non irritando possessionem, vel aliunde esset gravis praesumptio malae fidei, teneretur praescribens titulum assignare, & probare, ut, si Clericus in aliena Parochia praetenderet praescriptionem decimarum, Praescriptioni tamen immemoriali prohibitio possessionis non obest. An autem praescriptio extraordinaria corruat, si titulus vitiosus detegatur, dubium est. Affermat communior cum Pichler, *hoc tit.* N. 47. eo quod praesumptio cedat veritati, negat Illsang hîc N. 294. eo quod Judex debeat attendere ad leges universaliter praesumentes, non verò ad causas particulares, quæ in ejusmodi casibus allegari possunt. Videri possunt citati Auctores.

94.

4. Requiritur tempus lege determinatum. 4. *Tempus*
Quod aliud est breve, aliud longum, aliud *pus le-*
longissimum, aliud centenarium, aliud imme- *ge de-*
moriale. Breve, quod est minus decennio : *termi-*
longum, quod est decennii, vel vicennii, *natum.*
longissimum, quod est 30. 40. annorum, vel
plurium usque ad 100. exclusivè : immemo-
riale, cujus initii non extat memoria.



Q U Æ S T I O IV.

An, & quomodo bona fides Auctoris, seu antecedentis Possessoris proffit, & mala obfit successor in ordine ad præscriptionem ?

95.
*Bona fi-
des pos-
sessionis
prodest
successo-
ri.*

Resp. 1^{mo}. Bona Fides Auctoris, seu antecedentis Possessoris, prodest in tantum successor in tam singulari, quàm universali, eandem rem bonâ fide possidenti, ut illud tempus, quo prior possedit, possit computare, atque ita non sit necesse ad præscribendum, ut posterior toto tempore possederit. Est communis & certa ex §. 12. & 13. *Inst de usucap.* Cujus ratio est; quia possessor unâ cum re in successorem transfert omne Jus suum: cum ergo per possessionem, v. g. per annum continuam, bonâ fide Jus acquisiverit, ut adjectâ possessione ulteriori præscriberet; hoc totum suum Jus transfert in successorem, qui proinde, completo tempore præscriptionis, rem usucapit. Porro successor universalis est, qui titulo hæreditatis succedit vi testamenti, vel successionis ab intestato. Singularis est, qui succedit titulo particulari, v. g. donationis, emptionis, legati, &c. Item qui succedit alteri in officio, beneficio, dignitate. Excipe præscriptionem beneficii vi triennalis possessionis, ad quam requiritur, ut præscribens per se possederit triennio. Vide La Croix L. 4. N^o 697.

96.
*Mala fi-
des an-
tecesso-*

Resp. 2. Mala fides Auctoris nocet successor in universali, seu hæredi immediato, ita ut hic nec anteceessione temporis prioris uti possit, nec .

nec, spectato Jure communi, de novo inchoare præscriptionem saltem ordinariam. Est communis, & certa. Ratio est; quia hæres repræsentat personam Auctoris, & fictione Juris civilis, quod in hoc non est correctum à Jure Canonico, moraliter una censetur esse persona cum Auctore defuncto, sicque eandem cum illo habet obligationem, sicut & idem Jus habet. Unde sicut Auctor nunquam ope malæ fidei poterat præscribere rem illam, sed tenebatur ad omnia damna, ex injusta detentione rei, Domino hujus eventientia, in quibus unum, idque præcipuum, si præscribere aliquando posset, erat privatio istius dominii, quæ præscriptione causatur: sicut etiam hæres, qui repræsentat personam defuncti. Si tamen hæres immediatus præscriptionem ordinariam inchoaret bonæ fidei rei alicujus, quam haberet à defuncto, alio insuper titulo, v. g. emptio- nis, posset legitime tempore præscribere.

Dixi 1^{mo}. *Jure communi*: Nam si alicubi, Jus municipale vetet tantum uti accessione temporis ab Auctore malæ fidei continuatâ, sinatque inchoari præscriptionem à successore bonæ fidei universali; eo standum erit.

Dixi 2. *Successori immediato*: Nam an ita etiam noceat mediato, id est, hæredi hæredis, controversatur utrimque probabiliter. Negat Less. Molina, Haunold, & alii, eò quòd is non censetur una persona cum defuncto, malæ fidei Auctore: proinde si successor immediatus habuit fidem Theologicè bonam, licet malam habuerit fictione Juris, successor medius possit à se ipso inchoare præscriptionem, & perficere; cum hic non habeat malam fidem fictam, eò quòd in Jure non datur

duplex fictio in eadem causa, adeoque malæ fidei fictio non causet in successore mediato malam fidem fictam: sicut umbra non caulat umbram. Affirmat Lugo hîc N. 16. docetque successorem mediatum saltem teneri ad compensationem, eò quòd succedat in omnes obligationes successoris immediati: sed admittunt hoc alii, nisi præscripserit.

Dixi 3. *Præscriptionem saltem ordinariam*: quia cum aliis probabiliter docet Illung hîc N. 308. quòd successor immediatus bonæ fidei veræ possit inchoare, & perficere præscriptionem extraordinariam, seu longissimi temporis, ità, ut quoad hoc ipsi non oblit fides mala ficta. Ratio est; quia inspectato Jure civili præscriptionem longissimi temporis non impedit mala fides vera, seu Theologica: ergo nec ficta: quia Jus Canonicum, corrigens Jus civile, non attendit malam fidem fictam, sed tantùm Theologicam, quæ peccatum involvit. Talis proinde præscribit non quidem titulo pro hærede, sed titulo præsumpto.

Resp. 3. Mala fides Auctoris non nocet successorì particulari, quominus hîc possit bonâ fide incipere, & complere præscriptionem etiam ordinariam: quia non facit unam cum illo personam, & censetur illi tantùm succedere in Juribus realibus, non autem in vitiis personalibus. Excipe tamen res furtivas, vel vi possessas: has enim, si Auctor malâ fide possedit, successor non præscribit, nisi præscriptione longissimi temporis, etsi aliàs potuisset præscribere ordinario tempore, seu intra 10. vel 20. annos. Habetur *Authent. mala fidei. Cod. de præscript. longissimi temporis*. Similiter mala fides tutoris non nocet pupillo, uti

ut nec mala fides Prælati Ecclesiæ, quoad præscriptionem; quia sunt tantum administratores, qui causam Domini non possunt facere deteriore; sed neque mala fides in communitate, v. g. Collegio, Monasterio, nocet successoribus bonæ fidei, quod verum est de præscriptione saltem longissimi temporis, etsi concedatur, quod successores in communitatibus sint successores universales; eò quod communitas sit semper moraliter eadem: nec Jus Canonicum corripit Jus civile quoad malam fidem fictam. Ita Pichler, & alii contra alios, probabiliter dissentientes.

Q U Æ S T I O V.

Quantum temporis requiratur, ut præscribantur tum mobilia, tum immobilia, præscriptionis capacia?

Nota. Bona præscriptionis capacia alia sunt ^{28.} *Bona* mobilia, alia immobilia. Mobilia sunt res *mobilia* corporales, quæ loco moveri possunt, ut pecunia, fructus, animalia, naves, &c. quibus *mobilia* annumerantur actiones, jura, & debita, quæ rebus mobilibus adhærent. Immobilia sunt res corporales, quæ loco moveri non possunt, ut prædia, domus, &c. quibus annumerantur redditus annui, pecunia ad emptionem prædiorum destinata, jura debita, & actiones. quæ rebus immobilibus adhærent. Item servitutes, & jura ad aliquid iteratis vicibus faciendum, recipiendum, exequendum, ut sunt Beneficia Ecclesiastica, Cathedra Theologica, Jus patronatus, census, usufructus sine limite constitutus, officium, utpotè Jura ex se perpetua.

petua. Census autem redimibilis annumeratur mobilibus. His notatis

99. *Res mobiles triennio præscribuntur.* Resp. 1mò. Ut res mobiles præscriptionis capaces, etiam pretiosæ, siue sint Ecclesiæ, vel loci pii, siue privatorum, præscribantur præscriptione principali, requiruntur, & sufficiunt cum titulo tres anni, siue titulo 30. Sic enim leges universaliter statuunt: unde licet res pretiosæ Ecclesiæ non possint alienari sine solennitate, præscribi tamen possunt. Dixi: *Præscriptione Principali*. Nam, ut præscribantur res mobiles accessorie, tres anni non requiruntur. Sic fructus cum fundo, cui inhaerent, præscribuntur hoc ipso, quod fundus præscribatur. Imò & fructus percepti. *Ex L. eos. 26. Cod. de usuris*, cum fundo præscribuntur, etsi necdum sint tanto tempore possessi. Ita Dicast. L. 2. Tr. 2. D. 5. dub. 3. N. 86. Krimer in L. 2. Tit. 26. N. 240. & alii. Porro res dicuntur præscribi sine titulo, quando non debet determinatus allegari, sed præsumitur à jure temporis longinquitatem.

100. *Immobiles vel regu- lariter decennio vel vicennio.* Resp. 2. Immobilia, quæ speciali non gaudent privilegio, præscribuntur cum titulo, seu causa determinabili 10. annis inter præsentēs, & 20 inter absentes; siue titulo autem, id est, non determinabili cum ratione, non præscribuntur, nisi 30. annis. *Inst. de usucapionibus, & L. Finali Cod. de præscript. longi temporis.* Præsentēs dicuntur, qui sub eodem Duce Comite, & Praefecto habitant; qui verò domicilium habent sub diversis Praefectis, & Judicibus, etsi sub eodem Domino, pro absentibus in ordine ad præscriptionem habentur. Quod, si quis, contra quem currit præscriptio, præsens fuisset partim, partim absens, duo

duo anni absentia pro uno presentia computandi essent, v. g. si sex annis tantum fuisset presentia, & 4. absentia, pergeretque manere absentia, quatuor adhuc anni adjiciendi essent pro complendo decennio: si autem deinceps presentia foret, duo tantum anni addendi essent.

Dixi: *Quæ speciali privilegio non gaudent*: uti plerumque non gaudent privatorum bona profana; gaudent verò imò pupilli, contra quos non currit Præscriptio. 2. Minores, contra quos non datur Præscriptio, nisi 30. annorum. 3. Ecclesiæ, contra, quas non præscribitur: nisi saltem 40. annis. Reliqua constabunt ex dicendis.

Relp. 3. Beneficium Ecclesiasticum vacans potest, incipiens bonâ fide id possidere, intra triennium præscribere, etiam quoad forum internum; quia Pontifex vetat in *Regula 31a Ecclesiæ olim 35. Cancellariæ*, possidet rem talem inquiri post triennalem possessionem: proinde præsumitur velle eum securum reddere in conscientia. Ad hanc autem Præscriptionem requiritur 1. Titulus coloratus, nempe Canonica institutio apparenter valida, & facta ab eo, qui aliâs instituendi facultatem habet; licet institutio sit reipsâ invalida v. g. ob defectum ætatis, vel excommunicationem provisi. 2dò. Triennalis possessio quæta, id est, sine conventione juridica. 3. Bona fides Theologica, nec vitiata cognitione Simonia, etiam à tercio commissæ. 4. Ut possessor non sit intrusus in Beneficium reservatum reservatione generali in corpore Juris clausa. Vid. La Croix L. 4. à n. 689. *Ex dictis deduces*

102.
*Quo
 tempore
 servitu-
 tes, &
 actiones
 præscri-
 bantur?*

1. Servitutes activæ præscribuntur, & passivæ extinguuntur plerumque tempore, quo præscribuntur immobilia, quibus annumerantur.

2. Actiones verò reales extinguuntur Præscriptione ejusdem temporis, quo præscribuntur res, & Jus reale, in quo fundantur; actiones autem personales extinguuntur regulariter 30. annis.

3. Immunitas ab obligatione solvendi census. & præstationes annuas, menstruas, vel alio singulari tempore solvendas, tota præscribitur, ubi bonâ fide celsâsti solvere per 30. vel 40. annos jam completos. Itâ Haun. Tom. 1. Tr. 5. n. 358. & alii contra alios. Colligitur ex *L. 3. § 4. Cod. de Præscriptione 30. & 40. ann.* ubi generaliter statuitur, ut omnis actio præscriptione longissimi temporis extinguatur, ab ea autem generalitate nullibi excipitur actio, quæ datur ad præstationes annuas exigendas. Dein *L. 26. Cod. De Usuris* dicitur unicâ 30. vel 40. annorum Præscriptione tolli obligatio solvendi usuras, quæ utique annua est. Denique Jus Canonicum *Can. 4. & 6. De Præscriptione* statuit, ut obligatio solvendi decimas extinguatur 40. annorum Præscriptione, illa autem obligatio est annua. Dicitur: *Vel 40. annorum*, ob Ecclesias &c.

*Debita
 pecunia.
 ex mutuo
 non ex-
 cipiuntur.*

4. Contra debitum tamen pecuniarum v. g. ex mutuo non præscribitur 30. annis, si intra hos creditor id non exigat, ut habet communior contra Pichler, Schmier, & alios quosdam; quia debitor licet non potest habere animum non solvendi; sed cum sciat, se debereolvere, habere debet intentionem solvendi, ubi vel exigit creditor, vel tempus præfixum solutioni aderit, aut in quo ex usu & consuetudine

dine solvi debet. Aliud est in præscriptione contra servitutem, in qua nullus præscribens actus intervenire debet, & in Præscriptione contra pœnam pecuniariam, ubi reus scit, se non teneri solvere, nisi exigatur.

5. Servitutes continuæ præscribuntur, vel extinguuntur, ut immobilia: idem dic de discontinuis, si adsit titulus: hic enim, si desit determinatus, non absolvitur Præscriptio, nisi tempore immemoriali, & idem est de aliis Juribus similibus v. g. Jure Patronatûs. Contradicit tamen Pichler n. 69. Vide Burghaber Cent. 2. Caf. 16. Cæterum, ut extinguatur servitus urbana, debet eam patiens aliquid agere; contrà, ut extinguatur rustica, sufficit non usus jus habentis: sic enim leges statuunt. V. g. ut fias liber ab obligatione Titio permittendi altiùs attollere domum, debes aliquem actum exercere: contrà, ut libereris à servitute patiendi aquæ ductum per tuum prædium, sufficit mera negligentia domini.

Q U Æ S T I O VI.

Quandonam Præscriptio dicatur non procedere dormire, & interrumpi?

Resp. 1. Non procedere dicitur, si ab initio, defectu alicujus requisiti v. g. tituli, bonæ fidei etiam inchoari non possit. Subinde, *To non procedere* usurpatur pro non currere, *defecit*

2. Dormire dicitur, quando illi, semel legitime cœptæ, impedimentum objicitur, ut eo quidem stante cesset currere; eo tamen sublato currere pergat, prius tempus cum posteriore

florè utiliter computando , non computato tamen intermedio. Quod fit 1^{mo}, dum judicia exerceri nequeunt , ut tempore belli & pestis &c. 2^{do}. Dum Ecclesia caret Rectore. 3^{to}. Quando is contra quem præscribendum esset, non potest jus suum prosequi : hinc respectu, pupilli dormit omnis præscriptio tempore ætatis pupillaris , ordinario verò respectu minoris , & filii - familias, quoad bona adventitia ; quam diu tales sunt.

3. Interrumpi dicitur , quando inchoata , exorto impedimento, sic cessat, ut de novo inchoari debeat ab initio, quod fit dupliciter : 1. Naturaliter, quando deficere incipit aliqua conditio, ad præscribendum requisita : ut, si desinat bona fides, aut possessio civilis, vel ritulus deprehendatur non subsistere. 2. Civiliter per litis contestationem coram Judice competente, per Judicis sententiam, per citationem ad iudicium. Litis contestatio fit , quando actor contestatur sibi jus competere, reus verò asserit contrarium verbis saltem generalibus : v.g. non credo narrata, ut narrata sunt, vel, nego, me debere, quæ petita sunt. Si diceret : Fateor, me debuisse, sed solvi : non esset litis contestatio ; esset, si actor responderet : nego solum, tuncque probatio inculcaberet debitori, asserenti factam esse solutionem.

Q U Æ S T I O VII.

Quæ Præscribi non possint.

104. Resp. Quædam, quia ex se non omnes conditiones, ad Præscriptionem requisitas, recipiunt,

piunt, ex natura sua, quædam ex juris dispositione Præscribi nunquam possunt, quædam nonnisi tempore extraordinario; ob quam causam non nulla ex iis dicuntur non Præscribi: sunt autem sequentia

1. Ex natura sua nunquam Præscribuntur. *Quæ ex* imo, res sacræ, ut templa, calices, vestes sacra- *natura* cræ, aliaque utensilia, ad cultum Dei, usus *sua non* que Sacros ab Ecclesia sacrata. Ita habet com- *præscri-* munis sententia, cujus ratio est; quia non sunt *buntur.* in commercio humano seu privatorum bonis, verum quia hodie dum, quædam sunt in dominio Ecclesiarum, collegiorum, imò & privatorum, non videntur ea omnem Præscriptionem excludere, sicut non excludunt alienationem per donationem &c. 2dò. Publicis usibus deputata, uti viæ publicæ, pontes, flumina, fontes, aliaque communia, quæ à privatis non præscribuntur, quamdiu communia sunt; quia ab iis non possidentur. 3tiò. Res aliæ pluribus communes necdum divinæ, ut lucra ex contractu Societatis, res hæreditatis, si ab uno socio, vel cohærede possideantur, ab eo non præscribuntur, quia censentur possideri nomine omnium. 4. Jura spiritualia, & Ecclesiastica à Laico Præscribi nequeunt; quia est incapax possessionis nisi ad eam ab Ecclesia speciali Privilegio habilitetur, quod ex immemoriali possessione concessum quidem præsumitur, si tamen contrarium delegatur, præsumptio cedit veritati. Talia jura sunt, jus cognoscendi, & judicandi causas Ecclesiasticas, & Clericorum, jus decimandi tum primarium, seu directum, & fundamentale, quod Ecclesia habet exigendi à subditis congruam ministrorum suorum sustentationem pro qua assignavit

signavit decimas, pendendas tum ex religione in recognitionem Dei est omnium bonorum authoris, tum ex iustitia, manetque jus illud semper penes Ecclesiam; tum secundarium, seu indirectum, & utile, quamdiu non est separatum auctoritate Ecclesiastica ab officio spirituali, à quo, ut transeat ad Laicum, post Conc. Lateranense sub Alexandro III. Papa Anno 1179. celebratum separari nequit, nisi à summo Pontifice. Si autem semel sit legitime separatum, & Laico conveniat, contra illum Præscribi potest tempore ordinario cum titulo, sine titulo tempore 30. annorum. Idem est, si conveniat Clerico privato. Potest quoque immunitas à decimis solvendis Præscriptione acquiri à Laicis, & Clericis contra privatum Laicum, vel Clericum tempore ordinario; contra Ecclesiam verò non Parochialem annis 40. sine titulo, contra Ecclesiam autem Parochialem 40 annis, sed non nisi cum titulo; quia jus assistit Parocho. Per consuetudinem à communitate acquiri potest 40 annis sine titulo, quia licet ad consuetudinem inducendam contra legem sufficiat decennium, quando nullum alteri affertur præjudicium; attamen quando alterius jus læditur, idem tempus requiritur, quod ad Præscriptionem. Dixi: *A Laico præscribi non potest jus utile decimarum non separatum*: nam Ecclesia monasterium, cui Parochia est plenè incorporata, præscribere id potest 40. annis cum titulo, sine titulo tempore immemoriali; quia jura humana etiam sacra præscribi possunt ab illis, à quibus possunt possideri. Parochialis tamen Ecclesia, ut præscribat decimas 40. annis in fundis intra suos fines existentibus, non indiget titulo
cong

contra Ecclesiam extraneam, quia assistentia juris, quam habet, est loco tituli extranea verò indiget titulo. 1. Subditus nequit Præscribere immunitatem ab obedientia superiori debita, nec à correctione, visitatione, nec à debitis principi in recognitionem supremæ potestatis ejus, suæque subjectionis, ut sunt appellatio ad ipsum, census tributa, cum in finem solvenda &c, quamdiu subditus est, potest tamen præscribere libertatem à potestate temporali sui Principis, ut nempe desinat esse illi subjectus. Et hæc quidem 40. annis cum titulo sine eo tempore immemoriali; à potestate autem Papæ spirituali, utpote juris divini, nemo unquam Præscribere potest exemptionem.

2. Ex dispositione juris nunquam præscribuntur sequentia. 1mo. Limites novi Episcopatum, Parochiarum, regionum, ubi certum est fuisse alios, ne scilicet confundantur termini, ad vitandam confusionem posito. Secus dicendum si sint dubii: hoc enim casu Præscriptio prodest possidenti. Fines agrorum etiam Ecclesiasticorum etsi præscribi possint quoad proprietatem, & dominium, præscribi tamen non possunt, quatenus sunt fines certorum districtum constituti. 2do. Res mobiles, & immobiles pupilli, etsi tutorem habeat: harum enim Præscriptio ex speciali favore juris tempore ætatis pupillaris nec inchoari, nec compleri potest. 3. Beneficia Ecclesiastica si ne titulo colorato possessa: hæc enim sine Canonica institutione possideri nequeunt legitime. *Quæ ex juris dispositione.*

3. Tempore ordinario non præscribuntur. 1mo res immobiles Ecclesiæ & quidem, ut contra Ecclesiam Romanam Lateranensem præscriban- *Quæ non nisi extraordinario tempore.*

scribantur, requiruntur 100. anni, ut contra alias Ecclesias loca religiosa, pias causas 40. anni, ut contra ordinem S. Benedicti, quorum privilegio gaudent ordines mendicantes 60. anni requiruntur. 2. Res quæcunque minorennium non subsunt Præscriptioni nisi 30. annorum. 3. Ut bona feudalia fiant allodialia sufficiunt 30. anni. Item ut allodialia transeant in feudalia, sufficit, quod extraneus tanto tempore, illa ut allodialia bonâ fide possederit, idem tempus sufficit, ut feudum ab uno vasallo transferatur ad alium vasallum verum, aut putativum. Idem, ut dominus cum dominio directo utile consolidet, ut tamen contra Ecclesiam penes quam est dominium directum præscribatur, tempus longius requiritur V. Pirrh. L. 2. t. 20. S. 3. §. 5. & alios. 4. Res furtivæ vel vi expulsivæ occupatæ, & detentæ, quia ex juris dispositione laborant reali vitio furti, vel violentiæ, cum quo ad quoscunque possessores deveniunt, etsi per mille manus transivissent, nec à fure nec à tertio præscribi possunt, nisi vitium sit purgatum; purgatur autem primo per 30. vel 40. annorum bonæ fidei possessione & hac completâ, præscriptio quoque completa est. 2do. Purgatur, si res ad dominum post furtum, violentamve detentionem redierit in se, vel in æquivalenti, vel fur aut raptor fiat hæres domini: vitio sic purgato potest à tertio bonæ fidei possessore præscribi tempore, quo res aliæ ejusmodi præscribuntur. Res vi detenta potest esse tum mobilis, tum immobilis; furtiva verò est res mobilis plerumque, & externa, injustè ablata, ut pecunia equus ovis &c. Quare si dolo malo, causam contractui dante, sit acquisita,

quæsitæ, vel purè detentæ, propriè furtivæ non est, potestque, si ad tertium pervenerit, bonæ fidei possessorem, præscribi, ut res aliæ. Fructus quoque, modò adsit bona fides, rei furtivæ, vel vi detentæ à tertio præscribi possunt tempore ordinariò ; quia non sunt pars rei. §. Jus patronatûs, si constet, Ecclesiam fuisse liberam, à Laico præscribi non potest, nisi tempore immemoriali ; ab Ecclesiastico verò 40. annorum lapsu cum titulo, sine eo, tempore, quod excedit hominum memoriam ; si autem constet Ecclesiam esse patronatam, contra Laicum, cui id comperit ratione Patrimonii, præscribitur tempore ordinario cum titulo, sine eo 40. annis ; contra Ecclesiasticum vero, cui id convenit ratione dignitatis, beneficii, officii, vel administrationis Ecclesiasticæ, præscribitur ab Ecclesiasticis 40. annis, à Laico tempore immemoriali : quamvis enim jus illud spirituale sit, nec à Laico possideri possit, sine speciali privilegio, attamen possessio, tanto tempore continuata, fundat præsumptionem tituli, seu privilegii concessi, sic, ut censetur dominium translatum, non quidem vi Præscriptionis, sed, quia ex tali possessione præsumitur titulus domini translativus concessus : unde talis Præscriptio non est propriè dicta Præscriptio. An autem sit possessio temporis immemoralis, si ejus initium ex documentis authenticis probari possit, non convenit inter A. A. Negandicaft. Illson apud La Croix L. 3. p. 2. n. 520. Esse nihilominus, si hominum existentium ejus initium memoriam excedat, affirmat Pichler ; quia possessio temporis immemoralis sumitur ab hominum memoria : dicitur enim L. 3. §. *Da-*
R. P. Reuter Theol. Mor. P. III. M. eius

Etus aqua & Cod. de aqua quotit. & æstiv. cujus origo memoriam excedit. Convenit tamen inter omnes non ob stare, quod probari possit possessionem ante 100. 200. annos fuisse penes alium, modò præsentis possessionis non possit ostendi initium: aliàs enim (id quod absurdum foret) mille anni non sufficerent ad tempus immemoriale, cùm ex vetustis documentis ostendi possit, regna, principatus, eorùmque jura ante mille annos ab aliis fuisse possessa. Quæ sint prærogativæ possessionis immemoralis, & quomodo probari possit, ac debeat, videri potest apud Pichler, La Croix, & alios. 6. Debita rerum tam mobilium, quam immobilium, act onesque, quibus exigi possunt, præscribuntur cum bona fide à debitore contra creditores 30. annis. Excipe debita Ecclesiæ, aliisque piis locis: ad horum enim præscriptionem requiruntur 40. anni. 7. Fundus dotalis, res majoratûs, primogenituræ, fidei commissi, legata rei certæ præscribi quidem possunt contra primogenitum, fidei commissarium. Legatarium, &c. Sed non nisi longissimo tempore, quia tempus ordinarium non supplet titulum, nec evacuat malam fidem injuste alienantis, ac tempus longissimum, supplet titulum, facitque ut mala fides alienantis non noceat bona fide accipienti. Ita Less. An autem Præscriptio reicommisariæ primogenituræ majoratûs, male alienatæ, contra primum agnatum præjudicet agnatis remotioribus, ita, ut rem ad se revocare non possint, dubium est. Affirmat Covar. negat Pichler, Schmier, & alii, quia remotiores agnati, vivente proximioris à jure vel consuetudine prohibentur agere in judicio; universim autem non præscribitur

bitur contra eos, qui ex impedimento juris non possunt sua tueri in judicio : æquum enim non est, tales detrimentum pati ex præscriptione, per jus inductâ, ob juris dispositionem, iis actionem negantis. Hinc nec contra filium familias quoad bona adventitia, quamdiu est in patria potestate, nec contra uxorem quoad bona dotalia, stante matrimonio, præscribi potest, nisi maritus redigatur ad incitas; tunc enim uxori competit actio.

Ex dictis colligitur, posse præscribi res alienari prohibitas sine sollemnitate, uti sunt res immobiles Ecclesiæ, res dotales, majoratus, fidei commissi &c. Uti habet communior contra nonnullos. Dicunt quidem jura talia præscribi non posse, sed intelligenda sunt de tempore ordinario. Vide Schmalzgruber, qui excipit res fidei commissi, majoratus, & primogenituræ.

Q U Æ S T I O VIII.

Quibus concedatur restitutio in integrum contra Præscriptionem?

Resp. Conceditur 1. Minoribus quadriennio integro à die, quo majores facti sunt, id est, ab anno 25. completo ad annum 29. completum. 2. Ecclesiis aliisque piis locis intra quadriennium à completa præscriptione intellecta, modò integrum sit petere restitutionem: Ecclesiæ enim quoad hoc sunt instar pupilli, & minoris, cum & illæ per alium debeant agere. 3. Majoribus ex causa, quæ justa videbitur Judici: ut, si currente præscriptione abierant Reipublicæ causâ, vel in publica expedi-

103.
Minoribus, &
locis piis

tione, vel in captivitate, vel qualibet iusta de causa præscriptionem non poterant interrompere. Talis tamen causa ex communi non est ignorantia; aliàs Præscriptio magna ex parte esset inutiliter constituta.



TRACTATUS II.

D E

Justitia servanda in Contractibus,
& Jure per illos acquirendo.

HActenus egimus de modo acquirendi Dominium absque alterius consensu, nunc agendum de modis acquirendi illud ex consensu prioris domini, quod potissimum fit per Contractus,

C A P U T I.

De Contractibus in genere.

Q U Æ S T I O I.

Quid sit Contractus, & quid Pactum?

106. *Definitio.* **R**Esp. Pactum, & Contractus latius acceptus, est liber plurium in idem consensus, & conventio, obligationem in unam saltem partem inducens. Si obligationem in unam tantum

quàm convenientium partem inducat aliquid pendendi, erit contractus gratuitus; si in utramque partem, contractus onerosus: & hic est contractus strictè magisque propriè dictus.

Clariùs Contractus sic definiri potest: Liber & legitimus plurtum in idem consensus, mutuò manifestatus, & acceptatus, pariens obligationem Justitiæ in alterutra saltem parte contrahentium ad aliquid præstandum, vel omittendum.

Dicitur 1. *Consensus*, puta, internus, verus, & sincerus, isque reciprocus, quo unus intendat Jus; vel Dominium in alterum transferre, & hic velit acceptare. *Ratio est*; quia translatio Juris, quæ fit per contractus, pendet à voluntate contrahentium; unde sicut non acquiro dominium sine intentione illud habendi: sic sine ea dominium in alium non transfero, etsi dicam, me emere librum pro me, habeam autem animum emendi pro alio; emo non mihi, sed illi. Hinc si sim Religiosus, non peccô contra votum paupertatis, necegeo ad id veniâ Superioris. Contendunt quidem Vsq; Dicant, & alii, si verba, vel signa externa consensus interni, etsi ficti, ponantur, transferri jus ab uno in alium per leges, Republicâ defectum consensus supplente: verùm id imprimis falsum est, juxta omnes in contractu Matrimonii. Dein licet leges supponant tum consensum verum, cum quisque censeatur animo gerere, quod verbis exprimit; tamen obligatio naturalis vi contractus non oritur, etsi dominium per Judicis sententiam transferri possit.

Dicitur 2. *Consensus liber*, nempe perfectè, eâque libertate: quæ ad mortale peccatum requiritur. *Ratio est*; tum quia ad negotia

majoris momenti, qualia censentur omnes contractus, requiritur perfecta deliberatio: tum quia per contractus alienatur libertas propria, hanc autem nemo censetur alienare, nisi cum plena deliberatione; tum quia obligatio ex Justitia est effectus perfectus, efficax, & stabilis; qui causam proportionatam, adeoque perfectam requirit: unde contractus facti cum semiplena tantum deliberatione, nullam etiam levem inducunt obligationem; quique capaces non sunt plenæ deliberationis, contrahere non possunt, ut infirmi delirantes, semisati, semisopiti &c. Sufficit quidem semiplena libertas ad contrahendum reatum peccati levis, & juxta multos ad obligationem restituendi, vel reparandi damnum leve; quia reatus peccati, & obligatio levis restituendi rem levem necessario, & connaturaliter sequitur ex positione actus, & non pender à voluntate nostra antecedente, quæ actu posito ea impedire possit; at obligatio ex contractu pender à voluntate nostra antecedente, quæ impediri possit, actu etiam posito: potest enim homo sic esse constitutus, ut nolit se rebus suis, & libertate privare, nisi per actum plenè perfecteque liberum; sic autem quis censetur habitualiter constitutus, quæ constitutio sufficiens est ad impediendam obligationem: hinc si quis dicat: Nolo imposterum ullo voto astringi, sique immemor hujus propositi votum fecero, ex nunc revoco, quidquid vovero nisi memor hujus voluntatis eam revocavero; juxta communem non obligatur voto subsequenti, quod immemor hujus voluntatis emitrit. E-contra, si quis diceret: Nolo imposterum consentire turpibus desideriis, sique fortè immemor hujus

hujus propositi consenserō, ex nunc revoco consensum, & prætestor, me non consentire; nihilominus, si licet immemor hujus propositi, postea cum sufficienti advenientia consentiret, revera peccaret; quia prior voluntas non potest turpitudinem impuri desiderii impedire, sicut potest impedire obligationem veri.

Dicitur 3. *Consensus legitimus*; id est, à lege non reprobatus. qualis est consensus pupilli sine autoritate tutoris &c.

Dicitur 4. *Mutuo manifestatus*; quia, cum contractus obligationem inducat, sitque actus humani commercii, debet fieri humano modo, sub sensum cadente, & acceptari obligatio, quod fieri non potest, nisi consensus signis externis manifestetur: nec quis aliter vult obligari.

Dicitur 5. *Et acceptatus*; quia nemo vult alteri se obligare, nisi acceptet: unde ad contractum onerosum, requiritur acceptatio mutui consensûs, & manifestatio illius mutui acceptationis; quia utrimque obligationem parit. Secus est de contractibus gratuitis, v. g. promissione, donatione, qui, sicut in unum tantum obligationem inducunt, & in alterum jus transferunt; sic tantum unius v. g. promissarii acceptationem manifestatam requirunt.

Dicitur 6. *Pariens obligationem*; id est, vinculum morale, quo necessitate astringimur ad aliquam rem, vel actionem præstandam, faciendam, vel omittendam. Est autem obligatio ex contractu triplex: nempe 1^a merè naturalis; quæ ligat sub peccato, sed non parit actionem in foro externo. 2^a merè civilis; quæ parit actionem, sed non ligat sub peccato: ut obligatio solvendi debitum ex con-

tractu, quem scis esse invalidum, sed probare non potes. 3^ala mixta, quæ ligat in conscientia, & simul parit actionem in foro externo.

Dicitur 7. *Pariens obligationem Justitia*; putà, commutativæ: etsi enim aliqui ad pactum putent sufficere obligationem veracitatis, aut fidelitatis: ut, si plures consentiant dictâ horâ exire in agrum sine intentione ulterioris obligationis, quàm verba secum ferant; ad contractum tamen requirunt obligationem Justitiæ commutativæ, & ordinariè pro quantitate materiæ: quod addo; quia, ubi materia gravis est, non potest esse tantum obligatio levis ex contractu, de quo Jura loquuntur, uti tenet Lugo & alii contra Sanch. & alios; quia in contractu transfertur jus in re, vel ad rem, quæ si gravis est, non potest jus sine gravi injuria violari, ubi simpliciter translatum est; secus est, si diminutè tantum transferretur: hinc, si quis promissione Matrimonii vellet tantum obligari sub levi, non esset promissio, de qua Jura loquuntur, nec haberet rationem Sponsalium. *Ex his deduco*

107.
Corollaria.

1. Si offeram tibi domum 1000. aureis venalem, & tu acceptes, offerasque mille aureos; venditio perficitur, non quando acceptas, sed quando acceptatio per te mihi manifestatur; mea tamen acceptatio, quâ obligationem tradendi domum, si consentias, accepto, est tibi sufficienter manifestata per hoc, quod offeram tibi domum venalem illo pretio; proinde si tua acceptatio mihi manifestetur, hoc ipso perficitur contractus, nec opus est, ut tibi, vel mihi ulterior acceptatio manifestetur.

2. Si mecum contrahas per Procuratorem, per-

perficitur contractus, quando tuus Procurator
acceptat; & ego id rescio, licet tu necdum ac-
ceptaveris: quia illius acceptatio est moraliter
tua.

3. Si tecum contraham per literas, contra-
ctus non perficitur prius, quam per responsum
innotescat mihi tua acceptatio.

4. Si donum mihi mittas, donatio comple-
tur, quando accepto, etsi tu de mea acceptatio-
ne non scias, uti dicitur.

5. Si petam gratiam, v. g. dispensationem
in Jejunio, hoc ipso, quod dispensatio sit ex-
pedita, jam deobligor; quia mea petitio est
acceptatio, si detur dispensatio, etsi datam ad-
huc ignorem.

Q U Æ S T I O II.

Quomodo Contractus dividatur?

Resp. Contractus dividitur imò in onero-
sum, qui in utramque, & gratuitum, seu lu-
crativum, qui in unam tantum partem con-
trahentium obligationem inducit. Contractus
proinde onerosi sunt venditio, locatio, condu-
ctio &c. lucrativi sunt donatio, promissio me-
re liberalis acceptata, commodatum, precari-
um, testamentum, legatum &c. merè libe-
ralia.

108:
Divisio
Onero-
sus, gra-
uitus.

2. Dividitur in nominatum, & innomina-
tum. Nominatus est, qui præter nomen ge-
nericum contractus, permutationis specifi-
cum, nomen proprium habet, quo ab aliis
distinguitur: ut est venditio, emptio, condu-
ctio, pignus, commodatum, mutuum, de-
positum, stipulatio, cambium, emphy-
teusis,

Nomi-
natus,
innomi-
natus.

reusis, fudum, dos, Sponsalia, Matrimonium, Professio Religiosa, census &c. Contractus innominatus est, qui spe ificum, propriumque nomen non habet, ideoque oratione exprimitur. Hujus 4. sunt species his verbis exprimi solitæ: 1ma. Do, ut des, id est, rem pro re, v. g. equum pro mulo, si enim pecunia daretur pro re, esset emptio. 2da. Do rem, ut facias, v. g. triticum, ut labores in mea vinea. Si daretur pecunia pro illa opera, foret conductio. 3tia. Facio, ut des, v. g. colam agrum tuum, ut des mihi vestem. Si offerrem meum laborem pro pecunia, esset locatio. 4ta. Facio, ut facias, v. g. colam agros tuos, ut mihi ædifices domum. Ad hos contractus affirmativos reducantur negativi: v. g. Do, ut non facias &c. Quod si pro re detur res & pecunia, v. g. pro equo sex oves, & 20. impetiales, erit contractus ex nominato, & innominato mixtus, & sortietur denominationem a parte potiore: pro qua intelligenda, est resolvendus in simplices, & juxta eum regulandus, cui similior est. Sub his continetur permuratio rei cum re; quia retinet nomen genericum subalternum saltem.

*Vestitus
nudus.*

3. Dividitur contractus in pactum vestitum, & non vestitum, seu nudum. Pactum nudum est, quod in conscientia quidem obligat, in foro tamen externo civili ei non conceditur actio. Tales sunt: simplex promissio acceptata, omnesque contractus innominati secundum se, seu ex neutra parte adhuc impleti, nec alio vestiti. Pactum vestitum est contractus juris adminiculo, suffultus, vi cuius parit actionem in foro externo, seu jus prosequendi in iudicio, quod sibi debetur. Vestitur

tur autem contractus imò suo specifico nomine, ut venditio, aliique contractus nominati. 2. Rei traditione, saltem ex una parte. 3. Stipulatione, id est, certâ verborum formâ olim usitatâ, v. g. Dabisne? dabo. Faciesne? faciam. In cujus locutionis locum jam succedit instrumentum publicum, vel scriptura promissoris manu scripta. 4. Juramento. 5. Privilegio Juris, quod quibusdam pactis nudis conceditur, ut promissioni dotis. Si uno ex his modis pacta nuda roborentur, iis conceditur actio, aliâs tantum potestas se tuendi in possessione. Aliis pactum nudum est nuda conventio; vestitum, quod alio firmatur. La Croix n. 588.

4. Contractus dividitur in contractum stricti *Stricti* juris, de quo Judex judicat secundum rigorem verborum, quantum Justitia & æquitas *juris*, patitur; & in contractum bonæ fidei, in *bona fidei* quo, dum oritur dubium, judicatur non secundum rigorem verborum, sed ex æquo & bono secundum mentem præsumptam contrahentium; quia nempe præsumuntur voluisse, quod homines æqui & boni in iis velle solent secundum leges sic contrahentium. Tales contractus sunt: venditio, emptio, permutatio, & contractus nominati ferè omnes: dico, *ferè*: nam stipulatio est stricti juris, uti contractus innominati, præter permutationem.

5. Dividitur contractus in absolutum, & conditionatum, purum, & qualificatum. Absolutus est, cujus obligatio non suspenditur *Absolutus, conditionatus* adjecâ conditione; conditionatus est, cujus obligatio alligatur conditioni de futuro: v. g. *conditionatus*. Dabo tibi librum, si cras ad me veneris. Purus est, qui fit sine restrictione ad aliquid aliud,

v. g. modum, conditionem, diem, pœnam, Qualificatus seu modalis, qui fit vel sub modo, vel causâ, aut conditione, vel demonstratione, vel adiectione pœnæ.

Q U Æ S T I O III.

Qualis debeat esse materia Contractûs
validi ?

109. Resp. Debet esse imò possibilis ; quia ad
1. *Debet* impossibile nemo potest obligari ; sique con-
esse possi- trahentes ; sciverint materiam esse impossibi-
bilis, lem, non potuerunt velle obligari ; si ignora-
verint, errârunt circa substantiam. Si mate-
ria est partim possibilis, partim impossibilis,
distinguendum est ; nam manet obligatio ad
partem possibilem, si divisibiliter, & propor-
tionaliter contractum fuit ; ut, si emisisti 100.
modios tritici, ex quibus 30. perierunt,
contractus tenet in 70. reliquis ; si autem con-
tractum est indivisibiliter, non est obligatio
quoad partem etiam possibilem ; v. g. emisisti
tres equos 200. Imp. nullius pretium in par-
ticulari determinando, si unus ante traditio-
nem moriatur, non est obligatio reliquos ac-
ceptandi vel tradendi. Similiter, si emisisti
duos equos ejusdem coloris pro rheda, si unus
pereat, non teneris admittere alium.

2. *Non* 2. Materia debet esse honesta, aut saltem
inhonest- non inhonesta ; quia nemo ad rem, vel actio-
sta. nem illicitam, seu peccatum obligari potest :
unde pretium datum ob opus turpe, ante im-
pletionem operis, restitui ex Justitia debet. im-
pleto tamen opere turpi, retineri potest, & in
foro conscientiz exigi, si datum fuit v. g. scor-

to pro usu sui corporis, sicario pro facto homicidio in gratiam alterius. *Ratio est*; quia duplex hic intervenit contractus, unus absolutus de committendo opere turpi pro pretio, & hic, ut patet, irritus est; alter conditionalis de dando pretio, si opus turpe fuerit positum: & hic, impletâ conditione, validus est, & absolutus: perficitur enim, positâ conditione turpi, oriturque obligatio ex vi consensûs, ut sequentis, non ut antecedentis opus malum, non secus ac in voto facto sub conditione, si teinebriaveris. *Ratio est*; quia est de re pretio æstimabili & de alterâ non illicita dein ponenda: nam licet actus malus non sit pretio æstimabilis, quatenus malus est, est tamen talis, quatenus ementi, vel eum perenti utilis, vel delectabilis. & ponenti laboriosus, vel periculosus est. Deinde, posito opere turpi, dare pretium de se malum non est, nec magis approbatio peccati, quam impletio voti emissi sub conditione, si peccares. Ex hoc eodem fundamento tenent multi cum S. Thoma in 4. dist. 15. q. 2. a. 4. Quæst. 2. posse Judicem retinere pecuniam sibi datam ad ferendam injustam sententiam; quia hanc non debebat, estque ipsi periculosa & onerosa, cum teneatur ad damna. Secus est, si pecuniam accipiat pro sententia justa; quia hanc debet ex Justitia. Item in usura, ubi deficit voluntas dandi gratis; & in simonia, ubi res vel est invendibilis, vel vendens jure positivo redditur inhabilis ad pretii dominium acquirendum. Vide La Croix L. 3. n. 683.

Dixi: *Materia debet esse honesta &c.* Nam contractus illicitus, si materia sit licita, potest esse validus; sic emptio gladii ad inimicum occi-

occidendum, venditio armorum facta hosti Reipublicæ, Matrimonium in statu peccati mortalis non licent; valere tamen possunt. Similiter Matrimonium cum Titia post contracta Sponsalia cum Caja, ejus consanguinea in secundo gradu, validum est, etsi illicitum; quia materia talium contractuum non est actio illicita, sed gladius, arma, jus in corpora. Si tamen contraxisti Sponsalia cum una, & dein attentes Sponsalia contrahere cum alia, posteriora non subsistunt; quia obligare te vis ad translationem domini in corpus ad usum Matrimonii: illa autem translatio est injusta. Cæterum ad exigendum pretium pro opere turpi posito non datur actio in foro externo, ut constat ex pluribus legibus; sed non ideo deficit obligatio in conscientia.

Dices: Pro Sacrificio Missæ, actionibusque illi intrinsicis non licet accipere pretium, etiam, ut sunt utiles ad bonum temporale obtinendum: ergo nec pro opere turpi, quatenus utile est. R. C. ant. N. consequ. quia res sacra est in ordine superiore, in quo sine irreligione non potest pretio temporali æstimari: in tali ordine non est actus turpis, nec obstat quidquam, quod minus pro eo posito, ut utili, possit exigi pretium. Sic, si pro te faciam iter, etsi mihi præfigam finem malum, justè exigo pretium, conditum. Videri potest Laym.

3. *Propria.*

3. Debet esse propria; quia per contractum debet jus transferri in alterum; nemo autem plus Juris transferre potest, quam ipse habeat: Unde resolves

110. *Corollaria.*

1. mod. Pretium acceptum pro actione, vel omissionem alteri ex Justitia debita, v. g. à Judice, ut ferat sententiam justam tibi debitam; à la-

à latrone, necesse occidat, &c. licet retineri non potest; quia Judex, latro rem æquivalenter tuam tibi venderet. Potest tamen miles exigere stipendium pro servitio, quod debet ex Justitia; quia id exigit ut pretium pro actione, non debitum ex justitia, nisi detur stipendium.

2. Potes quoque conductus à Paulo: ut iter facias Parisios, adhuc accipere pretium pro itinere à Petro; quia non vendis Petro Jus Pauli, sed novam obligationem ad iter Petro utilem, quæ manet, etsi Paulus cederet Jure tuo.

3. Potest accipi, & retineri pretium pro actione tertio ex justitia debita, non proficua tanti pretium, v. g. à Cajo, tibi datum, ut restituas Titio rem ablatam, ne illum occidas; quia actio & omissio non est debita Cajo, tuque non censetis actionem tibi utilem emere: unde et hic tantum ponitur contractus gratuitus ut conditione talis operis, vel si interveniat alio pretii, datur hoc pro nova obligatione actionis, vel omissionis ponendæ in gratiamantis pretium. Dixi: *Pro actione ex justitia debita*: Nam dare, & accipere munus pro actione ex alia virtute debita, modo non detur pretium, sed ut allicium, per se licet. Sic potest pater novam vestem dare filio, ut vitet malos socios, in Paschate communicet, omni die Dominico audiat Sacrum.

4. Si emas à Titio rem alienam, v. g. fur. *Emptio* vam, venditio est irrita, sive mala, sive bona *res fur-* des fuerit in utroque. Idem est si emisti bo- *isua.* à fide, & Titius malâ fide vendidit; quia à alienæ dominium non potest transferri ab eo, qui id non habet. Attamen ex dispositio-

tione legum civilium vendens etiam mala fide rem alienam , fit Dominus pretii , et si plerumque cum obligatione restituendi , non tamen emens fit Dominus rei furtivæ. Similiter emens furtivo pretio , fit Dominus mercis ad vendentem pertinentis ; non tamen hic Dominus pretii furtivi. Ità statuitur *L. Si emptor. 34.* in pœnam malæ fidei , & gratiam veri Domini ; unde si bonâ fide mercem propriam vendidisti , & accepisti pretium furtivum ; hoc Domino comparenti teneris restituere , si adhuc exster vel in se, vel in æquivalenti. Si autem planè consumpseris , vel per mixtionem bonâ fide feceris tuum ; ad nihil teneris , quia non es factus ditior : nam pro eo dedisti mercem tuam , aliàs non daturus. Idem dicit *Lugo N. 171. D. 6. de pecunia furtiva* , quam pro debito bonâ fide accepisti. Similiter si bonâ fide emisisti triticum alienum , sitque adhuc impermixtum ; teneris restituere etiam cum jactura pretii. Si autem per mixtionem bonâ fide factam fecisti tuum , potes retinere. Denique si fur pecuniæ , vel alterius rei alienæ acquisivisset dominium , & tibi donaret ; acceptam posses retinere , quia donâisset rem suam. Ità *La Croix L. 3. P. 2. N. 963.* Id quod velut probabile defendit *Molina* , et si fur esset impotens ad satisfaciendum ex aliis bonis ; quia non est obligatio negligendi suum commodum, ne alteri per accidens sequatur
 damnum.



Q U Æ S T I O IV.

An validus, & firmus sit contractus ex errore, vel dolo procedens?

Nota. Error in contractu interveniens pro-
venire potest vel ab intrinseco, v. g. ignoran-
tia, vel inadvertentiâ errantis, & simpliciter circa
error hic dicitur: vel ab extrinseco, seu ex substan-
tialitate, vel machinatione alterius partis con-
trahentis, vel alicujus tertiî ad decipiendum or-
dinata, vel dolus passivè acceptus dicitur; ipsa acci-
verò machinatio errorem inducens dolus activè deus.
acceptus.

Error ille uterque potest esse vel circa sub-
stantiam, vel circa accidens. Circa substan-
tiam est 1. modò, si ut circa materiam contractûs:
ût, si emas vinum, putans esse oleum. 2. Si
sit circa motivum principale formale: ût, si
Cajæ promittas dotem ideo præcisè, vel prin-
cipaliter; quia putas esse consanguineam, qua-
lis revera non est. 3. Si sit circa naturam
contractûs: ût, si consentias in contractum,
quem putas esse donationis, & reipsâ sit ven-
ditionis. 4. Si sit circa aliquid, ad quod sic
afficitur contrahens actualiter, vel habituali-
ter, ut eo deficiente nolit contrahere. Univer-
sim hoc in contractu est de substantia, ad quod
ex hominum usu, vel dispositione legum sal-
tem implicite, vel virtualiter restricta est inten-
tio contrahentium. Dixi: *Vel dispositione le-
gum*: nam quilibet censetur, se velle accom-
modare legibus. Hinc quando ex harum di-
spositione condiciones quædam habentur pro

R. P. Renter Theol. Mor. P. II. N non

non adjectis , contractus iis deficientibus subsistunt.

Error circa accidens est imò , qui versatur circa qualitatem rei , de qua contrahitur , non transeuntem ex intentione contrahentis in substantiam : ut si ducas per Procuratorem uxorem , quam putas divitem , cum dives non sit. 2. Qui versatur circa qualitatem contractus accidentalem : ut , si Caja nubens paret viro non comperere bonorum administrationem. 3. Qui versatur circa motivum aliquod minus principale , & tantum impellens : ut , si determinares te ad dandam eleemosynam pauperi , quia credis esse devotum , cum talis non sit : censeris enim primario dare ex motivo misericordiae , vel charitatis. Aliud foret , si absolute nolis dare , nisi adsit talis qualitas : tunc enim ex tua intentione transiret in substantiam. Quod quando fiat , ut intelligatur , diligenter considerandus est finis , & principale motivum contrahentis , vel Jus transferentis , quae in diversis contractibus diversa sunt. In contractibus enim gratuitis plerumque motivum extrinsecum est , ut motivum pietatis , misericordiae , charitatis , gratitudinis ; in onerosis motivum proximum est intrinsecum , v. g. Jus acquirendum , & transferendum. His notatis

112. Resp. imò. Error versans circa substantiam Error contractus , sive ab intrinseco , sive ab extrinseco , seu dolo proveniat , jure naturae invalidat contractum. Ratio est , quia talis error impedit , quod minus cognoscatur substantia contractus , vel rei , de qua intenditur contractus , vel motivum ejus , adeoque facit , ut desit consensus in rem vel contractum , qui

con-

qua perpetuum matrimonii vinculum contrahatur, solet intentio contrahentium esse restricta ad personam, cum qua existimant se contrahere.

2. Si vendas equum Titio putans, esse Cajum, error est accidentalis, nisi illâ venditione specialiter voluisses gratificari Cajo: hoc enim casu foret substantialis.

3. Econtra si dones liberaliter Petro putans esse Paulum, error est substantialis; nisi donâsses præcisè, aut principaliter, quia pauper est, & talis etiam foret Petrus: tunc enim error in persona esset accidentalis.

4. Si conduxisti Advocatum imperitum, putans esse peritum, error est substantialis; quia voluisti apum ad evictionem litis, quæ finis tuus principalis erat. Similiter si ad vestiendum te Sacerdotem absens emisisti pannum album, quem putabas esse nigrum; error est in substantia, & venditio nulla. Item si emisisti vas vini, putans esse oleum, quamvis æquè libenter, & eodem pretio emisisses vinum; quia deficit consensus circa vinum, nec consensus habendus, aut interpretativus sufficit ad absolutam emptionem.

5. Si emisisti 100. oves, quarum 60. sunt vendentis, 40. alienæ, venditio tantum valet de 60. quia erat emptio in singulas, circa 40. autem error est substantialis.

6. Si emisisti quid 100. ducatis in auro, qui hoc tempore notabiliter pluris tuâ opinione valent, est error substantialis circa pretium, venditioque invalida. Contingit tamen aliquando, ut, quando error substantialis est in parte minore, emptio valeat, & tunc minuendum sit pretium. Secus est, si error sit in parte majore.

Cæte-

Cæterum semper attendenda est contrahentium intentio.

Resp. 2. Error accidentalis, etsi antecedens, et ex malitia alterius contrahentis proveniens, nec jure naturæ, nec positivo contractum irritat. Non jure naturæ, quia non impedit cognitionem, nec consensum in substantiam: non jure positivo, quia nulla lex irritans clara afferri potest: proinde est standum jure naturali. Sunt quidem leges, quæ talem contractum dicunt irritum, nullum: sed intelligendæ sunt de effectu firmo: nempe quod in æstimatione humana ulli sint; quia ab Innocente, si velit, sunt rescindibiles: daturque ei ad id actio contra deceptorem: unde si volenti tibi emere vinum Rhenanum, offeratur per dolum Mosellanum, contractus valet, nisi alligaveris ob certum finem, ad quem Mosellanum non conducirer, intentionem tuam Rhenano.

114.
*Error
acciden-
talis non
irritat
contra-
ctum o-
nerosum.*

Excipit Lugo contractus gratuitos, quos tenet per dolum circa accidens antecedentem irritos addi: quia cum hi fiant sponte, & liberaliter, non censetur v. g. promittens, vel donans dolo inductus voluisse se obligare, si talis circumstantia adsit, quæ cognita à promissione, vel donatione deterruisset; idque, undecunque error proveniat, verum videtur.

115.

Resp. 3. Si error antecedens versans circa accidentia, proveniat ab altera parte contractantis, est pro libitu decepti rescindibilis, nisi sit insolubilis; quia injuriam passus est, quæ si ex altera specie reparari debet: id quod fieri non potest, nisi rescissione contractus, quo tamen contractus injuriam, si velit, stare potest. Si autem error, vel dolus proveniat ab aliquo tertio impertinente, vel à propria ignorantia, veniat,

116.
*Facit ir-
ritabilem,
et insolubilem;
quæ si ex al-
tera specie
reparari non
potest, nisi
rescissione
contractus,
quo tamen
contractus
injuriam,
si velit,
stare potest.*

aut inadvertentia , contractus non est rescindibilis. *Ratio est* , quia cum alter contrahens injuriam non fecerit , fueritque consensus in substantiam , non est ratio resiliendi à contractu ; præsertim cum deceptus possit servare se indemnem per actionem coram Judice.

Dixi 1^{mo}. *Error antecedens* : Nam si comitans sit , negat Sanch. posse rescindi contractum ; quia respectu eientis moraliter nulla est mutatio , cum nihilominus fuisset v. g. empturus , adeoque non reputetur injuria , aut saltem non foret efficaciter damnosa , ut inquit Lugo. Dixi 2. *Ab aliquo tertio impertinente* : quia , si causans errorem sit moraliter una persona cum contrahente , v. g. sit ejus Procurator , negotiorum gestor , perinde est , ac si ipse contrahens decessisset.

117. *Discri-* *Dices* : Si error circa accidens interveniat in sponsalibus , quo cognito , non fuissent inita , sponsalia rescindi possunt , etsi error non proveniat ex dolo : ergo à pari. Et *confirmatur* : Si superveniat mutatio qualitatis , mutatur status ; ergo est locus rescissioni in aliis etiam contractibus. R. Nego paritatem : nam sponsalia post se trahunt contractum matrimonii indissolubilem , & perpetuum , ideoque difficillimum : hinc majorem requirunt libertatem , videturque ex communi usu , vel dispositione legum voluntas contrahentium sponsalia restricta ad eam libertatem ob grave alioquin , perpetuumque præjudicium , sicque imbibere hanc conditionem : *Nisi occurrat postea , quòd prudentem meritò deterruisset*. Ad confirmationem Resp. manet status substantialis,

quod in aliis contractibus sufficit : aliàs quotidiani contractus perpetuis essent litibus obnoxii, add repugnat recto ordini Reip. si deceptus paratur incommodum, hoc rescari potest per actionem quanti minoris, quæ locum non ita habet in sponsalibus.

Q U Æ S T I O V.

An validus, & firmus sit contractus ex metu initus, & quid dicendum in dubio?

Nota 1^{ma}. Metus est trepidatio animi ob apprehensum instans nobis, vel nostris malum, seu actus appetitus, quo fugimus imminens malum, & ad propinquum ejus periculum trepidamus. Est autem alius gravis, alius levis. Gravis, est fuga mali gravis, probabiliter futuri, difficulter vitabilis, sive jam hoc malum sit absolute grave, ut mors exilium, diuturnus carcer, gravis infamia, magna temporalium jactura, sive solum respectivè grave, quod quidem non respectu omnium, attentis tamen circumstantiis, & personâ, cui imminet, meritò grave, & valde formidabile judicatur, proinde sufficiens ad metum gravem incutendum. Metus levis est vel de levi malo, vel gravi facile vitabili, aut difficulter futuro. Tam hoc, quàm illud imminere potest ex neglectis, vel repulsis importunis precibus. Si tamen hinc non tam grave damnum, quàm jactura magni lucri timeatur, operatio non tam ex metu, quàm concupiscentiâ lucri procedet. Porro metus tam gravis, quàm levis potest provenire vel ab intrinseco, aut à causis naturalibus.

118.

*Quis sit
metus
gravis,
& quis
levis?*

bus, v. g. à morbo, ab imminente naufragio, tempestate, incurrente bestia, incendio; vel ab extrinseco, & à causa liberè operante. Hic aliquando justè incutitur: ut, si Judex debitori minetur mulctam, nisi creditori satisfaciatur: aliquando injustè: ut, si latro tibi minetur mortem, nisi pecuniam extradat. Iterum aliquando incutitur ad extorquendum consensum, ut in allatis exemplis; aliquando ex alio motivo: ut, si tuus inimicus intentaret tibi mortem, & ut tibi parceret, offerres ei pecuniam, quam is non intenderet. Vid. l. P. N. 18.

119. *Nota 2da.* Contractus jure naturæ est irritus, si ei lex naturalis absolutè resistat in ordine ad transferendum dominium: ut, si dones alteri rem alienam; jure autem positivo tantum est irritus, si lex tantum positiva resistat, non verò lex naturæ; sed hæc permittat transferri jus. vel dominium, nisi lex positiva resistat. Esse autem potestatem in Rep. irritandi contractus aliquos, dubium non est: nec sic lex positiva repugnat naturali; quia hæc assistit quibusdam contractibus tantum conditionatè, nisi scilicet lex positiva resistat. His notatis.

120. *Resp. 1ma.* Nullus contractus ex metu, sive ab intrinseco, aut causa naturali proveniente, sive justè incusso ad extorquendum consensum, est jure naturæ, aut positivo invalidus, aut rescindibilis. Est communis, & certa, tum ex *L. Si mulier. 21. quod metus causâ*, tum ex praxi Ecclesiæ, quæ sæpè metu poenarum compellit ad contrahendum; tum ex ratione, quia adhuc adest ratio voluntarii simpliciter, nec adest injuria, nec lex ulla assignari potest, quæ

juræ talem contractum irritum, aut irritabilem
 aciat. Imò lex irritans tales actus vergeret in
 perniciem Reip. utpote pariens innumeras con-
 fusiones, & tollens medium sæpè necessarium
 ad mala evitanda: unde imò emittens vo-
 um, ut in periculo naufragii evitet mortem,
 enetur voto. 2. In captivitate detentus à
 Tyranno, si promittat mulieri matrimonium,
 si eum liberet, liberatus tenetur eam ducere,
 &c. Si deprehensus in furto, vel homicidio mi-
 neris, te cum ad Judicem delaturum, nisi tibi
 det, vel promittat certum munus, tenet pro-
 missio, nec acceptum teneris reddere, nisi
 forte judicio prudentis viri excessum muneris
 exorbitantis. Quòd etiam verum est, etsi
 non habuisses animum illum deferendi, sed
 tantum terrendi; quia cederes saltem jure tuo
 ad faciendi, quod est pretio æstimabile. *Nec
 obstat*, quòd dederit ex errore, certò non da-
 urus, si sciret, tibi non fuisse serium: nam error
 non est circa materiam, nec circa motivum:
 deo enim dedit, ut resignares juri tuo ad accu-
 sandum; id quod verè facis, etsi non intende-
 ris accusare. Sanch. Less, &c.

Dices: Si acceperim à Titio 1000. ad cen-
 tum 5. erga singulos centenarios; & similem, *Quid, si*
 ne velle refundere capitale, nisi acquiescat 4. *simu-*
 injuriam facio Titio, & adhuc teneor ad 5. *lem, me*
 ergo à pari. R. Si habeam pecuniam, vel *velle re-*
 possim habere, ut capitale refundam, injuriam *fundere*
 non facio; quia cedo jure meo refundendi *capitale*
 capitale, hocque refuso, Titius forte plus non
 accipiet. At si pecuniam non habeam, nec
 habere possim, injuriam facio; quia potesta-
 te refundendi non cedo, nec jus imminuendi
 pensionem habeo, sed teneor stare contractu;

N;

adco.

adeoque onus imminuendi censum impono Titio per dolum, nihil erga illud præstando, quod iniquum est. Vide La Croix hic N. 635, & 1018. *Nec obstat*, quod æquè sit dolus in primo, ut in 2do; quia ibi non est injustus, cum jus habeas rescindendi: non verò in 2do.

123. Resp. 2. Contractus onerosus, procedens ex metu gravi, ab altero contrahentium, auctus vi, persona ei conjuncta ad extorquendum consensum injustè incusso, imo, Si solubilis est, non est jure naturæ irritus: ut habet communior contra Molinam, Valent. Spor. & alios. *Ratio est*; quia metus non impedit consensum simpliciter voluntarium, nec bonum commune exigit, talem contractum esse irritum; sed potius consultum est, ut valeat, sitque ad arbitrium metus passi revocabilis, cum fieri possit postea, ut is gaudeat esse factum. Nec obstat, quod ex injuria videatur non posse nasci jus metum incutienti: nam nascitur ex injuria tantum mediata, & occasionaliter, immediate verò ex consensu mutuo, qui est titulus legitimus; uti, si rem Titio venditam, & non traditam vendas, tradasque alteri, aut tuam pecuniam misceas alienæ minori &c. Dixi: *Si solubilis*: nam si insolubilis sit contractus, ut matrimonium, professio religiosa probabilius est jure naturæ irritus, uti dicitur in Tract. de Matrimonio.

Nec 2. Nec est universim jure positivo irritus; quia id nullo jure probari potest, sed potius *universim jure* oppositum; nam leges, infirmando tales contractus, volunt favere innocenti læso; regulariter autem magis favent, si non penitus irritent,

ent, sed ad instantiam læsi velint irritari. Excipiuntur aliqui contractus, qui jure positivo unt, vel declarantur ipso facto nulli: ut matrimonium utpote indissolubile, si semel valeat, adeoque metu extortum inducens injuriam irreparabilem; professio religiosa, quæ est matrimonium, quoddam spirituale; promissio, aut traditio dotis, quæ ut accessoria equitur matrimonium; promissio, & traditio rerum Ecclesiæ, autoritas Tutoris, jurisdictionis, absolutio à censuris, renuntiatio beneficii, & juxta aliquos promissio matrimonii, utpote via ad matrimonium: hæc enim si sint gravi metu ad extorquendum consensum iniuste extorta, sunt, aut declarantur nulla. Et tunc patet, cur dixerim, nec universim jure positivo.

3. Est tamen talis contractus, pro arbitrio netum passus, irritabilis; quia injuriam passus est ab altero contrahente, quæ si possit, in specie auferri debet; id quod fieri nequit nisi per contractus rescissionem; proinde hanc exigere potest, & alter permittere debet. Pro foro externo quidem statutum est, ut interveniat Judicis autoritas, ne jurgia, & lites multiplicentur, si liceret propriâ autoritate auferre jus, quod per contractum translatum est, unde & delictum probandum est; potest tamen privatim convenire cum eo, à quo est passus iniuste, qui & tenetur satisfacere: si hic autem nolit, Judex adeundus; coram quo si delictum probari non possit, potest uti occultâ compensatione, cum delictum, ut suppono, sit peritum.

Dixi imò in responsione: *Contractus onerosus*; nam contractus gratuitus, procedens ex metu

Est tamen irritabilis

123.

Excipi-

metu

tur con-
tractus
gratui-
tus.

metu gravi injustè incusso ab una parte ad extorquendum consensum, probabilius est jure naturæ irritus. Ità Dicast. & alii contra Sanch. Less &c. *Ratio est* imò, quia lex naturæ non videtur assistere contractui sic extorto, v. g. promissioni pecuniæ, factæ latroni, mortem minitanti ad extorquendam pecuniam; natura enim nihil agit frustra; ageret autem frustra, si assisteret; quia ex contractûs illius valore nullum emolumentum parti lædenti provenit, cùm pars læsa statim eum rescindere possit, reneaturque pars lædens, etsi non monita, ad restitutionem. 2. Lex non debet patrocinari iniquitati, & animare ad injurias; hoc autem faceret, si assisteret tali contractui: nam iniquus Jus acquireret per violentiam sine ullo emolumento partis læsæ: unde dixit S. Th. Opusc. 77. cap. 4. *Quidquid transfertur ab uno in alium per violentiam, non datur, sed auferitur.* Aliud est in contractibus onerosis, ubi lex assistit in favorem innocentis, nec favet iniquitati, sed in favorem innocentis illam gravat: potest enim talis contractus esse utilis innocenti, cùm detur res, vel pecunia pro re. Si misceas alienam pecuniam cum tua, translatio dominii fit lege assistente amore boni communis, ne plures dein contractus sint invalidi. 3. Ad contractûs gratuiti valorem, in quo non datur res pro re, videtur requiri consensus ab omni coactione liber, & perfectè voluntarius, aliàs non censetur promittens, vel donans jus transferre. Hinc juxta Dicast. L. 2. Tr. 4. D. 3. etiam metus injustus levis obest valori talis contractûs. Secus est in contractu oneroso, in quo jus pro jure, vel res pro re transfertur. 4. Contra-
ctum.

num esse validum, v. g. promissionem, nihil est aliud; quam promissorem obligari ad rem tradendam, & promissarium posse exigere, & acceptare justè; atqui hæc deficiunt in contractibus gratuitis ex metu injustè, relatè ad illum, incusso, initis: nam promissarius, v. g. atro in casu posito, non potest jure exigere pecuniam promissam; quia hanc exigendo coninuaret injuriam: sicut, si emeris à Tirio rem, am alteri ab ipso venditam, injuriam faceres eam exigendo. Si autem non potest justè exigere, jus ad rem non habet; ergo nec promissor obligationem eam tradendi, etsi exigatur.

Respondent Adversarii, quòd promissor teneatur rem tradere non absolute, sed nisi promissionem revocet, quod statim facere potest; & promissarium habere jus ad eam validè accipiendam, sed illicitè, & revocabiliter, cumque obligatione restituendi ob injuriam, quæ individuo non potest aliter reparari. Hæc sententia non est improbabilis: quia metus non tollit voluntarium simpliciter.

Dixi 2. *Ex metu gravi*: nam nullus contractus, saltem onerosus, ex levi metu, si solubilis est, aut irritus est jure naturæ, aut jure positivo rescindibilis, quia metus undequaque levis in jure reputatur pro nullo, cum facile potuerit contemni, sique Lex naturæ talem contractum irritaret, sequeretur gravissima inhumana republica perturbatio, cum metus levis sit frequentissimus. Nihilominus docet Molina, Less. & alii, in conscientia posse rescindi, si metus levis incussus fuerit injustus, & directè ad consensum obtinendum ordinatus ab altero contrahente; eò quòd injuriam passus debeat se posse restituere in integrum, seu

124.

*Metu
levi in-
justo ex-
tortus, &
onerosus
sit, multa
minus
irritus
est.*

seu statum priorem. Fatentur tamen, matrimonium ex tali metu initum validum esse, sic exigente bono communi.

125.
Proba-
biliter
in con-
scientia
poterit
rescindi.

Si dicas 1mò. Metus levis est frequens, si-
que contractum faceret irritabilem, exponere-
mur innumeris scrupulis. Respondent, passus
metum, si non rescindat contractum, cense-
tur nolle rescindere, & dein non potest esse
rationabiliter invitus, ut ei inhæreatur.

Si dicas 2. Inferens levem metum, non fa-
cit gravem injuriam: ergo non potest obli-
gari ad contractum gravis momenti rescinden-
dum. Respondent: recipiet æquivalens, aut
non multò minùs: nec æquum videtur, ut ac-
quirat rei alienæ dominium stabile per inju-
riam: unde tenetur potius ratione rei, cujus
dominium stabile non acquisivit, sed gravatum
injuriâ: sicut, qui alienæ pecuniæ, per mixtio-
nem cum sua, sine culpa, vel nonnisi cum levi,
dominium acquisivit, tenetur ad restitutionem
æquivalentis.

Si dicas 3. Metum levem passus imputet
sibi, quòd consenserit, cum facile potuerit non
consentire. Respondent. Nihilominus passus
est injuriam, censeaturque, non fuisse consensu-
rus, si metus abfuisset: aliàs enim non consen-
sisset ex metu. Cæterùm metum incuriens
non videtur obligandus, ut alteri offerat con-
tractus rescissionem: sique alter, dum facile
potest, non petat eam, censeatur acquiescere: &
aliàs plures confusiones sequerentur, cum me-
tus levis sit frequens.

126.
Si nen-
tra pars
injuriâ
fecit,

Dixi 3. Incusso ab altero contrahentium,
vel persona cum eo conjuncta, seu unam facien-
te moraliter cum ipso: nam si à tertio non con-
juncto sit incussus, rescindi non potest quidem
jure

jure naturæ ; quia , cum neutra pars injuriam ^{non potest} fecerit , non est ratio ex natura rei , cur potius ^{testi jura} possit ad libitum unius rescindi , quàm ad libi- ^{natura} tum alterius servari , attamen potest rescindi ^{rescindi}, ex communi DD. Jure positivo ad instantiam ^{sed positi-} metum passi , quod colligitur ex L. 14. §. ⁱⁿ *hac actione. ff. Quod metus causa*, ubi vide-
tur quidem textus tantùm loqui de contracti-
bus lucrativis , extenditur à DD. ad cæteros.
Nec obstat , quòd contractus ex dolo circa
accidens , quia tertio provenit , rescindi non
possit : nam de hoc leges aliter statuunt ; nec
deest ratio ; quia dolus is relinquit consensum
circa substantiam imminutum , eumque non af-
ficit immediatè : at metus circa substantiam
eum imminuit in ratione voluntarii : metuens
enim contractum tantùm amplectitur , ut mi-
nus malum , non ut absolutè bonum : ideoque
in tali contractu magis deficit ratio voluntarii ;
hinc Jura magis favent metum , quàm dolum
circa accidens patienti , qui & ab hoc faciliùs
virari potest. Proinde metus , & dolus non
æquipatantur in omnibus etiam quoad sub-
stantiam.

Dixi 4. *Injuste incusso ad extorquendum* 127.
consensum : nam quando est injustè incussus , *Quid, si*
sed non ad extorquendum consensum , distin- ^{metus sit}
guendum est : si enim incussus est ab altero ^{incussus}
contrahentium , v. g. si in flagitio deprehen- ^{non ad}
sus , minitatione mortis injustè territus à Ti- ^{extor-}
tio , contraxisti cum eo , ut mortem evadas , *quendū*
contractus est irritabilis ; quia metum injustè ^{consen-}
incutiens tenetur tollere omnia incommoda , ^{sum ?}
quæ ex injuria proveniunt , inter quæ est ob-
igatio ex tali contractu orta. Ità probabilius
Lugo. Si autem metus , non ad extorquen-
dum

dum consensum, à tertio impertinente est incussus, contractusque adhibeatur, ut medium ad declinandum malum imminens; tum contractus onerosus valet irrevocabiliter. Sumitur ex *L. 7 §. animadvertendum. ff. quod metus causâ*. Et ratio est; quia imprimis non potest revocari jure naturæ: nam nullus contrahentium injuriam intulit; tertius autem metum inferens, non potest auferre obligationem consentiendo in rescissionem contractus; quia cum illo contractum non est: quanquam hic tenetur inducere ad rescissionem, ut ab innocente avertat injuriam, si hic velit. Deinde non est revocabilis jure positivo, ut habetur in lege citata, cujus verba exhibet Haunold. hic n. 117. sub finem. Et quis dicat, rescindi posse contractum, si ex metu hostis tui, tibi insidiantis, emisisti gladium ad te defendendum; aut votum esse irritabile, eò quod emissum sit ad bella injusta avertenda.

Excipit 1. Lugo contractum Matrimonii, quem putat esse invalidum, ex tali metu initum. Videri potest hic à n. 172. *Excipit* 2. probabiliter Palav. q. 1. n. 8. contractus lucrativos: quia sic melius consulitur innocenti, & alter queri non potest; quia solo lucro privatur, manens in statu, quo antè erat, & sicut ipse nollit in tali statu obligari, sic nec debet velle obligare alterum. Votum conditionatum ad contractus onerosos pertinet.

128. *Dices*: Contractus initus ex metu, ab altero contrahentium injustè incusso, aut jure naturæ irritus est, aut rescindibilis non est: nam nemo ex contractu obligatur ultra suam intentionem; per consequens metum incutiens non obligabitur irrevocabiliter: non enim se inten-

tendit aliter obligare, quàm alter obligetur; *potest*,
 ut si obligetur irrevocabiliter, sic etiam me-*ergo ir-*
 im patiens obligabitur. *Confirmatur*. Ei, *revoca-*
 ui metum passus est, conceditur actio in rem, *biliter*.
 : personam; ergo non amisit dominium rei,
 insequenter contractus est nullus, saltem jure
 strictivo.

Resp. Neg. Aff. Ad probationem dico,
 ut metum incutiens ut & decipiens per do-
 m obligari, quantum vi contractus potest,
 debet, si & deceptus, vel metum patiens
 num obligetur, quantum debet, & obligari
 uest: hic autem, si metus, vel dolus sit ante-
 dens, non potest obligari, nisi revocabiliter,
 quasi conditionatè: si nempe velit postea
 re contractu. *Ad Confirm.* Neg. Conseq-
 uentum passo manet jus ad rem, quæ, quia ve-
 cum vitio injuriæ transfertur revocabiliter;
 ic datur ei actio in rem, ad quemcumque
 venerit, resque fictione juris manet in ejus
 nis, utpote non extracta de ejus potestate
 evocabiliter. Atque ita potest se restituere
 integrum, rescindendo contractum per
 ionem in rem, & personam. *Adde*: Con-
 ctus per se, & ex natura sua obligat irrevoca-
 biliter utramque partem; per accidens ratio-
 injuriæ non obligat injuriam passum irrevoca-
 biliter, sicque est æqualitas substantialis,
 tamen accidentalis.

Resp. 3. In dubio, an intervenerit metus 119.
 ustus, dolus, vel error ex eo, standum est *In dubio*
 , valore contractus; quia delicta non præ-*de metu*
 untur. Similiter in dubio, an error fue-*injusto*
 ubsstantialis, aut causa, quæ nunc cessat, fue-*standum*
 rincipaliter movens, Jura præsumunt pro *prova-*
 ore actus. Denique in dubio, an consen-*lore;*
 R. P. Reuter Theol. Mor. P. III. O scis

bus, v. g. à morbo, ab imminente naufragio, tempestate, incurrente bestiâ, incendio; vel ab extrinseco, & à causa liberè operante. Hic aliquando justè incutitur: uti, si Judex debitori minetur mulctam, nisi creditori satisfaciat: aliquando injustè: ut, si latro tibi minetur mortem, nisi pecuniam extradat. Iterum aliquando incutitur ad extorquendum consensum, ut in allatis exemplis; aliquando ex alio motivo: uti, si tuus inimicus intentaret tibi mortem, & ut tibi parceret, offerres ei pecuniam, quam is non intenderet. Vid. l. P. N. 18.

119. *Nota 2dò.* Contractus jure naturæ est irritus, si ei lex naturalis absolutè resistat in ordine ad transferendum dominium: uti, si dones alteri rem alienam; jure autem positivo tantum est irritus, si lex tantum positiva resistat, non vetò lex naturæ; sed hæc permittat transferri jus, vel dominium, nisi lex positiva resistat. Esse autem potestatem in Rep. irritandi contractus aliquos, dubium non est: nec sic lex positiva repugnat naturali; quia hæc assistit quibusdam contractibus tantum conditionatè, nisi scilicet lex positiva resistat. His notatis.

120. *Resp. 1mò.* Nullus contractus ex metu, sive ab intrinseco, aut causa naturali proveniente, sive justè incusso ad extorquendum consensum, est jure naturæ, aut positivo invalidus, aut rescindibilis. Est communis, & certa, tum ex *L. Si mulier. 21. quod metus causâ*, tum ex paxi Ecclesiæ, quæ sæpè metu pœnarum compellit ad contrahendum; tum ex ratione, quia adhuc adest ratio voluntarii simpliciter, nec adest injuria, nec lex ulla assignari potest, quæ

talem contractum irritum, aut irritabilem
faciat. Imò lex irritans tales actus vergetur in
iniciem Reip. utpote pariens innumeras con-
fiones, & tollens medium sæpè necessarium

mala evitanda: unde imò emittens vo-
m, ut in periculo naufragii evitet mortem,
netur voto. 2. In captivitate detentus à
yranno, si promittat mulieri matrimonium,
eum liberet, liberatus tenetur eam ducere,

Si deprehenso in furto, vel homicidio mi-
ris, te eum ad Judicem delaturum, nisi tibi
t, vel promittat certum munus, tenet pro-
issio, nec acceptum teneris reddere, nisi
tè judicio prudentis viri excessum muneris
orbitantis. Quòd etiam verum est, etsi
on habuisses animum illum deferendi, sed
ntrum terrendi; quia cederes saltem jure tuo
faciendi, quod est pretio æstimabile. *Nec
stat*, quòd dederit ex errore, certò non da-
rus, si sciret, tibi non fuisse serium: nam error
on est circa materiam, nec circa motivum:
eo enim dedit, ut resignares juri tuo ad accu-
ndum; id quod verè facis, etsi non intende-
accusare. Sanch. Less, &c.

Dices: Si acceperim à Titio 1000. ad cen- 121.
m 5. erga singulos centenarios; & similem, *Quid, si*
e velle refundere capitale, nisi acquiescat 4, *simu-*
juriam facio Titio, & adhuc teneor ad 5. *lem, me*
go à pati. R. Si habeam pecuniam, vel *velle re-*
ssim habere, ut capitale refundam, injuriam *fundere*
on facio; quia cedo jure meo refundendi *capitale*
pitale, hocque refuso, Titius forte plus non
cipier. At si pecuniam non habeam, nec
bere possim, injuriam facio; quia potesta-
refundendi non cedo, nec jus imminuendi
nsionem habeo, sed teneor stare contractu;

N;

adco-

adeoque onus imminuendi censum impono Titio per dolum, nihil erga illud præstando, quod iniquum est. Vide La Croix hic N. 635. & 1018. *Nec obstat*, quod æquè sit dolus in primo, ut in 2do; quia ibi non est injustus, cum jus habeas rescindendi: non verò in 2do.

123. Resp. 2. Contractus onerosus, procedens ex metu gravi, ab altero contrahentium, aut persona ei conjuncta ad extorquendum consensum injustè incusso, 1mo, Si solubilis est, non est jure naturæ irritus: ut habet communior contra Molinam, Valent. Spor. & alios. *Ratio est*; quia metus non impedit consensum simpliciter voluntarium, nec bonum communè exigit, talem contractum esse irritum; sed potius consultum est, ut valeat, sitque ad arbitrium metus passus revocabilis, cum fieri possit postea, ut is gaudet esse factum. Nec obstat, quod ex injuria videatur non posse nasci jus metum incurienti: nam nascitur ex injuria tantum mediata, & occasionaliter, immediate verò ex consensu mutuo, qui est titulus legitimus; uti, si rem Titio venditam, & non traditam vendas, tradasque alteri, aut tuam pecuniam misceas alienæ minori &c. Dixi: *Si solubilis*: nam si insolubilis sit contractus, ut matrimonium, professio religiosa probabilius est jure naturæ irritus, uti dicitur in Tract. de Matrimonio.

Nec 2. Nec est universim jure positivo irritus; quia id nullo jure probari potest, sed potius *universim jure* oppositum; nam leges, infirmando tales contractus, volunt favere innocenti læso; regulariter autem magis favent, si non penitus irritent,

ut, sed ad instantiam læsi velint irritari. Exiuntur aliqui contractus, qui jure positivo ut, vel declarantur ipso facto nulli: ut matrimonium utpote indissolubile, si semel leat, adeoque metu extortum inducens injuriam irreparabilem; professio religiosa, quæ matrimonium, quoddam spirituale; promissio, aut traditio dotis, quæ ut accessoria quitur matrimonium; promissio, & traditio rerum Ecclesiæ, autoritas Tutoris, jurisdictio, absolutio à censuris, renuntiatio beneficii, & juxta aliquos promissio matrimonii, pote via ad matrimonium; hæc enim si sint avi metu ad extorquendum consensum in- sso extorta, sunt, aut declarantur nulla. Et ne patet, cur dixerim, nec universim jure positivo.

3. Est tamen talis contractus, pro arbitrio *Est ta-*
 etum passi, irritabilis; quia injuriam passus *men ir-*
 ab altero contrahente, quæ si possit, in *ritabilis*
 ecie auferri debet; id quod fieri nequit nisi
 ex contractus rescissionem; proinde hanc
 igere potest, & alter permittere debet. Pro
 ro externo quidem statutum est, ut interve-
 at Judicis autoritas, ne jurgia, & lites
 multiplicentur, si liceret propriâ autoritate
 asferre jus, quod per contractum translatum
 t, unde & delictum probandum est; po-
 st tamen privatim convenire cum eo, à quo
 t passus injustè, qui & tenetur satisfacere: si
 ic autem nolit, Judex adeundus; coram quo si
 elictum probari non possit, potest uti occultâ
 ompensatione, cum delictum, ut suppono, sit
 ertum.

Dixi imò in responsione: *Contractus oner-* 123.
osus; nam contractus gratuitus, procedens ex *Excipi-*
 metu

tur con-
tractus
gratui-
tus.

metu gravi injustè incusso ab una parte ad extorquendum consensum, probabilius est jure naturæ irritus. Ità Dicast. & alii contra Sanch. Less &c. *Ratio est* imò, quia lex naturæ non videtur assistere contractui sic extorto, v. g. promissioni pecuniæ, factæ latroni, mortem minitanti ad extorquendam pecuniam: natura enim nihil agit frustra; ageret autem frustra, si assisteret; quia ex contractûs illius valore nullum emolumentum parti lædenti provenit, cum pars læsa statim eum rescindere possit, teneaturque pars lædens, etsi non monita, ad restitutionem. 2. Lex non debet patrocinari iniquitati, & animare ad injurias; hoc autem faceret, si assisteret tali contractui: nam iniquus Jus acquireret per violentiam sine ullo emolumento partis læsæ: unde dixit S. Th. Opusc. 77. cap. 4. *Quidquid transfertur ab uno in alium per violentiam, non datur, sed aufertur.* Aliud est in contractibus onerosis, ubi lex assistit in favorem innocentis, nec favet iniquitati, sed in favorem innocentis illam gravat: potest enim talis contractûs esse utilis innocenti, cum detur res, vel pecunia pro re. Si misceas alienam pecuniam cum tua, translatio dominii fit lege assistente amore boni communis, ne plures dein contractus sint invalidi. 3. Ad contractûs gratuiti valorem, in quo non datur res pro re, videtur requiri consensus ab omni coactione liber, & perfectè voluntarius, aliàs non censetur promittens, vel donans jus transferre. Hinc juxta Dicast. L. 2. Tr. 4. D. 3. etiam metus injustus levis obest valori talis contractûs. Secusest in contractu oneroso, in quo jus pro jure, vel res pro re transfertur. 4. Contra-

ctum.

tum esse validum, v. g. promissionem, nihil
 est aliud, quam promissorem obligari ad rem
 tradendam, & promissarium posse exigere, &
 acceptare justè; atqui hæc deficiunt in contra-
 ctibus gratuitis ex metu injustè, relatè ad il-
 lum, incusso, initis: nam promissarius, v. g.
 utro in casu posito, non potest jure exigere
 pecuniam promissam; quia hanc exigendo con-
 nuarret injuriam: sicut, si emeret à Tirio rem,
 à alteri ab ipso venditam, injuriam faceret
 eum exigendo. Si autem non potest justè exige-
 re, jus ad rem non habet; ergo nec promissor
 obligationem eam tradendi, etsi exigatur.

Respondent Adversarii, quòd promissor te-
 netur rem tradere non absolutè, sed nisi pro-
 missionem revocet, quod statim facere potest;
 promissarium habere jus ad eam validè ac-
 piendam, sed illicitè, & revocabiliter, cum
 sit obligatione restituendi ob injuriam, quæ
 dividuo non potest aliter reparari. Hæc
 sententia non est improbabilis: quia metus non
 licet voluntarium simpliciter.

Dixi 2. *Ex metu gravi*: nam nullus con-
 tractus, saltem onerosus, ex levi metu, si solu-
 tis est, aut irritus est jure naturæ, aut jure
 positivo rescindibilis, quia metus undequaque
 vis in jure reputatur pro nullo, cum facile
 fuerit contemni, sique Lex naturæ talem
 contractum irritaret, sequeretur gravissima in
 humana republica perturbatio, cum metus le-
 vis sit frequentissimus. Nihilominus docet
 Molina, Less. & alii, in conscientia posse re-
 tendi, si metus levis incussus fuerit injustus,
 directè ad consensum obtinendum ordina-
 tus ab altero contrahente; eò quòd injuriam
 debet se posse restituere in integrum,
 seu

124.

Metu

levi in-

justo ex-

tortus, &

onerosus

sit, multa

minus

irritus

est.

seu statum priorem. Fatentur tamen, matrimonium ex tali metu initum validum esse, sic exigente bono communi.

125.
Probabiliter
in conscientia
poterit
rescindi.

Si dicas 1^{mo}. Metus levis est frequens, sique contractum faceret irritabilem, exponeremur innumeris scrupulis. Respondent, passus metum, si non rescindat contractum, censetur nolle rescindere, & dein non potest esse rationabiliter invitus, ut ei inhæreatur.

Si dicas 2. Inferens levem metum, non facit gravem injuriam: ergo non potest obligari ad contractum gravis momenti rescindendum. Respondent: recipiet æquivalens, aut non multò minùs: nec æquum videtur, ut acquirat rei alienæ dominium stabile per injuriam: unde tenetur potius ratione rei, cujus dominium stabile non acquisivit, sed gravatum injuriâ: sicut, qui alienæ pecuniæ, per mixtionem cum sua, sine culpa, vel nonnisi cum levi, dominium acquisivit, tenetur ad restitutionem æquivalentis.

Si dicas 3. Metum levem passus imputet sibi, quod consenserit, cum facile potuerit non consentire. Respondent. Nihilominus passus est injuriam, censeturque, non fuisse consensurus, si metus abfuisset: aliàs enim non consensisset ex metu. Cæterùm metum incutiens non videtur obligandus, ut alteri offerat contractus rescissionem: sique alter, dum facile potest, non petat eam, censetur acquiescere: & aliàs plures confusiones sequerentur, cum metus levis sit frequens.

126.
Si contra partem
injuriam
fecit,

Dixi 3. Incusso ab altero contrahentium, vel persona cum eo conjuncta, seu unam faciente moraliter cum ipso: nam si à tertio non conjuncto sit incussus, rescindi non potest quidem jure

jure naturæ ; quia , cum neutra pars injuriam non potest fecerit , non est ratio ex natura rei , cur potius possit ad libitum unius rescindi , quam ad libitum alterius servari , attamen potest rescindi , & communi DD. Jure positivo ad instantiam netum passi , quod colligitur ex L. 14. §. In

actiōne. ff. Quod metus causâ , ubi videtur quidem textus tantum loqui de contractibus lucrativis , extenditur à DD. ad cæteros. Nec obstat , quod contractus ex dolo circa accidens , qui à tertio provenit , rescindi non possit : nam de hoc leges aliter statuunt ; nec est ratio ; quia dolus is relinquit consensum circa substantiam imminutum , eumque non afficit immediatè : at metus circa substantiam imminuit in ratione voluntarii : metuens enim contractum tantum amplectitur , ut minus malum , non ut absolute bonum : ideoque tali contractu magis deficit ratio voluntarii ; nec Jura magis favent metum , quam dolum circa accidens patienti , qui & ab hoc facilius rari potest. Proinde metus , & dolus non comparantur in omnibus etiam quoad substantiam.

Dixi 4. Injuste incusso ad extorquendum consensum : nam quando est injustè incussus , non ad extorquendum consensum , distinctum est : si enim incussus est ab altero intrahentium , v. g. si in flagitio deprehensus , minitatione mortis injustè territus à Ti- , contraxisti cum eo , ut mortem evadas , contractus est irritabilis ; quia metum injustè utiens tenetur tollere omnia incommoda , & ex injuria proveniunt , inter quæ est ob- rario ex tali contractu orta. Ità probabilius
20. Si autem metus , non ad extorquen- dum

dum consensum, à tertio impertinente est incussus, contractusque adhibeatur, ut medium ad declinandum malum imminens; tum contractus onerosus valet irrevocabiliter. Sumitur ex *L. 7 §. animadvertendum. ff. quod metus causa.* Et ratio est; quia imprimis non potest revocari jure naturæ: nam nullus contrahentium injuriam intulit; tertius autem metum inferens, non potest auferre obligationem consentiendo in rescissionem contractus; quia cum illo contractum non est: quanquam hic tenetur inducere ad rescissionem, ut ab innocente avertat injuriam, si hic velit. Deinde non est revocabilis jure positivo, ut habetur in lege citata, cujus verba exhibet Haunold. hic n. 117. sub finem. Et quis dicat, rescindi posse contractum, si ex metu hostis tui, tibi insidiantis, emisisti gladium ad te defendendum; aut votum esse irritabile, eo quod emissum sit ad bella injusta avertenda.

Excipit 1. Lugo contractum Matrimonii, quem putat esse invalidum, ex tali metu initum. Videri potest hic à n. 172. *Excipit 2.* probabiliter Palav. q. 1. n. 8. contractus lucrativos: quia sic melius consulitur innocenti, & alter queri non potest; quia solo lucro privatur, manens in statu, quo antè erat, & sicut ipse nollit in tali statu obligari, sic nec debet velle obligare alterum. Votum conditionatum ad contractus onerosos pertinet.

128. *Dices:* Contractus initus ex metu, ab altero contrahentium injustè incusso, aut jure naturæ irritus est, aut rescindibilis non est: nam nemo ex contractu obligatur ultra suam intentionem; per consequens metum incutiens non obligabitur irrevocabiliter: non enim se inten-

ndit aliter obligare, quàm alter obligetur; *poteſt*,
 ſi obligetur irrevocabiliter, ſic etiam me-*ergo in-*
 i patiens obligabitur. *Confirmatur*. Ei, *revoca-*
 metum paſſus eſt, conceditur actio in rem, *biliter*.
 perſonam; ergo non amiſit dominium rei,
 ſequenter contractus eſt nullus, ſaltem jure
 irivo.

Reſp. Neg. Aff. Ad probationem dico,
 i metum incutiens ut & decipiens per do-
 i obligari, quantum vi contractus poteſt,
 lebet, ſi & deceptus, vel metum patiens
 um obligetur, quantum debet, & obligari
 eſt: hic autem, ſi metus, vel dolus ſit ante-
 ens, non poteſt obligari, niſi revocabiliter,
 quaſi conditionate: ſi nempe velit poſtea
 : contractu. *Ad Confirm.* Neg. Conſeq-
 um paſſo manet jus ad rem, quæ, quia ve-
 tum vitio injuriæ tranſfertur revocabiliter;
 : datur ei actio in rem, ad quemcunque
 emerit, resque fictione juris manet in ejus
 is, utpote non extracta de ejus poteſtate
 vocabiliter. Arque ita poteſt ſe reſtituere
 ntegrum, reſcindendo contractum per
 nem in rem, & perſonam. *Adde*: Con-
 us per ſe, & ex natura ſua obligat irrevoc-
 liter utramque partem; per accidens ratio-
 injuriæ non obligat injuriam paſſum irrev-
 biliter, ſicque eſt æqualitas ſubſtantialis,
 tamen accidentalis.

Reſp. 3. In dubio, an intervenerit metus 129.
 tus, dolus, vel error ex eo, ſtandum eſt *In dubio*
 valore contractus; quia delicta non præ-*de metu*
 nentur. Similiter in dubio, an error fue-*injūſto*
 bſtantialis, aut cauſa, quæ nunc ceſſat, fue-*ſtandum*
 incipaliter movens, Jura præſumunt pro *pro va-*
 e actus. Denique in dubio, an conſen-*lore;*
P. Reuter Theol. Mor. P. III. O ſetis

feris in obligationem, præsumeris consensisse, si tenebaris consentire, vel verba, quibus usus es, significant obligationem; quia nemo censetur consensum injustè subtrahere, aut aliter sentire, quàm loquatur.

Q U Æ S T I O VI.

An, & quatenus validus, aut invalidus sit Contractus sub conditione?

130.
*Quid, &
quotu-
plex sit
condi-
tio?*

Nota. Condicio in præsentī est circumstantia dispositioni, vel contractui adjecta, per particulam *Si* exprimi solita, à cujus existentia contrahentes volunt dependere valorem; vel, si de conditione strictè dictā loquamur, quæ suspendit obligationem in futurum. Est autem alia possibilis, & honesta; alia impossibilis, vel ex natura rei, si ex natura sua poni non possit; vel ex facto, si excedat vires illius, à quo impleri deberet; vel de lege, si sit turpis. Possibilis alia est de præsentī, vel præterito, cujus actuali existentia, vel non existentia consensus affigitur: ut, lego tibi 100. si es meus cognatus. Alia de futuro, cujus existentia futura, vel non futura consensus alligatur. Hæc sola est strictè dicta condicio. Condicio de futuro alia est necessaria, quæ ex natura rei, vel revelatione certò scitur futura; alia contingens, cujus eventus est incertus, quæque existere, & non existere potest: v. g. alam te, si Professionem feceris Catholicæ Fidei. Porro certum est, quòd condicio repugnans substantiæ contractus, hunc irritet: ut, si diceres: Do tibi mutuum eâ lege, ut non acquiras dominium, vel, si nolis acceptare dominium.

Cer-

Certum item est, quòd conditio de præterito, vel præsentì non suspendat consensum : si enim conditio existit, vel extiterit, valet statim contractus, etsi fortè necdum constet; si lesit conditio, non valet; quia aliter non est menta obligatio. *Hoc notato*

Resp. De valore contractûs sub conditione 131.
le futuro judicandum est secundum sequentes *Regulas*.

1^{ma}. Si conditio sit necessariò futura, & hoc sciatur, ut hæc : Si Sol cras oriatur, non suspenditur valor contractûs, sed præsumitur frustra adjecta; si autem contrahens ignoret, el dubiet, esse necessariò futuram conditionem, suspenditur valor; quia conditio habet se per modum contingentis. Quod si conditio non adjiciatur, ut conditio, sed ut designatio temporis; non suspenditur valor contractûs, sed tantùm differtur executio secundum dicenda n. 138. 274. uti, si dicas : Dabo tibi aureum, si, seu quando Titius mihi solverit censum annuum.

2^{da}. Si conditio adjecta sit ex natura rei impossibilis, & contrahentes suum consensum illi alligaverint, contractus est jure naturæ irritus; quia voluntas non potest efficaciter velle obligationem sub tali conditione, cognita ut impossibili: ut, si dicas : Do equum, si cras Sol non oriatur. Quia verò non constat, an contrahentes suam voluntatem alligaverint conditioni impossibili, hinc jus positivum habet talem conditionem pro non adjecta in Matrimonio, & ultimis voluntatibus, valetque contractus, & dispositio, uti habetur *L. Si quis ita. L. Quæ sub conditione. ff. De Conditionibus, & Cap. finali de Cond. apposis.* Excipe, nisi conditio re-

pugnet substantiæ contractûs. *Nec obstat*, quodd nec Princeps sæcularis in ultimis voluntatibus, nec Pontifex in Matrimonio possit supplere consensum : nam id necesse non est ; quia quilibet, saltem habitualiter, plerumque sic est constitutus, ut velit secundum leges contrahere, nemoque censetur nugari, adeoque adest consensus implicitus, saltem regulariter.

3^{ia}. Si conditio de futuro sit impossibilis secundum jus, seu turpis, & inducens ad peccatum, v. g. hæc : Dabo tibi 10. aureos, si occidas Tirium : contractus est jure naturæ irritus ; quia ad peccatum non potest esse obligatio, quæ est de essentia contractûs. In Matrimonio, & ultimis voluntatibus talis conditio, nisi repugnet substantiæ contractûs, vel dispositionis, iterum habetur pro non adjecta, valetque dispositio plerumque saltem, etiam pro foro interno, ob rationem datam. Conditio tamen turpis de præsentî, vel præterito, habetur pro adjecta, eaque deficiente, contractus non subsistit ; uti, lego tibi 100. si genuisti filium illegitimum. *Ratio est* ; quia non inducit ad peccatum. Porro Jus Civile etiam extenditur ad conditiones tantum civiliter turpes : uti sunt, si manseris innupta, si non feceris, vel si non revocaveris testamentum, si parens tuus fuerit mortuus. Hæ enim conditiones dicuntur esse contra bonos mores in foro civili, eò quod impediunt Matrimonium, & libertatem testandi : ultima autem contineat vorum captandi mortem patris : unde valet dispositio, si quis pro puella disponat : Lego tibi 100. si non nubas, etsi nubat. Secus est de vidua ; quia eam non nubere secundo, non censetur turpe : hinc si nubat, non valet dis-

posi-

positio. Quod si disponeres hoc modo : *Levo Titia 100. si nubat*, valeret dispositio, etsi religionem iniret ; quia Religio est connuium spirituale, sique excluderetur, esset contractio turpis, quod non præsumitur. Idem inferet Dicast, etsi maneat cœlebs ; quia disponens censetur voluisse succurrere, ut posset honestè nubere, si veller. Sed attendendæ sunt circumstantiæ : si enim disposuerit in favorem cuius ex suis, v. g. si nupseris consanguineo ; dispositio non subsistit, si illi non nubas, constat ex dictis.

4^{ta}. Conditio contingens de futuro, non pugnans valori, suspendit contractus valorem usque ad eventum conditionis ; quia antè consensus non est absolutus. Est tamen obli- gio expectandi conditionis eventum, cæque niente, obligatio est absoluta, quæ, uti & ex ea ortum, transit ad hæredes, nisi obli- gio fuerit personalis, aut sit dispositio ultimæ voluntatis : nam si hæres, vel legatarius mori- tur ante eventum conditionis, nihil transit ad hæredes ; quia dispositio ultima non acceptatur : mortem testatoris validè.

5^a. Si contractus traditione perficiatur, non absolutus, nisi fiat rei traditio, sic licet niferis, te daturum mutuum, si pater tuus censerit ; contractus mutui non habetur in patre consentiente, sed traditione pecu- niæ ; si autem perficiatur solo consensu, ut litio, evadit purus impletæ conditione, etsi litio facta non sit : nam si dicas ; v. g. Veni- bi ex nunc hunc equum, sub hoc vel illo tu, ex nunc te obligas ad equum erga- tum tradendum, ubi conditio evenerit ; illâ eveniente obligatio est absoluta, id-

que etsi antè revocâsses consensum sine causa iusta ; quia revocatio tua nihil potest contra jus alterius quæsitum. Ut tamen contractus Matrimonii conditionatus sit validus, eveniente conditione, consensus debet moraliter perseverare ; quia, cùm Matrimonium sit indissolubile, transferatque dominium omninò perfectum, requirens perfectam corporis traditionem, meritò exigit consensum moraliter perseverantem. Aliud est in venditione, quæ transfert jus ad rem, quam emens potest exigere, etsi consensus sit revocatus : neque ad sui valorem requirit traditionem, ut Matrimonium. Cæterùm, ubi Matrimonia clandestina sunt nulla, Matrimonium conditionatum non permittitur celebrari.

Q U Æ S T I O VII.

Quandonam validus, aut invalidus sit Contractus, sub causâ, modo, demonstratione, pœnâ, disjunctione, vel in diem celebratus ?

Nota. Contractus sub causa celebratus dicitur, si sub aliquo præsentè, vel præterito velut motivo sit initus : v. g. *Dono tibi 100. quia es meus cognatus ;* sub modo autem, si sub aliquo velut onere, vel favore unius contrahentium, ut : *Vendo tibi meam domum, cum obligatione, ut ad dies vitæ tecum finas in ea habitare matrem Titii pauperem ;* sub demonstratione, si qualitas demonstrativa rei exprimatur : v. g. *Vendo tibi equum, quem emi a patre.* Denique in diem celebratus dicitur, si designetur dies executionis. *Hoc notato*

Resp.

Resp. 1. Contractus sub causa, vel causa-
 is invalidus est, si deficiat motivum principa-
 le, & primum; non verò, si secundarium,
 & merè impulsivum. Constat ex dictis. Est
 uem motivum principale, quo contrahens
 hic & nunc præcipuè movetur, & ita afficitur,
 ut eo existente velit, & eo deficiente, saltem
 ex habituali constitutione, nolit obligari; se-
 cundarium verò, & merè impulsivum est,
 quod non est sufficiens hic & nunc ad impe-
 randum consensum; attamen voluntatem
 liunde motam impellit, quo movetur qui-
 lem, sed tantum ad libentius & promptius
 consentiendum, & non ita, ut eo deficiente
 enseatur nolle consentire. Dico: *Nolle*; nam
 ex eo, quod quis v. g. pauperi non fuisset da-
 urus elemosynam, si scivisset, esse impium,
 non inferitur, quod noluerit dare ex affectu
 misericordie, aliove bono. Cæterum, an hic
 & nunc causa, quæ additur contractui, simpli-
 ter sit motiva, an impulsiva tantum, scit so-
 lus contrahens; leges autem decernentes ali-
 qua circa hæc sunt tantum præsumptivæ, &
 a foro interno cedunt veritati. In dubio, an
 causa, quæ deprehenditur falsa, fuerit motiva,
 an impulsiva tantum, censeri debet fuisse tan-
 tum impulsiva, quia standum est pro valore
 actus, & omnis dispositio interpretanda est,
 ut valeat potius, quam non valeat. Præsumi-
 tur quoque aliquando disponens ita consti-
 tutus, ut causâ etiam motivâ deficiente nolit,
 se irritam suam dispositionem. Talis cense-
 ri esse donatio, facta à Principe ob obsequium
 parens tantum: cum enim Principi non sit
 honorificum revocare donationem, censetur
 in ratam habere.

134.
Sub mo-
do sta-
tim va-
let.

Resp. 2. Contractus sub modo, vel onere statim valet; alteri tamen modus adjectus imponit obligationem præstandi adjectum, v. g. si dicas: Accipio te uxorem eâ lege, ut mecum castra sequaris; statim valet Matrimonium, & uxor tenetur sequi maritum. *Ratio est*; quia hoc ipso, quod uterque contrahentium consentiat in contractum, & modum, nihil deest essentia contractûs modalis, dummodo modus non repugnet substantia contractûs. Si alter contrahentium non consentiret in modum, contractus non subsisteret; quia est conventio conditionata de præsentî, si nempe consentiat in gravamen adjectum, seque ad id obliget. *Hinc resolves*

135.
Corolla-
ria.

1. Potes rem tibi sub modo donatam, vel legatam mortuo testatore, statim petere, teneris tamen cautionem præstare de modo implendo, sique non præstes, compelli potes, & contractus revocari. Quod si morereris ante traditionem, jus tuum ad tuos hæredes transiret, modò velint, & possint implere modum.

2. Si accipias mutuum cum obligatione, ratione mutui dandi aliquid supra sortem, contractus est nullus; quia modus repugnat essentia contractûs.

3. Si quis puellæ leget 100. aureos, ut nuberet, non tantum hæc potest eos retinere, si Religionem ineat, aut maheat cœlebs; sed etiam, si antè moriatur, & aurei necdum sint numerari, illos possunt hæredes exigere; quia, quando modus tantum respicit favorem alterius contrahentis, tum tantum videtur esse causa impulsiva, ut possit v. g. nubere: aliud est, si sit in favorem disponentis, v. g. si legati essent 100. aurei, ut nuberet consanguineo legantis. Porro in
fore

oro externo modus turpis, & impossibilis habetur pro non adjecto : ut, Lego tibi 1000. ut perveres in Religione Lutherana.

Resp. 3. Contractus demonstrativus non valet, si demonstratio erret in substantia, vel motivo principali : ut, dono 100. aureos Titio meo consanguineo : lego Joanni 100. aureos, si Titius non sit consanguineus, & Joannes nihil debeat, non valet dispositio : si verò erret circa accidens, valet, ut : ego tibi meam domum, quam emi 1000. Imperialibus, valet legatum, etsi minoris emeris, et plus. Similiter validum censetur legatum, si donatio, si dicatur : Lego catenam inauratam, argenti 100. jugerum, etsi catena sit aurea, vel ferrea contineat 150. jugera ; quia testator censetur esse voluisse liberalis erga legatarium, & absolute donare, quod demonstravit, cumque de contraria ejus voluntate constare non possit, præsumitur pro valore actus in favorabilibus. Aliud est, ubi de voluntate contraria constat, ut in contractibus onerosis : nemo enim censetur voluisse vendere catenam auream pro deaurata.

Resp. 4. Si contrahentes se obligent sub pœna, solvenda à non servante contractum, solvitur ab illo, qui culpabiliter non servat contractum, idque ante sententiam Judicis, si exigatur : non exigatur, censetur remitti ; quia ea videtur fuisse mens contrahentium, ne sumptibus, lite opus sit. Ut tamen incurratur pœna, modo debet esse notabilis.

Resp. 5. Contractus in diem certò eventurum non obligat, executio tamen non urget ante diem, ut si dicas : promitto tibi 100. solvendos à Januarii, vel : volo ut templo Parochiali tuo dentur mille, cum pater meus morietur,

aut Tirio 200. cùm morietur : nam hoc ipso oritur obligatio , & jus transfertur quod tranſit ad hæredes ; etſi ante adventum diei moreretur : Si autem fiat contractus in diem non certò futurum , ut promitto tibi centum cùm filius meus ingrediatur religionem , obligatio ſuſpeditur , ac ſi contractus eſſet conditionalis. Excipe niſi contractus ſit remuneratorius , aut dies adjiciatur in gratiam ſolius v. g. promiſſarii : ut ſi promittas famulo propter fidelia obſequia 300. aureos , ſolvendos cùm religionem ingrediatur , ne ante illos abſumat : hoc enim caſu ſtatim oritur obligatio , ſique famulus ante ingreſſum religionis moriatur , jus tranſit ad hæredes. Lug. L. 3. Tr. 4. Cap. 4.

139.
Sub di-
junctio-
ne.

Reſp. 6, Si in contractu diſjunctivo , vel alternativo diſjunctio cadat in res diverſæ ſpeciei : v. g. Promitto tibi bovem , vel equum , ambæ obligationi ſunt obnoxia , ſed diſjunctivè pro arbitrio promiſſoris. Unâ autem pereunte ſine culpa promiſſarii , promiſſor renetur dare alteram , nec ſufficit dare pretium rei deſtructæ. Si autem res ſint ejusdem ſpeciei , differentes tantùm ſecundùm plus & minus v. g. 100. vel 50. aurei , ſolùm debetur , quod minus eſt ; ſique majus per errorem ſit datum , reſtitui debet . in obſcuris enim , quod minimum eſt , ſequimur. Unde , ſi tribus ſororibus 1000. ſint legati , & dubium ſit , an ſingulis 1000. hæres ſatisfacit dividendo in illas 1000. Si legaretur illis diſjunctivè domus , vel pecunia , illis videtur eſſe optio , niſi verba aliud indicent ; quia illa videtur fuiſſe mens teſtatoris.

QUÆS.

Q U Æ S T I O VIII.

An validus sit Contractus initus cum voluntate quidem contrahendi, sed sine voluntate se obligandi, vel absque solennitate Juris præscripta?

Resp. Si intentio contrahendi prævaleat intentioni se non obligandi, sitque magis efficax, *Speñan.* 140.
& absoluta, valet contractus, inducitque obligationem; quia tunc verè adest consensus in ob-
ligationem: si verò prævaleat posterior intentio, *da in-*
vel utraque sit æqualis, contractus non subsistit; *tentio*
quia deest seria voluntas contrahendi, hæcenim *præva-*
esse non potest sine voluntate se obligandi, cum *lent.*
contractui essentialia sit inducere obligationem:
sed tunc propter injuriam, quâ injustè proximum bonâ fide tecum contrahentem decepisti,
teneris stare contractu, & præstare, de quo exteriùs contraxisti: teneris enim amovere injuriam,
habendo veram te obligandi intentionem, & obligationem implere, si alter velit.

An, & quando contractus, & dispositiones valeant, aut non valeant, factæ sine solennitate, seu conditionibus formæque præscriptis à Jure, aut contra legem irritantem, dixi in *Tract. de Legibus* à n. 229. P. I.

Q U Æ S T I O IX.

Quinam possint, & quinam non possint Contractus inire validè?

Resp. Omnes illi possunt contrahere, qui, 141.
usu rationis præditi, habent liberam bonorum *Quibus*
suo-est usus

rationis suorum administrationem, aut certe legitimam potestatem, factam ab eo, qui eam facere potest, idque pro mensura administrationis, & potestatis sibi concessæ. Econtra contrahere non possunt, qui aut usu rationis, aut administratione, legitimâque facultate disponendi carent. *Ratio est*; quia posito usu rationis, & potestate disponendi non ligatâ, nihil deest ad jus transferendum, & acquirendum; si autem usus rationis desit, vel facultas disponendi; nequit humano modo, quod fieri contractus debent, jus voluntate propriâ transferri, aut acquiri. Unde contrahere non possunt imò furiosi, quo nomine in Jure veniunt omnes, qui defectum rationis patiuntur, uti amentes, Lunatici, Maniaci, Phrenetici, fatui, stolidi, ac stupidi, nisi dum lucida intervalla habent. 2. Infantes. 3. Ebrii. 4. Prodigii curatorem habentes. Hæc plana sunt. Restant quæstiones de certis quibusdam personis propter variam de illis juris positivi dispositionem, uti sunt pupilli, minores, filii-familias &c. Sit itaque

Q U Æ S T I O X.

An, & quatenus Pupillus, & Minor possint contrahere, & Contractibus obligari?

141. *Nota* Infans dicitur, qui septennium ætatis necdum complevit. Pubes dicitur masculus, qui annum ætatis decimum quartum; femella, quæ duodecimum complevit; antè dicuntur impuberes. Hi dicuntur pubertati proximæ, si infantiam, seu ætatis annum septimum egressi, reliquos annos ad pubertatem requi-

requisitos, media ex parte compleverint, nempe masculi decem cum dimidio; scemellæ novem cum dimidio: tunc enim propinquiore sunt termino, quo pubertas incipit. Infantia autem proximi dicuntur, qui infantiam egressi, reliquos annos ad pubertatem requisitos, necdum media ex parte compleverunt: tunc enim propinquiore sunt termino, à quo desinit infantia. Porro impubes, qui desit esse sub patria potestate, vel per mortem patris, vel per emancipationem, dicitur pupillus: Si careat utroque parente, dicitur orphanus. Minor dicitur puer, qui annum vigesimum quintum necdum complevit: hoc completo, dicitur Major. Pupillis etiam inviris datur tutor, minoribus votentibus curator, quandoque tamen etiam notentibus in ordine ad lites, qui curator, semel acceptus, repudiari non potest à minore, donec annum vigesimum quintum compleverit; nisi etiam ætatis, seu liberam rerum suarum administrationem à legitimo Superiore obtinuerit. Prodigus tamen etiam invito datur procurator: prodigus autem is dicitur, qui profusè dat, bonaque sua dilacerando, & dissipando profundit, deoque terminos liberalitatis imprudens excedit. *His notatis*

Resp. 1. Pupillus cum auctoritate tutoris, & 143.
 minor cum auctoritate, seu consensu curatoris Tenet
 contrahens, obligatur tam naturaliter, quàm contraviliter, nisi contractus sit formaliter, vel æquus cū
 silenter alienativus bonorum immobilium, vel consensu
 obilium pretiosorum, quæ servando servari tutoris,
 sunt, saltem per triennium. Ratio est; quia vel cu-
 berur sufficiens consensus, nec lex obstat: ob- ratoris
 it autem, si alienentur bona immobilia, vel de mobi-
 obilia talia pretiosa; quo casu annullatur con- libus nō
 sensus pretiosis

sensus etiam tutoris, & curatoris, nisi accedat decretum Judicis ex prævia cognitione causæ, in scriptis probatæ. Habetur *L. 3. ff. de auth. & consensu Tutoris*, & *L. 22. Cod. de administ. Tutoris, vel Curatoris*. Porro immobilia, & mobilia æquivalenter alienari dicuntur, si in iis constitutur hypotheca, vel servitus, aut de iis fiat transactio, conjuncta cum alienationis periculo.

144. Resp. 2. Pupillus pubertati proximus, sine
Non tam omni consensu tutoris, & minor sine curatoris,
men sine si quem habet, contrahens de bonis etiam mo-
eo, respec- bilibus, nec pretiosis, nec castrensibus imò non
Et in pu- obligatur civiliter ipse, obligatione saltem reali.
illi, mi- 2. Probabiliter tamen obligatur naturaliter, sal-
noris, tem plerumque. 3. Non tamen firmiter; quia
Ec. potest petere restitutionem in integrum. 1ma
pars constat ex jure, & consensu omnium; quia
pupillo, & minori non conceditur administra-
tio. 2da pars probatur imò ex *L. Si pupillus.*
§ 1. ff. Ad Legem Falcidiam, ubi dicitur pu-
pillum, reddendo mutuam pecuniam, libetari
naturali obligatione. 2. Ex *L. 1. ff. de novali-*
bis, ubi dicitur pupillum, sine autoritate Tu-
toris contrahentem, obligari naturaliter. 3. Ex
L. Marcellus. ff. de Fide-jussoribus. Fide-jussor
pupilli, pubertati proximi, obligatur civiliter
obligatione fide-jussoriâ; atqui hæc non obli-
garetur, nisi pupillus obligaretur naturaliter;
quia, deficiente obligatione principalis, non va-
let accessoria. Hæc sententia probabilis est, jux-
ta quam, qui quid simile accepit à pupillo puber-
tati proximo, vel à minore per contractum ju-
stum, non tenetur id restituere ante sententiam
Judicis. Neque sic fovetur injustitia per leges
tollentes obligationem civilem; quia leges non
tuentur pupillum, ut nihil solvat, aut solum
repe-

repetat, quando in nullo læsus est ; sed quando læsus est , concedunt actionem rescindendi contractum , suæque recuperandi , sublatâ jam obligatione naturali , quæ ex contractu orta erat ; hinc nulla fit injuria.

Opposita tamen sententia non minùs proba- 145.
bilis est ob jura contraria : nam *L. Quòd pupil- Proba-*
us 41. ff. de conditione indebiti , expressè dici- *bilis*
tur , pupillum ex ejusmodi pactis nullam con- *senten-*
trahere obligationem naturalem : & *Inst. Qui- tia op-*
us alienare liceat , dicitur , pupillum , & *pupil. posita.*
pupillum non posse ullam rem sine Tutoris autoritate
alienare , nec debitum solvere ; cum nullius rei
alienatio sit eis concessa , sine autoritate Tutoris :
si mutuam pecuniam dederint , non contrahere
illos obligationem ; quia pecuniam non faciunt ,
accipientis , ideoque nummi vindicari possunt ,
si extant. Jam verò , quando contractus per
eges simpliciter irritantur sine expressa restrictio-
ne ad forum externum , probabiliter intelligi de-
bent etiam pro foro interno , seu conscientie.
Ratio autem est ; quia ad validè contrahendum
etiam pro foro conscientie requiritur libera ad-
ministratio bonorum ; illâ autem carent pupilli ,
& minores : hinc leges , quæ dicunt , pupillum
sine autoritate Tutoris obligari , videntur in-
telligendæ de pupillo , qui factus est ditior ex
contractu , & in quantum factus est ditior. AA.
rimæ sententiæ intelligunt has leges de obliga-
tione utrimque efficaci , & firmâ , pro qua indu-
enda pupilli , & minores facultatem non habent
disponendi.

Dixi imò. *Sine omni consensu Tutoris* ;
satis sufficit tacitus : sic contractus parvi mo-
menti , & in quotidiano usu à pupillis , & mi-
noribus initi , valent etiam civiliter : uti , si par-

va donent, quæ sunt in usu quotidiano, vel expendant in recreationes juxta conditionem suam, v. g. in lufum, parva emant, vendant: adest enim vel tacitus consensus tutorum, aut consuetudo in tantum legibus derogavit, permittentibus aliàs rescissionem. Eratque hoc utile pupillis, quibus alioquin nulla in re fidi potuiffet.

Dixi 2. *De bonis nec castrenfibus*; quia minor potest difponere de caftrenfibus non pretiofis, non tamen pupillus.

Dixi 3. *Pupillus pubertati proximus*: nam fi fit proximus infantie, fine confenfu faltem tacito tutoris nullam obligationem contrahit: leges enim contractus ejus omninò annullant ob defectum judicii fufficientis, vel ob periculum talis defectus. *Inf. de inutuli ftipulat.*

Dixi 4. *Non obligatur civiliter ipfe pupillus, vel minor*: nam pupillus pubertati proximus fine confenfu Tutoris, & minor fine confenfu fui Curatoris contrahit validè in fuum commodum cum aliis majoribus, ità ut, licèt non ipfe, alii tamen obligentur civiliter: Jura enim ità ftatuerunt, ut minoribus ætas fubveniret in damnis, & in profperè geftis non obeflet. Addidit *Cum aliis majoribus*: quia alii pupilli, & minores non magis obligantur, quàm ipfi, cum eodem privilegio gaudeant. Eft quidem de effentia contractus onerofi, ut non claudicer, fed utrimque obliget, quantum ex parte contrahentium; potest tamen id ab extrinfecco impediti per legem, nempe fic ftatuentem in bonum commune, in quod & contrahens voluntate generali, quàm acceptat leges, confenrit, erfi voluntate fpeciali, quàm hic & nunc contrahit, fortè diffentiat. Hinc fi pupillus, vel minor fine confenfu aliquid emerit, non potest venditor compellere
cum

im ad dandum pretium. Si tamen pupillus
el minor velit stare contractu, potest cogere
creditorum ad dandam mercem pro constituto
pretio. Si pupillus accepit mercem pretio non
luto, tenetur vel hoc solvere, vel mercem re-
tinere.

Dixi 3. *Non obligatur firmiter pupillus, & minor*: nam si per contractum latus, aut im-
modum passus est, gaudet beneficio resti-
tutionis in integrum etiam 4. annis à comple-
anno vigesimo quinto, vel si veniam ætatis
ceperit, quatuor annis à die obtinente veniæ.
dolo, vel justo impedimento impeditus fue-
rit intra illos annos, conceditur tempus aliud
uale impedito. Atque hoc privilegio uti
test, siue tutorem, vel curatorem habuerit,
cum ejus consensu contraxerit, siue non.
repetere potest rem, quam tradidit, repetere, vel
pretium, de quo contraxit, cum fructibus, dam-
nis, & luto cessante. *L. 7. cap. de rest. in inte-
grum.* Si rem, vel pretium necdum tradiderit,
3. pecuniam extraordinario lusu perditam, po-
test eam retinere; quia quando lex permittit re-
tinere, tacite permittit retineri: & universim lex
transiens actionem ad aliquid petendum, simulque
cedens actionem ad repetendum, postquam
verit; dat facultatem possessori retinendi in
loco foro, nisi fortè juramentum accesserit.
amen contractus cum pupillo fuerit circa rem
nobilem, & non pretiosam, servari aptam, po-
test stare contractu; donec pupillus, vel tutor re-
cedat: si enim non velit uti privilegio, censetur
consentire. Excipe, nisi intervenierit ex parte
tutoris in iustitia.

Dixi 6. *Minor contrahens sine tutore, si
non habet*: nam minor carens tutore obliga-
tur. *R. P. Renter Theol. Mor. P. III. P. tut*

tur tam civiliter , quàm naturaliter omnibus contractibus , quibus non alienantur immobilia , aut mobilia pretiosa , apta servari ; gaudet tamen , si læsum se putet , beneficio restitutionis in integrum , sive curatorem habear , sive non. *Ratio ima partis est* ; quia habet administrationem bonorum suorum , qualem haberet curator , si quis illi esset : unde sicut potest is alienare mobilia , non verò immobilia , ità & minor. 2da pars habetur *Cod. de in integrum restitutione minorum*. Estque paritas cum pupillis.

Q U Æ S T I O X I.

An , & quatenus validè possint contrahere Filii-familias , Uxores , Religiosi , Servi , & Prodigii ?

146. Resp. 1mò. Filius-familias impubes etiam cum consensu patris , & de bonis castrensibus contrahens , non obligatur civiliter. Habetur *Inst. de inutilibus stip. §. Pupillus*. In quo filius-familias differt à pupillo , qui validè contrahit cum consensu tutoris. Cujus ratio est ; quia pupillo satis cautum est contra tutorem , si hic suâ autoritate obfuit , non verò filio familias contra patrem : nam pupillo datur actio contra tutorem , habetque omnia ejus bona eum in finem sibi hypothecata , qui etiam ad rationes tutelæ dandas obligatur ; filio autem non datur actio contra patrem ob reverentiam erga eum , &c. Econtra si filius pubes sit , contrahens de bonis castrensibus , & quasi castrensibus obligatur naturaliter , & civiliter , quia horum dominium , & liberam administrationem

em habet. Excipe immobilia : & mobilia retiosa , hæc enim alienando non obligatur iuviliter , si adhuc minorennis sit , ex *L. 3. cap. le prædis Min.* At de bonis profectitiis , & adventitiis disponere non potest , præterquam in casibus N. 43. relatis , quia eorum administrationem non habet secundum dicta N. 43. & 44.

Resp. 2, Uxor non potest contrahere , vel 147.
disponere de dote , ejusque fructibus , nec de *Quid*
bonis familiæ , marito præsentem , & valente *Uxor.*
bona illa administrare , rationabiliter invito ;
quia administratio bonorum illorum pertinet
ad virum , utpote caput familiæ. Potest au-
tem ipsa disponere de paraphernalibus , seu
bonis , quæ præter dotem attulit , & sibi re-
servavit ; quia horum & proprietas , & ad-
ministratio ad ipsam pertinet. Dixi : *Marito*
præsentem , & valente : nam si absens , amens ,
vel fatuus sit , uxor bona familiæ dispensare
potest : uti & , si maritus expressè , vel tacitè
consentiat in expensas , & contractus uxoris ,
vel sit irrationabiliter invitus : uti , si recusaret
necessaria ad uxoris , & familiæ convenientem
sustentationem. In his casibus potest uxor uti
bonis familiæ cum moderamine tamen. Vide
dicta sub N. 46.

Resp. 3. Contractus religiosi , absque consen-
su Prælati initus , claudicat ex parte religiosi , 148.
sicut contractus minoris cum majore : potest *Quid*
enim à Prælato approbari , si putetur esse è re *Religi-*
Monasterii , & tunc erit utrimque firmus ; vel *osus ;*
reprobati , si putetur non esse è re Monasterii ,
& tunc corruet. Quare contractus ille non est
omnino irritus , sed obligat naturaliter , donec

irritetur à Prelato. Quòd si adsit licentia Prelati tacita, eo ipso firmius erit.

149.

*Quid
Servus?*

Resp. 4. Servus, seu mancipium potest invito etiam Domino celebrare contractum matrimonii, & alios circa bona, quorum dominium, & administrationem habet. Patet ex *L. Vux certis. ff. de judiciis*, & ex *Can. 9. de conjugio*. Testari an possint, dicetur infra.

150.

*Quid
Prodigus?*

Resp. 5. Prodigus, non habens curatorem, contrahit validè, civiliter, & naturaliter, etsi foret notoriè prodigus; quia dominium, & administrationem bonorum adhuc habet. Nec est restricta potestas alienandi. Quòd, si potestas alienandi sit ei specialiter interdicta, juxta Legonem omninò nulliter contrahit, estque obligatio ei restituendi ante sententiam Judicis. Vide *La Croix N. 682*.

Q U Æ S T I O XII.

An, si Pupillus sine Tutoris, Minor sine Curatoris, Filius-familias sine patris consensu acceperit pecuniam mutuam, sit obligatio restituendi?

151.

*An Pu-
pillus?*

Resp. 1. mod. Si pupillus, vel minor habens curatorem ità accepit pecuniam mutuam, tenetur eam restituere, si impenderit in usus necessarios, & utiles; quia tunc æquivalenter existit in bonis ejus, quibus pepercit. Unde dicitur *L. 3. ff. de Auth. & consensu Tutoris*, naturaliter obligatur, in quantum est factus ditior. Et verè iniquum est quempiam locupletari cum damno alterius, maximè bonà fide mutuantis. Si autem eam insumpserit in usus inu-

utiles, non tenetur restituere, ex *Lege cit.*
L. 59. ff. de obligationibus, & act. ubi di-
 ur, pupillum mutuam pecuniam accipiendo,
 quidem jure naturali obligari, si nempe
 non sit ditior factus. Excipe tamen, nisi mu-
 ans ex circumstantiis prudenter judicaverit
 appendendam in usus necessarios, vel utiles;
 tunc enim æquitas naturalis solutionem exi-
 git, nec leges intendunt privare debito alium,
 onâ fide procedentem, & volentem gratifi-
 cari.

Resp. 2. Filius-familias, seu constitutus sub
 potestate patris, vel nepos sub potestate avi,
 nisi pubes, & major viginti quinque annis, non
 tenetur in foro externâ, præterquam in casu-
 bus exceptis, restituere pecuniam, quam mu-
 tuam accepit sine consensu tam tacito, quam
 expresso patris, vel avi, & inutiliter con-
 sumpsit. Sic statuitur *L. 1. & seq. ff. de*
Senatus consulto Macedoniano. Hoc Senatus
 consultum dicitur Macedonianum, quia factum
 est occasione alicujus civis Romani, Fœnato-
 ris, Macedonis nomine; qui Romæ pecuniam
 reddendam post mortem parentum, filiis-fa-
 milias mutuans, his occasionem præbebat in-
 fidiandi vitæ parentum, ut iis mortuis habe-
 rent, unde redderent, & se liberarent molestiis
 illius Macedonis, debitum ex mutuo exigentis.
 Hæc exceptio convenit filio, & filix-familias,
 eorum parentibus, avo, & hæredibus, fide-
 jussoribus, si fuerint. Hinc non potest filius-fa-
 milias huic privilegio efficaciter renunciare; quia
 nemo potest cedere privilegio concessio in favo-
 rem alterius. *Lib. 1. ibid.*

Dixi imò. Non tenetur restituere pecuniam
 mutuo acceptam; nam secus est, si acceperit

res alias, v. g. vinum, oleum credito: modò illas non acceperit in fraudem legis, id est, ut ex rebus venditis pecuniam sibi compararet: fraus enim illa cederet in præjudicium aliorum, qui illo privilegio gaudent, & patrocinaretur delinquenti. Ratio autem est; quia lex tantum agit de pecunia mutua: hinc, cum legi naturæ deroger, ad alia extendi non debet.

Casus excepti. Dixi 2. *Præterquam in casibus exceptis*: nam tenetur ad restitutionem etiam in foro externo insequentibus casibus.

1. modò. Si tempore mutui accepti pubes habuit bona castrensia, vel quasi castrensia; aut fuerit miles: milites enim censentur esse sui juris.

2. Si publicè putabatur esse sui juris.

3. Si accepit pecuniam cum consensu patris saltem tacito, & prudenter præsumpto: uti, si accepit ad ea, ad quæ infumenda fuisset pecunia patris, v. g. ad emendos libros, studiis necessariis.

4. Si pecunia versa est in utilitatem patris: tunc enim censetur consentire pater. Habentur hæc omnia lege citatâ.

5. Juxta Less. & alios, si filius juravit, se soluturum; edò quòd juramentum, factum in favorem alterius, servandum sit; quando sine peccato servari potest: at cum sic videatur lex eludi, & reddi inutilis, juramenti relaxatio peti, & dari à Prælato poterit. Pichler cum aliis tenet non obligari juramento, si cedat in præjudicium patris. Non cedit autem, si filius familias ex pecunia factus est ditior: tunc enim facillè solvere poterit sine præjudicio patris.

6. Si mutuatarius major sit nobilis ; quia, lex ibidem dicit , qui dat mutuum nobis , non debet suspicari illud infumendum esse in inutilibus , sed pertinentibus ad statum,

7- Si accepit mutuum, existens sub patria potestate, & postea emancipatus partem solvit : tunc enim tenetur & reliquum solvere.

8. Si filius familias 25. annis major publico fungatur officio : tunc enim prudenter judicatur habere facultatem accipiendi mutuum , & solvendi.

9. Si filius-familias mutuum per fraudem accepit , v. g. simulando sui juris se esse : tunc enim jure naturæ tenetur restituere , & lex dolo non faveat , imò & , si factus sui juris debitum ratum habuit.

Dixi 3. *In foro externo* : Nam an in casibus , in quibus non conceditur actio , teneatur filius-familias in foro conscientiz restituere , ubi factus fuerit sui juris , utrimque probabiliter disceptatur. Pro parte affirmativa, quam tenet Dicast. Reinald, & alii, est, tum quia lex positiva non debet derogare naturali, quando ad finem ejus id non requiritur : atqui ad finem legis Macedonianæ non requiritur , ut etiam post mortem patris derogat obligationi naturali : nam si mutuanti in foro externo non concedatur actio , nullum periculum parentibus à filiis imminet ; quin potius optabunt, longam parentibus vitam , ut diutius sint liberi ab onere solvendi : tum quia obligatio naturalis est in possessione , à qua per legem dubiam non debet excludi ; tum quia *L. 9. §. ult. ff. de sen. conf. Macedon.* dicitur : si

filiis familias mutuum restituisſent, non poſſe eos reperere ſolutionem per actionem indubiri, nec legem voluiſſe eos exonerare, & ſtatim ſubditur *L. 10.* quia obligatio naturalis manet. Ita *P. La Croix L. 3. P. 2. N. 842.* Pro parte negativa, quam tenet *Laym. Leſſ. Mol. Pichler Parte 5. Tit. 19. N. 146.* Ratio aſſertur, quòd finis legis ſit etiam, ne filii nimis graventur debitis; & malos mores induant, adeoque exceptio ſit perpetua, niſi pecunia adhuc æquivalenter exiſtat, nolintque exceptione uti, quòd additur, quia *L. 9. §. 2.* dicitur; nihil intereſſe, an conſumpti ſine nummi, an adhuc exiſtant in peculio. Vide *Haun. Tr. 9. N. 329. Pichler L. 1. Ar. 35. N. 13. La Croix N. 842. Illuſung Tr. 4. D. 2. N. 430.*

Q U Æ S T I O XIII.

An contractus jure poſitivo irriti, vel irritabiles, ac cedente juramento de iis ſervandis promiſſorio, convaleſcant, & firmentur, ita ut obligent etiam ex juſtitia?

Certum eſt 1.º, quòd juramentum promiſſorium validum obliget in conſcientia, quando ſine peccato impleri poteſt: id enim exigit reverentia erga Deum. 2.º Certum eſt, quòd contractus jure naturæ irriti non convaleſcant per juramentum; cùm enim lex naturæ ſit neceſſaria, ſi contractum irritet, non deſinit irritare propter juramentum. Quæſtio ergo tantùm eſt, an lex poſitiva, contractum
irrit.

Irritans, vel infirmans, cesset eum irritare, vel infirmare, quando illi accedit iuramentum promissorium de eo servando, adeoque contractus tunc sit validus, & firmus, non secus, ac si nulla lex eum irritans extaret. Ad quod

Resp. 1^{mo}. Contractus vi, vel metu iniusto, aut dolo extortus, vel injuriam continens ab illo, cui juratur, Juramento non firmatur, ita, ut Juramento relaxato rescindi non possit; quia Jus naturæ exigit, ut tollatur injuria, & læsus in priorem statum restituatur: Juramentum autem non potest favere injuriæ continuationi; unde læsus potest petere Juramenti relaxationem, hâcque obtentâ, à contractu rescilire. V. g. Si promissisti jurato alicui solvere usuras, promissio non firmatur Juramento, sed potes Juramenti relaxationem petere, & usuras non solvere. Sitamen non pereres Juramentum relaxari, tenereris solvere ex religione, non ex justitia, quia usurarius nullum Jus acquisivit; unde hic teneretur eas in conscientia reddere, tuque posses solvas reperere.

Resp. 2. Nec Juramento convalescit contractus irritus, si irritatio facta sit immediate, & principaliter in bonum commune. Ratio est; quia hoc ipso contractus est in detrimentum communitatis, adeoque res promissa licet præstari non potest, consequenter Juramentum est nullum. Ex Cap. 28. de Jure Jurando, sic Cap. 12. de foro competente. Dicitur, Clericus non posse etiam cum Juramento renuntiare privilegio fori, utpote concessio principaliter statui Clericali, in cujus præjudicium pactio privati firmari non potest. Similiter matrimonium jure positivo irritum, Juramento non convalescit; quia lex irritans principa-

liter respicit bonum , decentiamque communem , ut patebit eunti per impedimenta singula juris positivi.

155.
Secus est
de irri-
tato im-
media-
te, &
princi-
paliter
in bo-
num pri-
vatum
contra-
hentium

Resp. 3. Si autem irritatio facta sit immediate: ac principaliter propter utilitatem privatam contrahentium , tunc contractus solo jure humano irriti, vel irritabiles nullam continentes injuriam ab eo, cui juratur , per Juramentum à pubere superadditum convalescunt , & confirmantur, eisdemque effectus habent , ac si lex nulla irritans existeret: Ita probabilior , & communior cum Laym. Less. Lugone , Haun. Sanch. contra Pichler. L. 1. Tr. 24. N. 48. & alios probabiliter dissentientes , & contendentes, ex sola religione obligationem esse. Sed probatur responsio nostra ex Jure tum Civili tum Canonico : nam *Auth. Sacramenta puberum. Cod. Si adversus vendit. Cod. Cum contingat, de jure jurando. Cap. laces. eod. in 6.* & alibi sæpius præcipitur Judicibus, ut tales contractus Juramento firmatos inviolabiliter observari faciant , nec cuiquam adversus eos patrocinentur. Nec intelligi ista possunt , id fieri ob ortam ex religione tantum obligationem : nam Jura tribuunt actionem in foro externo. Dein *Cap. Quamvis 2. de pactis in 6.* Pontifex disertè ait : pactum , Juramento, nec vi , nec dolo præstito , firmatum esse, & servandum : quod frustra additum est, si quæcunque pacta jurata, aliàs lege positivâ irrita, ex sola religione obligarent : nam Juramenta promissoria , etiam vi, & dolo extorta, saltem homini facta, obligationem religionis inducunt , quoties sine peccato servari possunt. Tales autem contractus sunt alienatio fundi dotalis , renuntiatio hære-

ditatis

ditatis paternæ facta à filia , contractus minoris sine autoritate curatoris , promissio non condendi testamentum , vel non instituendi certum hæredem , fide jussio mulieris , renuntiantis privilegio indebitè , quod habet ex Senatus consulto Vellejano. Hi contractus firman-
 tur Juramento , firmitque habent actionem in foro externo , obligant in conscientia , obligationemque transmittunt ad hæredes. Secus dicendum in sententia opposita: Dixi autem : *A pubere superadditum* : Nam contractus impuberum , etsi sint pubertati proximi , Juramento non firman-
 tur , cum in Jure tantum fiat mentio de Juramentis puberum , nec id à Jure Canonico sit correctum. Excipe tamen sponsalia impuberum , de his enim specialiter statuitur *Cap. 10. de Sponsalibus* , ut Juramento censeantur firmata.

Dices. Variæ leges civiles negant , contractus Jure nullos , per Juramentum convalescere. Resp. Illæ , aut de contractibus bono communi immediate contrariis agunt ; vel aliâ ratione prohibitis , qui utpote illiciti , Juramento non firman-
 tur. At non omnes irritati sunt prohibiti , vel si leges illæ aliud velint , sunt abrogatæ per leges posteriores , uti ostendit Sanch ex *Auth. Puberum*. Nec ex nostra sententia sequitur , leges irritantes frustrari facile posse suo effectu , aut infirmioris Judicii personis non satis esse provisum , eò quod facile adduci possent contrahentes , ut Juramento contractus firment : Nam leges irritantes volunt tantum contractus illos esse irritos , aut irritabiles , nisi de iis implendis addatur Juramentum ; hocque non facile impetratur à plebejis , sed solet cum majore deliberatione fieri

fieri à puberibus ; impuberum autem contra-
ctus Juramento non firman-
tur. Unde satis
est provisum omnibus, præsertim cum Jura-
mentum sequatur naturam contractûs, non qui-
dem quoad valorem ; quoad conditiones, ta-
men & limitationes. Deinde Divini Nomi-
nis reverentiæ non minus, quàm privatorum
bono consulendum est. Porro Juramentum
firmans contractum relaxari non potest, nisi
ab eo, in cujus gratiam factum est ; quia con-
tractus Juramento firmatus stabile in eum Jus
transfert, quo inquitur privati non debet ; Ju-
ramentum autem, contractum non firmans, re-
laxari potest à Papa, & ab Episcopo etiam in
foro externo ; item à Judice sæculari indire-
ctè, quatenus potest annullare acceptionem
rei promissæ. Denique pro foro internò rela-
xari potest à Religiosis privilegiatis.

C A P U T II.

De Promissione liberali, & gra- tuita Donatione.

Q U Æ S T I O I

Quid sit liberalis, & gratuita Promissio ?

Promissio duplex est : nempe gratuita & sim-
plex, quâ una tantum pars alteri fidem
suam obligat, altera reciproca, & onerosa, quæ
est reciproca fidei obligatio ad aliquid præ-
standum. Talis reperitur in contractibus one-
rosis, v. g. venditione, sponsalibus, &c. de
prima

Prima hic nobis tantum sermo est. Hoc promisso.

Resp. Promissio est contractus, quo homo se homini obligat ad aliquid gratuito præstandum, aut omittendum in ejus favorem. Dixi 1. *Quia homo se homini* : quia hic sermo non est de promissione facta Deo, quæ vorum dicitur. Dixi 2. *Se obligat* : Præscindendo, an ex iustitia, an ex fidelitate. Per hoc differt promissio à nudo proposito, quod non obligat per se, nisi fortè ex virtute constantiæ. Dixi 3. *Ad aliquid præstandum, vel omittendum* : quo indicatur per promissionem non transferri dominium, sed, si ex iustitia obliget, jus tantum ad rem. Dixi 4. *Gratis* : quia promissio tantum obligat promittentem, non verò promissarium, nisi fortè ex consequenti ad gratitudinem. Si promissio obliget ex iustitia, erit contractus gratuitus, si ex fidelitate, tantum erit pactum, vel contractus latius acceptus.

Q U Æ S T I O II.

Quænam requirantur, ut promissio valeat, & obliget?

Resp. Requiritur hæc. 1. *Voluntas* 157. se obligandi saltem virtualis, & implicita, quæ sit sine lelem censetur habere, qui serid vult promittere, *ra, vera* etsi de obligatione explicitè non cogitet. *Ratio plene libet*; quia sine obligatione contractus non est, *ex vera, de* hoc autem obligatio non nascitur, nisi à propria *re possibi-* voluntate. *li, lisi-*

2. Requiritur, ut sit plenè deliberata, tum *ta, ac-* plena *ceptata,*

plena advertentia ad id , quod agitur ; quia nemo censetur sibi onus , & obligationem imponere , nisi cum plena libertate , ut dictum est N. 106.

3. Ut absit error , & dolus circa substantiam , & causam finalem : aliàs enim deerit consensus substantialis.

4. Ut sit spontanea : nam vi , vel metu injusto extorta , aut jure naturæ irrita est , secundum dicta : aut irritabilis à promittente ; quia ob injuriam acceptam habet Jus se restituendi in priorem statum , & sic data recipiendi : nam æquitas non patitur , ut quæ ex liberalitate fiunt , sint coacta ; imò ad revocandam promissionem gratuitam sufficit , quod processerit ex metu reverentiali , quo quis repugnante voluntate consentit , eò quòd non audeat contradicere v. g. ob preces valde importunas , quibus si abnuat , molestiam non leviem patietur.

5. Ut sit de re licita , & possibili ; quia ad illicitum , & impossibile non potest dari obligatio. Hinc promissio rei jam alteri promissa est invalida , etsi donatio , vel venditio valida foret facta traditione ; quia promissio esset de objecto illicito , nempe actione translativâ dominii ; donatio verò pro objecto habet ipsum dominium , cujus est translatio , ut dixi suprâ. Valet tamen promissio homini facta de bono minore , licet impeditivo , majoris ; quia bonum minus potest magis placere homini , quàm majus ; secus est de Deo.

6. Ut sit exterius manifestata , & acceptata. *Ratio est* ; quia omne pactum debet constare mutuo duorum vel plurium in idem consensu , sique sit inter homines , debet fieri hu-

mano

*Qualis
debeat
esse ac-
ceptatio
promis-
sionis ?*

mano modo, id est, sensibili, seu ab homine perceptibili: & sicut in contractu oneroso imbibitur hæc conditio: si alter vicissim se obliget; sic in promissione hæc: si alter acceptet; nemo enim censetur, se velle obligare, donec alter acceptet, & rem sibi gratam fore declaret, cum gratificari velit: unde ante acceptationem promissio etiam jurata revocari potest. Sique fiat præsentis, debet acceptari in continenti, vel quasi continenti: promittens enim non censetur velle diu consensum suum gratiorum suspendere. Si tamen materia sit favorabilis, ipsa taciturnitas regulariter reputabitur pro consensu ex regula Juris: *Qui tacet, consentire videtur*; quæ præcipue valet in iis, quæ tantum continent commodum tacentis. Secus est, si materia non sit favorabilis, & in contractibus onerosis, in quibus tenet regula: *Qui tacet, non fatetur, nec utique negare videtur*. Cæterum, si consensus promittentis moraliter perseveret, id, quod ex circumstantiis colligendum, potest adhuc per intervallum acceptari quandoque longum; debet tamen promissio acceptari, ut intimata ab ipso promittente immediatè, vel mediante alio; quia us ab illo tibi debet quasi præsens sisti, ut acceptes. Unde non sufficit, quod aliunde, quomodocunque voluntatem ejus intellexeris, aut carueris acceptare, quidquid tibi promiserint liquando homines, aut sint promissuri; quia sic non vult obligari promittens. Porro potest quis acceptare promissionem per deputatam, & personam conjunctam, cum qua unam moraliter personam faciat; item per alium, cui ejus curam gerit, aut ex promissione commodum

modum habet, v. g. pater pro filio-familias, Religiosus pro Monasterio, Prælati pro Ecclesia sua, uxor pro marito. Econtra non tamen famulus pro domino, nec discipulus pro Magistro, nec filius emancipatus pro patre; quia nec sunt deputati, nec unam cum iis personam constituunt. Item potest acceptare Tutor pro pupillo, Curator pro minore, creditor pro socio, & juxta Sanch. Dicast. quisvis privatus pro causa pia. ex L. 45. ff. de soluto Matrimonio, ubi id statuitur in favorem dotis, quod merito extenditur ad causas pias. Acceptatio tamen, quæ ab alio fit, imbibit hanc conditionem: si promissarius approbet, unde ante hujus implecionem promittens non teneretur exequi; attamen teneretur non revocare prius, quam intelligat non approbari: neque, qui pro alio acceptavit, revocare, aut mutare potest: nisi forte promissio facta esset in gratiam acceptantis, & non in gratiam ejus, pro quo acceptavit, cui nullum jus esset acquisitum. Vide La Croix.

158.

Opposita
solum-
tur.

Dices 1. Collatio Beneficii facta absenti, & ignorantem non potest revocari à Collatore.

2. Legati dominium acquiritur ab ignorante hoc ipso, quod hæres adeat hæreditatem; ergo non requiritur acceptatio.

3. Possum jus v. g. ad debitum Petro ignorantem, & necdum acceptanti remissionem, remittere; ergo & sine acceptatione jus acquirere.

4. Quando ex prudenter præsumpro consensu domini accipio, vel retineo rem alienam, acquiro ejus dominium; ergo non est necesse, ut consensus manifestetur.

5. Pro-

5. Promittens Titio tenetur ex fidelitate facta conformare dictis ; ergo promissa solvere, etsi alius non acceptaret, imò etsi animum non habuisset se obligandi.

6. Simplex promissio facta Reip. vel civitati ob honorem ab ea acceptum, vel accipiendum, vel ad damnum recuperandum, v. g. ex incendio, aliâve causâ obligat, antequam acceptetur, ut habetur *L. 5. ff. De Pollicit.* Item facta infanti, vel Ecclesiis, aut piâ causâ.

Resp. *Ad 1^{am}.* Nec Episcopus, nec alius Collator est dominus Beneficii Ecclesiastici ; sed Papa vi officii jure divino est principalis collator ; hic autem non vult mutare voluntatem. Is tamen, cui Beneficium confertur, non acquirit ejus dominium, donec acceptet.

Ad 2^{dum}. Legatarius non habet dominium de facto ante acceptionem, sed tantum fictione juris, quod disponit, ut censeatur accepisse in puncto hæreditatis aditæ, siquidem postea reipsâ acceptet.

Ad 3^{iam}. Non remitto debitum irrevocabiliter, nisi debitor acceptet ; sed nec paritas est in promissione, vel translatione Juris, & remissione ; cum enim homo sit naturâ liber à servitute, & debitis ; voluntas ad id non requiritur ut fiat liber ; sed sufficit, quod alter nolit habere jus contra illum : ut autem acquirat dominium, ejus consensus requiritur, & quidem manifestatus, si dominium sit acquirendum dependenter ab alterius voluntate.

Ad 4^{tum}. Ibi non est positiva translatio domini, sed negativa tantum, quatenus dominus se habet, ac si res nullius esset, & permittit me

dominium acquirere ; at in promissione est positiva domini translatio.

Ad 3^{um}. Tenetur facta verbis conformare non absolute, sed ex hypothesi, si alter acceptet : hæc enim mente tantum promissit. Si promissio fuit ficta, & non acceptata, mendacium quidem fuit, sed non obligat. Si sit acceptata, juxta Vasquez & Lugo obligat ex fidelitate, quæ exigit facta conformari dictis. Sed negant id alii ; quia obligatio ex contractu provenire debet à voluntate alterius. Veracitas exigit, verba de presenti conformari menti, non verò facta fidelitas, quæ obligat ex promissione sincera. Sed nec constantia exigit servari ; quia promittens non voluit implere, nisi aliter acceptet, vel antè is revocet.

Ad 6^{um}. Diversæ sunt responsiones : Lugo tenet, tales leges agere de promissionibus acceptatis, sed quæ sint sine stipulatione, & non habent in foro externo, si sint aliis factæ, actionem. Alii dicunt, tales promissiones acceptari à Republica per leges acceptance antecedente. Alii denique dicunt, non obligare absolute, sed secundum quid, quatenus leges cavent, ne revocentur, irritamque reddunt revocationem : unde tandem obligare incipiunt, dum acceptantur, etsi antecessisset revocatio, utpote ex jure nulla. Juxta hos tamen non tenetur promittens civitati suam promissionem manifestare. Vide La Croix l. 3. p. 2. n. 768.

ubi ostendit, sensum legum illarum esse incertum : in obscuris autem, quod minimum est, sequi licet.



Q U A E S T I O III.

Quomodo Promissio acceptata obliget?

Resp. 1. Promissio gratuita de objecto possibili, & honesto, vel licito, acceptata ab eo, ^{159.} *Quanti* fit, obligat semper ex fidelitate, ^{doque} *taliter*. Est communis, & certa. *Ratio est; ex fide-* quia recta ratio dicitur, fidem alteri datam ^{litate} *tantum.* vandam esse, quique, quod promisit, non implet, cum potest, fallit, & decipit, quod repugnat rectæ rationi. Dixi: *Saltem sub venia-* *li*: nam dubium est, an fidelitas in materia gravi obliget sub mortali. Affirmat Sanch. de Matrim. l. 1. Disp. 5. Less. l. 2. cap. 18. n. 51. & alii; quia homines, si fides data in materia gravi violetur, apprehendunt aliquid valde affine iustitiæ, cuius violatio sit valde inhonesta, reddatque hominem odiosum, & valde contemptibilem, cum dici possit perfidus, sicut frangens votum. Hæc sententia probabilis est. Negant quoque probabiliter Lugo d. 25. à n. 93. Molina, Dicast. aliique plures cum S. Thoma 2. 2. q. 88. a. 3. ad 2. *Ratio est;* quia potest quis se velle tantum obligare ex fidelitate, & nolle dare alteri jus strictum ad rem, sed velle tantum se exhibere liberalem, sincerè volendo in futuro præstare: hoc autem posito, si promissa non impleat, nullum alterius jus strictum violat, sed tantum non conformat facta dictis, sicut mentiens non conformat verba menti. Id autem non videtur grave, neque nocet graviter convictui humano, id solum sub levi culpa prohiberi, cum præcipu-

um illius incommodum sit , quòd hominem indignum fide faciat.

160. Resp. 2. Obligat quandoque ex Justitia sub
Quantum culpa gravi, per se loquendo, vel levi pro quan-
doque titate materiz, quando nempe promittens in-
ex justitia. tendit alteri conferre jus strictum ad rem. Cen-
 setur autem id intendere, nisi aliud de mente
 ejus constet, saltem in foro externo, si juramen-
 to, vel publicâ scriptura, vel chirographo pro-
 missionem firmet; si promissio sit ad pias cau-
 sas, in favorem dotis, fisci, boni communis,
 aliarumve causarum, quæ in jure dicuntur fa-
 vorabiles. Item, qui ita promittit, ut, si res
 ad manum fuisset, cerò statim eam tradidisset.
 Universim in foro interno standum est ejus
 intentione, de qua si dubium sit, pro libertate
 illius judicandum est, adeoque solum ex fide-
 litate est obligandus. Dum promissio est velita,
 forum externum præsumit obligationem Justi-
 tiæ, & dat actionem. Porro notant AA. ad ma-
 teriam gravem promissionis gratuitæ multò ma-
 jorem requiri quantitatem, quàm quæ sufficiat
 ad grave furtum; quia promittens non cense-
 tur se velle in tanto rigore obligare, & promiss-
 farius non potest tam facile esse rationabiliter
 invitatus graviter, si contractus non servetur om-
 ninò gratuitus. Contradicit tamen Dicast. eò
 quòd æquè per istam promissionem, ac per ali-
 um titulum sit Jus acquisitum. Rectè monet
 Castrop. Disp. 2. P. 2. N. 6. considerandam esse
 causam promittendi, qualitatem promittentis,
 & promissarii, & rei promissæ. Ut res spiri-
 tualis promissa censeatur gravis, debet in æsti-
 matione hominum esse gravis spectato ordine
 spiritualium: hinc una Missa audienda, non est
 materia gravis gratuitæ promissionis, & juxta
 multos

multos nec legenda, eò quòd negatio unius
Missæ gratuitò promissæ non videatur apta ad
dissolvendam rationabiliter amicitiam, vel gra-
titer lædendam charitatem. Contradicit tamen
uar. & alii, eò quòd Missa sit maximi valoris,
auferetque maximum fructum ex opere operato,
ique Deo promittas legere, vel audire Missam,
obligaris sub mortali. Sed in hoc disparitas
est, quòd sit cultus Dei notabilis, exigatque re-
verentia erga infinitam Dei Majestatem, ut vota,
quibus substat cultus Dei notabilis: obligent
graviter.

Resp. 3. Promissio liberalis, ut in commu-
ni hominum usu fieri solet, & extra casus jam
dictos regulariter tantum obligat ex fidelitate,
& probabiliter tantum sub veniali, nisi aliud ex
verbis, aliisque circumstantiis colligatur. *162. Extra casus velatos ordinariè obli-*
gatio tantum ex fidelitate sub veniali;
Ratio est; quia, cum promissio liberalis ex sola
promittentis liberalitate proveniat, qui potest se
ex sola morali honestate obligare, is non cen-
setur se obligare ex iustitia: Nam, si non de-
terminet, an velit se obligare ex iustitia simul,
an sub mortali, vel veniali, ut ordinariè fit,
non censetur se obligare, nisi ad id, quod re-
quirit natura promissionis liberalis: hæc au-
tem non requirit, nisi obligationem ex fide-
litate, eamque probabiliter tantum levem. Ità
Lug. Mol. Spor. & alii. Et meritò: nam ità
habet communis persuasio, habereturque im-
prudens, qui promissum liberale tanto rigore,
quanto debitum iustitiæ, exigeret: unde rectè
colligitur, purè liberaliter promittentibus de-
esse animum ut plurimum, se graviter, aut ex
iustitia obligandi.

Si dicas itèd cum Sanch. Obligatio ad rem
gravem, est gravis, arqui obligatio ex fidelitate

162.

Solutum

tar op-
posita.

in materia gravi est ad rem gravem. R. Si virtus ad eam graviter obliget, trans. dico transeat, quia possum ex voto me obligare ad rem gravem sub levi peccato, ut docet ipse Sanch. potest legislator obligare ad rem gravem non necessariam sub levi. Si autem virtus non ita obligat N. sic in sententia negante actum in individuo indifferentem, toto die laborare sine intentione, referente laborem ad Deum, est rem gravem non referre in Deum, & tamen talis non peccaret ideo præcisè graviter.

Si dicas 2dò Promissio facta Deo, seu votum in materia gravi per se obligat graviter, etsi obligatio sit ex fidelitate, ergo fidelitas in materia gravi per se obligat graviter. R. con. antec. N. conseq. cum violatio voti sit infidelitas irreligiosa, exigit Dei Majestas, ut non sit obligatio sub levi tantum, dum votum est in materia gravi: crescit enim irreverentia pro dignitate personæ, cui promittitur, sic gravis est irreverentia Deum adducere in testem rei levis falsæ, non est tamen grave hominem inducere ad eam testandam sine juramento, & injuria tertii, vel alio testantis damno.

Si dicas 3tiò. Obligatio promissionis transit ad hæredes, ergo debet simul esse ex justitia. R. trans. ans. N. coam. nam obligatio filii ad sustentandum parentem indigentem transit ad hæredem filii; paritque actionem in foro externo, etsi solum esset ex pietate, ut plerumque. Obligatio voti realis transit ad hæredem, & tamen non astringit voventem ex justitia. Unde autem proveniat, quod hæredem ex justitia obliget, non omnes eodem modo explicant: putant aliqui esse ex tacito contractu inter defunctum, & hæredem: hoc displicet tamen Lugoni; quia sequi-

quitur, hæredem non obligari, si defunctus
ante mortem declarasset, se nolle hæredem ob-
gari: unde repetit ille, esse ex eo, quod hæ-
res ipso jure obligetur ad omnia onera realia
defuncti, cujus personam repræsentat: bona
utem defuncti obligata sunt: nam promitten-
lo directè se, & indirectè bona sua obligavit:
neque enim is debitor esse poterat, quin res,
vel actio aliqua ejus esset debita: unde onus
reale transit ad hæredes, siue sit ex justitia, si-
ue ex fidelitate. Dixi transiens, quod licet per
se loquendo verum sit, posset tamen promif-
sor, obligans se tantum ex fidelitate, velle, &
declarare non obligari suos hæredes homini:
quod tamen si non faciat, obligatio fidelitatis
transibit ad hæredes. Vide Lug. Disp. 20,
N. 102.

Q U Æ S T I O IV.

Quandonam promissio acceptata, & va-
lida revocari possit, & obligare
desinat?

Resp. Revocari potest, & desinit obligare 163.
1. modo, si promissarius promittenti atrocem in- Si *super*
tulit injuriam, v.g. in honore, bonis, si vi- *veniat*
ta sit insidiatus, si valde egenti nolit succur- *enormis*
rere. *ingratia*

2. Si materia fiat inutilis, vel illicita, aut *tudo*,
impossibilis. Si tamen impedimentum esset tan- *impossi-*
tium temporaneum, non extinguetur, sed sul- *bilitas*,
penditur obligatio, donec impedimentum *mutatio*
cesset. Quod si id contingeret ex culpa pro- *magna*
mittentis, obligati ex justitia, hic teneretur de *statu*,
damno.

3. Si causa principalis cesset : ut si promissa fisti Titio ob paupertatem ejus , & hæc jam sit sublata.

4. Si promissarius tuus non sit promissio tibi facta ex *Cap. 3. de Jure jurando* , & *Regula 75. Juris in 6.* quæ ait : *Frustra sibi fidem quis postulat servari ab eo , cui fidem à se prestitam servare recusat* : censetur enim non aliâ lege promissio facta, fitque tunc compensatio mutua.

5. Si promissor ob paupertatem incidentem ipse re egeat: hic tamen potius suspenditur obligatio ad meliorem fortunam.

6. Generaliter, si ante rei promissæ traditionem status rerum, vel personarum ita mutetur, ut promissor juxta prudens judicium non censetur se voluisse obligare in tali eventu: in promissione enim non continentur illi eventus, qui judicio prudentum fuissent excepti, si tunc menti occurrissent. Proinde pro his non est obligatio, cum hæc non extendat se ultra intentionem promittentis: hinc si promissisti alteri mutuum dare pecuniam, & postea eâ ipse egeas, v. g. propter incendium, non teneris. *Nec obstat*, quod promissio sit jurata; quia Jurementum imbibit easdem condiciones, quas promissio. In dubio, an status sit notabiliter mutatus, implenda est promissio; quia cum te certo obligaveris, obligatio est in possessione, dubium solum est, an sit sublata. Cæterum condiciones facilius subintelliguntur in promissione liberali, quam onerosa.

7. Cessat obligatio, si res in individuo promissa sine culpa promissoris pereat.

8. Si promissisti alterius actionem, cessat obligatio, si conatum convenientem adhibuisti; huic enim tantum promissisti.

9. Si

9. Si eandem rem promissisti Cajo imò, & einde Titio, manet obligatio eam dandi Cajo, etsi Titio promiseris juratò; quia promissio fuit de objecto illicito, unde nec convalescit, etsi Cajo cederet jure suo; nam tractu temporis non firmatur, quòd ab initio non subsistit; secus tamen foret, si eadem promissio facta fuisset sub conditione; si Cajo cedat jure suo.

Notandum. Ut status dicatur debitè mutatus, debet difficultas superveniens esse extrinseca rei promissæ, & non annexa. Sic, qui vovit castitatem, etsi postea graves sentiat tentationes, quas si prævídisset, non vovisset, adhuc tenetur voto castitatis; quia promittens meritò censetur promittere secundum omnes condiciones rei per se annexas. Idem est de vovente religionem, suscipiente ordines, & ignorante, vovum castitatis esse annexum, si simpliciter, & absolute professus est.

§ 64.
Quando
status
censetur
satis
mutatus

Q U Æ S T I O V.

Quid, & quotuplex sit donatio?

Resp. 1. Est actio liberalis, quantum est de se, translativa domini rei alicujus; vel contractus, quò, quantum est ex ipso, dominium rei donatæ gratis & liberaliter statim transfertur. Dicitur 1. *Quo dominium transfertur*: Per quod distinguitur à commodato, deposito, precario, & pignore. Dicitur 2. *Quantum est ex ipso*: ut comprehendatur donatio verbalis, quâ donatur quidem res, sed nondum traditur, quæque ex dispositione Juris dominium rei donatæ non transfert, est tamen ex

165.
Definitio

e, vel modo; qualificata est, quæ fit sub modo, onere, conditione, causa, estque quinquplex: nempe donatio in diem, conditionalis, modalis, causalis, & demonstrativa, quæ atis intelliguntur ex dictis. Donatio inter vivos est donatio absoluta translativa domini inter vivos, seu quâ quis sic donat, ut se vivo velit rem esse donatarii. Mortis causâ est donatio conditionalis, quâ donans tantum post mortem vult rem esse donatarii, idque sub conditione, nisi ante mortem revocetur. Sola donatio absoluta realis est stricta donatio; verbalis est velut promissio.

Q U Æ S T I O VI.

Quid dicendum, si Donatio, vel Promissio fiat absenti per literas, vel nuntium, &c.

Resp. 1. Donatio, vel promissio absenti facta per literas ad promissarium directas, vel per *Debet* nuntium, aut Procuratorem debet acceptari *esse ac-* coram nuntio, vel acceptatio ei saltem, vel *pro-* ceptata, missori intimari, aliâs consensus non erit mutuo manifestatus. Coram nuntio tamen factâ acceptatione, valet donatio; quia hic est deputatus ad eam accipiendam.

2. Si nuntius non sit Procurator, sed tantum in mandatis habeat, ut intimet donationem donatario, vel promissionem promissario, & donator, vel promissor revocet voluntatem suam, priusquam intimatio facta sit, corrumpitur donatio, *Quid si* *revo-* *cat* *ante* *intima-* *tionem?* etsi nuntio non innotuerit revocatio; quia voluntas donatoris nec moraliter existit, adeoque nec acceptari potest. Si verò nuntius sit Procurator, aut

aut nomine sui principalis donet, vel promittat, revocatio locum non habet, si nec Procuratori, nec promissario innotuerit, sed donatio validè acceptari potest; quia mandans tenetur ratum habere, quod mandatarius bonâ fide fecit ex illius commissione. *L. 15. ff. mandati.* Excipe tamen matrimonium.

Quid, si donator ante moriatur ante executionem 3. Si donatio, vel promissio erat facienda per procuratorem promittentisque interim moriatur, hocque ignorans procurator donet, vel promittat, agit invalidè; quia mandatum gratiæ faciendæ regulariter expirat morte mandantis. Excipe tamen, nisi mandatum fuerit ad pias causas; quia in harum præjudicium leges civiles nihil disponunt, prudenterque præsumitur promittens voluisse hanc suam voluntatem post mortem etiam impleri, utpote animæ profuturam. *V. dicta (p. 1. n. 211. & La Croix L. 1. n. 566. 816. & 876.* Si autem nuntius sit missus non faciendæ, sed intimandæ promissionis, vel donationis factæ gratiâ, & promittens ante intimationem moriatur; donatio, & promissio validè acceptari potest, & tenebuntur hæredes promittentis; quia promissio, vel donatio ex parte ejus fuit valida, manetque impressa literis, aut nuntio, & est gratia facta, quæ morte concedentis non expirat, ut habet communior cum Suar., nec possunt hæredes promittentis talem donationem revocare, qui repræsentant defunctum in iis tantum, in quibus ipse voluntatem non expressit, ut habet communis. Econtra si interim promissarius moreretur, an ejus hæredes possint validè acceptare, dubium est. Negat Less. Castrop. Haun. eò quòd intentio promittentis directâ fuerit in personam promissarii in se, quæ amplius non est. Affirmat Mol. Dicast. eò

quòd repræsentent personam defuncti Hæ-
 rentia locum habet, si ex circumstantiis con-
 stet, quòd promittens gratificari voluerit etiam
 tori, prolibus, familiæ.

Q U Æ S T I O VII.

Quænam Donationes, & Promissiones
 sint Jure civili irritæ, vel infirmæ ?

Resp. 1. Invalidæ, vel infirmæ sunt imò ^{168.}
 omnes donationes & promissiones eorum, qui ^{Eorum,}
 secundum dicta num. 141. contrahere non ^{qui con-}
 possunt. Item donationes & promissiones, ^{trahere}
 quæ adimunt potestatem ultimò disponendi de ^{non pos-}
 rebus suis; quia hæ sunt contra bonos mores ^{sunt.}
 civiles, idest, quos expedit esse in Republi-
 ca bene ordinata: hinc non valet promissio
 non condendi, vel non revocandi testamen-
 tum, non instituendi alium hæredem, nisi ta-
 lem, vel talem. Item donatio omnium bono-
 rum tam futurorum, quàm præsentium inva-
 lida est inter vivos, valet tamen, si fiat mortis
 causâ; quia tum, cum revocari possit pro
 arbitrio donantis, non privatur facultate testan-
 di: uti &, si fiat ad pias causas, contra quas
 leges civiles non possunt disponere. Simili-
 ter donatio pura, unâ vice facta inter vivos ex-
 cedens 500. solidos, seu ducatos aureos nostræ
 monetæ, est quoad excessum infirma Jure posi-
 tivo, nisi fiat cum insinuatione apud Judicem, &
 referatur ad acta publica. *L. pen. C. De Donat.*

Dixi: *Donatio pura, vel merè liberalis;* nam ju-
 ramento firmata, remuneratoria, vel facta ob cau-
 sam, v. g. studia, dotem, militiam, subsidium pau-
 perum, &c. valet, & firma per se est etiam pro
 foro externo.

Dixi

Dixi 2. *Jure positivo* : nam Jure naturali valet, potestque retineri, quod sic datum est, donec à donante repetatur, vel rescindatur à Judice : nam donatio reprobatur tantum sub conditione, si repetatur, aut irritetur per Judicem.

Resp. 2. Donatio pura inter vivos, facta
 169. *Quid de* conjugii à conjugē, non est firma, sed ad arbi-
donatio trum donantis regulariter revocabilis, nisi ju-
ne mari- ramento, vel morte donantis firmetur. Est
ti facta communis ex L. 1. 2. & 3. ff. *De Donatione*
uxori ? inter virum & uxorem. Ubi talis donatio
 declaratur ipso jure invalida. Ejus variae sunt
 rationes, ne conjugēs, amore excecati, spo-
 lient se bonis suis in detrimentum prolis edu-
 candae, & elocandae, ne detur causa dissidii,
 si conjux alteri denegaret, quod ei validè do-
 nare posset. Unde constitutio extendi imò
 debet ad donationes factas per personam in-
 terpositam : ut, si des Titio, ut det uxori tuæ.
 2. Ad donationes factas inter sponfos cum in-
 tentione, ut non habeant effectum, nisi secu-
 to Matrimonio; si enim pro ante effectus in-
 tendatur, validæ erunt. 3. Ad venditiones
 factas infra justum pretium animo donandi.
 Item ad condonationes debiti vel partialis, vel
 totalis; non tamen ad alios contractus, v. g.
 venditionem, mutuum : hi enim inter conju-
 ges validi sunt. 4. Ad personas proximè
 conjunctas : unde mariti pater avus, proavus
 paternus, filius, frater, soror, non potest do-
 nare uxori, neque e contra proximè cognati
 uxoris donare possunt marito. Non prohiben-
 tur tamen donationes modicæ, quales etiam ex-
 traneis facere possunt. Patent hæc ex legibus ci-
 tatis apud Auctores passim.

Dixi 1. *Donatio pura*, & inter vivos; quia
 dona-

donatio ob causam, v. g. ad dignitatem acquirendam, domum instaurandam, uti & donatio mortis causâ valet.

Dixi 2. *Regulariter*: nam excipitur, si donans inde non fiat pauperior: uti, si repudiet hæreditatem, vel legatum in favorem conjugis ex substitutione. vel ab intestato successuræ; aut si maritus uxori dotem remittat. Similiter, si donatarius ex donatione non fiat dior: uti si vir donet uxori ad unguenta, eleëmofynas, &c. Item si sint personæ Principes & aut quid sibi legaverint.

Dixi 3. *Nisi juramento, &c. firmetur*: nam post factam traditionem mors donantis, ejusque juramentum de non revocanda donatione faciunt eam omnino firmam.

Resp. 3. Donatio patris pura, & inter vivos facta filio, in ipsius patria potestate constituto, est infirma, & revocabilis, nisi juramento, aut morte patris firmetur. Est communis 170.
Quid de
donatio-
ne patris
factâ
filio fa-
milias?
ex *L. Cum de bonis. Cod. De donationibus.*

Dixi 1. *Patris*: nam donatio matris facta filio familias, uti & donatio avi, & avix maternæ valet irrevocabiliter; quia non est sub potestate matris, neque censetur cum illa civiliter una persona, sicut cum patre.

Dixi 2. *Pura*: nam facta ob causam, v. g. nuptias, Religionis ingressum, Ordines sacros, militiam, in remunerationem obsequiorum, est firma, & irrevocabilis. An autem sic donata post mortem patris sint in divisionem hæreditatis cum aliis liberis adducenda, spectanda est consuetudo. Tamb. in Decalogum L. 5. c. 4. §. 2. num. 4. censet esse adducenda, neptamen, quæ dat pro solenni convivio in nuptiis, prima Missa, ingressu Religionis. Alii tenent,

tenent, quæ dantur ob Matrimonium, vel Ordines sacros, spectare ad alimenta : potest autem pater pro libitu majores sumptus facere in unum filium, quàm in alium, sive ad victum, sive ad vestitum, aut famulicium spectent ; & filius, qui hæc accepit, non tenetur cum aliis fratribus in divisionem hæreditatis ista referre, nisi id pater fortè in certo casu expresserit : si enim alimenta deberent computari, filii natû majores in divisione hæreditatis deberent minus accipere, nisi fortè plùs laborassent pro ea augenda.

Dixi 3. *inter vivos* : nam donatio mortis causâ hic non comprehenditur.

Dixi 4. *in ipsius potestate adhuc constituto* ; quia irrevocabiliter valet donatio à patre facta filio emancipato, & filio illegitimo ; quia hic non est sub patria potestate.

Dixi 5. *Est revocabilis* ; quia facta filio-familias non est omninò invalida, alioquin filius ne licitè quidem rem possideret, fructusque perciperet, nec absque novo consensu patris dominium ejus acquireret, quod utrumque falsum est juxta communem.

Dixi 6. *Nisi jramento, vel morte patris firmetur* : nam morte patris ità firmatur donatio realis, ut retrohatur ad tempus, in quo facta fuit, & res cum fructibus perceptis spectet ad filium, dummodo non excedat 500. solidos, & facta non sit sine insinuatione, aut non fuerit coacta v. g. ad liberandum filium ex carcere, in quem ob delictum conjectus fuit ; hoc enim, mortuo patre, in divisionem hæreditatis venit, nisi aliud pater expresserit. Quales donationes prohibeantur Religiosis, Vid. La Croix n. 808. L. 3. p. 2.

QUÆS.

Q U Æ S T I O VIII.

Quas ob causas Donatio valida, & acceptata revocari licitè possit?

Resp. Donatio inter vivos legitimè facta, 171.
 in executione completa, triplici ex causa revo- *Causa*
 ri potest. 1^a est: Ingratitudo donatarii, *1^ama: In-*
L. ultima. Cod. de revocatione Donat. & gratitu-
o. ultima. De Donatione; ut, si donatarius *do dona-*
 avem injuriam inferat in honore, vel bonis *tarii.*
 tuarum, vel per se, aut alium violentas ma-
 s injecerit, vitæ sit infidatus, morte etiam
 non secutâ, vel inopiâ pressum non aluerit.
 nec pœna, juxta Dicast. incurritur etiam ante
 sententiam Judicis, juxta alios non debetur
 re illam. Excipe tamen donationem factam
 ecclesiæ, utpote factam principaliter Deo, qui
 gratus esse non potest. Item donationem
 nuneratoriam, quæ in odiosis non venit no-
 ne donationis; item factam filiz in dotem,
 cum, si donator, sciens ingratitude, potuit
 revocare, & non revocavit: tunc enim cense-
 tur remisisse. Secus si, morte, vel vi, metu, vel
 dolo, aut alio modo impeditus revocare non
 potuit.

2^a est: Proles præter expectationem na- 2. *Legi-*
 ta: ut, si donatori, post magnam partem bo- *tima*
 rum liberaliter donatam, inexpectata na- *proles*
 scatur proles legitima. *L. 8. Cod. De revocatio-* *non ex-*
Donationis; quia præsumitur eâ conditio- *spectata,*
 facta donatio, si non nascatur proles: non *postea*
 iam censetur voluisse liberos suos privare legi- *nata.*
 timâ.

3^{ia} est: Donationis inofficiositas. Inofficio- 3. *Inoffi-*
R. P. Renter Theol. Mor. P. III. R fa

*fictioſitas
donatio-
nis.*

ſa autem dicitur donatio, quæ fit contra offici-
cium pietatis liberis, vel parentibus debitæ :
ut, ſi per eam filii priventur ſuâ legitimâ, ſeu
parte hæreditatis ſecundum leges iis debitâ.
Hoc caſu poſt mortem patris poſſunt liberi à
Judice petere donationis revocationem, non
quidem in toto, ſed in quantum imminuit
debitam illis legitimam; idque etſi donatio
eſſet juramento firmata; quia, ſicut donatio
imbibit conditionem, niſi proles ſit nata, niſi
donatarius fuerit ingratus, niſi obſit legitimæ
prolium; ita & juramentum.

Ob aliàs tamen cauſas donatio revocari non
potest; quia jure naturæ valet, & leges jus
revocandi non concedunt niſi ob cauſas relatas.

Q U Æ S T I O IX.

**An Donatio facta ad certum finem fit
vâlica, & firma, ſi finis ille non
præſtetur?**

172. *Non va-
let, ſi fi-
nis ſit
cauſa
princi-
palis, &
non im-
pleatur.* Reſp. Si donator intendat obligare ad cer-
tum finem, hoc non præſtito, ſi cauſa princi-
palis ſit donandi, donatio corrumpitur, & res do-
nata reſtitui debet; quia donator non voluit
absolutè donare irrevocabiliter, ſed ſub con-
ditione finis poſiti voluit firmam eſſe donatio-
nem. Si autem non intendit obligare, ſed al-
licere tantum; vel ſubminiſtrare media ad fi-
nem procurandum, ſi placuerit; valet dona-
tio, & firma eſt, etſi finis non ſequatur;
quia tunc donatio eſt absoluta: datur enim
donum tanquam aptum ad finem obtinen-
dum, non ſub conditione, ſi obtineatur, ſi
actu alliciat. Unde poteſt donatarius accē-
ptare

prætere donum, & retinere, etsi non habeat animum præstandi; quod cupit donator. Sic potest puella acceptare legatum, ut nubat, etsi nolit nubere; debet tamen abesse fraus, & dolus: nam si quis simularet animum v. g. pro aliquo intercedendi, & sic alium alliceret ad donandum, peccaret acceptando, tenereturque restituere.

Q U Æ S T I O X.

Quid observandum de Donatione mortis causâ?

Resp. Cum conveniat in quibusdam, & in quibusdam differat à testamento, legatis, &c. 173.
Expli-
catur
infra
n. 273. ubi constabit de aliis ultimis voluntatibus, de quibus dicitur in fine hujus Tractatus.

C A P U T III.

De Deposito, Commodato, Precario; & Mandato.

Depositum, Commodatum, &c. etsi quandoque accipiantur ob-
jective pro re deposita, com-
modata, &c. hic tamen accipiuntur
formaliter, nempe pro contractu, quo
res denominatur deposita, &c.



R

QUÆS.

QUÆSTIO I.

Quid sit Contractus Depositi, seu Depositum, & quæ Depositarii Obligationes?

174.
*Defini-
tiv.*

Resp. 1. Est contractus, quo aliquid, præsertim mobile, gratuitò custodiendum traditur alteri, & ab hoc suscipitur eo fine, ut id ipsum in individuo, quando deponenti libuerit, restitatur. Ejus species est sequestrum, quod est contractus, quo res controversa deponitur apud tertium impartialem, qui propterea sequester nominatur, eo fine, ut post sententiam Judicis vincenti tradatur. Dicitur 1. *Depositum, est Contractus*; quia non sufficit, rem quomodocunque apud alium deponi, sed debet deponi ad custodiam cum quadam obligatione depositarii, ejus curam suscipientis, qui proin suum in id consensum debet manifestare, vel explicitè v. g. verbis, vel implicitè v. g. facto aliquo, ut faciunt nautæ, caupones, aurigæ, &c. qui, dum vident ab itinerantibus deponi res suas in navi, domo, curru, spondent earum curam, nisi contradicant. Dicitur 2. *Custodiendum*: si enim ad usum traderetur gratis, esset commodatum, vel mutuum; si pro pretio, esset locatio. Dicitur 3. *Ut id ipsum in individuo restitatur*; quia in deposito non transfertur rei dominium: unde si deponens der depositario facultatem utendi re fungibili, sitâ in pondere, numero, mensurâ cum obligatione tantundem restituendi, contractus ille habebit aliquid admixtum de mutuo. Dicitur 4. *Ut, quando libuerit deponenti,*

ponenti restituatur ; quia hic contractus spectat commodum deponentis : unde, si contrarium esset de trium annorum custodia, posset nihilominus maturius repetere ; quia terminus ille tantum fuisset adjectus ad finiendam positarum obligationem.

Resp. 2. Depositarii obligationes sunt sex. 175.
 1^a. Tenetur rem depositam servare, ac custodire eam curam, ac diligentiam, quam homines diligentes solent adhibere simili rei depositarie conservandae : ad hoc enim se obligatarius suscipiendo custodiam : unde, si res deposita pereat ex dolo, vel culpa ejus lata, tenetur restitutionem ; imò etiam ex culpa levi in toto externo, si pro custodia rei acciperet premium ; quin & ex levissima, si res fuisset deposita in solius depositarii utilitatem, v. g. pecunia, ut ea, si egeat, uti posset : sed hic non est contractus puri depositi.

2^a. Tenetur non uti re deposita sine consensu Domini expresso, vel tacito, aut saltem prudenter praesumpto ; quia non licet re alienari sine consensu Domini : hinc sic utens reposita, L. 3. Cod. de pos. dicitur reus furti ; ne usus sit pretio aestimabilis, ut usus vestis, ui, &c. solvi debet illius pretium ; cum usus, fructus rei ad dominum rei pertineat, Dixi : *se consensu saltem praesumpto* ; praesumitur enim consensus Domini, & excusat à furto ea usum pecuniae depositae, traditae in sacculo nec clauso, nec obsignato, quando Dominus nullo indicio ostendit se negare facultatem utendi, & recipiens moraliter certus est, quando restituenda erit, habiturum pecuniam aequè bonam in quantitate, & qualitate ; ita tunc nulla fit iniuria deponenti, quin potius

rius ejus negotium utiliter geritur : nam si res periret in tali casu , non deponenti , sed depositario periret. Unde sic utens non peccaret , sique postea intelligeret , Domino displicere talem usum , non teneretur pro eo solvere , nisi in quantum factus esset ditior ex rei fructu , vel ex usu suis pepercisset. Imò si invito Domino pecuniâ depositâ uteretur citra periculum damni Domino inferendi , non videtur peccare graviter , fieretque Dominus lucri ex negotiatione provenientis , quia non est fructus pecuniæ , sed industriæ.

3^{ta}. Teneretur rem depositam repetenti reddere statim ; quia aliàs rem alienam haberet , invito rationabiliter Domino. Excipe , nisi depositor eam repeteret in suum , vel aliorum damnum : ut , si furens repeteret enssem ; tum enim retineri eum , non potest esse rationabiliter invitus ; vel nisi res sit furtiva , & Dominus eam repetat. Imò etsi Dominus eam non repetat , adhuc probabiliùs reddenda est Domino , etsi *Lib. 1. ff. de depos.* dicatur reddenda furi : vult enim lex huic reddi , si putetur fur eam petere , ut eam reddat Domino. Ita Less.

4^{ta}. Si depositor depositario , vel alteri quid debeat , non potest depositarius ex re deposita compensare in foro externo ; in foro tamen interno , si debitum sit certum , & aliâ viâ obtineri non possit , rem depositam licitè retinebit , dum depositor satisfecerit.

5^{ta}. Si res deposita præter culpam depositarii incipiat deteriorari , monendus est Dominus , qui teneretur ad expensas pro conservatione rei. Si Dominus moneri non possit , nec res conservari , vendenda est , & pretium Domino

non asservandum : suscepit enim depositarius
 in conservandam , vel in natura , si possit,
 in æquivalenti , si non possit conservari
 se.

Quæres, quid ad hunc casum ? Cajus Ci- 176.
 s. Trevirensis, emit extra urbem frumenta, *Resolvi*
 que deposuit apud Titium, suo tempore ve- *tur ca-*
 enda Treviros : Titius cum haberet frumen- *sus.*
 tæquæ bona, aut fortè meliora, Caji fru-
 menta vendidit, volens sua, quæ Treviris
 habebat, illi tradere, ne cogeretur cum ex-
 pensis Cajus sua vehere Treviros : sed ante-
 quam sua Titius traderet Cajo, per incendium
 cum granario perierunt. Quis tenetur ferre
 damnum ? Resp. 1. Damnum videtur ferendum
 Cajo deponenti, quia Titius depositarius ex
 consensu rationabiliter præsumpto, fru-
 menta Caji cum suis permutando fecit sua, &
 tanquam sua vendidit, suorum autem, quæ Tre-
 viris habuit, dominium, transtulit in Cajum,
 consequenter huic perierunt : sicut enim con-
 sensus, præsumptus rationabiliter, sufficit ad
 rem alienam retinendam, ejusque dominium
 acquirendum : sic videtur hic sufficere. Ita
 Lugo, & Molina. Resp. 2. Probabilius dam-
 num ferendum est Titio depositario : nam Ca-
 jus, deponens apud eum, sua non censetur con-
 sentire in permutationem, nisi cum obligatio-
 ne, ut Titius depositarius sua frumenta tra-
 dat, sicut deponentis Caji frumenta occupavit,
 & vendidit. Si dicas : si res deposita inci-
 peret deteriorari, & depositarius ex præsum-
 pto Domini consensu eam venderet, ubi Do-
 minus moneri non potuit, prærium autem sine
 culpa depositarii auferretur, damnum ad depo-
 nentem pertineret; ergo à pari. Resp. Non

est paritas : nam frumenta Titii jam combusta, erant adhuc sub dominio Titii; cum Cajus non præsumatur consensisse in permutationem, nisi sub conditione, si traderentur sibi frumenta Titii; at verò præteritum, proveniens ex re deposita vendita, erat sub dominio deponentis; quia hujus nomine depositarius rem, quæ incipiebat deteriorari, vendidit. In altero casu Titius egit nomine suo, cum deponens Cajus non censeatur absolute consensisse.

QUÆSTIO II.

Quid sit Precarium, Commodatum?

177.
Definitio.

Resp. Commodatum formaliter acceptum, est contractus, quo res sive immobilis, sive mobilis, sui usu non consumptibilis, ad solum usum gratuito conceditur, ut post tempus determinatum eadem numero restituatur. Precarium autem est contractus, quo res ad nuntum revocabilis conceditur gratuito ad solum usum. Unde differt à commodato tantum, quod possit quovis tempore repeti à concedente. Ne tamen sit illusorium, & non beneficium, non debet in continenti repeti. Dixi 1. *modò. Res sui usu non consumptibilis*; nam aliàs commodari non poterit: ut vinum, frumentum, cujus usus est consumptio. Dixi 2. *Ad solum usum*; quia dominium non transfertur. Dixi 3. *Gratuito*; alioquin enim erit locatio, & non commodatum tantum.



QUÆS.

Q U Æ S T I O III.

Quæ sint obligationes Commodatarii?

Resp. Commodatarius tenetur ex *Justitia* 178.
 1. *mò non uti re commodatâ, nisi ad usum sibi concessum, aut saltem nonnisi ex consensu Domini prudenter præsumpto; quia ad alium non habet Jus. Proinde arrogaret sibi usum rei alienæ invito Domino, sique ideo damnum pateretur Dominus, teneretur restituere.* *Obligaciones commodatarii.*

2. Tenetur rem commodatam elapso tempore definito restituere, etsi non reperatur, cum dies statuta pro Domino interpellet. Ex *Cap. ultimo de locato*. Ratio est; quia ad hoc se obligavit, & ultra rei usum non habet: unde, si in mora culpabili sit, tenebitur omne lucrum cessans, & damnum emergens Domino compensare; quia injusta illorum foret causa.

3. Tenetur ad expensas ordinarias, & modicas pro rei commodatæ conservatione, v. g. ad pabulum equi; non tamen ad extraordinarias, v. g. ad curationem equi pretiosam, ad restorationem domûs, sed ad has tenetur commodans. *L. 18. ff. de commodat.*

4. Si commodatum cedat in solius commodatarii utilitatem, tenetur ad exactissimam diligentiam, ac curam pro re integrè, & in bono statu conservanda; hanc si non adhibeat, tenebitur saltem in foro externo de damno, si res pereat, vel deterior inde fiat. *L. 18. ff. de commodat.* unde si rem remisit per aliquem non satis idoneum, & perit, tenetur compensare. Si tamen talem elegit, qui liber

est suspitione malitiæ, quoque solet uti ad sua negotia, censetur esse extra omnem culpam. Si verò commodatum sit in utilitatem utriusque, tenetur ad diligentiam tantum ordinariam, quam homines diligentiores in ejusmodi solent adhibere; adeoque tantum ex culpa levi ad compensationem damni in foro externo. De interno dicitur N. 316. Si denique cedat in solius commodantis utilitatem, tenetur tantum ad diligentiam, quam ordinariè solent adhibere in ejusmodi rebus homines diligentes, adeoque ex culpa tantum lata ad compensationem, si res pereat: uti, si roges aliquem, ut pro te in certum locum ferat epistolam, & commodas illi equum pro itinere.

5. Si in casu incendii, naufragii, ruinæ non potuit simul suas, & res commodatas salvare, potuit quidem suas, pretiosiores alienis commodatis, præ his conservare; quia non exigit æquitas, ut quis majore suo damno avertat alienum minus: si tamen res commodatæ pretiosiores fuerint, & æquè has potuit conservare ac suas, tenetur ex justitia præferre commodatas. Secus, si eas servare non potuit. *Ratio est*, quia rei alienæ commodatæ ea debetur custodia, quam quisque prudens suis adhiberet; quisque autem servaret suas pretiosiores præ vilioribus: & in hoc casu juxta Less. & alios, si res commodata fuit in tuam solius utilitatem, non potes rei tuæ neglectæ compensationem exigere; eò quod tantum tui commodi occasione res commodata in periculum venerit. Si autem commodata fuit in solam commodantis utilitatem, potes exigere totius damni compensationem; quia rem, in commodantis tantum utilitatem detentam, non teneris cum tuo damno servare. Si denique com-

commodata fuit in utriusque utilitatem, potes exigere damni dimidii compensationem; quia res periclitabatur utriusque causa, & æquum est, ut, qui sentit commodum, sentiat & damnum pro ratione commodi.

Quod si res commodatarii fuit æquè pretiosa, potuit suam præferre; quia non tenebatur potius rei alienæ, quàm suæ consulere. Excipe, nisi rem commodatam habeat in suam solius utilitatem; tunc enim tenetur ad exactissimam diligentiam, neq̃ tunc tenetur commodator compensare damnum, cum res ejus commodatarii solius causa in periculo fuerit, æquumque sit, ut, qui solus in contractu commodum habet, patiatur & solus damnum, præstando id, ad quod tenebatur. Secus dicendum, si contractus fuit in solius commodantis, vel utriusque commodum. Porro qui rem suam præ commodata conservat, dum tenebatur hanc suæ præferre, tenetur ad restitutionem ob injuriam damnosam. Atque hæc valent etiam de re deposita, conducta, oppignoratata, &c.

Q U Æ S T I O IV.

Quænam sint obligationes commodantis?

Resp. Obligationes commodantis sunt sequentes:

1.º. Tenetur vitium rei commodatæ aperire, si sit periculosum; aliàs tenetur de damno inde secuto; sique ex vitio intrinseco, usu permissio accedente, deterioretur, aut pereat, damnum est commodantis.

179
Obligaciones
commodantis

2. Tenetur ad expensas extraordinarias, & graves, v. g. ad curandum equum, qui absque ulla commodatarii culpa læsus est, vel æger.

3. Ad non repetendam rem commodatam ante tempus, de quo expresse, vel implicite conventum est; quia Jus utendi re ad illud tempus transtulit: hinc si repetat antè, tenebitur ad interesse. Excipe, nisi improvise casu re egeret, ita ut gravius, vel æquè grave damnum pateretur, ac damnum, quod subire cogeretur commodatarius, non obstante, quòd hic tempore contractûs facti ab alio habere potuisset, nunc autem non possit; quia commodans non censetur se obligasse ad non repetendam rem pro tali casu, cum dominium remaneat, & gratuita sit concessio.

Q U Æ S T I O V.

Quid sit mandatum, & quæ obligationes mandatarii, & mandantis?

180. Resp. Mandatum, ut hic accipitur, est contractus, quo obligatio aliquid agendi in commodum alterius gratis suscipitur, v. g. negotium aliquod illius agendi, aliquid emendi, vendendi, &c. Dixi: *Gratis*; nam si erga pretium suscipiatur, est potius locatio operæ. Dicitur etiam officium gratis susceptum in gratiam alterius; non potest autem esse, nisi de re licita, expiratque re integrâ, morte mandantis. *L. 15. Cod. Mandati.*

Mandatarius autem, & quivis negotiorum gestor, vel procurator tenetur imò alterius negotium diligenter, ac utiliter gerere tanquam proprium; quia ad hoc se obligavit,
acce-

acceptando mandatum ; & quamvis voluntatis liberæ sit hoc suscipere , necessitatis tamen est hoc consummare : unde conformiter dicendis n. 314. tenetur saltem de dolo , & culpa lata, si cedat in solius mandantis utilitatem : de levi verò, saltem in foro externo, si & in suam, vel si se obtulerit , cùm alius diligentior præsto esset : de levissima verò, si maximam diligentiam promiserit . aut hanc res exegerit.

2. Tenetur fines mandati non excedere , v. g. non pluris emere , vel minoris vendere , quàm ei præscriptum sit.

3. Non potest mercedem exigere , nisi promissa sit , vel eam priùs petierit ; nec licet ei operam occultè compensare : nam hoc ipso, quòd mandatum suscepit nihil petendo , censetur operam suam gratis , & ex amicitia præstare velle , sicque mandans ad nihil se obligat. Ex L. 1. ff. de mandato.

4. Si alterius absentis, & ignorantis negotium ex præsumpto consensu , & ratificatione sine expresso mandato suscepit , tenetur pariter illud tractare , & conficere diligenter : aliàs tenetur damna ex negligentia secuta refarcire , si admisit culpam latam ; imò, si vel levem etiam, quando alius negotium diligentius fuisset tractaturus. *Ratio est* ; quia , alterius negotium suscipit, censetur promittere suam diligentiam , & industriam , adeoque tenetur saltem ad ordinariam. Ex L. 20. Cod. de negot. gest.

Econtra mandans tenetur mandatario sub- 181.
ministrare necessaria ad mandati executionem, *Obliga-*
& sumptus solvere. Quòd si absentis sine ex- *tiones*
presso mandato negotium suscepis ex consen- *man-*
su prudenter præsumpto ; tenetur is tibi non *dantis,*
tantùm expensas refundere , sed & damna ex
nego-

negotii gestione, sine tua culpa secuta, compensare, & competentem operæ mercedem, si eam intenderis, solvere: sique recuset, datur tibi actio contra eum. *L. 2. ff. de negot. gest.* Idque, licet negotium malè succedat, modò diligentiam debitam adhibueris: id enim æquitas exigit; cum bonum commune postulet, ut res, & negotia absentium administrantur, quando aliàs damna passuri essent, v. g. nisi frumenta venderentur, agri, & prata curarentur, domus ruinosa fulciretur &c. Ex dictis resolves.

182. 1^{mo}. Si tibi committat Titius, ut emas
Corollaria illi triticum, v. g. malderum tribus aureis,
 tu verò industrius rigidè merceris, & emas
 dimidio minoris, non poteris dimidium aureum retinere; quia emisti nomine alterius, qui industriam tuam non conduxit, adeoque ex justitia nihil debet, cum gratuito eam posueris. Si autem feceris expensas, ut minoris emeris, v. g. ideo iſſeris in alium locum, poteris tibi has compensare ex lucro; quia præsumitur Dominus in hoc consentire. *La Croix L. 3. P. 1. N. 1040.* Putat quoque Lugo de justitia *D. 26. N. 153.* id semper posse præsumi, si vendideris cum lucro supra pretium per extraordinariam diligentiam, & laboris pretium tibi non decernatur: sed id non potes, si fueris famulus, nec si committens putarit, te gratis facturum, aut ab alio sine pretio faciendum fuisset: unde ordinariè non poteris tibi mercedem attribuere, sed petere debes, aut expectare gratitudinem, cum diligentiam illam liberè posueris. Similiter si missus ad emendum, rigidè mercatus, de communi pretio detrahas, hoc retinere non potes; quia nomine alterius emisti: ergo quod detrahis, manet ipsi.
 Hinc

Hinc peccant Sartores, si excessum pretii, dati ad emendum pro aliis pannum, retineant, eo quod felicius sint mercati, aut emant apud mercatores, quos frequenter adeunt: nam emunt pro his, quorum negotium suscipiunt; & opera eorum competatur, quod iis pro aliis vestes conficiendæ tradantur. La Croix l. 3. p. 1. N. 1044.

2. Si tibi comittatur equus vendendus 50. aureis, & tu vendas 52. non poteris hos duos retinere; quia pretium est tibi determinatum, ne venderes minoris, nisi aliud aliunde constet, aut colligatur. Si tamen Dominus voluisset, ut jam venderes equum 50. tu autem jam non posses pluris vendere, sperares tamen fore, ut posses postea, licite posses tibi equum emere 50. sique postea pluris venderes, hoc tibi retinere. Emes autem sincere illum tibi, si pericula & onera, quæ dominium sequuntur, in te suscipias, velisque tibi perire, si pereat.

3. Si Titius commisit tibi, ut emeress ipse equum ad summum 50. Imp. tu vero invenias equum pro 45. eumque bonâ fide tibi emas, quærensque alium pro Titio non invenias, poteris juxta Lug. & Spor. tuum equum illi postea vendere 50. Imp. si commissionem gratuito suscepisti; quia non tenebaris propter alium negligere occasionem tibi emendi; at si fueris famulus, vel ad id conductus, non poteris ita postea Titio vendere; quia tenebaris rem emptionem pro illo facere, qui non commiserat, nisi ut non pluris, quam 50. emeress. Plures ejusmodi casus videri possunt apud La Croix l. 3. p. 1. n. 1044.

CAPUT IV.

De Mutuo, & Usura.

QUÆSTIO I.

Quid sit Mutuum, seu Contractus Mutui, vel Mutuatio?

183. *Definitio explicata.* **R**esp. Est contractus, quo traditur res fungibilis, ut statim fiat accipientis, & postea alia similis speciei, & bonitatis restituatur. Dicitur 1. *Quo traditur*; quia mutuatio traditione perficitur. Dicitur 2. *Res fungibilis*; id est, numero, pondere, vel mensurâ constans: ut sunt pecunia, vinum, oleum, frumentum, & alia ejusmodi, quæ dicuntur res fungibiles, quia unâ alterius vice in humano commercio fungitur, ita ut una pro altera substituatur, v. g. pecunia pro pecunia, vinum pro vino. Dicitur 3. *Ut statim fiat accipientis*: nam per mutuum rei dominium (unde & nomen derivatur) ex meo fit tuum: hinc mutuatarius suo periculo habet rem mutuam, omnesque fructus ex ea percepti ad eum pertinent: nam res perit, & fructificat suo domino, & per hanc particulam differt mutuum à commodato, pignore, locato, in quibus tantum rei usus conceditur, quo expleto res in individuo restituenda est. Dicitur 4. *Ut postea restituatur*: nempe tempore à mutuantē præfixo, vel, si nullum præfixum est, res relinquatur mutuatariorum, donec usus eâ sit in finem, ad quem tradita fuit. Sic frumentum, pro semine mutuo datum, censetur datum usque ad

ad messem, nisi aliter conventum sit, & sic differt mutuum à cambio, in quo pro moneta una statim datur alia. Dicitur 5. *Ut restituatur alia ejusdem speciei*; si enim res alterius redderetur, v. g. frumentum pro vino, esset permutatio, quam admittere non tenetur mutuans. Dicitur quidem L. 2. *Esi certum petatur*; quod in mutuo reddatur idem genus, non eadem species: sed phrasi Jurisperitis usitata genus speciem, & species individuum significat. Dicitur 6. *Et ejusdem bonitatis*, quæ duplex est: physica, & moralis; physica consistit in ipsa rei natura, ideoque intrinseca bonitas, & valor intrinsecus dicitur. Moralis habetur ex communi hominum æstimatione, vel taxatione Magistratus, hinc bonitas, & valor extrinsecus dicitur.

Q U Æ S T I O II.

Quæ sint Obligationes Mutuatoris, & Mutuatarii?

Resp. Obligationes mutuatoris sunt sequentes.

1^o tenetur, mutuatarium monere de vicio rei traditæ, si quod sit, item de imminente damno, lucro cessante, periculo sortis: aliàs hic non consentit, sitque ei injuria, quam reparare tenebitur mutuans.

2^{do} tenetur non repetere rem ante tempus præfixum, siquæ nullum præfixum sit, tenetur non repetere ante tempus aliquod, judicio prudentis definendum, consideratis circumstantiis, & fine, ob quem res mutuo data est. Teneretur tamen, si offeratur, ante tecum

R. P. Renter Theol. Mor. P. III. S. pere;

184.
Obligaciones
mutuantes
ante.

perere ; quia in gratiam mutuatarii tempus concessum est.

3^{ti}o tenetur non plus repetere, quam res mutuata valuerit tempore ; quo mutuo data est, conformiter dicendis ; quia mutuum est contractus gratuitus ; hoc sensu quod aliud onus non imponat mutuatario ; quam ut reddat in specie debito tempore, quod accepit.

*Obligaciones
mutuatarii.*

Econtra obligationes mutuatarii sunt hæ :
Primò tenetur de omni casu fortuito , ita ut non liberetur , donec mutuator mutuum receperit , vel per se , vel per alium designatum ; quia , cum mutui dominium habeat, si pereat, perit ipsi.

2^{do} tenetur rem mutuo acceptam in æquivalenti ejusdem speciei tempore statuto reddere, sique statutum nullum sit , quando rationabiliter reperitur . nec sufficit , quod solvat pretium , nisi alter consentiat.

3^{ti}o. Et si non teneatur restituere in certo loco , nisi justè sit sic conventum , tenetur tamen in tali loco , in quo mutuator non patitur grave damnum ; quia hic aliter non consentit.

Q U Æ S T I O III.

In qua specie , & bonitate res mutuo accepta restitui debeat ?

185.

*Pecunia
secundum
valorem
extrinsecum,
qui erat*

Resp. Nisi specialis justa conventio præcesserit , non potest exigi pecunia eadem in specie , & bonitate physica , v. g. aurum pro auro , argentum pro argento , sed solum in valore extrinseco , quem habuit tempore mutui dati ; in aliis vero rebus restitui debet in eadem

eadem bonitate physica, v.g. triticum pro tritico. *Ratio est*; quia, cum non bonitas physica, sed valor moralis pecuniæ; in aliis autem potius bonitas physica serviat usibus, & commercio humano; hinc in pecunia valor extrinsecus, & in rebus aliis intrinsecus spectari solet. Sicque redditur, quantum acceptum est.

tempore
date
mutui.

Dixi: *Nisi specialis iusta conventio præcesserit*: nam, si hæc præcesserit, servanda est; sique sit æquale utrimque dubium, an res tempore restitutionis valitura sit pluris, an minoris, licet pacisci, ut reddatur pecunia ejusdem bonitatis physicæ, vel mensura par rei æquæ in se bonæ, & eam suo tempore accipere, etsi pretium ejus valde sit auctum. *Ratio est*; quia servatur æqualitas, cum sit species lucri, & periculum damni utrique parti æquale. Econtra non licet, si certum, vel longè probabilius sit tempore solutionis valorem pecuniæ, vel rei extrinsecum auctum iri; quia sic non servatur æqualitas, sed plus exigitur, quàm detur tempore mutui dati, quod iniquum est: plus enim acciperes, quàm dedisti, cum rei mutuatz dominium transferatur in donatarium. Proinde sicut ejus periculum, sic valor spectat ad ipsum, & ex re aliena luctum exigeres; res enim crescit, & decrescit suo domino. Hinc si sex modii tritici nunc valeant 12. aureis, & valituri sint 15. tempore restitutionis, non licet pacisci, ut totidem pendantur. Vide La Croix à n. 910. *Excipe*, nisi statueris rem, vel pecuniam tuam v.g. auream servare in tempus pretii aucti: tunc enim licet pactum de pendendo valore illo majore extrinseceto rei, vel reddendâ pecuniâ in specie physica eadem, deductâ tamen æstimatione

laboris, periculi, & sumptus in re conservandâ usque ad illud tempus. *Ratio est*; quia plus illud tunc exigitur ratione lucris cessantis. Econtra si prævideas, quod extrinsecus valor, vel pretium sit minuendum, potes repetere, quanti valebat tempore mutui dati, quia plus non repetis, quam dedisti. Cæterum mutuarius satisfacit reddendo triticum pro tritico, etsi pretium tempore restitutionis decreverit, modò triticum sit æqualis bonitatis intrinsecæ, & hæc mutatio non sit prævisa, & in pactum deducta. Nec injustè faciet mutuator, si, quando tempus restitutionis nullum fuit determinatum, rem mutuo datam repetat, quando jam plus valet, modò sincerè procedat, & potuisset rationabiliter repetere, etsi pretium auctum non esset; quia mutuuario liberum erat citius reddere. Proinde debet sibi imputare, quod non fecerit. Aliud foret, si rationabiliter adhuc repeti non potuisset. Si prævideas pecuniam deponendam post tempus, potes salvâ Justitiâ dare mutuo, & tantundem repetere; quia tunc tanti valebat. La Croix n. 911. multò magis, si pretium prævideas minuendum in eadem mensura.

186. *Dices*: Passim videmus sine scrupulo mutuo dari vetus frumentum, ut restituatur novum, *Solvitur* & novum tamen melius est, quam vetus. *Resp.* Etsi, per se loquendo, id fieri justè non possit, quando nova prævidentur fore meliora, per accidens tamen sæpe licet; quia, quando nova sunt frumenta, ob copiam minoris valent ordinariè: debent asservari, & in granario exsiccata minuuntur: incertum est, an non sint futura viliora.

QUÆS.

Q U Æ S T I O IV.

Quid, & quotuplex sit Usura, & Contractus usurarius?

Resp. Usuræ nomine venit quidem, si latissime accipiatur, quodcunque lucrum temporale injustum. Hic verò est lucrum temporale præcisè, & immediatè ratione mutui perceptum, vel quæsitum tanquam, debitum ex Justitia. Nomine autem lucri venit omne pretio æstimabile, sive illud sit pecunia, sive opera, sive obligatio mutuataria imposita. 187.

Contractus verò usurarius est, mutuatio cum pacto, vel intentione accipiendi lucrum immediatè ex mutuo, tanquam debitum ex Justitia. Dicitur 1. *Mutuatio*; quia usura, per se loquendo, in solo mutuo reperitur, etsi per accidens inesse possit aliis contractibus, quatenus virtuale mutuum continent. Dicitur 2. *Cum pacto, vel intentione*; quia datur usura purè mentalis, in qua pactum non intervenit. Dicitur 3. *Lucrum*; per quod intelligitur, quidquid pretio æstimabile supra sortem, id est, rem mutatam, intenditur, vel accipitur. Dicitur 4. *Tanquam debitum ex Justitia*; quia potest sine usura dari; & accipi aliquid ex benevolentia, liberalitate, gratitudine, occasione mutui. Dicitur 5. *Immediatè*, id est, præcisè ratione mutui; nam si adsit justus titulus, aliquid exigendi supra sortem, usura non erit, ut constabit ex dicendis.

Hinc usura est, si des Titio mutuum cum obligatione, ut tibi remittat obligationem reparandi damnum in bonis fortunæ, honore, fama. 188. Corollaria.

famâ : ut conferat tibi officium saculare , vel Beneficium Ecclesiasticum : ut merces in tua officina emat : agrum tuum justâ mercede colat : negotium tuum gerat : apud Principem pro te intercedat, fide jubeat, &c. quia imponis ipsi onus indebitum , & libertate privas. Econtra usura non est, si des cum obligatione, ut à lite injusta desistas , vindictam injustam non sumas , debitum justum , & certum solvas ; quia non imponitur aliquid ipsi, ad quod aliunde non obligetur , & hinc obligatio nova non est pretio æstimabilis , nec privat eum libertate , utpote quam non habet ; si autem debitum tantum sit ex charitate , probabiliter quidem quoque usura est. Negat tamen probabiliter Molina , & alii. Ratio 1^{ma} sententiz est ; quia imponitur nova obligatio. 2^{da} verò ; quia nihil petitur indebitum , & nova obligatio non est onus , sed in utilitatem mutuatarii , qui astringitur ad servandum præceptum charitatis.

*Divisio
usura.*

Porro usura dividitur in externam , mentalem , apertam , & palliatam. *Externa* est, quæ in pactum deducitur , sive expressum , sive implicitum. Pactum expressum erit, si mutuans dicat : Mituo tibi 100. eâ lege, ut mihi reddas 100. & 5. Implicitum verò, si constet, quod non det mutuum sine usuris , & dicat : Do mutuum tibi , ut soleo ; vel : mea pecunia non solet ad me redire sola. *Mentalis* est, si quis mutuet cum intentione lucrum accipiendo præcisè ratione mutui , talem tamen intentionem non manifestet mutuatario , licet eam exterius exequatur. Unde usura mentalis dicitur , quatenus non supponit pactum etiam implicitum ex utraque parte. *Aperta*, & *formalis*

malis est, quâ expressè exigitur auctarium ratione mutui. *Palliatâ*, quæ & virtualis dicitur, est, quæ latet sub alio contractu apparenter justo, continente virtualement mutuationem, vi cuius exigitur auctarium: unde quasi pallio regitur: uti, si deponas apud alium aliquid consistens in pondere, mensurâ, vel numero v. g. pecuniam, frumentum, datâ ei facultate utendi, & pro arbitrio disponendi, cum pacto, ut pro usu ultra sortem aliquid pendat: si aliquid vendas pluris præcisè propter dilatatam solutionem, vel minoris emas propter anticipatam. Hæc usura sic quandoque se abscondit, ut oculis etiam perspicacibus se subducatur: ut patebit ex dicendis.

Q U Æ S T I O V.

Quo jure Usura sit prohibita?

Resp. Est prohibita imò jure humano Ec- 189.
clesiastico: ut constat ex *L. 5. & 6. Decretalium Tit. de Usuris*. Et ex *Conc. Viennensi, turali, Clement. unicâ de Usur. §. ult.* 2dò. Jure di-
vino, tum ex *ci. Clement.* ubi dicitur punien- & hu-
dus, ut Hæreticus, qui contrarium dixerit, *mano*,
tum ex variis Scripturæ locis, ut *Ps. 14. v. 1.*
& *6. Ezech. 18. Luc. 6.* 3tîd. Prohibita est
jure naturali: nam jure naturæ illicitum est,
pro re plus exigere, quàm valeat, & lucrum
tanquam debitum exigere ex re aliena: hæc
autem sunt in usura: nam qui dedit mutuo
100. & exigit 100. & 5. plus exigit, quàm
valeant 100. ut patet. Nam translatio do-
minii 100. aureorum non valet, nisi centum
aureos: deinde lucrum exigeretur è re aliena

na : in mutuo enim transfertur rei mutuatae dominium in mutuatarium, nec id ab usu juris rei, unico sui usu consumptibilis, ut est pecunia, vinum &c. separari potest : unde usura, etsi admitrat parvitatem materiae, non minus est verita, & intrinsecè mala, quàm furtum, & nullâ dispensatione potest fieri licita. *Nec juvat*, quòd Deuteron. 23. legatur Judæis dictum : *Non fœneraberis fratri tuo. sed alieno* : nam Deus vel dedit facultatem. fœnus exigendi Judæis ab alienis infidelibus, hostibus iniquis, justo titulo deprædationis : vel ut Dominus universorum transfudit in illos dominium auctarii, ut explicat S. Ambr., vel tantum, ut exponit S. Th. toleravit in Judæis, utpote ad temporalia propensis, ut ab alienis potiùs usuras exigerent, quàm à fratribus, ne graviùs peccarent ; usuras tamen non approbavit.

190. *Dices 1.* Jus civile ff. & Cod. de usuris, has approbat. Resp. Vel loquitur tale de usuris latè acceptis, seu lucro ex justo titulo, aut eas tolerat, vel à jure Canonico est correctum.

Dices 2. Juxta S. Thom. 2, 2. q. 78. a. 1. ad 2. Potest aliquid accipi pro usu pecuniæ. Resp. Pro usu pecuniæ mutuatae, Neg. elocatae v. g. ad pompam, vel ostentationem faciendam, vel ponendam loco pignoris, Conc. Palavicinus tamen L. 4. n. 144. putat, in hoc esse injustitiam ; quia utilitas, quæ ex elocata vel commodata pecunia evenit, non est ex natura pecuniæ, sed ex aliis circumstantiis ad personam locatarii pertinentibus ; adeoque hæ non erunt pretio vendibiles ab elocatore, sed nec quidquam decedit à valore pecuniæ, nec eloca-

elocator ideo damnum patitur, ut supponitur. Aliud est, si res ad usum concessa sit fructifera, aut usu minuatür: nam res ad usum concessa si fructifera sit, fructificare potest domino suo, cujus manet, & rei attritæ decrementum meretur compensationem.

Dices 3. In mutuo reperitur aliquid pretio æstimabile præter sortem: nam mutuans privat se consolatione, quam habet in præsentem pecunia. Deinde simonia est, dare mutuum Episcopo pro obtinendo Beneficio Ecclesiastico; ergo in eo reperitur aliquid pretio æstimabile. *Resp.* Neg. Assumpt. Nam carentia illa est intrinseca mutuo, & molestia præcisè carenti, in commercio humano ita levis censenda est, ut pretio æstimari non possit prudenter; alias ostium aperiretur innumeris usuris. Quod si cui esset affectus vehemens ad pecunias præsentem, is inordinatus, & abominatione potius dignus esset, quam pretio. In eo, quod additur, Neg. Consequentiam: nam ad simoniam sufficit, quod pro spiritali detur aliquid temporale, tanquam ex pacto saltem virtuali debitum, & in æstimationem cum spiritali veniat, etsi reipsa non sit pretio æstimabile respectu dantis. Addi potest, mutuum in eo casu esse saltem pretio æstimabile respectu Episcopi, cui utile est, paratam habere pecuniam præsentem, licet eam postea teneatur restituere. Proinde ideo dans Beneficium, compensare id intendit.

Dices 4. Volenti non fit injuria: ergo saltem, si mutuarius consentiat in auctarium, non erit usura. *Resp.* Volenti efficaciter, & nec invito secundum quid, non fit injuria, C. invito saltem secundum quid, Neg. Antec. &

Consequentiam. Mutuatarius non vult auctarium dare gratis, sed dat tanquam debitum, vellerque mutuum secundum æquitatem: ergo mutans facit illi injuriam, sicut emens infra justum pretium, facit, injuriam vendenti.

Dices 5. Mutuum est beneficium, & meretur gratitudinem; ergo est pretio æstimabile. *Resp.* Transeat Antec. Neg. Conseq. Pretium formale est compensativum juris æqualis, translato vi venditionis in emptorem per venditorem; tale non potest respondere beneficio, quod debet esse gratuitum. Dixi: *Transeat*; nam, cum mutuatarius teneatur ad æquale, mutuum secundum se beneficium non est, sed fit tale ex indigentia, & necessitate alterius, quæ quò major est, eò majus est beneficium: unde, si petas ideo lucrum, ditescas ex alterius indigentia, & tuâ ditescentiâ alter magis depauperabitur, quod iniquum est: Simile est in venditione. Neque ad beneficium requiritur, ut benefactor se bono, vel utilitate prioret, ut patet in Deo. Quòd nihil liceat exigere tanquam ex benevolentia, vel gratitudine debitum, aut ob carentiam pecuniæ præsentis, vel præcisè ob dilationem restitutionis, dixi in *Analyfi*, num. 134.

Q U Æ S T I O VI.

An, & qui sint Tituli, ob quos liceat Mutuanti exigere aliquid ultra sortem?

Resp. Præcipui sunt hi tres. 1. mus Damnum emergens. 2. dus. Lucrum cessans. 3. tius. Periculum non recipiendæ sortis. Explico singulos.
1. mus.

1. Justus titulus exigendi aliquid supra fortem est *Damnum emergens* ex mutuo, id est, ^{191.} ^{1mus} ^{titulus} ^{exponi-} ^{tur.} jactura in bonis, quæ mutuator jam habet, ex mutuo proveniens, v. g. indiges tuâ pecuniâ ad emenda necessaria tuæ familiæ, quæ nunc meliori, postea majori pretio venduntur, nihilominus Titio mutuas. In hoc & simili casu potes compensationem damni in pactum deducere; quia æquum non est, ut ex mutuo damnum teras, neque hoc est vendere usum pecuniæ, sed damnum vitare. Debet tamen mutuatarius moneri de damno; hocque in pactum deduci: nam si non moneatur, posset nolle hoc onus subire, sed alibi sine eo sibi quærere mutuum. Et idem est de circumstantiis periculi, vel lucri cessantis, si mutuatario sint incognitæ, & propter illas plus exigatur. Si autem non sit deductum in pactum, mutuatarius tantum tenetur ad sortem, debetque mutans suam sibi negligentiam imputare, nisi debitor injustâ solutionis dilatione causa fuerit damni. Quod si periculum damni sit tantum probabile, exigere quidem potest aliquid, sed prudentis judicio determinandum. Optima regula erit, si cogites, quid velle tu alteri dare, tale periculum pro resubeunti?

Porro pactum de damno emergente potest fieri vel conditionatè: si nempe aliquod inde mutuantem eveniat; vel absolutè conveniendo de certo pretio, quod, consideratis circumstantiis, prudenter statuendum est, & solvendum, sive damnum majus, sive minus, aut etiam nullum sequatur. Quod si mutuatarius se offerat ad servandum indemnem mutuatores, ad pactum de pretio determinato cogi non potest. Quanquam expedit convenire de cer-

to,

to, ut sic evitentur difficultates. Quod dico de damno emergente, idem dic de lucro cessante, & periculo fortis amittendæ.

192.
Exponi-
tur 2dus

2. Justus titulus aliquid exigendi supra fortem est *Lucrum cessans* ex mutuo, sive quod mutuator suâ industriâ certò, vel probabilissimè, aut saltem probabiliter fuisset consecuturus ex mutuatâ v. g. pecuniâ, nisi eam mutuo dedisset. *Ratio est* 1. Quia tunc non exigitur aliquid ratione mutui, sed ratione alicujus extrinseci, quod pretio est æstimabile: spes enim lucri probabiliter futuri est pretio æstimabilis, imò bonum quoddam præsens, quò se privare gratis in gratiam alterius mutuator, per se loquendo, non renetur. 2. Spes probabilis capturæ piscium ex jactu retis justè vendi potest. *L. 12. ff. de actu empti.* 3. Pecunia ut destinata quæstuosæ negotiationi, & prout subest industriæ mercatoris, plùs valet, quàm pecuniâ secundùm se sumpta; & bona certò, vel probabilissimè futura, quandoque pluri sunt, quàm bona minora actu possessa. 4. *Lucrum cessans* est dignum compensatione: nam inde fit, ut quis minùs habeat, quàm habiturus fuisset. Quare fur tenetur non tantùm ad restitutionem rei ablatæ, sed etiam ad compensandum lucrum cessans. Et hinc dicitur *cap. 6. de Usuris*, posse, ratione lucri cessantis, vendi merces ultra currens pretium, si venditor voluisset illas reservare in tempus, quo verosimiliter plus erant valituræ. 5. Si petas ab operario, ut te deducat ad certum locum, is exigere potest compensationem lucri, quod ex sua opera habere poterat, nunc autem in tuâ gratiam non habet; ergo & mercator potest exigere lucrum, quò in alterius gra-

gratiam propter mutuum privatur ; neque enim æquum est , ut quis dispendium patiatur , unde videtur præmium meruisse. *Cap. 2. de Fidejuss.*

Nec obstat autoritas Divi Thom. Nam licet 2. 2. q. 78. a. 2. ad 1. in speciem faveat oppositæ quorundam sententiæ , reipsâ tamen tenet nostram : nam q. 62. a. 4. ait ; quod , qui damnificavit aliquem impediendo à consecutione boni , quoderat in via habendi , teneatur compensare damnum , non quidem ex æquo ; quia minus est aliquid habere in virtute , quàm habere actu ; sed secundùm conditionem personarum , & negotiorum. Et sic intelligendus est etiam in q. 78. cit. aut ibi loquitur de lucro , quod tantum est in spe , & potentiâ remotâ , & pro cujus privatione fateor , nihil posse exigi.

Dixi : *Lucrum ex mutuo cessans* : nam si esset ex negligentia , aut aliunde , justus titulus non erit ; ut autem cesset ex mutuo , adesse debent hæ conditiones. 1^{ma}. Debet mutuator fuisse mentis , illam pecuniam exponere negotiationi , cujus jam occasio est , vel saltem erat probabiliter futura , nec habuisse aliam pecuniam , quâ idem lucrum fuisset facturus : alias enim lucrum non cessat ex mutuo. 2^{da}. Debet lucrum cessans non compensari per aliud , quod habeat occasione mutui , v. g. si loco negotiationis se applicet labori , quo tantundem , & æquè faciliè lucretur , non cessat lucrum ratione mutui. Quod si tamen lucraretur minus , aut majore cum labore , illud compensari mereretur. Nam auctarium , quod exigitur ultra sortem , debet esse proportionatum lucro cessanti : unde plus potest exigere , qui pecuniam mutuo datam certo , quàm qui

tan-

tantum probabiliter fuisset expositurus negotiationi ; sique periculum fuisset non faciendi lucrum , compensatio lucris cessantis minor esse debet ; alias mutuarius plus cogetur solvere , quam fors moraliter spectata valeat , & æqualitas in contractu non servatur. Ordinariè autem utarium non debet excedere preuentum pecuniæ ad censum datæ , qui in imperio facit s. erga centum. Quod dixi de lucro cessante , idem dic de damno emergente.

193.
Exponi-
tur ter-
tius.

3. ius justus titulus aliquid ultra sortem exigendi est *periculum* speciale , & extraordinarium , idque verum , ac probabile sortis amittendæ , modò pactum præcesserit. Ità communior contra Navarr. Sorum , Toletum , Bannez &c. *Ratio est* 1. modò ; quia periculum illud non est intrinsecum mutuo , sed ab eo separabile , estque præiudiciale illud subire ; quia , qui fide iubet pro eo , potest in omnium sententia exigere pretium illi proportionatum. 2. Mutuans potest pro illo periculo exigere fidei iussorem , cui pro tubeundo periculo dandum pretium ; ergo si mutuarius per illum non præstet affectionem potest mutuans exigere aliquid , quod periculum in se suscipiat. 3. Debitum 100 aureorum probabili periculo expositum minùs valet , possumque minoris emere , quam debitum certò solvendum ; ergo si mutuans tradat summam certam , plus tradit , quam valeat postea exposita periculo ; ergo si periculum in se suscipiat , potest aliquid pro hoc exigere : sicut vendens juxta S. Th. Opusc. 73. C. 10. rem suam carius propter damnum , quod videt sibi imminere ex dilatione solutionis , excusatur à vicio ; & licitè emo litteras censuales

les 100. aureorum minori pretio ob incertitudinem census solvendi, aliave incommoda. *Confirmatur* auctoritate Pontificis Innoc. X. apud La Croix hic N. 856. Qui voluit non inquietari fideles Chineses, si ratione periculi probabiliter imminenti aliquid accipiant occasione mutui, modò servetur proportio inter periculum, & id, quod accipitur.

Dixi autem : *Periculum speciale, &c.* nam ratione periculi communis, & ordinarii nihil licet exigere ; tum quia hoc est mutuo intrinsecum ; tum quia per hoc liberatur mutuans periculo æquali, & quandoque majori. Est autem periculum commune, quod reperitur in omni mutuo, etiam illo, quod datur in illis circumstantiis, in quibus propter fidelitatem, diligentiam, opulentiam mutuatarii nihil videtur metuendum : nam etiam tunc ob inconstantiam humanæ voluntatis, fortunæ, fors quandoque amittitur. Speciale verò periculum est, si petens mutuum sit parum notus vel dubiæ fidei, aut tenuis fortunæ ; si sit rerum suarum incurius, vel prodigus ; si periculosam exerceat negotiationem, v. g. transmarinam : His enim casibus per se loquendo, fors gravi, & probabili periculo exponitur. Si tamē mutuatarius assurationem per fide-jussorem idoneum præstaret mutuanti, aut securam & competentem hypothecam assignaret, pro periculo nihil posset exigere : ut nec potest pro periculo auctari ; quia hoc statuitur simul & semel pro omni periculo, quod ex mutuo sequitur. Debet autem statui consideratis circumstantiis, qualitate periculi, &c.

Regula universalis esse potest, ut vir prudens, & probus cogitet, quanti ipse redimeret tale periculum, vel timorem, tantundem enim

enim potest petere, quantum bona fide dare vellet alicui, qui hoc periculum pro se subiret. Ita Less. Nec, quo majus auctarium exigitur, eò plus est periculi: nam fors magis assecuratur; quia singulis annis aliquid accipitur. Nec, dum fors restituitur, compensatur summatoria: nam non compensatur periculum, quod ante sustinuit mutuator. *Nec dicas: Cap. Naviganti.* dicitur usurarius, qui ob periculum sortis aliquid exigit: nam capite illo omissa est particula *non*, uti probat Laym. L. 3. Tr. 4. C. 16. N. 13. & alii. Adeoque legi debet: non est usurarius. Vide La Croix sub N. 853. Vel intelligitur, si alium cogat ad determinatum contractum. Addidi in resp. ad questionem; *hos esse titulos præcipuos*: nam distincta obligatio suscepta à mutuatore, v. g. mutuandi in posterum, quando alteri libuerit, molestiæ probabiliter subeundæ pro recuperanda sorte, & alia similia justus esse possunt titulus aliquid proportionatum supra sortem exigendi, quia pretio sunt æstimabilia, & obligatio mutuandi non est ipsa mutatio. La Croix N. 905.

*Regula
universa-
lis.*

Ex dictis observanda est hæc regula universalis: usura committitur, quoties mutuarius ratione mutui, præcisè ultra sortem reddendam, obligatur ad aliquid pretio æstimabile, ad quod non tenebatur ex mutuo præcisè; vel quando pro mutuo, vel aliquo, quod mutuo intrinsecum est, per qualemcunque contractum exigitur aliquid pretio æstimabile, quod alioquin indebitum est. Econtra usura non est, quando aliquid proportionatum exigitur pro aliquo, quod mutuo extrinsecum, & pretio æstimabile est; aut occasione mutui solum spe-

tatur

ratur aliquid sine omni pacto etiam implicito, & virtuali. Hinc resolves.

1^{mo}. Est Usura, si mutues cum pacto Titio, ut te laudet, honoret; quia licet hæc videantur non esse pretio æstimabilia, obligatio tamen ea præstandi est pretio æstimabilis. Dicit quidem S. Th. 2. 2. q. 78. a. 1. O. Pro mutuo posse exigi benevolentiam, amorem, &c. Negant tamen alii posse exigi tanquam debita ex justitia vi mutui. La Croix n. 893.

2. Est Usura, si ratione lucri cessantis exigas, quantum sperabas te lucraturum; quia lucrum est variis eventibus expositum, & spes tanti non valet, quanti res, suntque deducendæ expensæ.

3. Si mutues cum onere, ut alter debitum difficulter obtinendum exigat. Item si obliges, ut partem mutui accipiat in mercibus, quibus non eger. Item si à Cajo, petente mutuum pro Titio, exigas auctarium; quia tibi non est titulus, & Cajus solvet nomine Titii.

4. Si mutues 100. ut tibi statim pendatur 5. quia sic non mutuas, nisi 95. & idem est, si velles quinque tibi statim solvi, v. g. in vino.

5. Est Usura, si mutues cum pacto, ut alter tibi tradat, quod tibi est tantum probabiliter debitum; quia imponis obligationem certam pretio æstimabilem. Si tamen rem possideres, v. g. si rem apud Cajum deposuisses, & tantum probabile foret, quod restituerit, juxta La Croix mutuare posses cum pacto, ut tibi restitueret; eò quod tenere possis, quod Cajus adhuc debeat, & attineretur in foro externo ad reddendum. La Croix N. 886.

6. Est Usura, si mutues, ut alter postea vi-

194.
Corollaria.
Contra-
ctus usura-
rii.

cissim mutuuet : item ut pro pecunia reddat rem , v. g. vinum , vel pecuniam in alio loco
La Croix N. 891.

7. Usura est , si constituens procuratorem tuorum bonorum , des ei facultatem pecuniâ tuâ utendi , & de ea ad libitum disponendi , cum pacto , ut annuè solvat 10. erga 100. quia pecuniæ dominium transfertur. La Croix N. 898.

8. Si contrahas , ut mutuarius reddat tibi mutuum , non ante tempus , quo probabiliter pluris valebit ; quia imponeres grave onus mutuo extrinsecum.

9. Nisi ad sit justus titulus lucri cessantis , vel damni emergentis , est usura cedere alteri contractum usurarium cum onere eodem usurarium ; quia mutuarius factus dominus pecuniæ mutuo sub usura acceptæ , dominium transferret in alium cum onere usuræ solvendæ , quod facere non potest præcisè , ut se servet indemnem ; sicut , qui emit supra justum pretium , non potest eodem pretio vendere , ut se indemnem servet. La Croix N. 918.

195.

Non
usurarii

Econtra non est Usura imò. Si accedat contractus sponsonis : do mutuos 100. cum pacto , ut , si vixeris post 10. annos , reddas 200. si non vixeris , nihil reddatur. Debet tamen sincerè procedi , nihil peti ratione mutui , servarique æqualitas , spectatâ spe , & periculo. Sporer, Tamb La Croix N. 896

2. Juxta Laym. Less. Lug. mutuare cum pacto , ut alter in præsentem etiam aliquid mutuuet ; quia mutuare in præsentem , non est pretio æstimabile , adeoque habet se , ut mera conditio , & merito negatur gratia , qui præstare gratiam recusat. La Croix N. 895.

3. Non

3. Non est usura, si mutues Cajo pecuniam tibi debitam, quam ille facile, tu autem difficulter obtinebis, v. g. 100. Imp. cum pacto, ut tibi postea numeret 100. Ità Molin. Less. L. 2. C 21. N. 76, Lugo in resp. moral. L. 6. dub. 18. quia, licet tale debitum per accidens ob difficultatem minoris æstimetur, minorisque emi posset, in se tamen est tanti valoris, & potuisses tantum vendere scienti difficultatem obtinendi, ut faterentur omnes. La Croix N. 306. Less. l. c. ait, usu receptum esse, ut chirographa vendantur pretio ordinario, non attentâ difficultate, consequenter & mutuo dari potest debitum secundum suum valorem intrinsecum.

4. Non est usura pœna de pœna à mutuatario solvenda, si fuerit in mora præfixo tempore solvendi sortem. Mora tamen debet esse notabilis, & culpabilis, pœna proportionata, & statuta, non ut pretium dilationis, sed ob verum periculum, ne differatur nimium, vel omittatur restitutio, & ut mutuatarius deterreatur à violatione fidei, & sortis dilapidatione. Et hæc pœna, utpote ex pacto debita, solvenda est ante sententiam Judicis, si petatur.

5. Licet usura non sit exigere aliquid ob lucrum cessans, vel damnum emergens, quando est obligatio charitatis, ut sæpè est, mutuandi, quia nihil exigitur ratione mutui, id tamen illicitum est ob præceptum charitatis. Quod montes, ut vocant, pietatis tam Belgici, quam Italici usuram non contineant, satis hodie convenit inter T. T.

tur favere contrariæ sententiæ; in summa tamen, quæ est ultimum ipsius opus, tenet sententiam nostram: nam 2. 2. q. 78. a. 3. O. ait: *Siquis domum alterius, vel agrum per usuram extorsisset, non solum tenetur restituere domum, vel agrum, sed etiam fructus inde perceptos; quia fructus sunt rerum, quarum alius est Dominus, ideoque ei debentur; nempe mutuuario. Ubi apertè supponit usuræ dominum manere mutuatarium.*

Dixi. *Per se loquendo*; Quia, si usurarius minorem summam pecuniæ pro auctario acceptam, suæ alicui pecuniæ majori misceat, ita, ut discerni non possit, quemadmodum plerumque fit, acquirit illius dominium per mixtionem, manet tamen obligatus ad restitutionem: imò mutuarius habet Jus quoddam in re, ut ante omnes alios creditores recipiat ex cumulo illo usuras injustè acceptas. Ita Less. L. 2. C. 20. N. 156.

Resp. 2. Usurarius negociando per usuras lucrum quidem facit suum, si usuræ sint res ^{197.} *Ut, & fructus* steriles, ut pecunia, & instrumenta artis; si *ex usu- ris pro-* verò sint res frugiferæ, lucrum non facit suum, *venien-* quod ex re ipsa provenit. *tes.* Ratio *1ma partis* est; quia non sunt fructus rei, sed industriæ. Proinde, sicut fur negociando per pecuniam furtivam fit Dominus lucri, etsi pecuniæ dominium non habeat: ita hic. Sic communiter tenent omnes cum S. Thoma. *Ratio 2da partis est*; quia res fructificat Domino suo, consequenter mutuuario; quia hic manet Dominus rei usurariæ. In opposita sententia fructificat usurario, ita tamen, ut teneatur compensare damnum, cum hoc solo discrimine, quod in hac satisfacit dando pretium fructus, in no-

stra autem teneatur ipsum fructum restituere. In utraque sententia, si quis ab usurario emat rem usurarii bonâ fide, usurarius sit Dominus pretii ex legum dispositione secundum dicta cum obligatione tamen restituendi.

Si dicat, Emptor non consentit in translationem pretii, nisi acquirat & dominium rei usurariæ. Respondent Lugo, La Croix, quod ejus dominium acquirat cum obligatione usurarii ad æquivalens restituendum mutuatario. R. Censetur se accommodare legibus, & transfere absolute dominium pretii cum onere, ut venditor quoque dominium rei transferat in ipsum, aut satisfaciât, & pretium reddat. Unde non est error circa substantiam, quia intentio fertur disjunctivè. Et uti Less. N. 162. ait, error est tantum circa conditionem extrinsecam.

Q U Æ S T I O VIII.

Quandonam, & à quibus restituendæ sint usuræ, & damna, per eas causata, reparanda?

198. Resp. Per se loquendo, usurarius tenetur ante omnes restituere usuras, fructusque non merè industriales ex iis perceptos, damnum emergens, & lucrum cessans compensare, quamvis sine ullo pacto externo usuram tantum mentalem commiserit, malâ fide accipiendo auctarium tanquam debitum. *Ratio est*; quia, cum mutuum non sit justus titulus accipiendi aliquid supra sortem, & mutuatarius id non dederit liberaliter, injuriam huic fecit mutans, ex qua obligatur ad prædicta om-

*imo loco
tenetur
usura-
rius.*

omnia, Si tamen bonâ fide processisset, tene-
retur tantum restituere usuras, & harum fructus
naturales, vel mixtos, in quantum respondent
naturæ rei.

Dixi: *Per se loquendo*: imò. Quia, si mu-
tuatarius dederit aliquid ex liberalitate, vel
gratitudine, aut amicitia, & mutuator hoc
sciat, potest id retinere, etsi acceperit animo
usurario; quia per donationem acquisivit do-
minium, cum voluerit acquirere omnimelio-
ri modo, quamvis fortè petierit vi mutui; vel
saltem postea potest acceptare, quando resoit,
mutuatarium voluisse donare. 2. Si auctarium
bonâ fide acceptum sit, & oriatur dubium, an
mutuatarius dederit liberaliter, an vi mutui,
interrogari debet. Si nec interrogari, nec
aliunde præsumi possit esse donatum, restitui
debet; quia mutuator censeatur incepisse tan-
tum possessionem naturalem, qualem etiam
habet prædo, mutuatarius autem in tali du-
bio retinuisse possessionem civilem, donec con-
stet de vero titulo translationis dominii: ergo
melior est conditio mutuatarii, utpote veri
possessoris. Ità La Croix N. 922. 3. Si mu-
tuatarius dederit auctarium ex timore, orto ab
intrinseco, v.g. ne diceretur ingratus, ne capi-
tale citò repetatur, ne mutuans alio tempore re-
cuset mutuare; probabiliter docet Lugo, & alii
contra alios, probabiliter dissentientes, non te-
neri mutuatorem restituere, quia cum alter dede-
rit ex timore, non dedit ut pretium mutui, sed
ut moveret mutuantem ad benevolentiam. Si ta-
men mutuans illum timorem incussisset, teneretur
restituere; quia mutuatarius involuntariè dedis-
set ex metu injustè incusso.

Hæredes.

Si mutuator usurarius ante mortem non restituerit usuras, restituere tenentur ejus hæredes, saltem quantum ferunt vires hæreditatis. *Cap. Tu nos. 9. de usuris.* Ratio est; quia hæredes personam defuncti repræsentant, succeduntque in ejus onera, adeoque & damna orta tenentur compensare.

3. *Alii,* Quod si & usurarius, & hæredes defint suæ *qui sunt* obligationi, restituere tenentur omnes, qui *causa* agentes partes usurarii, fuerunt causa efficax, *efficax* cur usuræ petitæ, solutæ, vel restitutæ non *damni.* sint; quia fuerunt causa damni, mutuatorio injustè illati. Tales sunt imò. Qui consulunt usuras. 2. Qui dant pecunias eo animo, ut exerceantur usuræ. 3. Judices, qui compellunt ad usuras solvendas, vel prohibent, ne solutæ repetantur, & hi etiam ipso facto sunt excommunicati. *Clement. unicâ de usuris.* 4. Notarius conficiens instrumentum, fingens licitos contractus, & falsos scribens, v: g. ut, cum mutuò dantur centum, ipse scribit 120. nisi id faciat petente mutuatorio: tunc enim, licet peccet mortaliter violando suum Juramentum; mutuatorio tamen non facit injuriam, utpote non invito, adeoque ad restitutionem non tenetur. 5. Factores, seu negotiorum gestores, qui contractus usurarios nomine mutuantis faciunt, & famuli, qui cogunt ad usuras solvendas. 6. Proxenetæ, id est, qui quærunt egentes pecuniâ, & ducunt ad usurarios: at non tenentur, qui partes mutuatorii agunt, vel ipso consentiente, vel non invito concurrunt, aut ita remotè, ut non censeantur causa damni: ut imò famuli, qui recipiunt pignora, eaque custodiunt. 2. Qui numerant pecunias. 3. Qui referunt omnia
in

in libros rationum. 4. Qui rogatus à mutuatario scribit contractum usurarium, monet amicè mutuatarium, ut usuras solvat. *Ratio est*; quia hi vel non sunt causa damni, utpote independenter ab illis illati, vel mutuatarius illorum operam fert non invitus.

Q U Æ S T I O IX.

An liceat petere mutuum sub usura,
& usurasolvere?

Resp. Non licet mutuum petere sub usura 199.
Inducendo usurarium, ut det mutuum sub usura; quia non potest licitè peti ab alio, quod is sine peccato facere non potest. *Non potest quis* Licet tamen inducere ab usurario petere mutuum, hoc solum dicitur intendendo, & ad usuras se habendo petere missivè, modò adsit justa causa, qualis est magna utilitas, vel necessitas propria, aut aliena. *ad usurarium* *Ratio est*; quia ex rationabili causa licet ab alio petere, quod sine peccato facere potest, quamvis ex malitia sua peccaturus sit, uti dictum de charitate p. 2. n. 133. *tamen* Potest quoque mutuatarius licitè usuras promissasolvere; quia oblatio pecuniæ est actio indifferens, & usurarius potest eam non acceptare. *adeas* *permis-* *sive ha-* Quòd autem mutuatarius det occasionem acceptandi, ad hoc habet rationabilem causam, v. g. ut recipiat pignus suum, ut deinceps sibi egenti non negetur mutuum, ne audiat infidelis, oriantur odia, &c. neque enim cum gravi suo damno malitiam alterius impedire tenetur.

Q U Æ S T I O X.

Quænam sint pœnæ statutz usurariis
notoriis ?

100. Resp. Sunt hæ : 1ma. Sunt infames, pro-
Infamia, pri- inde inhabiles ad sacros ordines, beneficia Ec-
vatio clestastica, dignitates, & officia publica. 2da.
commun- Privantur sacrâ Communione, & absolutione,
nionis, donec restituerint, aut cautionem præstite-
sepulch- rint, & ante hæc eorum testamenta sunt irri-
ra Eccle- ta. 3tia. Privantur Ecclesiasticâ sepulturâ, si
siastica. in peccato moriantur, & eorum oblationes
non possunt recipi. Dicitur autem usurarius
notorius, qui facto, vel jure notorius est.
Si quis palam exerceat usuras, ut nullâ tergi-
versatione celari possit, dicitur usurarius no-
torius notoreitate facti; si verò de hoc crimi-
ne in judicio convictus, & condemnatus sit,
dicitur usurarius notorius notoreitate juris.
Hæ tamen pœnæ usurariis infligi non possunt,
si Princeps ex justis causis quandoque permittat
exerceri usuras: posse autem id certis casibus
permittere Principes, ex dominio alto transfe-
rendo dominium usurarum in usurarium, docet
S. Th. 2. 2. q. 78. 2. 1. ad 3.



Q U Æ S T I O XI.

Quomodo ab usura excusetur praxis, præsertim in Germania exigendi singulis annis 4. vel 5. erga centum mutuò dados, absque eo, quòd alius titulus allegetur, aut in judicio probari debeat?

Resp. Excusant A. A. 1. mò per contractum censûs, si is, qui pecuniam accepit, sit industrius, aut bona habeat, in quibus Jus ad pensionem fundari possit. Ità Less. l. 2. cap. 25. n. 31. & alii multi. Sic enim auctarium non accipitur ratione mutui, sed juris, quod dans pecuniam ad censum sibi emit. 2. Excusant multi apud La Croix hic n. 876. per contractum triplicem, nempe societatis, assècurationis summae capitalis, & lucri, qui contractus saltem implicitè intenditur, & initur, dum datur pecuniae summa pro acquirendo lucro, qui & exponetur infra n. 255. 201. Tribus modis.

Nec obstat inquiunt, quòd contrahentes ordinariè nesciant illos contrahendi modos, & ignorent determinatum justum titulum, ob quem fors assècuretur, & lucrum justè exigatur: Nam sufficit, quòd intendant contractum inire omni meliore modo, quo fieri justè potest. Sic enim implicitè volunt vel contractum censûs, vel tres alios celebrare; consensus autem implicitus æquivalet explicito, dummodo non sciant; nec sit prudens suspicio deesse omnem justum titulum, & voluissent celebrare contractum justum explicitem, si modum, scivissent. Hinc docent multi,

multi, teste La Croix n. 875. occasione mutui in Imperio posse annuè exigi 4. vel 5. in 100. absque usura, supponendo, adesse justum titulum aliquem, nisi tamen obster suspicio in contrarium, tum enim inquirendum esset. Verum quia reipsa adesse debet titulus justus, ne quis ditescat ex alieno, lucrūque habeatur ex mutuo; hinc 3tio. docent Tann. Haunoldus, Pichler; & alii, contractum justificari per Remp. vi statuti, aut consuetudinis; communi consensu in Imperio receptæ, & per praxin intelligentium, & timoratorum manifestatæ; non quod vi mutui præcisè accipiat auctarium, seu lucrum; sed quod ex dominio alto, in casu necessitatis, aut publicæ utilitatis, reipublicæ in bona subditorum competente, dominium lucri transferatur, deficiente fortassis in particulari casu titulo proportionato; ob necessitatem aut utilitatem boni communis dummodo bona fide procedatur. Idque 1mo, ut sic vitentur lites, non raro orituræ circa lucrum, & titulum, si horum justitia probari deberet. 2do. Ut facilius pro utilitate, & necessitate obtineantur pecuniæ, alioquin ob lucrum cessans, damnum emergens, aut periculum sortis vix obtinendæ; Plerique enim mallent pecunias suas apud se, etiam otiosas, custodire, quàm aliis eas credere sine lucro; atque ita minus florent mercimonia, minores fructus ferrent agripriæ, aliæque bona immobilia minùs utilia redderentur: quia sæpe languet industria, nisi alienâ excitetur, & juvetur pecunia? 3tio ut subveniatur Ecclesiis, locis religiosis, viduis, pupillis, aliisque personis, quæ suis pecuniis negotiari, & per se lucrum facere nequeunt,

quo

quo tamen egent, ne suas pecunias consumere cogantur, & redigantur, ad inopiam 4to. Ut sic consulatur tranquillitati conscientiae.

Hoc statutum seu formale, & explicitum, seu consuetudinarium, & implicitum sit, fundatur, inquiunt, in praesumptione generali, quâ praesumitur, mutuantem esse justum titulum, & mutuuario opportunitatem lucrandi, quia ista ordinarie adsunt; statutum autem, fundatum in praesumptione generali, & communiter contingentibus, vim habet in, & pro particularibus casibus, quamvis in illis deficiat ratio, in qua fundatur.

Nec obstant constitutiones Pontificum: nam, quatenus hic restringunt jus naturæ, in Imperio non esse receptas, testantur authores Germani passim, & praxis communis declarat; ubi verò vigent, & statutum tale, vel consuetudo non obtinet, dicta non procedunt: nemo enim censetur velle contrahere formâ, & modo insolito, & non recepto. Sed neque sic cessat omnis usura in Imperio, quæ variis nihilominus modis committi potest, & committitur, ut docet experientia, constatque ex dictis n. 188. 194. 269.

Hactenus dicta, quamvis si cætera, quæ iustitia, & charitas postulat, serventur. Sint probabilia, attamen, ut consulatur tranquillitati conscientiae, suadendum est, ut prius, quam ad contractum mutui procedatur, omnes de justo titulo percipiendi lucrum, nisi de eò certi sint, diligenter inquirant. Quod, & plerique faciunt, dum sibi per instrumentum publicum bona immobilia in hypothecam assignari curant, quibus casibus ob periculum sortis, cum hoc cesset, lucrum exigi non posse, per se patet.

CAPUT

CAPUT V.

De Emptione, & Venditione.

QUÆSTIO I.

Quid sit Venditio, & Emptio.

202.
Defini-
tio.

Resp. Venditio est pactum de merce erga pretium certum tradenda; Emptio verò est pactum de pretio certo erga mercem tradendo. Emptio, & venditio complexè sumpta, est contractus onerosus, qui consensu mutuo de pretio pro merce, & de merce pro pretio tradenda perficitur. Nomine pretii intelligitur pecunia, quæ inventa est, ut sit mensura pretii omnium temporalium, quæ in commercio humano permutari possunt; ideoque ex ordinatione Reip. tantum commodi continet virtualiter, quantum merx continet formaliter. Nomine mercis, quamvis in rigore tantum intelligantur res mobiles, usu tamen recepto intelligitur omne pecuniâ æstimabile: ut sunt res etiam immobiles, puræ actiones, exceptâ hominis operâ, & nudo rei usu, quæ non vendi, sed locari dicuntur.

Dixi autem, venditionem esse contractum, qui consensu perficitur: nam licet sine traditione non habeat ultimum suum complementum, & dominium regulariter non transferat; ante tamen est contractus in sua ratione perfectus, jusque ad rem confert, paritque obligationem, tam in vendente ad mercem, quam in emptore ad pretium tradendum. Unde non

non licet uni contrahentium, altero rationabiliter invito, à contractu recedere, sique id attentet, potest à Judice compelli ad servandum contractum.

Porro si emanant, quæ ad sustentationem sunt necessaria, vel vendantur illi superflua; emptio, vel venditio naturalis dicitur. Si autem res emanant animo, eas cum lucro vendendi, est emptio artificialis, & dicitur negotiatio; eaque stricta, & mercatura, si emanant, ut prorsus immutatæ lucri causâ vendantur. Et hanc esse Clericis prohibitam, dixi P. 2. n. 416. Utraque differt à permutatione, quæ est pactio de merce pro merce, etiam nunc de pecunia pro pecunia præsentē tradenda, eratque ante pecuniæ inventionem sola in usu. Regularur autem eisdem legibus emptio & venditio, exceptis iis, quæ ad pretium spectant. Denique, quid arrha in hoc contractu operetur, colligendum est ex praxi & consuetudine loci, quæ diversa est.

Q U Æ S T I O II.

Quodnam, & quotuplex sit pretium justum rerum venalium?

Resp. Justum pretium est illud, quod in ordine ad usus humanos adæquat valorem rei venalis. Duplex est: nempe legitimum, & vulgare, quod etiam naturale dicitur. Legitimum est, quod publicâ authoritate Superioris, vel lege taxatur, considerata qualitate rei, aliisque circumstantiis. Hoc consistit in indivisibili, & præsumitur justum, nisi evidenter constet oppositum: unde ex Justitia serva-

ri debet sub onere restitutionis ; quia publica potestas pro vi , quam habet , obligandi subditos in ordine ad bonum commune , restringit pretium ad aliquid determinatum : & hinc est indivisibile.

Valgare triplex est, summum, medium infimum. Pretium vulgare est , quod communi hominum æstimatione constituitur , spectatâ intrinsecâ bonitate rei , variisque circumstantiis , ad valorem ejusdem conferentibus : ut sunt mercium copia, & penuria venditorum , labor , impensæ , pericula , modus vendendi , emptorum multitudo , vel paucitas , seclusis fraudibus , & monopolis injustis.

Hoc pretium non consistit in indivisibili , sed dividitur in summum , medium , & infimum . Cujus divisionis ratio est ; quia etiam prudentes rerum æstimatores non possunt æqualitatem mercis cum pretio mathematicè definire , aliis aliter æstimantibus : quod enim quidam æstimant novem v. g. florenis , hoc alii decem , alii undecim æstimant Hinc in aliquam latitudinem consentiunt , ultra cujus terminos nec ascendere vendenti , nec descendere citra injustitiam licet ementi.

Nihilominus , quia pretii justitia consistit in æqualitate ejus cum merce , non potest pretium justum esse realiter triplex : neque enim tria inter se inæqualia habere possunt æqualitatem cum uno tertio : proinde duo ex triplici illo pretio vulgari , seu naturali non habent à parte rei æqualitatem cum merce , sed habent illam tantum secundum prudens hominem judicium ; attamen valorem sufficientem ad vitandam injustitiam ob communem hominum consensum : neque enim pretii vulgaris , vel naturalis variatio est desumenda à perf. & tione rei

rei physica: alioquin mos pluris vendi deberet, quàm ingens acervus tritici; sed ex utilitate communi, quam habet ad usus humanos, ad quos solet adhiberi, & ex communi æstimatione. Unde sæpe pluris æstimatur equus, quàm mancipium; & gemma, licet minus utilis, pluris venditur, quàm magnus cumulus frumenti. Non sufficit tamen unius, alteriusve æstimatio; sed requiritur æstimatio communis in eo loco, etsi apud alios sit imprudens. Hinc vitrum, acus, & similia apud Æthiopes justè commutantur auro, & Hispani Indias primum ingressi aurum, & gemmas pro aciculis, cul-tellis, aliisque crepundiis licitè admiserunt. Ceterum quodnam hic & nunc sit justum summum rei venalis pretium, judicandum est ex communi intelligentium æstimatione. Molina putat, si pretium medium sint 10. infimum fore octo, summum undecim cum dimidio, & ita de aliis, servatâ proportionè, semper tamen minuendo, v. g. si medium sint 100. infimum debere esse 95. summum verò 105. sed hoc vix serviet pro ptaxi, in qua spectandus est communis intelligentium sensus. *Ex his deduco*

1. Peccat contra Justitiam, & tenetur ad re- 204.
stitutionem emptor, vel venditor, quories ul- *Corollari-
tra justum pretium imponit onus pretio æsti-
mabile; quia non servatur æqualitas à Justitia
intenta.*

2. Emptor sciens in merce latere vim, ven-
ditori ignotam, quæ fugiat communem æsti-
mationem, non tenetur indicare eam, vel, au-
gere pretium, sed potest emere secundum
communem æstimationem. Sic potest pharma-

copæus emere herbas communi pretio, et si sciat, alicui esse vim specialem medendi.

3. Chirographa, actiones, debita immatura, sed posthac solvenda ordinariè possunt minoris emi, quàm sit summa debita; quia minoris æstimationur ob periculum sortis, damni emergentis, sumptuum, molestiarum, &c.

4. Si Titius sit in gratia Principis, & possit facilè obrinere summam, Cajo debitam, quam hic difficulter obtinebit, potest eam Titius minoris emere; quia in æstimatione communi minoris valet. *Excipe*, nisi illa difficultas veniret à Titio. La Croix L. 3. p. 2. n. 987.

5. Si merces sint taxatæ in favorem ementium, licitè emunt infra taxam; quia taxa tunc tantum posita est, ne graventur ementes.

6. Si emas piscem, in quo sit gemma, vel saccum lanæ hostibus creptum, in quo lateat pecunia, non teneris augere pretium, si vendens ignorârit, latere gemmam, vel pecuniam; quia ejus dominium sine animo habendi, ut suam, non acquisivit. Si & tu ignorâsses, nec tu acquireret dominium vi emptionis; sed si dominus inquisitus inveniri non posset, annumerari pecunia deberet incertis, de quibus dixi suprà, & gemma fortè iis, quæ nullius sunt.



Q U Æ S T I O III.

An res, quæ nec legitimum, nec vulgare pretium habent, ut v.g. gemmæ quædam, insignes canes, aves Indicæ, flores peregrini, picturæ veteres possint vendi, quanti dominus voluerit?

Affirmant Nav. Toletus, Valentia, Sporer & alii. 1. Quia, cum non sint res tales necessariæ usibus humanis, & nec pretium legitimum, nec vulgare habeant, penes venditorem est vendere eas tanti, quanti à prudente potest accipere. 2. Qui eas vult emere, cum nullâ necessitate compellatur, censetur velle dare, quod alter exigit; aliàs non emeret.

Resp. Probabilius non possunt per se vendi 205. pro arbitrio venditoris, sed juxta æstimationem intelligentium, vel certè ipsius venditoris *bilius* æstimationem bonâ fide conceptam, spectatis *non pos-* circumstantiis, nempe rei qualitate, utilitate, *sunt.* raritate, novitate, periculis, & emptorum pluralitate.

Ratio est 1. Quia justum pretium rerum, quæ nec lege, nec communi æstimatione taxatæ sunt, sumendum est ex judicio intelligentium mercatorum, cum alia taxa hic haberi non possit; res autem non nisi justo pretio vendi debeant. 2. Quia res non ideo plurius valet, quod emptor speciali affectu in eam feratur, aut venditor ex cupiditate pecuniæ eam plurius velit vendere; ergo vendenda non est, nisi quanti valet prudentis judicio. 3. Judicium, quo judicat venditor, eam tantum valere, debet

esse prudens ; nemo autem potest prudenter
judicare , eam tanti valere , quanti eam ven-
ditor vult vendere : aliàs posset quis vendere
rem 100. quam judicat valere 10. si videret
aliū ergā eam magno affectu ferri.

Nec obstat ratio Adversariorum 1^ama ; quia
ex eo , quod res pretio nec vulgari , nec legitī-
mo sunt taxatæ , non sequitur , plaris posse ven-
di , quā prudentiū iudicio valeant.

Nec obstat 2^ada ratio : nam , licet non cogā-
tur eam emere , non ideo censetur liberaliter
donare excessum pretii ; sed mavult illam jactu-
ram subire , quā re illā carere : sicut , qui ci-
tra necessitatē pro lusu , vel recreatione accipit
pecuniā mutuā sub usura , non censetur
hanc dare ; sed usurarius tenetur eam restitue-
re. *Nec juvat* ; quod avicula Canariensis
olim vendita fuerit 30. Imperialibus , nunc au-
tē vendatur Imperiali , si tota candida nascā-
tur : nam tanti olim vendebatur ob raritatem ,
& copiam talem desiderantium , nunc autem
ob copiam illarum minoris æstimantur ejusmo-
di aviculæ. Opposita tamen sententia videtur
probabilis , itā ut ordinariē possit quis vende-
re res tanti , quantum citra fraudem obtinere
potest . cum enim pretium illarum non con-
stet , si petendo exploret aliorum iudicium , ad-
mittatque pretium , quod offertur , nulli videretur
facere injuriā ; censenturque emptores . &
ipsi pretium certum ignorantes , consenti-
re in pretium , quod
offerunt.



Q U Æ S T I O IV.

Ex quibus causis crescat, aut decrescat
pretium rerum venalium?

Resp. 1^{mo}. Crescit ex his, 1^{ma} est co-²⁰⁶
pia emptorum, vel pecuniarum, & penuria, ^{Crescit}
vel raritas mercium: pluris enim æstimatur, ^{ex 4.}
quod à pluribus quæritur, & in minore co-^{causis}
pia invenitur. Hinc in subito adventu exer-
citûs, vel Principis res venales justè venduntur
cariùs.

2^{da} est modus vendendi communis, ut cum
merces venduntur minutim, & in parva quan-
titate: tum enim plures labores, impensæ, &
curæ requiruntur, plus periculi subeundum, ne
merces vilescant, quàm si in magna quantitate
vendantur; pro quibus in bonum Reip. suscep-
tis plus licet petere.

3^{ta} est officium mercatorum, qui in bonum
Reip. solis mercibus comparandis, & divenden-
dis vacant, neglectis interim aliis lucrandi occa-
sionibus; id quod pretio æstimabile est. Non
licet tamen ideo pretium legitimum, vel natu-
rale excedere; quia illius tituli in communi
taxatione prerii habetur ratio. Qui tamen non
ex officio, sed incidenter vendit, non prohibe-
tur eodem pretio communi vendere; quia hoc
justum est, nullique fit injuria.

4^{ta} causa sunt expensæ, molestiæ, labores,
pericula in mercibus istis comparandis, & con-
servandis communiter subeunda. Hæc enim
sunt pretio æstimabilia: proinde merces cariùs
vendi possunt; nisi tamen, ut ordinariè fieri
solet, eorum ratio jam sit habita in communi

taxatione pretii. Hinc si tales merces jam certo pretio communiter vendantur, pretium auctoris non debet, nisi accedat alius titulus.

Dixi : *Communiter subeunda* : nam si quis plus periculi, laboris vel damni subierit, aut majores expensas fecerit, quam alii ordinariè soleant, non ideo poterit pretium augere : sicut non tenetur minuere, si ordinarias expensas non fecerit, minus laboris, & periculi subierit : nam nec infortunium, aut difficultas, nec industria, vel bona fortuna unius communem mutat estimationem, quæ petitur à communiter contingentibus.

107. Resp. 2. Pretium decrefcit ex his caufis :
Decrefcit ite- 1^ama est emptorum paucitas, quod enim mi-
rum ex nus quaeritur, minoris quoque æftimatur, &
quatuor. hinc in fine nundinarum merces minoris juftè emuntur.

2^ada est copia mercium fupervenientia : quia minoris æftimatur, cujus major eft copia.

Emptio, 3^atia eft modus vendendi : ac primò qui-
et ven- dem, fi res vendantur fub hafta, feu auctione
ditio fub publica : ficut enim in tali occafione valde
hafta. crefcit pretium ex fervore licitantium ; ità ex frigore eorum multùm decrefcit. Hinc communiter tunc cenfetur juftum pretium, quod obtineri, & pro quo res haberi poteft abfque vi, & dolo. Sic fert paffim prudentum, & piorum fensus, & ufus, in quem communitas, & publica poteftas cenfetur confentire, modò, ut dixi, abfit vis, & dolus : nam ficut injuftum eft, mendacio, vel dolo inducere emptorem, ut carius emat, etfi non fuprà juftum pretium : ità injuftum eft, & obnoxium reftitutioni, fi venditor rei fub hafta fubordinateet alios, qui fingentes, fe velle emere, augeant pre-

pretium, ut veri emptores in pretio augendo ascendant, vel, si executor venditionis capret tempus, in quo pauciores sint emptores, ut ipsius amici pretio viliori emant, vel si emptor impediatur alios ab emendo, vel pretio augendo: nam quilibet habet jus, ne vi, vel fraude à suo commodo impediatur. 2dò. Si merces ultro offerantur, emptores quarantur. vel rogentur, si merces in magna quantitate simul emantur: si enim offerantur ultro, merces vilescunt; quia hoc indicat paucitatem ementium, suspectamque reddit mercis bonitatem. Sic spolia à militibus capta parvo veneunt. Si autem in magna quantitate simul emantur, liberatur mercator curis, labore, impensis, periculis, ob quæ aliàs pretium crescit, fitque expeditior ad alias emendas, quod illi utilius est, quàm si eas successivè ordinario pretio vendidisset: proin auferitur impedimentum utilitatis, ob quod aliàs pretium majus esse posset.

Notandum tamen, non licere minoris emere *Quid, si* res pauperum, ex eo præcisè, quòd necessitate *pauper* compulsi eas venales proponant: iniquum enim *offerat* est, ob necessitatem proximi pretium minuere: *quid veq* uti iniquum est. illud augere ob necessitatem, *nale* & utilitatem, aut specialem affectum emptoris; cùm hæc non sint vendentis, sed ementis. Injustum autem est aliquid vendere, quod suum non est. Sic injustè vendis tuam domum mihi carius, quia mea contigua est. S. Th. 2. 2. q. 77. a. 1.

Quarta causa, ex qua pretium decrescit, est merx parum utilis emptori, emptaque tantùm in gratiam venditoris; valor enim decrescit ex parva utilitate, & emptorum paucitate.

Q U Æ S T I O V.

An liceat aliquando vendere supra ,
aut emere infra justum pretium
vulgare rei , secundum se
spectatæ ?

208. Resp. Per se loquendo, non licet ; attamen
Si adfit licet , si adfit justus titulus, quales sunt ; lucrum
justus cessans, damnum emergens, periculum pretii,
titulus molestiæ in eo obtinendo , affectus specialis
licet. prudens venditoris erga rem suam. *Ratio pri-*
ma partis est : quia omnis contractus onerosus
est actus Justitiæ commutativæ ; hæc autem
requirit , ut æqualitas in eo servetur : neque
enim excessus censetur gratis & absolute dona-
ri , vel defectus remitti ; sed merx & pre-
tium dantur tanquam æquivalens in æstima-
tione morali , quæ cum suam latitudinem ha-
beat , licet pretio justo summo vendere , & in-
fimo emere , quod tamen debet determinatum
esse : alias enim obligatio oriri non potest tra-
dendi rem , vel pretium. Hinc venditio non
valet : si dicas : Vendo tibi hoc vinum, quanti
volueris : valeret tamen , si diceres : Vendo
tibi , quanti illud emi , quanti hodie dum ven-
ditur simile ; quia pretium à parte rei foret de-
terminatum. *Ratio 2da partis est* ; quia , si
adfit justus titulus , is pretio est æstimabilis ;
ideoque , etsi plus exigatur , aut minus solva-
tur , adhuc servatur æqualitas, modò titulus non
pluris taxetur , quàm valeat. Pars hæc ordine
declaratur ; nam 1. Merito exigis compen-
sationem . si res tuas vendas in gratiam alte-
rius eo tempore , quo minoris valent , & præ-
videas,

videas , te postea cogendum ad emendum
pluris pro sustentatione tuæ familiæ. Item si
decreveras servare tua in tempus , quo sunt
pluris valitura , & vendas alteri nunc egenti ,
vel volenti emere : neque enim teneris cum
tuo damno vendere ; ut autem justè taxetur
excessus , vel defectus , deduci debent expen-
sæ , quas facere debuisses pro conservandis ad
illud tempus rebus tuis, computari quoque de-
bet æstimatio diminutionis, deteriorationis, &
periculi res ad illud tempus servandi : aliàs
plus exigeres , quàm pariaris damni , aut lucri
cesset. 2. Si sit periculum pretii , aut mole-
stia in illo obtinendo , hoc periculum in gra-
tiam alterius subire est pretio æstimabile, quod,
consideratis omnibus , prudenter taxandum est.
3. Si adsit specialis affectus prudens erga rem,
quam in gratiam alterius vendis, v. g. quia est
antiqua, rara, à Principe, vel à Majoribus ac-
cepta , &c. justè aliquid proportionatum exi-
gis prudenti, & moderato affectui, ut huic re-
punctias : nam molestia subeunda in carentia
rei specialiter æstimatæ, & amatæ, imò & pri-
vatio specialis rationabilis delectationis in gra-
tiam alterius est pretio æstimabilis , tanquam
quædam incommoditas, non, secus, ac privatio
utilitatis.

Est tamen monendus emptor , dum plus ob
affectum, luctum cessans, aut damnum emergens
exigitur : aliàs ab ipso ignorante, & non con-
sentiente exigitur pretium pro aliquo merci ex-
trinfeco ; quod æquum non est , cum ipse non
consentiat, nisi in pretium pro valore rei secun-
dum se spectatæ, imò fortè alibi emeret, si sci-
ret , exigere pretium , excedens valorem mercis
secundum se spectatæ.

209.
Solvitur
objectio.

Dices. In foro externo non datur actio ei, qui emendo carius, vel vendendo vilius, non est deceptus ultra dimidium iusti pretii, v. g. si agrum tuum valentem 100. aureis vendidisti 60. vel 50. non potes intendere actionem ad rescindendam venditionem, vel ad supplendum defectum pretii; quia non es deceptus ultra dimidium iusti pretii; secus autem, si vendidisti infra 50. Similiter, si agrum valentem 100. aureis emas 152. vel pluris, potes agere, ut vel emptio rescindatur, vel restituatur excessus ille, non tamen, si emeris 140. vel etiam 150. Colliguntur ista aperte ex *L. 2. c. de rescindenda Venditione*, & *L. 8. ibidem* &c. Jam verò leges, quæ sunt iustæ in foro externo, etiam iustæ sunt in foro interno, nisi lex nitatur falsâ præsumptione, aut sit merè pœnalis: hæc enim non obligat in conscientia ante sententiam Iudicis. Engel. *L. 1. Tr. 2. §. 3. n. 36.*

2. *L. 16. ff. de Minoribus* dicitur, in pretio emptionis & venditionis naturaliter licere contrahentibus se circumvenire; ergo juxta leges civiles licet per se minoris emere, & pluris vendere, quàm res valeat.

Resp. Neg. Conseq. Lex non decepto ultra dimidium non dat actionem; tum, ut vitentur lites, quæ innumeræ sequerentur, si ex qualibet fraude daretur actio; tum, ut homines discant cautè mercari. Non tamen fraudator, qui alterum vendendo, vel emendo decepit citra dimidium, excusatur in foro conscientie à restitutione, etsi putârint id quidam Legistæ; quia non servatur æqualitas inter mercem, & pretium, nec id, quod excedit, censetur liberaliter donatum. Leges iustæ in foro

foro externo, sunt quidem regulariter iustæ in foro etiam interno: id est, quæ obligant, vel absolvunt in uno, id & faciunt in altero, ac non semper; & tantum iustæ materialiter sunt in externo. Sic iustè negatur actio in foro externo, & tu iustè eam non permittis; sed non ideo deobligaris à compensando defectu pretii.

Nec juvat lex altera: nam dum dicit, naturaliter licere, idem est, ac dicere, jure gentium, quod naturalè dicitur, id permitti, seu non dari actionem. Nec verum est, quòd lex transferat dominium; aliàs foveret injustitiam, & defineret esse lex. Vide dicta 1. P. sub n. 156. in fine. *Ex dictis deduco*

1. Qui rem emit minoris, quàm infimo iusto pretio, aut vendidit pluris, quàm summo, tenetur supplere defectum: idem est de eo, qui vendidit supra pretium legitimum, nisi esset certò injustum, aut haberet merces notabiliter meliores, quàm passim in foro vendantur. Idem quoque est de lanione, qui partes carnis meliores vendit supra taxam, & viliores secundum illam; quia tenetur parti carnes secundum proportionem meliorum, & viliorum partium.

2. Si venditor ignoret valorem mercis suæ, velitque eam vendere minoris iusto, non potest eam sic licitè emere, sed teneris vel mone-
Quid, si venditor ignoret pretium mercis.
 re, vel saltem pretium iustum infimum offerre: aliàs non servatur æqualitas. Nec excusaris, si dicas: Volo tanti emere, si velis donare, quod fortè pretium excedit; nam donatio illa non foret spontanea, sed consentiret venditor, eò quòd nolis aliter emere. Aliud foret, si uterque ignoraret valorem mercis &

tu exponeres te periculo plus dandi, & alter minus justo accipiendi : tunc enim justus esse potest contractus de pretio, bona fide existimato, etsi forte justo majus, aut minus foret. Similiter, si ignores valorem mercis, & offeras pretium justo majus, tenetur te monere venditor ; quia non censeris excessum donare liberaliter, nisi aliunde constet, sed illum offers ex errore, adeoque involuntarie. Si tamen Principes offerant pretium majus, censentur plerumque excessum liberaliter donare ; quia decet, Principem esse liberalem.

212.
*Vendi-
tio ad
credi-
tum.*

3. Non licet plus vendere præcisè ob dilatatam, nec minoris justo vulgari pretio ob anticipatam solutionem ; quia ratio temporis per se nihil confert ad pretium, & solutio futura per se æquivaleret præsentì. Unde in utroque casu est virtuale mutuum. ratione cujus nihil licet exigere. Dixi : *Præcisè* : nam licet aliquid proportionatum exigere supra vulgare pretium, si probabiliter pro accipiendo pretio molestiæ sint subeundæ, sumptus faciendi, vel, si cesset ob dilatatam solutionem lucrum, vel damnum emergat. Quod tamen in mercatoribus rarum est : si enim vendant ad creditum, plures habent emptores, sunt liberi à labore merces conservandi, à periculo, ne vitium contrahant, vel, si huic merces non vendidissent, vendituri fuissent alteri vulgari pretio, aut pecuniæ numeratæ non fuissent negotiationi expositi intra tempus, quo non solvitur ; sicque lucrum compensatur. Si tamen hic titulus adesset, monendus de hoc esset emptor, deberetque auctario detrahi, quanti expensæ, & periculum novæ negotiationis prudentis viri judicio æstimatur. Cæterum, sicut licet emere

Emere infimo pretio iusto; & vendere summo semper, nisi aliud proximi charitas exigat: ita licet vendere summo pretio iusto ad creditum, etsi alias minoris fuisses venditurus: talis enim venditio saepe multis incommodis, & periculis est exposita.

4. Privatus qui scit mercis pretium brevi minuendum, potest, salva Justitiâ, eas pretio corrente vendere: & qui pecuniæ valorem ex-^{213.} trinsecum brevi scit minuendum, potest eam *Quid, si* exponere secundum valorem præsentem, mo-^{scias,} do absit fraus. *Ratio est;* quia pretium præ-^{valorem} sens est iustum, & necdum immutatum: neque *pecunia* enim privata scientia mutat decretum Magistra-^{brevi} tus, aut communem æstimationem. Dixi 1. *minuendū esse* *Privatus:* nam Magistratus peccaret contra Justitiam, & teneretur ad restitutionem, si præ-^{214.} tia rerum mutaret, vel valorem pecuniæ ob privatam utilitatem suam, vel decretum differ-^{215.} ret promulgare eo tantum fine, ut prius merces suas corrente majore pretio vendat, vel alias emat in pretio postea augendas; aut, si alicui legem brevi promulgandam significaret cum aliorum detrimento. *Ratio est;* quia potestate sua, utpote directè ordinatâ in utilitatem subditorum, utri non potest in utilitatem propriam, vel unius privatam cum aliorum detrimento, teneturque ex officio omnium bono consulere, & damna impedire. Dixi 2. *Salva Justitiâ:* nam potest peccari contra charitatem: v. g. si pauperi magnam pecuniam brevi minuendam solveres, aut magnam copiam rerum, quarum pretium scires brevi notabiliter minuendum, venderes: sic enim proximum conjiceres in gravem necessitatem ob lucrum tunc, quod repugnat charitati. Sicut repug-

naret, si illi in gravi necessitate non succurreres, ubi sine gravi incommodo tuo posses. Dixi 3. *Modò fraus absit* : nam si alteri persuaderes, periculum non esse pretii minuendi, sicque mendacio induxisses ad emendum, vel pecuniam acceptandam, contractus esset injustus, & obnoxius restitutioni.

214.

*Quid de
falsa
moneta?*

5. Peccat pro quantitate materiæ, qui emit pecuniâ certò, vel probabiliter falsâ materialiter, sique eam exposuerit, tenetur recipere, & bonam substituere. Quod si illam ab alio acceperit, potest ei si noverit, eam reddere, & aliam exigere; si non noverit, nec invenire possit, detrimentum illud debet vel casui, vel improvidentiæ suæ adscribere, & pecuniam suppressere, aut detecto vicio vendere, quanti justè poterit: neque enim ex eo, quòd deceptus sit, licet alterum decipere. *Ratio horum omnium est*; quia aliàs non servatur æqualitas à Justitia intenta. Quod si pecunia esset materialiter bona, & falsa tantùm formaliter: id est, si habeat materiam, qualem habere existimatur, & debet in debito pondere, sed non formam, seu signum Principis legitimâ autoritate appressum, exponi potest, si nullam alteri damnum inde timendum sit.

Q U Æ S T I O VI.

Quæ vitia mercis teneatur venditor manifestare emptori?

215.

*Vitia
mercis.*

Nota. Vitia mercis alia sunt substantialia: ut, si vendas vitrum pro gemma, succum pomorum pro vino de vite. Alia sunt accidentalialia, eaque vel in quantitate, vel in qualitate: ut,

ut, si vendas oves morbidas pro sanis. Item alia sunt manifesta, quæ omnibus facillè patent; alia occulta, quæ non facillè passim notantur: alia damnosa Emptori, aut saltem talia, ut iis cognitis, vel non emeret, vel saltem non tanti; alia non talia. Quodd venditor teneatur vitium substantiale manifestare id non advertenti Emptori, constat ex dictis; quia nempe Emptor non consentit in substantiam contractûs, nisi materia sit saltem moraliter eadem cum illa, quæ intenditur: ut esset, si unum medicamentum certò æquè salubre, & utile substitueretur alteri. Itaque de solis vitiis accidentalibus est quaestio, ad quam.

Resp. imò Si venditor interrogetur de vitiis mercis, tenetur manifestare omnia occulta, quamvis mercem, nec inutilem, nec damnosam faciant; quia, si interrogatus non respondeat sincere, dolum committit, qui si fuerit antecedens, causaque contractûs, ita, ut vitio cognito Emptor non fuisset empturus, contractus saltem rescindibilis est; si autem fuerit incidens, seu talis, ut vitio cognito Emptor adhuc fuisset empturus, sed non tanti, venditor tenetur ei restituere ex pretio, quanto minoris justè emisset; quia eatenus illi injuriam fecit. Putat Sporer, hæc vera esse, etsi vitium tantum esset leve; eò quodd Emptor interrogando satis indicaverit, se tantum habere voluntatem conditionatam emendi, vel tanti emendi, si nullum esset vitium, quod scire voluit. Verum cum vix res sit ab omni vitio omninò pura, non videtur in tali rigore intelligi interrogatio. Cæterum si venditor interrogatus putaret etiam non occulta vitia ab

216.
Interrogatus tenetur vitia denotare.

Emp-

Emptore non notari, teneretur & illa aperiri; quia generatim interrogat de omnibus. Itā Less.

Secus, si Contra si venditor non interrogetur de vitio rei, hocque rem nec noxiam, nec periculofam, nec notabiliter inutilem reddat, non tenetur aperire vitium etiam occultum, tenetur tamen minde precium pro ratione vitii. *Ratio 1^a pars est*; quia tunc nulla Emptori fit injuria, et si forte, sciens vitium, non fuisset empturus, sicque etiam sit secundum quid involuntaria. Itā habet communis cum S. Th. quæ nisi vera esset, multi emptores pretio justo postea detraherent, & venditores a commercio cum magno Reip. detrimento deterterentur. *Ratio 2^a pars est*; quia alias plurius venderet, quam valeret. Unde si venditor probabiliter prævideret, rem ab emptore revendendam esse plurius, quam justo pretio, ob latens vitium, deberet monere saltem post contractum; quia, qui exponit rem venalem, providere debet, ne alii inde damna patiantur. Si emptor notaretur nolle emere, nisi res vitio careat, emptio esset invalida.

217.

Tenetur 2. Si autem merx habeat vitium, ob quod sit damnosa, vel periculosa, inutilis, vel notabiliter minus utilis ad notum emptoris finem; tenetur venditor, si id sciat, etiam non interrogatus, si vitium sit, rogatus illud manifestare: alias tenebitur restituere pretium, & compensare damna; quia injusta horum foret causa: quilibet enim vendens censetur agere sincere, & mercem vendere non noxiam, non inutilem; sique secus fiat, emptor non consentit in eam. Est autem res damnosa, & inutilis, si non sit apta usibus communibus, ad quos solet emi, vel emi.

emittitur. Unde peccat, qui occultans vitium rei ob quod brevi corrumpitur, eam vendit. nisi mox esset, ab emptore sine detrimento consumenda. Sic peccat, qui vendit semina corrupta pro recentibus, frumenta pro polenta ad coquendam cerevisiam, quæ destituta sint vi germinandi, oves scabiosas pro sanis; pannum adustum pro durabili, tigna cariosa pro ædificio, bona ligerosa pro liberis, & certis, debita periculosa pro securis, equum segnem pro generoso. Item qui sciens à Cajo quæri bovem aptum aratro, vendit illi ad id ineptum, bonum tamen pro macello, ut habet communior, & probabilior contra S. Antoninum, & alios; quia licet sit simpliciter bonus, & dignus isto pretio, Cajo tamen in illum non consentit, teneturque venditor ejus se menti accommodare. Dixi: *Tenetur de damnis, si vitium sciverit*; nam si id inculpabiliter ignoraverit, tenetur tantum reddere pretium, si ignorantia in emptore fuerit causa contractus; vel excessum pretii, si tantum fuerit causa, cur pluri emerit.

Resp. 3. Venditor regulariter non tenetur manifestare vitium mercis ex se manifestum; sed *Nisi visus* sufficit, debetque pretium minuere pro ratione *etiam ex* vitii. *Ratio est*; quia vitium tale præsumitur ad se effectum, sique emptor non advertat, debet imputare suæ incuriæ. Dixi *Regulariter*; quia si emptor esset tam rudis & hebes, ut vitium etiam manifestum non adverteret, monendus esset, quia respectu ipsius vitium censeretur occultum.

Dices. Possum emere agrum communi pretio, in quo privatim scio latere thesaurum, quia *Obiectio* non ideo pluri fit in æstimatione communi; et *solviuntur*, ergo possum vendere debitum periculosum, si in communi æstimatione censeatur securum. R. C.

ant. N. coam, quia thesaurus nec est pars, nec fructus fundi, nec pertinet ad dominum fundi, sed nullius est, per accidens in agro latens, dominoque fundi nec ex dimidio debetur, donec inventor eum apprehendens, voluerit facere suum. At vitium talis debiti est illi intrinsicum, facitque ipsum intrinsicè vilis. & postea manifestandum. Idem à potiori dic, si scias debitorem tuum non esse solvendo; quia ex debito fit non debitum, cum nemo ad impossibile teneatur. Idem dicunt Less. & alij de vena metallica, quod dixi de thesauro: juxta quos vena talis est imò occupantis, & ager emetur tantum ratione superficie, & virtutis frugiferæ; & hinc ratione venæ passim ignotæ non æstimatur pluri in ordine ad usus humanos, nisi communiter id cognoscatur saltem à venditoribus. Quod si ignorans venam bonâ fide emisisses agrum, certum est in praxi, non habendam dein rationem istius venæ; quia, quæ à nemine cognoscuntur, non æstimantur pretio: unde emptor nunquam tenebitur compensare valorem venæ. Sic inquit La Croix hic n. 952. si emisisti vas, quod communiter æstimabatur æneum si postea inveniaturn esse ex parte aureum. non teneris communi pretio aliquid superaddere; quia non fuit error in substantia morali, & commercio humano.

Q U Æ S T I O VII.

An, & quatenus liceat vendere res mixtas, & inducere emptores, ut carius emant?

210.
Quid, si res fiat

Resp. Peccat contra justitiam, & ad restitutionem

tationem tenetur. 1. mod. Qui vendit rem aliā *viliore* mixtam, si commixtio noxia sit, vel reddat rem deteriore. aut minus utilem; quia *per mixturam.* injustè contra fidem contractus decipit emptorem, qui putat, sibi vendi res puras, & non minoris bonitatis. Si autem res maneat idonea ad consuetum usum, nec reddatur deterior, quàm illa, quæ simili pretio ab aliis venditur, potest licitè vendi. saltem si remittatur proportionatè de pretio. Ità Molina, Laym. Sporer, La Croix n. 957. & alii. Addit Less. si materia deterior per industriam meliori ità admisceatur, ut meliùs temperetur, posse vendi consueto pretio: verùm in praxi id non facilè permittendum; quia amor lucri facilè hominibus, suæ utilitati intentis, persuadebit, non obstante mixtione rem manere æquè bonam, aut eam fieri meliorem. Quòd, si vinum tuum purum non possis justo pretio vendere & misceas aquā, vendasque amphoratis, excusat te Layman, modò justum pretium non excedas, & pro aqua non exigas pretium. Secus foret, si vali vendendo aquam affunderes; quia sic vinum faciliùs acescet: unde hoc casu vilius vinum admiscendum foret.

2. Et si liceat laudare merces suas, & ità 221. inducere ementes, ut carius emant intra justum *Licet* pretium; peccat tamen contra justitiā cum *inducere* onere restitutionis, qui fraude vel mendacio *re empti* ementes inducit, ut carius emant: uti qui sub *tores,* dolo facit, ut mercis bonitas major appareat, *sed sine* quàm in se sit; qui auget pondus, vel extensionem per dolum. v. g. avenam aquā perfundit, lanam ponit in loco humido, ut fiat ponderosior; qui fingit litteras, vel spargit falsum *mendacis* rumorem de urbe obsidenda, de submersis navibus,

vibus, quæ tales merces vchebant, ut sic carius vendat merces suas. Hoc casu & alios, qui bonâ fide carius vendiderunt, teneri ad restitutionem, tenent apud La Croix n. 955. Castrop. Salas, & alii; quia pretium est injustè auctum, & iniquum respectu auctoris sui: ergo & respectu aliorum.

222. 3. Peccat cum onere restitutionis, qui vendit *Quid, si infimo justo pretio, & detrahit de pondere, vendat vel mensura, ut habeat pretium medium; minoris imò, & qui vendit infra infimum, & ut hoc & de- habeat, detrahit de pondere vel mensura, vel trahat mercem viliori miscet; quia ab aliis mercatoribus ad se trahit emptores per dolum, & decipit ementes: unde tenetur aliis mercatoribus compensare damnum, uti & emptoribus, si quod passi sunt.*

223. 4. Etsi peccent mercatores dicendo falsò, *Si venditor vel jurando, mercem sibi pluris constare, se falsò jurare, sibi pluris jam vendidisse, se non posse sine damno vendere minoris; attamen saltem regulariter, sibi non tenentur ad restitutionem, si ementes inducantur ad pluris emendum; quia latè constat, ejusmodi dicta adhiberi à mercatoribus lucri causâ, & sæpè falsa esse; hinc imputent sibi emptores, si facillè credant. Ira La Croix N. 956. Excipe, nisi emptor esset nimis simplex.*

Q U Æ S T I O VIII.

Quandonam Emptor acquirat dominium rei emptæ.

224. Resp. Quando res est tradita, pretiumque *Si res realiter, vel æquivalenter solutum; regulariter tradita- ter*

res autem non ante. *Ratio est* ; quia tum, & *tur, &*
 non prius intendit venditor transferre domi- *pretium*
 nium, ut constat ex jure gentium, praxique *est, vel*
 communi. Censetur verò pretium æquiva- *habetur.*
 lenter, vel virtualiter solutum, si pro eo sit *pro solu-*
 præstita cautio per pignus, vel fide- *to.*
 jussorem, aut fides sit habita, ita, ut venditor sit conten-
 tus, uti sit plerumque, promissione emptoris,
 sicque pretium pro soluto habeat. Hinc si res
 auferatur, antequam pretium sit in se, vel in
 æquivalenti solutum, restituenda est vendito-
 ri. Dixi *Regulariter* : nam quando principa-
 lis venditor est Ecclesia, vel Fiscus, vel mi-
 nor, res per venditionem ministri, procura-
 toris, vel curatoris non alienatur ante actua-
 lem pretii solutionem. La Croix N. 966,
 274:

Q U Æ S T I O IX.

Ad quem pertineat periculum, com-
 modum, & incommodum rei
 venditæ ?

Resp. Per se loquendo pertinent ad domi- 225,
 nium rei : æquitas enim naturalis postulat, ut *Regula-*
 res pereat, fructificet, sterilescat suo do- *riter ad*
 mino : unde nisi aliter conventum sit, re tra- *domi-*
 ditâ, fideque de pretio acceptatâ à venditore, *num rei,*
 ista pertinent ad emptorem. Dixi : *Per se lo-*
quendo : nam Jure civili hæc statuta sunt. Imò:
 Et si res emptori necdum sit tradita, adeoque
 nec ejus dominium habeat, si tamen vendita
 sit absolute, & in individuo determinata, sal-
 tem sub disjunctione, v. g. hic equus, hic
 ager ; perit, fructificat, crescit, & decrescit

Emptori, nisi aliter conventum sit, vel culpa venditoris intervenerit, v. g. quod rem non custodierit, statuto tempore non tradiderit.

2. Si autem res non fuerit in individuo determinata, pertinent ista ad venditorem: ut si emas 20. modios tritici ex acervo, vel etiam acervum tritici uno imperiali in singulos modios, sex oves ex grege, non determinando eas, vel hunc gregem uno imperiali in singula capita; quia talis venditio non est perfecta, sed conditionata, si nempe traditz fuerint tot oves, mensurati tot modii. Aliud foret, si emereres non ad num. rum, vel mensuram, sed cumulativè totum gregem, vel acervum; aut ex duobus equis emereres unum sub disjunctio-
ne, ut tibi traderetur hic, vel ille: tunc enim si ambo perirent post venditionem absolutè factam, tenereris solvere pretium, etsi nihil reciperes; si vero unus tantum periret, Jus haberes ad alterum. Excipe tamen iterum, nisi culpa intervenerit ex parte venditoris, si v. g. terminum rei mensurandæ, vel numerandæ culpabiliter transgressus esset. 3. Si venditio fuit sub conditione de futuro contingenti, periculum rei venditz pertinet ante traditionem ad venditorem, sique pereat, illi perit; quia venditio fuit imperfecta. Si autem pendente conditione solum decreseat, vel crescat, commodum & incommodum pertinet ad emptorem, nisi incommodi causa fuerit venditor; & contractus purificatâ conditione est absolutus, jurisque fictione retrahitur, ac si res in eo statu fuisset vendita. Ità statuitur *L. 1. Cod. de periculo, & incommoda res vendita. L. 12. de actione empti. L. 35. ff. de emption. & vend. Ec.*

Super.

Supereſt dubium, an rei determinatæ in individuo, abſolutè venditæ, non traditæ, non ſolùm pendentes, & apparentes, uti convenit, ſed etiam priùs poſt contractum exorti fructus pertineant ad Emptorem? Aſſirnat communior Theologorum contra plures Juristas, Sanch. Nav. Molinam; quia cum pericula ad hunc pertineant, æquum eſt, ut & fructus: aliàs non ſervaretur æqualitas. Dein fructus rei frugiferæ ſunt acceſſorii: ergo cum re debentur Emptori. Verùm quia pleraque pendent à voluntate præſumpta contrahentium; expedit, ut hi clarè exprimant in contractu intentionem ſuam circa ea, quæ controverti poſſunt. La Croix n. 977. 983.

226.
Quid de fructibus poſt contractum exortis?

Q U Æ S T I O X.

Quæ pacta venditioni, & emptioni licitè poſſint adjici?

Reſp. Poſſet licitè adjici pactum revendi-
tionis, quo obligatur Emptor, ut poſt tempus
rem jam ſibi traditam revendat, vel reſtituat
pro pretio ſoluto, modò ſincere procedatur,
venditorque remittat de pretio, ut onus em-
ptori impoſitum compenſetur, & non obligetur
ad revendendam rem pretio minori. Hoc enim
iniquum foret, eſſi pretium non eſſet adhuc
numeratum: nam contineret virtuale mutu-
um, qui contractus dicitur hiſpanicè Mohat-
ga, & proſcriptus eſt ab Innoc. XI. Si autem
prædictæ conditiones adſint, ſervatur æqualitas.
Si tamen res vendita indiſtriâ emptoris facta
eſſet melior, incrementum hoc ei compenſan-
dum eſſet.

227.
*Pactum revendi-
tionis.*

228.
*Pactum
 retro-
 emptio-
 nis.*

2. Adjici per se loquendo licitè potest pactum retroemptionis, quo venditor obligatur ad rem redimendam eodem pretio, si Emptori placuerit, modò prædictæ conditiones serventur. Emptorem tamen rei frugiteræ adjicere pactum, quo teneatur venditor postea rem recipere, & totum pretium emptori, retinenti fructus ex re interim perceptos, restituere, est in praxi periculosum, & affine virtuali mutuo: nam qui emit v. g. vineam cum pacto, ut post duos, vel tres annos eodem pretio redimatur, quo empta fuit, & fructus illi maneant, non videtur habere animum sincerum emendi, sed dare pecuniam præsentem, ut totam recipiat cum lucro. Excusari tamen poterit, si res ab initio ematur majori pretio proportionato spei fructuum, ob quam res antecedenter est magis æstimabilis, modò tamen fiat vera emptio.

229.
*Pactum
 legis
 commiss-
 foria.*

3. Licitè potest pactum adjici legis commissoriae: id est, quo emptor obligatur ad pretium solvendum designato die, sique eo non solvar, contractus sit nullus: v. g. vendo tibi hunc agrum 100. aureis, mihi numerandis 1 m^a Martii; sique illo die non numeres, volo, ut ager sit inemptus. *Ratio est*; quia cum venditor teneatur tunc expectare diem designatum, servatur æqualitas. Quod si eo die non numerentur, potest venditor vel petere pretium, vel repetere rem venditam. Si hanc repetat, teneretur Emptor etiam fructus perceptos reddere, & compensare damnum; quia fructus Emptori non fuerunt acquisiti, nisi ratione dominiæ resolubilis, quod perinde habetur, ac si non fuisset; eò quòd venditio reputeretur, ac si facta non fuisset.

4. Ad-

4. Adjici potest pactum additionis in di-
em : id est, quo venditur res certo pretio eâ ^{230.}
lege, ut maneat Emptoris, nisi alius ante cer- ^{Pactum}
tum diem plus offerat, v. g. vendo tibi hunc ^{addicti-}
agrum 100. aureis, si ante Calendas Januarii ^{onis.}
nullus plus obtulerit ; si autem quis ante plus
obtulerit, ager à te abeat. In venditione
cum hoc pacto dominium rei, uti & vindica-
tio statim in emptorem transit, etsi res non sit
tradita. Neque hoc pactum, uti nec com-
missorium, reddit contractum conditionatum,
sed relinquit absolutum, estque conditio ad-
jecta non suspensiva, sed resolutive contractus.
Hinc Emptor Jus absolutum acquirit ; sed de-
ficiente conditione resolvitur contractus,
& res ad venditorem redit. Hinc & commo-
da omnia, & incommoda pertinent ad Empto-
rem, eâ tamen lege, ut fructus rei omnes
etiam consumpti venditori sint restituendi, si
ante diem elapsum melior conditio offeratur,
& contractus resolvatur. Melior autem con-
ditio censetur oblata, si offerat quis aliquid
ad majorem venditoris utilitatem : ut si plus
offerat pretii, si pretium idem velit numerare,
& tempore commodiore, vel sublevet vendi-
torem etiam aliquo onere. Hanc conditio-
nem, si primus Emptor præstare velit, vel
adæquare, res emptâ apud ipsum manebit.
Non poterit tamen fructus pendentes retine-
re vi primæ emptionis, utpote quæ resoluta
est.

5. Adjici potest pactum locationis : uti si ^{231.}
Petrus vendat Paulo domum, nolens ejus et si ^{Pactum}
traditæ transferre dominium, donec pretium ^{locatio-}
solvatur, interim retinens ejus dominium cum ^{nis.}
periculo illam Paulo elocet erga justum loca-
gium,

gium, donec pretium solvatur: sic enim Paulum liberat periculo, partemque utilitatis ei permittit, partem autem sibi vult ex re sua solvi, ne re, & fructibus careat. Cavendum tamen, ne Emptor plus justo graveretur. Si autem dominium transferat, vel periculum in se non suscipiat, non potest pacisci de pendenda sibi parte fructuum, nisi adsit alius titulus, v. g. lucrum cessans, &c. Vid. Lug. disp. 25. n. 140. La Croix hic n. 981.

Q U Æ S T I O XI.

Quæ non liceat vendere, & emere?

232. *Non licet imò vendere rem alteri venditam.* Resp. Non licet vendere & emere imò rem alteri venditam, etiamsi necdum traditam; quia Emptor primus habet jus ad rem illam, si tamen secundo res tradita est, jam ejus dominium habet, & primo contra venditorem competit actio: imò si hic solverit pretium, non verò secundus, aut pactum iniverit cum venditore de re non vendenda alteri, secundus Emptor non acquirit dominium rei, etiam sibi tradita; quia tunc apponitur clausula Constituti, id est: venditor constituit se possessorem pro emptore, ideoque hic Emptor incipit possidere, & traditio æquivalenter præcessit. Hinc posterior venditio invalida est. Si autem adâ venditione translatum sit dominium, potest secundus emptor rem retinere, nisi venditorem induxerit ad vendendum, aut malâ fide processerit, & primus Emptor rem intra annum repetat. Hæc valent etiam in aliis contractibus, v. g. locatione &c. Excipe tamen res venditas, vel donatas Ecclesiæ, civitati, vel

vel piz causæ : hæ enim acquirunt dominium ante traditionem.

2. Vendere non licet rem hypothecatam, 2. Rem nisi monito Emptore de gravamine, quod res hypothecatam.

3. Nec bona sua in fraudem creditorum: his 3. Bona enim, cum Jus habeant ad solutionem debito- in pra- rum, fit injuria, si debitor se, vendendo sua, vel judici- donando, reddat minus potentem debitis sol- um cre- vendis. Et quanquam in Emptores transferatur ditorum. juxta probabiliorem dominium, contractus tamen rescindi potest à creditoribus; sique ementes procusserint malâ fide, non sunt tuti in conscientia; quia concurrerunt ad damnificationem, & determinatâ actione suâ eam compleverunt: unde tenentur ad restitutionem in foro interno, quod tamen negat Molina, & Less. dub. 19. n. 168. si vendentem non induxerint, eò quòd usi sint jure suo permittentes venditoris peccatum, cujus malitia jam per oblationem rei venalis completa sit. Lugo Disp. 20. cum aliis contradicit; quia determinatè cooperatur injusto impedimento, quo solutio fit impossibilis.

4. Res tum spirituales, utpote excedentes om- 4. Res ne pretium. tum Ecclesiasticas immobiles, & mo- spiritua- biles pretiosas, quæ servando servari possunt: ales. has enim vendere sine solennitate & consensu legitimi Superioris, seu Pontificis, aut saltem Episcopi, lege positivâ prohibitum est.

5. Licitum non est emere res etiam dubiè 5. Res furtivas cum animo eas retinendi, etsi certum furti- esset, eas ab aliis esse emendas, vel consu- vas. mendas; quia emens cooperaretur furi, & præveniens alios emendo, præveniret in injuria. Si tamen prudenter præsumeres, rem à Domino haberi pro derelicta, posses dare ali- quid

quid etiam leve pro ea, sicquo rem faceres tuam titulo non emptionis, sed occupationis. Si autem postea Dominus compareret, & rem pro derelicta non habuisset, deberes reddere. Dixi: *Animo retinendi*: nam cum animo eam Domino reddendi, potes modico pretio emere, tibi dein restituendo; quia utiliter gereres negotium Domini, quem tunc & tenereris inquirere. Imò si ex prudenti ratione judicasses, paratum esse Dominum refundere etiam magnum pretium, ideoque id furi dedisses pro re Domino vendicanda, posses rem retinere, donec tibi restitueretur pretium; quia bonâ fide ex voluntate Domini prudenter præsumpta processisti, censerisque utiliter rem Domini egisse, quod non debet tibi nocere.

6. Quamvis Less. in auctorio V. *beneficium casu sexto*, doceat, non licere ab hæreticis emere bona Ecclesiarum, & Monasteriorum, nisi cum animo, restituendi ea cum fructibus omnibus; probabile tamen videtur, licere Catholicis emere bona immobilia eorum, etiam sine conventionione cum Papa, & Generali ordinis, & retinere, quamdiu à propriis Dominis occupari non possunt, nec interea esse obligationem ad interesse, aut solvendum aliquid pro fructibus; quia præsumitur voluntas Papæ, & Dominorum, quòd malint fructus, & Jura cedere Catholico, quàm manere in manibus A catholicorum sine spe recuperandi: sic enim Catholici animantur ad ea emenda. Si tamen A catholicus ea emeret, careret hoc jure; quia Ecclesia non censetur illi favere magis, quàm alijs A catholicis. Dixi: *Bona immobilia*; quia si essent mobilia, v.g. calices, deberent restitui; quæ si bonâ fide sint empta,

empta, potest repertum pretium. Quod si nesciretur, ad quam determinatè Ecclesiam spectent, sufficit restituere Ecclesiæ ejusdem Diocesis, vel ordinis sub conditione restituendi vero Domino, si compareat. Similiter licitum est bona fidelium injusto bello à piratis capta emere, & in proprios usus convertere sine onere restituendi, nisi Domini compareant, & pretium datum reddant; quia censetur esse voluntas Dominorum, ut hæc bona potius in suum commodum habeant fideles, quàm infideles, uti habetur ex decretis S. Congreg. ab Urb. VIII. approbatis. Ita ferè La Croix N. 972.

Q U Æ S T I O XII.

An licita sint Monopolia?

Resp. Monopolium, quod est potestas emendi, vendendi penes unum, aut paucos tantum existens, si autoritate publicâ ex rationabili causa concessum sit, potest licitè exerceri: ut si uni Bibliopolæ soli certum librum vendendi, uni œnopolæ certa vina propinandi, uni artifici soli certum artificium exercendi, uni soli coquendi cerevisiam facultas sit concessa ex rationabili causa: qualis esse potest, si aliàs certæ merces non adducantur, nisi quis tali privilegio gaudeat; si pecunia sit necessaria ad bonum commune tuendum, & inde concessio privilegio proveniat: sic enim consulitur bono Reip. Providere tamen debet Superior Reip. ne nimio pretio graventur subditi.

Econq

*Non per
priva-
tam in-
ducta.*

Econtra illicita sunt monopolia, privatâ auctoritate inducta ; nam repugnat charitati, & justitiæ bonum privatum præferre communi, membraque Reip. private libertate pretio quocunque justo emendi.

Unde peccant imò cum onere restitutionis, si duo, vel plures conveniant inter se, ut certas merces non vendant, vel operas non eloquent, nisi summo pretio, etsi hoc non excedat justum ante conventionem currens, vel si conveniant, ut nemo emat, nisi pretiâ infimo; quia, etsi cuilibet liceat merces vendere summo justo pretio, & infimo emere; alio tamen inducere, ut non nisi summo vendant, aut infimo emant, est contra Jus, quod privati habent, ut possint emere, & vendere pretio quocunque justo.

2. Peccat. qui vi, metu, vel dolo impedit, ne merces aliunde advehantur, sicque suas vendit cariùs; nam quilibet Jus habet, ne vi, vel dolo à suo bono sperato impediatur.

3. Peccant Mercatores, tenenturque restituere, si conspirando supprimant merces suas, ut videantur raræ, sicque cariùs vendant; nam Resp. jus habet, ne ab emendo merces à quolibet pretio, quod spectatâ rerum copiâ justum est, impediatur. Potest tamen mercator privatim servare merces suas ad tempus, quo cariùs vendentur; quia sic utitur Jure suo, & nulli injuriam facit, neque impedit, quominus quisque emat apud alios pretio, quo poterit.

An peccetur contra justitiam, si unus, vel pauci certi generis merces, v. g. frumenta, salpas, &c. coemant omnes, aut ferè omnes,
quando

quando venduntur mediocri pretio, ut eas postea summo pretio vendant; controuertitur. Affirmant Laym. L. 3. Tr. 4. c. 12. n. 41. Sporer, & alii putantes, violari Jus Reip. privando ejus membra jure emendi minore pretio & autoritate propriâ constituendo monopolium. Negant Less. L. 2. cap. 21. Molina, Castrop. Dicast. Illung hic n. 168. & alii; quia, inquit, talis utitur jure suo, nec causa est, cur alii minoris emere, & maturè providere non poterint sibi. Addit Lugo, nec fore contra charitatem. si unus, vel alter solus id faciat sine gravi damno Reipublicæ.

Q U Æ S T I O XIII.

Quid de Venditionis rescissione, rei venditæ retractu, & evictione?

Resp. 1. Venditio rescindi potest imò multo tuo consensu, & tunc fructus percepti ex re manent emptori. 2. Si pactum venditioni adjectum non sit impletum. 3. Si emptor; vel venditor sit deceptus ultra dimidium justî pretii. Hoc jus convenit læso, quandoque etiam contra tertium, cui res vendita, vel donata est. Quod si læsio sit facta infra dimidium inculpabiliter, læsus non tenetur recedere à contractu, nec restituere fructus perceptos; tenetur tamen in conscientia compensare defectum, aut rem restituere. La Croix n. 993.

Resp. Retractus est jus lege, vel consuetudine introductum, quo conceditur revocatio ad se rerum ab alio venditarum, erga pretium idem, vel aliud justum. Si tale jus sit concessum consanguineis, ita, ut proximior venditori

ditori possit ab extraneo, vel consanguineo remotiore ad se rem revocare, dicitur retractus gentilitius. Ut autem licitè fiat, debet sine fraude, vi, & dolo cum animo sibi rem retinendi retrahi à vero consanguineo: aliter enim jus non habet. Laym. L. 3. Tr. 4. cap. 17. §. 6. La Croix n. 995.

Eviçtio. Resp. 3. Eviçtio rei venditæ est ejusdem ab altero possessæ per Judicem recuperatio: uti, si Titio vendidisti rem meam, & ego eam evincam apud Judicem; & hoc casu teneris Titio restituere pretium, & solvere expensas litis. Differt eviçtio à vindicatione, quæ est actio realis ad rem suam; & à conditione, quæ est actio personalis, ad rem sibi debitam recuperandam intentata.

C A P U T VI.

De Contractu Locationis, & Conductionis.

Q U Æ S T I O I.

Quid sit Locatio, & Conductio?

235. *Elocatio, conductio.* **R**esp. Locatio, & conductio est contractus onerosus, quo rei usus, vel fructus, aut personæ opera pro certo pretio, vel mercede ad tempus ab uno accipitur, & ab altero conceditur. Qui concedit ejusmodi, dicitur Locator; qui accipit, dicitur Locatarius, & Conductor. Operas suas erga mercedem elocant famuli, ancillæ, operarii diurni, medici, chirurgi, & alii ejusmodi. Pro pretio ad usum elo-

elocantur domus, equi, servi; ad fructum vaccae, oves, agri, prædia, quæ si urbana sint, Conductores dicuntur inquilini; si rustica, dicuntur Coloni. Res immobiles dicuntur locari pro pensione, debetque locatio non se extendere ad decennium; aliàs erit emphyteusis, & jure sic disponente transfertur dominium utile, quod alioquin manet apud locatorem. Praxis tamen habet, ut ad annos 12. elocetur. La Croix m. 1041.

Q U Æ S T I O II.

Quæ sint obligationes Locatoris?

Resp. Sunt hæc. 1. Teneatur aperire vitia no- 236.
xia rei elocata. Obligatio

2. Præstare tum expensas necessarias rei elocatae reparandæ, & usurpandæ, exceptis alimentis animalis, tum onera publica rei annexa, ut vectigalia, census, reparationes viæ publicæ; quia, qui sentit commodum, debet sentire & onus: nisi tamen aliter conventum, & ideo conductori minus pendendum sit. tiones
locatoris.

3. Teneatur remittere pretium, vel pensionem, quo tempore conductor non potest uti, vel frui re locatâ, vel operâ ex impedimento ab ipso locatore, vel re locatâ proveniente; quia tunc nihil adest pretio dignum.

4. Si ob sterilitatem, grandinem, hostium depopulationem colonus ex fundo frugifero nihil percipiat, teneatur locator remittere pensionem totam. Si sterilitas non fuerit magna, attendenda est consuetudo, & intentio prima contrahentium: quandoque enim sterilitas unius anni aliis annis compensatur, quando-

R. P. Reuter Theol. Mor. P. III. Y que

que sunt pacta, ut omni anno solvatur, & ideo minor pensio exigitur. Prudenti judicio ex circumstantiis est determinandum, quid æquitas postulet. Vide *La Croix* à n. 1049.

5. Si locator rem elocatam alteri vendat, uti potest; si non sit aliter conventum, tenetur curare, ut conductor non gravetur injustè, v. g. ne agro locato teneatur cedere prius, quàm fructus collegerit: aliàs tenebitur de damno.

6. Tenetur non augere pensionem ob industrialem fructuum abundantiam: industria enim fructificat suo domino, imò nec ob naturalem v. g. ob cœli clementiam, nisi esset plurium annorum. Item tenetur sustinere rei periculum, quia ipsius est.

7. Tenetur rem locatam non retrahere ante tempus locationi terminandæ præfixum, nisi ob casum improvifum, v. g. incendium re suâ egeat, aut hæc sit restauranda, & non possit altero v. g. inhabitante restaurari, aut si à conductore malè usurpetur, & deterioretur, vel is intra biennium pensionem non solverit. Hæ obligationes locatoris, nisi tempus ejus morte finiat, transeunt ad ejus hæredes, non tamen ad successorem particularem v. g. legatarium, emptorem, donatarium; sed hi possunt rem ad se revocare, quibus & conductor obnuntiare potest contractum; quia cum his non contrahit. Non potest tamen successor expellere conductorem cum gravi ipsius damno v. g. ab agro seminato, fructus collegerit.



QUÆSTIO III.

Quæ sint obligationes Conductoris, seu Locatarii?

Resp. Sunt hæc. 1. Tenetur uti re locatâ ^{237.} prudenter, nec ad alios usus, quàm sit locata, *Obligatio* nisi ex prudenter præsumpto saltem consensu *tionis* domini, aliàs peccat contra Justitiam. *condu-*

2. Tenetur eandem conservare curâ, quam *horis* diligentiores simili rei solent impendere, & *rerum* suis in ejus usû, & conservatione invigilare; aliàs tenetur de damno ex culpa lata, & levi etiam in foro externo.

3. Tenetur illi conservandæ expensas modicas, & quotidianas impendere, v. g. alimenta præbere animalibus, agros colere, stercorare, fruges metere, curare, ut res conservetur ab incendio, militibus, &c. Item statò tempore pensionem solvere totam, idque, licet sine sua culpa re uti, vel frui non possit ex impedimento proveniente ex parte ejus; quia, sicut locator non potest exigere pensionem, si ex parte illius impedimentum proveniat: sic æquum est, ut conductor solvat pensionem, si ex parte ejus stet, quò minùs uti, vel frui possit re locatâ.

4. Si rem, uti potest, alteri elocet, tenetur elocare æquè idoneo, ne detrimentum res accipiat, & ipse pensionem locatori suo solvere.

5. Tenetur rem locatam statò tempore restituere, nec ante finem ejus, invito domino, dimittere: aliàs tenebitur indemnem servare eam.

Q U Æ S T I O IV.

Quæ in hac materia sint observanda circa famulos, & operarios?

238.
*Obligaciones
conductoris
famulantium.*

Resp. 1. Conductor famuli, vel operarii teneretur cum hoc de justa mercede convenire, qualis est, quæ in iis locis communiter talibus dari solet, estque alia summa, alia media, alia infima, crescitque, & decrescit, ut pretium mercium ex variis circumstantiis: crescit v. g. ex penuria, & decrescit ex copia famulantium, censereturque justa in æstimatione communi, quæ non solet tanquam insufficiens recusari, aut, uno recusante, statim ab alio admittitur. Unde si conventum sit de infima, hæc acquiescendum, si de summa, hæc solvenda est.

2. Si tuo, famulum, vel operarium conducentis, arbitrio relictæ est merces determinanda, teneris dare justam, saltem infimam, quia conductio est quædam operæ emptio; quæ justum exigit pretium, mensque conducti fuit non gratis, sed pro justa mercede servire; adeoque de hac fuit conventio implicita.

3. Si famulus, vel operarius ultro se tibi offerat, tuque eo non egeas, sed ex charitate solum suscipias, teneris ei dare alimenta, sique ejus opera horum valorem utilitate superet, teneris superaddere æquivalens; quia jure naturæ dignus est operarius mercede suâ, & ex alterius indigentia non debes ditescere: sed nec is censeretur tibi excessum donare liberaliter. Quatenus autem sit excessus, ex æstimatione communi in talibus circumstantiis determini-

terminandum est, ut justa operæ, vel obsequiis merces respondeat.

4. Si operarius, vel artifex conveniat tecum de mercede per errorem minore; quam mereatur opera; teneris defectum supplere non secus, ac si emisisses rem pretio infimo minore: alias non servatur æqualitas, neque censetur artifex liberaliter donare excessum, in quem ex ignorantia consensit. *Excipe*, nisi contractus sponsonis intervenerit; ut, si spes fuisset artificis plus, quam labor, & sumptus ejus mereantur, & periculum etiam minus accipiendi, & tibi pariter periculum plus, & spes minus solvendi, sicque uterque se commisisset spei, & periculo.

5. Si operâ alterius conductâ uti non possis ex impedimento, aliunde, quam ex parte operarii proveniente, teneris mercedem pro die totam solvere, perinde ac si operâ impensa fuisset; quia æquum tunc est, ut tu potius damnum feras, nisi aliter conventum sit. Si ramen conductus operâ suâ tantundem alibi lucraretur, nihil ei deberes; si autem aliquid tantum, hoc mercedi decederet; quia opera illa tibi debetur. Hinc si plus lucraretur, hoc tibi deberetur. Econtra si conductus operam conductam ob impedimentum, ex sua parte etiam citra culpam proveniens, v. g. ob morbum non præstet, merces ei non debetur; quia non obligasti te ad illam dandam in tali casu. Quod si operam conductam suâ culpâ omisisset, teneretur compensare damna.

6. Bene laborantibus merces condicto tempore statim solvenda est; quia jus ad id habent. Si autem non debitè laboraverint, mercedem admittere non possunt, nisi respondentem labori; sique plus acceperint, tenentur restituere.

239.

Obligaciones famulanti-um

stitueret excessum, imò & compensare damnum, si quod eveniret, & lucrum cessans. Idem dic de famulis, ancillis, præceptoribus, &c. qui omnes tenentur ad diligentiam, qualem diligentes in ejusmodi rebus adhibere solent, quæque desidiam excludat. Ad summam tamen, quam diligentissimi, aut ad mediam, quam diligentiores solent adhibere, non tenentur, nisi de hoc pactum intervenerit.

240.
*Quid, si
domi-
sus fa-
mulum
dimit-
tat?*

7. Si dominus sine justa causa ante statum tempus famulum dimittat, vel irà tractet, ut meritò discedere debeat tenetur ei solvere totam mercedem. Si tamen famulus statim æque bonum famulatum accipiat, in foro conscientie dominus non teneretur ad totam, quia injuria damno-
sa non esset. Si autem non statim inveniret dominum, vel eandem mercedem non acciperet, teneretur dominus supplere defectum, & dare mercedem pro rata temporis, quo servivit. Similiter, si conductus ante tempus conditum sine justa causa discedat, perdit totam mercedem, nisi domino offerat famulum æquè bonum; hoc enim casu merces in foro conscientie solvenda foret, juxta Lug. Disp. 29. n. 56. pro rata temporis. Dixi: *In foro conscientie*; nam in foro externo post sententiam Judicis merces à domino solvenda in primo casu, & in secundo à famulo tota perdenda esset.

8. Operatio non debetur diurnum salariū, si uno die non laboret, famulo tamen nihil detrahatur, si exiguo tempore ob morbum, vel aliam justam causam laborare non possit: secus, si notabili tempore. De his vide plura in Tract. de Confessario.

CAPUT VII.

De Censu, Emphyteusi, Feudo,
& Libello.

Q U Æ S T I O I.

Quid, & quotuplex sit Censuſ?

Resp. Censuſ formaliter, vel causaliter, strictè spectatur, est contractus onerosus, quo certo pretio emitur jus percipiendi pensionem ex re fructifera alterius, vel persona propter laborem, industriam, negotiationem utili. Objectivè spectatur est ipsum jus percipiendi pensionem, quæ est vel pecunia, vel fructus v. g. ex agro, vel vinea, &c. & etiam Canon dicitur. Is, qui emit tale jus, dicitur Censualista, vel Censitor; qui id vendit, & pensionem tenetur solvere, dicitur Censuarius; res, in qua id fundatur, dicitur res censita, quæ, ut census sit justus, debet esse fructifera, uti & persona, in qua census constituitur, lucrosa: aliàs jus, quod est quasi ususfructus partialis, emi non potest. Item pensio conformis legibus, vel legitimæ consuetudini esse debet. Latius acceptus, est contractus, quo constituitur jus percipiendi pensionem ex re aliena, vel persona utili.

Resp. 2. Censuſ, latè acceptus, dividitur in reservativum, & consignativum. Reservativus est, quo quis transfert in alterum rei suæ dominium directum, & utile, reservatâ sibi pensione annuâ: hic extra dubium justus esse potest. Consignativus est contractus quo

241.
Definitio.242.
Divisio
in reservativum,
& consignativum.

quo quis, reento dominio directo & utili, super bonis suis, vel personâ, consignat alteri jus pensionis annuæ. Hic variè subdividitur.

243.
In rea-
lem,
persona-
lem, &
mixtum

Ac imò quidem in realem, personalem, & mixtum. Realis est, quo res aliqua v. g. domus ager, molendinum ad pensionem obligatur: hinc obligatio comitatur rem, ad quemcunque deveniet, velut servitus, & onus reale, cessatque vel ex toto, si res tota, vel ex parte, si ex parte pereat, vel fiat in perpetuum infructifera sine culpa censuarii. Dico: *In perpetuum*; quia si res uno, vel altero tantum anno non ferret fructus, & alius ferret tantos, ut defectus compensaretur; deberetur, per se loquendo, tota pensio. Hic quoque census certò licitus est, si ex re frugifera pensio sit conformis legibus, vel legitimæ consuetudini, quæ in Imperio sunt. Jure Cæsareo s. erga centum. Personalis est, qui immediatè super persona utili, ut tali, constituitur absque respectu ad rem aliquam. Mixtus est, qui constituitur in re frugifera simul, & personâ lucrativâ. Censum personalem licitum esse negant Molina, Nav. Lugo. Affirmat communior; quia sicut jus percipiendi pensionem ex re frugifera alterius est pretio æstimabile, ita & jus percipiendi ex alterius industria, negotiatione, & labore: persona etenim eatenus est frugifera, quatenus ipsa aliis potest lucrum facere, habetque ita praxis in Germania, Gallia, Belgio inter timoratos, quæ non facilè dampnanda est, nisi afferatur ratio evidens in contrarium. Dein vix est persona, quæ habens bona aliqua non censeatur habere industriam lucrandi saltem per alios, imò & per se, saltem per parimoniam. *Nec obstat* Bulla Pii V, quâ statuit,

ut

ut census constitui non possit, nisi in re immobili, aut quæ pro re immobili habeatur, ex natura sua frugifera; nam Bulla in his Partibus non est recepta.

2. Subdividitur in redimibilem, & irredimibilem. Irredimibilis est, à quo non licet, nisi ^{244.} *In redimibilem* mutuo consensu recedere refundendo summam, quæ emptus est census. Hic jure naturæ quidem licitus est, si onus censuario compensetur, cum sit quædam venditio, quæ de se perpetua est; *Et irredimibilem* jure tamen positivo illicitus est, ubi viget Constitutio Callixti III. & Martini V. Pontificum, qui ad justitiam census requirunt redimibilitatem liberam Censuario. Census redimibilis est, à quo licet uni parti recedere alterâ etiam invitâ, ob pactum explicite, vel implicite additum. Si licet recedere soli venditori censualistæ summam refundendo, dicitur redimibilis ex parte venditoris: & hic licitus est in omnium sententia, modò onus emptori compensetur, & pensio sit justa, quales sunt 5. erga 100. Patet à pari in venditione secundum dicta. Si autem etiam emptori liceat ob pactum recedere, ita, ut possit repetere summam capitalem, quæ jus ad pensionem emit, teneaturque venditor eam reddere, dicitur utrimque redimibilis, vel etiam ex parte emptoris. Hæc census constitutio, etsi speculative, & spectato jure naturæ videri possit licita, ut de retroemptione dictum est; in praxi tamen periculosa est ob speciem, periculumque usuræ; cum emptor non tam videatur intendere emptionem juris ad pensionem, quam hanc immediate exigere ex mutuo. Et hinc constitutio talis census à prædictis Pontificibus prohibita est.

145. His addi potest census vitalitius, qui ad
In vita- dies vitæ Censualistæ constituitur, estque em-
litium. ptio juris ad pensionem cum periculo damni,
 & spei lucri, ideoque involvit contractum for-
 tis, in quo contrahentes committunt se peri-
 culo damni, & spei lucri; ita ut capitalis sum-
 ma maneat Censuario post mortem Censua-
 listæ. In hoc constituendo habenda est ratio
 ætatis, complexionis, modi vivendi illius per-
 sonæ, ad cujus vitam constituitur, & meritò
 exprimendum, quæ sit obligatio, si persona
 illa intra annum ante terminum solutioni præ-
 fixum moriatur, an nempe pars pensionis re-
 spondens tempori sit solvenda hæredibus: ut,
 si terminus solutionis sit 1^{ma} Januarii, & Cen-
 sualista vitalitius moriatur in Junio, qui casus
 discussus videri potest apud La Croix L. 3. P. 2.
 n. 1923. *Ex dictis*

246. *Colliges.* 1. Cum contractus census sit quæ-
Corolla dam species emptionis & venditionis, potest illi
ria. adjici pactum non solum revenditionis, sed
 etiam pactum (modò serveretur æqualitas Justi-
 tiæ) quo venditor suscipiat in se rei censitæ par-
 ticularis periculum, ita ut illà pereunte teneatur
 adhuc solvere pensionem ex aliis suis. Item vi
 cujus teneatur reddere pretium, si intra cer-
 tos annos non solvat pensiones, neque ob hoc
 pactum pensio minui debet. Item pactum, quò
 priùs monere teneatur emptorem, quàm pre-
 tium refundat, hocque refundat in eadem mo-
 neta, modò æquale sit periculum augmenti, &
 decrementi: si enim valor monetæ certò foret
 augendus, pactum injustum foret, si aliun-
 de fieret compensatio. Denique pactum com-
 missorium, vi cujus res censita fiat Censualistæ,
 si Censuarius suâ culpâ intra certos annos pen-
 sionem

sionem non solvat, modò tamen pœna proportionetur culpæ, ut pro parva pensione non cedat res magni valoris, & pro onere minuatur pensio, fiantque omnia, quæ Justitia exigit.

2dò. Non licet Censuario vendere rem censitam cum gravamine Censuistæ, nec summam capitalem reddere per partes sine consensu ejus; cum sic redditam æquè applicare non possit.

3tò. Et si Jus ad quinque annuè solvendo non liceat emere minoris, quàm centum; licet tamen, spectato jure naturæ, pluri vendere; quia pensio taxata est in favorem vendentium. Potest quoque minoris emi, quàm ab initio fuit constitutum, quia habet se per modum mercis, & quæ emi potest pretio justo, summo, medio, infimo.

4tò. Si census fuerit constitutus super universitate bonorum, non extinguitur re particulari v. g. domo pereunte. Aliud est, si fuerit constitutus super re particulari secundùm dicta N. 243.

5tò. Juri naturæ non repugnat pensiones ex censu, successivè notabiles, non solutas erigere in sortem, iisque novum censum emere, & pensiones juri censuali proportionatas, & à legibus permittas majores exigere, modò res censita iis par sit, aut novo censui subjiciatur. *Ratio est;* quia, ut docet Navar. Mol. Less. hic n. 80. Castrop, ex debito vero, & legitimo, v. g. pecunia credita potest creari census; si enim ex pensionibus Petro debeas 100. potest is à te illis emere merces, alteri illos assignare in solutionem pretii pro agro, tibi relinquere pro pretio prati à te empti, cur non, saltem spectato jure naturæ, iis emere poterit censum? Dixi 1mò. *Juri naturæ non repugnat;* Nam S. Pius V. inter alia de censibus,

libus, contractu utrimque oneroso constitutis, vetuit ex pensionibus novum censum constituere, cujus decretum, ubi viget, servandum est. Verum nec illud, nec decreta Martini V. Callixti III. Pontificum, nec Caroli V. Imperatoris, quatenus in censibus restringunt jus naturæ, in Germania, Gallia, Belgio esse recepta, testantur AA. Germani passim, La Croix n. 1010. unde ista non impediunt, quominus in iis locis liceat ex pensionibus creare novum censum. Nec obstant leges civiles pro foro interno, nam hæ loquuntur de usuris usurarum, hoc est, de lucris, occasione mutui justo titulo percipiendis, & non solutis, quæ si redigantur in sortem, Anatocismus dicuntur, qui per leges civiles prohibetur: in merè positivis autem non tenet Conclusio ab uno ad alterum, dantque Auctores de Anatocismo agentes disparitatem; quia census ex vero emptionis contractu constituitur, estque principale, cum tanquam merx ematur; Anatocismus autem ex mutuo provenit, in quo lucrum est accessorium sorti. Præterea cum in censu debeat assignari res fructifera sine amissione domini non tam facile Censuarii, quam Mutuatarii ad inopiam istâ occasione rediguntur. Id quod leges civiles intendunt impedire. Dixi: *Pro foro interno*: Nam si non solutæ pensiones capitali adjiciantur in augmentum annui Canonis, fraus, & usura in foro externo præsumitur, non permittitur porro, si à Censuario census redimi nequeat, pretium juxta communem debet esse duplo majus; si autem redimi possit, merito minuitur pretium censûs; quia onus imponitur Censuistæ. Communiter in Germania pretium, quo emitur census redimibilis, ex parte solius Censuarii sunt 100. pro 5. Quod pretium ex
recepta

recepta consuetudine in Germania juxta Sporet & Tamb. etiam sufficit, & justum est pro censu utrimque redimibili, adjecto licet pacto asscurationis. De quo vide La Croix N. 1012.

610. Dum census emitur, non emuntur immediate pensiones, sed jus ad illas, cujus æstimatio proportionaliter decrescit: quo enim pensiones sunt remotiores, eò minus sunt æstimabiles ob pericula, ne res censui subjecta pereat, vel fiat infructuosa. Patet in simili: nam si emas vineam, non emis immediate vina aliquando proventura, sed ad illa jus, & spem, quæ minoris sunt, quam vina ad finem mundi proventura.

Q U Æ S T I O II.

Quid sit Emphyteusis, & quæ Emphyteutæ obligationes?

Resp. 1. Emphyteusis formaliter spectata est 247. contractus onerosus, quo res immobilis per culturam meliorabilis, quoad dominium utile alicui, sub obligatione pensionis realis annuè proprietario, retinenti dominium directum, solvendæ conceditur, non minus, quam ad decennium. Objectivè spectata est dominium utile sic concessum. Emphyteusis differt à Locatione; quia non constituitur, nisi in re immobili; nec minus, quam ad decennium; & dominium utile transfert. Cui Emphyteusis conceditur, vocatur Emphyteuta, Zins-Mann: qui eam concedit, dicitur dominus directus, Zins-Herr, Grund-Herr. Pensio dicitur Canon, Erb-Zins. Res emphyteutica dicitur feudum rusticum, Bau-ren-Lehn. Si Emphyteusis constituatur ad certos annos, dicitur temporalis; si ad dies vitæ, vitalitia:

litia : si etiam pro hæredibus, hæreditaria : si ab Ecclesia, Ecclesiastica : si à Laico, Laica dicitur.

248. *Obligatio-
tiones
Emphy-
teutæ.* Resp. 2. Emphyteuta tenetur imò statis tem-
poribus in pecunia, vel fructibus, prout con-
ventum est, solvete Canonem, sique negligat
per triennium solvere sæculari, & per biennium
Ecclesiæ suæ culpâ, cadit in pœnam commissi, &
rem amittit cum omnibus expensis in ejus melio-
rationem factis, nisi moram intra breve tempus
putgaverit, vel tacuerit dominus directus, &
Canonem in futurum acceperit. Notandum
tamen, biennium pro anno computari, si singulis
tantum bienniis res emphyteutica fructus ferat.

2. Tenetur præstare onera personalia, &
realia, quæ ratione rei emphyteuticæ imponun-
tur, expensas omnino necessarias rei conservan-
dæ, nec potest eas repetere, nisi fecerit extraor-
dinarias necessarias, aut ad perpetuam rei melio-
rationem pertinentes. Hinc si res emphyteuti-
ca ejus culpâ pereat, vel notabiliter deterioretur,
cadit in commissum; si verò tota pereat sine ejus
culpa, contractus extinguitur; si solum ex par-
te, Canon pro rata solvendus est; si tota occu-
peretur ab hostibus, probabiliter non est obliga-
tio ad Canonem.

249. *An ven-
dere
possit jus
suum?* 3. Non potest Jus Emphyteuticum sine con-
sensu domini directi vendere, sique vendat, &
emptori tradat, cadit res in commissum cum
omnibus emponematis, seu melioramentis. Po-
test tamen sine consensu domini directi alteri do-
nate, legate, ad breve tempus elocare, salvo
semper jure proprietarii quoad investituram, &
laudemium, seu honorarium pro laude, seu ap-
probatione, & investiturâ novi Emphyteutæ per
venditionem, donationem &c. succedentis, quod
hic solvere debet domino directo. Non debet id

autem

autem excedere quinquagesimam partem æstimationis rei emphyteuticæ, nec solvitur, quando Emphyteuta novus succedit, ut hæres; vel Emphyteusis datur filio in dotem à patre nihil aliud habente. Cæterum Emphyteusis Ecclesiastica alienari non potest sine solennitate à jure præscripta.

Q U Æ S T I O III.

Quid de Feudo, & Libello?

Resp. 1. Feudum formaliter acceptum est contractus, quo res immobilis, vel quasi immobilis quoad dominium utile alteri conceditur sub onere personalis obsequii, domino directo præstandi, & fidelitatis. Objectivè autem spectatum est illud idipsum jus utile. Hoc qui concedit, dicitur infeudator, & dominus feudi; qui accipit, dicitur infeudatarius, & vassallus: qui à domino directo debet investiri, quod fit vel per inductionem in realem rei *investi-* feudalis possessionem, quâ vassallus acquirit *jus tura.* in re, vel per verba, vel symbola quædam v. g. per traditionem annuli, ensis, vexilli, quâ investitura non acquiritur jus in re, sed facultas autoritate propriâ capiendi possessionem. Si feudum concedatur à Principe cum titulo dignitatis v. g. Ducis, Comitis &c. dicitur nobile, & regale; si ab Ecclesia, Ecclesiasticum; si à Laico, Laicum; si transeat ad hæredes etiam extraneos, hæreditarium; si ad solos liberos, gentilitium; si ad solos masculos, masculinum. Feudo opponitur Allodium, quod est bonum immobile, ita proprium sui possessoris, ut nulum aliud agnoscat patronum, & dominum *dire-*

250.
Feudum

directum : ut proin ad nihil obligetur , nisi ad tributa. Hinc patet , quæ sint bona allodialia , & quæ feudalialia.

251.
Obligaciones Vasalli.

Resp. 2. Feudatarius tenetur rmd præstare Juramentum fidelitatis Domino directo , & obsequia suo tempore requisita.

2do. Non disponere alienando de re feudali per ullum contractum , etiam gratuitum , sine consensu Domini directi.

3. Quivis ejus Successor , etiam hæres tenetur præstare homagium , seu juramentum fidelitatis , & petere renovandam investituram , item quories Domino directo mortuo , vel murato , alius succedit , idque intra annum sub privatione feudi saltem post sententiam Judicis.

4to. Feudo excluduntur Clerici in sacris constituti , & monasteria , nisi dignitati Ecclesiasticæ sit annexum : at Jure civili tantum , non Ecclesiastico , & consuetudinario. Item illegitimi. Plura de his vid. apud A. A.

252.
Libellus

Resp. 3. Libellus est contractus , quo Vasallus vel Emphyteuta rem feudalem , vel emphyteuticam alicui tertio sub onere realis pensionis tradit fruendam : potest enim Vasallus , vel Emphyteuta , invito etiam Domino directo , in re feudali & emphyteutica ad tempus , quo Emphyteusis , vel feudum durat , censum constituere ; quia per talem contractum res non alienatur , sed Jus tantum percipiendi fructus usque ad certam pensionem ; & ideo Vasallus , & Emphyteuta retinet dominium utile : sicut usufructuarius potest ad tempus vitæ suæ super usufructu censum constituere ; quia usufructum potest ita vendere , ut ipse teneatur alteri pensionem solvere , quamdiu ipse usufructum non amittit.

CAPUT VIII.

De Contractu Societatis.

QUESTIO I.

Quid sit Contractus Societatis?

Resp. Est duorum, vel plurium conventio conferendi aliquid lucrosum ad communem quæstum: ut, si unus pecuniam, vel mercem, aut animalia, vel instrumenta conferat, & alter operam. Hunc contractum licitum esse, si servetur æqualitas; extra controversiam est. Nec obstat, quod pecunia sit sterilis; nam etsi secundum se sterilis sit, non tamen ut substat industriæ tanquam instrumentum negotiationis quæstuosæ: cumque pecuniam confetens ejus dominium retineat, feratque periculum, potest ultra sortem accipere aliquid, tanquam fructum suæ pecuniæ negotiationi, & periculo expositæ. Secus est in mutuo, quo dominium pecuniæ in alterum transfertur; ex re autem non amplius sua lucrum exigere, iniquum est. Explicari potest in simili nam navis, currus, &c. ex se fructum non ferunt, attamen ut subsunt humanæ industriæ, & labori, lucrosa sunt, etiam ultra, quam usu atterantur.

QUESTIO II.

Quænam requirantur, ut justus sit contractus societatis?

Resp. Requiritur 1^{mo}, ut negotiatio, pro qua initur contractus, sit licita.

R. P. Reuter Theol. Mor. P. III. 2. 3. U.

2. Ut singuli socii conferant aliquid lucrò faciendo idoneum : ut sunt pecunia : opera , industria , animalia , currus , naves , &c. qui enim nihil confert , jus non habet exigendi lucrum.

3. Ut dividatur lucrum proportionatè ad collata pro eo acquirendo ; qui enim plus confert , plus de lucro participare debet.

4. Ut periculum, impensæ , damna , quorum per se causa est societas , sint communia : qui enim vult sentire commodum , debet sentire & onus.

5. Ut pecunia , vel res collata maneat sub dominio conferentis , sique casu pereat sine culpa alterius , pereat conferenti : ex re enim non sua nemini debetur fructus , nisi adsit alius titulus , & res per se loquendo , perit Domino suo ; si verò pereat culpâ alterius , hic compenset.

6. Ut societas ineatur ad certum tempus , intra quod non liceat repetere , quod pro lucro est collatum : hoc enim exigir finis societatis.

7. Ut, si singuli conferant pecuniam , dominium sit penes omnes , adeoque debeant omnes ferre periculum.

8. Finito contractu , singulis sua fors collata restituenda est , & lucrum dividendum pro rata collati ad id faciendum , ut dictum. Si nulum lucrum sit acquisitum , & opera alterius fuerit æqualis valoris cum pecunia à te collata, Less. Lug. apud La Croix n. 1101. tenent , pecuniam dividendam esse. Econtra probabilius censent alii , adhuc totam reddendam esse conferenti ; tum quia hujus mansit , sique petiisset, ipsi petiisset : ergo æquum est , ut alter ferat quo-

quoque solus jacturam suæ operæ ; cum quia alteri tantum concessus fuit usus pecuniæ, sicut conceditur usus navis, quæ postea reddenda est domino suo, etsi lucrum nullum sit factum.

QUÆSTIO III.

An licitus sit contractus societatis triplex?

Nota. Contractus societatis triplex est, quo pecuniam in societatem conferens paciscitur cum altero socio, ut, quidquid evenerit, summa collata sibi restituatur integra cum lucro certo, minore tamen illo, quod sperare aliàs probabiliter poterat. Dicitur contractus triplex; quia tres contractus explicite, vel implicite ineuntur. Primus, & principalis est contractus societatis, quo confers pecuniam in societatem, & alter promittit industriam. Secundus est contractus assecurationis, quo alteri imponis periculum sortis, erga quod cedis illi magnam partem lucri merito sperandi, v. g. est spes probabilis ex 100. quos confers, lucrandi 30. quorum media pars ad te pertineret: ex iis cedis quinque pro assecuratione sortis, retentis tibi 10. Tertius est vel assecuratio lucri, pro qua iterum cedis 5: ut pro certo lucro 5. habeas; vel venditio, quâ vendis spem lucri majoris probabiliter futuri pro minore, v. g. spem 10. aureorum vendis pro 5. certo solvendis; sicque conferens ad commune lucrum 100. aureos, facis lucrum certum 5. aureorum, summamque capitalem per alios contractus securam reddis. Hos contractus inire cum eo, qui non possit negotiari, v. g. cum

255.
Quid sit contractus societatis triplex?

Z

pau

paupere , indigente pecuniâ ad necessariam suam sustentationem , vel debita solvenda , esse palliatam usuram , satis convenit inter A. A. quia spes lucri , & titulus deest aliquid exigendi supra sortem. Quæritur , an si socius pecuniâ à te collatâ verè sit negotiaturus tuo simul nomine negotiatione lucrosâ , is contractus triplex liceat ?

256.
*Potest
esse ju-
sus.*

Resp. Contractus triplex societatis ex natura sua licitus est , si spes lucri futuri justè æstimeretur , & onus periculi à socio suscepti proportionatè compensetur. Ità Less. Lug. Laym: Aliique communius contra Cajet. Sotum , Azor, Rebellum , & alios. *Ratio est* ; quia singuli illi contractus de se sunt liciti , & justî , si rectè fiant , nec ostendi potest in aliquo injustitia , si fiant simul eum eodem : nam cum maneat dominium pecuniæ apud eum , qui eam confert , non accipiet lucrum ex alieno. Deinde si ex æquo compenset onus periculi sortis , à socio suscepti , ipse æquivalenter sustinet sortis periculum : unde quod Adversarii dicunt , de essentia contractûs societatis esse , ut conferens pecuniam ferat ejus periculum , periensque ipsi pereat , nihil evincit. *Confirmatur* : Possum contrahere cum Cajo , ut pecuniæ , ipsi ad usum concessæ , equi ipsi commodati , domûs ipsi elocatæ periculum ad ipsum pertineat : ergo & possum contrahere , ut periculum pecuniæ , illi ad negotiationem collatæ , ipse ferat , eâ utendo , & meo simul nomine negotiando partem lucri mihi cedat , cujus acquirendi velut instrumentum est pecunia mea. Deinde possum pacisci , ut rem , quam contuli ad commune emolumentum , servet socius integram , v. g. possum alicui tradere gregem ovium pascen-

scendum, cā lege, ut ipse lanam habeat, & partem dimidiam agnorum, seruet autem gregem integrum, substituendo agnum ex suis, si quæ ovis Pereat. Idem est in aliis exemplis: cur non possem contrahere, ut erga justum pretium periculum pecuniæ in societatem collatæ ad ipsum pertineat?

Nec obstat, quod Sixtus V. per Bullam 45. *Detestabilis*, damnet omnes pactiones, quibus cavetur, ut capitale saluum maneat, siue contrahatur ad certum, siue ad incertum lucrum; nam damnat solum, si vi contractus societatis exigatur asscuratio pecuniæ collatæ. Vide La Croix sub N. 876. Notandum tamen, quod minores fructus sperari possunt ex negotiatione, eò minùs à conferente pecuniam lucrum peri posse. Dixi; *Ex natura sua*: nam ob difficultatem statuendi, quod justum est, & pericula prohiberi posset.

C A P T U IX.

De Contractu Cambii.

Q U Æ S T I O I.

Quid, & quotuplex sit Cambium?

Resp. Cambium est contractus, quo in gra- 257.
ciam alterius quis permutat pecuniam cum pe- *Defini-*
cunia cum suo lucro. Dividitur in manuale, *cio.*
& locale; Manuale est, quo pecunia de manu
in manum vicissim traditur in eodem loco, &
tempore, v. g. minor pro majore, nova pro
antiqua, aurea pro argentea, vel contra. Lo-
cale est, quo permutatur pecunia præsens cum

absente : ut si Titio hic des pecuniam , & tradat tibi litteras , quarum ope recipias pecuniam alibi. Qui dat pecuniam cum suo lucro , dicitur Campsor , vel Cambiator ; qui eam accipit , & pendit lucrum , dicitur Campsarius. Si Campsor exercèat simul negotiationem suis & alienis pecuniis , quas conservat , dicitur trapezita , argentarius , nummularius , mensularius.

Q U Æ S T I O II.

An , & ex quibus titulis licitum , & justum sit Cambium tum manuale , tum locale ?

258. Resp. Si lucrum sit moderatum , & conforme taxæ , per legem , & consuetudinem , aut ex tri- communem hominum æstimationem statutz ,
bus titu- licitum & justum est ex his titulis. 1^{mus} est
lis. labor , & opera in cõquirendis , & conservandis variis monetarum speciebus , in numeranda pecunia , & alijs in bonum Reip. ex officio , suscepto à campfore , obeundis ; & hinc lucrum sæpè cessans , & damnum emergens. 2^{dus} est pecuniæ unius præ alia major in ordine ad usum commoditas , ejusque antiquitas , raritas , pulchritudo , conformitas serviens ad ostentationem , minus periculum valoris diminuendi , valor major in alijs locis , &c. licèt enim pecuniæ fortè sint ejusdem valoris vulgaris ; quia tamen hic subeunt rationem mercis , & valor pro diversis circumstantiis crescit , & decrescit ; una in æstimatione moralis pluri , alia minoris fit. 3^{tus} in cambio locali titulus etiam est virtualis translatio pecuniæ

muniz in alium locum , quam Campsor facit in gratiam Campsarii , suscepto in se omni labore & periculo.

Nec obstat , si id faciat cum suo commodo , & ferè sine labore , v. g. si Romæ Campsor indigeret pecuniâ , & Campsarius hîc sibi numeratæ æqualem ibi refunderet ; id enim per accidens est , & provenit ex ejus cura , industria , & officio , pro quo sustinendo multæ impensæ , & operæ præstandæ sunt , cum re ipsâ suscipiat obligationem laboriosam , ac periculosam , quæ pretio æstimabilis est. Declaratur in simili : si esses conductus , ut Titii equum duceres Luxemburgum , quamvis ex alia causa eò proficisci velles , aut deberes , tibi que commodissimum foret equo uti , tamen posses conductionis eandem mercedem admittere. Idem est , si tenereris ex conductione Caji pecunias deferre Coloniam , & hîc reperires , quî nomine tuo eas Coloniz numeraret ; quia æquivalenter eas Coloniam derulisses , foretque merces fructus tuæ industriæ : idem est in casu nostro. Similiter si ducati 94. valerent hîc , quòd Romæ centum , posses hîc 94. numerare , ut tibi Romæ numerarentur 100. quia tantum hîc dares , quantum Romæ acciperes ; sique illos 100. huc negotiando exponeres in valore , quem hîc habent , esset lucrum tuæ industriæ ; si autem in cambio desit titulus , erit usurarium , fictum , & siccum.



QUÆSTIO III.

An liceat cambium, quo quis dat pecuniam, in nundinis, v. g. Francofurdiensibus recipiendam cum lucro majore, vel minore; quo magis, vel minus distant nundinæ à die numeratæ pecuniæ?

259.
*Licet, si
adsit ju-
stus ti-
tulus.*

Resp. Potest esse justum hoc cambium, si adsit justus titulus, & lucrum proportionatum exigatur. Titulus autem hic esse potest periculum sortis, damnum emergens, lucrum cessans, major pecuniæ æstimatio; cum enim pecunia se in permutatione habeat instar mercis, valor ejus extrinsecus in ratione mercis augetur ex illius, & Campforum penuriâ, & minuitur ex copia. Jam verò in nundinis, & tempore illis propinquo est copia pecuniarum, & Campforum major, & tempore ab illis remotiore est minor; hinc in tempore remota pecuniæ valor in ratione mercis est major, quàm in propinquo; unde potest Campsor exigere auctarium non ratione dilatæ solutionis, aut translationis à se pecuniæ, cum eam Campsarius transferre debeat, sed ratione vel damni, vel lucri cessantis, vel valoris majoris pecuniæ, quem habet in ratione mercis ante nundinas. Ita Less. Laym. & alii Declaratur in simili; nam possum sine usura mutuum dare, & repetere pecuniam secundum valorem præsentem, etsi sciam post aliquot menses, quando pecunia erit reddenda, valorem esse minuendum; quia valor præsens meus est,

pe=

potestque mutuatarius in eo illam exponere, vel permutare: ergo possum etiam in cambio Nundinenſi perere æſtimationem præſentem pecuniæ traditæ, etſi illa poſtea ſit minuenda. Cavendum tamen, ne lucrum exigatur ſine vero titulo. Videri po: eſt Lugo diſp. 28. N. 76, Leſſ. La Croix N. 1033. Bulla Pii V. quæ requirit varias conditiones ad cambium, quæ jure naturæ non requiruntur, teſte Lugono, & Leſſ. apud La Croix N. 1032. non eſt recepta.

C A P U T X.

De contractibus, in quibus fortuna admiscetur, ut affecuratione, ſponſione, luſu, ſorte,

Q U Æ S T I O I.

Quid ſit Affecuratio, & quid ad ejus Juſtitiam requiratur?

Reſp. Affecuratio eſt contractus, quo quis 260. gratis, vel erga prætium rei alienæ periculum in ſe ſuſcipit, obligando ſe ad ejus compenſationem, ſi pereat, v. g. ſi dederis mihi 100, affecuro te, quod merces tuæ ſalvæ ſint advehendæ: ſi ſecus fiat, earum valorem tibi compenſabo. Si ſuſcipiatur periculum erga prætium, eſt quædam venditio, quâ venditur obligatio rem alterius præſtandi indemnem.

Ad hujus contractus juſtitiam requiruntur *Requifita ad* imo æqualitas inter æſtimationem periculi, & prætium; unde utrique parti debet eſſe incertus *ejus juſtitiam.*

rei eventus, & periculum probabile : si enim affecuranti constaret, rem esse extra omne periculum, aut domino rei jam constaret, rem perisse, deesset titulus aliquid exigendi, adeoque affecuratio locum non haberet.

2. Affecurator ante contractum moneri debet de periculis, ut expendere possit, velint, an nolit, & quo pretio possit suscipere rei periculum : quod enim hoc majus, ed pluris ejus susceptio aestimanda est.

3. Affecurator debet habere in re, vel spe, quo re pereunte domino possit satisfacere : alias pretium non potest promittere. Unde si promitteret 100. pro re, & non haberet, nisi 50. injuste ageret : putatque Sporer, contractum fore invalidum, : quod negant alii, putantque, quod sicut, si res perisset, debuisset solvere saltem 50. sic, si non pereat, possit retinere 50. quia erga hos suos 50. periculo exposuit, nec fuit error, nisi circa medietatem substantiae. Simile est, si lusu verbaliter exponeres 10. & non haberes nisi 5. erga hos lusus foret justus.

Q U A E S T I O II.

Quid sit sponsio, seu concertatio de rei veritate, & eventu?

261,
Sponsio
justa
qua re-
quirat?

Resp. Sponsio est contractus, quo duo vel plures de veritate, vel eventu alicujus rei contentendentes. sibi invicem aliquid spondent, ut sit ejus, qui veritatem fuerit affecurus. Hic contractus, ut sit honestus & justus, 1. modo debet adesse animus se obligandi, & solvendi, quod spondetur veritatem assequenti. 2. De quo agitur, debet ab utroque in eodem sensu ac-

cipi,

elipi ; aliàs consensus non erit in idem , & contractus non subsistet. 3. Debet id, de quo concertatur, utrique parti esse incertum ; quia in hoc contractu emitur spes lucrandi periculo perdendi ; si autem una pars sit certa, nullum est periculum illi : sicque non servatur æqualitas ad hujus contractûs justiciam requisita. 4. Si sit de aliquo à concertantibus ponendo, debet id esse licitum : uti non esset, si duo concertarent, quòd alter alterum esset potando superaturus ; quo tamen casu, qui lucratus esset, non teneretur restituere.

Hinc certus de rei veritate, vel eventu non potest sponcione lucrari ; sique, quòd propositum fuerat, acceperit, teneretur restituere, saltem nisi alteri suo concertanti indicaverit, se scire. Hoc enim casu, tenent probabiliter Navar. Sanch. Laym. licitè potuisse certare, nec teneri restituere ; eò quòd nulla fraus intervenierit, & alter nihilominus certans suo juri resignaverit. Sed probabilius contradicunt Lugo, Molina, La Croix ; tum quia alter non intendit rem donare, putatque rem esse incertam, concertantemque falli ; tum quia in sponcione emitur spes lucrandi pro periculo perdendi, velut merx pro pretio ; cum autem periculum non adest, pro eo spes emi non potest : proin contractus invalidus est, sicut invalida est emptio gemmæ falsæ pro vera, si emens monitus de falsitate à me, putasset me falli, & emisset.

Si dicas : quando habeo in lusu chartas optimas, & sum certus de victoria, adhuc possum sponcionem augere : ergo & certus de victoria possum sponcionem incipere, R. N. consequ.

conseq. primum permittunt leges lusûs, ut praxis declarat, non secundum.

Quæri hîc solet, an si plures v.g. tres concurrant pro obtinendo aliquo officio, possit quis cum singulis certare, quod non sint id obrenturi. Ratio dubitandi est, quod contra unicum possit perdere, & certò lucraturus sit contra reliquos. Responderetur id probabiliter licere; quia hîc triplex est contractus, quique habetur cum uno, impertinenter se habet ad alterum, & in quolibet seorsum subeo periculum perdendi.

Q U Æ S T I O III.

Quid sit lusus, & quæ ad ejus honestatem, & justitiam requisita?

262.
*Requisi-
ta ad lu-
sûs ju-
stitiam.*

Resp. Lusus generatim est actio humana artificiosa, de se ordinata ad animi recreationem. Acceptus autem pro contractu, est conventio, quâ ludentes paciscuntur, ut cedat victori, quod duo, vel plures deposuerunt. Lusus potest esse actus virtutis, quam Eutrapeliam vocant, si fiat debito fine, & ex circumstantiis non vitietur: ut si congruat personæ, tempori, loco, non sit justo diuturnior, nec occasio scandali, nec afferat hîc & nunc propinquum periculum peccandi, nec obster justa prohibitio, nec exponatur plus justo.

Ut autem contractus lusûs sit justus, requiritur 1. mō, ut ludentes habeant facultatem de re disponendi, eamque alienandi, quam lusui exponunt, & aliunde habeant, unde debita solvant, aliisque satisfaciant. 2. Ut lusus liberè; non vi, fraude, aut dolo inducente susci-

ſuſcipiatur. 3. Ut in luſu abſit omnis fraus
& dolus in luſu non permiſſus. 4. Ut ſit mo-
ralis æqualitas tum rei expoſitæ ex utraque
parte, tum periculi perdendi, & ſpei lucrân-
di, adeoque utriuſque in ludendo peritiæ, ita,
ut exceſſus non ſit notabilis, & à ſolo peritio-
re cognitus : Luſus enim eſt contractus utrim-
que oneroſus, quo emitur ſpes lucrândi peri-
culo perdendi. 5. Ut ſerventur, quæ ex con-
ventionè, aut conſuetudinè ſunt conſtituta.
Hinc deduces.

1^o mod. Luſu acquiſita teneantur reſtituere, qui
lucratus eſt à filio familias, uxore, religioſo, 263.
Corollaria
quando hi exponendo luſui excedunt neceſſa-
riam licentiam ſaltem tacitam patris, mariti,
Prælati : hi enim diſponentes de re non ſua,
aut ſaltem ſine legitima facultate, nec perdere,
nec lucrari luſu poſſunt ; non perdere, quia
dominium transferre non poſſunt ; non lucra-
ri, quia per contractum oneroſum acquirere
non poſſunt, niſi expoſitæ pecuniæ, vel rei
dominium viciffim transferant. Ex licentia au-
tem tacita poteſt uxor exponere id, quod ex
conſuetudine loci ſimilis conditionis mulieri-
bus permiſſum ſcitur. Filius familias, in do-
mo paterna exiſtens, poteſt id exponere luſui,
quod parentes ſciunt, & diſſimulant non in-
viri. Extra illam verò exiſtens id, quod ad
honeſtam, moderatamque recreationem re-
quiritur. Religioſus denique, quod conſue-
tudo in ea religione declarat exponi poſſe.
Quodſi magnam ſummam eſſet lucratus, po-
teſt eam exponere ſucceſſivè, durante eodem
luſu ; quia ante finem hujus lucrum non cen-
ſetur plenè acquiſitum ; non tamen in alio ſine
nova

nova licentia, saltem ob circumstantias prudenter præsumpta. Laym. hic n. 6.

2. Tenetur restituere, qui lucratus est ab eo, quem vi, vel metu injusto sive in principio, sive in successu lusûs induxit ad ludendum: uti, si nolentem in lusu pergere, avarum, vilem, abjectum nominasset, vel minatus esset grave incommodum, nisi pergeret. *Ratio est*; quia esset causa injusta damni. Probabilis tamen est sententia opposita, si fraus non adfuit; quia nec coactio, nec lusus videtur fuisse causa damni, sed vel fortuna, vel peritia ludentis; sique cogens perdidisset, debuisset solvere: ergo æquum est, ut potuerit etiam lucrari: alias non fuisset æqualitas. Verùm videtur cogens teneri saltem compensare æstimationem periculi perdendi, in quod alterum per injuriam coniecit, imò probabilisus totum restituere; damnum enim est ex injuria ejus.

3. Qui per fraudem in lusu non permissam lucratus est, lucrum sic acquisitum restituere tenetur. Fraudes non permissæ sunt, si chartas signis certis notes, ut à tergo agnoscas, meliores occultes, ut dein victoribus supponas, arte sic componas, ut non casu, sed ex certa dispositione meliores accipias; si post tergum tui collusoris habeas speculum, in quo ejus chartas videas, vel habeas alium, qui te moneat; si de industria te inflectas, aut ita componas, ut ejus chartas videas; si alteri non advertenti minus solvas, vel dicas te habere plura puncta, quàm habeas. Non tamen si ex usu, & detritione chartas dignoscas, aut casu ex alterius negligentia ejus chartas videas, si non moneas non bene numerantem sua puncta, vel concedentem tibi primam manum,
cùm

tum illi competeret ; quia alteri incumbit attendere suo negotio. Si scias te habere meliores chartas, & metum simules, ut adversarius fiat audacior, & primum augeat ; si habens chartas viliores pretium augeas, ut alterum deterreas, & exposita accipias. Hæc enim ex tacita conventionem ludentium sunt permilla. Porro ut ex fraude oriarur obligatio restituendi, debet fraus influxisse. Hinc si seclusâ fraude adhuc fuisses lucraturus, non teneris restituere : ut nec, si Titius non ludens inspexit viliores chartas Caji, hocque, ut te deterreat, augente primum, te moneat, ut non terrearis, tuque nihilominus, seclusâ monitione Titii, lusus fuisses, & vincas ; quia monitio habet se per accidens, & in damnum non influxit, si verò decreveras non ludere, aut dubitaveris, an velles ludere, & à Titio monitus lusisti, & lucratus es ; distinguendum est : nam, si à te Titius fuit constitutus, ut te moneret, tu teneris restituere primo loco. Si autem à te non fuit constitutus, aramen monuit, hic Cajum teneretur servare indemnem ; quia non tu, sed is injuriam fecit te determinando. Si per fraudem lucratus sis 10, & alter iterum à te lucratus est 10, hos teneris solvere, 10 verò quos per fraudem es lucratus, tenerur restituere is ; qui injuriam fecit ; quia quoties unus lucratus est, toties novus incipit contractus.

4. Si ludens cum notabiliter imperitior te, certus de victoria lucraris ; teneris, si ignoraverit alter tuam peritiam longè majorem, restituere ; quia est notabilis inæqualitas. Si autem ignorasses, alterum esse parum peritum, aut is scivisset, te peritior, vel te provocaverit, ad nihil teneris ; quia nulla fraus inter-

tervenit, & volenti non fit injuria, dum jure suo cedere potest. Est quidem, si alter te ignoraverit peritior, reipsâ aliqua inæqualitas: verum hoc ipso, quod quis nullâ fraude, vel metu inductus ludat, censetur resignare juri suo, si fortè alter sit peritior, & exigua peritiæ inæqualitas non attenditur: unde sibi damnum imputare debet; sique de victoria dubium fuerit, retinere potes, quod lucratus es.

5. Si Titius non habens nisi 3. obtulit pro exposito 6. aut exposuit monetam falsam; si quid lucratus est, debet pro rata restituere, nisi defectum voluerit compensare.

6. Si ludas pro te, & Cajo contra Titium eum hoc pacto, ut, si perdas, Cajus ferat medietatem damni; si verò lucrieris, habeat tantum tertiam partem lucri, juxta Sanch. pactum est illicitum, & injustum, juxta Lugonem excusari quandoque potest; quia in contractu societatis, qui dimidium capitale apponit, & simul industriam, vel operam impendit, plus lucrari potest.

7. Si socii lusum conveniant, ut, qui lucratus fuerit plus, solvat candelas, chartas, haustum, & tu per fraudem plus lucrieris; teneris stare conventionem, solvere chartas &c. & malè acquisita restituere, tibi que damnum imputare. Ità La Croix.

Q U Æ S T I O IV.

Qui Lusus sint Lege positivâ prohibiti?

Resp. Jure tam Civili, quàm Ecclesiastico
Lai-

Laicis & Clericis prohibitus est lûsus alearum, chartarum, & taxillorum. Laicis quidem ff. ^{264.} *Lusus alearum & chartarum.* *Cod. de alearibus.* Clericis autem sub gravibus pœnis. *Cap. Clerici 15. de vita & honestate Clericorum* : quas pœnas innovavit Trid. *Sess. 22. cap. 1. de Reformatione.* Ratio prohibitionis est periculum & occasio multorum peccatorum & malorum, uti iræ, rixarum, blasphemiarum, perjurii, jacturæ temporis, neglectûs Officii debiti &c. & quia tales lusus sub gravibus pœnis prohibentur ; Doctores rectè inferunt, per se loquendo, Clericos peccare mortaliter, qui sæpe, diu, & publicè chartis, vel aleis ludunt. Nihilominus leges illæ variis in locis non in omni rigore vigent, sed usu contrario sunt mitigatæ, ità ut Laici, per se loquendo, non peccent exercendo lusus de se non malos, nisi ex circumstantiis videntur, & Clerici quoque non peccent, saltem graviter, si principaliter pro recreatione animi, & secundariò pro moderato lucro quandoque ad breve tempus, secluso scandalo, ludant aleis, vel chartis. Secùs si frequenter, sumptuosè, publicè cum populi scandalo, aut cum gravi statûs sui indecentia ludant. Quòd si quis lusu prohibito, etiam ubi lex viget, lucraretur, lucrum posset salvâ conscientia retinere ; quia Jura contractum non irritant, sed tantùm jubent restitui, si sententia Judicis accesserit : ad quem si citeris, alterique desit semiplena probatio, non teneris fateri, nec quidquam restituere. Si autem adesset semiplena probatio, teneris fateri lucrum, sique negares, deberes nihilominus restituere ; quia mendacio impedires sententiam Judicis, & consequenter alium, quo minus reciperet, quod ei

post sententiam Judicis debetur. Denique, si
lulisses creditò, seu pro præmio aliàs solven-
do, & perdidisses, posses, nisi juraveris, re so-
lutorum, tueri te exceptione legis prohibentis,
& non solvere ; quia, quando lex permittit re-
peti, tacitè permittit retineri. La Croix L. 3.
P. 2. n. 677. & 1087.

Si verò socius lucratus esset, & præmium
accepisset, sicteque minaretis, eum convenire
coram Judice, isque ideo daret tibi aliquid, ne
repetas in judicio, probabiliter posses id re-
tinere ; quia cederes jure tuo reperendi, quod
est pretio æstimabile. Ità Less. & alii contra Lu-
gonem hic n. 72. Vid. La Croix à n. 1087.

Q U Æ S T I O V.

Quid de Contractu Sortis ?

265.
*Defini-
tio.*

Resp. Est Contractus, quo plures conve-
niunt, quid quis ex rebus dividendis, vel pro-
positis habeat, aut hic & nunc agat, vel pa-
tietur, si certum ei signum constitutum obve-
nerit. Hic Contractus licitus per se loquen-
do est, si absit fraus, & servetur debita æqua-
litas, habetque locum in hæreditate, aliisque
bonis dividendis, in litibus componendis,
in functionibus, ubi de honore & periculo
agitur, in pænis sustinendis, in re, vel pre-
tio habendo ex olla fortunæ, vel, ut vocant,
Lottetia : ubi emitur jus extrahendi schedu-
lam cum spe lucri. Non habet tamen locum
in Beneficiis Ecclesiasticis, quæ dignioribus
sunt conferenda, & invalidè per sortes confe-
runtur, ex *Cap. Quia propter. de Electione*, et si
competitores plures essent æquè, aut fere æquè
idonei.

idonei. Nec ordinariè sic conferri debent Officia Sæcularia. Si tamen, omnibus examinatis, plures essent æquè idônei, forte usurpari possent. Videri potest Less. L. 2. cap. 43. n. 58. ubi docet, locum habere posse in Beneficiis Ecclesiasticis, si aliâ ratione lis dirimi non possit.

C A P U T XI.

De Contractibus subsidiariis, Fidejussione, Pignore, & Hypothecâ, ubi & de Transactione.

Contractus subsidiarii dicuntur Fidejussio, Pignus, & Hypotheca; quia adhibentur in securitatem, & subsidium alterius Contractûs principalis, v. g. emprionis, donationis &c. quem necessariò supponunt, vel factum, vel faciendum: unde etiam dicuntur accessoriî.

Q U Æ S T I O I.

Quid sit Fidejussio, & à quibus præstari possit?

Resp. Fidejussio est Contractus, quo quis se obligat ad implendam alienam obligationem, si principalis debitor eam non impleat. Obligatio ex hoc Contractu, cum sit realis, transit ad hæredes; quia tamen accessoria & conditionalis est, cessat, si obligatio principalis sit invalida, aut extinguatur; nisi quis obligaverit se pro securitate Contractûs, ne scilicet à Superiore rescindatur. Non po-

te& Fidejussor conveniri, nisi factâ excussione debitoris principalis, nisi constaret, hunc non esse solvendo. Sique hic impetrâisset prorogationem termini, solutioni præfixi, non teneretur ultra Fidejussor; quia ultra ejus intentionem non extendit se obligatio, quæ, cum onerosa sit, & pretio æstimabilis, potest pro eâ aliquid exigi. Possunt autem, per se loquendo, validè fidejubere, qui possunt principaliter obligari. Quî autem principaliter obligari non possunt, nec possunt fidejubere, ut sunt pupillus, minor, Religiosus, sine consensu Tutoris, Curatoris, Superioris. Deinde fidejubere non potest mulier pro marito; sique vi Fidejussionis solverit, tenetur creditor restituere; quia dominium mulier non transtulit, nisi accesserit juramentum: imò nec potest fidejubere pro alio absque instrumento publico, & tribus testibus, vel nisi in instrumento coram Magistratu suo privilegio, quod habet ex *Sen. Consulto Velleiano*, renuntiaverit, vel Fidejussionem juramento firmaverit, aut pro eo mercedem acceperit, vel in suam utilitatem fidejusserit &c. Vide Pichler in L. 3. Tit. 22.

Q U Æ S T I O II.

Quid sit Pignus, & Hypotheca?

267. Resp. 1. Pignus formaliter, seu oppignora-
Pignus. ratio est Contractus, quo in debiti securitatem, id est, ut ex ea solutio peti possit, creditori obligatur, & traditur res in individuum restituenda, ubi solutum erit debitum. Pignus objectivè sumptum est res, quæ traditur pro securitate debiti, vel contractûs. Hæc dicitur
 Pignus;

Pignus ; quia quasi in pugnum traditur. Hanc tenetur creditor conservare , ne pereat , vel detrimentum accipiat , eâque uti non potest sine consensu domini ; potest tamen eam oppignorare alteri , seu illi jus suum cedere , imò & vendere ; si debitor elapso tempore semel monitus intra biennium non solvat : ideo enim dicitur tradi in securitatem debiti , ut ex ea solutio peti possit.

Resp. 2. Hypotheca formaliter est Contra-*Hypo-*
ctus, quo res creditori in securitatem debiti non *theca*
traditur , sed nudè obligatur ; objectivè est res ,
quæ ipsi pro securitate debiti obligatur. Hypo-
theca ordinariè est res immobilis ; Pignus
res mobilis , sed non semper : si enim res
non tradatur , erit Hypotheca. Hæc tamen no-
mina in jure passim idem sonant. Conveniunt
autem Pignus & Hypotheca cum commodato &
deposito , quod dominium non transferant :
hinc periculum & fructus rei oppignoratæ vel
hypothecatæ pertinent ad debitorem , rei domi-
num ; sique usus ejus , vel usufructus tibi sit
concessus , debet valor computari in sortem , de-
ductis tamen expensis , & labore tuo. Econtra
differunt à commodato & deposito , quod con-
ferant jus reale in re , debito æquivalente , vi cu-
jus in concursu aliorum creditorum , jura tantum
personale habentium , habens Pignus vel hypo-
thecam præfertur. Hoc tamen , Jure non ob-
stante , potest res uni hypothecata alteri obligari
in Hypothecam , modò par sit utrique debito ;
aliàs primo fieret injuria , quæ crimen Stelliona-
tus dicitur.



Q U Æ S T I O III.

Quotuplex sit Hypotheca ?

268. *Divisio hypothecæ.* Resp. Alia est, conventionalis seu expressa ; alia tacita seu legalis ; alia universalis ; alia particularis ; alia privilegiata ; alia non privilegiata. Conventionalis est, quæ mutuo consensu expressè constituitur ; neque enim hypothecæ certam formam, aut scripturam requirit. Tacita est, quam lex vel consuetudo concedit, etsi nulla in contractu facta sit ejus mentio. Sic bona tutoris pupillo, bona curatoris minori sunt hypothecata pro justa bonorum administratione ; bona mariti pro dote uxoris. Universalis est, quâ bona omnia tam futura, quàm præsentia obligantur. Tales sunt omnes hypothecæ legales, seu tacitæ ; quia lex non exprimit bona in specie. Particularis est, quâ res una, vel plures in specie obligantur, v. g. hæc domus, hoc prædium, prædium, hæc catena aurea. Hæc semper afficit rem, ad quemcunque devenerit, donec debitum solvatur. Privilegiata est, quæ speciali favore juris gaudet, v. g. cujuscumque habens in concursu creditorum præferatur aliis, talem non habentibus. Talem habet uxor in bona mariti pro securitate dotis ; pupillus, minor in bona tutoris & curatoris &c.

Potro oppignorari, vel Hypothecæ subjici possunt non solum res corporales, sed etiam incorporales, ut jura, debita, actiones. Non possunt tamen oppignorari, quæ non possunt alienari, ut Ecclesiæ, bona immobilia, & mobilia cultui divino dicata. *Excipe casum necessi-*

cessitatis, in quo & vendi possunt v. g. Ecclesiæ, ut egentibus succurratur, & extra hunc casum possunt subjici Hypothecæ universali in utilitatem Ecclesiæ. *Cap. 3. de Pignore.* Si castrum, quod Jus Patronatûs habet annexum, oppignoretur, jus id manet domino; secûs, si vendatur castrum. Si domus oppignorata comburatur, fundus manet oppignoratus.

Q U Æ S T I O IV.

An contractu Pignoris liceat convenire, ut creditor utatur Pignore v. g. agro, ac fructus inde tam diu lucretur, donec debitum solvatur?

Resp. Hic Contractus, qui dicitur Antichri- 269.
sis, toleratur quidem à Jure Civili, sed à Jure Contra-
Canonico reprobatur velut usurarius; quia mu- *ctus An-*
tuans, seu creditor non fit dominus Pignoris: *tichri-*
iniquum autem est ex re aliena propter mutuum *seas.*
fructus capere. Possunt tamen esse justî tituli
lucrândi fructus ex Pignore sine diminutione sor-
tis, v. g. si ex dilatione solutionis damnum emer-
gat vel lucrum cesset, vel emas rem oppignora-
tam cum pacto retrovendendi, vel emas per con-
tractum censûs jus percipiendi fructus, aut fru-
ctus cedant marito pro dote uxoris &c. Non de-
bent tamen fructus percipiendi excedere titulum
justum, seu pensionem convenientem, vel dam-
num emergens, aut lucrum cessans. De hoc
plura vide apud Castropalao hic D. 4. p. 19. &
20. La Croix num. 1115.

Q U Æ S T I O V.

Quid de Transactione tenendum ?

270. Resp. Transactio est conventio extrajudicialis, utrimque onerosa, de re dubia, controversiâ, vel lite jam morâ. Unde 1. Transigens non debet esse certus, rem alteri esse debitam, aut adjudicatam per sententiam, à qua non deat justa appellatio. 2. Debet fieri cum onere aliquo utriusque Partis : aliàs erit amicabile compositio, vel donatio. 3. Debet fieri inter Partes per se ; si enim fiat judicio arbitri, quem Partes elegerint, erit compromissum : si per aliquem non electum ab ipsis, sed potestate publicâ constitutum, in quem ideo consentire tenentur, dubium componatur, erit controversia dirempta per sententiam Judicis.

Potes ; Quid, si transactione factâ, uni certum jus dignosceretur competere ? Resp. Si facta sit sincerè vera transactio, & is accipit, quantum jus ipsius dubium in illis circumstantiis judicio prudentum valebat, tenet transactio, nisi redundet in præjudicium tertii, qui ideo magis gravetur. Ità habetur *L. Sub prætextu 19. Cod. de Transactione*. Tenentque TT. communiter ; quia conveniebat bono communi, ut interveniente ejusmodi transactione, per jus alium sopirentur tales controversiæ. Sic tenet transactio, si post longam litem, an certus Caji fundus sit collectabilis, Cajus transigisset cum communitate ; ut censeatur liber, & Cajus postea inveniret certa documenta, per quæ convinceretur, fundum esse

esse collectabilem ; essetque hoc casu Cajus tutus in conscientia , modò communitas pro ratione dubii acceperit pretium à Cajo , vel pretio æquivalens ; neque enim lex positiva se per jus altum interponit , nisi fuerit transactio distincta à pacto gratuito. Vide La Croix N. 629. 464. Laym. L. 3. Tr. 4. Cap. 31. Molin. Tr. 2. D. 556.

C A P U T XII.

De ultimis Voluntatibus, Testamento, Codicillo, Donatione mortis causâ, Legato, & Fideicommisso.

ULtima voluntas, ut hic sumitur, est dispositio legitima, quâ quis statuit, quid rebus suis post mortem suam fieri velit. Illius recensentur hæ quasi quinque species : Testamentum, codicillus, donatio mortis causâ, legatum & fideicommissum, quæ sunt quædam species donationis conditionatæ.

Q U Æ S T I O I.

Quid sit Testamentum, Codicillus, Donatio mortis causâ, Legatum, Fideicommissum ?

REsp. 1. Testamentum est libera ac justa dispositio ultima, quâ quis cum directa ex natura actûs institutione hæredis decernit, & ad id quid rebus suis post mortem suam fieri velit. *Testamentum*

Dixi : *Ex natura actus* ; quia codicillo militis ex speciali privilegio potest hæres directè institui , ut patet ex *L. Militis. De Testamento militari*. Ut autem valeat Testamentum secundum Jus Civile , requirit septem testes masculos , puberes , ad id rogatos , non surdos , non mutos , civiliter etiam à testatore distinctos , qui simul in eodem loco præsentés , & testatorem videntes , testamento cum testatore subscribant , & annulo subsignent suo , vel alieno , siquidem testamentum scriptum est ; vel si scriptum non sit , audiant à testatore nominari hæredem , & ultimam ejus voluntatem , quod testamentum nuncupativum vocatur. Utrumque hoc dicitur testamentum solenne. *Excipe* tamen i. modò testamentum militis , rustici , parentum pro liberis , factum tempore pestis : nam testamentum militis in castris duos ; rustici , si plures haberi non possunt , quinque testes tantum ; testamentum parentum pro liberis duos , qui possunt esse fœminæ , nec debent esse rogari , nec subscribere , tempore pestis , si plures haberi non possunt , duos tantum testes requirit.

2. Testamentum Principi oblatum , vel coram eo factum : hoc enim valet absque omni solennitate , modò probari possit , quòd sit oblatum. Hæc testamenta dicuntur privilegiata. Denique testamentum Clerici in foro Ecclesiastico subsistit , etsi duo sint tantum testes , sitque profanum , nisi consuetudo alicubi aliud habeat. Pichler L. 3. Tr. 26. num. 6. testes hos n. 7. requirit tanquam de substantia.

272. Resp. 2. Codicillus est ultimæ voluntatis dispositio , quâ quis absque directâ hæredis institutione aliquid circa testamentum , vel successionem explicat , vel mutat , addit , aut legat.

gata.

gata, & fideicommissa relinquit particularia. Dixi: *Vel successionem*: nam codicillus fundatur super successionem, vel ab intestato, vel per testamentum, in eoque aliquid alteri dandum, vel aliquid exequendum hæredi committitur. Codicillus extra testamentum, nisi sit ad pias causas, requirit §. testes, non tamen necessariò rogatos, inter quos possunt etiam esse mulieres, & probabiliter tantum requiruntur probationis causâ, non tanquam de forma. Porro Codicillus fieri potest vel in scripto, vel nuncupativè, ante, vel post testamentum, cum, vel sine eo. Si post testamentum fiat, debet fieri mentio testamenti; secus, non. Si fiat sine testamento, obligat venientes ab intestato; si cum testamento, obligat hæredem ex testamento. Possunt quoque Codicilli plures fieri, qui si sint sibi contrarii, posterior revocat priorem, nec opus est, ut testes sint in conspectu facientis Codicillum; imò si Codicillus testamento confirmatus sit, testes non requiruntur etiam probationis causâ.

Resp. 3. Donatio mortis causâ est donatio intuitu mortis facta, ante mortem revocabilis liberè à donante, post mortem irrevocabiliter firma. Hæc imò debet fieri intuitu mortis, id est, memoria, vel periculum mortis debet aliquo modo esse ejus causa: hinc si dubium sit, an tantum tempore mortis, an ejus intuitu facta sit, v. g. si nulla fiat mentio mortis, censetur donatio inter vivos. 2. Debet ante mortem donantis acceptari à donatario; aliàs esset potius legatum, & non valeret facta à non potente testari. 3. Potest fieri ab absente per epistolam, vel nuntium; ad probationem tamen, si sit ad causam profanam, in foro exter-

273.
*Donatio
mortis
causâ.*

no requirit quinque testes, non ad valorem.
 4. Potest incipere vel à traditione, vel à promissione absque traditione. Si fiat 1^{um}, transfert dominium, sed revocabile, quamdiu donans vivit; qui si evadat periculum mortis, & rem traditam repetat, reddenda est. Si fiat 2^{dum}, non transfert dominium rei donatæ, donec hæc tradatur. 5. Morte donantis firmatur, fitque irrevocabilis, resque donata exigì potest etiam per Judicem. Denique mortis causâ donare possunt, qui possunt testamentum facere. Inter eos sunt etiam minores, conjuges, filius familias, qui cum consensu patris de adventitiis donare potest, etsi cum eo testari non possit.

274.
Legatum.

Resp. 4. Legatum est ultimæ voluntatis dispositio, quâ testator ex eo, quod aliàs universim hæredis foret, aliquid alteri, directis ad eum verbis, relinquit ab hærede præstandum; vel; est donatio rei particularis, à testatore facta, verbis immediatè ad donatarium directis, ab hærede præstanda; ut, si dicat; Lego Titio 100, aureos; si enim diceret verbis ad hæredem immediatè directis; Hæres meus det Titio 100, aureos, foret Fideicommissum, Legatum etiam sumitur pro re legata.

Notandum porrò 1. Legatum acquiritur ab ignorante sine acceptatione hoc sensu, quod fictione juris dominium ejus ad diem mortis retrahatur, nisi sit conditionatum.

2. Legari possunt, quæ alienari, & à Legatario acquiri possunt.

3. Legatum rei alienæ cognitæ, ut talis, hoc speciale habet ex dispositione juris, quod hæres teneatur rem alienam legatam emere, vel, si dominus nolit eam vendere, aut nimium pro

pro ea exigat, teneatur Legatario ad æquivalens. Si res aliena non fuerit ut talis cognita, legatum non subsistit.

4. Si nemo ex scripris hæredibus adeat hæreditatem, legata profana unà cum testamento corruunt. Si autem adeatur hæreditas, & sit absolutè legata res determinata, fructus hujus debentur Legatario à die mortis testatoris. Si verò res indeterminata sit absolutè legata, ita, ut determinatio sit penes hæredem, dominium non transfertur, nec fructus debentur, nisi à tempore, quo hæres fuit in mora tradendi vel determinandi.

5. Si legatum sit conditionatum, non cedit Legatario ante impletam conditionem, siue hæc sit causalis: ut, si navis ex India advenerit; siue purè potestativa, seu dependens à voluntate sola Legatarii: ut, si servum manu miseris; siue mixta, & dependens simul ab alterius voluntate, ut: si Cajam uxorem duxeris. Conditiō potestativa non nisi post mortem testatoris impleri debet, causalis & mixta potest impleri post conditum testamentum. Laym. L. 3. Tr. 5. cap. 10. n. 11. *De Legatis conditionatis.*

6. Legata relinqui possunt vel in testamento, vel in codicillo, vel solà voce. Si in testamento relinquuntur, requirunt, si profana sunt, solennitatem testamenti; si in codicillo, solennitatem codicilli saltem pro foro externo, si nuncupativè extra testamentum, & codicillum, requirunt quinque testes pro probatione, non pro forma; in quo tamen aliqui contradicunt.

7. Legata facta in diem certum, v. g. solvenda

da primâ Januarii , æquivalent absolutis , & transeunt ad hæredes , si Legatarius post mortem testatoris ante diem illum obeat. Facta in diem incertum , v. g. Lego Titio 100. ubi factus fuerit Sacerdos , vel ad pubertatem venerit, solvendo : æquiparantur conditionatis , adeoque si Titius ante illum diem obeat, non transeunt ad hæredes ejus. V. n. 138

275. *Fidei-* Resp. 5. Fideicommissum est ultimæ voluntatis dispositio , quâ hæres seu vi testamenti , seu ab intestato succedens à disponente obligatur absolute , vel conditionate , ut hæreditatem , vel ejus partem tradat alteri. Hæc dispositio etiam dicitur substitutio , quæ si respiciat totam hæreditatem , vel partem ejus aliquotam v. g. tertiam , est Fideicommissum , & substitutio universalis ; si partem singularem solum respiciat , dicitur Fideicommissum , & substitutio particularis. Res tamen , quæ fidei hæredis alteri tradenda committitur , etiam Fideicommissum dicitur , & is , cui committitur , dicitur hæres fideiarius , seu Fideicommissarius. Cæterum Fideicommissa relinquere , seu substituere possunt omnes , qui testari possunt ; quin & ab intestato relinqui possunt universalia , particularia , absoluta , & conditionata , verbis , vel scripturâ , nutu , vel epistolâ. Si tamen in testamento relinquuntur , vel codicillo , solennitates his propriæ sunt adhibendæ.



QUAS.

Q U Æ S T I O II.

An, & quomodo testamenta, reliquæque ultimæ voluntates ad causas pias valeant sine solennitatibus Juris civilis?

Resp. Testamenta, reliquæque ultimæ voluntates ad pias causas, quales sunt Ecclesiæ, hospitalia, monasteria, pauperes, valent sine solennitatibus Juris Civilis in utroque foro, modò de voluntate Testatoris satis constet, sive per scripturam, sive per testes saltem duos, sive per nuntius. Constat ex *Cap. relatum* 11. *de testamentis*, ubi Alexander III. mandat, ut quæcunque dispositio ultimæ voluntatis pro Ecclesiis in foro externo sustineatur tanquam valida, si adsint duo, vel tres testes, dum nempe aliunde probari non possit. Unde sufficit, si Testamentum sit scriptum manu Testatoris, quæ satis agnoscat, etsi nullus adsit testis. Si autem testibus probari debeat, illi debent esse habiles secundum Jus Canonicum, qualis hîc potest esse mulier, impubes, non rogatus, non tamen servi, infames infamiâ juris, criminosi non emendati, excommunicari vitandi, &c. Neque enim Jus Civile potest disponere in præjudicium causæ piæ, quæ est extra sphæram potestatis civilis. Unus tamen testis etiam omni exceptione major non sufficit: imò nec in foro conscientie quisquam cum suo, vel alterius præjudicio stare tenetur solo unius dicto, vel asseveratione; quia aliquin plurimæ fraudes, & injuriæ contringerent. Quare dici solet, unus testis, nullus testis,

stis. Laym. L. 3. Tr. 5. C. 2. N. 4. Ex his resolves

277.
Corollaria.

1^{mo}. Si hæredi certò constet, voluntatem Testatoris fuisse, ut aliquid in piam causam expenderetur, licet in foro externo id probari non possit, tamen in foro conscientie tenetur obsequi Testatoris voluntati: non enim requiritur probatio, ubi de veritate constat, estque magna aliquorum, etiam Advocatorum decipio, qui putant, debitorem non teneri solvete, si debitum in foro externo probari non possit, inquit Layman.

2. Si Parochus post mortem Parochiani sui producat schedam, continentem pia quædam legata, tunc si agnoscat, vel duobus testibus probari possit, quod manu Testatoris, vel defuncti sit scripta, pia ejus voluntas executioni mandanda est. Si autem ipse Parochus legata annotaverit, non creditur illi sine alio teste: quare Parochi, alique Confessarii tales ultimas dispositiones ad causas pias non excipiant, nisi advocatis duobus testibus, masculis, aut fœminis: unus tamen cum Parocho sufficere poterit etiam in legato pro sua Ecclesia: nam nec Rector Ecclesie nec alius beneficiatus, nec Religiosus prohibetur esse testis in causa suæ Ecclesie.

3. Valent legata pia, & executioni sunt mandanda, quæ continentur in testamento ad causas profanas invalido.

4. Testamentum solenne quodcunque prius factum invalidatur per posterius non solenne ad causas pias, dummodo hoc sit invalidum.

5. Ultima dispositio captatoria, ut vocant, quâ Testator suam dispositionem in alterius voluntatem committit, etsi reprobetur à Jure civili,

civili, valet tamen ad causas pias: dicitur enim *Cap. cum tibi. de testamentis: Qui extremam voluntatem in alterius dispositionem committit, non videtur decedere intestatus.*

6. Si moriturus cepit facere testamentum, vel codicillum, & morte prævennis non absolvit, licet secundum alia irritum sit, valet tamen quoad legata pia, quæ in sua illa imperfecta dispositione expressit.

7. Legata profana, testamento ad causas pias non solenni inserta valent, & solvenda sunt, modò testamentum sit Jure naturæ, & Canonico validum; quia accessorium sequitur principale. Ita communior. *Nec obstat*, quòd legata pia in testamento profano non solenni non sequantur hujus naturam; quia pium legatum est privilegiatum, & non innititur testamento tali tanquam principali.

8. Si Testator dicat: lego 1000. Cajæ, si non nubat; sique nubat, volo legatum dari Ecclesiæ, conditio servanda est, ut legatum pium subsistat; quia dispositio Juris civilis non præjudicat causæ piæ, nisi Jure Canonico sit approbata: unde valet legatum, si dicat: lego mille Titio, si à matrimonio abstineat, & fiat religiosus.

Q U Æ S T I O III.

An testamenta facta ad causas profanas, destituta solennitatibus Juris Civilis, valeant pro foro conscientiæ?

Certum est tale testamentum regulariter non sustineri in foro externo, sed negari actionem hæredi, per tale testamentum instituto. Dico
R. P. Reuter Theol. Mor. P. III. B b Re.

Regulariter : nam si ab intestato succedens ipse perceperit, & fateatur voluntatem testatoris defuncti, alium pro hærede instituentis, aut adfuerit testanti, & nolit iuramentum deponere, quod non perceperit voluntatem defuncti; hæreditas adjudicatur hæredi per testamentum non solenne instituto, vel legatum, fidei commissum legatario &c. Dubium itaque est de valore pro foro interno extra hos casus. Ad quod

278.
*Tres
senten-
tia.*

Resp. Tres circa hoc sunt sententiæ, omnes nixæ legibus diversis, vel diverso sensu intellectis. 1ma, quam tenet Suar. Vasq. Lugo, asserit, tale testamentum esse omnino nullum etiam pro foro interno, ita, ut hæres per illud institutus, ante sententiam Judicis hæredibus ab intestato hæreditatem, si eam adierit, teneatur restituere. Hæc sententia nritur *L. Hæc consultissima. Cod. de testam. &c.* ubi dicitur testamentum imperfectum haberi pro infecto, nullumque esse: sed responderetur, haberi pro infecto, pro nullo in foro externo, eò quòd non detur actio tali testamento institutis, sed repellantur tanquam destituti probatione requisita.

2da sententia, quæ est Molinæ, Less. & aliorum ait, tale testamentum esse pro foro conscientie omnino validum, ita ut hæredes ab intestato, si iis constet de voluntate defuncti testatoris, non possint occupare bona, aliis in eo relicta, vel legata, neque agere apud Judicem, sique agant, & relicta aliis adjudicentur ipsis, teneantur restituere; eò quòd Judex non conferat iis Jus absolute; sed solum neget actionem iis, qui tali testamento nituntur, eosque repellat tanquam carentes debi-

debita probatione. Hæc sententia probatur
 1. *mò ex L. Inutiliter C. de Fidei commissis*,
 ubi dicitur, non posse repertum fidei commissum,
 relictum à defuncto inutiliter, seu sine solen-
 nitate, si, sciens voluntatem defuncti, hæres ab
 intestato id præstitit; eò quòd voluntati de-
 functi ex conscientia satisfactum videatur; at-
 qui posset repertum, si ultima voluntas defuncti
 fuisset irrita. 2. *Ex §. ultimo institut. de Fi-
 dei commissis. L. 16. C. de testam.* Justinianus
 statuit, ut, si testator tibi hæredi commisit, ut
 hæreditatem, vel partem alteri restituas, &
 hic probare non possit, tu autem fatearis eam
 fuisse voluntatem testatoris, vel iuramentum
 oblatum præstare nolis; cogaris restituere, ne
 depereat, inquit, ultima voluntas testatoris fidei
 hæredis commissæ. 3. Aliis legibus apud Less.
L. 2. c. 19. d. 3. dicitur; *Nihil est tam con-
 veniens naturali æquitati, quam voluntatem
 Domini, volentis rem suam in alium transfer-
 re, ratam haberi: ubique custodiri volumus
 morientium voluntates.* Ergo leges non inten-
 dunt eas reddere omninò irritas. Ex his Juris-
 periti colligunt legata, quæ in testamento non
 solenni tibi relicta sunt, si à te possideantur,
 posse legitimam exceptione defendi. Probatum
 4. ratione; quia Jure positivo non satis pro-
 batum, tale testamentum esse omninò nullum;
 ergo standum est pro ejus valore; quia qui
 potuit Jus apertius dicere, & non dixit, con-
 tra eum interpretatio facienda est, estque lex
 naturalis in possessione; leges autem irritan-
 tes, & à lege naturæ recedentes sunt odiosæ,
 adeoque restringendæ. Deinde lex irritans
 juxta communem non extendit se ad forum in-

ternum, nisi id exprimat, vel saltem virtualiter ejus mentionem faciat.

3tia sententia; quam tenet Sanch. Valenti. Laym. L. 1. tr. 4. c. 17. & alii; est media inter duas priores, docetque validum esse illud testamentum pro foro conscientiae; sed infirmum, & rescindibile per Judicem, quem hæres ab intestato implorare potest. Juxta hanc sententiam hæres sic institutus hæreditatem; & legatarius legatum retinere potest, donec adjudicetur hæredibus ab intestato à Judice; qui obligationem naturalem; & Jus infirmum dissolvit; & confert Jus firmum hæredibus ab intestato, nisi sciant, & fateantur, aliam fuisse voluntatem defuncti; vel recusent præstare juramentum, se non scire, aliam defuncti fuisse voluntatem. Ratio hujus sententiæ est; quia sic conciliantur leges in speciem oppositæ, & satis fit earum fini, qui est regimen politicum, & evitatio fraudum. Hæ sententiæ omnes sunt probabiles, sed postrema videtur probabilior. Vid. Pichler L. 3. Tit. 26. N. 11. in Compendio.

279. *Notandum* insuper, si testamentum in scripto deficiat in aliqua solennitate testamenti scripti, v. g. careat debita subscriptione, valet ut nuncupativum, si omnes hujus solennitates habeat, etsi id non exprimatur; quia Jura concedunt facultatem transferendi hæreditatem per testamentum nuncupativum, & quisque præsumitur modo, quo potest, dispo- nere, ut actus potius valeat, quam non valeat. Ut tamen testamentum valeat in vim codicilli, debet addi clausula codicillaris, sed quod velit dispositionem suam valere saltem ut codicillum, quo hæres ab intestato obligetur,

tur : qui enim præcisè codicillum facit, decessit intestatus.

Q U Æ S T I O IV.

Quinam condere non possint Testamentum ?

Resp. Non potest 1. mō impos rationis. 2. 180. Surdus & mutus à nativitate. 3. Impubes, *Impubes* etsi sui juris, vel sub Tutore esset ; quia iurares, & absolute requirunt pubertatem, nec permit-*lege pra-* tunt Testamentum pendere ab aliena volunta-*hibiti,* te. Lex tamen civilis non potest præjudicare causis piis. 4. Filius familias, qui tamen potest testari de castrensibus, si puber sit, & de adventitiis ad causas pias cum consensu patris, secundum dicta N. 43. 5. Religiosus professus, qui tamen potest testari inter liberos legitimos, si ante professionem fuisset junctus matrimonio, Computare tamen deberet monasterium in numero liberorum. 6. Prodigii privati administratione bonorum. 7. Damnati ad mortem, & rei criminis, cui talis pœna est annexa : ut hæretici excommunicati, ob hæresin, usurarii notorii &c. 8. Clerici ex superfluis de redditibus beneficii ad causas profanas secundum dicta N. 51. R. 3. Reliqui autem testari possunt, nec prohibentur testari minores etiam sine consensu curatoris. Vide Less. L. 2. C. 19. Dub. 4. N. 41.



QUÆSTIO V.

Quinam hæredes institui non possint?

281. Resp. Non possunt imò Hæretici non tole-
Hæreti 2311, eorumque fautores. 2. Apostatæ à fide
cs, & Christiana. 3. Ex imperio proscripti, seu de-
proscri- portati. 4. Dammati ad mortem, metalla,
ptu, &c. vel tritemes, perduelles, Rei criminis læsæ
 Majestatis, & eorum liberi. 5. Ordines reli-
 giosi bonorum temporalium in communi inca-
 paces, ut Capucinorum, & Minorum de ob-
 servantia; quia tamen legata admittere possunt,
 modò non æquivalent hæreditarij, & immo-
 bilia distrahantur. 6. Religiosi professi in par-
 ticulari intuitu sui; bene tamen intuitu ordinis
 capacis; de quo vide Laym. l. 3, tr. 5. La Croix
 L. 3. P. 2. N. 1153.

Quid de
prole
spuria?

7. Institui non possunt spurij, seu nati ex
 parentibus, qui tam tempore nativitatis, quàm
 conceptionis filij, conjuges esse non poterant
 ob impedimentum dirimens. Hi nec ab in-
 testato, nec per testamentum succedere possunt
 etiam in partem hæreditatis seu maternæ, seu
 paternæ: imò nec donatione inter vivos, vel
 mortis causâ; alijs tamen non prohibentur per
 testamentum succedere. Potest quoque, &
 debet aliquid à parentibus iis relinqui ad ho-
 nestam sustentationem secundùm conditionem
 suam, nec prohibetur pater filiæ spurix con-
 stituere dotem. Si tamen spurius aliunde alere
 se possit, ad alimenta non tenetur pater. Dixi
Spurij; nam filius naturalis, id est, natus à
 parentibus, qui tempore conceptionis, vel
 saltem nativitatis non habebant impedimen-
 tum

tum dirimens matrimonium, potest à suis parentibus, si legitimas proles non habeant, institui hæres universalis. Ex *L. Licet. C. de filiis naturalibus*. Si tamen carens prole legitimâ habeat ascendentem, vel ascendentes, jure communi debetur iis legitima, nisi in certo loco jus municipale aliud statuerit. Non succedit autem filius naturalis patri ab intestato, nisi in duabus unciiis, seu sextâ parte hæreditatis, idque tantum, si careat aliis liberis. Matri verò succedit tum ab intestato, tum ex testamento pari jure cum legitimis; patri prolem legitimam habenti per testamentum tantum in uncia.

Q U Æ S T I O VI.

Quinam sint Hæredes ab intestato?

Resp. Hæredes ab intestato sunt, qui de 282.
jure succedunt defuncto, qui aut testamentum *Ante*
non fecit, aut fecit invalidum, vel ruptum fuit. *omnes*
Tales sunt *descen-*

1. mod. Liberi legitimi, vel legitimati per sub- *descentes*
sequens matrimonium, qui succedunt æqualiter *legitimâ*
suis parentibus; non verò legitimati per rescri- *ptum*
ptum Principis, nisi legitimati sint, antequam
nati sint legitimi.

2. Si liberi omnes legitimi sint mortui, horum parentibus succedunt nepotes in capita; quia juxta Layman tunc succedunt vi propriæ conjunctionis secundum Carolinam Spiræ anno 1519. editam, per quam cessat *Auth.*
C. de legitim. hæred. Si autem unus, vel alter tantum ex liberis sit mortuus, relictis proli-

bus, hæ succedunt in stirpes, id est, inter se dividunt portionem sui defuncti parentis.

3. Si defint tam nepotes, quàm filii, succedunt ascendentes, pater, & mater defuncti, vel avus, & avia. Quodsi unà cum patre, & matre, vel his deficientibus, unà cum avo, vel avia adsint fratres, aut sorores ex utraque parte conjuncti, succedunt hi cum illis æqualiter, & in capita.

4. Si tam ascendentes, quàm descendentes defint, succedunt fratres, & sorores ex utraque parte conjuncti æqualiter, & excludunt conjunctos ex solo patre, vel ex sola matre.

5. Si defint fratres, & sorores utrimque conjuncti, eorumque liberi legitimi, succedunt fratres, & sorores ex una tantùm parte conjuncti, sic tamen, ut conjuncti ex parte patris succedant in bona patris, & conjuncti ex parte matris, in bona matris, in reliqua verò æqualiter omnes. Uxor marito non succedit, nisi defint consanguinei ad 10. gradum. Plura vide apud Laym. hic cap. 6. sub N. 6.

Q U Æ S T I O VII.

Qui sint Hæredes necessarij in testamento, seu quos Testator in eo instituere cogatur, si testari velit?

283. Resp. Sunt descendentes legitimi, ac imò
Descen- quidem liberi, & his deficientibus nepotes,
dentos his quoque deficientibus ascendentes, non au-
legitimi, tem fratres, & sorores; hinc etsi hi per te-
& ascen- stamentum ad hæreditatem non veniant, ni-
dentos. hil possunt obtendere, nisi persona juris, & facti

facti infamiâ laborans hæres esset instituta, & ipsis nihil titulo institutionis esset relictum: hoc enim casu fratres & sorores agere possent querelâ inofficiosi testamenti, nisi uterini tantum essent, vel ipsi infames, aut ingratitude erga defunctum notati. Cæterum si indigni non sint, & egeant, desintque hæredes necessarii, æquitas naturaliter postulat, ut pars aliqua iis à fratre, uti & à marito uxori relinquatur. Hæres necessarius etiam dicitur hæres suus, si tempore, quo mortuus est testator, fuit in ejus patria potestate, ut filius & filia, nepos & neptis ex filio, qui moriente patre, vel avo adhuc sunt in eorum patria potestate.

Q U Æ S T I O VIII.

Quæ sit portio legitima, hæredibus necessariis, ex hæreditate debita?

Nota. Totâ hæreditas dicitur in jure as, & 284. dividitur in 12. partes, seu uncias. Dux un- *Divisio* cia dicuntur sextans, id est, sexta pars hære- *hæredi-* ditatis. Tres uncia quadrans, id est, quarta *tatis in* ejus pars. Quatuor uncia triens, seu tertia *12. par-* pars, quinque uncia quincunx, sex uncia se- *tes.* tes, vel semissis, id est, medietas hæredita- tis. Septem uncia septunx; octo uncia bes, id est bis triens, seu duæ tertia hære- ditatis, novem uncia dodrans, decem uncia dextrans, undecim uncia deunx, tota hæreditas as. Atque ex his patet, quid sit hæredem institui ex asse, triente, semisse &c. Hoc notato.

Resp. Portio legitima hæreditatis, Jure ci- 285. vilii in testamento debita descendantibus, est. *Portio* *legitima*
B b 5 triens,

triens, seu tertia pars hæreditatis, si non plures quàm quatuor liberi seu masculi, seu fœminæ existant; si autem plures, quàm quatuor existant, est semissis, seu medietas hæreditatis; atque in hoc liberorum numero constitutus est etiam, qui hæreditati renuntiavit, non verò exhæredatus, aut professus in religione successionis incapax. Quod addo, quia si religio sit successionis capax, in eam religiosus per professionem velut mortem quandam omnia sua bona, & jura transfert. Proinde illa loco ejus succedit, salvo tamen jure aliorum hæredum. Si autem religiosus ante parentes suos moreretur, religio non succederet; tum quia viventis nulla est hæreditas; tum quia filius in religionem plus juris non transfert, quàm ipse habebat. Habuit autem tantum jus ad hæreditatem, si parentes ante ipsum morerentur. Idem est de legitima.

Similiter legitima portio ascendentibus debita est triens, qui, ubi desunt descendentes testatoris, debetur parenti uni, vel utrique superstiti, si neuter supersit, in locum patris venit avus, & avia paterna, in locum matris, avus, & avia materna. Necesse autem est portionem legitimam relinqui titulo honorabili, seu sine onere, modo, conditione; alias habentur pro non adjectis. Neque habens liberos potest suæ legitimæ renuntiare. Hæc intelligenda sunt de bonis privatis, non de regnis, ducatibus, comitatibus, bonis feudali-
libus.

286.

*Non tenentur
parentes
inter li-*

Atque ex his patet, non teneri parentes bona sua inter liberos æqualiter dividere, sed posse, salvâ tamen omnium legitimâ, uni ex justa causa plus dare, vel relinquere, quàm alteri,

alteri, ut sit unus officiis suis, & operâ plus meritis esset, si magis indigeret, si adhuc puerus magnis sumptibus in studiis alendus esset, aut ex loci consuetudine primogeniti, vel masculi fœminis in successione præferantur. Peccarent tamen contra charitatem, si id facerent sine justa causa ex inordinato affectu: darent enim occasionem querelarum, dissensionum, &c. imò si accedente industriâ & labore se honestè alere non possent liberi portione legitimâ, plus tenerentur parentes, si id facultates ferant, relinquere; exigit enim pietas, ut parentes liberis, & hi parentibus provideant de alimentis necessariis: unde licet possint legare aliqua piis causis, id tamen, consideratis circumstantiis, salvâ pietate in suos faciendum est, cum & hi indigentes veniant nomine piæ causæ. Quod si verò legitima excederet alimenta jure naturæ debita, posse patrem etiam in præjudicium legitimæ excessum impendere eleëmōsynis, aliisque piis causis, docent Nav. Card. & alii apud La Croix hîc n. 812. quia jure naturæ tantum debentur alimenta, & Jus civile disponere non potest in præjudicium causæ piæ. Sic carens liberis, & ascendentibus potest omnia bona dare pauperibus, etsi Jus civile donationem omnium bonorum reprobet, eo quod adimat facultatem testandi.

Q U Æ S T I O IX

Quos effectus in testamento habeat clausula codicillaris?

Resp. Si testamentum sit invalidum defectu solennitatis quoad hæredis institutionem, ^{287.} *Habet* ^{ci} *varias.*

ei tamen inserta fuerit clausula codicillaris, munita solennitate codicillo propriâ, hæc habet hos effectus :

1^{mo}. Hæres ab intestato solvere tenetur legata.

2. Hæres ab intestato non necessarius, detractâ quartâ parte hæreditatis, seu trebellanica, tenetur reliqua tradere hæredi codicillari extraneo ; quia dispositio vertitur in fidei commissariam. Idem est, si hæres ab intestato necessarius esset, cum hoc discrimine, quod hic possit detrabere legitimam, & trebellanicam.

3. Si testamentum sit nullum ob præteritionem, vel exhæreditationem injustam personæ ab intestato venientis, factam scienter à Testatore, legata, & fidei commissæ ab hærede ab intestato præstanda sunt, & vertitur dispositio in fidei commissariam ; si autem Testator processisset ex ignorantia inculpabili hæredis necessarii, defectu voluntatis testamentum non valeret etiam quoad legata profana. Putat Molina etiam hoc casu hæredem necessarium gravari, ut detractâ legitimâ, hæreditatem restituat instituto. Porro clausula codicillaris potest inseri testamento, vel expresse, v. g. si hæc dispositio non valeat, ut testamentum, volo, ut valeat tanquam codicillus ; vel tacite ac virtualiter, v. g. si hæc mea dispositio non valeat, ut testamentum, volo, ut valeat modo meliori, quo potest. Hæc si non addantur, nec clausula codicillaris subintellecta præsumi possit, non valet testamentum ut codicillus etiam ; præsumitur autem subintellecta, si Testator voluit providere filio, vel personæ valde dilectæ, vel jura-

juramento testamentum confirmavit, vel à se præstito, vel ab hærede præstando de servandis omnibus, quæ in eo continentur. Hæc omnia constant ex legibus citatis.

Q U Æ S T I O X.

Quibus casibus legata profana in testamento profano invalido relicta subsistant in foro etiam externo?

Resp. Etsi per se loquendo corruant, utpote innixa testamento invalido, subsistunt tamen imò, si apposita fuerit clausula codicillaris.

288.

*Quin-
que cas-
bus.*

2. Si hæres ab intestato ipsemet audiverit voluntatem Testatoris, ac fateatur.

3. Si hæres ab intestato legatum jam solvisset; quia præsumitur id fecisse urgente conscientia ob scientiam voluntatis defuncti.

4. Si hæredem fuisse præsentem defuncto sciatur, & nolit juramentum sibi delatum facere, quod non sciat de voluntate defuncti. Tunc enim solvere legata compellitur.

5. Legata facta in testamento invalido propter injustam præteritionem hæredis ab intestato scienter factam ex *Auth. Non licet Cod. de liberis præteritis*, subsistunt, si adjecta sit clausula codicillaris, uti jam dictum.

Q U Æ S T I O XI.

An, & à quo testamentum, & reliquæ ultimæ voluntates mutari, & revocari possint?

289.

A testa-

Resp. Revocari, & mutari possunt imò ab

*testa-
tore vi-
vente.*

ab ipso testatore vivente ; quia omnis voluntas ultima ex natura sua semper est revocabilis ante mortem : disponens enim non intendit se obligare firmiter , nisi dispositio morte ejus firmetur , ut habet sensus communis omnium : quod & testatur Apost. *Hebr. 9.* Quodsi disponens jurato promiserit , quodd dispositio- nem suam non sit revocaturus , vel immutaturus , validè quidem revocat , vel immutat ; quia adhuc mansit dominus rerum suarum : non tamen licitè , tum quia juramento tenetur , ubi licitè servari potest ; tum quia promissio talis , etsi , ubi sine juramento est facta , sit irrita , illo tamen firmatur , seu illo accedente probabilius valida est secundum dicta N. 154. Quodsi tamen gravis causa emergeret , v. g. graves rixæ , & inimicitix certò forent orituræ inter testatorem , & hæcædem , promissio jurata etiam non obstarèt , quominus ultima voluntas revocari posset ; quia juramentum , sicut actus , cui apponitur , involvit tacitam conditionem , nisi emergat causa rationabilis revocandi. Vide Lessium.

*Quandoque à
Papa.*

2. Ultimas voluntates ad piàs causas im- mutare potest Papa post mortem testatoris , si adsit justa causa ; quia est à Christo constitutus piarum causarum administrator , ut possit disponere de iis , ut exigit necessitas , & utilitas supernaturalis. Unde & censetur disponens de rebus suis in id consentire , modò adsit causa justa. An idem possit Episcopus controversitur utrimque probabiliter , de quo vide La Croix L. 4. N. 841. 848. & Trid. Sess. 22. C. 6. de reformatione , ubi ait , mutationes illas non debere fieri , nisi ex justa , & necessaria causa.

3. Testa-

3. Testamenta, & legata profana supremus Princeps ob necessitatem, vel utilitatem publicam mutare potest sine tamen præjudicio tertii. Executor tamen, vel hæres ex testamento ultimas voluntates mutare non potest, si executioni dari possint. Vid. La Croix L. 3. P. 2. N. 1146.

Q U Æ S T I O XII.

Quæ sint obligationes, commoda, & privilegia hæreditum ab intestato, tum per testamentum?

Resp. Hæres tam suus, in patria potestate defunctis constitutus, quam non suus, ubi hæreditatem sibi delatam adiit, vel se illi immiscuit, quod utrique liberum est, non solum omnia commoda, & jura defuncti in se transfert; sed etiam omnes reales ejus obligationes, & debita, ita, ut teneatur omnibus satisfacere, legata solvere, fidei commissa, totamque voluntatem defuncti implere. Interim hæc duo habet privilegia. Primum est jus deliberandi per annum, an adire, aut repudiare velit hæreditatem, intra quem inquirere potest de viribus hæreditatis, & debitis, ne gravetur aditâ hæreditate ultra ejus vires. Secundum est jus conficiendi inventarium; quod, ubi hæreditatem ad se delatam cognoscit, incipere debet intra 30. dies, & inter alios 60. absolvere: hoc legitime confecto non obligatur ultra vires hæreditatis etiam in foro externo; secus, si inventarium non fecerit: quamquam hoc casu probabiliter in foro interno non teneatur; quia Jus civile probabiliter funda-

290.
Transfert in se commoda, & obligationes defuncti

fundatur in præsumptione fraudis. Confecto inventario, seu legitimè annotatis bonis, juri-
bus & debitis defuncti, potest solvere debita
creditoribus, non attento Jure prælationis, mo-
dò bonâ fide procedat; Jus autem prælationis
habens non ipsum, sed alios creditores conve-
nire potest. Deinde potest servare sua Jura salva,
quæ habuit contra defunctum, salvo tamen Ju-
re prælationis. Deductis expensis pro funere,
insinuatione testamenti, confectione inventa-
rii, aliisque causis hæreditatis necessariis, po-
test sibi reservare quartam partem hæreditatis,
& ne nomen hæredis inane gerat, si hæredi-
tas sit ità gravata legatis profanis, aut fidei-
commissis, ut quarta pars ei non supersit, eam
detrahere legatis, aliisque ultimæ voluntatis
dispositionibus profanis, quod addo; quia le-
gatis piis, & privilegiatis, seu ità relictis, ut
non alienentur, sed ad successores transeant,
nihil detrahitur. Hoc privilegio gaudet etiam
hæres ab intestato succedens, & ità quidem,
ut præter legitimam habeat quartam partem:
quæ, si detrahatur legatis &c. dicitur *Falcidia*
à Falcidio Tribuno, qui legem illam tulit; si
detrahatur Fideicommissò, dicitur *Trebellani-
ca* à Trebellio Consule Romano, qui legis il-
lius est author. Consideranda autem est hæ-
reditas, prout erat tempore mortis defuncti
eam relinquentis. Si inventarium non fecerit,
Falcidiam detrahere non potest. Porro hæ-
reditas defertur, quando aperitur testamen-
tum, & satis constat, quis sit hæres. Hære-
ditas aditur, quando hæres verbis, vel factis
v. g. solvendo legata &c. declarat, se admit-
tere hæreditatem: quod si faciat, tota statim
hæreditas (quæ objectivè spectata sunt bona,
& ju-

& jura defuncti ; formaliter verò est Jus succedendi incorporale & indivisibile) sic illius, non tamen mox res singulæ, ità ut ab alio de- tentas vindicare possit, sed per petitionem hæ- reditatis consequi debeat.

Q U Æ S T I O XIII.

Quæ observanda sint Hæredi circa solu- tionem Legatorum ?

Resp. Sequentia. 1. Legatum purè debe- 291.
tur statim à morte testatoris, transmittiturque *A morte*
ad hæredes Legatarii, si hic moriatur, ante *defuncti*
quam hæres adeat hæreditatem ; relictum au- *deben-*
tem sub conditione, non debetur ante ejus im- *tur sta-*
pletionem. Si tamen conditio esset negativa, *tim le-*
v. g. si non defecerit à Fide Catholica, statim *gata ab-*
peti posset, modò Legatarius præstet cautionem *soluta.*
de re cum fructibus restituendâ, si conditionem non impleverit.

2. Si legata sit res determinata in individuo v. g. hoc vas vini, hic ager transit in dominium Legatarii modo supra dicto, eo ipso, quòd hæreditas adeatur ; non verò, si sit tantum in quantitate determinata v. g. 20. modii tritici, 100. floreni ; tunc enim acquiritur tantum actio hypothecaria.

3. Si legatum pium, ad certam causam piam destinatum illi non possit impendi, expendi de- bet in alium pium usum priori similem, etsi te- stator dixisset, se nolle in alium usum expendi ; quia simpliciter voluit expendi in usum pium. Legatum autem profanum, si impleri non possit, redit ad hæreditatem.

4. Dum aliquid legatur pauperibus, intelliguntur etiam illi, qui spectato eorum statu, vere indigent. Si testator nullos expresserit, qui præferendi sint, congruum est, ut testatoris consanguinei præferantur extraneis, pauperes loci, ejus, & bonorum aliis peregrinis. Si hæreditas non sufficiat solvendis legatis piis, & profanis, Lugo de justitia d. 20. S. 3. citans Vasq. tenet, præsumendum esse, quod testator potius voluerit suæ salutis consulere, quàm aliis, qui sæpe ad fastum impendunt, aut dilapidant relicta; adeoque profanis potius quàm legatis piis detrahendum esse Sanch. L. 4. mor. du. 11. censet omnibus proportionate esse detrahendum; quia par jus est omnibus.

Q U Æ S T I O XIV.

An, & quando valeat renuntiatio hæreditatis, vel pactum de ea in alium transferendâ?

Resp. Constat ex sequentibus. 1mo. Si hæres necessarius juri successionis, seu hæreditati futuræ renuntiet nudè, vel toti, vel ex parte, ita ut bonorum parte v. g. dote, vel donatione propter nuptias velit esse contentus, irrita est renuntiatio per se loquendo. Ita statutum est jure civili propter bonum commune. Dixi 1mo. *Si renuntiet nudè* : nam si renuntiatio sit juramento firmata valida est ex cap. *Quamvis* de pactis in 6. quia juramentum, dum non vergit in æternæ salutis dispendium, nec redundat in alterius detrimentum injustum servandum est, sique aliis occasionaliter ex ea renuntiatione sequatur detrimentum non injustum, renuntiati-

oni,

oni, juramento firmatae, non obest: uti si filius cum juramento renuntiet, & alii, alioquin successuri, hæreditatem ejus non consequantur: non enim jus ad illam habent, nisi dependenter ab ejus voluntate: hinc si filius jurato renuntiet hæreditati maternæ, pater privatur eo ipso usufructu bonorum, quæ filio aliàs vi successionis obvenissent. Dixi 2do. *Per se loquendo*: nam valet renuntiatio etiam nuda, si quis in actu ipso testandi juri suæ successionis, vel post conditum testamentum, in quo præteritus est, sui præteritionem approbet, aut filius, vivente patre, acceptâ jam legitimâ, reliquæ hæreditati renuntiet. Porro cum renuntiatio, utpote repugnans juri communi, sit odiosa, adeoque strictæ interpretationis, eâ non obstante, potest filius, qui successioni seu ab intestato, seu ex testamento renuntiavit, à Patre institui, quia hic potest favori illi suo renuntiare, & obligationem etiam juratam remittere, etsi facta esset in favorem fratris. Item, si facta renuntiatione in favorem fratris, hic moriatur ante patrem; renuntians succedit in paterna hæreditate; quia causa renuntiationis cessat.

2do. Donatio, hypotheca, & universum omne pactum, circa hæreditatem alterius personæ certæ, adhuc viventis, sine ejus consensu factum in favorem privati; ipso facto, nisi constitutiones ordinis religiosi aliud ab ingressuro exigant, est irritum v.g. si Titius Cajo. hæreditatem, sibi à sempronio ab intestato, vel ex testamento obventuram sine consensu sempronii promittat, donet, aut alio quocumque modo obliget, pactum omni robore caret ex dispositione juris ob periculum captandæ mortis. Dixi 1mo. *Persona certa*: Nam, si persona non


determinetur, ut si v. g. dicatur: si quæ hæreditas mihi, dum vixero, delata fuerit, tua esto, valet renunciatio, quia periculum captandæ mortis cessat. Dixi 2do. *Sine consensu ejus.* Si enim consentiat is; à quo expectatur obventura, & in ea voluntate usque ad mortem perseveret, pactum morte confirmatur. Potest enim favori, principaliter pro te introducto, renunciare; si autem consensum revocet pactum, et si juratum corrumpit. Dixi 3tio. *Factum in favorem privati:* Nam si renunciatio fiat in favorem communitalis, collegii, conventus religiosi, subsistit, non requisito consensu ejus, à quo obveniet hæreditas; quia censetur cessare periculum captandæ mortis: *Quod enim, ajunt jura, collegio datur, cum singulorum non sit, quasi nemini datur. Et: naturale est vitium negligi, quod communiter possidetur.*

3tio. Si novitius ordinis religiosi, excepta Societate Jesu) renuntiet, donet, vel quomodo-cunque obliget hæreditatem suam, vel bona etiam cum juramento, & in favorem cujuscunque causæ piæ, dispositio irrita est, nisi cum licentia Episcopi, sive ejus Vicarii intra duos menses proximos ante professionem facta sit. Imo & sic facta non sortitur effectum, nisi secuta professione. Et idem est, si parentes, vel cognati, aut curatores partem notabilem hæreditatis, aut bonorum novitii darent monasterio, in quo probatur. Ita statuit Trid. Sess. 25. Cap. 16. de Regularibus. Ratio ejus est, ne novitiis quædam imponatur profitendi necessitas, & hac occasione discedere nequeant, quod totam, vel majorem partem substantiæ suæ monasterium possideat, nec facile, si discedant recuperare possint. Hæc ratio ubi cessat, cessat quoque dispo-

dispositionis irritatio; ubi verò reperitur dispositio nulla est, saltem facta à novitio.

Hinc imo: Valet donatio modica; quia non imponit necessitatem profitenti. 2. Valet renuntiatio per testamentum, donatio mortis causâ, codicillus, legatum, quia hæc ante professionem sunt revocabilia, nec justribuunt nisi secuta professione. 3. Valent contractus reciproci, quibus datur, & vicissim recipitur æquivalens, ut sunt contractus venditionis, locationis, permutationis, & mutui cum aliis, quam cum monasterio initus. 4. Non valet resignatio beneficii, utpote boni notabilis, nisi fiat cum consensu Episcopi intra duos menses proximos professioni, sique tum resignetur, non potest conferri alteri, nisi secuta professione resignantis. In Societate autem Jesu resignari non potest, nisi post completum biennium probationis, hoc autem completo statim resignandum est ante emissâ vota religionis. 4. Nec valet renuntiatio intuitu religionis facta sub conditione, ut corruat, si professio non sequatur; quia, si renunciata, vel donata semel à monasterio, vel consanguineis possideantur, non sine gravi molestia recuperantur. Dixi imo. *Si novitius*; Nam renuntiatio ante ingressum facta probabiliter decreto Tridentini non comprehenditur, uti videtur colligi ex connexionе capituli 16. cum 15. Ubi Concilium constanter loquitur tantum de novitiis. Opposita sententia, si ratio Concilii spectetur, videtur probabilior: nam alias libertati professionis non satis consulisset, quod tamen intendit & loquitur absolute. V. La Croix L. 3. P. 2. N. 1126. L. 4. n. 97. Dixi 2do. Exceptâ Societate Jesu: nam Concilium ejus Instituto noluit derogare. Quæ autem dispo-

fitio novitiis ejus liceat, aut incumbat, videre est apud La Croix l. cit. & apud Laym. L. 3. de justitia Tr. 5. cap. 7. à n. 9. de successione Regularium.



TRACTATUS III.

DE

Injuriis, & Jure læso per Justitiam reparando, seu Restitutione.

CAPUT I.

De Injuria, & Restitutione in genere.

QUÆSTIO I.

Quid, & quotuplex sit Injuria?

293. *Injuria definitio* **R**esp. Injuria est juris alieni violatio efficax. Dicitur 1. *Juris alieni*; puta strictè dicti, & propriè talis, ut injuria distinguatur à violatione debiti aliarum virtutum, & jurisdictionis, cujus læsio, ut talis præcisè inobedientiam, non injuriam constituit. Dicitur 2. *Violatio juris alieni*; quia injuria non tollit jus alienum, sed tantum vulnerat, vel lædit; si enim id tolleretur, hoc ipso injuria non esset; quia rem nec in se, nec in æquivalenti relinqueret alteri obstrictam, consequenter detentio

ria illius injusta non esset : ut, si Judex ob crimen reum exuat jure bonorum, non facit ei injuriam ; sed qui inæqualitatem inducit, facitque, ut alter non habeat in bonis suis æquale juri suo. Dicitur 3. *Efficax* : quia, si voluntati lædendi non accedat actio effective violativa juris alieni, est quidem injustitia, non tamen injuria, nisi affectivè & minùs propriè talis, quæ secundùm dicenda obligationem restituendi non inducit. Ex quo patet, quòd omnis injuria sit injustitia, non tamen omnis actus injustitiæ sit propriè dicta injuria.

Resp. 2. Injuria dividitur in materialem, & 294.
formalem. Formalis subdividitur in directam *Divisio*,
& indirectam, gravem & levem.

1. Materialis est, quæ fit cum inculpabili ignorantia vel inadvertentia juris alieni : ut, si quis alterius domum incenderet, omninò non advertens etiam ad periculum.

2. Formalis est, quæ fit cum advertentia juris alieni : ut, si quis rem alienam destruat, satis advertens ad jus alienum, vel periculum id destruendi. Hinc dicitur libera alieni juris violatio formalis. Et hæc sola propriissimè injuria dicitur.

3. Injuria directæ est actio, vel omissio intentæ, ut læsiva est juris alieni ; indirecta verò est actio vel omissio, quæ quidem est læsiva formaliter juris alieni, sed non intenditur, ut læsiva est, sed ex alio motivo, v. g. ob lucrum, vel ut damnificans habeat, quod lusui exponat, suis recreationibus impendar.

4. Injuria gravis est, quæ, spectatâ commu-*Injuria*,
ni hominum complexione, de se apta est cau-*gravis*,
sare magnam contristationem, mutuamque dis-
solvere charitatem, vel, quæ ex natura rei est

dissolutiva amicitia. Levis verò est, quæ ex natura rei talis non est. Ità Esparfa, La Croix & alii. *Ratio est*; quia, cùm charitas sit princeps virtutum omnium finisque omnis præcepti, & vinculum, quo rectè se habet homo erga Deum, erga seipsum, & erga proximum, ut servetur ordo debitus in Repub. rationali, merito dicitur injuria gravis, quæ de se ejus est dissolutiva; levis verò, quæ id non habet, sed ordinem necessarium inter membrâ Reip. relinquit incorruptum. Hæc regula est universalis; quia se extendit ad omnia bonorum genera, & passim homines non putant, gravem se injuriam aut intulisse, aut accepisse, nisi læsio sit talis, quæ ex se apta sit dissolvere mutuum charitatis vinculum. Est quoque regula omnium, quæ dari possit, maxime perspicua: sic enim quisque ex animi sui dispositione, si prudens est, poterit cognoscere, qualem injuriam non possit sine gravi noxa inferre alteri, si nempe recogitet, quomodo ipse perferret, si similem ab alio acciperet.

Dixi tamen: *Spēctatâ communi hominum complexione*, vel: *ex natura sua*: nam si quis complexione delicatior, & bilis nimis succinctæ, vellet quamcunque injuriam levem reputare pro sufficienti causa mutuam dissolvendi benevolentiam; is ex passione potius, quàm ex prudenti ratione, & ob meritum actûs injuriosi agere censeretur, faceretque potius, quàm pateretur injuriam.



Q U Æ S T I O II.

An scienti & consentienti possit fieri
Injuria?

Resp. 1. Scienti & consentienti liberè , 295.
spontaneè & efficaciter , valentique cedere ju- *Cedenti*
re suo, injuria fieri non potest. *Ratio est* : quia, *efficaci-*
qui sic consentiens cedit jure suo , nullum am- *ter jure*
plius jus habet , proinde nec id violari, eique in- *suo non*
juria fieri potest. Antecedens constat ; quia sic *fit inju-*
consentiendo abdicat jus suum ; renuntiat legi *ria.*
faventi , quâ jus ejus partialiter constituitur, quâ-
que deficientes, jus delinit.

Dixi : *Consentienti liberè, spontaneè & effica-*
citer : nam si consentiat vi , vel metu , aut ne-
cessitate adactus , ei adhuc fieri injuria potest.
Sic si quis , metu intentatæ mortis adactus,
porrigat pecuniam latroni , adhuc injuriâ affi-
citur : similiter injuriam patitur , qui usuras
solvit usurario : qui vel cogitur , & jam solu-
tio non est spontanea ; vel non cogitur , & jam
tamen consensus non est efficax , sed invalidus ;
nam esset consensus onerosus in nullo titulo
fundatus , cum mutuum non sit vendibile , vel
pretio æstimabile secundum dicta. *Nec ob-*
stat , quod Christus Dominus sponte subierit
mortem , & Martyres nullatenus inviti eam tole-
raverint : & tamen passi sint injuriam : nam licet
ita sit , attamen non ideo renuntiârunt juri suo,
quo etiam Martyres se abdicare non potuerunt,
etsi complacuerint in morte pro Deo toleratâ , &
per injuriam sibi illatâ.

Resp. 2. Scienti & consentienti quomo- 296.
docunque , quantum est de se , non valentiza- *Secus, si*
men

jure suo nequeat cedere. men cedere juri suo, fit injuria, si contra jus ejus agatur. *Ratio est;* quia, si jure suo cedere non possit, consensus ejus nullus est; proinde jus manet, agensque contra illud facit ei injuriam. Sic injuriam facit 1. Qui pupillo, infantiae proximo, etsi consentienti, damnum infert; quia consensus ejus jure civili nullus est. Idem dic de minore, & pupillo pubertati proximo in casibus, quibus jus positivum eorum dispositionem irritat. 2. Injuriam facit, qui occidit consentientem in sui occisionem, eamque petentem. 3. Qui percutit Clericum, etsi non invitum; quamvis enim percussio illi tunc violenta non sit, est tamen injuriosa statui Clericali, in cujus favorem prohibita est, uti habetur *Cap. 36. de Sent. Excom.* 4. Qui carnaliter peccat cum aliena uxore, consentiente marito. *Ratio est;* quia jura illa sunt inabdicabilia, jusque mariti in corpus uxoris in ordine ad generationem prolis personale est, competensque marito privative, atque ab ipso inabdicabile, & tam secundum se, quam quoad usum intransferibile in alium, ut habet communis contra Less. & Lugonem, Qui etsi concedant jus radicale, quod per contractum Matrimonii acquiritur, esse indissolubile, & inabdicabile, non tamen usum uxoris; hinc si maritus illam alteri concedat sponte, ajunt, cum non pati injuriam, & alterum peccare quidem contra castitatem, bonumque Matrimonii, & reverentiam Sacramenti, esseque adulterium, non tamen peccare contra Justitiam, cujus violationem putant non requiri ad adulterium. Verum alii communissime contradicunt; sicut enim pupillus nullam alteri facultatem rebus suis utendi concedere valide

dè potest sine consensu tutoris ; sic maritus nullam etiam facultatem utendi uxore suâ , concedere validè potest alteri ; quia jure divino & naturali cessio illa irrita est , & ex natura Matrimonii jus copulæ , & usus corporis essentialiter conjugibus adhæret. Atque hoc sensu passim intelligitur damnata propositio 50. ab Innocentio XI. quæ sic habet : *Copula cum conjugata, consentiente marito, non est adulterium.* Cæterùm maritus consentiens sponte, queri non potest de dedecore , censeturque condonare injuriæ reparationem. Ex his patet, beneficium semel concessum posse perseverare apud nolentem , si simul cedat in favorem tertii , & in bonum commune , legemque favere quandoque nolenti.

QUÆSTIO III.

Quid sit Restitutio , & quæ ejus necessitas ?

Resp. 1. Restitutio, strictè accepta , est juris 297, alieni læsi reparatio. Hæc dicitur restitutio ; *Definitio.* quia per eam pars læsa in jus suum reponitur, seu restituitur, ut erat ante, quàm læderetur , sicque injuria à lædente quasi aboleretur , ac si non fuisset ; & hinc etiam dicitur Juris alieni activi ad æqualitatem Juris passivi lædentis reductio.

Dixi : *Restitutio, strictè accepta* ; nam vi nominis venit reductio rei in statum pristinum , sive illa per injuriam , sive alio modo fuerit ex illo emota : hic autem accipitur pro reparatione damni injustè , & per injuriam illati. Hinc præsupponit injuriam vel formalem

lem, vel saltem materialem. Unde differt imò à conservatione Juris alieni, cùm scilicet quis non lædit Jus alienum, quod fieri potest ex motivo Justitiæ, vel alio. 2. Differt à satisfactione latissimè acceptâ, quæ est debiti solutio à quacunque virtute proveniens. 3. A satisfactione strictiùs acceptâ, quæ est quæcunque solutio ex Justitiâ debita: ut est redditio mutui, debiti, pignoris, quæ fit sine reparatione Juris læsi, & alio nomine dicitur redhibitio. 4. Differt à satisfactione strictissimè dictâ, quæ est exhibitio obsequii, & submissionis, quæ rationabiliter placat offensum: unde personam offensam præcipuè respicit, & exigitur etiam, cùm damnum est compensatum, vel irreparabile: restitutio autem magis respicit restitutionem injuriæ realis reparabilis, damni que nondum compensati. Hæc tamen quandoque confunduntur.

298.
Restitutio est
necessaria
necessitate
præcepti

Resp. 2. Restitutio in materia gravi est ad salutem necessaria necessitate præcepti naturalis & divini, non tamen necessitate medii. *Ratio una partis est*; quia voluntaria ommissio restitutionis est continuatio injuriæ: hæc autem lege divinâ & naturali non minùs prohibetur, quàm ejus illatio, ut per se patet; ergo restitutio in re gravi est necessaria ad salutem necessitate præcepti naturalis & divini: *Non furtum facies.* Et Ratio à priori est; quia manet inæqualitas inter Jus activum læsi & passivum lædentis, usque dum sit facta restitutio, & ad æqualitatem Jura reducuntur. Hinc motivum Justitiæ urgere pergit, v. g. si Petro furatus es equum, peccasti contra Justitiam, inducendo inæqualitatem inter res tuas & res Petri; quod si jam porro equum retineres,

neres, adhuc relinquis inæqualitatem habendo plus in rebus tuis, quàm respondeat Juri tuo; Petro habente minus. Ad illam autem inæqualitatem auferendam movere pergit lex Justitiæ, ut ejus objecto formali, seu honestati speciali satisfacias. Quod si nihil habes rei alienæ, v. g. quia rem non abstulisti, sed destruxisti; jam res tuæ illi, saltem mediata, cœperunt esse devinctæ, ut ipsi restituas respondens Juri suo. Et hinc dicitur: *Non remittitur peccatum, nisi restituatur ablatum.* Estque hoc speciale Justitiæ, non verò commune cæteris virtutibus, v. g. charitati, pietati, obedientiæ &c. Nam si contra charitatem aliquem in gravi sua necessitate juvare neglexisti, peccasti quidem, non teneris tamen restituere quidquam: vel enim cessat necessitas, & jam cessat charitas obligare; vel non cessat, & jam quidem teneris succurrere, sed non vi culpæ præteritæ; verùm ob necessitatem perseverantem, ut explicat Lugo de Jure Disp. 1. num. 52.

Ratio 2da partis est; quia hoc solum est necessarium necessitate mediæ ad salutem, quod est medium à Deo ordinatum ad causandam primam gratiam, adeoque sine quo gratia nullo modo etiam ab invincibiliter ignorante obtineri potest; tale quid autem non est restitutio; cum solum removeat peccatum, possitque salus sine illa obtineri, si nempe invincibiliter ignoretur, rem esse alienam, aut hoc sciens non possit restituere. *Ex dictis*

Non tamen necessitate mediæ.

Colliges: Præceptum restituendi est aliquo respectu affirmativum, & aliquo negativum. Affirmativum quidem, quatenus pro fine primario habet actionem aliquam ponendam, v. g.

299.
*Præceptum re-
stitutionis.*

nisi est v. g. pro fama aliena per detractionem læsa re-
*rum ne-*paranda ; ad damnum , proximo illatum per
gativum rei destructionem , compensandum. Negati-
*um af-*vum verò , quatenus pro fine habet omissio-
*firma-*nem , & dicit v. g. Judicium temerarium læ-
*tivum.*sivum famæ proximi non continuandum , do-
 mum injustè occupatam , pecus injustè detentum
 non detinendum. Alii dicunt , esse radicaliter
 negativum , quatenus jubet non continuare dam-
 num , & formaliter affirmativum , quatenus ju-
 bet damna reparare. Et idem est de præcepto
 Justitiæ intendentis conservare jus alterius : ali-
 quando enim præcipit : aliquando vetat actio-
 nem. Obligant autem hæc præcepta pro quan-
 titate materiæ ; ne aut injuria inferatur , aut ut
 illata non continuetur. Ut his præceptis satis-
 fiat , non esse necesse operari ex motivo Justitiæ ,
 dixi P. I. n. 180.

Q U Æ S T I O IV.

Quæ sint radices , seu tituli , ex quibus
 oritur obligatio restituendi ?

300. Resp. Radices obligationis restituendi ex
*Res ali-*communi TT. cum D. Thoma 2. 2. q. 62. a. 6.
*ena, &*sunt duæ : Prima est : Res accepta , seu aliena ,
*injusta*apud alium existens vel in se , vel in æquiva-
*damni-*lenti. Hoc ipso enim , quod res apud alium ,
*ficatio.*invito domino , existat , jam est inæqualitas ;
 quia dominus non habet correspondens æqua-
 le juri suo , sed minus , quàm ei debetur : un-
 de dicitur : *Res clamat ad dominum suum.*
 Et : *Non debet aliquis locupletari cum alterius*
injuriâ , vel jacturâ. 2da est : injusta accep-
 tio , id est , injusta formaliter rei alienæ sub-
 ductio,

Auctio, vel detentio, vel damnificatio, seu destructio totalis, vel partialis, aut utilitatis impeditio, &c. His enim modis inducitur iterum inæqualitas, quam averfatur Justitia tanquam motivo suo oppositam. Ex utraque hac radice sufficit quælibet seorsim ad inducendam obligationem restitutionis; potest tamen utraque esse simul: nam si rem proximi bonâ fide possides, teneris ex titulo solo rei alienæ, ubi esse alienam comperis, restituere; si eam cum culpa destruxisti, v. g. alienam domum combussisti, teneris restituere damnum ex solo titulo injustæ damnificationis; quia iniquitas nocere debet suo auctori, & non innocenti, postulatque æquitas, ut, si nihil de re superbit, rem propriam tradas damnum passo ad usum, & fructum. Si rem v. g. equum alienum furto subduxisti, eumque adhuc in se, vel æquivalenti habes, teneris ad restitutionem ex re accepta, & injusta acceptione.

Dixi: *Ex communiore T. T. sunt duæ radices restitutionis*: nam quibusdam placet radix triplex; nempe: res accepta, injusta acceptio, & contractus. Ab aliis statuuntur quinque, scilicet: 1. ma: Res accepta. 2. Injusta acceptio. 3. Injusta damnificatio. 4. Contractus. 5. Lex positiva: nam si explicite, vel implicite conventum sit, ut alterum conserves indemnem ex contractu, ad id teneris, v. g. si Titio vendidisti bonâ fide equum alienum, putans esse tuum, & dominus equi dein compareat, equumque evincat, teneris emptori ad expensas; quia implicite te obligasti ad præstandam securitatem, & tu alieni nihil habes præter pretium, nec culpam admisisti. Leges quoque statuunt, ut in quibusdam casibus restituas,

et si

et si nec iniustitia, nec contractus intervenierit : ut, si animal tuum occidat animal alterius : verum in his casibus potius est solutio, quam propriè dicta restitutio, quæ injuriam vel formalem vel materiale præsupponit. Deinde quinque illæ radices commodè reduci possunt ad duas suprà assignatas : nam iniusta damnificatio est quædam acceptio, & subtractio rei alienæ, & obligatio restituendi, proveniens ex contractu, & lege positivâ, imponitur ob læsionem injustam cavendam, vel præsumptam; proinde dici potest radix restitutionis res accepta, & iniusta damnificatio facta, vel præsumpta seu pro præterito, seu pro futuro.

Q U Æ S T I O V.

Quæ sit mensura, & discrimen obligationis restituendi, ortæ ex re aliena, & iniusta acceptione?

Resp. Mensura restitutionis faciendæ, titulo rei acceptæ, est quantitas possessionis, id est, ut tantum restituas, quantum possides ex re aliena vel in se, vel in æquivalenti, seu quantum factus es ditior. Mensura autem faciendæ restitutionis, titulo iniustæ acceptionis, est quantitas damni illari : ut nempe tantum restituas, quantum alter ex tua damnificatione formaliter injustâ, læsus est, seu ut alterum serves indemnem. Unde discrimen patet inter utramque obligationem : nam, qui tenetur tantum ex re alienâ, bonâ fide possessâ; is, si res casu, vel aliter sine culpa possessoris pereat, ita, ut nec æquivalenter existat, ultra ad nihil tene-

tenetur, sed cessat obligatio; nec tenetur ad fructus, nisi in se, vel æquivalenter exstantes; nec ad damna, vel lucrum cessans. At verò, qui tenetur ex injusta damnificatione, tenetur non tantum ad rem, sed etiam ad fructus omnes perceptos, & quos dominus percepturus fuisset, ad damna secuta, & lucrum cessans; nec cessat obligatio donec damnificatus sit restitutus in eum statum, in quo fuisset, si nulla ei fuisset facta injuria; nisi emergat causa excusans. Sed hæc uberiùs in seqq. declarabuntur.

C A P U T II.

De Obligatione restituendi titulo
rei acceptæ, seu alienæ.

Q U Æ S T I O I.

Quid possidens bonâ fide rem alienam
teneatur, & quid possit, domino
rei comparente?

REsp. Tenetur imò rem existentem, non- 302.
dum præscriptam, restituere in indivi- *Res in*
duo, quamprimum commodè potest; quia si *indivi-*
ne læsione Justitiæ res aliena, invito domino, *duo re-*
retineri non potest, sed in individuo domini est, *stituen-*
nec is cogi potest, ut eam cum alia permutet. *da est.*
Unde, sicut non licet rem alienam auferre, &
aliam ipsi, etsi æquivalentem, substituere: sic
nec licet aliam pro ea restituere, nisi res esset
pecunia numero tantum diversa, aut alia res
fungibilis, in qua numerica diversitas non
R. P. Reuter Theol. Mor. P. III. Dd cen=

cenſeatur inducere inæqualitatem : tum enim affectio Domini ad illam numero rem, vel pecuniam eſſet irrationabilis. Secus eſſet, ſi pecunia, vel res non eſſet omnino ſimilis : ut ſi pro auro redderetur argentum, aut aurum phyſicè vilius : tunc enim Dominus poſſet eſſe rationaliter invitus. Si tamen res in ſe non poſſit reſtitui ſine gravi incommodo poſſeſſoris, v. gr. ſi fur haberetur, ſatisſaceret reddendo aliam æquivalentem.

303.

Si res non exiſtat amplius in ſe, valor adhuc exiſtens reſtituendus eſt.

2. Si res non exiſtat in ſe, exiſtat tamen in æquivalenti, vel tota, vel ex parte; tenetur reſtituere, quantum de valore rei apud ipſum adhuc exiſtit, ſeu quantum ex ea factus eſt ditior : aliàs eſſet ditior ex alieno detrimento, quod repugnat naturali æquitati : uti, ſi rei alienæ venditæ adhuc habet pretium, aut ſi eam conſumendo peperciſſet ſuis. Dixi autem : *Quantum de valore rei adhuc exiſtit* : nam qui v. g. utendo alienâ veſte pepercit ſuæ meliori, qui conſumendo vas vini alieni vilioris pepercit ſuo præſtantiiori, non tenetur ad totum pretium rei ſuæ melioris, ſed tantum ad æquivalens rei alienæ; cum exceſſus rei propriæ non ſit valor rei alienæ, ſed propriæ. Econtra ſi res nec in ſe, nec in æquivalenti exiſtat, ad nihil tenetur, uti ſi lautius vivendo ob poſſeſſionem ejus, illam conſumpſit non parcendo ſuis; ſi res caſu vel etiam ex culpa poſſeſſoris bonæ fidei periit; quia tunc nec ex re, nec ex injuria tenetur.

304.

Fructus naturales ſunt omnes reſtituendi.

3. Tenetur reſtituere fructus rei naturales necdum præſcriptos, ex re perceptos; quia res fructificat ſuo Domino : hocque verum eſt, etſi apud Dominum non fructificâſſet. Sunt autem fructus naturales, qui ex re ſua ſponte, vel

vel sine singulari humana industria proveniunt, ut fœtus animalium, lana ovium, fructus arborum, herbæ, & fœnum pratorum, &c.

Fructus autem mixtos restituere tenetur, *scilicet Mixti* eundem quod respondent naturæ rei frugiferæ, *ex par-* quales sunt, ad quos natura rei, & industria *re, non* humana notabiliter, aut æqualiter ferè concur- *tamen* runt, ut sunt segetes in agris, vinum ex vi *merè in-* nea, &c. *Ratio est;* quia quatenus naturæ re- *industria-* spondent, sunt naturales. Econtra non tene- *les.* tur restituere merè industriales, nec mixtos, quatenus industriæ respondent; quia sunt par- tus industriæ: Proinde, ut naturales naturam, sic industriales industriam sequi convenit. Dixi: *Fructus perceptos, nondum præscriptos:* quia si nulli sint percepti etiam ex negligē- tia, nulla est obligatio restituendi; cum in- jurya non intervenierit, nec res existat: si au- tem jam sint præscripti, non ampliùs sunt alieni.

Porto fructibus annumerantur pretia rerum *305.* elocatarum, pensiones pecuniaræ, mercedes, *Fructus* salaria, &c. qui fructus civiles dicuntur, quo- *civiles* rum aliqui naturalibus, alii mixtis, alii indu- *qui?* strialibus accensentur, prout major, vel minor industria ad eos percipiendos impendenda est. Fructus mixti à quibusdam dicuntur natu- rales.

Resp. 1. Ubi restituendi sunt fructus, vel res, *306.* potest possessor bonæ fidei deducere imò va- *Deducti* lotem sui laboris. 2. Expensas utiles & ne- *possunt* cessarias, quas fecit in rem, vel fructus resti- *expensa* tuendos; ità tamen, ut plus non deducatur, *necessa-* quàm labor & expensæ valeant; nec plus, *ria, &* quàm Dominus ex iis utilitatis percipiat. *Ra-* *utiles.* *tio est;* quia per expensas necessarias res con-

servatur, ne pereat, aut deterioretur, per utiles autem fit aptior ad fructus proferendos. Proinde si Dominus velit rem sibi & fructus restituere, debet ferre expensas; alias sentiret commodum ex alieno sine titulo, haberetque plus rei in bonis suis, & alter minus, quam juris: unde fructus non habent rationem fructuum, nisi deductis expensis. 3. Potest deducere melioramenta extrinseca, id est, quæ rei extrinsecè adhærent, possuntque ab ea separari commodè, salvâ ejus substantiâ; ut sunt picturæ, quibus ornata est domus, aliaque ornamenta, quæ possessoris operâ rei accesserunt. Item fenestræ, januæ, domuncula mobilis, fundo alieno imposita. *Ratio est*: quia titulo accessionis cum in rem non transeant, non acquiruntur rei Domino, nec huic fructificant; sed manent possessoris, qui tollere illa potest, aut si Dominus malit ea retinere, ab eo exigere totum illorum valorem.

Econtra non potest deducere in se melioramenta intrinseca, quæ quasi in rem transeunt, eamque efficiunt meliorem, ut ab ea commodè separari non possint: ut sunt v. g. implantatæ arbores in fundo jam radicatæ, melioratio per firmum; quia transierunt in rem, & dominium Domini, proinde illi fructificant. Dixi: *In se*: nam laborem & expensas in ea domino utiles, aliunde non compensatas deducere seu petere nihil vetat. V. R. 330. Similiter deducere non potest expensas voluntarias purè, quæ & voluptuariæ dicuntur: quales sunt, quæ tantum sunt ob delicias, & ornamentum, ut, quæ impenduntur statuis, picturis, fontibus artificiosis, quibus licet res fiat pretiosior, & æstimabilior, non tamen fructuosior. Imò quandoque utilitas impeditur: unde ratio non est, cur illas expensas ferre debeat

Do-

Dominus, nisi fortè in eum redundaret utilitas; cum cogi non possit, ut emat ornatum illum. Unde possessor, si ornatus sit amovibilis, potest quidem eum tollere; secùs, non potest. Si tamen utilis esset, posset exigere aliquid pro rata utilitatis, Inter expensas non computantur casus fortuiti, nec damna per accidens causata: ut si ob labores in agro colendo perdidisses tuos equos; quia non habent rationem sumptus.

Dixi: *Potest deducere expensas, ita tamen* 307.

Exa. Nam attendi non debet augmentum valoris, quod inde res accipit, habetque nunc dum restitui debet; quia valor ille totus accrevit Domino: sed sola quantitas expensarum, quæ factæ reipsâ sunt, quæ si augmentum valoris non excedant, non tenetur Dominus ad earum compensationem, nisi in quantum pro tunc meliorata res ejus invenitur: in tantum enim solùm sunt utiles. Quodd autem tunc possessor, si expensas majores fecit, damnum patiatur, casui imputari debet: cumque alteruter damnum pati debeat; sumptus autem possessori sint magis voluntarii, hic potiùs, quàm Dominus ferre damnum debet. Si autem sint minores, v. g. si possessor impendit 10 tantùm imperiales, & fructus inde ideo uberiùs provenientes tunc valeant 20. poterit pro suis expensis tantùm 10. deducere: si verò tunc non nisi 5. valeant, nec nisi 5. poterit deducere. Sed neque potest quascunque expensas deducere, sed solùm collatas in rem vel fructus, quos restituit; quia ex his solis Dominus emolumentum habet: hinc nihil potest deducere de expensis pro fructibus merè industriâlibus, nec pro mixtis, in quantum respondent industriæ, nec pro naturalibus bonâ fide consumptis, si nihil horum æquivalenter existat;

quia ex his nulla utilitas obveniet Domino, quæ
hic attendi debet. Vid. La Croix L. 3. p. 2. n. 229.

Q U Æ S T I O II.

Ad quid teneatur, aut quid possit, qui
bonâ fide rem furtivam possidet titulo
emptionis, donationis, &c.

Resp. 1. mō. Qui bonâ fide, titulo donatio-
nis, vel alio gratuito, possidet rem furtivam,
308. *Per se* tenetur Domino comparenti eam restituere
loquen- cum fructibus, si quos fecit, conformiter di-
do est &is.

2. Si eam habet titulo emptionis, tenetur pa-
restitu- riter Domino, eam repetenti, ipsam reddere
endado. etiam cum jactura sui pretii, non verò potest
mino, reddere furi pro recuperando pretio; quia Do-
non au- minus jus habet, ut res sua sibi, eam repetenti
tem furi restituatur, ubicunque existat.

3. Si Dominus rem non repetat, sciatur ta-
men, cujus sit, tunc si certum sit, quod fur eam
sit redditurus, & hic infamiam pateretur, si
possessor eam redderet, potest reddi furi; tunc
enim Dominus non potest esse rationabiliter in-
vitus, saltem si emptor aliter non possit recupe-
rare pretium.

4. Si non possit pretium recipere, nisi furi
permittat, ut rem iterum habeat; potest, ubi
Dominus rem non repetiit, id permittere; quia
innocens non tenetur rem alienam cum suo tanto
damno defendere: Excipe, nisi pretium esset le-
ve, & res magni momenti.

5. Si Dominus nec rem repetat, nec em-
ptor possit recipere pretium, nisi rem furi
reddat, à quo prævidet non reddendam, pro-
babi-

habilius non potest eam furi reddere ; ita Molin. Laym. aliique multi contra Less. Lug. aliosque multos.

Ratio est imò. Res per emptionem extracta à fure jam acquisivit statum meliorem , qui ad rem ipsam pertinet , consequenter ad rei dominum ; ergo huic facit injuriam , qui reddendo eam furi de statu illo dejicit , & ponit in deteriori apud furem , qui prævidetur eam non redditurus ; sicut injuriam facerem , si rem alienam extraxissem ex incendio , & eam iterum injicerem , ne damnum æquale paterer mihi imminens à Titio , nisi rursus injicerem ; aut si volenti alienam domum incendere porrigerem ignem , ne meam incendat. Nec verum est , quòd fur habeat jus absolutum recipiendi rem , ut possit restituere ; nam habet tantum Jus conditionatum , & pro circumstantiis , in quibus judicatur prudenter redditurus , & Dominus aliter non esset recepturus. 2. Volenti mihi furari 100. non possum aperire cistam , ut possit furari 100. alterius , apud me existentes ; ergo à pari : est enim ex utroque casu cooperatio positiva. 3. Possessor non potest furi rem reddere , si Dominus eam repetat ; ergo nec , licet non repetat ; quia in utroque casu est idem Jus. 4. Emptor malæ fidei non potest rem furi reddere , ut fatentur plures Adversarii , ergo nec emptor bonæ fidei : si enim emptor malæ fidei rescindat venditionem , aut ostendat fuisse nullam , reddendo furi , plus damni non causat , quàm si redderet emptam bonæ fidei. 5. Res in illo statu debetur Domino , ergo illi reddenda est.

Si dicas , qui invenit rem alienam , potest eam reponere in priorem locum , si æquale

damnum sibi imminens aliàs non posset evitare ; ergo à pari. R. N. consequentiam. In priori casu non suam, sed Domini utilitatem quæsit, in posteriori emptor quæsit suam : unde Dominus non potest in priori casu rationabiliter esse invitus. Item in priori esset damnum ferendum in bonis adhuc possessis, in posteriori damnum jam factum est : unde est dispar ratio. Pater in exemplo : nam si domus tua jam esset incensa, & combusta, & pro ea ædificanda non posses habere pecuniam, nisi rem alienam apud te existentem manifesto exponeres periculo, & in priorem locum reponeres. ex quo non speretur ad Dominum reditura : hoc tibi non liceret ; posses autem reponere, si aliàs domus tua esset comburenda.

Nec dicas iterum : Si furi eripuissem tuum librum, & ipse eriperet mihi meum, non redditurus, nisi ipsi tuum redderem, possem illi tuum reddere : nam id verum est, quia egissem utiliter rem tuam, nec posses esse invitus rationabiliter, quod servare meum potius, quam tuum æqualis bonitatis.

309.
Senten-
tia oppo-
sita.

Opposita tamen sententia non est improbabilis ; quia Dominus rei non videtur posse rationabiliter esse invitus, ut emptor bonæ fidei servet se potius indemnem, cum non reponat rem in statum deteriorum, quam fuit ante venditionem, & statum meliorem per ipsum acquisiverit, furi-que liberum sit, eam reddere, adeoque moraliter potius permittat relabi in statum pejorem, quam ipse reponat ; secus, ac si rem alienam incendio ereptam, ejiceret in ignem, causam necessariam combustionis.

Nec obstat exemplum pro ratione 2da, quia si aperirem cistam, alienam pecuniam cooperando extraherem de secura possessione Domini

mini: dum res est apud emptorem bonæ fidei, est extra possessionem Domini, poniturque, dum furi redditur, in via, ut ad Dominum redeat. Quod si res esset recepta titulo depositi, jam ex contractu esset alia obligatio.

Nec obstat ratio 3^{ta}. Quia repetens rem suam jus habet, ne quis ei obsistat in re sua vindicanda.

Nec obstat ratio 4^{ta}. Quia emptor malæ fidei tenetur ex culpa, & concurrit ad damnum; ergo rem apud se existentem tenetur reddere, & Dominus meritò est invitus, si reddatur furi. Sed hanc responsionem rejicit Lugo, tenetque, etiam emptorem malæ fidei posse rem furi reddere in casu præsentis controversiæ. Quidquid sit de hoc, certum est, quòd possessor rei alienæ, per se loquendo, teneatur eam restituere; ergo ei probandum est, quòd titulo pretii sui recuperandi possit eam furi reddere, nec Dominus possit esse rationabiliter invitus, quòd eo modo pretium suum recuperet. Cætera de re furtiva habentur N. 70. & 110. Cui restituendæ sunt res inventæ, dixi à N. 68.

Q U Æ S T I O III.

An possessor bonæ fidei fructus ex re aliena, titulo singulari, v. g. donationis, emptionis, possessa ante litis contestationem perceptos, tantum in æquivalenti existentes, teneatur restituere Domino comparenti?

Resp. Tenetur omnes, non præscriptos, restituere.
D d 5

310.
Senten-
tia affir-
mativa
longe
proba-
bilior.

stitueret : ita T. T. communissimè, pluresque Canonistæ, præsertim antiqui contra Hau. Illsung, Pichler, & alios Canonistas modernos, quorum sententia plerisque videtur probabilis : vide Dicast. D. 1. à N. 38. ubi hanc quæst. accuratè tractat. Less. L. 2. C. 14.

Probatur 1^{mò} ratione : certum est eos fructus jure naturæ esse restituendos : nam, ut habetur *L. Nam ad hoc ff. de conductione indebiti. Lege natura æquum est, neminem cum alterius damno fieri locupletiores. Et Reg. Juris 48. in 6. locupletari non debet aliquis cum aliena jactura.* Jam verò incertum est, an lex positiva in tantum derogarit legi naturæ, ut dominium ejusmodi fructuum in possessorem bonæ fidei transtulerit ; ergo standum est jure naturæ : hoc enim à possessione per jus incertum excludi non debet, præsertim cum leges jus naturæ restringentes sint odiosæ, adeoque strictè interpretandæ, nec jus naturæ censeatur restrictum per jus positivum, nisi id clarè probetur, quod ab Adversariis non fit.

Probatur 2^{dò}, Ex Jure civili : nam 1^{mò}, *L. Certum 22. C. de rei vind. habetur : certum est, mala fidei possessorem omnes fructus solere cum ipsa re præstare, bona fidei verò exstantes ; post litis verò contestationem universos.* Deinde *L. Bona fidei ff. de acquir. rerum dominio Bona fidei emptor non dubie percipiendo fructus etiam ex re aliena, suos interim facit non tantum eos, qui diligentiam & operâ ejus proveniunt, sed omnes ; quia, quod ad fructus attinet, loco Domini pene est.* Ubi particula interim & pene ostendit, quod stabile eorum dominium non acquirat, quod & ex eo confirmatur, quia loquitur lex de omnibus

nibus fructibus, fructuum autem formaliter & in se existentium dominium stabile juxta neminem acquirit. Denique *L. Sed etsi. §. Consuluit. ff. de hereditatis petitione*, hæc habentur: *Consuluit senatus bonæ fidei possessoribus, ne in totum damno afficiantur; sed in id duntaxat teneantur, in quo locupletiores facti sunt.* Vi hujus legis in judicio universali, seu quando simul plures res petuntur, ut cum petitur hæreditas; juxta adversarios fructus etiam tantum in æquivalenti extantes sunt restituendi, ergo etiam percepti ex re singulari: nam *§. Etsi 3. Instit. de officio Judicis*. dicitur: *Si hereditas petita sit, eadem circa fructus interveniunt, quæ diximus intervenire de singularium rerum petitione*: Nec juvat dicere, quod fructus hæreditaris augeant ipsam, sicque sint in patrimonio hæredis; nam fructus ex re singulari provenientes augent possessam ab alio domini bona non minus, quam possessam ab alio hæreditatem,

Probatur 3. Leges, quas pro se citant Adversarii, non probant fructus illos esse possessoris, & legi naturali derogatum esse. Nam imò lex *§. Etsi hereditas. Inst. de officio Judicis*: dicens, quod in possessore bonæ fidei non sit habenda ratio fructuum consumptorum, & non perceptorum, intelligenda est de omnino consumptis, ita ut nec æquivalenter existant: aliàs ex hæreditate percepti, & consumpti, æquivalenter tamen existentes non essent restituendi, quod nemo dicet.

2. Lex *§. Si quis a non Domino. Inst. de rerum divisione*, asserens: *naturali ratione placuit fructus, quos percepit (bonæ fidei possessor) ejus esse pro cultura, & cura*, intelligenda

genda est de fructibus consumptis, in quantum respondent culturæ, & curæ, veniuntque in hujus compensationem; an verò, quatenus culturam, & curam excedunt, eatenus enim non veniunt in compensationem curæ & culturæ, proin nec pro ea relinquuntur, sicut pro re non datur, quod ejus valorem superat. *Nec obstat*, quòd eadem lex dicat: *Ideo, si Dominus postea supervenerit, de fructibus consumptis agere non potest.* Nam si lex, ut jacet, intelligenda est, nec de fructibus verè existentibus agere poterit; quia lex universim dicit, fructus perceptos illius esse: vult itaque lex, ut habeat dominium infirmum in rei fructibus, ut possit deducere expensas, & pretium sui laboris, & de iis, quæ culturæ impendit, restituendis agi non posse: & quamvis hi non sint fructus, si comparentur spectatis omnibus; quia ad fructus non pertinet, nisi quod superest deductis expensis; comparativè tamen ad rem, ex qua proveniunt, verè sunt fructus.

3. Lex Scilicet 4. §. 2. ff. *Finium regundorum.* dicens: *Fructus ante judicium percepti non omninò in judicium veniant: aut enim bonâ fide percepit, & lucrari eum oportet, si omnes consumpsit; aut malâ fide, & condici oportet.* Intelligenda est, quòd non debeat restituere fructus omninò consumptos, secùs ac possessor malæ fidei, quodque debeat habere correspondens suæ industriæ, & labori, id quod solum propriè lucrum est, atque hoc æquitati naturali consonum est, id quod, lex dictârat absque eo, quòd aliquid novi statueret. Non enim utitur verbo *statuimus decernimus*, sed verbo *oportet*: nec dicit, quòd *oporteat* eos lucra-

lucrari, nempe fructus ; sed quòd oporteat eum lucrari, nempe bonæ fidei possessorem ; dicitque, quòd fructus percepti non omninò in judicium venire debeant.

4. Lex. *Qui scit. §. de usuris* asserens : *Porro bonæ fidei possessor in percipiendis fructibus id juris habet, quod Dominus prædiorum.* Intelligenda est de dominio infirmo, & revocabili, & contra alium. quàm diu Dominus non comparet ; quale habet, qui rem alienam suis bonâ fide miscuit : aliàs fructus formaliter existentes essent jure firmo ipsius, quod nemo dicit : & sic intelligenda est lex. *In pecudum ff. de usuris*, in qua dicitur, quòd agni, hædi, & vituli sint statim pleno jure possessoris bonæ fidei : loquitur enim de fructibus formaliter existentibus. Intelligenda ergo est de dominio revocabili, aut est manifestè contraria legi citatæ, & juri naturali.

5. Lex 25. *de usuris*, quâ dicitur *Emptor bonæ fidei, postquam agnovit fundum esse alienum, manere adhuc possessor bonæ fidei quoad fructus percipiendos, donec fundus evictus sit* ; aut intelligitur, quòd in foro externo adhuc talis habeatur ; aut est iniqua, ut multis videtur. Nec mirum videri debet in *ff.* reperiri antilogias, quas frustra aliqui conantur explicare ; quia hoc opus collectum est ex variis variorum Juris consultorum responsis, qui sæpè contraria sentiebant ; Collectores autem non poterant semper in tanta multitudine meminisse, quid alibi posuissent : unde leges in *ff.* sæpè à recentioribus sunt correctæ.

Dices 1. Praxis fori externi habet, ut possessor bonæ fidei non teneatur restituere fructus solum in æquivalenti existentes ; ergo illi 311.
Quid in foro ex-
accom- perno ?

accommodare nos possumus in foro interno: lex enim, justa in foro externo, justa est in foro interno. Resp. Praxis id habet de jure communi N. Ant. Covarr. Lugo, Tamb. & alii testantur contrarium. Praxis de jure municipali id habet, trans. Ant. N. consëq. De jure municipali Castellano testatur id Sanch. L. 2. in Cap. 23. N. 80. Quoad fructus mixtos, & de jure Bavarico Haun. Unde mirum non est, quòd in Bavaria vigeat sententia opposita in scholis, & tribunalibus. Nec plus infertur, quàm quòd post sententiam Judicis, dum actor non probat existare fructus, in foro externo non teneatur possessor bonæ fidei ad restitutionem. Axiomatis illius sensus est, quòd lex in foro externo obligans, in interno obliget ad aliquid, ad quòd nempe Judex absolute intendit obligare. Cæterum de obligatione in foro interno consulendi sunt Theologi, non Juristæ, sæpèque est obligatio in foro interno, etsi forum externum te liberum pronuntiat. Sic, si in emptione aliquem deceperis infra justum pretium, si non deceperis ultra dimidium, forum externum te non obligat, & tamen teneris in foro conscientie defectum supplere. Similiter si hæres ab intestato sciat legatum defuncti, & legatarius probare non possit, in foro externo non obligatur hæres, obligatur tamen in foro interno conscientie. Et idem est in aliis pluribus. Vid. P. 1. sub. 156. & P. 3.

312. N. 209.

*Non ju-
vat pro-
babili-
tas oppo-
sitæ opi-
nionis.*

Dices 2. Probabile est, fructus tantum in æquivalenti existentes non esse ex obligatione restituendos: ergo possessor bonæ fidei non tenetur eos restituere. Consequentia prob. quia, qui bonâ fide possidet in dubio, an res
sic

lit aliena, non tenetur restituere. Resp. In primis non desunt, qui negant, sententiam illam esse practicè probabilem, eò quòd in materia Justitiæ, ubi agitur de Jure tertii, antea certo, non liceat sequi sententiam minùs probabilem: qualis hæc certò est, cùm habeat contra se Theologos ferè omnes, ex quibus & simul fuère insignes Juristæ, ut Molina, Sanch. Sotus, Suar. Laym. Less. &c. adeò, ut Hauld. adversæ sententiæ patronus dicat, se neminem scire, qui eam ut probabiliorē defendat. Unde Neg. Conseq. Prob. dist. Qui bonâ fide possidet rem, in dubio, an sit aliena, non tenetur eam restituere, manente dubio post sufficientem inquisitionem, si certò aliquando fuit aliena, & dubium sit, an acquisiverit dominium, Neg. Ass. Secus, Conc.

Certum est, ad dominum rei illos pertinuisse fructus; an, ubi consumpti sunt, & exstant tantum in æquivalenti, eorum jus translatum sit in alios, incertum est: id autem propter leges incertas, quas plerique explicant in alium sensum, asserere non aûsim. Explicari potest in simili: si famulus accepisset à domino suo pecuniam mutuam pro emenda nova veste, & dein probabiliter judicaret, se salarium justo minùs accipere, non liceret ei de mutuo retinere, quantum illi probabiliter deberetur pro complendo justo salario; quia domini jus ad mutuum recipiendum est certum, contra quod famulum non juvaret possessio, uti dicitur intra. Idem dicendum de eo, qui bonâ fide possidet rem alienam, & dubium est, an præscripserit; vel certò debuit, & dubitat, an solverit.

313. *Inst.* Cui probabile est, se peccatum mortale; certo commissum, esse confessum, non tenetur amplius confiteri, ergo à pari. Resp. Transeat Antec. de quo P. 4. Neg. Conseq. Iustitia strictius obligat, quàm aliæ virtutes morales: Illa enim intendit medium rei, & non acquiescit, donec æqualitas reducat. Aliæ autem virtutes morales respiciunt medium rationis, quod, quia pro diversis circumstantiis varium est, hinc probabiliter censetur satisfacisse, à quibus satisfactio verisimiliter est posita, ne homines nimis anxietatibus exponantur, legesque fiant noxiæ. Vide Sanch. L. 2. Moral. Cap. 23.

CAPUT III.

De Obligatione restituendi titulo
injustæ damnificationis.

Q U Æ S T I O I.

An Obligatio restituendi titulo injustæ
damnificationis oriatur ex sola
culpa Theologica?

314. *Statuta per leges civiles.* **O**ccasionem hujus quæstionis dederunt Leges Civiles, quæ statuunt 1. Ut damnum ex quasi delicto, etsi sine culpa Theologica illatum, resarcatur: ut, si animalium, etsi à nullo incitatum, alteri damnum inculerit, sive immediate per se, sive impellendo aliud corpus, statuitur, ut pro noxa illa aut tradas animal, aut damnum eorum compenses. Item, si mancipium tuum, etsi sine tua culpa, cum sua tamen,

tamen damnum intulerit, aut illud iradas, damnificato, aut damnum refarcias. Si ex domo tua, vel navi aliquid fuerit effusum vel projectum, quod nocuerit transeuntri, vel adstanti, statuitur, ut damni duplum præstes; nisi clamatum fuerit, ut transiens, vel adstans sibi provideret. Idem est, si ex domo tua aliquid suspensum fuerit supra viam, & alteri nocuerit, &c.

2. Statuunt, ut compensetur damnum secutum ex culpa, etsi non coram Deo, quæ juridica dicitur: cum hoc tamen discrimine, ut, si contractus cedat in utilitatem solius accipientis, qualis est commodatum; accipiens teneatur compensare damnum, secutum ex culpa juridica, etiam levissimâ. Excipitur tamen precarium, quod, cum quovis tempore repeti possit, non oritur obligatio compensandi damnum in eo, nisi ex dolo & culpâ latâ. Si autem contractus cedat in utilitatem solius dantis, uti est depositum, volunt accipientem tantum obligari ex culpa lata, & dolo.

Si denique contractus cedat in utilitatem utriusque contrahentis, ut sunt contractus pignoris, locationis, conductionis realis, dotis, venditionis, societatis; statuunt, ut deinceps teneatur de damno ex culpa lata, & levi. Ratio harum legum est; quia æquum est, ut, si contractus cedat in utilitatem solius accipientis, hic exactissimam diligentiam impendat rei alienæ conservandæ: si verò cedat in utilitatem solius dantis, æquum est, ut accipiens non teneatur ad majorem diligentiam & curam, quam homines passim adhibere solent suis ejusmodi rebus conservandis, cum nullum inde commodum percipiat: si autem cedat in

R. P. Reuter Theol. Mor. P. III. E e utri-

acriusque utilitatem, æquum est, ut major diligentia adhibeatur, quàm si cederet in utilitatem solius dantis : & ideo minor sufficit, quàm si cederet in utilitatem solius accipientis : hinc non obligatur quis ex culpa levissima, sed de lata solùm, & de levi. Contròvertitur, an hæ leges obligent in conscientia ante, vel post sententiam Judicis. *Pro resolutione.*

315.
Culpa
juridica
quomodo
complex?

Nota. Culpa alia est Theologica, alia Juridica. Culpa *Theologica* est peccatum formale, seu coram Deo ; quodsi mortale sit, culpa Theologica gravis : si veniale, culpa Theologica levis dicitur. Culpa *Juridica* est omissio diligentiae alicujus, ex qua sequitur incommodum aliquod. Omissio illa in jure, & foro exteriori reputatur pro culpa, siue re ipsâ peccatum coram Deo sit, siue non.

Porro culpa Juridica est quintuplex, scilicet : Lata, latior latissima, levis, levissima. Lata est omissio diligentiae, & circumspeditionis, quam passim homines talis conditionis in ejusmodi rebus solent adhibere. Latior est dolus præsumptus, qualis est, quando ex actione, vel omissione, & circumstantiis præsumitur ex animo nocendi, facta læsio Juris. Latissima est dolus apertus, id est, læsio manifestè voluntaria. Culpa levis est omissio diligentiae, quam ejusmodi conditionis homines diligentiores solent adhibere. Levissima denique est omissio diligentiae, quàm solent adhibere diligentissimi in ejusmodi rebus. Sic v. g. si furem adjuves in re alterius auferenda, vel furi ostendas rem tibi commodatam ; culpam latissimam committis, etsi non dicas apertè, intendas tamen, ut eam furetur. Si relinquas rem in domo furis, est culpa latior, dolusque præ-

præsumptus. Item si scienter non impedias, quod minus fuit rem apud te depositam auferat. Si relinquas rem domi quidem tuæ, attamen palam extra conclave tuum, est culpa lata. Si posueris quidem in cubiculo clauso, sed non obsecrato, est culpa levis: si in cubili quidem obsecrato, at non tentatâ januâ, an bene sit clausa, aut sera non viriata, est levissima.

Culpa latissima, latior, lata, ordinariè culpam Theologicam adjunctam habet, nisi subinde defectus inconsiderationis & inadvertentiæ excuser; non item levis, & levissima. Cæterum quia sæpe difficile est judicare, an hîc & nunc culpa lata, an verò levis admissa sit, præsertim, cum omissio diligentiae, quæ respectu unius personæ est levis, respectu alterius sit gravis; quæ in una materia gravis est, in altera sit levis, pro diversitate statûs, officii, rei, & negotiî: hinc non rarò opus est arbitrio viri prudentis, vel Judicis. *His notatis*

Resp. Obligatio ante sententiam Judicis restituendi, titulo injustæ damnificationis, nec oritur ex quasi delicto alieno, nec ex culpa purè juridica propria in contractu servando, vel officio commisso, sed ex sola culpa Theologica. *Sine omni culpa Theologica non est obligatio*

Ratio universalis est; quia damnificatio, facta sine culpa Theologica, seu advertentia ad læsionem Juris alieni, non est voluntaria, adeoque nec injuriosa; cum nemo Jus habeat exigens omissionem, vel actionem non liberam: damnificatio autem nec voluntaria, nec injuriosa non inducat obligationem ex Jure naturæ restituendi, vel reparandi damnum; cum nullius Jus sit formaliter læsum, & obli-

gatio illa sit quædam pœna, à Jure naturæ imposita, quæ culpam supponit. Ubi autem per culpam Theologicam Jus alterius læsum est, læsio est voluntaria : adeoque Justitia, intendens æqualitatem, exigit damni compensationem.

Deinde ex nulla lege positiva ostendi potest imposita obligatio, damnum, sine culpa Theologica illatum, resarciendi ante sententiam Judicis. Nam

1. Leges noxiales, ut vocant, illam non imponunt : uti, si animal alicujus, sine culpa Theologica domini &c. intulerit damnum alteri, &c. quemadmodum communiter docent Theologi & Canonistæ : tum, quia leges imponentes damni compensationem ex quasi delicto alieno, ut homines cautos reddant, sunt suo modo pœnales, præsertim, quæ imponunt duplum damni : tum quia, licet potuisset Legislator obligare in conscientia ante sententiam Judicis; non est tamen sufficiens fundamentum id factum asserendi, cum absque eo satis provisum sit bono communi : ideoque nemo sit, qui damnum sine peccato alteri illatum resarciat, nisi intetetur illi actio. Ex quo patet, leges non esse in alio sensu receptas.

2. Illam non imponunt leges de contractibus, uti tenent Lugo, Haunoldus, Esparza, Illung, Molina, Layman, Pichler in L. 5. Tit. 36. n. 10. Et alii, contra Nav. Vasquez, Less. Engel, & alios : quorum aliqui extendunt illam obligationem etiam ad artifices, famulos, & ancillas, quibus incumbit cura rei domesticæ, hosque volunt etiam teneri de culpa levi juridica. Hoc tamen alii ejusdem etiam sententiæ patroni rectè negant ; quia leges loquun-

quantur de contractibus explicitis, & realibus, commodato, deposito, &c. non verò de contractibus implicitis in susceptione officiorum initis, nec de locatione personali.

Ratio pro utraque hac parte nostra est imò. Jure naturæ non est obligatio ante sententiam Judicis compensandi damna sine culpa Theologica secuta in contractibus; leges autem dubiæ sunt: erga illa obligatio non est astruenda. Nam leges restringentes Jus naturæ sunt odiosæ, & latæ interpretationis; proin Jus naturæ ex possessione non est deturbandum.

2. Licet fortè contrahentes conformiter legibus censendi sint se obligare, quod est fundamentum adversæ partis; non constat tamen, quòd se obligent ad compensationem damni ante sententiam Judicis.

3. Dictæ leges absque illa obligatione obtinent suum finem, qui est reddere homines cautos, & accuratiores in cavendis alienis damnis; ad hoc enim excitantur, quòd sciant læsis dari actionem, & Judices obligari ad injungendam compensationem damni, quasi in pœnam omis- sæ diligentiae, & cautelæ debitæ legibus. Atque ita hæ leges, respectu damnificantis, rectè censentur esse pœnales, ac proinde in conscientia immediate non obligant.

4. Obligatio illa nimis anxietatibus exponeret membra Reipublicæ; quia, cum omis- sio diligentiae, quæ respectu unius personæ est levis, respectu alterius sit gravis: & quæ in aliqua materia est gravis, in altera sit levis, damnaque sæpe fortuito eveniant; nimis difficile non raro est judicare, an, & quæ culpa juridica intervenerit: proinde obligatio illa asserenda non est sine urgente causa, præsertim,

E c ;

cum

cum non sit accommodata humanæ fragilitati. Nam ex una parte difficillimum est omnem culpam juridicam, ex ignorantia, oblivione, inadvertentia inculpabili coram Deo sæpe proveniente, evitare; ex altera parte nimis durum est, pro tali culpa se spoliare bonis suis.

5. Si artifices, famuli, & ancillæ ante sententiam Judicis tenerentur resarcire damna, ex culpa juridica levi illata; ergo tenerentur, si omitterent diligentiam, quam diligentiores solent adhibere; hoc autem dicendum non est, cum non teneantur, per se loquendo, nisi ad diligentiam talibus communem; & alias merito absterrentur à locanda opera sua, utpote continuo expositi periculo perdendi operam suam, mercedemque subtrahendam pro damnis illatis, cum culpa vix evitabili, & coram Deo nulla. *Ex distis deduco.*

317. *Corollaria.* 1. Pater nec tenetur compensare damna à filio sine patris culpa illata, nec filium pro noxa tradere; quia malitia filii parenti innocenti nocere non debet, & parens non est dominus corporis filii; sed hic, cum sit liber, pro delictis suis conveniri potest. *Less. L. 2. C. 9. D. 17. n. 121.*

Quid de famulanti-bus? 2. Si famuli, ancillæ in rebus dominorum suorum curandis, & custodiendis, ordinariam diligentibus in ejusmodi rebus, adhibuerint diligentiam; non tenentur in conscientia de damnis secutis ex culpa juridica levi, & sine culpa Theologica. Secus est de culpa juridica lata, cui ordinariè conjuncta est culpa Theologica. *Ratio est;* quia obligant se ad diligentiam ordinariam & communem, non verò ad majorem, nisi de hac pactum speciale in-

ter-

servenerit, aut, non obstante diligentia communi, nihilominus damnum praevideretur secuturum: tunc enim omissio diligentiae majoris in culpam Theologicam transiret, quia prudentes, praevisto periculo, majorem diligentiam adhibere solent. De damnis autem, ex casu fortuito, humana prudentia inevitabili, vel quia omnino improvisus fuit, aut provisos averti non potuit, ut est fulmen, naufragium, incendium, furtum, rapina, securis nemo tenetur in foro interno, nisi casus ille ex culpabili negligentia antecedente procedat.

3. Advocati, Judices, Consiliarii, Medici, Confessarii, Artifices non tenentur vi officii, vel artis de damnis in iis securis sine lata coram juridica, & culpa Theologica, per se loquendo; quia assumens tale officium se tantum obligat ad exercendum munus suum diligenter; nec majorem diligentiam, quam communiter adhiberi soleat, censetur promittere; nec majorem Resp. exigere potest; alias imposeret onus intolerabile, quod nullus, aut paucissimi admitterent, caderetque in detrimentum boni communis. Dixi: *Per se loquendo*: Nam si quis in suo officio, vel arte profiteatur majorem peritiam, dexteritatem, & curam, quam ceteri soleant, atque aliquem avertat ab inquisitione peritioris, & diligentioris, tenebitur ex culpa levi, & quandoque ex levissima; quia tunc se obligat ad peritiam, & diligentiam, quam profitetur, adeoque ad communi majorem, vel etiam ad maximam; proin si eam non praestet, decipit conducentes operam, & peccati reum se constituit coram Deo. Idem est de eo, qui pinguius stipendium accipit, ut plus diligentiae adhibeat.

Porro non requiritur, ut damna provideantur in particulari, sed satis est provideri confusè in periculo: uti si quis officium suscipiat, & exerceat, priusquam sit sufficienter instructus. Si tamen de damno nulla cogitatio incidisset, & nec in confuso quidem, esset prævium, verisimiliter fecuturum; obligatio ex culpa juridica tantum non oriretur.

Dices: Sententia Judicis est justa: ergo ante illam est jus in damnificato exigendi compensationem. R. D. consequens. Est in eo jus immediatè exigendi compensationem N. mediatè, & post sententiam Judicis C. Factum cuique suum potius, quàm alteri nocere debet, si adsit culpa Theologica, vel accedat sententia Judicis. Secus non. *Nec juvat*, quòd leges illæ fundentur in aliqua æquitate: nam æquitas illa non est exigentia; aliàs esset obligatio juris naturæ, quod nemo dicit; sed est convenientia tantum aliqua, ut per sententiam Judicis imponatur compensatio, atque ita acuatur hominum cautela.

Inst. Leges illæ sunt justæ in foro externo; ergo & obligant immediatè in interno: ergo in damnificato est jus immediatum activum. Resp. Distinguo conf. ergo obligant immediatè ad aliquid, & secundum intentionem legislatoris C. immediatè ad pœnam, vel opus ipsum reum, N. Conf. Leges illæ immediatè in foro interno Judicem obligant, ut, si instituatur actio, condemnet damnificanrem, & hunc, ut post sententiam obediat: non verò immediatè absolute obligant damnificatorem ad damnum refarciendum. Simile habes in lege pœnali, v. g. venationem prohibente.

Dixi in responsione : *Non oritur obligatio* 318.
ante sententiam : An autem post sententiam *An poss*
Judicis sit obligatio pro foro conscientiae , con-*senten-*
trovertitur. Rebellus , Haunold. Franciscus *tiam?*
Schmier , Krimer apud Pichler L. 5. Tit. 36. *dicis?*
N. 11. contendunt leges illas fundari in prae-
sumptione culpae Theologicae , hâcque defi-
ciente , non esse obligationem , nisi ratione
scandali , esseque dein locum occultae compen-
sationi. *Ratio est* ; quia leges supponunt cul-
pam , nulla autem propriè est culpa , nisi Theo-
logica formalis.

Econtra communior cum Molina tenet , le *Occulta*
ges illas non fundari in praeumptione culpae *compen-*
Theologicae ; sed eò tendere , ut homines red-*satio*
dantur cautiores , & pax conservetur in republ. *non licet*
atque obligare pro foro conscientiae post senten-
tiam Judicis : Judex enim pro bono communi
praeциpiens restitutionem justè praeциpit , adeoque
est obligatio ei obediendi. Dein si leges illae vi
suâ non obligarent stabiliter , sed liceret occulta
compensatio , essent inutiles : parum enim ho-
mines excitarentur illis ad damna cavenda. Imò
licentia occultae compensationis plus eausaret
incommodi.

Q U A E S T I O II.

Qualis debeat esse culpa Theologica , ut
ex ea sequatur obligatio restituendi ti-
tulo injustae damnificationis?

Resp. Debet esse imò injuria formalis ; quia
licet actio sit illicita , si tamen non sit læsio 319.
juris alieni formalis , violatio non erit volun- *Debet*
taria in ratione injuriæ , ad cujus omissionem *esse in-*
Ec 5 *juris*
alter *formalis*

alter jus non habet ; quia jus est potestas respiciens libertatem in alio. Sic, si dilapidares rem alienam cum peccato formali, bonâ fide putans, esse tuam, non tenereris ad restitutionem.

2. *Ex-ternæ* 2. Debet injuria esse completa actione, vel
complete omissione externa, juri alieno contraria : nam
ta per si actio, vel ommissio non opponeretur juri ali-
actione eno, etsi verè sit damnosa, adsitque animus
vel o- nocendi alteri, probabilius non inducit obli-
missione gationem restituendi ex delicto. Uti si præ-
alterius videres fore, ut Titius faceret testamentum in
juri op- favorem Caji, & ex animo nocendi Cajo,
positam suaderes sine fraude Titio, ut testamentum
 non faceret, non tenereris reparare damna,
 Cajo ex omissione testamenti secuta. Ita Vasq.
 Sanch. Castrop. La Croix 148. contra alios
 cum Lugone D. 8, N. 74. *Ratio est* : tum
 quia Cajus non habet jus ad actionis tuæ illius
 externæ omissionem, cum de se sit licita nec
 in se injuriosa, etsi damnosa : qualis etiam
 foret, si aliâ intentione honesta poneretur ;
 tum quia illa obligatio non esset satis accom-
 modata humanæ fragilitati, nec persuasa pas-
 sim hominibus, ut, qui ex invidia, & odio
 faciunt multas actiones ejusmodi damnosas,
 nec tamen vel suspicantur se teneri ad restitu-
 tionem : ergo contra sensum communem illa ob-
 ligatio non est astruenda, quando argumentis
 non probatur, ad quæ facilis non sit responsio,
 uti hic fit.

Si dicas : Intentio facit, ut actio externa
 sit injuriosa, sicut intentio comedendi calida,
 ut habeas turpia somnia, facit, ut comestio
 repugnet castitati, aliàs non repugnatura :
 R. N. aff. Si intentio non tendat in actionem,
 vel

vel omissionem externam alterius juri repugnantem, nec actionem aliàs non damnosam faciat damnosam, & alterius juri contrariam: uti fieret, si alterius librum arriperes animo non restituendi, quem tamen posses arripere animo inspiciendi sine injuria, nisi Dominus, & quidem rationabiliter invitus noller permittere. Aliud est de aliis virtutibus moralibus. Nam hæ respiciunt medium rationis, quod desumitur simul ex fine, & circumstantiis; & hinc mirum non est, quòd his variatis varietur actus, jamque sit contra virtutem, v. g. temperantiam, qui aliàs contra eam non esset. At Justitia respicit medium rei, seu æqualitatem inter jura, activum unius, & passivum alterius, seu, ut habeas in bonis tuis æquale juri tuo; medium autem rei in omnibus circumstantiis idem est, & solo jure alterius mensurabile. Quidquid ergo non variat commensurationem cum jure alterius, non variat obligationem justitiæ, id autem sola intentio non facit. Quare si omissio actionis alterius Juri non sit debita; sive actionem ponas, sive non ponas, nec justus, nec injustus es, sicut, si summa pecuniæ alterius Juri non sit debita, nec justus es, si des, nec injustus, si non des.

Nec juvat, quòd non habeam Jus eo animo dissuadendi, v. g. testamentum; nam non habeo etiam Jus, malo animo omittendi suasionem, & tamen omittendo non pecco contra justitiam; quia intentio non facit omissionem injuriosam, & nec sic actionem. Dissuasio quidem foret causa damni; sed talis quoque esset animo honesto posita; quare intentio nocendi eam non reddit damnosam,

nec oppositam justitiæ, nisi ad summum affectivè.

Nec juvat denique, si dicas : Possum licitè injuriam, ab alio mihi illatam, aperire amico solatii causâ; non tamen animo ei detrahendi : Nam quando id licitè potes facere solatii causâ, peccas quidem contra charitatem, si animo simul illum infamandi id facias : non tamen contra justitiam, nisi fortè affectivè; quia tum alter non habet Jus ad famam : sicut si licitè possis proditionem, à Titio Reip. paratam manifestare, non peccas contra justitiam probabilius nec affectivè; etsi animo infamandi Titium id faceres; quia manifestatio secundum se non repugnat Juri Titii.

3. *Debet esse causa per se efficax damni.*

3. Debet esse causa damni efficax effectivè securi : nam licet actio sit alteri injuriosa, ejusque occasione damnum grave patiatur; si tamen actio in id moraliter non influat nullam parit obligationem compensandi damnum illud, etsi possit parere obligationem satisfaciendi pro alia injuria, cujus actio verè causa est. *Ratio est*; quia damnum non potest imputari, nisi suæ causæ : hinc, si des alapam Cajo, & & hîc illâ valdè commotus, in morbum incidat, ad quem curandum facere debet expensas; non teneris ad expensas refundendas, etsi tenearis satisfacere pro injuria personali; quia alapa non est causa sufficiens, & per se generativa morbi talis, sed hic potius ex Caji immoderata passione oritur.

Similiter, si falsas litteras per vias spargeres, quasi sit magna annonæ caritas in Hollandia, & illas Titius inveniens, mitteret eò magnam frumenti copiam cum magno suo damno, non teneris de damno; etsi hoc
præ-

prævidens, contra charitatem graviter peccâ-
ses: istud enim Titius deberet potius suæ sim-
plicitati adscribere, quàm tuis litteris, quibus
credere tam leviter non debebat. Aliud esset,
si litteras ad Titium ideo dedisses: tunc enim
tua fraus esset injuriosa, veraque causa damni;
quia litteræ de se aptæ erant ad faciendam
fidem.

4. Cognosci debet saltem confuse Jus partis
efficaciter læsæ: aliàs enim læsio non erit vo-
luntaria. Unde si damnum intuleris Cajo, ita
animo comparatus, ut volueris id simpliciter
inferre, quisquis tandem lædatur, teneris re-
stituere, etsi putâris damnum te inferre Titio;
quia Jus Caji confuse cognovisti: cùm volue-
ris Jus, cujusunque esset, efficaciter violare.
Si autem, quia Cajus erat amicus, Titius au-
tem inimicus tuus, sic animo eras compara-
tus, ut nolueris nocere Cajo, sed Titio, &
re ipsâ nocueris Cajo; juxta Lugonem, & alios
non teneris restituere, eò quòd actio tua tibi
non sit voluntaria relatè ad Cajum, adeo-
que nec formaliter ei injuriosa; cùm pro-
cedat ex inculpabili, ut suppono, ignorantia
Juris ejus. Contrariæ sententiæ est Haunold.
& alii, quia videtur Jure naturæ inducta ob-
ligatio reparandi damnum scienter illatum,
cuicunque inferatur: & hoc ipso, quòd quis
voluerit inferre damnum, jam cognovit se ali-
cui de humana Republ. nocere, subitque reatum
pœnæ, à Jure naturæ dictatæ, quæ est obli-
gatio damnum reparandi, quo Respubl. læditur
in membro suo. Hæc sententia videtur æqui-
tati conformior: potius enim nocens, quàm in-
nocens pati debet.

4. Jus
damni-
ficari
debet
saltem
confuse
cognosci

5. Ut

§. Ori-
tur tan-
tū ob-
ligatio
ad dam-
num
præcog-
nitum.

5. Ut oriatur obligatio damnum grave intē-
grè resarciendi, debet damnum totum esse præ-
cognitum, saltem confusè, in periculo. Ita
Dicast. Esparfa, Haun. La Croix N. 194. & alii,
contra Lugonem D. 3. N. 63. qui tenet, hoc
ipso, quod grave damnum per mortale pecca-
tum inferatur, omnia damna inde secuta, etsi
non præcognita, esse resarcienda.

Sed ratio nostra est; quia secundum quod
damna non sunt præcognita, secundum id non
sunt voluntaria, & consecuta ex formali inju-
ria. Hinc destruens rem alienam, vel projici-
ens in mare, v.g. gemmam, quam invincia-
biliter sine formidine in oppositum putavit mi-
nus valere, quam valeat, vel ex parte putavit
esse suam, tenetur tantum restituere valorem
alienum cognitum: Justitia enim non inten-
dit ratione culpæ medium rei reparari, nisi se-
cundum cognitionem; & mensuram formalis
injurix; & projiciens gemmam, voluit projic-
ere cum damno præcognito tantum. Sufficit
tamen prævisa esse damna in periculo con-
fusè, qualiter in dubio prævisa censentur. Sic
peccans mortaliter præcognoscit pœnas æternas;
quia scit se à Deo totaliter recedere, nec se pos-
se, nisi ejus auxilio ad ipsum redire, adeoque
se subire statum inimicitix perpetuæ. Ex his
deduces

§ 10.
Corolla-
ria.

1^{mo}. Si fur de nocte egrediens è domo cum
re furtiva, relinquat ostium apertum, satis
prævidens, ut facillè potest, pericula damni,
ac dein ingrediantur alii, & è domo quid au-
ferant, tenetur & de hoc damno in defectu
aliorum; quia injustè exposuit dominum do-
mūs periculo damni, & occasio ostii aperti est
de se allectiva furum. Si tamen volens furari,

accendit lumen, & casu, minimè prævidens periculum, incendit domum, non tenetur de damno domûs. Quodsi & ita combureret pannum, v. g. quem furari voluit; de hoc etiam damno non teneretur, etsi pannum jam apprehendisset; quia damna illa sunt involuntaria: nec apprehensio panni est causa damni, nec gestatio candelæ proximum faciebat periculum, si debita cautela fuit adhibita. Ita Lugo Disp. 18. N. 86. La Croix N. 165. Dicast. Tamb.

2. Qui scit per experientiam, se solere causare damna in ebrietate, v. g. alios vulnerare, frangere obvia, & evertere, tenetur damna in ebrietate causata compensare; quia volendo ebrietatem, in tali subjecto communiter connexam cum damnis, censetur etiam velle injurias. Secus, si damna nullatenus prævisa, aut post cautelam debitam, ne causentur, adhibitam inferentur; quia tunc non censentur voluntaria. Sæpè tamen est ebrietas, non excusans ab injuria formali: hinc potest damnificans à Judice condemnari ad plus restituendum vi legis Aquilæ.

3. Si occidas Titum prævidens, aut etiam intendens, ut homicidium Cajo imputeretur, teneris quidem damna hæredibus Titii causata compensare, probabiliter tamen non teneris compensare causata Cajo; quia huic tua actio non erat injuriosa, & damnum ex ea per se non sequitur, sed ex hominum errore. Excipe, nisi influxisses in imputationem Cajo faciendam, v. g. si te induisses vestibibus Caji, & ideo ei homicidium fuisset imputatum. Idem dicit Sanch. si posuisses cadaver occisi ante ostium Caji: nam saltem ex parte cooperareris impu-

imputationi. Lugoni tamen videtur non esse prudens causa ideo inquirendi in Cajum. Cæterum si Cajus debuisset damna refarcire hæredibus Titii, hæc tu deberes Cajo compensare; quia hæc ex tua actione per se sunt secuta, & Cajus loco tui restituisset. La Croix N. 1031.

4. Si Cajus volens è medio tollere suum inimicum, ponat ante illum vinum veneno infectum; Titius autem id nesciens, præripiat illud, & bibere velit; Cajus verò, ne scelus erumpat, fieri id permittat: non tenetur compensare damna ex morte Titii secuta; quia ipsi mors Titii non fuit voluntaria: non enim hanc prævidit, nec tanto periculo suo eam deinde impedire tenebatur. La Croix N. 202.

5. Si videns Titium, putansque esse Sempronium, ex odio in hunc dicas: hic homo est fur; teneris revocare: aliàs Titio damna ex infamia cohsecuta compensare debebis, si audientibus sit notus, & ità patiatur infamiam.

Q U Æ S T I O III.

Quæ culpa Theologica inducat gravem, & quæ levem obligationem restituendi titulo injustæ damnificationis?

§ 21.

*Gravis
gravem
levis,
plene
delibe-
rata, le-
vem in-
ducit.*

Resp. Omnis Culpa Theologica secundum actionem, vel omissionem externam lethalis, per se effectivè formaliter læsiva juris alieni in re gravi, inducit obligationem gravem; venialis autem plenè deliberata quidem, attamen læsiva solum Juris alieni in re levi, levem per se loquendo, restituendi obligationem inducit.

ducit. *Ratio est* ; quia, sicut *Justitia* exigit, ut *Jus* alienum non lædatur ; sic exigit læsum reparari, & ad æqualitatem reduci : unde sicut sub mortali vetat in re gravi, & sub veniali in re levi lædi *Jus* alienum ; sic sub mortali præcipit reparari læsum in re gravi, sub veniali verò in re levi læsum.

Dixi 1^{mo}. *Lasiva formaliter & effectivè*. Nam si quis intendisset quidem inferre damnum grave, præter intentionem tamen tantum leve intulisset, non foret obligatio gravis id reparandi ; quia damnum passus non careret re, quæ ipsi non posset absque mortali auferri : ergo nec careret, quæ ipsi absque mortali non possit detineri.

Dixi 2. *Lethalis secundum actionem, vel omissionem externam* : Nam si quis levem tantum negligentiam admisisset in cavendo damno proximo, etsi habuisset animum, damnum grave inferendi, hocque secutum esset ; non teneretur sub mortali ad restitutionem, juxta Sanch. Less. Tamb. & alios, apud La Croix N. 190. *Ratio horum est* ; quia actio illa externa non est de se graviter injuriosa, nec perfectè causa moralis damni, qualem supponit obligatio gravis restituendi.

Dixi 3. Per se loquendo : Nam sæpè adesse potest causa excusans à restitutione levis damni, dominus item præsumi quandoque potest remittere obligationem : ut, dum sunt circumstantiæ, quæ reddunt restitutionem valde difficilem : dum dominus est dives, & liberalis ; damnificator pauper, vel obsequia domino præstitit, &c.

Quamquam, ut rectè monet Less. expedit, ut Confessarius ordinariè injungat, etiam
R. P. Renter Theol. Mor. P. III. Ff pro

pro pœnitentia, ut restituatur res etiam levis; aut tantundem detur pauperibus; ut fures & damificantes commodum non habeant ex sua iniquitate, & ne vel ideo furta repetant, & ad graviora veniant, sed ab iterandis injuriis deterreantur. Quodsi, dum commodè possunt, nolint restituere, absolvi non possunt, saltem ab illo peccato.

Q U Æ S T I O IV.

An culpa Theologica, graviter quidem læsiva Juris alieni, attamen venialis (quia procedens ex advertentia, vel deliberatione imperfecta) inducat obligationem restituendi?

322.
*Senten-
tia va-
ria.*

Quatuor sunt circa hanc quæstionem Sententiarum.

1^ama scit, totum damnum sub mortali esse restituendum. Ità Adrian. Ang. Panormit. Covar. Valsq. Turrian. Medina, Pallav. de Just. n. 71. apud La Croix n. 183.

2^ada dicit, sub mortali quandoque esse restituendam partem. Ità Molina, Rebell. Dicast. Bonac. &c. qui, etsi concedant, obligationem non esse damnum totum resarciendi, volunt tamen, partem majorem, vel minorem pro quantitate culpæ resarciendam esse; sique pars, culpæ respondens, sit notabilis, ajunt, esse obligationem sub mortali eam resarciendi.

3^atia sententia tenet, esse obligationem sub veniali ad partem levem: vel pro arbitrio viri prudentis, consideratâ quantitate, & qualitate culpæ, vel infra quantitatem ad culpam mortalem requisitam. Ità Illung. La Croix & alii.

4ta sententia negat, esse obligationem etiam sub levi. Ità Less. L. 2. C. 7, Num. 28. Platellius P. 3. N. 733. Esp. Q. 32. Tamb. & alii. His præmissis ad questionem

Resp. Culpa Theologica, etsi graviter lædens Jus alienum, levis tamen ob advertentiam, vel deliberationem imperfectam, nec totum damnum, nec gravem ejus partem compensandi obligationem inducit. Ità cum communi Lugo D. 8. n. 56. & alii.

Ratio est 1. Culpa venialis, tantum semi-deliberata, non est injuria simpliciter talis; ergo nec debet inducere obligationem restituendi simpliciter talem, seu gravem. 2. Obligatio restituendi ob injustam damnificationem est quasi poena à Jure naturæ imposita, & necessaria ad deterrendos homines ab injuriis; esset autem poena gravis teneri restituere ali-quid grave: proinde esset poena impropor-tionata delicto. 3. Lex omnis debet esse accom-modata subditis; esset autem, nimis durum ex ejus culpa semi-deliberata, & ferè inevitabili, ob-ligari ad reparandum damnum grave, vel notabilem ejus partem. 4. Natura non inducit obligationem restituendi, in quam homines, si ante omnem casum eventualem fuisset eorum consensus requisitus, non fuissent consensuri; atqui in talem obligationem non fuissent consensuri; cum culpæ semi-deliberatæ non sint facilè vitabiles, & durius sit, sic restituere, quam damnum, quasi fortuito illatum, tolerare.

Si dicas 1. Qui accipit rem alienam, prudenter præsumens consensum domini, si postea resciat, dominum fuisse invitum, tenetur restituere; ergo multò magis, qui cum culpa

damnum intulit. Resp. Tenetur restituere, si res adhuc, saltem in æquivalenti existat, C. Secus, Neg. vel Subd. Tenerur ex quasi contractu, Transeat: ex alio capite, Neg. Ant. & Consequentiam.

Si dicas 2. Possum in tantum consentire, ut, rem meam consumendo, pecces tantum leviter, & tamen tenearis sub mortali restituere. Resp. Et tunc erit obligatio ex contractu; non præcisè ex culpa levi. Idem dicendum, si rem alienam domino, quoad modum solum invito, destrueres cum intentione compensandi.

Si dicas 3. Gravis pœna potest justè respondere peccato veniali: quales sunt pœnæ purgatorii, excommunicatio minor, imò ipsa mors, ut constat ex Scriptura. Resp. Veniali, ut est læsio juris humani, & in foro Reip. humanæ, potest respondere pœna gravis, Neg. aliàs quis posset capite plecti ob homicidium, quod constaret factum ex semi plena deliberatione veniali. Veniali, ut est offensa Dei, & in foro Justitiæ vindictivæ divinæ, potest respondere pœna gravis, Transeat. Dico: *Transeat*; quia, sicut veniale est in genere moris quid leve, ideoque sine mortali possum alterum in id inducere; sic pœnæ purgatorii in foro alterius vitæ censentur quid leve, etsi relatè ad mala hujus vitæ sint quid grave.

Recteque docet Castrop. debere in quocunque genere boni, vel mali creati dari quid leve; simpliciter autem esse tale, colligitur ex eo, si facilè reparari, & amoveri possit. Et hinc excommunicatio minor, à qua facilis est absolutio. est quid leve. Cæterum, quia malum morale omne pejus est omni malo physico,

co, utpote aliqua offensa Dei; hinc ad id expiandum meritò infiguntur pœnæ purgatoril. Quod aliqui ob id vel morte sint puniti, vel aliis gravibus malis, istud simul ad instructionem, & horrorem aliorum, factum est à Deo, qui vitam nobis auferre potest, nullâ præcedente culpâ. Culpa venialis respicit quidem totum damnum, sed imperfectè voluntarium: actio inculpabiliter damnosa etiam respicit totum damnum, nec tamen obligationem inducit restituendi.

Resp. 2. Qui grave damnum intulit per culpam semi deliberatam, ideoque venialem, *Culpa* titulo injustæ damnificationis probabiliter ad hi- *levis se-* hil tenetur. Ità Less. cum aliis citatis. *mi-deliq*

Ratio est 1. Quia, cum culpæ veniales semi deliberatæ procedant ex quadam inconsi- *nullam* deratione, inadvertentiâ, & negligentia vix inducis *obligat-* notabili, sintque ideo hominibus vix evitabi- *tionem* les; damna ex iis illata censentur quasi for- *restitua-* tuitò evenisse; ut proinde dominus, restitu- *tionem* tionem negligi, rationabiliter invitus esse non *endi.* possit: præsertim, cum & ipse meritò à se non velit exigi compensationem damni sic illari; cum potius casu fortuito, quàm ex malitia proveniret.

2. Pars, quæ restituenda sit, vix determinari poterit: quis enim dicer, quid hic & nunc delicto tali respondeat? Nam dici non potest, obligationem esse, restituendi partem notabilem, judicio prudentis, determinandam: præterquam enim, quòd oppositum constet ex dictis, quis esset ille prudens, qui culpam irà perspiciat, ut neutri parti faciat injuriam?

Nec dicas, esse obligationem restituendi, saltem partem levem, infra quantitatem ad

mortale peccatum requisitam : nam, si ita est ; ergo, qui splendidum sic accendit palatium , tenebitur restituere florenum crucifero minùs , ex supposito , quòd florenus requiratur ad gravem culpam injustitiæ : & , qui damnum floreni intulit. similiter ad idem tenebitur : aut, si contendis hunc teneri ad minus , determina , ad quantum teneatur.

Ex hoc confurgit Ratio 3^{ia}. Obligatio restituendi colligenda est ex mutuo hominum consensu, quem daturi essent pro mutua societate, & pace servanda, si ante omnem eventum interrogarentur ; si autem interrogarentur, non consentirent in illam restituendi obligationem ; cum damna sic causata, sint penè fortuita, & à quolibet facillè causari possint ; nimisque homines anxietatibus exponerentur, cum vix sciri possit, quid sit restituendum, adeoque durius sit, ita obligari, quam damnum, ferè fortuitò illatum, sine compensatione tolerare. Itaque, sicut ex voto & contractu semel deliberato non oritur obligatio, etiam ad quid leve, sic nec hic.

Si dicas : Omnis injuria damnosa exigit proportionatam sibi compensationem.

Resp. Id verum esse de injuria plenè voluntaria, non de ferè casuali, & imperfectè voluntaria.

Si dicas iterum : Æquitas postulat, ut reus potius pariat, quàm innocens. Resp. Æquitas postulat, ut, quando res penè fortuitò perit, pereat suo domino. Sicut postulat, ut, qui plenè voluntariè damnum intulit, id compenset.

Dixi : Probabiliter ad nihil tenetur. Nam sententia obligans ad partem levem damni com-

compensandam quoque probabilis est ; quia per injuriam inducta est inæqualitas, & actus moralis imperfectus potest esse causa obligationis ad quid leve, suntque culpæ semi-plenæ solum deliberatæ, semi-fortuitæ, & semi-voluntariæ. Quod contractus & votum semi-deliberatum ad nihil obliget, ex coest ; quia nemo censetur, suam libertatem aliquid omit- tendi, vel agendi alienare, nisi operetur per- fectè, ut homo. Ita La Croix,

Notat Less. Rarò contingere, ut quis cum 325.
culpa levi ex parte actûs inferat grave dam- *Rarò in-
num, eò quòd, etsi in actibus internis aliquan- fertur
do desit advertentia ad peccatum mortale sus- damna
ficiens ; quia actus illi facilè & sæpe oriuntur grave
circa objecta, naturali inclinationi arridentia ; cum le-
id tamen rarò evenit in actibus externis, præ- vi solum
sertim gravioribus : hi enim, cum rarò con- culpa,
tingant, suâ gravitate animum fortius pulsant,
periculum ingerunt, mentemque ad considera-
tionem excitant : quæ si præeunte suspitione
gravis periculi negligatur, culpa gravis com-
mittetur, suscipiendo actionem graviter in-
juriosam, præsertim, cum ad gravem culpam
sufficiat cognitio confusa periculi gravis, aut
diligentiæ majoris adhibendæ. Hinc, si non
constet de contrario, præsumitur culpa gravis
admissa, ubi cum aliqua advertentia posita est
actio, vel omissio graviter læsiva alieni juris.
Sic, qui alium occidit, tenetur compensare om-
nia damna ex occisione secuta ; quia censetur
prævidisse illa in confuso, aut culpabiliter ad
ea non reflexisse. Imò in dubio de culpa,
levisne, an gravis fuerit, favendum potius
innocenti, quàm reo ; quia actio est certa, &
ex communiter contingentibus prudens est*

præsumptio. Quod si constet, nullam culpam intervenisse, nulla quoque erit obligatio.

Q U Æ S T I O V.

An, qui per culpas merè veniales, plenè deliberatas, successivè grave damnum intulit, sub mortali teneatur ad reparationem, titulo injustæ damnificationis?

Quæritur, an, qui multa furta levia committit, nunquam reflectendo, se pervenire ad materiam gravem, sed per singula peccando solum venialiter, abstulit materiam gravem, teneatur sub mortali restituere, etsi furto ablata nec in æquivalenti amplius existant, sed omnia dilapidaverit?

Negant aliqui Recentiores cum P. Dominico Viva in damnatam 29. ab Alexandro VII. n. 15. E contra affirmat communissima Theologorum: quorum aliqui in probationem adducunt damnatam 38. ab Inn. XI. quæ sic habet: *Non tenetur quis sub pœna peccati mortalis restituere, quod ablatum est per paucâ furta, quantumcunque sit magna Summa totalis.* Sed hæc propositio rectè damnatur, præcindendo à præsentis controversiæ: tum quia universaliter asserit, non esse obligationem, cum tamen sæpe in ejusmodi intercurrat culpa gravis ob sufficientem advertentiam ad damnum tandem grave: tum, quia potest esse obligatio gravis ob res alienas adhuc in æquivalenti apud furem existentes: tum, quia propositio videtur supponere, quod parva furta non coalescant in unam materiam gravem.

vem. Unde hâc probatione omiffâ, nihilominus cum communiffima teste La Croix num. 244.

Resp. Qui per plures actus plenè delibera- 326.
tos, sed veniales omnes ob parvitatem mate *Sententia*
riæ, cum ignorantia, aut inadvertentia incul- *tia affir-*
pabili ad materiam tandem gravem, grave *materia*
damnum intulit; tenetur sub mortali, non vi *probabi-*
culpæ immediatè, sed ratione damni, plenè vo- *lior.*
luntariè illati, ad hujus reparationem, postquam
adverit, hoc ità à se illatum esse, five jam
damnificatus sit unus, five plures, aut commu-
nitas aliqua: idque, licèt ablata nec in æqui-
valenti existant. *Ratio est*; quia, licèt culpæ
veniales formaliter non constituent mortalem,
nec plures obligationes leves unam gravem; ubi
tamen plures materiæ leves coalescunt in unam
gravem, resultat obligatio gravis damnum
grave, plenè voluntariè successivè illatum,
reparandi. Hujus autem ratio à priori est;
quia hoc ipso, quòd alteri sua auferas, jam
tua illi, saltem mediatè, sunt devincta: pro-
inde si plenè voluntariè illi auferas successivè
quantitatem gravem, jam tua sunt illi quoad
quantitatem gravem obligata, habetque jus acti-
vum exigens ex tuis quantitatem gravem, &
tu passivum, seu obligationem illam extraden-
di; id si non facias, peccas mortaliter, in-
justè detinendo rem gravem alteri debitam;
quam hic, si aliâ viâ non valeat sui damni
obtinere compensationem, clam subducere
posset.

Confirmatur, & declaratur data ratio. Nam
1. Qui eidem personæ multis promissionibus
se ex Justitia obligavit ad plures ejusdem ra-
tionis materias leves, ex quibus simul sumptis

confurgit gravis; obligatur sub mortali promissa implere; quia materia gravis est alteri debita; & idem est de promissione facta Deo. 2. Qui singulis anni diebus credito accipit panem unius crucigeri, vel singulis hebdomadis mutuo accipit unum solidum, in fine tenetur sub mortali solvere; quia debita est materia gravis. Ex quibus patet, quod causa immediata obligationis gravis non tam sint culpæ leves, quam damnum grave plenè voluntariè illatum, adeoque, quod sic damnificans æquè teneatur vi materiæ, etsi non æquè vi demeriti; ac grave damnum inferens per mortale peccatum. Et idem videtur aliquibus dicendum de eo, qui diviti auferens v.g. duos ducatos, invincibiliter putavit, damnum respectu ipsius esse leve, adeoque peccavit formali peccato tantum levi. Quanquam in hoc aliquod sit discrimen; eò quod bonum commune exigit, ut per furtiva minuta inferens damnum grave teneatur sub mortali compensare ut homines deterreantur à furtis frequentandis, quò non satis valeret obligatio levis; at in altero casu non est periculum tantum; cum non tam facilè alliciantur homines ad ejusmodi furtiva.

327. Dixi in responsione: *Sive damnificatus sit Cur fin. unus, sive plures, aut communitas.* Nam sicut *gulis ex* juxta omnes, qui simul à pluribus auferunt plures *commu-* materias leves, quæ simul sumptæ sunt quid *nitate* grave, peccat mortaliter, teneturque ad restitutionem sub mortali; sic qui à pluribus successivè auferunt materias leves, quæ collectivè *quid le-* sumptæ faciunt unam gravem, etsi fortè non *ve possit* peccet graviter, tenetur sub mortali restituere; *esse mor-* cum materiæ illæ, etiam pluribus sublata, *ale?* coalescant in effectu, seu damno gravi, respectu

Quod Reip. humanæ, vel communitalis, et si, ut
damnum censeatur grave, tunc plus requiratur.
Ratio hujus est ; quia bona fortunæ ordinantur
ad bonum commune, ita, ut debeat unus ali-
um illis sublevare, ferendo onera. Hinc si
spolietur unus, alii magis gravantur, debetque
Reip. quod uni aufertur, reputare quo-
dammodo, & aliis auferti, ne homines allici-
antur ad furta frequentanda cum gravi Reip.
detrimento. Secus omnia habent in læsione fa-
mæ, vel corporis in singulis levi, nisi tamen
singulorum infamia redundaret in alios. Vide
dicta de Peccatis, & Voto. La Croix L. 3. P. 1.
N. 449. & hic N. 244. Item Viva in damna-
tam 38. ab Inn. XI. ubi dantur regulæ, ex qui-
bus cognoscitur, quando plures materiæ leves
in unam gravem coalescant.

An autem sit obligatio gravis totum dam- 328.
num grave compensandi, vel materiam gra- *An sit*
vem restituendi, vel sufficiat ad vitandum mor- *sub mor-*
tale restituere tantum, ut reliquum non sit ma- *tali obli-*
teria gravis ? dubium est. Esse obligationem *gatio,*
gravem restituendi totum, affirmat Esparfa, *totum*
Medina, & quidam alii : Negat communior *grave*
cum Sanch. La Croix N. 249. *Ratio est* 1. dam-
Quia auferre tantum materiam levem non est *num re-*
mortale ; ergo nec retinere. V. g. furatus ma- *paran-*
teriam levem non tenetur sub mortali resti- *di*
tuere ; ergo nec, si de sublata materia tantum
retineat partem levem. 2. Qui graviter læ-
sit alterius famam, & eam eoque reparat,
ut non maneat læsa graviter, non tenetur sub
mortali ad majorem reparationem, ut fatetur
Esparfa ; ergo à pari. Nec sequitur, esse ob-
ligationem gravem materiæ levis restituendæ,
v. g. unius de 30. albis, secundum se, sed ut est
con-

constitutiva cum aliis retentis materiæ gravis, & hujus sublativa, si restituatur. Nec obligatio gravis sic respicit materiam gravem, ut tota debeat restitui sub mortali.

Q U Æ S T I O VI.

Ad quam restitutionem teneatur malæ fidei possessor, & damnificator formaliter injustus?

329. Resp. Tenetur imò rem in natura, & in individuo, si adhuc existat, restituere, conformiter dictis, si autem non existat amplius aut non possit tam in natura restituere, tenetur ad ejus æstimationem, & valorem.

Tenetur ad rem, damnum emergens, lucrum cessans. 2. Tenetur compensare omne damnum, emergens domino ex carentia rei suæ, per culpam injusti possessoris, aut damnificatoris. quod si nullum emerferit ex hujus culpa, eo titulo non tenebitur. Unde si res perierit casu fortuito, minimeque injurioso, quo similiter apud dominum eodem tempore fuisset peritura, non tenetur ad æquivalens; quia res certò mox apud dominum v. g. communi incendio peritura, nullius est pretii, sed moraliter reputatur pro non amplius habita, etsi in foro externo cogeretur restituere. Quod si dubium esset, an apud dominum fuisset similiter peritura, tenebitur ad æquivalens; quia possessio est pro rei existentia, & jure domini. Similiter tenetur, si res per alterius injuriam fuisset apud dominum peritura, v. g. quia furto fuisset subducenda: nam, alium præveniendo injuriâ, obligationem subiit. Quod & tenet Lugo, Molina & alii probabilius, si ejus culpâ

culpâ perit, v. g. si donavit, consumpsit, et si apud dominum casu fuisset peritura; quia existens apud iniquum possessorem res erat in meliori statu, qui proinde ad dominum pertinebat, ex quo eam dejiciens, domino injuriam fecit damnosam. Oppositum tenent Less. Valq. &c. quia dominus non minus habet in rebus suis per consumptionem, quam per casum fortuitum habuisset, resque mox peritura nullius censetur pretii: præsertim, si publicè constitisset, esse v. g. per direptionem hostium perituram. At si apud iniquum possessorem non fuisset similiter peritura, domino est facta injuria per consumptionem &c.

3. Tenetur compensare lucrum cessans. Tale autem non est, quod dominus absolute potuisset percipere; sed quod percepturus fuisset: hoc enim tantum decedit domino per injuriam alterius. Unde, qui pecuniam furto sublatam exposuit censui, vel negotiationi, non tenetur restituere lucrum, sed pecuniam tantum, si dominus, ea relicta otiosa, non fuisset negotiaturus &c. quia pecunia domino non fructificat, nisi ipse illam negotiationi, ut sit in contractu societatis, vel censui exponat. Sic nec tenetur iniquus possessor compensare lucrum, quod dominus illicitè per rem suam fuisset acquisiturus v. g. pecuniam dando ad usuras; quia dominus ad tale lucrum jus nullum habebat, in quo jam à tali possessore lædatur. Si tamen iniquus possessor lucrum ex re aliena faceret, quod habeat se per modum fructus rei, uti est locagium pro domo, hoc teneretur restituere. *Ratio* horum omnium est; quia dominus à tali læsus est non tantum in re, sed etiam in toto lucro, quod justè
alij

aliàs percepisset , & in damno emergente , habetque jam minus in rebus suis per injuriam alterius damnosam. Unde exigit Justitia , ut hoc damnum totum compenſet , cùm nec bona fides , nec ignorantia eum excuset. Neque enim necesse est, eum omne in particulari damnum prævidiſſe , ſed ſatis eſt , cognoviſſe conſuſe , uti procul dubio cognovit , dominum ex rei ſuæ carentia forrè paſſurum damna, quæ ipſe proinde compenſanda omnia in ſe etiam nolens ſuſcepit.

Nec refert, quòd forrè ditior non ſit factus : hoc enim non domino ; ſed ſibi imputare debet , cùm ditelcere inde potuiſſet ; aut, ſi non potuit, ipſe propriam ſuam potiùs , quàm dominus alienam culpam luat.

4. Teneatur reſtituere fructus rei omnes tum naturales , tum mixtos , quà naturales , tum civiles , qui naturalibus accenſentur , idque , ſive inde factus ſit ditior, ſive non. *Ratio eſt* ; quia res fructificat ſuo domino. Proinde, ſi fructus conſumpſit . etſi factus non ſit ditior , injuriam damnosam fecit domino. Quod & verum eſt , etſi dominus eos non fuiſſet percepturus , aut ſint ab iniquo poſſeſſore inhoneſtè percepti, modò ſint fructus rei. Quodſi nullos percepit, & dominus probabiliter tantùm fuiſſet percepturus , teneatur pro ratione dubii ; quia, etſi fructus non ſint in poſſeſſione , in hac tamen eſt ſpes : quæ, proinde, conſiderato ſimul periculo , nullos percipiendi , compenſanda eſt. Si iniquus poſſeſſor bonâ fide putâſſet , quòd fructus , ſuâ concurrente indiſtriâ, faciat ſuos, teneatur nihilominus eos reſtituere ; ſi factus inde ſit ditior , vel dominus eos fuiſſet percepturus ; ſi verò nec domi-

nus

nus fuisset eos percepturus, nec alter factus sit ditior, eos bonâ fide consumendo, sic consumptos restituere non tenetur.

Dixi : *Tum civiles, qui naturalibus accensentur.* Ejusmodi est lucrum ex domo elocata, quæ usu deterioratur, & quasi fructificat. Idem dic de lucro acquisito per elocationem alienæ servæ, vel animalis, non verò de lucro ex aliâ pecunia, negotiationi, vel censui exposita, acquisito : hoc enim lucrum, cum pecunia de se non sit frugifera, fructus est merè industrialis, qui manet ponenti industriam. La Croix L. 3. p. 2. n. 212. Hinc si fur equum alienum vendidisset, speciali suâ industriâ, summo pretio, & eum recipere non posset, ut domino restitueretur, tenetur tantum ad pretium ordinarium, nisi tamen dominus aliunde damnum pateretur, ut jam dicetur. 5. Quando valor sive in- sive extrinsecus rei, vel fructus fuit varius intra tempus, quo malæ fidei possessor eam primo eripuit domino, detinuit, vel consumpsit, aut vendidit, ut satisfiat Justitiæ, non solum debet attendi ad tempus, quo dominus eam fuisset consumpturus, venditurus, destructurus, si ablata non fuisset ; sed etiam ad tempus, quo iniquus possessor eam eripuit, aut consumpsit, vel distraxit. Ità Lugo, & alii communius. *Ratio est* ; quia, ut satisfiat Justitiæ, debet imprimis tantum reddi, ut redeat æqualitas, habeatque dominus rei tantum in bonis suis, ac si res erepta non fuisset ; deinde debet reddi, & compensari totum, ad quod jus domini se extendebat tempore consumptionis, vel alienationis : hoc autem fit, si attendatur valor utriusque dicti temporis, non verò, si attendatur tantum valor, quem res habuit tempore, quo

quo eam Dominus erat alienaturus , aut consumpturus. Quod ostendo in exemplo : nam pono , quòd Titius in autumnò superiore Cajo furatus sit pullum equinum, quem Cajo venditurus tunc erat 10. Imp. retinuit autem eum Titius annis 4. & deinde vendidit 40. Imp. ; In hoc casu , si attendi tantum deberet tempus, quo Dominus erat rem alienaturus, ut vult Bon. satisfaceret Titius numerando Imp. 10. quod falsum est ; quia pullus crescens crescebat Cajo , ejusque manebat , etiam dum valebat 40. ergo valor hic illi , detractis detrahendis , solvendus est.

E idem cum communi contra Lessium , Laym. Dicast. dicendum est , si valor extrinsecus, seu pretium vulgare, re apud furem existente , creverit, hicque tunc rem consumpserit , vel alienaverit , etsi tunc Dominus non fuisset rem consumpturus : ut, si v. g. quis furatus est frumentum mense Februario, quo modius valebat medio Imperiali , & vendidit in Augusto, quo valebat Imperiali ; tenetur pendere Domino pro modio Imperialem, etsi Dominus frumentum fuisset venditurus in Februario. *Ratio est* ; quia etiam valor rei extrinsecus ad rem pertinet , estque ei moraliter intrinsecus ; ergo fur vendens frumentum, domino injuriam fecit , secundum eum valorem, damnosam : nec æquum est , ut quis ex re aliena, & sua iniquitate lucrum habeat. *Confirmatur.* Si occidas equum alienum, teneris ad valorem pro tempore , quo occidisti , etsi Dominus nec eo usus , nec id pretium fuisset postea accepturus. Aliud foret , si frumentum periisset casu fortuito : nam tunc sine culpa furis periisset : unde satisfaceret restituendo
pre-

pretium, quo dominus id fuisset venditurus, vel simile triticum, *Ex his resolves*

1. Si res aliena apud iniquum possessorem evasit melior, v. g. si equus, vel bos crevit, ³³⁰⁶ *Corollaria* ager melioratus est, in fundo alieno plantatae sunt arbores, res restituenda est cum omni illo incremento intrinseco, detractis tamen expensis necessariis, etiam à domino aliastaciendis, nisi hæc per usum, vel luctum ex re v. g. equo relicato sint compensatae.

2. Si dominus erat, v. g. triticum venditurus, vel in pauperes erogaturus, quando valebat modius Imperiali, & fur consumpsit, dum valet medio, tenetur restituere in singulos modios Imperialem, nisi tamen fur pretium reddidisset tam maturè, ut dominus potuisset eodem pretio simile emere, & hoc sine suo incommodo in tempus valoris summi reservare: tunc enim, si dominus non eripat, sibi imputare debet.

3. Si fur consumpsit triticum, quando modius valebat medio Imperiali, crevit autem pretium, & dein iterum decrevit ad medium Imperialem, tunc, si dominus id erat servaturus in hoc ultimum tempus, fur satisfacit solvendo medium Imp. in singulos modios; quia dominus plus damni non est passus, nec injuriam damnosam aliam.

4. Si modius tritici hoc mense valeat medio imperiali, altero Imperiali, tertio iterum medio, dominus autem erat distracturus illud primo mense, fur autem servet illud ad tertium mensem, tuncque vendat, vel consumat; juxta Spor. & alios satisfacit solvendo medium Imp. Verùm attendendum, an, si secundo mense fuisset restitutum; ur̃i debebat, dominus fuisset

Id servaturus interitum mensem, an verò distracturus, vel consumpturus in secundo. Si primum, satisfacit solvendo medium Imperialem; secus, si secundum.

53. Furatus pullum equinum valentem 10. qui crescens valebat 40. servatus autem in senium valet tantum 10. tenetur primò solvere decem, & dein omne lucrum cessans, & damnum emergens domino per expensas in agros colendos, vel novum equum emendum &c. Si tamen dominus erat cum servaturus in idem quoque tempus, non tenetur solvere 40. quia, licet perierit valor intermedii temporis, periit tamen sine culpa damnosa furis, similiter periturus, si domino non fuisset subductus; ergo dominus non est passus hoc damnum ex culpa furis. Contradicunt tamen aliqui, eò quòd rem alienam detinere, dum plaris valet, sit idem ac furari. Quod si equus moreretur, similiter moriturus apud dominum, satisfaceret compensando omne damnum emergens, & lucrum cessans.

6. In dubio, an Dominus rem suam minore, vel majore pretio distracturus fuisset, restitutio facienda est pro ratione dubii arbitrio prudentis; quia debitum dubium non tantà valet, quanti certum, & in dubio possessionis non magis favendum innocenti, quàm reo. Neque Domino dicenti, se rem fuisse venditurum tempore summi pretii, necessariò credendum est, nisi accedant alia indicia, Laym. Lug &c.

7. Qui frumentum alienum furatus, transvexit in alium locum, & majoti pretio vendidit, quàm Dominus id erat venditurus, non tene-

tenetur augmentum pretii præstare Domino ; quia est fructus industriæ.

8. Qui frumentum alienum seminavit in agro suo , tenetur tantum ad simile frumentum , vel pretium , ita tamen ; ut Dominus servetur indemnis ; quia frumentum in se quasi mortuum non fructificat , nisi ex virtute agri excitatum. Idem est , si quis aliena ova supponat gallinæ suæ excludenda. Tenetur enim ad ova tantum.

9. Possessor etiam malæ fidei potest deducere tum laborem suum necessarium , & utilem , tum expensas necessarias independentes ab injuria ; quia nemo debet ex alieno ditescere.

Probabiliter potest etiam aliquid deducere de merè voluntariis , quas fecit ad rei melioramenta , modò hæc , si Domino relinquat in hujuscédant utilitatem : Nam si sint melioramenta extrinseca , quæ facillè separari possunt , non transierunt in dominium Domini : hinc , si ea hic sibi velit retinere , æquum est , ut solvat pro iis pretium. Si sint extrinseca non facillè separabilia , iterum æquum est , ut expensas pro iis factas refundat , ne velit ditescere ex alieno ; cum non censeantur factæ gratis. Negatur quidem actio in foro externo repetendi expensas utiles , & voluntarias : sed lex illa pœnalis est , non obligans ante sententiam Judicis , & re ipsâ rigor illius legis mitigatus est per *L. 38. ff. de hered. poss.* Quod si res ad Dominum redierit , putat Lugo , eum tutò posse expensas utiles non solvere ; quia , quando lex justè negat actionem in foro externo ad aliquid petendum , & debitori , si fortè solverit , concedit actionem ad repetendum , debitor potest in foro conscientiæ id retinere ; quia , quando lex

permittit, reperi solum, tacite permittit retineri, ut probat Sanch. de Matrimonio L. 6. D. 38. N. 35. Negat tamen id Navarrus, quia possessor potest Jure naturæ repetere; lex autem concedens potestatem non solvendi, est pœnalis, quæ non obligat ante sententiam Judicis, nec potest privatâ authoritate executioni dari, cum executio sit actus iudicii.

Ex dictis patet, quid restituere teneatur, qui rem alienam successivè jam bonâ, jam malâ fide consumpsit: pro tempore enim bonæ fidei loquendum, sicut de possessore bonæ fidei; pro tempore autem malæ fidei pariter loquendum, sicut de possessore malæ fidei dixi.

Q U Æ S T I O VII.

An, & quando teneatur titulo injustæ damnificationis ad restitutionem, qui alium impedit à consecutione alicujus boni

331. Resp. imò. Qui alium impedit solâ etiâ *Impeditio à bono* am lusione, vel precibus à consecutione boni, ipsi ex justitia debiti, sive habuerit Jus ad rem, ex rem, sive in re; tenetur compensare damnum *justitia* juxta mensuram Juris læsi, & certitudinem, debito, vel probabilitatem majorem, vel minorem *est obnoxia re-* boni consequendi. *Ratio est*; quia fuit causa efficax injusta, ut alius non habeat, quod *stitutio-* suum erat, aut ei debebatur; proin, si habebat Jus in re, impediens tenetur ad valorem illius rei: si verò solum habuit Jus ad rem, v. g. quia res ei promissa est, quia electus, vel præsentatus fuit ad beneficium; tenetur restituere,

tuere, quanti Jus illud prudentum Judicio æstimabitur.

Hinc imò, Si pecuniam tibi traditam, ut 10. pauperibus distribuas secundum eorum merita, secus, ac tibi commissum fuit, distribuisti, teneris læsis restituere; quia Jus habebant ad partem meritis suis proportionatam, à qua eos impedivisti: donator enim dederat pauperibus, & tu pro iis acceptasti.

2. Si injustè revelasti alterius crimen occultum, etsi verum, sicque cum impedivisti à consecutione boni debiri, teneris compensare damna famæ, & alia.

3. Item si impedias injustè Titium, ne utatur jure suo, v. g. exercendi suam artem, operam locandi, petendi aliquid, &c. quilibet enim habet Jus utendi Jure suo, quod Jus tunc violatur.

4. Si Procuratorem Titij, vel Tabellarium literas deferentem ad Cajum, detineas prætextu recreationis, vel potationis, sciens hanc detentionem nocituram Titio, teneris compensare damnum securum; quia Titius Jus habebat ad diligentem curam procuratoris sui, quod violasti. La Croix N. 69.

Resp. 2. Qui vi, fraude, vel dolo, aut mi- 332.
nis, detractione, calumniâ, mendacio, vel *Et à non*
alio modo injusto alium idoneum impedivit à debito,
consecutione boni, v. g. beneficii, vel officii, facta
doni, legati non debiri ex justitia, tenetur re-
stituere, quanti judicio prudenti ea spes ipsi *fraudè,*
valebat. Si verò impedivit sine dolo, fraude, *vim &c.*
&c. ad nullam compensationem tenetur, etsi
ex odio id fecisset. Est communis. Ratio
ima partis est; quia licet impeditus non ha-
beat Jus strictum ad tale bonum, Jus tamen
Gg 3 habet,

habet, ne ab ejus consecutione per vim, fraudem, mendacium, &c. impediatur, idque sive vis, vel fraus exerceatur circa eum, qui impeditur; ut si quis eum vi derineat, deterreat, ne petat, aut decipiat: sive circa collatorem, v.g. minando, ne conferat, vel falsò persuadendo; alterum esse indignum.

Ratio 2da partis est; quia, si absque fraude, vi, &c. impeditur à bono, non debito ex justitia, non infecit injuriam impedito, cum Jus ad bonum non habeat, & impediens liberum cuique reliquat, gratificari ei, si velit, nullamque viam injustam adhibeat.

Nec obstat, quòd alter fortè statuerit donare; quia sicut hic potest sine injuria mutare voluntatem, sic potest, propositis à me morivis, sine fraude, dolo, mendacio, &c. inflecti ad illam mutandam; odium autem seu animus nocendi per medium non injustum, & in iis, in quibus potest quis alioquin nocere absque injuria, charitati, non verò justitiæ opponitur.

333.
*Sensus
principii: Qui
per
fraudem,
&c.*

Notandum tamen principium illud, quod is, qui per fraudem, vel mendacium impedit alium à consecutione boni, licitè obtinibilis, non intelligi uniformiter ab omnibus; nam aliqui id intelligunt universim; Sanch. verò Lugo, Less. & alii apud La Croix hinc N. 82. contendunt verum tantum esse; quando bonum alterius impeditur per actiones per se, & proximè conjunctas cum damno, non verò si impediatur per actiones remotè tantum, & per accidens cum eo conjunctas: Non enim has, sed primas Justitia videtur prohibere, utpote tantum efficaciter, & per se influentes in damnum,

Hinc

Hinc imò. Si etiam justè interrogatus à Judice, fraude, vel mendacio declines mulctam tibi vel alteri imponendam ob delictum, probabiliter non teneris ad restitutionem, non tantum; quia Fiscus ante sententiam non habet Jus ad illam mulctam; sed etiam quia fraus, vel mendacium videtur tantum rempote, & per accidens conjungi cum illo damno ærarii Principis, cum directè tendat ad damnum à se, vel altero avertendum. Idem dicunt de eo, qui per fraudem impedivit, ne quis accusetur, & cogatur pendere mulctam. Ex eodem fundamento docent Beja P. 1. Cas. 58. & Lugo testes, advocatos, aliosque similes, qui falsò defendunt reum, ne mulctetur, non teneri Fisco refundere hanc mulctam; imo nec procuratorem fiscales teneri restituere, si causa sit, cur Fiscus non accipiat mulctam, tenent Less. Vasq. Tannerus, Diana, Sotus, Lugo, Illung Tr. 1. D. 2. N. 77. Idem dicunt de Judice, qui reo mulctam non imposuit, vel sine causa relaxavit, aut imminuit; tum quia eorum officia primariò ordinata sunt, ut delicta delata non fiant, secundariò autem ad emolumentum Fisci; tum quia mulcta est tantum debita ex justitia vindicativa, quæ non inducit obligationem restituendi. Ex quo sequitur, quòd custodes vinearum, sylvarum, piscinarum, gabellarum, urbium, &c. etsi teneantur compensare damna ex eorum negligentia secuta directè, probabiliter tamen non teneantur compensare mulctam, quam dare debuissent, qui damna intulerunt. Sporer de restit. in communi Cap. 3. Sect. 1. N. 38. in quibus tamen contradicunt alii, præsertim di-

Qvis de Judice, Fiscali Procuratore, Advocato,
& ubi fraus intervenit.

2. Qui effringit litteras alienas, aut detinet, dum tenebatur ex officio tradere equidem tenetur de damno securo. Si autem litteras alterius, quærentis v. g. beneficium vacans, per artificium legit, vel apertas iterum clausit, & debito tempore tradidit, & ipse præveniens beneficium obtrahit, non teneri restituere damnum, docent Less. L. 2. C. 12. N. 131. Castrop. de Benef. D. 2. Pu. 11. P. 5. N. 7. eò quòd damnum indirectè, & per accidens sequatur ex notitia injustè acquisita, directè autem, & per se ex Jure, quod habebat ad petendum illud beneficium post acceptam notitiam. Sed contradicunt alii, eò quòd damnum videatur proximè secutum ex injusta litterarum lectione. Idem dicunt de eo, qui litteras alienas minutim laceratas, fragmentis collectis, & in ordinem redactis, legisset, & notitia inde hausta alium impedivisset à bono sperato: quia lacerans litteras satis ostendit, se invitum esse, ut litteræ ab alio legantur. Sed negat Castrop. Cajer. Lugo, injustam esse illam lectionem.

3. Si Ludimagister, vel Præceptor sine vi, fraude, mendacio alliciat ad se discipulos, non tenetur damnum, si quod alii pariantur compensare; quia cuilibet licet bono suo consulere; potat tamen Sanch. peccatum graviter contra charitatem, si jam discipuli essent sub aliis, & hi grave damnum paterentur: sed à mortali excusat Lugo; tum quia non agit contra justitiam; alii enim non habent Jus strictum ad illos discipulos; sed sicut hi suâ sponte ad alium poterant recedere, sic sine fraude, mendacio id cum
justa

justa causa licet suadere; tum quia charitas non exigit, ut commodum meum in favorem alterius negligam, & sic excusantur Advocati, Medici, Mercatores, aliique similes, qui sine vi, fraude, mendacio ad se attrahunt homines, qui alios adibant.

4. Si carens conditione substantiali ad dandum suffragium, dares tamen Cajo, & ita impedires Titium aliàs consecuturum v. g. præbendam, tenereris compensare damnum; quia per fraudem injustè impedivisses. Secus, si caruisses tantum conditione accidentali, v. g. inscriptione in matriculam Philosophorum.

5. Tenetur compensare damnum, qui per fraudem, mendacium impedivit pauperem elemosynâ dignum ab ejus consecutione. Item qui sic impedivit, ne testamentum in alicujus favorem conderetur.

6. Si Religiosus sine vi, fraude, & mendacio suadeat testatori, ut potius suo monasterio legata relinquat, quàm matri Ecclesie; peccat quidem graviter contra obedientiam, ut constat ex *Clement. I. de privilegiis*, non tenetur tamen ad restitutionem; quia Ecclesie matri nullum est Jus acquisitum per illud præceptum. Imò putat Sanch. non peccaturum, si faceret bono zelo, nec peteret sibi. vel ami is suis relinquî. Ità forè La Croix L. 3. P. 2. N. 74.

Resp. 3. Qui alium impedivit ab illicita alicujus boni consecutione, non tenetur ad restitutionem, etsi id fraude, dolo, vel mendacio fecerit; quia licet per mendacium &c. peccarit, non fecit tamen injuriam alteri, in quantum eum impedivit à boni consecutione illicita; ad hanc enim is Jus non habet, nec exigit

335.
Non tamen, si à consecutione illicita vi, vel fraude impeditio fiat,

exigit Justitia, ut non Impediatur fraude. Sic non tenetur imò, qui furem per vim, mendacium, &c. impedivit, quò minùs furaretur: Nec 2: Qui impedivit donationem, vel contractum alium illicitum; quia jure impeditur proximi peccatum. Nec 3. Qui à consecutione beneficii impedivit indignum, aut minùs dignum, dum huic licitè conferri non poterat. Si tamen calumnia vel detractio impedi-
visset, teneretur ad restitutionem famæ. Quid dicendum de defraudantibus vectigalia, gabel-
las, &c. dixi P. I. N. 228.

Q U Æ S T I O VIII.

An, & quando obligatio restituendi ti-
tulo injustæ acceptionis oriatur ex
acceptione turpis lucri?

Turpe Turpe lucrum dicitur, quod quis accipit pro
lucrum. actione; vel omissione illicita, vel in se bona
quidem, sed debita; unde quæritur imò. An
teneatur restituere, qui accepit aliquid pro acti-
one, vel omissione debita ex justitia. 2. An te-
neatur, si actio fuit debita ex alia virtute, v.
g. ex charitate; religione, &c. 3. An retinere
quis possit, quod accepit ob commissam jam
turpitudinem, vi contractus antecedenter ini-
ti, ad quæ

336. Resp. 1. Qui accepit aliquid ab aliquo in
Pro de- compensationem, vel pretium pro actione, vel
bito ex omissione, ad quam jam ante obligabatur ex
justitia justitia ipsi danti, vel tertio, tenetur ex injusta
nequit acceptione ad restitutionem; quia vendidit
aliquid alteri, quod jam antè erat ipsi, vel alteri stri-
*admitti,*cto jure debitum: proinde erga pretium illi
nihil

nihil præstat, quod ipsius non fuerit, saltem exigivè ex justitia. Quodsi fuisset liberalis donatio, retineri quidem posset, spectato jure naturæ: sed id communiter præsumi non potest; quia non solent homines pro actionibus, sibi ex justitia debitis, esse liberales, sed potiùs dant ad redimendam vexam injustam.

Hinc ad restitutionem tenetur imò Judex, qui pro sententia justa pretium accepit.

2. Qui pretium à te accepit, ut tua tibi non furaretur, ut depositum, commodatum redde-
ret, ut tibi, vel alteri debitum solveret. Si ta-
men quis daret aliquid præcisè, ut averteret alium ab offensa Dei, vel ab interitu suo: vel si aliquid ei daret, ut omitteret, v. g. latrocinia, censeretur merè liberalis donatio, & retineri posset. 337. Corollaria

3. Tenetur testis, pretium accipiens pro vero testimonio, ad quod ex justitia tenetur. Secus, si accepisset aliquid pro labore itineris, sumptibus, damno, periculo, quod prudenter inde metuit.

4. Qui accepit aliquid, ut rem inventam restituat, tanquam debitum ex justitia, nisi sumptus in gratiam domini facere debuerit, aut aliquid inventori promissum, aut decretum sit.

5. Minister publicus, qui muneribus adducitur, ut præstet, quod ex justitia præstare debet, qui, nisi dentur munera, negligens est, qui priùs juvat eos, qui munera offerunt, & ità illa impetrat.

Resp. 2. Qui accipit aliquid propter actionem, vel omissionem, ad quam jam antè tenebatur tantùm ex virtute à justitiâ distincta, v. g. ex charitate, vel religione, non tenetur quidem 338. An pro debito ex alia virtute?

quidem jure naturæ ad restitutionem præcisè ; quia accepit ob actionem illam : aliunde tamen peccare , & obligari potest ad restitutionem. Ita Lugo , Haun. & alii contra alios.

Ratio 1^a partis est ; quia , quando actio , vel omissio non est debita ex justitia , potest esse pretio æstimabilis ; ergo , quòd aliquid accipiat pro ea , ex eo præcisè non fit injuria. Sic imò non tenetur ad restitutionem , qui accepit aliquid ut in Paschate communicet , ut non peccet contra religionem , ut alteri non neget officium charitatis &c. 2. Custos sylvæ accipiens aliquid , ut alterum permittat ligna cadere ; quia illa permissio , seu commoditas est cadenti pretio æstimabilis , consequenter pecuniæ acceptio non repugnat justitiæ , quanquam tenetur custos Domino sylvæ damna compensare , si quæ illata sunt. 3. Qui ex charitate tenetur v. g. incendium extinguere , & pretium accipit , ut extinguat , & quanquam datio procedat ex metu ; hic tamen non tollit voluntarium sufficiens , nec vexa repugnat Justitiæ. La Croix n. 295.

Ratio 2^a partis est ; quia contingere potest ; ut actio non sit pretio æstimabilis ; ut , si dives ex misericordia obligatus ad dandum hic & nunc egenti mutuum , nolle , nisi pretio motus à tertio. Fieri quoque potest , ut , pretio accepto , opus virtutis debitum quoad substantiam integrè non ponatur ; ut , si quis vovisset Ecclesiæ dare calicem 50. aureorum , & dein voti pœnitens nolle dare , nisi ab Ecclesia , vel alio tertio acciperet 20. in compensationem : hoc enim casu non daret de suo , ut vovit , 50. Idem est , si beneficiatus aliquid acciperet ab alio , ut proventus superfluos

suos merè beneficiales erogat in usus pios : his enim casibus est obligatio restituendi , & universim, quoties pretii, vel compensationis acceptatio facit , quominus opus debitum quoad substantiam vel necessariam qualitatem ponatur, cum tamen virtus illa , ex qua debebatur , id integrè poni pergat urgere. Videri potest Lugo D. 18. N. 70.

Dixi : *Non tenetur jure natura* : nam aliud in quibusdam jure positivo statutum est, uti in materia Simonia Juris Ecclesiastici , in quò accipiens pretium redditur inhabilis ad acquirendum dominium.

Nec dicas , quòd ex virtute deberet , gratis præstandum est : nam etsi id verum sit de debito justitiæ , non tamen de debito alterius virtutis : sic Medicus in urbe unctus tenetur quidem ex charitate curare infirmum divitem, non tenetur tamen curare gratis ; infirmum autem extrèmè egentem tenetur gratis curare. Si tamen pro hoc pecuniam ab alio admittat , non tenetur ad restitutionem ; dans enim pecuniam , vel curationem proximi sibi utilem reputat , vel gratis dat.

Resp. 3. Qui pretium accepit pro actione 339.
mala facienda , vel debità omittenda , ante actionem , vel omissionem tenetur id restituere ; quia contractus est irritus , utpotè obligans ad malum : ergo vi ejus acceptum retineri non potest. Secus esset, si esset datum aliquid tibi ex sola spe alliciendi , etsi animo non faciendi acceptasses ; quia donatio foret liberalis. Econtra acceptum , pro actione jam posita condignum, potest retineri, saltem spectato jure naturæ , ut habet ferè communis cum S. Th. quia ubi actio alteri utilis, vel delecta-

Ad quid tenetur, qui pro actione mala accepit pretium?

lectabilis est posita, acceptio pretii nec est necessario turpis, nec injusta, sed potius debetur pretium ex iustitia vi contractus conditionari comitantis, qui posita conditione transit in absolutum.

Dixi : *Spectato jure natura* : Nam quidam apud Less. C. 14. N. 60. putant acceptum pro patrato crimine, punibili in foro externo, restituendum esse, eo quod leges contractum irritent, quod negat communior, tenens leges tantum non assistere in foro externo. Utraque sententia teste Lessio probabilis est, quam utramque spectans Confessarins poterit injungere pœnitenti, ut, qui pecuniam accepit pro opere turpi, eroget pauperibus, uti &, si necdum numerata est, is, qui addixit eam: neuter enim dignus est, ut retineat. Vide dicta sub N. 109.

C A P U T IV.

De obligatione restitutionis titulo
injustæ cooperationis ad dam-
num alienum.

Q U Æ S T I O I.

Quibus modis quis cooperari possit ad
alterius damnum?

340. Resp. Variis, quos Theologi cum S. Th.
Novem 2. 2. q. 62. a. 7. ad novem reducunt, his ver-
modis. libus comprehensos.

Jussio, consilium, consensus, palpo, recursus, Participans, mutus, non obstant, non manifestans

Unde causæ cooperantes novem sunt : nempe mandans, consulens, consentiens, Palpo, seu adulator, receptor, participans, mutus, non obstant, non manifestans, quarum sex priores sunt causæ positivæ, utpote activè influentes : tres verò posteriores negativæ ; quia omittentes solùm actionem, quam ex justitia ponere deberent. Explico singulas

1. *md. Mandans* dicitur, qui ut damnum inferatur, jubet, vel expressè, v. g. fac hoc: vel tacitè ; uti si Dominus famulo, Pater filio, vel alteri, qui ejus imperio moveatur, dicat: vindictam ex tali opto : vellem, ut tali inferretur tale dampnum : foret mihi gratum, si quis isti tale malum inferret.

2. *Consulens* dicitur is, qui consilio, vel precibus, promissis, suggestionem motivi, vel ostensione viæ, aut modi nocendi alium inducit ad damnum inferendum.

3. *Consentiens* dicitur is, qui suâ approbatione, favore, suffragio promover, ut damnum inferatur.

4. *Palpo* dicitur, qui laudando, adulando, vituperando, exprobrando ignaviam, movet alium ad damnificandum.

5. *Receptans* dicitur, qui præstat patrocini-um, assecurationem, occultationem, fiduciam, unde alius fiat audacior ad damna inferenda, vel non compensanda &c.

6. *Participans* dicitur, qui est particeps seu socius actionis damnosæ adjuvando, explorando, vigilando, ut socios moneat, comirando, ut defendat, claves, aliave instrumenta

tradendo, applicando, aut tenendo v.g. scas
las, res furto sublata vendendo, aliove modo
suam operam conferendo, & hinc dicitur inju-
stæ acceptionis partem capere.

7. *Mutus* dicitur, qui ante damnum illatum
non loquitur, non monet, non clamat, dum
tenetur ad id ex officio vel contractu.

8. *Non obstants* dicitur, qui, dum damnum
infertur, non impedit, rem non custodit, per-
sonam non defendit, obligatus ad id ex ju-
sticia.

9. *Non manifestans* dicitur, qui post dam-
num illatum Domino non manifestat damni-
ficatorem. ubi id necesse est ad damnum recu-
perandum, vel eum antè non manifestat, ubi
aliter damnum averti non potest, cum tamen
ex justitia ad id teneatur.

Q U Æ S T I O II.

Quid requiratur, ut quis, uno ex præ-
dictis modis cooperando ad injustam
damnificationem, teneatur restituere?

341. *Resp.* Requiritur, & sufficit, quòd verè &
Requi- efficaciter uno ex prædictis modo liberè influ-
ritur in- xerit, Domino rationabiliter invito. *Ratio est;*
fluxus quia, si non influxerit, non est causa damni,
in dam- per consequens injuriam non fecit, adeoque nec
num. ad restitutionem tenetur, si autem verè, effica-
citer, & liberè influxerit, jam damnum illi,
ut causæ, seu physicae, seu morali imputatur,
& sicut suâ cooperatione inæqualitatem indu-
xit, justitiæ oppositam, sic etiam tollere tene-
bitur.

Dixi *Domino rationabiliter invito* : quia
con-

contingere potest, ut dominus non possit esse rationabiliter invitus: ut si quis metu gravi, & cadente in virum constantem, adigeretur ad cooperandum per actiones indifferentes juris alieni non læsivas, nisi ex intentione furis, illis ad malum abutentis, aut ex gravi metu cogeretur juvare in arcehenda, vel asportanda re aliena, vel abigendo pecore per furtum subducto: tunc enim cooperans non peccat, nec domino injuriam facit, cum dominus non possit esse rationabiliter invitus. Sic nec esse potest, si fur ipse, ex metu justo gravis mali, rem non statim restituat, sed deferat eam de loco in locum, ne incurrat v. g. periculum imminens mortis. At quando dominus est rationabiliter invitus, actioque intrinsecè mala, eam non licet metu gravis mali ponere, v. g. non licet alienas ædes perfringere, pectora ex stabulo exigere, in bello injusto tormenta explodere in hostes. *Ex his deduco sequentia.*

1. Si mandans revocet efficaciter mandatum suum ante executionem ejus, & revocationem suam mandatario seriò intimaverit, non tenetur ad restitutionem; quia per revocationem tollitur tota efficacia mandati. Si tamen mandatarius, revocationis mandati immemor, aut existimans, revocationem domino non fuisse seriam, damnum intulisset, teneretur mandans compensare damnum. Idem dic, si mandans, injuriam sibi factam exaggerans, animum mandatarii in alium exasperasset, & mandatarius ex ea commotione damnum inferret: tunc enim hoc sequeretur ex suggestionem motivi.

2. Non tenetur consulens, qui ante executionem

R. P. Renter Theol. Mor. P. III. H h tionem

tionem revocat consilium suum, ita, ut omnem vim ejus motivam elidat: v. g. si ostendat, rationem esse falsam, quâ unicè alter aliàs ab ipso motus fuisset: si ostendat, contractum esse illicitum, quem dixerat licitum, & suaserat. Secus si eam non elidat: v. g. quia ratio utilis, aut delectabilis suggesta, aut modus exequendi, aliàs ignotus, movere pergit; quia tunc consulens verè adhuc est causa damni: sicut si ignem injeceris alienæ domui, quæ conflagret, es causa damni, quantumcunque postea conatus fueris ignem extinguere. Contra verò, si quis precibus, blanditiis, vel promissis alium ad nocendum induxerit, & ante executionem ostendat, sibi displicere, propositum se mutasse, & promissa revocare, non est causa damni postea illati, nec tenetur restituere; quia tollit omnem rationem agendi à se propositam, motionemque à se impressam. Si tamen consilio suo concurrat ad damnum, tenetur ad restitutionem, etsi sine consilio fuisset ponendum; quia verè existit causa damni: sicut, si occidat, certò ab alio occidendum, homicida est, & tenetur hæredibus compensare damna. Hinc Consiliarii omnes Regum & Principum tenentur ad damna, ex injusto bello secuta, si ab illorum consensu bellum pendebat, etsi sine unius consensu nihilominus decretum fuisset. Similiter teneris, si Cajo determinato ad furandum plus Petro, vel Paulo minus. determines eum, ut Paulo minus fureretur; quia Paulus jus habet, ne lædatur etiam in suo minore, estque rationabiliter invitus, nisi damnum Pauli esset tam leve, ut ex charitate teneretur id pati ad impediendum damnum majus Petri pauperis. Econtra, si Cajus fuisset determi-

terminatus ad auferendum multum Petro, & persuaderes, ut tantum parum ei furaretur, non teneris; quia non tam damnum, quam imminutionem ejus suaderes, & utiliter ageres rem Petri.

3. Qui consentit in' sententiam, legem injustam, vel electionem indigni ad beneficium, vel officium, tenetur de damno, etsi electio sine ejus suffragio fuisset ponenda. Si tamen jam ante ejus suffragium res fuisset definita per suffragia antecedentia, nec à sequentibus penderet amplius, & roboraretur, peccaret quidem consentiendo, non teneretur tamen de damno; quia non esset causa damni efficax. Ita communis. Contradicit tamen aliqui, eò quòd, etiam intuitu ejus suffragii, detur damnum executioni. Quòd potuisset impedire electionem injustam, & emanasset, teneretur de damnis; quia elector tenetur ex officio impedire electionem injustam, per consequens tenebitur saltem tanquam mutus, vel non obstans, compensare damna.

4. Qui induxit alium ad damnum inferendum, proponendo laudem, vel ignominie vitiationem, ex facinore secururam, tenetur de damnis; non tamen, qui facinus jam factum approbavit, vel ratum habuit, nisi causa sit, cur non fiat restitutio, aut nova damna inferantur; qui damni jam illati causa non est. *Nec obstat regula Juris 10, in 6.* dicens: Ratihabitionem retrahit, & mandato comparari: nam intelligi debet præsertim de contractibus, qui alterius nescientis nomine celebrati, & à consensu ejus pendentes, subsequente ratihabitione confirmantur. Comparatur quoque ratihabitione mandato quoad col-

pam, & pœnas; effectusque aliquos in foris externo à jure expressos. Sic *Can. Cum quis de Sent. Excom. iv 6.* excommunicatur is, qui violentam injectionem manuum in Clericum, suo nomine factam, ratam habet. Sed hæc ad restitutionem, aliosque effectus in jure non expressos extendi non debent.

5. Etsi ad restitutionem teneatur, qui alteri securitatem, ac fiduciam præstat, ad damnum vel inferendum, vel non resarciendum, rem furtivam custodit, ut furi setvet, furem, vel ejus instrumenta occultat, ut ita foveatur ejus furandi intentio: uti &, qui recipit filium, dilapidantem bona patris; non tamen, qui delicto jam commisso, furem, dum à lictoribus quaeritur, occultat solum, vel juvat ad fugam, ne capiatur; quia non est causa damni, nec censetur ei cooperari, etsi fortè ex periculo elapsus, damna aliis adhuc sit illaturus; quia damna ex occultatione non per se, sed per accidens sequuntur, cùm ea tantum ordinetur ad furem periculo eripiendum. Reliqua constant ex dictis.

Q U Æ S T I O III.

Quantum singuli, cooperatores ad damnum, teneantur restituere titulo injustæ cooperationis?

Resp. Id pensandum est ex influxu in damnum præstito: in tantum enim quisque teneatur, in quantum causa fuit damni. Unde

343.
*Pendet
ex in-
fluxu.*

1. Si plures mutuo consilio, nutu, auxilio animati, ad grave damnum concurrerunt, tamen si singuli immediate physice per se ipsos exi-

exiguum damnum intulerint ; omnes tamen & singuli mortaliter peccârunt , tenenturque singuli in aliorum defectu ad totius damni compensationem ; quia singuli fuerunt causa totius damni totalitate effectus , etsi non totalitate causæ. Si verò seorsim , & absque mutua societate damnum intulerint , tenetur quisque solum ad suæ partis restitutionem ; quia tunc alter alteri non cooperatur formaliter , sed purè materialiter , & per accidens ; perinde ac si unus borrum ex vinea auferente , alter auferat mergitem ex agro , tertius nummum ex arca. Sic enim non sunt causa singuli damni totius , sed quisque suæ tantum partis : nemo autem tenetur compensare damnum , cujus causa non fuit. Et idem probabilius dicendum cum Molina , Layman , Oviedo , si quis suo tantum exemplo præbuit alteri occasionem nocendi proximo ; quia sola occasio non est causa damni per se proxima. V. 442. si dicas 2.

2. Si totus exercitus, cum hoste congregiens, gravia damna causet parti innocenti, vel tota legio ruat in prædam injustam, de rigore quidem in defectu causæ principalis v g. mandantis, tenentur singuli milites in solidum ; quia damna causantur à singulis, ut conjunctis in unum corpus : ex præsumpta tamen dominorum voluntate, inquit Molina , satisfaciunt plerumque , reparando partem damni à se illatam.

3. Si plures concurrant ad spoliandum viatorem , ad expilandam villam , singuli tenentur in defectu aliorum ad totum damnum refarciendum. Navar. tamen, Sylvest. Adrianus , Lugo D. 19. N. 82. probabiliter sic distinguunt: Quis sic cooperantur ad damnum alterius, ut

quidem jure naturæ ad restitutionem præcisè ; quia accepit ob actionem illam : aliunde tamen peccatæ, & obligari potest ad restitutionem. Ita Lugo, Haun. & alii contra alios.

Ratio 1^a partis est ; quia, quando actio, vel omissio non est debita ex justitia, & potest esse pretio æstimabilis ; ergo, quodd aliquid accipiat pro ea, ex eo præcisè non fit injuria. Sic imò non tenetur ad restitutionem, qui accipit aliquid ut in Paschate communicet, ut non peccet contra religionem, ut alteri non neget officium charitatis &c. 2. Custos sylvæ accipiens aliquid, ut alterum permittat ligna cadere ; quia illa permissio, seu commoditas est cadenti pretio æstimabilis, consequenter pecuniæ acceptio non repugnat justitiæ, quanquam tenetur custos Domino sylvæ damna compensare, si quæ illata sunt. 3. Qui ex charitate tenetur v. g. incendium extinguere, & pretium accipit, ut extinguat, & quanquam datio procedat ex metu ; hic tamen non tollit voluntarium sufficiens, nec vexa repugnat Justitiæ. La Croix n. 295.

Ratio 2^a partis est ; quia contingere potest ; ut actio non sit pretio æstimabilis ; ut, si dives ex misericordia obligatus ad dandum, hic & nunc egenti mutuum, nolle, nisi pretio motus à tertio. Fieri quoque potest, ut, pretio accepto, opus virtutis debitum quoad substantiam integrè non ponatur ; ut, si quis vovisset Ecclesiæ dare calicem 50. aureorum, & dein voti pœnitens nolle dare, nisi ab Ecclesiâ, vel alio tertio acciperet 20. in compensationem : hoc enim casu non daret de suo, ut vovit, 50. Idem est, si beneficiatus aliquid acciperet ab alio, ut proventus superfluos

fluos merè beneficiales croget in usus pios : his enim casibus est obligatio restituendi , & universim , quoties pretii , vel compensationis acceptatio facit , quominus opus debitum quoad substantiam vel necessariam qualitatem ponatur , cum tamen virtus illa , ex qua debebatur , id integrè poni pergat urgere. Videri potest *Lugo D. 18. N. 70.*

Dixi : *Non tenetur jure natura* : nam aliud in quibusdam jure positivo statutum est , uti in materia Simonia Juris Ecclesiastici , in quò accipiens pretium redditur inhabilis ad acquirendum dominium.

Nec dicas , quòd ex virtute deberet , gratis præstandum est : nam etsi id verum sit de debito justitiæ , non tamen de debito alterius virtutis : sic Medicus in urbe unicus tenetur quidem ex charitate curare infirmum divitem , non tenetur tamen curare gratis ; infirmum autem extrèmè egenum tenetur gratis curare. Si tamen pro hoc pecuniam ab alio admittat , non tenetur ad restitutionem ; dans enim pecuniam , vel curationem proximi sibi utilem reputat , vel gratis dat.

Resp. 3. Qui pretium accepit pro actione mala facienda , vel debitâ omittenda , ante actionem , vel omissionem tenetur id restituere ; quia contractus est irritus , utpotè obligans ad malum : ergo vi ejus acceptum retineri non potest. Secus esset , si esset datum aliquid tibi ex sola spe alliciendi , etsi animo non faciendi acceptâsses ; quia donatio foret liberalis. Econtra acceptum , pro actione jam posita condignum , potest retineri , saltem spectato jure naturæ , ut habet ferè communis S. Th. quia ubi actio alteri utilis , vel delecta-

339.
Ad quid
tenetur,
qui
pro actio-
ne ma-
la accep-
it pre-
tium?

lectabilis est posita, acceptio pretii nec est necessaria turpis, nec injusta, sed potius debetur pretium ex iustitia vi contractus conditionati comitantis, qui posita conditione transit in absolutum.

Dixi : *Spektato jure natura* : Nam quidam apud Less. C. 14. N. 60. putant acceptum pro patrato crimine, punibili in foro externo, restituendum esse, eò quòd leges contractum irritent, quod negat communior, tenens leges tantum non assistere in foro externo. Utraque sententia teste Lessio probabilis est, quam utramque spectans Confessarius poterit injungere pœnitenti, ut, qui pecuniam accepit pro opere turpi, eroget pauperibus, uti &, si necdum numerata est, is, qui addixit eam: neuter enim dignus est, ut retineat. Vide dicta sub N. 109.

C A P U T IV.

De obligatione restitutionis titulo
injustæ cooperationis ad damnum alienum.

Q U Æ S T I O I.

Quibus modis quis cooperari possit ad alterius damnum?

340. Resp. Variis, quos Theologi cum S. Th.
Novem 2.2. q. 62. a. 7. ad novem reducant, his ver-
modis. sibus comprehensos.

74510,

fussio, consilium, consensus, palpo, recursus, Participans, mutus, non obstant, non manifestans

Unde causæ cooperantes novem sunt : nempe mandans, consulens, consentiens, Palpo, seu adulator, receptor, participans, mutus, non obstant, non manifestans, quarum sex priores sunt causæ positivæ, utpote activè influentes : tres verò posteriores negativæ ; quia omittentes solùm actionem, quam ex justitia ponere deberent. Explico singulas

1. *mod. Mandans* dicitur, qui ut damnum inferatur, jubet, vel expressè, v. g. fac hoc : vel tacitè ; uti si Dominus famulo, Pater filio, vel alteri, qui ejus imperio moveatur, dicat : vindictam ex tali opto : vellein, ut tali inferretur tale damnum : foret mihi gratum, si quis isti tale malum inferret.

2. *Consulens* dicitur is, qui consilio, vel precibus, promissis, suggestionem morivi, vel ostensione viæ, aut modi nocendi alium inducit ad damnum inferendum.

3. *Consentiens* dicitur is, qui suâ approbatione, favore, suffragio promoveret, ut damnum inferatur.

4. *Palpo* dicitur, qui laudando. adulando, vituperando, exprobrando ignaviam, movet alium ad damnificandum.

5. *Receptans* dicitur, qui præstat patrocini-um, affecurationem, occultationem, fiduciam, unde alius fiat audacior ad damna inferenda, vel non compensanda &c.

6. *Participans* dicitur, qui est particeps seu socius actionis damnosæ adjuvando, explorando, vigilando, ut socios moneat, comitando, ut defendat, claves, aliave instrumenta

tradendo, applicando, aut tenendo v.g. scas
las, res furto sublatas vendendo, aliove modo
suam operam conferendo, & hinc dicitur inju-
stæ acceptionis partem capere.

7. *Mutus* dicitur, qui ante damnum illatum
non loquitur, non monet, non clamat, dum
tenetur ad id ex officio vel contractu.

8. *Non obfians* dicitur, qui, dum damnum
infertur, non impedit, rem non custodit, per-
sonam non defendit, obligatus ad id ex ju-
sticia.

9. *Non manifestans* dicitur, qui post dama-
num illatum Domino non manifestat damnifi-
catorem. ubi id necesse est ad damnum recu-
perandum, vel eum antè non manifestat, ubi
aliter damnum averti non potest, cum tamen
ex justitia ad id teneatur.

Q U Æ S T I O II.

Quid requiratur, ut quis, uno ex præ-
dictis modis cooperando ad injustam
damnificationem, teneatur restituere?

341. Resp. Requiritur, & sufficit, quod verè &
Requi- efficaciter uno ex prædictis modo liberè influ-
ritur in- xerit, Domino rationabiliter invito. *Ratio, est*
fluxus quia, si non influxerit, non est causa damni,
in dam- per consequens injuriam non fecit, adeoque nec
num. ad restitutionem tenetur, si autem verè, effica-
citer, & liberè influxerit, jam damnum illi,
ut causæ, seu physicæ, seu morali imputatur,
& sicut suâ cooperatione inæqualitatem indu-
xit, justitiæ oppositam, sic etiam tollere tene-
bitur.

Dixi *Domino rationabiliter invito* : quia
con-

contingere potest, ut dominus non possit esse rationabiliter invitus: ut si quis metu gravi, & cadente in virum constantem, adigeretur ad cooperandum per actiones indifferentes juris alieni non læsivas, nisi ex intentione furis, illis ad malum abutentis, aut ex gravi metu cogeretur juvare in arcehenda, vel asportanda re aliena, vel abigendo pecore per furtum subducto: tunc enim cooperans non peccat, nec domino injuriam facit, cum dominus non possit esse rationabiliter invitus. Sic nec esse potest, si fur ipse, ex metu justo gravis mali, rem non statim restituat, sed deferat eam de loco in locum, ne incurrat v. g. periculum imminens mortis. At quando dominus est rationabiliter invitus, actioque intrinsecè mala, eam non licet metu gravis mali ponere, v. g. non licet alienas ædes perfringere, pecora ex stabulo exigere, in bello injusto tormenta explodere in hostes. *Ex his deduco sequentia.*

1. Si mandans revocet efficaciter mandatum suum ante executionem ejus, & revocationem suam mandatario seriò intimaverit, non tenetur ad restitutionem; quia per revocationem tollitur tota efficacia mandati. Si tamen mandatarius, revocationis mandati immemor, aut existimans, revocationem domino non fuisse serià, damnum intulisset, teneretur mandans compensare damnum. Idem dic, si mandans, injuriam sibi factam exaggerans, animum mandatarii in alium exasperasset, & mandatarius ex ea commotione damnum inferret: tunc enim hoc sequeretur ex suggestionem motivi.

2. Non tenetur consulens, qui ante executionem

R. P. Renter Theol. Mor. P. III. H h tionem

tionem revocat consilium suum, ità, ut omnem vim ejus motivam elidat: v. g. si ostendat, rationem esse falsam, quàm unicè alter aliàs ab ipso motus fuisset: si ostendat, contractum esse illicitum, quem dixerat licitum, & suaserat. Secùs si eam non elidat: v. g. quia ratio utilis, aut delectabilis suggesta, aut modus exequendi, aliàs ignotus, movere pergit; quia tunc consulens verè adhuc est causa damni: sicut si ignem injeceris alienæ domui, quæ conflagret, es causa damni, quantumcunque postea conatus fueris ignem extinguere. Contra verò, si quis precibus, blanditiis, vel promissis alium ad nocendum induxerit, & ante executionem ostendat, sibi displicere, propositum se mutasse, & promissa revocare, non est causa damni postea illati, nec tenetur restituere; quia tollit omnem rationem agendi à se propositam, motionemque à se impressam. Si tamen consilio suo concurrat ad damnum, tenetur ad restitutionem, etsi sine consilio fuisset ponendum; quia verè existit causa damni: sicut, si occidat, certò ab alio occidendum, homicida est, & tenetur hæredibus compensare damna. Hinc Consiliarii omnes Regum & Principum tenentur ad damna, ex injusto bello secuta, si ab illorum consensu bellum pendebat, etsi sine unius consensu nihilominus decretum fuisset. Similiter teneris, si Cajo determinato ad furandum plus Petro, vel Paulo minus. determines eum, ut Paulo minus furetur; quia Paulus jus haber, ne lædatur etiam in suo minore, estque rationabiliter invitatus, nisi damnum Pauli esset tam leve, ut ex charitate teneretur id pari ad impediendum damnum majus Petri pauperis. Econtra, si Cajus fuisset determi-

terminatus ad auferendum multrum Petro. & persuaderes, ut tantum parum ei furaretur, non teneris; quia non tam damnum, quam imminutionem ejus suaderes, & utiliter ageres rem Petri.

3. Qui consentit in sententiam, legem injustam, vel electionem indigni ad beneficium, vel officium, tenetur de damno, etsi electio sine ejus suffragio fuisset ponenda. Si tamen jam ante ejus suffragium res fuisset definita per suffragia antecedentia, nec à sequentibus penderet amplius, & roboraretur, peccaret quidem consentiendo, non teneretur tamen de damno; quia non esset causa damni efficax. Ita communis. Contradiciunt tamen aliqui, eò quòd, etiam intuitu ejus suffragii, detur damnum executioni. Quodsi potuisset impedire electionem injustam, & emanasset, teneretur de damnis; quia elector tenetur ex officio impedire electionem injustam, per consequens tenebitur saltem tanquam mutus, vel non obstans, compensare damna.

4. Qui induxit alium ad damnum inferendum, proponendo laudem, vel ignominie vitiationem, ex facinore secuturam, tenetur de damnis; non tamen, qui facinus jam factum approbavit, vel ratum habuit, nisi causa sit, cur non fiat restitutio, aut nova damna inferantur; qui damni jam illati causa non est. *Nec obstat regula Juris 10, in 6.* dicens: Ratihabitionem retrahit, & mandato comparat: nam intelligi debet præsertim de contractibus, qui alterius nescientis nomine celebrati, & à consensu ejus pendent, subsequente ratihabitione confirmantur. Comparatur quoque ratihabicio mandato quoad cul-

Hh 2

pam,

pam, & pœnas; effectusque aliquos in foro externo à jure expressos. Sic *Can. Cum quis de Sent. Excom. iv 6.* excommunicatur is, qui violentam injectionem manuum in Clericum, suo nomine factam, ratam habet. Sed hæc ad restitutionem, aliosque effectus in jure non expressos extendi non debent.

5. Etsi ad restitutionem teneatur, qui alteri securitatem, ac fiduciam præstat, ad damnum vel inferendum, vel non resarciendum, tem furivam custodit, ut furi servet, furem, vel ejus instrumenta occultat, ut ita foveatur ejus furandi intentio: uti &, qui recipit filium, dilapidantem bonâ patris; non tamen, qui delicto jam commisso, furem, dum à lictoribus quæritur, occultat solum, vel juvat ad fugam, ne capiatur; quia non est causa damni, nec censetur ei cooperari, etsi fortè ex periculo elapsus, damna aliis adhuc sit illaturus; quia damna ex occultatione non per se, sed per accidens sequuntur, cùm ea tantum ordinetur ad furem periculo eripiendum. Reliqua constant ex dictis.

Q U Æ S T I O III.

Quantum singuli, cooperatores ad damnum, teneantur restituere titulo injustæ cooperationis?

Resp. Id pensandum est ex influxu in damnum præstito: in tantum enim quisque teneatur, in quantum causa fuit damni. Unde

343.
*Pendet
ex in-
fluxu.*

1. Si plures mutuo consilio, nutu, auxilio animati, ad grave damnum concurrerunt, tamen singuli immediate physice per se ipsos exi-

exiguum damnum intulerint ; omnes tamen & singuli mortaliter peccantur , tenenturque singuli in aliorum defectu ad totius damni compensationem ; quia singuli fuerunt causa totius damni totalitate effectus , et si non totalitate causæ. Si verò seorsim , & absque mutua societate damnum intulerint , tenetur quisque solum ad suæ partis restitutionem ; quia tunc alter alteri non cooperatur formaliter , sed potè materialiter , & per accidens ; perinde ac si unus borrum ex vinea auferente , alter auferat mergitem ex agro , tertius nummum ex arca. Sic enim non sunt causa singuli damni totius , sed quisque suæ tantum partis : nemo autem tenetur compensare damnum , cujus causa non fuit. Et idem probabilius dicendum cum Molina , Layman , Oviedo , si quis suo tantum exemplo præbuit alteri occasionem nocendi proximo ; quia sola occasio non est causa damni per se proxima. V. 442. si dicas 2.

2. Si totus exercitus, cum hoste congregiens, gravia damna causet parti innocenti, vel tota legio ruat in prædam injustam, de rigore quidem in defectu causæ principalis v g. mandantis, tenentur singuli milites in solidum ; quia damna causantur à singulis, ut conjunctis in unum corpus : ex præsumpta tamen dominorum voluntate, inquit Molina , satisfaciunt plerumque , reparando partem damni à se illatam.

3. Si plures concurrant ad spoliandum viatorem , ad expilandam villam , singuli tenentur in defectu aliorum ad totum damnum refarciendum. Navar. tamen, Sylvest. Adrianus , Lugo D. 19. N. 82. probabiliter sic distinguunt: Quis sic cooperantur ad damnum alterius, ut ,

Hh 3

posita

positâ suâ cooperatione , sequatur totum damnum , & eâ sublatâ , non sequatur , tenentur singuli ad totum damnum in defectu aliorum ; uti , si quis furi murum ascendenti succollet , vel scalam teneat , vel subministret , sine quo ascendere , & furari non potuisset. Si verò , exclusâ alicujus operatione , totum damnum nihilominus fuisset securum , tenent hunc non teneri , nisi secundum influxum suum parvalem ; sed quod istantum fuerit causa partialis damni. Secus , si damnum aliàs non fuisset securum ; quia tunc simul constituit unam causam adæquatam totius damni. Vide Less.

4. Qui cooperatus est , non ad damni substantiam , sed ad solas circumstantias v. g. loci , modi , temporis , non tenetur ad restitutionem , nisi secundum æstimationem illius circumstantiæ , ad quam est cooperatus , sive quanti intererat domini , non fieri damnum cum illa circumstantia. *Ratio est* ; quia , sicut circumstantiæ differunt à substantia damni , ita æquum est , ut diversum quoque restituendæ onus illi respondeat : proinde non debet obligari ad substantiam , qui solum nocuit in circumstantia. *Nec refert* , quod circumstantiæ non possint poni separatim à substantia ; quia non ideo necesse est , eas poni per eandem causam moralem : sed principalis , jam ad damni substantiam determinata , præsupponi potest , quæ deinceps à superveniente v. g. suasionem determinetur ad damnum significandum in eadem substantiâ alio modo solum.

5. Si dubium sit , an ex tuo mandato , consilio , consensu damnum sit secutum , & re diligenter examinatâ , dubium maneat , teneris ad restitutionem , saltem pro ratione dubii ;
quia

quia actio tua est in possessione potius, quam immunitas; cum enim actionem injustam posueris, & effectus re ipsa sit secutus, censenda est actio tua influxisse, donec probetur oppositum, cum ordinariè influat, & alius sine tua v. g. suasionem, aut mandato, non presumatur fuisse peccaturus.

Oppositum tenet Lessius, Dicat. nisi moraliter certus sis, de influxu actionis tuæ; quia immunitas videtur esse in possessione, & reus in pari causa secundum leges est absolvendus, Favethis S. Th. hic Q. 62. A. 7.

Q U Æ S T I O IV.

Quo ordine ad restitutionem teneantur cooperatores ad damnum alterius?

Resp. *1mo loco* tenetur detentor rei alienæ, apud quem adhuc in se; vel in æquivalenti existit, quia is non tantum tenetur ratione injustæ acceptionis, sed etiam ratione receptæ, qui titulus major est: cum jus domini constanter rei adhæreat, ratione cujus clamat ad dominum. Detentori æquiparatur, qui rem malâ fide, sciens, aut saltem dubitans esse alienam, consumpsit; quia consumendo injuriam fecit, & commodum, vel delectationem percepit: injuria autem non debet eum liberare ab onere primo loco restituendi; & qui commodum sensit, & sentire debet & onus.

2do loco tenetur mandans, si nempe actio fuit purè damnificativa, neque res apud alium existit, etiam in æquivalenti, nec malâ fide consumpta est. *Ratio est*; quia mandans est causa principalis; executor autem ejus velut

instrumentum : nam damnum non solum mandantis morione, sed ejus etiam nomine, & auctoritate, executori quandam moralem necessitatem imprimente, causatur. Mandanti æquiparatur, qui fraude induxit, vel vi. aut metu gravi compulsi ad damnum inferendum, & cui alter non est ausus contradicere. Item, qui rogavit, vel suavit, ut alter suo nomine tantum damnum inferret. Tum enim est causa principalis movens instar finis & causæ moralis efficientis cæteras, ceterisque onus restituendi in se suscipere, seque habet instar mandantis : ergo ante alios tenetur. Ità Less. Si hi deficient, vel non possint, vel nolint restituere tenetur.

3^{ta} loco executor eorum : quia est causa principalis post mandantem ; alii verò sunt causæ secundariæ : magis enim influit, quam alii, cum non tantum sit cooperans, sed physice operans, & damnum inferens, aliique ei quodammodo deserviant ; nisi tamen, inapproprius consilio, omnium nomine damnum inferat, v. g. domum incendat : tunc enim omnes pro rata tenerentur æquè primò. Idem est de consulente, & executore, si consilium cedat in utriusque utilitatem. Item, si consulens donis, vel precibus induxit ad executionem : tunc enim est causa æquè principalis, adeoque æquè primò pro rata tenetur. Si autem Consilium cedat in unius tantum utilitatem, hic solus tenetur ad totum, alter in hujus defectu.

4^{ta} loco in priorum defectu cæteræ causæ positivæ, nempe consulens, consentiens, laudans, receptans, adjuvans, tenentur singuli ad suam partem secundum proportionem suæ cooperationis sine ordine inter se ; quia una non est cooperata ad damnum mediante altera

râ, nec ut instrumentum alterius, vel alterius nomine: unde una non est causa principalis respectu alterius; ergo si mandans, vel executor non restituat, causæ secundariæ tenentur pro rata restituere secundum influxum majorem, & minorem; ita tamen, ut, si aliæ non restituant, quælibet teneatur ad totum, cum jure tamen recipiendi ab aliis, quod pro iis restituere debuit. Quod jus habent etiam alii, qui pro causa principali solvere debuerunt; ita quidem, ut, si aliâ viâ recipere non possint, liceat iis uti occultâ compensatione.

§ 10 & *ultima loco*, si suæ obligationi desint causæ positivæ, tenentur cooperantes negativè seu non impediens damnum contra obligationem suam ex Justitia; quia hi minùs concurrunt ad damnum, cum non positivè, sed solùm negativè in id influant; nisi fortè notâ suâ negligentia movissent alios ad damnificandum.

6. Si plures æquè principaliter concurrant ad damnum, singuli tenentur æquè primò pro rata; ita tamen, ut, si unus non possit, aut nolit restituere, teneatur alius, imò singuli in solidum in defectu aliorum, cum jure tamen repetendi, quod pro aliis restitutum est.

Ut hæc in praxi faciliùs resolvantur, consi- *Regula*
derandum est 1. An res apud aliquem existat *pro præ*
in æquivalenti saltem. 2. An una causa fue- xi,
rit alteri subordinata, principalis una, altera
secundaria. 3. Cujus nomine executio
sit facta. 4. In cujus utilitatem.

5. An fuerit quis causa to-
tius damni,



H h §

QUÆS.

Q U Æ S T I O V.

An, & quando unus cooperans restituit,
ab obligatione liberentur alii ?

345. Resp. 1. Si, qui fuit causa principalis, totum restituit, reliqui liberantur ab onere restitutionis; quia is tenetur ad totum damnum compensandum, & reliqui non nisi in ejus defectu.

Si causans restituit, 2. Si una minus principalis restituit, tenetur ei respondere causa principalis; quia minus principalis acquisivit jus creditoris, nec debet alii, se hujus conditio fieri deterior, eò quòd pro alio eius non solverit, nec hic habere commodum ex sua iniquitate.

3. Si creditor remittat obligationem causæ principali, v. g. mandanti, executori; aliæ sunt liberæ, quia causæ secundariæ tantum tenebantur in defectu principalis obligatæ, cujus obligatio cum sublata est, non tenentur amplius causæ secundariæ, aliàs creditor imposeret illis onus, quod non habebant. Econtra si creditor remittat obligationem causæ secundariæ, non liberatur causa principalis; quia creditor vult esse liberalis erga causam secundariam, ut non teneatur in defectu principalis, cujus obligatio est independens ab obligatione causæ secundariæ; imò nec, si uni ex secundariis remittat, ideo liberæ sunt aliæ secundariæ ab obligatione, exceptâ tamen parte æqualiter obligato remissa.

- 4. Si una ex causis æqualiter obligatis totum restituerit, aliæ in defectu priore loco obligatæ, tenentur singulæ cum proportionem ei repen-

rependere ; quia quisque luere debet pro sua culpa : quod verum est , quamvis unus alios induxerit sine fraude , vi , & dolo ; quia volentes , & scientes consenserunt ob causam , vel propriam cujusque utilitatem , uti suppono. Hinc inducens non censetur totum onus in se suscepisse. Quod si unus non posset , aut noller suam partem restituere , ceteri tenerentur eam inter se dividere : si tamen ab eo non possent recipere , qui solvere posset , licite uterentur occultâ compensatione , ubi adsunt conditiones ad eam requisitæ,

C A P U T V.

De Circumstantiis Restitutionis in genere, & Causis ab ea excusantibus, vel perpetuo, vel ad tempus,

Q U Æ S T I O I.

Cui, quando, ubi, cujus sumptibus, & periculo sit facienda restitutio ?

Resp. 1. Restitutio, per se loquendo, facienda est domino , vel cui de jure debetur, aut si non possit huic, secundum ejus voluntatem est res expendenda ; sic enim exigit Justitia. 346.

Hinc 1. Qui res exiguas , etsi à diversis dominis per furta parva , dolosas stateras , vel meas , mensuras subduxit, tenetur, si possit, restituere ipsis ; si his , quia defunctis , non possit , tenetur restituere hæredibus ; si nec his , tender

tenetur dare pauperibus. *Ratio 1^a partis est* ; quia reducenda est æqualitas juxta rationabilem voluntatem Domini, quæ est, ut sibi fiat restitutio, quemadmodum quisque in se experitur, si re suâ sit privatus ; unde errant qui putant satisfacere, si detur pauperibus, peccantque Confessarii, qui ad hoc imperandum, vel suadendum prompti sunt : Domini enim meritò dicunt ; se daturos eleemosynas, ubi voluerint, seque ad hoc non egere iniquorum operâ. *Ratio 2^a partis est* ; quia, hæredes succedunt in omnia jura defuncti ; qui, si de suis non disposuerit, neque hæredem ab intestato usque ad totum gradum habuit, bona & jura illius sunt quidem jure naturæ nullius, fiuntque primo occupantis ; jure tamen civili cedunt Fisco sæculari, si defunctus sæcularis ; Ecclesiastico, si fuit Ecclesiasticus, saltem post sententiam Judicis, quod requirit ; Amicus de Just. D. 16. N. 6. eò quòd leges dicant, posse præscribi contra Fiscum. *Ratio 3^{ia} partis est* ; quia, quando res non potest restitui, Domino, voluntas ejus est, ut detur pauperibus, ne fures ex delicto commodum ferant, sicque ad frequentanda furtiva alliciantur. Quodsi dicto modo damnum grave consurgat ex parvis à diversis ablatiis v. g. per mercatorum, si emptores defraudatos noverit, aut soleant iidem ad ipsum redire, vendat dein minori pretio, præsertim egentibus, aut tenuis fortunæ.

2. Qui subduxit rem apud aliam depositam, vel illi elocatum, vel commodatam, non Domino, sed depositario &c. tenetur restituere ; quia sine injuria non possunt privati jure custodiæ, usûs, vel possessionis, nisi consentiant ;

stant, aut credantur, quod tamen non temerè præsumendum, re malè usuri.

3. Res incertæ ex delicto, si Dominus inveniri non possit, erogandæ sunt in pauperes, vel pias causas alias.

Dixi in Responsione : *Per se loquendo* : Nam, si Dominus esset re suâ, vel pecuniâ abusus ad peccatum, esset obligatio ex charitate, si sine gravi incommodo fieri posset, differendi restitutionem. Imò si esset abusus ad alterius injuriam damnosam v. g. gladio ad se, vel alium occidendum, obligaret Justitia ad non reddendum ; quia in istis circumstantiis censeretur reddens cooperari positivè ad occisionem ; nisi tamen non reddenti gravissimum malum immineret. Cæterùm non sine rationabili fundamento ejusmodi timeri debent, cum delicta non sint præsumenda. De inventis dixi N. 67.

Resp. 2. Restitutio faciendâ est, quamprimum 347.
moraliter fieri potest sine gravi incom- *Quam-*
modo, quod quis pateretur in re sua ultra *primum*
debitum ; quia jus alterius exigit non teneri *potest*.
rem alienam, invito rationabiliter Domino :
est autem meritò Dominus rationabiliter invi-
tus, si diu differatur sine justa causa ; quia po-
test intervenire casus interitus, impotentia
restituendi, immutatio voluntatis, damnum,
vel lucrum cessans, aliudve periculum rem
suam non recipiendi. Hinc, qui culpabiliter
differt restitutionem, manet in peccato conti-
nuo, & absolvi non potest, sique ex dilatio-
ne Domino rei oriantur damna, tenetur ea
compensare, utpote injusta illorum causa. La
Croix N. 252. Si tamen quis habens propo-
situm restituendi non longo tempore differat
citra

citra grave incommodum Domini , non facile damnandus est peccati mortalis ; imò nec venialis , si adsit justa causa differendi , v. g. quia expectat commodiorem , occasionem id faciendi. Quod si vellet restituere per partes , cum possit totum restituere , absolvendus non esset ; quia Dominus est rationabiliter invitus. Idem dic de eo , qui in periculo mortis constitutus , potestque sine gravi incommodo restituere , & vult obligationem restituendi rejicere in hæredes ; quia exponuntur creditores periculo proximo injusti damni : nam hæredes sæpe sunt negligentes in restitutione facienda , vel indaganda obligatione ejus. Si tamen esset periculum scandali , intamiz , aut alia gravis causa , posset restitutio differri post mortem facienda : sed tunc cautela adhibenda est , ut amoveatur à Domino periculum damni ; uti fiet , si coram hæredibus , vel testibus tradat Confessario schedam , veledicat , se velle talem summam tradi Confessario , ejus arbitrio expendendam , vel Codicillum adjiciat testamento , quo id declaret &c.

348. Resp. 3. Quo loco , cujus expensis , & periculo , an creditoris , vel debitoris facienda sit restitutio , pendet ferè ex radice , seu titulo , ex quo obligatio restituendi orta est : Nam

Quo loco, cujus expensis sit faciendar

1. Si orta est ex delicto , restitutio facienda est in loco , in quo Dominus rem esset possessurus , si non fuisset ablata , idque sumptibus debitoris ; quia creditor debet servari indemnis . & non sentire damnum ex iniquitate debitoris , sed restitui in statum pristinum , sive jam sit ex delicto debitor ratione furti , rapinae , usutæ , sive ob moram culpabilem. *Nec juvat* , quòd debitor sic ad plus obligetur , quàm sit dam-

damnum illatum : id enim sibi imputare debet. Quod & verum est, etsi creditor jam aliò migrâset, quanquam tunc potest debitor sumptus subtrahere, quos creditor ipse pro re transferenda facere debuisset. Quodsi debitor possit minori sumptu rem transferre, quàm facturus fuisset creditor, an possit illum excessum debitor subtrahere, controversitur. Negat Rebellus, eò quòd non debeat ex delicto suo lucrum reportare ; affirmat Bonac. & alii, eò quòd lucrum id non proveniat immediatè ex delicto, sed ex circumstantia loci. Lugo rectè sic distinguit : Si illa diminutio veniat ex industria debitoris, potest : secùs, si proveniat ex eo, quòd pretium translationis decreverit ; quia decrevit Domino, sicut crescit valor rei detentæ eidem Domino. Quodsi sumptus pro translatione rei faciendi duplo, vel triplo majores essent, quàm res tota valeat, posset restitutio differri in aliud tempus ; vel etiam, si spes non esset minore sumptu aliquando transferendi rem, vel ejus pretium, erogari pauperibus ; quia Dominus tunc non potest esse rationabiliter invitus.

2. Si obligatio restituendi sit ex re accepta, quam hætenus possedit debitor bonâ fide, restitutio non est necessariò facienda in alio loco, quàm in quo nunc existit : neque enim alium in locum, ubi jam Dominus fortè degit, sumptibus suis transmittere tenetur ; quia non tenetur Dominum jam in statum pristinum restituere, ac si res apud eum fuisset ; cum per formalem injuriam illum ex eo non dejecerit, sed rem tanquam suam bonâ fide possederit : unde satisfacit monendo Dominum, ut rem suam sibi curet afferri, in quo si moram secit,

terit, & debeat rei possessor illius conservandæ causâ sumptus facere, potest eos repetere à Domino rei, uti & illos, quos fecit pro Domino monendo; quem si non monuisset tempestivè, & ideo jam Dominus cum majori sumptu deberet rem transferendam curare; detentor inciperet esse debitor ex delicto, jamque deberet ferre sumptus, qui facti non fuissent à Domino, si Dominus fuisset debito tempore monitus.

3. Restitutio ex delicto facienda fit periculo debitoris, si is aliquem designarit, qui rem referat: unde si hic non restituat, vel casu interim res pereat, adhuc tenetur debitor; quia Dominus efficaciter servandus est indemnus, damnumque aliàs adhuc pateretur ex injuria. Si autem creditor monitus designarit aliquem, cui tradas rem transferendam, periculum ferre debet creditor, sique res pereat, ipsi perit, quia tunc censetur eam acceptasse per designatum.

4. Si restitutio facienda fit ex titulo solius rei alienæ, fit quoque periculo Domini, si hic aliquem designarit, per quem rem recipiat. Si autem debitor aliquem miserit, qui referat, & res non referatur, tum si res Domini in individuo existens sit remissa, perit non debitori, sed Domino, quia ejus erat: si autem non sit remissa eadem in individuo, sed alia similis valoris, perit remittenti; quia adhuc erat ejus Dominus.

5. Si quis ex contractu, vel quasi contractu oneroso teneatur restituere quid, vel solvere, fieri id regulariter debet, ubi res accepta fuit: uti, si quis pecuniam accepit mutuam hic, debet & hic restituere. Dixi *regulariter*; quia,

Quia, si aliter conventum sit, standum est conventionem. *Ex dictis*

Colliges. Si Confessarius absque præmissa sufficienti diligentia de inveniendò rei domino, in quo detentori rei alienæ suasit, aut etiam præcepit, ut daret pauperibus, manet adhuc illi obligatio restituendi, saltem in defectu Confessarii; quia præceptum, & suasio fuit imprudens, & procedens ex injuria præterita; non censetur autem dominus consentire, nisi res sit prudenter assignata pauperibus. Confessarius tamen, si per errorem graviter culpabilem id fecit, tenetur primo loco. Similiter, si detentor iniquus Confessario rem commisit restituendam, & hic eam sibi retineat, vel etiam sine culpa perdat, juxta communem & probabiliorē mapet iniquus possessor obligatus, saltem in defectu Confessarii rem retinentis; quia debitor ex delicto tenetur dominum efficaciter reddere indemnem.

349.
Corollaria.
TIA.

Oppositum quidem tenent aliqui, quorum sententiam quidam vocant probabilem, eo quod fecerit, quod potuit, sicque videatur dominus non posse esse rationabiliter invitus. Verum, etsi fecerit, quod potuit, sicque satisfecerit ad non continuandum peccatum; non tamen satisfecit ad extinguendum debitum, &, licet præsumatur, quod dominus consenserit, ut ita fieret; non tamen resignavit juri suo, si modus ille non succederet. Sic dominus consensit, ut committas fidei tuo famulo rem restituendam; tamen, si restitutio actu non fiat, adhuc exigit restitutionem.



QUÆSTIO II.

Quo ordine sit restitutio facienda, quando debitor non est par solvendis debitis omnibus?

350.

1^{mò} facienda ei, cuius res existit.

Resp. Facienda est hoc ordine 1^{mò}. Quando res aliena existit in individuo, domino est restituenda : ut si debitor habeat rem tuam apud se depositam, commodatam, vel sibi locatam, à se inventam, furto sublatam, &c. tibi & non aliis quomocunque privilegiatis restitueredebet; quia res mansit tua, nec creditores jus habent, ut sibi solvantur debita ex bonis alienis, sed solum ut solvantur ex bonis debitoris. Idem dicendum de re vendita, quando dominium necdum est translatum, de quo dixi N. 224. Quod si rei certè alienæ inveniri non possit dominus, applicanda est causis piis : verum cum opus pium sit juvare debitorem solvendo imparem, retinere pro alimentis necessariis hic eam, aut per eam certis creditoribus satisfacere potest.

2. Solvenda funereal.

2. Ex bonis debitoris ante quæcunque debita solvi debent, quæ debentur pro funeralibus, medicamentis, alimentis familiæ, pro inventario, confectioe testamenti, mercede operariorum, & famulorum, ad necessarios usus conductorum. *Ratio est;* quia hæc debita contrahuntur necessariò, & potiùs in utilitatem, quàm detrimentum creditorum. Fieret etiam debitor

3^{tia}. Seminuntur credito-

minùs potens ad solvendum, si à nullo auxilium haberet.

3. Post hæc solvendum est creditoribus habentibus Hypothecam, & inter hos, si omnibus

nibus non possit satisfieri, præferendi sunt, qui
 habent hypothecam antiquiorem juxta *Regulam*
Juris § 4. in 6. *qui prior est tempore, potior est ju-*
re, ita ut tacita Hypotheca prior, præferri de-
 beat posteriori expressæ, prior generalis poste-
 riori speciali. *Ratio est*; quia per primam Hy-
 pothecam res creditori est obligata realiter, si-
 que alteri tradatur, transit ad ipsum cum obli-
 gatione. Excipe Hypothecas privilegiatas, quæ
 non privilegiatis etiam antiquioribus ex speciali
 juris dispositione præferuntur. De quibus si ca-
 sus occurrat, consulendi sunt Jurisperiti, & le-
 ges municipales, locoque propriæ: non de-
 sunt enim qui Hypothecas expressas, & particu-
 lares posteriores tacitis, & universalibus in qui-
 busdam casibus præferendas esse contendunt.
 Vide La Croix N. 388.

Notandum tamen, quòd uxor, & liberi,
 mortuo patre debitis gravato, possint occultare,
 & sibi reservare ad alimenta necessaria, quibus
 honestè & parcè secundùm statum suum vivant;
 quia alimentatio est privilegiata ante omnes cre-
 ditores, & liberis debetur jure naturæ. Unde
 interrogati à Judice, possunt negare se quid oc-
 cultasse, subintelligendo, quòd non sit sibi de-
 bitum jure naturæ; & sicut talis necessitas debi-
 torem, sic hæredes excusat. La Croix N. 432.

4. Post Hypothecarios solvendum est illis, qui
 licet Hypothecam non habeant, specialiter tamen
 sunt privilegiati personaliter: qualis est sponsa
 de futuro quoad bona sponsi, quando dotem ei
 tradidit, & matrimonium non sequitur. Item
 qui pecuniam suam deposuit apud numularium,
 & pensionem non percipit; Chirographarii ha-
 bentes instrumentum publicum, qui præcedunt
 alios habentes tantum instrumentum priva-

tum, & nec hi plus, quam jus personale habent.

§. Aliis
secun-
dum
propor-
tionem
juris sui.

5. Inter reliquos creditores merè personales debita, sive ex contractu oneroso, sive ex delicto omnibus solvenda sunt secundum communiorem pro proportionem juris, quod habent: uti si debeas uni 100. & alteri 50. & non possis solvere, nisi dimidium, primo 50. alteri 25: solvendi erunt. Quia juris ex contractu æquè ac ex delicto æqualitatem, quoad fieri potest, æqualiter intendit justitia commutativa, & quamvis creditor ex delicto sit magis invitatus, quoad damnum tamen reale, quod solum in restitutione hic attenditur, sunt æquales. Dixi: *Ex Contractu oneroso*: Nam debita ex contractu gratuito postponenda sunt; quia in hoc subintelligitur hæc conditio: si decenter, & absque præjudicio tertii, & statûs mei fieri poterit. Atque hæc servanda sunt etiam in foro conscientiae; quia leges illæ latæ sunt ex æquitate justitiæ, & nullâ præsumptione nituntur. Quod peccet contra justitiam, qui donando, vel vendendo se magis impotentem facit ad solvenda debita. dixi sub N. 232. videri etiam potest La Croix N. 381.

Quid, si
unus
præve-
niat?

6. Si inter creditores personales, inter quos non est jus prælationis, unus in, vel extra judicium, petendo solutionem præveniat alium, huic potest, & probabiliter debet ei solvi totum debitum, si habeat debitum antiquius. Ità S. Th. Opusc. 83. C. 8. Suar. & alii apud Lug. N. 146. tum quia juxta regulam Juris à Bonifacio Papa VIII. generaliter traditam, qui prior est tempore, potior est jure; per quam corrigitur Jus civile, si alicubi est contrarium: tum quia prioritas temporis non tantum habenti Jus in re, sed

sed etiam habenti Jus ad rem, seu personale, dat prælationem: hoc ipso enim quod obliges te Titio, v. g. ex mutuo, implicite te obligas ad non ponenda impedimenta solutioni illi præstandæ; ergo teneris te non obligare aliis, nisi salvo jure prioris, alioquin illum exponis periculo damni, hocque verum est non tantum, si pluribus te obligasti ad eandem rem, v. g. pluribus promissisti matrimonium, pluribus eandem rem vendidisti, oppignorasti; sed etiam si te obligasti ad aliquid indeterminatè, v. g. si obligasti te ad laborandum pluribus uno die indeterminatè hujus septimanæ, & non potes, nisi uno die laborare, debes laborare pro primo; si duobus vendidisti unum ex tuis equis indeterminatè, & omnes moriantur præter unum, hunc debes tradere primo.

Hoc ipsum probabiliter docent Laym. N. 7. Illung, Sporer, & alii, fieri posse, si unus ex creditoribus æqualibus merè personalibus alios præveniendò petat solutionem, etsi tempore esset posterior, contendentes, quod prioritas temporis in credendo non det jus prælationis nisi in debitis realibus, & jura favent vigilantibus prænegligentibus. Negant tamen hoc probabilius alii apud La Croix N. 404. Si nullus esset in petendo prior, non posset debitor unum præferre aliis, monere tamen inter æquales posset v. g. amicum, ut prius petat præferri, si sit pauper. Imò juxta S. Thomam Opusc. 73. c. 18. & alios apud Lug. de Just. d. 20. S. 7. §. 3. pauper simpliciter præferri potest aliis titulo paupertatis, ubi debita sunt ejusdem rationis, cū quod pauper carento solutione gravius damnum patiatur. Verum hæc ratio, nisi tales sint circumstantiæ, & tam gravis necessitas pauperis, ut dives non possit ef-

se rationabiliter invitatus, non videtur sufficiens : Unde communis cum Lugone L. c. negat, pauperi, titulo præcisè paupertatis posse competere prælationem ; quia dives æque, ac pauper jus habet ad proportionatam solutionem debiti, & ablati restitutionem, alioquin, si pauper abstulisset diviti, non teneretur ad restitutionem, si res esset levis respectu divitis, & gravis respectu pauperis, & hic rem non haberet in æquivalenti, quia hic grave, ille leve damnum haberet. La Croix 406.

Cæterum si debitor, vel hæres ejus, turbans ordinem inter creditores, solvat uni, eo neglecto, qui Jus prælationis habet, huic tenetur de damno, si quod inde patitur, & potest hic à posteriore repetere compensationem damni, vel quod ei solutum erat ex L. 22. §. 4. *Cod. de Jure deliberandi*. Si autem res nulli fuit obligata, & nullus Jus prælationis habuit, uni tamen non petenti debitum solvit totum, potest creditor retinere ; quia acquisivit rei solutæ dominium, & respectu injuriæ permissivè se habuit, modo bonâ fide processerit, quod addo ; quia malâ fide procedendo cooperatus esset injuriæ. Lugo N. 113. Denique si res tui debitoris apud te existat, non potes ex ea totum tuum debitum subducere, vel rem retinere excludendo alios ; quia, cum rem nomine tui debitoris possideas, non favee tibi possessio, nec adest titulus præferentiæ. Ità Lugo N. 127. & alii ; nisi res esset apud te velut pignus tui debiti : cujus instar putat Sporer, Tamb. & alii rem apud te esse, adeoque te posse retinere, donec debitum solvatur. La Croix N. 375.

QUÆSTIO III

Quæ causæ excusent à restitutione, cognitâ jam ejus obligatione.

Resp. Excusant vel ad tempus, vel in perpetuum causæ omnes illæ, quæ sufficiunt, ut creditor, vel dominus non possit esse rationabiliter *qua factus* invitatus, quoddam restitutione tota, vel ex parte non *cit, ut* fiat, aut differatur, quamdiu causa illa subsistit. *creditor* Ratio est; quia, cum justitia non obliget, nisi *non possit* secundum rectam rationem, rei alienæ detentio, *sit esse* ommissioque restitutionis, & solutionis non est *invitus* injusta, nisi repugnet rationabili creditoris, vel *rationa-* domini voluntati. Unde, etsi invitatus esset, si *biliter*, tamen esset invitatus irrationabiliter, non esset obligatio restituendi, quamdiu justa causa manet. Causæ autem vel ex parte, vel ex toto, ad tempus, vel in perpetuum excusantes recensentur 14. quarum aliquæ perpetuè, aliæ ad tempus, aliæ ex toto, aliæ ex parte excusant, suntque hæc: 1. impotentia. 2. Remissio à creditore facta. 3. Cessio fori, seu bonorum abdicatio coram Judice. 4. Damnum ipsi creditori, aut alicui tertio verisimiliter ex restitutione eventurum. 5. Solutio facta creditoris creditori. 6. Interitus rei in individuo. 7. Compensatio. 8. Jus, vel auctoritas Judicis. 9. Donatio facta creditori. 10. Compositio cum Papa. 11. Ingressus in religionem. 12. Incertitudo debiti. 13. Transactio. 14. Præscriptio. De tribus postremis constat ex dictis, reliquas ordine explico.

QUESTIO IV.

Quæ, & quando excuset impotentia?

382. Resp. Excusat impotentia tum physica, tum
Excusat moralis, quamdiu durat. *Ratio est;* quia im-
imp- potentia physica est, cum quis per vires naturæ
tentia non potest restituere. Moralís verò, cum quis
etiam absolurè quidem potest restituere, est tamen tan-
moralis. ta difficultas, ut creditor rationabiliter non possit
 esse invitus.

Moralis impotentia est 1. Quando adest extrema necessitas debitoris, vel parentum ejus, aut proximè conjunctorum, qui unam moraliter personam cum eo constituunt; quia talis necessitas omnia facit communia.

2. Necessitas gravis verè talis debitoris, vel proximi, ut est præsens periculum morbi gravis, mendicantis, captivitatis; quia tunc dominus non potest esse rationabiliter invitus restitutionem tantisper differri, quod plures dicunt, etsi debitum esset ex delicto. Excipe, nisi creditor esset in pari, aut ferè pari necessitate. Tunc enim esset rationabiliter invitus, saltem si debitum esset ex delicto, vel res adhuc esset sub dominio creditoris, v. g. quia deposita, commodata est. Imò si debitor per luxum, vel prodigalitatem causam dedisset gravissimæ necessitatis, neque spes foret, per modicam dilationem, vel successivam solutionem creditori tali satisfactum iri absque tanto debitoris damno, juxta communem esset obligatio statim restituendi; & extra hunc etiam casum, si impedimentum, vel gravis necessitas futura esset perpetua, debitor ex delicto teneretur quàm parcissimè vivere, ut saltem per vices restituat partem debiti;

biti ; quia qui tenetur ad finem , tenetur ad media. Unde peccaret , qui respueret donationes quibus admissis posset satisfacere.

Talis est 3. Quando debitori magnum periculum animi, & liberis , vel uxori ejus impendat, v. g. ne, si restituas , præ nimia fragilitate sequatur desperatio , ne filix se prostituat, filix fiant fures, latrones, &c. quia salvâ charitate tunc creditor non potest esse invitus , restitutionem differri ; & tenetur debitor potius animæ suæ , & suorum consulere , quàm bono temporali creditoris.

Talis est 4. Quando restitutio fieri non potest sine gravi damno in bonis altioris ordinis , v. g. si non posset debitor restituere pecuniam ablata sine periculo vitæ , & notabili damno in fama ; si tamen fieri posset per tertium sine tali damno, statim facienda esset.

Talis est 5. quando grave damnum aliàs à debitore in bonis fortunæ propriis, justè possessis, est subeundum : hoc enim periculo durante creditor non posset esse invitus , ad tempus differri restitutionem ; modò ipse non patiatur ex dilatione ferè æquale damnum : damnum enim debitoris debet esse notabiliter majus. Lucrum tamen cessans non excusat à restitutione statim facienda.

Talis est 6. si debitor non possit restituere, nisi cum eversione sui statûs justè acquisiti : ut si vir nobilis ideo deberet carere omni famulitio , aut redigi ad statum plebejum, labore manuum vivere, &c. vel civis honestus vivere mendicatio, non tenetur statim totum reddere ; tenetur tamen etiam cum aliqua statûs sui diminutione , salvâ ejus substantiâ , curare, ut per partes successivè restituat v. g. parcius vivendo , dimittendo famulos,

mulos, non necessarios, diligentius laborando, negotiando, &c. pro fert ejus conditio, ut tandem totum restituat. Dixi : *Justè acquisiti* : nam si ex injustè acquisitis constaret status ille, teneretur statim restituere : non enim amitteret statum suum, sed alienum, & ad suum rediret, V. N. 440.

Q U Æ S T I O V.

Quæ condonatio, vel remissio debiti excuset à restitutione?

353. Resp. Excusat remissio vel condonatio debiti à creditore liberè, spontaneè, & legitimè facta; quia, sicut quis potest sua liberaliter donare, sic & debita remittere.

Planè libera, & legiti- tima. Dixi tamen imò. *Liberè, & spontaneè facta* : nam vi, metu, fraude extorta non liberat ab onere restituendi. Hinc in conscientia tuti non sunt morosi illi debitores, qui asperitate, minis, &c. solvendi difficultate, cò adigunt creditores suos, ut ex desperatione accipiendi totam summam, dicant, se parte contentos fore ; vel cum creditoribus tergiversatione suâ adactis transigunt de parte solvenda, ut reliquum condonent.

Dixi 2. *Legitimè facta* : nempè ità, ut & in condonante sit potestas remittendi, & in alio capacitas acceptandi condonationem, quæ in quibusdam non est. Sic Episcopi, aliique visitantes Ecclesias sibi subditas, si tempore visitationis aliquid præter victum accipiant, tenentur intra mensem restituere, non obstante quâcunque donatione. Cap. *Exigit, De censibus in 6.* Similiter tenentur restituere Judices delegati, si quid accipiant à partibus præter paucula esculenta, & poculenta

ulenta ex mera liberalitate oblata, aut paucis diebus consumptibilia, & præter moderatas expensas, cum iter faciendum est; vel si accipiant expensas à partibus notabiliter pauperibus. *Can. Statutum de rescriptis in 6.* Denique Canonici, si præsentias, aut distributiones accipiant pro horis, quibus Choro non interfuerunt, tenentur restituere, non obstante condonatione Collegarum, seu sociorum Chori. *Trid. Sess. 24. C. 12. de Reform.*

Cæterum ut condonatio liberet, sufficit rationabiliter præsumpta: hinc qui rem detinet, prudenter credens, dominum non esse invitum, non peccat; & comperto, quod dominus fuerit invitus, probabiliter non tenetur restituere, nisi quod in se, vel in æquivalente superest. Ità La Croix N. 462. contra Lug. qui tenet totum esse compensandum ex tacito contractu. Si dubitetur, an Dominus esset remissurus, petenda est remissio; quia Dominus est in possessione.

Q U Æ S T I O VI.

Quâ ratione excuset cessio fori?

Resp. Excusat in tantum fori, seu bonorum coram Judice sincera cessio, ut debitor citra delictum retinere possit necessaria suæ, & suorum sustentationi honestæ, attamen parcæ, convenienter ad statum, ex *Cap. 4. & 6. de cessione bonorum, & §. ultimo Inst. de actionibus.* Si tamen ad meliorem fortunam, ad quod conari tenetur sedulo, redeat, obligatur in conscientia satisfacere creditoribus, ut habet probabilior cum Mol. Less. Castrop. Lug. Illsung Tr. 4. D. 3. N. 266, contra aliquos; idque licet Judex illi cessione

354.
Debitor
non ex
delicto
retinere
potest
sustentationi
parcæ
necessaria.

fioni addiderit solennitatem ignominiosam : hæc enim additur in pœnam præsumpti criminis , ut homines deterreantur à debitis contrahendis , suâ substantiâ majoribus. *Ratio est* ; qui privilegium fundatur in impotentia , quâ cessante cessât. Non teneretur tamen postea ad plus , quàm commodè possit , hoc est , congruâ sustentatione contentâ. Habet & hoc privilegium , ut , ubi bonis coram Judice cessit , ultra inquietari non possit à creditoribus , donec ad meliorem fortunam rediret.

Excipe tamen , nisi aliquis sua bona decoxerit luxu , commestationibus , &c. huic enim non relinquuntur , nisi vestes viles , & ordinariè ab ipso gestari solitæ , ut ostendit Lug. N. 37. contra Less. non verò alimentatio , nisi consuetudo & humanitas Judicis aliud ferat. Quod si talis , ad asylum se recipiens , componeret cum creditoribus , non ideo rediens ad meliorem fortunam , tutus in conscientia foret ; quia compositio esset coacta , & orta ex injuriâ ; secus , si quis sine culpa opibus exciderit. Vide La Croix N. 436. Hic tamen ut gaudeat privilegio , debent debita ejus esse ex contractibus , non ex delicto , ut communius docent D. D. quia de solis illis loquuntur leges ; debet quoque sincerè omnibus suis bonis cedere : quia , licet jure naturæ possit occultare necessaria sibi , & suis ad modicam , seu tenuem sustentationem ; id tamen si faciat , non gaudet privilegio , cessioni bonorum à jure concessio. Proinde talis , ad meliorem fortunam rediens , non poterit salvâ conscientiâ tantum retinere de post acquisitis , quàm aliàs potuisset ; quia leges , concedentes privilegium , omnia volunt sincerè extradi : aliàs faverent iniquitati præter retenta concedendo sustentationem congruam.

QUÆS.

Q U Æ S T I O VII.

Quale damnum excuset à restitutione?

Resp. Grave malum non solum debitori secundum dicta N. 352. sed etiam creditori, vel soli, vel alteri ex restitutione probabiliter secuturum, excusat ad tempus à restitutione; quia tunc creditor non potest esse rationabiliter invitatus. Si autem alterius, vel debitoris damno æquale immineret creditori, solutio facienda esset, per se loquendo; quia creditor esset rationabiliter invitatus. Porro quando hic & nunc is sit, aut non sit rationabiliter invitatus circa omissionem, vel dilationem restitutionis ob damnum impendens, colligendum est communi hominum sensu, perpendendo tum, quid quisque sibi fieri vellet; tum quid homines prudentes, spectato communitatis humanæ bono, circa hos casus, antequam evenirent, statuissent. Pro definienda autem magnitudine damni tam debitoris, quam creditoris, debent damna inter se comparari non absolute, sed relate ad subjecta: fieri enim potest, ut damnum 100. sit respectu debitoris pauperis longè majus, quàm damnum 1000. eorum respectu creditoris divitis, & vice versâ, ed quodd unum jactura 100. conjiciat in miseriorem statum, quàm alium jactura 1000. Atque hoc præ oculis etiam in dictis habendum.



QUÆS.

Q U Æ S T I O VIII.

Quandonam solutio, creditoris creditori
facta, excuset à solutione?

356. Resp. Excusat probabiliter ex rationabili
Quando causa, quando debita sunt ejusdem rationis; uti si debeam 100. Cajo, & hic toridem de-
adeft beat fratri meo, hic autem à Cajo difficulter sit
rationa. obtenturus debiti solutionem; numerando fra-
bilis tri meo 100. extinguo meum debitum saltem pro
causa. foro conscientiae; quia dum 100. numero fra-
tri meo, Jus ejus, quod habebat à Cajo exigen-
di 100. emo, & in me transfero. Atque ita,
cum Jus illud nunc meum æquivalet juri Caji,
utor cum ipso compensatione.

Dixi tamen: *Quando debita sunt ejusdem
rationis*: nam si sint diversae rationis, posset
creditor meus esse rationabiliter invitus; uti &
si nulla cesset ratio potius ejus creditori solvendi,
aut si non esset Cajus solvendo omnibus, & cre-
ditor Caji alius gauderet jure praelationis. Li-
beror quoque onere, solvendo creditori mei cre-
ditoris, si ille, cui solvo, licite possit uti ocula-
ta compensatione in bonis mei creditoris. Vide
La Croix N. 453.

Q U Æ S T I O IX.

Quando excuset interitus rei?

357. Resp. Excusat interitus rei, in specie, seu
Incul- in individuo debita, modò tamen nec deli-
pabilis. ctum, nec mora culpabilis debitoris interve-
nerit, nec pactum de præstando casu fortuito;
quia

quia res perit Domino suo, si sine culpa &c. alterius pereat, secus si res non fuit debita in individuo.

Q U Æ S T I O X.

Quando excuset compensatio?

Resp. Excusat, quando debita rerum ejusdem rationis sunt æqualia: tunc enim regulariter extinguitur obligatio in utroque foro per compensationem; v.g. si debeas Cajo 100. ex venditione, & ille tibi 100. ex mutuo, extinguitur obligatio, si pecuniam tuam retineas, & illi relin-
quas suam: tunc enim uterque debet acceptare remissionem debiti pro solutione. Secus est, si res debitæ sint diversæ rationis, v.g. frumentum, & equus; grex ovium, & pecunia; quia invitus cogi non potest, ad rem cum alia diversæ rationis permutandam, nisi in casu, quo debitum tibi obtinere omnino non posses.

Dixi: *Regulariter*: nam in jure aliqua excipiuntur, ut debita titulo depositi, commodati, debita ex furto, & juxta La Croix N. 455. debita Regi, & Resp. titulo pensionis in publicam utilitatem.

Q U Æ S T I O XI.

Quando excuset sententia Judicis?

Resp. Excusat imò, si Judex in pœnam delicti ex præsumptione vera imponat multam Cajo, tibi solvendam: tunc enim poteris non solvere tantundem Cajo, quantum aliunde illi debes.

2. Si

2. Si Cajus per sententiâ Judicis cogatur refarcire tibi damnum, sine culpa Theologica illatum, juxta communioem potes acceptare, & retinere; quia authoritate publicâ dominium transfertur.

3. Si Cajus secundum allegata, & probata justè, sed re ipsâ injustè sit beneficio, vel officio privatus, & tu id bonâ fide acceperis, non teneris id dimittere, vel quid restituere, si postea scias, injustè privatum esse. Less. Dicast. La Croix N. 451. Contradicit Lugo Disp. 38. N. 191. tenens proviso quidem conferri jurisdictionem, exigente sic bono communi; non autem titulum; adeoque esse Parochum, v. g. tantum apparentem.

4. Si minor acceperit pecuniam mutuam, quam totam in luxum, & lasciviam impenderit, nihil tenetur restituere secundum dicta N. 152.

5. Si tibi bonâ fide litiganti res aliena est adjudicata, hocque postea rescias; juxta plures Canonistas non teneris restituere, si sententiâ jam absolute transit in rem judicatam. Itâ Pichler L. 2. T. 27. citans plures. Sed probabilius est oppositum; quia sententiâ falsitate nitens non transfert dominium. Vide N. 305. & 306.

Q U Æ S T I O XII.

Andonatio facta creditori liberet ab obligatione restituendi?

360.
*Spectan-
da in-
tentio
donan-
tis.*

Resp. Donatio facta à debitore creditori, liberat ab obligatione restituendi, quando im-
memor sui debiti tantum donat creditori,
quan-

quantum ei debet, sic animo saltem habitualiter constitutus, ut prius velit obligationi suæ satisfacere, quàm liberaliter donare; secus non liberat. *Ratio est*: quia si adsit illa habitualis voluntas, prævalet intentioni liberaliter donandi: si verò non adsit, donatio censetur liberalis. Nec sufficit, quòd, si memor fuisset debiti, non fuisset liberaliter donaturus: nam conditionalis voluntas de futuro non attenditur, nec operatur in pactis. Sic, licet sponsus non fuisset contracturus matrimonium, si scivisset, sponsam, quàm putavit esse divitem, pauperem esse; non ideo matrimonium est invalidum. Quia autem fuerit donantis voluntas, colligendum est ex circumstantiis, considerata causa non tradendi quidpiam ut debito respondens.

Si dicas: Censetur debitor voluisse extinguere graviolem obligationem: sicut, qui ex iustitia tenetur dicere horas Canonicas, si oret ex devotione, censetur satisfacisse. R. Non est paritas: quia obligatio solvendi debitum dependet ex hominis voluntate propria; ideoque debitor potest facere, ut, præstita gratis materia debita, perseveret obligatio. At obligatio dicendi horas non est immediate ex voluntate subditi, sed ex præcepto Ecclesiæ; nec est in voluntate hominis: ut, materia ejusposita, maneat præcepti obligatio. Hinc juxta communem satisfacit præcepto, si ponatur opus præceptum, sine animo satisfaciendi: non satisfacit autem iustitiæ, si quis scienter det liberaliter, quantum ex iustitia debet. Si tamen quis tantum traderet animo simulato exterius dandi gratis; intenderet an-

tem satisfacere suæ obligationi, reipsâ extinctâ
gueret debitum. Vide La Croix N. 452.

Q U Æ S T I O XIII.

In quibus excuset compositio cum
Papa ?

361. Resp. Excusat in quibusdam : nempe in de-
In debi- bitis incertis, vel ex Lege Ecclesiastica, puta,
tis in- distributionibus, & redditibus Ecclesiasticis à Ca-
certis, nonico non præsentem, vel non residente percep-
vel ex tis, excusat compositio cum Papa; id est, re-
lege Ec- missio facta à Papa, quoad partem majorem, ut
clesiasti- minor ad utramque impendatur. Hanc autem
ca. remissionem posse Papam facere, habet commu-
nis cum Mol. Less. Lug. quæ tamen in his parti-
bus in usum non est.

Q U Æ S T I O XIV.

An excuset ingressus in Religio-
nem ?

362. Resp. Ingressus in Religionem aliquando
Si non excusat ab obligatione restituendi, vel solvendi
fit sol- debita; aliquando non excusat. Nam, si sit
vendo, solvendo, teneturolvere, priusquam Reli-
nec sit gionem ingrediatur, aut saltem disponere, ut
spes, fore debito tempore solvantur, peccaturus aliàs
intra contra Justitiam. Si autem non sit solvendo,
tempus nec sit spes probabiliter solvendi, si in sæculo
multorum maneat; potest, spectato jure naturæ, ingredi
annorum. Religionem, & Professio illius erit valida;
quia, licet persona debitoris sit obligata cre-
ditoribus, non est tamen illis debita: ergo
Pro.

Professio, quâ Religionem se tradit, subsistit, nisi aliunde: quid obstat. Professio autem mancipii, & Professio conjugis, sine consensu domini alterius conjugis est invalida; quia esset traditio personæ alteri debitæ. Unde hi, non verò creditor possunt esse rationabiliter invitati. Hæc admittuntur communiter.

Sed controversatur, an debitor possit Religionem, ingredi, quando non est solvendo, est tamen spes valde probabilis solvendi, si in sæculo maneat? Affirmat S. Th. 2. 2dæ. q. 189. a. 6. ad 3. & alii; quia persona debitoris non est debita, sed bona: nec potest creditor velie rationabiliter, ut cum tanto suo detrimento spirituali in sæculo maneat. Negant Mol. Castrop & alii; quia debitori non est Religio necessaria ad salutem, nec ideo creditores tenentur cedere jure suo, & obligatio Justitiæ prævalet consilio.

Nav. Less. Sanch. Lug. Hann. melius sic distinguunt: Si brevi tempore, v. g. paucis annis manens in sæculo, consuetis laboribus, & industriâ probabiliter possit debita solvere, saltem magnâ ex parte, tenetur differre ingressionem, ut ea solvat; quia aliâs creditores sunt rationabiliter invitati; sicque iis inferret injuriam. Si autem spes non esset solvendi, nisi longo tempore, & inluctis laboribus, potest licitè ingredi Religionem, bona sua creditoribus relinquens; quia debitor hoc casu pateretur damnum in bonis spiritualibus longè gravius, quàm sit incommodum creditorum. Unde hi non sunt rationabiliter invitati: sicut non possunt esse rationabiliter invitati, quòd debitor non dimittat statum suum justè acquisitum, ut debita extinguat: quòd non absti-

neat à Matrimonio , in quo impar erit debitis solvendis ; quia hæc censentur moraliter impossibilia , & nimis onerosa ; magis autem onerosum est obligari ad abstinendum à Religione , tam utili ad perfectionem , & salutem animæ. Ità cum citatis La Croix n. 441.

Existimo , si casus contingeret , ex una parte expendendum esse , an debitum sit magnum ; an exiguum ; an spes magna , vel exigua ; intra breve , vel longum tempus ; & ex altera parte , an damnum spirituale sit valde grave ob periculum committendi peccata ob futura admissioni , amittendi occasionem admissionis , & ex his determinandum , an creditores possint . aut non possint esse rationabiliter invitati . Nam si debitum , & spes solvendi notabiliter superent damnum spirituale , tenebitur juri creditorum satisfacere . Si debita sint incerta , quæ causis piis applicari possint , poterit sibi tanquam pauperi applicare : si sint gratuita , censetur non se obligasse , nisi sub hac conditione : Nisi Deus vocaverit me ad statum Religiosum , priusquam possim solvere . Sicut in contractu Sponsalium includitur hæc : Nisi transiero ad statum Religiosum . Si tamen aliquid promiserit , quod in Religione præstare potest , ad id tenetur .

Unde Religiosus debitor tenetur ad opera statui , & conditioni præsentis convenientia , quibus lucrari possit , & solvere ; quia Religio non liberat ab onere solvendi ; nisi quatenus hoc illam impedit . Non tenetur tamen ad extraordinaria , & indecentia statui , et si Prælati ad ea licentiam daret ; imò nec ad ordinaria si Prælati ad ea licentiam neget , quam sine injuria negare potest ; quia hic nihil debet

bet creditoribus, habetque jus fortius gubernandi suum Religiosum subditum. Videtur tamen Prælatus teneri dare illam licentiam ex charitate, si nihil inconueniens obstat. Si autem Religiosus aliqua bona dedisset Monasterio, aut per legatum, donationem, hæreditatem, doctorem, laborem &c. aliqua acquireret, teneretur ex iis solvere; quia, quæ obveniunt Monasterio, mediâ personâ Religiosi, obveniunt cum onere, quod habuissent annexum, si mansissent in dispositione Religiosi. Ex bonis tamen Monasterii solvere non tenetur Prælatus, nisi debitorem malâ fide suscepisset, sciens, eum intra breve tempus in sæculo potuisse satisfacere.

Quæ dixi de debitore reali, valent etiam de debito, seu obsequio personali, impossibili cum statu Religioso. Unde, si quis se addixerit Magistro, v. g. Chirurgo ad tres annos, & prius Religionem ingrediatur, non tenetur ad lucrum cessans, vel dampnum emergens ex suo abitu; sed tantum ad id, quod respondet expensis, & instructioni illius anni, deducto labore in utilitatem domini impenso. Excipe, nisi damna creâset citius abeundo, quando de jure tenebatur differre abitum. Lugo num, 85.

Dictis non obstat 1. Quodd obligatio sol- *Distin-*
vendi debita sit juris naturæ: nam non est *tar ad-*
absoluti juris, sed conditionati: si nempe so- *versa,*
lutio præstari possit sine damno boni notabiliter
majoris.

Nec 2. Quod non liceat se addicere ser-
vitio pauperum in hospitali, si per hoc impe-
diatur à solvendis debitis: nam illa utilitas
per laborem pro solvendis debitis, & alia fa-

cilè compensari potest ; non ità utilitas Religionis.

Nec 3. Quòd filio non liceat inire Religionem , si ejus opera sit necessaria alendis parentibus : nam obligatio pietatis , utpote fundata in naturali origine , est arctior , quàm obligatio Justitiæ. Hinc obligatio alendi parentes excusat à solvendis ex Justitia debitis.

Nec 4. Quòd deflorator virginis sub spe Matrimonii , non possit ingredi Religionem ; quia deflorator immediatè obligavit suam personam , ità , ut ipsa debeatur , & renuntiavit libertati ineundi Religionem. Si aliquis , accipiens murum pecunias , promississet non ingredi Religionem , nisi priùs restituerit , teneretur stare promissis.

Nec 5. Quòd non liceat aliena surripere ad promovendum suum bonum spirituale : nam non restituere non est idem , ac surripere , quando adest justa causa non restituendi : tunc enim non censetur surreptio moraliter continuari. *Ratio disparitatis est* ; tum quia surripienti inflit positivè ; non restituens negativè tantum , quod minus est ; tum , quia præceptum non furandi est negativum , quod pro semper & magis obligat : præceptum autem restituendi est affirmativum , minusque , & non pro semper obligans ; tum , quia difficilius est restituere , & suis se spoliare , quàm non subducere aliena. Hinc dominus in uno magis , in altero minus est rationabiliter invitus. Sic non licet furari ad alendos parentes pauperes ; licet tamen non restituere , si factâ restitutione ali non possent. Idem est in gravi necessitate propria. La Croix Num. 435.

Quæ hætenus dicta sunt de licentia ingrediendi

endi Religionem, tenent spectato jure naturali: nam Sixtus V. Papa anno 1587. motu proprio sub gravibus pœnis in recipientes latis prohibuit, ne admittantur, qui ingenti ære alieno gravati sunt supra vires facultatum suarum, illosque fecit inhabiles ad Professionem. Clemens tamen VIII. relicta prohibitione & pœnis, 1602. inhabilitatem illam sustulit. In Decretis tamen Sixti non comprehenduntur Moniales, uti Sixtus ipse declaravit: nec illi, qui æs alienum solvere possunt: nec parva debita habentes; nec, qui sine sua culpa debita contraxerunt. Unde, si quis horum ingredi Religionem velit, expendendum, quid eis jure naturæ liceat.

Q U Æ S T I O, XV.

An mors, vel capitale supplicium debitoris extinguat obligationem restituendi?

Resp. Non extinguit; sed obligatio transit ad hæredes, aut, si nullus esse hæres velit, bona defuncti manent obligata creditoribus, qui morte debitoris non amittunt jus suum.

Nec obstat, quod fur morte plectatur; quia Respublica, puniendo delictum, non derogat juri creditorum, aut eorum, quibus furatus est. Et quidem, si res furto sublatæ adhuc in se, vel æquivalenti existant, sine dubio restitutio facienda est. Si non existant res, ob quas ablatas fur punitur, censentur acquiescere, & condonate damnificati; docentque multi, non esse obligationem, nisi exigatur compensatio; nisi tamen damnum esset valde grave, aut damnum

passus valde egeret, aut ob defectum ætatis, aliamve causam debitum exigere non posset, vel damnum remittere.

Similiter obligatio non extinguitur morte creditoris; sed omnia jura ejus transeunt ad hæredes; qui si defuncti, nec jura defuncti sibi Fiscus applicet, impendenda sunt causis piis ex præsumpta voluntate defuncti; qui si, antequam expenderentur, resurgeret, ei solvendum esset; quia jus suum retinuit: idque verum est, etsi per ultimam voluntatem alicui reliquisset sua; quia relinquit sub conditione: Si moriar, maneamque mortuus, Maritus ex mortuis resurgens esset liber ab uxore; quia non contraxit, nisi ad dies vitæ, teste Apost. 1. ad Cor. 7. Idem est de Religioso professo.

Q U Æ S T I O XVI.

An causa, excusans à dilatione Restitutionis, excuset à compensatione damni, quod Dominus; vel Creditor ex dilatione patitur?

364. Resp. Si debita sint ex delicto, non excu-
Si debi- sat; sed tenetur debitor compensare lucrum ces-
ta sint sans, & damnum ex dilatione emergens; etsi
ex deli- dilatio fieret ex inculpabili inadvertentia. Ita
cto, non Mol. Less. L. 2. C. 16. N. 31. Lug. Disp. 21.
excusat. N. 17. & D. 18. N. 40. alique apud La Croix
 N. 252. Ratio est; quia horum causa est præ-
 cedens Injuria, sine qua illa non evenissent; &
 debitor ex delicto tenetur creditorem restituere
 in eum statum, in quo fuisset, si injuria non
 fuisset illata; alioquin injuria non tollitur
 tota,

Putat quidem Burghaber Centur. 1. Caf. 10. cum Nav. non teneri; eò quòd damnum fequatur ex dilatione juſta, & inculpabili: cauſa autem juſta radicitiùs purget moram; admittit tamen teneri, ſi conjeciſſet ſe in neceſſitatem ſciens & volens, ex qua ſolvere modò non poſſet. At, licèt damna non ſequantur immediatè ex injuria, ſequuntur tamen mediatè, & velut primà radice. Et quamvis juſta cauſa differendi purget moram à peccato, non tamen ab obligatione: ſicut, ſi incendiſſes Titii domum, & pœnitens facti conateris omni modo extinguere, licèt ceſſaret tuum peccatum, tamen tenereris de toto damno. Ità hic, Et damna cenſentur confuſè ſub communi ratione damnorum præviſa. Unde potiùs reus, quàm innocens damnum pati debet. Hoc admittri rectè poteſt, quod norat La Croix ex Illſung: nempe non teneri, ſi fieret dilatio ob talem neceſſitatem, in qua licuiſſet Domino rem illam auferre; quia tunc damna non imputarentur delicto, ſed neceſſitati; quæ ſicut excuſat à furto acceptionem, ſic nunc excuſat retentionem.

Si autem debita ſint ex contractu gratuito, 365. & non ex delicto, non teneretur titulo injuriæ. Si ſint compenſare lacrum ceſſans, vel damnum emer- ex con- gens ex dilatione ob juſtam cauſam, & inculpa- tractu, bilem facta, cùm injuſta cauſa non ſit illorum; dubium juſta autem cauſa foret extrema, vel gravis eſt, neceſſitas præſens, vel oritura ex reſtitutione, &c.

An autem non teneatur vi oneroſi contractùs, dubium eſt. Negat cum communi, & teſte La Croix, verà ſententià, Lugo Diſp. 18. N. 35. Si dilatio fiat ex inculpabili oblivione,

aut ignorantia damni omnino non praevisi: nisi si adfuisset pactum expressum de damnis relaxandis, etiam in mora inculpabili. Si vero dilatio cognosceretur futura damnosa Domino, & voluntarie fieret, recte docet Lugo ibid. N. 37. & alii, esse obligationem, foreque debitorem in mala fide, si animum compensandi non haberet. *Ratio est*; quia creditor non tenetur ex charitate consentire in dilationem, nisi quatenus opus est ad avertendum actuale damnum, vel gravem necessitatem proximi; sed ad hoc opus non est, ut gratis, & sine onere relaxandi damnum, consentiat in dilationem in debitoris gratiam. Sicut, quando proximus est solvendo, vel alibi habet, non teneor in necessitate ipsi mea suppeditare sine onere restituendi, ut habet communissima cum Lug. D. 16, N. 170. Ita nec, pro avertendo damno, vel necessitate gravi, teneor carete mihi ex Justitia per contractum onerosum debitis sine compensatione damni.

Certe non videtur æquum, ut debitoris conditio in pari casu melior sit, quam creditoris, possidentis jus exigendi solutionem secundum contractum, & debitor se servet indemnem cum damno creditoris. Unde creditor non tenetur sic consentire in talem dilationem, saltem nisi adsit extrema, vel saltem gravis necessitas debitoris; quamvis non possit esse rationabiliter invitatus, quod debitor differat solutionem, & utatur pecuniâ, creditori v. g. ex mutuo debitâ. Sicut, si ad salvandam vitam tuam indigeres equo Titii, licet non posset is esse rationabiliter invitatus, quoad usum equi; justè tamen exigeret compensationem damni inde secuti, si esses solvendo, ut
nemq

nemo negabit. Aliud foret, si res esset debita ex liberali promissione : quia promittens pro tali casu non censetur se obligare.

In hac controversia expendendæ sunt circumstantiæ : quantitas, & qualitas damni, tam ex parte debitoris, quàm creditoris, & causa differendi solutionem, ut rectè dignoscatur, an creditor possit esse rationabiliter iovitus sine compensatione damni. Dicast. vocat sententiam negantem, etsi debita sint ex delicto, probabilissimam, si causa differendi sit gravis necessitas, vel periculum spirituale ; eò quòd causa iusta purget moram. V. Lug. D. 18. Num. 43.

C A P U T VI.

De Injuriis in bonis internis animi & corporis, per occisionem, mutilationem, & vulnerationem, orrâque inde obligatione restituendi.

Bona interna animi alia sunt supernaturalia, ut gratiæ, & virtutes per se insulæ ; alia naturalia, ut ingenium, scientiæ, artes, usus rationis, memoria. Bona corporis verò in ejus integritate, sanitate, conjunctione cum anima consistunt, violarique possunt per occisionem, mutilationem, percussionem, stuprum, adulterium, &c.



QUES. •

QUÆSTIO I.

An, & quando lædens proximum in bonis tum naturalibus, tum supernaturalibus animi peccet contra Justitiam, & teneatur ad Restitutionem?

366.
*Peccat
contra
justiti-
am, te-
neturq;
restitu-
re, si per
vim, vel
frau-
dem no-
cuit.*

Resp. Qui per vim, fraudem, mendacium aut metum injustum nocet proximo in bonis animi, seu naturalibus, seu supernaturalibus, ut, si philtro, aut veneno delirum facit: si fraude impedit à consecutione scientiæ, vel artis, vel boni alicujus spiritualis: si vi, metu, fraude inducat in peccatum; peccat contra Justitiam, teneturque ad integram damni reparationem, id est, tenetur vim, metum, fraudem, si adhuc duret, tollere, bonumque animi ablatum, vel impeditum reponere, si possit, vel per se, vel per alium, & damna fortunæ inde secuta relarcire. *Ratio est*; quia secundum dicta homo non minus habet jus strictum, ut in bonis iis invitatus non lædatur, aut per fraudem, vim, aut metum ab iis justè & licitè consequendis, non impediatur, quàm in bonis fortunæ. Dixi 1. *Si per vim, &c.* Nam, qui sine vi, fraude &c. tantum per consilium in iis nocuit, non tenetur ad restitutionem ex Justitia; nisi fortè induxerit ad peccatum contra Justitiam, aut in aliquo læserit, in quo læsus jure suo cedere non potest; uti est v. g. perpetua memoriæ, aut rationis privatio; quia volenti voluntate cessivâ juris, efficaciter non fit injuria. Quanquam posset esse obligatio removendi malum illud ex charitate. Dixi 2. *Tenetur reponere bonum animi, si possit*; quia si omni

omni conatu adhibito, remotâque vi, fraude, & metu resciri nequeat, non tenetur id compensare pecuniâ, vel aliâ re corporali, ut infra dicitur, quia bona animi excedunt omnem æstimationem rerum corporalium. *Hinc deduces.*

1. Qui dolo induxit alium in errorem, præ- ^{369.}
sertim practicum, ex quo damnum grave illi *Corolla-*
oriri possit, sive sit in materia artis honestæ, *ria.*
sive in materia morum; tenetur ex Justitia *Si indu-*
damna, inde secuta, rescire, & errorem pate- *xit in*
facere ad damna plura præcavenda. Idem est *errorem*
de errore speculativo circa præcipuos articulos *practi-*
Fidei, vel principia universalia, unde multæ *cum.*
conclusiones, adeoque scientia aliqua magna
ex parte dependet. Caterum error circa aliquod
aliud objectum speculativum inductus dolo,
passim non est graviter nocivus.

2. Qui ex officio tenetur docere veritatem,
& nihilominus vera falsis, improbabilia proba-
bilibus sine convenienti cura permiscet, injuri-
am facit, teneturque errorem tollere.

3. Qui vi, mendacio fraude, metu injusto *Si in*
induxit aliquem in peccatum lethale, tenetur sub *pecca-*
mortali ex Justitia non tantum remove pe- *tum*
cati causas, seu vim, metum, vel fraudem; sed *grave.*
etiam, si inductus non curet resipiscere, illum
instruere, suggerere media opportuna, uti, si
alteri persuaserit, pollutionem non esse pecca-
tum, fornicationem non esse mortalem. Si au-
tem sine dolo, mendacio, &c. induxerit, tenetur
tantum ex charitate.

4. Qui vi, fraude, vel metu injusto impedi- *Si impe-*
vit aliquem ab ingressu Religionis, aut jam *dit ab*
ingressum abstraxit, tenetur tum impedito, *ingressu*
vel abstracto, tum ordinis rescire omne dam- *in Reli-*
num *gi' nem.*

num emergens, & luctum cessans. Non tenetur tamen loco impediti, vel abstracti ingredi ipse Religionem; quia damna ordini secuta non sunt tanta, ut per rem tam gravem, qualis est Professio religiosa, compensari debeant. Quodsi impeditus mutarit mentem, & sublatâ fraude &c. in ea mente perseveret, non videtur, per se loquendo, teneri eum inducere ad ineundam Religionem; quia non expedit Ordini, invitos allici, & induci: sunt enim passim magis oneri, quam auxilio. Quodsi tamen dolus, vel fraus perseveraret, ex qua mentem mutasset, teneretur ejus author illam tollere: quia à magno bono eum impediret. Unde & parentes peccant graviter, nisi causa gravissima subsit, qui metu reverentiali liberos impediunt à Religione, urpote statu securissimo, & bono maximo. Qui sine fraude abstrahit Profissum, ex eo præcisè non peccat contra Justitiam, uti nec Professus; quia Monasterium in eum tantum habet jus jurisdictionis, & alia damna faciliè per alium compensantur.

Q U Æ S T I O II.

An, & quis sine injuria, & licitè possit occidere, mutilare, aut verberare nocentes?

Constant ex dictis sub n. 28. Sequentia: 1. Non licet ulli se directè occidere: quid liceat indirectè, dixi ibid. 2. Homo tenetur adhibere media ordinaria pro vita conservanda, non tamen, per se loquendo, extraordinaria. 3. Nec Respublica habet Dominium in vitam,
vel

Vel membra privati. 4. Judex, scientiâ privatâ sciens, accusatum, & reum probatum, esse innocentem, non potest condemnare ad mortem. 5. Non licet directè occidere innocentem: indirectè, seu permittete ejus mortem, ex iusta actione secururam, quandoque licet. Quæstiones quædam restant resolvendæ, ut obligatio restituendi ex occisione, vel mutilatione orta cognoscatur. His præmissis ad quæstionem

Resp. Per se loquendò, potest solus Princeps, Magistratus, vel Respublica, aut alter *Per se* hujus Præses in punitionem delicti, quando *non licet* hoc talem pœnam meretur, & id bonum commune exigit. *Ratio est*: quia non licet occidere etiam nocentes, nisi auctoritate à Deo *authoritate privata*. concessâ propter bonum commune: proinde id ad eum solum pertinet, cujus est procurare bonum commune; hoc autem pertinet ad Principem, vel Magistratum, dicente Apost. ad Rom. 13. *Si malum feceris, time: non enim sine causa gladium portat: Minister enim Dei est vindex in iram ei, qui male agit.* Quare delicta punire actus est Justitiæ vindicativæ, quæ, exigente sic bono communi, in Principe, vel Magistratu residens tendit non tam in correctionem peccantis, quàm in æqualitatem pœnæ cum delicto, & in bonum publicum, ad deterrendos nempe alios ab ejusmodi delictis: & hinc punizio locum habet, etsi reus se emendaverit, nec credatur unquam amplius peccaturus. Quia verò non convenit, praxisque non habet, ut Princeps per se pœnam exequatur; hinc constituti sunt ministri, quibus executio demandatur.

Nec obstat, quòd cuilibet Sæculari Laico, nisi

niti quid speciale obftet, liceat occidere in territorio fui Principis bannitum, seu, ut Jus Canonicum vocat, diffidatum, id est, publicum Reipublicæ hostem, qui nec capi, nec accusari potest, & per sententiam publicam mortis proscriptus est: nam tunc quivis est constitutus Minister Justitiæ in ejusmodi intra territorium proscriptentis, non extra; quia proscriptus tum non subest proscriptentis potestati. Quamquam multi putant, semper adesse tacitum consensum alterius Principis, in cujus existit territorio. Dixi: *Nisi quid speciale obftet*: nam non tantum Clericis, in sacris constitutis graviter prohibetur. *Cap. Sententiam*, ne in causas sanguinis se immisceant; sed etiam pietas exigit, ne filius parentem bannitum occidat. Idem dicit Laym. de patre respectu filii, de uxore respectu mariti. Excipe tamen, nisi bonum commune aliud exigeret; ut, si bannitus aliter ab incommodis patriæ averti non posset; quia bonum patriæ, quæ est communis omnium mater, prævalet privato.

369. *Corollaria.* *Ex his resolves* 1. Non licet marito uxorem, vel filiam, in adulterio deprehensam, occidere; quia, licet leges civiles, indulgentes justo dolori, in foro externo actum talem non puniant, nec incurrat excommunicatio; merito tamen à Jure Canonico prohibetur, repugnatque juri naturali; nam, quando reus capi potest, audiri, & condemnari, servandus est ordo juris, nisi sit periculum in mora, aut aliæ adint circumstantiæ, actum honestantes. Dein repugnat charitati, extra gravissimam necessitatem occidere aliquem existente in in mortali, non concessio tempore redeundi ad gratiam.

1. Lictores, & satellites, jussi comprehendere malefactorem, non possunt licet eum occidere, etsi se conetur eorum manibus eripere, nisi concurrant hæc: 1. Nisi habeant speciale mandatum de eo capiendo à Magistratu. 2. Nisi capiendus se armatâ manu opponat, crimenque sit atroc, & capitale, & isque de eo sit sufficienter diffamatus. 3. Si alio modo capi non possit, & timeantur graviora mala, si evadat. Horum unum si desit, peccant occidendo. La Croix L. 5. P. 1. N. 797.

3. Non licet verberare aliquem, potestati suæ non subjectum, nisi accedat consensus, saltem tacitus, habentis potestatem v. g. patris in filium, domini in servum; quia verberatio est quædam punitio: hæc autem præsupponit potestatem saltem gubernativam. Exclpet, nisi id necesse esset ad avertendam actualem injuriam &c.

Q U Æ S T I O III.

An licitum sit aliquando injustum actualem aggressorem mutilare, occidere, in vitæ suæ, pudicitie, bonorum fortunæ, & famæ, & honoris defensionem?

Pro resolutione præsentis questionis Anno 1748. 20. Septembris inter Theses de Jure Naturæ pro inauguratione Doctor in utroque Jure, proposita sunt sequentes:

1ma. *Inminentem injuriam corporalem quovis modo amoliri permittit Jns natura.*

R. P. Renter Theol. Mor. P. III. L. 1. Hinc

2. *Hinc ad avertenda sola verbera, etiam non lethalia, extrema defensionis media rectè arripuntur, ubi leviora non sufficere deprehenduntur.*

An autem in sensu universali, quem simpliciter prolatae Theses faciunt, sint conformes Juri naturæ; facile quisque deprehendet, si maturè expendat consectanea. 1. Nam si quovis modo licet amoliri injuriam corporalem imminuentem &c. Ergo, si alicui levis injuria corporalis imminet ab alio, poterit hunc, si alio modo non possit eam amoliri, licitè vulnere graviter, imò & occidere. 2. Si plebejo ab alio paris conditionis imminuant verbera, nec possit ea avertere, nisi defensione occisivâ, licitè poterit eum interficere. 3. Si filio innocenti à parente irarò imminet gravis percussio, quam aliter declinare non possit, licitè poterit illi fuste brachium diffingere; imò, si hoc non sufficere deprehendatur, eum occidere. Quæ & similia ex Thesisbus consectanea, quàm absurda, & Juri naturæ difformia sint; quis non videt? an hoc non sit animosæ, præsertim nobili juventutì ad vulnerationes, mutilationes, & homicidia viam aperire, prudentibus relinquo judicandum. Pro vera quæstionis resolutione

370.
Proposi-
tiones
damna-
tae.

Nota. Damnatæ sunt ab Inn. XI. hæc propositiones: 1ma ordine 30. *Fas est viro honorato occidere invasorem, qui nititur calumniam inferre; si aliter hæc ignominia vitari nequit. Idem quoque dicendum, si quis impingat alapam, vel fuste percutiat, & post impactam alapam, vel ictum fustis fugiat.* Hæc propositio falsa est imò: quia talis licentia in maximam Reip. esset perniciem: homines

mines enim ex sinistro affectu odii, invidiæ, vel præoccupatione judicii facile sibi persuaderent, ab hoc, vel illo sibi imminere proximum infamix periculum, sicque cædibus omnia permisscerentur. Unde licet aliquando evidens esset, gravem tibi imminere infamiam ab alio, evidensque esset, non posse eam aliâ viâ declinari, quàm occisione aggressoris; rectus tamen ordo in Rep. rationali postularet, ut nunquam liceret defensio illa occisiva; quia homines fingerent sibi facile evidentiam. Bonum autem publicum debet prævalere privato; adeoque potius ab uno toleranda illa dehonoriatio, quàm permittenda illa defensio. 2. Quia talis defensio non est ordinariè medium avertendi calumniam; sed sæpè famæ magis obest: nam traheris ad judicium, probare non poteris, & condemnaberis ut homicida &c. 3. Potest fama illa aliâ viâ recuperari, & viri cordati potius calumniatorem vilipendunt, quàm eum, qui calumniam patitur: imò si hic se moderatè gerat, maximè eum commendant; cùm condonatio injuriæ sic actus præstantissimus fortitudinis; occisio verò innoctentem non probat.

2da Propositio ordine 32. inter damnatas est hæc: *Non solum licitum est defendere defensione occisiva, quæ actu possidemus, sed etiam, ad quæ jus inchoatum habemus, & quæ nos possessuros speramus.* Hæc quoque propositio falsa est: quia sic quoque Resp. humana plurimis involverat perturbationibus, & exdibus; nec certi sumus, nos obtenturos, quæ speramus, adeoque damnum incertum est, ob quod proximo inferre mortem, rectè rationi repugnat.

370. ordine 11. est hæc : *Regulariter occidere possum furem pro conservatione unius aurei.* Hæc quoque falsa est, & rectæ rationi repugnans : quis enim dicat, posse pro fundi vitam proximi ob leve malum, quale est amissio unius aurei, qui & recuperari ordinariè facillè potest. Viva dat hanc regulam ut ob damnum temporale possit injustus inuasor licitè occidi, debet esse evidens, quod damnum grave inferatur, nec possit aliâ viâ impediri.

Præterea damnata est ab Alex. VII. hæc ordine 18. *Licet interficere falsum accusatorem, falsos testes, ac etiam Judicem, à quo iniqua certò imminet sententia; si aliâ viâ non possit innocens damnum evitare.* Et hæc falsa est; quia & licentia illa innumeris cædibus viam panderet: litigantes enim sibi facillè persuaderent, se iniquè condemnandos, nec aliter se posse sententiam iniquam impedire. Unde rectus in Republ. ordo id exigit universim prohiberi: sicut exigit prohiberi fornicationem, etiam pro casu, quo debita prolis educatio non esset defutura; quia homines facillè sibi persuaderent, bonæ educationi satis prospectum iri; sicque luxuries grassaretur cum summa Reip. confusione. Et hinc Deus non dedit homini administrationem seminis, nisi in legitimo matrimonio. His notatis.

371. Resp. 1. Licet, per se loquendo, cuivis privato contra quemvis injustum actualem aggressorem vitæ, defensione etiam occisivâ, cum moderamine tamen inculpæ tutelæ, se se defendere. Est communis 1. Quia Exod. 22.

V. 3.

*Iniquus
vita ag-
gressor.*

v. 3. dicitur non esse mortis reus, qui furem nocturnum occidit; quia fur is præsumitur venisse non tantum animo furandi, sed etiam occidendi; ut exponit S. Aug. 2. In Jure Can. Cap. Si verò. de sententia excomm. & Cap. 18. de homicidio dicitur: *Vim vi repellere omnes leges, & jura permittunt.* Nihil siquidem tam naturale, quam se ab injuriis defendere. 3. Homo jus habet conservandi vitam suam injustè oppugnatam, illamque præferendi vitæ injusti aggressoris, si hic se ex mera malitia in hoc periculum conjicit: ergo potest licitè illam defendere per media ad id necessaria. Itaque quando vulneratio, mutilatio, aut occisio ad id est necessaria, ea licet. Quia tamen homo ad media extraordinaria non tenetur; occisio verò est medium difficile, & extraordinarium; hinc ordinariè ad illam non tenetur. Si tamen non esset in statu gratiæ, aut de eo meritò dubitaret, stultè faceret, se exponendo periculo corporis, & animæ.

Dixi 1. *Per se loquendo*: nam si aggressor esset persona Reip. necessaria, vel valdè utilis, ut Princeps, Dux exercitus, ordo charitatis posset exigere, ut bonum commune præferret privato: nisi tamen anima oppugnatæ periclitaretur.

Dixi 2. *Contra injustum actualem aggressorem*: Nam imò ante aggressionem, vel posteam jam cessantem, occidere non licet: quia non adest vis repellenda, nec locus est defensionis, ubi non est aggressio. Hinc non licet occidere, aut percutere eum, qui perculsit, & jam desistit, nisi percuteres ad injuriam futuram avertendam, quam audacior

factus esset illatus, sicque fraterna esset correctio. 2. Nec illum, qui jam fugit, aut ob vulnus acceptum non potest amplius nocere. 3. Qui scit, se queri, ut occidatur, non potest prevenire occidendo; quia vis nondum interitur: si tamen alter jam proximè se pararet ad occidendum, vel insidiis te cingeret; posset prevenire, quia foret actualis aggressio. Unde non teneris expectare eum idem. Multi quidem apud Card. in 30. ab Inn. IX. damnatam dicunt, licet cessantem. repercutere percussorem, aut insequi ad percutiendum fugientem, quantum necesse est, ad tuendum honorem: sed sententia illa, et si speculative à P. La Croix L. 3. P. 1. N. 804. putetur probabilis, cum possit fieri ex intentione tantum defendendi honorem, aliàs magis ledendum; in praxi tamen vix abierit spiritus vindictæ, nisi non possit.

Dixi 3. *Cum moderamine inculpate tutele*: hoc est, ut nihil fiat, nisi quod necessarium est ad vitam servandam, vel injuriam avertendam; alioquin non erit defensio, sed injusta vindicta. Hinc si alius possit mori vitari, v. g. injustum in velamento armis spoliando, debilitando, vulnerando; non licet occidere; quia ejus occisio non est necessaria ad vitam servandam; sicque exceditur moderamen inculpate tutele.

Dixi 4. *Licet se defendere*: Neque enim licet ex odio vel spiritu vindictæ; & probabiliter nec, directe intendendo mortem in se, occidere; sed sola vitæ propriæ conservatio per justam defensionem intendenda est; quia, ut ait S. Th. 2. 2. q. 64. a. 7. non est licitum, quod privatâ autoritate homo intendat occidere

dere hominem, ut se ipsum defendat: hoc enim ad sui defensionem necessarium non est; sed satis est, quod intendat conservationem vitæ suæ per gravem vulnerationem, quâ alter fiat impotens ad nocendum, quamque & ideo licet intendere; etsi mors per accidens sequatur. Haben tamen publicam auctoritatem, mortem potest intendere, referendo hoc ad publicum bonum; ut miles pugnando contra hostem, minister Judicis, pugnans contra latrones. Ita S. Th. suprâ. L. 2. C. 9. N. 53. ait, posse intendi mortem in gravi vulneratione veluti causa; non tamen mortem in se; & sic intelligit S. Thomam.

Si dicat: Salus animæ proximi præferenda est vitæ nostræ corporali. R. Id verum est, quando is est in necessitate, & ope nostrâ ad salutem indiget; at invalor non est in necessitate, sed malitia, seque cessando facillè potest liberare à periculo. Si tamen quis esset moraliter certus de statu gratiæ; heroicum exerceret actum charitatis, si pro salvanda anima proximi permitteret se potius occidi, quàm ipsum occideret in statu mortalis peccati existentem. *Ex his resolves*

Imò. Non tenetur vir honoratus fugere iniquum, aggressorem, si per hoc gravem ignominiam incurrat; quia ad tale incommodum avertendum jus habet resistendi stando. Quod si invalor fuisse intentaret ignominiosam percussionem, quæ sine gravi nota declinari non posset, licet ei opponere gladium; sique aggressor pariter gladium opponeret, posset invalor defensione occisivâ vim arcere, si aliter nequeat; quia sic non tantum honor, sed etiam vita iniquè impetitur. Clerici ta-

tamen & Religiosi ordinariè tenentur fugere saltem ex charitate ; quia ordinariè illis fuga non est indecora ; si tamen gravem notam quis incurreret fugiendo , fugere non teneretur. Idem est de Laico homine viſi. Qui causam graviter injustam aggressori dedit , v. g. ignominiosè lacerando , tenetur probabilitè etiam ex justitia fugere , cū gravem ignominiam subire deberet ; quia ratione injuriæ tenetur damnum avertere ab invasore.

2. Innocens , capiendus à satellitibus ignorantibus ejus innocentiam , ut communiter ignorant , non potest se defendere defensione occisivâ ; quia non sunt aggressores formaliter injusti , bonum autem publicum exigit , ut non laedantur ministri justitiæ , bonâ fide officium suum exsequentes. Secus foret , si constaret , illos innocentem esse conscios.

3. Qui occidit , vulneravit , vel mutilavit , iniquum aggressorem cum moderamine inculpatae turpitudinis , non tenetur compensare damna secuta ; quia injuriam non intulit. Secus ; si excesserit graviter moderamen necessarium.

373.
Aggref-
ſor pud-
icitie.

Resp. 2. Licet virgini , si aliter se defendere non possit , iniquum aggressorem pudicitiam occidere. Ita teste Less. communis. Ratio est ; quia non tantum est maximum periculum consensûs in del. actionem , adeoque peccati mortalis , & depravationis ; sed pudicitia etiam & integritas corporis maximi momenti bonum est , semelque amissum irreparabile , quo homo nunquam per illicitam actionem spoliatur sine dedecore. Unde ait S. Aug. Lib. 1. de lib. arbit. cap. 5. *Multò immatius est , aliquam violentè suum pati , quàm*

quàm eum , à quo vis inferitur , interimi. Servandum tamen & hic est moderamen inculpatæ tutelæ ; & de hoc intelligitur S. Aug. quando videtur favere sententiæ oppositæ quorundam. Porro certum est , quòd teneatur mulier invasori pudicitie resistere non tantùm interiùs per displicentiam , sed etiàm exteriùs totis viribus , etiàm clamoribus implorando auxilium , si aliter se tueri non possit : non resistendo enim , sed quietè permittendo , id omne ponit, quod ad cooperationem in actum turpem requiritur. Hinc Deur. 22. quæ vim patiens non clamavit , jubetur lapidibus obrui. Quodsi puella ab aliquo vi tactum , vel osculum furtivum passa sit , potest fugienti alapam infligere , non in vindictam , sed in sui defensionem pro futuro : si enim dissimulet , credet is , id ei placere , & facile repetet. Talem alapam dicit Tamb. esse actum fraternæ correctionis.

Resp. 3. Licet pro avertendo in bonis temporalibus , actu suis , damno valde gravis mo- *Invasor* menti , si aliter recuperari , vel conservari non *tempo-* possint , contra actualem invasorem se defen- *valium* dere defensione pœcisivâ. Ità Nav. Caj. Bann. *bona-* S. Anton. Vasq. Mol. Valent. Laym. Lug. Ma- *rum.* strius Bosco , Herinx, Sporer , & alii apud La Croix L. 3. P. 1. N. 808. Prob. 1, quia temporalia sunt necessaria ad vitam conservandam secundùm statum proprium ; & charitas non exigit subire valde gravem illorum jacturam pro vita proximi , nisi in extrema , vel valdè gravi necessitate : invasor autem non est in necessitate ; sed in malitia , à qua potest , & debet desistere : quodsi non faciat , sibi imputet , si vita lædatur. 2. Id exigit communis secu-

ritas. & Reip. bonum : huic enim non esset
 satis prospectum de libertate à furibus, & præ-
 donibus ; si non liceret aliquando sua tueri
 defensione occisivâ - fierent enim nimis auda-
 ces. 3. Jure naturæ vim vi repellere licet ;
 idque leges juris positivi utriusque permittunt ;
 nimis autem dura esset obligatio non occiden-
 di furem gravis admodum rei temporalis ;
 quando id unicum est medium rem suam ser-
 vandi. Ob has rationes multi idem permit-
 tunt Clericis, & Religiosis ; quia & his jus est
 in sua, illis non minus necessaria, quam sua
 sunt Laicis ; neque jure positivo eis prohibetur,
 quod jure naturæ aliis licet. Confirmatur : Ju-
 re divino, & gentium licet bello defensivo sua
 tueri, & invasores occidere ; imò & bello
 offensivo agere ad sua sibi vindicanda, & re-
 sistentes occidere, quando aliâ viâ recuperari
 bona non possunt.

Dixi tamen 1. *Si aliter recuperari, vel con-
 servari non possunt* : nam si id fieri possit cla-
 mando, auxilium implorando, vel vulne-
 rando, aut per Judicem &c. occidere non
 licet.

Dixi 2. *Pro damno valde gravis momenti* ;
 quia rei levis damnum facile refarciri potest,
 debetque contemni ex charitate pro vita proxi-
 mi conservanda. in peccato alias non raro mori-
 rituri. Et sic intelligitur S. Aug. L. 1, de lib.
 arbit. Cap. 5. dicens : *Non esse immunes à
 peccato, qui pro his rebus, quas contemni oportet,
 humanâ cade sunt positi.* Quæ autem hic
 censenda sit res magni momenti ; non potest
 unâ regulâ universali definiri, sed considerandæ
 sunt circumstantiæ.

Communiter est receptum, licere occidere
 furem

furem imò pro tuenda re hîc & nunc neceſſariâ ad vitæ conſervationem. Unde Sporer, & Tamb. dicunt, unum alterumve aureum eſſe rem magni momenti reſpectu pauperis, ſi ejus ſubſtantia in eo conſiſtat. 2. Si fur nocturnus effringat fores, nec aliter vitari poſſit. mortis periculum, poſſe occidi. Item ſi fur diurnus defendat ſe armis; quia tunc cenſetur impetere vitam. 3. Si auſetat ad ſtatum ſuſtinendum neceſſaria; ſaltem ſi eorum defectu lapſus in gravem miſeriam immigretur.

Dixi 3. *Contra actualem inſaſorem*; quia ante aggreſſionem, & poſt eam, re jam à fure in tuto collocatâ, non licet occidere: tunc enim coram Judice conveniri poteſt. Cum tamen fugiens adhuc eſt actualis aggreſſor; ſique ſine vitæ periculo ſic fugere poſſet, multum augetur furum audacia. Reliqua conſtant ex dictis. Quando Exod. 22. reputatur homicida, qui furem diurnum occidit, lex illa judicialis agit de foro externo, in quo præſumitur non ſervatum moderamen inculpatæ tutelæ: eò quòd fur diurnus clamando facile abigi, dignoſci, & apud Judicem accuſari poſſit. Secus eſt pro foro interno, ſi iſta abſint.

Cæterum, quæ tibi licent pro defenſione vitæ, & bonorum tuorum; licent quoque pro defenſione vitæ, & bonorum proximi tui nexu charitatis tibi conjuncti: non teneris tamen vitam proximi defendere cum periculo probabili vitæ propriæ; nec cum occiſione inſaſoris, niſi quando periclitatur ſalus inſaſi: tunc enim potiùs innocenti ſuccurrendum eſt; uti &, ſi eſſet perſona publica, v. g. Princeps:
ſecus

secus enim, cum ambo sint proximi, & non teneatur invasus se defendere defensione occisiva, nec tu teneberis. Nec desunt quoque, qui docent, non licere occidere invasorem bonorum temporalium, nisi simul invadatur vita, ut presumitur invadi à fure nocturno; aut bona sint necessaria ad suum statum tuendum.

Q U Æ S T I O IV.

An pro vitanda morte, vel gravi infamia aliquando procurare abortum foetus humani liceat?

375.
Nullo
casu li-
cet pro-
curare
directè.

Resp. Nunquam licet etiam pro vitanda morte, vel extrema infamia procurare directè abortum, seu expulsionem foetus humani, seu animati, seu adhuc inanimati. Est communis & certa: nam Innoc. XI. damnavit hanc ordine 34. *Licet procurare abortum ante animationem foetus, ne puella deprehensa gravida occidatur, aut infametur.* Et ratio est: vel enim foetus est animatus, vel non est? si est, jam committitur homicidium; cum verè occidatur homo innocens, quod non licet, etsi cum matre foetus esset moriturus; incurriturque irregularitas, & excommunicatio. Si non est animatus, non committitur quidem homicidium, nec incurritur irregularitas, attamen est semper mortale peccatum: quia agitur contra finem naturæ, & hominis nascituri bonum, destruendo inchoatam generationem, & duplex semen, cujus operatio ordinatur non tam ad bonum individui, quàm ad conservationem totius speciei humanæ; cujus bono cedere debet bonum privati. Quare
sicut

sicut nunquam licet pollutio directè quæsitâ, sic nec expulsiô directâ fœtus ; imò ferè semper periculum est , ne expellatur fœtus animatus ; valdè enim incertum est , quando animetur. Habet quidem communis sententia cum Aristotele L. 7. de anim. Mares animari die 40ma, fœmellas verò 80mâ post susceptum à muliere semen ; dicitque Card. certum videri , quòd non infundatur anima , nisi corpus per præcipua organa sit dispositum : non desunt tamen, teste La Croix , probati A. A. qui dicunt , quandoque prima , quandoque 2da , quandoque 3tia die animari pro diversa dispositione maris, & seminis ; animari autem fœtum animâ rationali priùs , quàm infans nascatur, certum est apud omnes , propositioque opposita damnata est ab Innoc. XI.

Hinc 1. Non licet matri sumere , aut ei 376.
præbere medicinam, ex vi sua ordinatam, ad *Corollarij*
depulsionem fœtus etiam inanimati , etsi sit *RIA.*
certa utriusque mors , si non adhibeatur, & probabile sit . matrem servandam, si adhibeatur ; ut habet communior contra San. Viva in damnatam 34. ab Inn. XI. N. 8. & alios, opinantes , posse licitè expelli fœtum inanimatum , si alioquin mater sit moritura ; eò quòd fœtus ille sit aggressor vitæ matris , & propagationi speciei humanæ non noceatur ; cum matre mortuâ non sit nasciturus homo. Verùm horum sententia meritò ab aliis rejicitur tum quia valdè incertum est , quandonam fœtus animetur ; sicque vix aberit periculum homicidii : tum quia , sicut non licet expellere directè semen verum humanum ; etsi ex ejus abundantia vita periclitaretur ; sic non videtur licitum , expellere fœtum, estque utrumque in-

trin;

trinfecè malum : fiquè in aliquo cafu liceret ; homines , falfo fibi perfuadentes ejusmodi cafus , abuterentur illâ licentiâ in detrimentum generis humani ; invalefceret fornicatio, à qua abfterret timor prolis , futurique partûs. indeque infamiz. Nec verum eft, quodd fœtus fit aggreffor matris ; cum contra eam nihil molliatur, tam parum, quàm femen, ex quo morbus lethalis immineret. Aliud effer, fi fœtus antè animatus jam effer mortuus : tunc enim non haberet amplius rationem fœtus ; fed humoris, vel noxiæ materiz. *Nec juvat*, quodd liceat abfcindere membrum pro confervatione corporis : nam membrum velut pars phyfica ordinatur ad bonum totius, proinde in bonum totius, ubi neceffe eft, abfcindi potest : at fœtus non eft pars matris, nec ordinatur ad matrem, fed ad fpeciem humanam. *Nec juvat* etiam, quodd, pereunte matre, fœtus fit periturus : nam nihilominus recta gubernatio Reipz humanæ exigit, ut non liceat fœtum directè expellere, ne homines licentiâ illâ utantur in detrimentum generis humani, & peccata multiplicanda : ficut ex eodem capite exigit, ut non liceat directè femen expellere, etfi vitæ periculofum.

2. Si infamia, vel mors ab intrinfeco imminet, non licet pro ea vitanda fumere medicinam, quæ etiam indirectè tendat ad fœtus expulſionem : quia, cum medicina prodeffe non poſſit ad infamiam, vel mortem, quæ ab extrinfeco imminet, avertendam, niſi quatenus expellit fœtum ; fumens medicinam, directè intenderet expulſionem fœtus : qui enim intendit finem, intendit & medium ut tale : medi-

cina

Una autem hic non est medium, nisi quatenus expellit foetum.

3. Si tamen matri ; & foetui mortis periculum immineret , licet matri sumere medicinas per se , & directe tantum ad matris sanitatem tendentes , quando aliud medium non suppetit : etsi per accidens sequi possit expulsio foetus etiam animati : quia periculum ex tali medicina , foetui fortè oriturum , compensatur per spem salvandi matrem , & foetum.

4. Si verò omissis medicinis periculum soli matri immineat ; foetus autem speretur superviviturus , & ad Baptismi gratiam perventurus, non licet adhibere medicinas cum periculo probabili enecandi prolem ; sed tenetur mater vitam corporalem exponere pro salute prolis, extreme periclitantis.

5. Si medicina non conducere ad alium finem , quàm ad expulsionem foetus, illà uti non liceret ; quia directe expelleretur foetus. Si homo cum bestia se misceret , putat Gobat , esse licitum occidere bestiam ; quia ex homine rarissimè concipit. La Croix L. 3. P. 1. N. 831. sed vide P. 4. N. 107.

6. In dubio, an foetus fuerit animatus , aut medium adhibitum ad expulsionem ejus contulerit, adest irregularitas. Non tamen, si mas expellatur ante diem 40um , quia censetur non animatus. In dubio , an foetus expulsus post diem 40um fuerit mas, censetur talis , & expellens irregularis est.



QUÆSTIO V.

Quando licitum, quando, & quibus sub
pœnis prohibitum sit duellum?

377.
*Quid,
& quo-
mplex
sit duel-
lum?*

Nota : Duellum, seu duorum bellum, græce monomachia, latius acceptum, est singulare duorum certamen, cum vitæ, mutilationis, vel gravis vulnerationis periculo susceptum, & propriè verò, & strictè sumptum, est singulare duorum certamen ex condicte, mutuo consensu, loco, & tempore designato cum periculo, vel intentione mortis, mutilationis, vel gravis vulnerationis susceptum : Unde ad hoc requiritur, ut fiat armis, ad hos effectus aptis, ex consensu mutuo per aliquod temporis intervallum prævio, ut designetur determinatus locus, & tempus concertandi. Si suscipiatur cum certa forma, uti, si adhuc beantur testes, quos patrilinos, & secundantes appellant, vel mittantur literæ provocatoriæ, vulgò Chartell, vel chiroteca, aut annulus, vel constitutur locus securus, quem campum francum nominant, dicitur duellum solenne. Potest autem duellum suscipi vel autoritate publicâ, & boni communis causâ, vel privatâ autoritate & causâ, v. g. ad defensionem vitæ, honoris, vel bonorum fortunæ, ad avertendam ignominiam, dedecus, notam timiditatis, privationem officii &c.

Quæritur hic 1mo. An, & quando liceat duellum susceptum autoritate publicâ? 2do. An aliquando liceat illud offerre? vel acceptare autoritate privata? 3. Sub quibus pœnis prohibitum sit duellum autoritate privata offerre, vel acceptare?

Resp.

Resp. 1^{mo}. Duellum autoritate publica suscipere licet 1. Si cedat ad majus Reip. bonum v. g. ad terminandum bellum justum, vel principum controversiam, aliàs multo sanguine vix finiendam, uti si ab utraque parte delignetur unus, vel plures, ut pugnando bellum, vel controversiam terminent: cum enim pugna generalis ex justa causa liceat, non minus licere debet singularis; imò magis est elegibilis, cum sic minus sanguinis fundatur, paucioresque cædes fiant. Exempla suppeditant sacræ, & profanæ historiæ. Sic David autoritate Regis Saülis licite pugnavit cum Goliath; Carolus V. Imperator Francisco Primo, Galliarum Regi duellum, nemine improbante, derulit; S. Wenceslaus Rex Bohemiæ, uti in ejus officio 28. Sept. legitur, ad certamen singulare contra ducem Eritimensem eo fine licite processit, ut suorum salutem prospiceret; visique sunt Angeli arma ministrasse, dictumque adversario: *ne ferias*. Hoc tamen cavendum est principi, ne per singulare certamen victoria reddatur minus certa; alioquin objiceret Remp. majori periculo, peccaretque contra justitiam. Dixi: *Ad terminandum bellum justum*, nam habens bellum injustum nec offerre; nec acceptare duellum potest; quia & hoc repugnaret justitiæ. 2^{do}. Licet, si hostis insultans duellum offerat videaturque ejus acceptatio necessaria, aut minimum valde expediens ad avertendam exercitus animorum dejectionem, & ignominiam, frangendamque hostis animositatem, & ferociam: hoc enim casu licet etiam offerre duellum; quia ubi permissus est finis permissa sunt, & mediâ aliunde non prohibita. 3^{tio}. Ex multorum

R. P. Reuter Theol. Mor. P. III. M m sen-

sententia licet, si duobus, ad mortem justè condemnatis, judex injungeret duellum, eà lege, ut victori fieret vitæ gratia; quia tunc illi constituti essent justæ sententiæ executores, adeoque justè procederent: quanquam judex peccaret; quia tale duellum, injungere speciem habet crudelitatis. Dixi: *justè condemnatis*: quia judici non convenit jus in vitam Innocentis: unde nec nocens justè pugnaret contra innocentem, nec invicem duo innocentes.

*Quando
ex ea
non lice-
at.*

Econtra non licet, etiam interveniente auctoritate publicâ principis, ducis, vel judicis offerre, vel acceptare duellum. 1mo. Ob finem vanum v. g. ad ostentationem virium, peritiæ tractandi arma, oblectationem spectantium. 2do. Nec ob finem superstitiosum E. g. ad manifestandum veritatem, innocentiam, ad objecti criminis purificationem, dubiæ litis decisionem. Ratio primæ partis est, quia nemo est dominus suæ, aut alterius vitæ: Unde illam exponere periculo manifesto ob finem vanum repugnat justitiæ, & rectæ rationi. Aliud est, si id postulet bonum commune. Ratio 2dæ partis est; tum quia duellum ad tales fines est inutile, sique à Deo expectarentur tales effectus, esset formalis tentatio Dei; tum quia tam innocens, quam reus occidi potest; quare judex tam crudele medium imperans peccaret graviter contra charitatem, justitiam, & religionem.

379.
*An ali-
quando
liceat
authori-
tate pri-
vatâ?*

Resp. 2. Duellum, propriè dictum, auctoritate privatâ offerre, aut oblatum acceptare nullo casu licet, ita contra Reiffenstuel, Scybolt Pichler, & quosdam alios ad Tit. 14. L. 5. Decret. *De Clericis pugnantibus in duello*, habet communis sententia: Nam imo repugnat juri

Juri naturæ ; quia Deus nulli concessit dominium in suam, aut alterius vitam, vel membra extra casum necessariæ defensionis contra actua-lem aggressorem ; duellum autem non est me-
dium necessarium quòd in loco. Determina-
to, temporeque instituitur ; pròinde est in-
trinsece malum, & nullo casu licitum. 2do.
Repugnat juri divino positivo : Nam Exodi
20. & Deuteronomii 5. dicitur : *non occides.*
Quæ lex licet cæterum sit naturalis, dicitur ta-
men etiam divina positiva, quatenus per Moy-
sen est promulgata, & decalogo inserta. 3tio.
Repugnat juri Ecclesiastico in Tridentino Sess.
25. cap. 19. *de Reform.* ubi duella dicuntur
detestabilis usus, fabricante diabolo, introdu-
ctus. Item Cap. *de tormentis.* Cap. de vul-
gari purgatione, quibus accedunt Bullæ va-
riorum Pontificum Julii II. Leonis X. Pii IV.
Benedicti XIV. Denique 4to. Repugnat juri
civili nempe variorum Principum edictis, no-
minatim Imperatorum Ferdinandi III. qui in
provocantem, & acceptantem duellum statuit
pœnam mortis, Leopoldi primi, qui anno
1666. ad eandem pœnam eos condemnavit,
etsi pugnassent sine testibus ; sine vulnere, eti-
am extra provinciarum suarum fines. Eidem
pœnæ subjecit patrinos, & coadjutores ; fu-
gitivorum autem bona addixit fisco, perpe-
tuâque illos notavit infamiâ. Demum Fran-
cisci I. mi, modò gloriose imperantis, qui pro-
vocantes ad duellum ipso facto declaravit in-
fames ; unde provocatus respondere potest
provocanti, nolle se habere rem cum infami.
Galliarum quoque Reges præsertim Ludovicus
XIV. aliique Principes varias in duellantes tu-
lerunt pœnas.

Dixi : *Duellum proprie dictum* : Nam contra injustum actuale aggressorem etiam pugnando se suaque tueri cum moderamine inculpatae tutelae ; seu quando id est necessarium, nec alia superest se tuendi via , non tam duellum , quam defensio est , omni jure licita. Hoc A.A. supra citati extenderunt ad duellum loco , & tempore condicto committendum , quando non est aliud , quod male supposuerunt , se tuendi medium , uti si vir militaris, duello recusato, privandus esset officio , quo se suosque sustentat ; aut id illi necessarium esset ad decentem , sui , suorumque sustentationem ; alii ad casus particulares alios. Sed audiamus modernum supremum Christi interris Vicarium Sanctissimum Patrem Benedictum XIV. qui in sua constitutione incipiente : *detestabilem* 1752. editâ, tanquam falsas, scandalosas, & perniciosas damnavit, prohibuitque doceri, defendi seu conjunctim seu divisim sub pœna excommunicationis latæ sententiæ, sibi reservata, has quinque propositiones.

Propositio I.

Propositiones damnatae. Vir militaris, qui, nisi offerat, vel acceptet duellum, tanquam formidolosus, timidus, abjectus, & ad officia militaria ineptus haberetur, indeque officio, quo se suosque sustentat, privaretur, vel promotionis, aliâs sibi debitæ, ac promeritæ, spe perpetuò carere deberet, culpâ, & pœnâ vacaret, sive offerat, sive acceptet duellum.

Propositio II.

Excusari etiam possunt honoris tuendi, vel humanæ vilipensionis vitandæ gratia duellum acceptantes, vel ad illud provocantes, quando

do certò sciunt, pugnam non esse secuturam, utpote ab aliis impediendam.

Propositio III.

Non incurrit pœnas Ecclesiasticas, ab Ecclesia contra duellantes latas, dux vel officialis militiæ, acceptans duellum ex gravi metu amissionis famæ, vel officii.

Propositio IV.

Licetum est in statu hominis naturali acceptare, & offerre duellum ad conservandas cum honore fortunas, quando alio remedio earum jactura propulsari nequit.

Propositio V.

Afferta licentia pro statu naturali applicari etiam potest statui civitatis malè ordinatæ, in qua nimirum vel negligentia, vel malitia Magistratûs justitia apertè denegatur.

Itaque propositiones his contradictoriæ veræ sunt, & sententiæ oppositæ, quas aliqui bonâ fide docuerunt, rejiciendæ tanquam falsæ, scandalosæ, & perniciosæ, sive loquantur de hominis statu naturali, in quo homines statuuntur vivere nullius, nisi Dei jurisdictioni, nullis legibus, nisi naturalibus subjecti; sive de statu civitatis malè ordinatæ, in quo nempe homines imperantium jurisdictioni, legibusque etiam humanis subditi, & coadunati ad civilem beatitudinem vivunt: est enim civitas perfecta hominum Societas, munita imperantium jurisdictione, ad civilem beatitudinem coadunata, de qua dixit Cicero pro Muræna: *Roma urbs est, civitas eam incolit.* Differt à statu conjugali, & familiæ, qui, utpote destitutus jurisdictione, ad propulsandas, & reparandas injurias, reosque puniendos, & coercendos malos, sufficiente, & necessariâ,

Societas imperfecta est, adcoque non sufficiens ad civilem beatitudinem.

Hinc imo. Nec offerre, nec acceptare duellum licet ad tuendum honorem, ad averrendam ignominiam, dedecus aut timiditatis notam. Ratio est; quia rectæ rationi repugnat, medium crudele cum evidenti suæ, & proximi vitæ, salutisque periculo adhibere ad finem, ad quem nec utile, nec necessarium est, tale autem est in præsentī casu duellum: nam quod sit medium, cum evidenti periculo utriusque monomachi vitæ, & salutis conjunctum, per se patet; quod verò sit medium ad tuendum honorem &c. Nec utile, nec necessarium expendenti quoque patet: inprimis enim ad eum finem non est utile, monomachus siquidem, contra legem naturalem, divinam, & humanam se, & proximum obijciens manifesto mortis periculo, suam apud prudentes existimationem non conservat, sed amittit, velut prodigus vitæ, & salutis ob insanam mundi æstimationem: vel enim vincet, & proximum suum occidet, vel vincetur, & morti succumbet: Si primum punietur ut homicida, aut fugere debet, ut infamis cum summo suo, & suorum detrimento; si secundum privabitur Ecclesiastica sepultura, & sepulchrum ejus erit infernus. Vera æstimatio, laus, & decus non sunt posita in stolidā mundi opinione, cujus sapientia stultitia est apud Deum, sed invirtute, & observatione mandatorum Dei, & in iis fundata sapientum æstimatione & Laude, à quibus commendabitur, qui, contemptis mundi judiciis, Deo, & superioribus obediens suæ, & proximi salutī, vitando duellum, consulit; Ignominia non est pati,

ti, sed inferre injurias, deinde duellum non est medium ad vitandam timiditatis notam non enim timidus, sed fortis censendus est, qui in reverentiam legis seipsum vincit, qui in periculis facit quod faciendum, vitat quod vitandum esse, recta ratio dicitur; non qui temere ruit in suam, proximique perniciem. Denique duellum non est medium ad ista necessarium, sed aliis vitari possunt. Potest enim pro satisfactione implorari à læso judex, potest amica conventionē placari, & dirimi controversia; potest inique provocatus provocanti dicere: Ego Deum, & leges ejus veneror, te non timeo; sed more consueto prodibo paratus contra quemcunque aggressorem me tueri, non fugā sed armis, ubi necesse erit, loco condito non comparebo, nolo Deum offendere, nolo te facere prædam diaboli, & me subijcere manibus carnificum; hominum dicitia non curo, ubi de honore Dei, salute meæ, & animæ tuæ agitur; ubi me aggredieris vim vi repellam, tibi imputa, si aut in perpetuam infamiam, aut in corporis, & animæ interitum te præcipites. Hæc si non proficiant, ferenda est potius hominis insania, quam adhibendum medium illicitum tanto cum periculo. Interim potest provocatus armis, ad vim repellendam necessariis, instructus incedere, quia non tenetur actiones, sibi licitas, cum notabili incommodo omittere, prudentisque est sibi consulere. Ad locum tamen conditum designato tempore, caveat accedere: Licet enim accessus ille sit actio de se indifferens, iis tamen in circumstantiis haberet necessariam connexionem cum duello, utpote quod in iis ut plurimum sequitur, atque ita se exponeret.

sine iusta causa suumque adversarium periculo vitæ, & salutis æternæ.

2dò. Non licet viro militari, aut equestri in aula offerre; vel acceptare duellum loco, & tempore condito, etsi alioquin cedere deberet officio, quo se suosque sustentat, imò nec, quamvis hoc illi necessarium esset ad sui, suorumque decentem sustentationem. Est contra aliquos supra citatos qui existimarunt, id licere, eò quod provocans ad duellum in eo casu etiam bona fortunæ magni momenti aggredia- tur provocati, sed pars prima responsionis constat ex 1ma, & 6ta propositione damna- ta; secunda pars ex iis recte colligitur: *Ra- tio autem est 1mo*; quia, sicut occisio defen- siva non licet, sic nec duellum, nisi contra actualem aggressorem, idque non nisi cum mo- deramine inculpatæ tutelæ; provocans autem ad duellum non est actualis aggressor provo- cari; nam imprimis actu non aggreditur vitam, uti patet, aliàs liceret statim uti de- fensione occisiva, si non esset alia se defenden- di via; deinde non aggreditur actu ejus for- tunæ bona; hæc enim necdum possidet, sed ad illa tantum jus inchoatum & conditionatum, & spem habet, si nempe suo officio functus fuerit, ad tuenda verò bona, quæ actu non possidemus, sed speramus, aut ad quæ jus tan- tum inchoatum habemus, non licet uti defen- sione occisivâ, ut constat ex damnata n. 370. rejecta. *Confirmatur 1mo*: Si provocatus, recusato duello, esset excludendus consuetæ suæ conditionis consortio hominum non censere- tur actu invasus; ergo à pari nec censentur bona ejus invasa, quod à jure inchoato, & spe excludatur. *Confirmatur 2dò*. Si provocans
ad

ad duellum in casu invaderet actu ejus bona fortunæ, utpote maximi momenti, non esset damnata quarta, & quinta propositio. *Ratio est 2do.* Duellum est medium tuendi bona fortunæ, quæ sperantur, valde incertum; nam si, uti evenire facile potest, in duello occumbat provocatus, uxorem liberos, aliosque suos omni spe auxilii destituet, si antagonistam occidat, infamis erit apud sapientes. *Ratio est 3tio.* Quia, si tale duellum in aliquo casu censeretur licere, licentia illa vergeret in maximum humanæ Reip. detrimentum, summamque perturbationem: Nam viri, præsertim nobiles, & in honoratis officiis constituti pro communi vitiosa propensione in vindictam, honorisque, & temporalium bonorum, quæ ad suum statum vel necessaria, vel valde utilia existimant, defensionem, facile sibi persuaderent in variis casibus, recusato; aut non oblato duello, imminere sibi jacturam officii, gratiæ principum, honoris, indeque bonorum, ad suæ familiæ seu necessitatem, seu decorem sustinendum necessariorum, atque ita multiplicarentur duella, cædes & perpetua esset perturbatio, inimicitæ persecutiones invalescerent, Respublica privaretur hominibus utilissimis, liberi & uxores destituerentur necessariis &c. Quare, quamvis certum moraliter esset, gravissimum occasione recusati duelli in bonis fortunæ detrimentum esse secuturum, tamen illud offerre, aut acceptare non liceret; quia bonum commune, & rectus in Republica humana ordo, qui præferendus est bono privato; exigit id unversim prohiberi: Unde manet pro omni casu intrinsecè malum, aliaque ad coercedam insani provocantis insolentiam adhi-

benda sunt media, neque negatio iustitiæ id magis potest facere licitum, quàm fornicationem mulieris, quæ, sibi violentiam fieri à Leone queretur, & à Iudice non audiretur.

3^{to}. Si inimicus tuus ad te ingrediatur armatus, & intentet tibi mortem, vel incendium domûs, nisi designatâ horâ & loco extra portam velis duello concertare cum ipso; non potes duellum addicere, quia accessus ad locum designatum, & horâ determinatâ non est necessarius ad tuâ defensionem, sed potes auxilium implorare, verbis amicis conari placare insipientis animum, potes dicere; ego me timeo, ubicunque invasus fuero; faciam, quod, salvâ religionē & reverentiâ erga legem Dei, poterò, tibi utpote proximo meo, quem ex lege Christi teneor diligere, cupio non nocere. Si in duello succumbas, & extremæ te addicas miseriæ, non nisi tibi imputare poteris. Hæc si locum non habeant, potes arma opponere, sique alia non restet via te defendendi, eum lædere, aut etiam occidere, si tibi in præsentî intentet mortem, eamque aliter declinare non possis.

4^{to}. Non licet duellum eâ lege suscipere, ut, uno vulnerato, aut post certum ictuum numerum, pugna cesset; tum quia difficile est arma, ad vulnerandum apta, cum intentione vulnerandi ita moderari, ut non infligatur vulnus lethale; tum quia Clemens VIII. in sua Constitutione: *Illius vires*: Duella etiam non fatalia prohibuit, perque ea incurruntur pœnæ in duellantes latæ: sunt enim scandalosa, & occasionem præbent fatalibus,

5^{to}. Non licet duellum suscipere cum animo non pugnandi: tum quia duellum in designato loco suscipientes volunt credi ab aliis, se vero duello

duello concerraturos, atque ità præbent scandalum scientibus, lege divinâ, & humana duellum esse prohibitum; tum quia leges Ecclesiasticæ non tantum prohibent cædes, sed intendunt etiam detestabilem duellorum usum exterminare: huic autem fini repugnant duella ficta.

Resp. 3. Pœnæ duelli, propriè dicti, etsi non 381, solennis, statuta tam à Tridentino *Sess. 25. cap. Pœna 19. de Reform.* tum à summis Pontificibus sunt duelli, sequentes.

1ma est excommunicatio, lata 1mo in ipsos duellantes, eorum patrinos, fautores, provocantes, acceptantes, suadentes, equos, arma, comæatus præbentes, comitantes, chartulas, libellos, manifesta mittentes, scribentes, aut divulgantes, vel quomodolibet circa ista cooperantes, socios, de industria spectantes, non tamen ex oculto, vel in transitu aspicientes. 2dò, in dominos temporales, in terris suis locum ad duellum concedentes illud permittentes, non impediētes, delinquentibus veniam, & impunitatem concedentes. 3. In eos, qui prædictis quomodo se immiscuerunt, etiamsi nec pugnae effectus, nec accessus ad locum subsequutus fuerit.

2da Pœna est amissio jurisdictionis, & domini, quod prædictis dominis temporalibus competebar in civitatem, castrum, locum, in quo vel apud quem duellum permiserint, si ab Ecclesiâ obtinuerint, vel in feudum acceperint, ità ut feudalìa dominis directis statim acquirantur.

3tia est proscriptio omnium bonorum, & perpetua infamia, statuta in ipsos duellantes, & patrinos,

4ta est privatio perpetua Ecclesiasticæ sepulturæ, lata in decedentes in, vel ex duello. Hæc pœna olim lata tantum erat in eos, qui in loco conflictûs obibant, etsi signa pœnitentiæ dedissent. At novissimè Benedictus XIV. Papa in Constitutione : *Detestabilem* : decrevit, ut ante omnem Judicis sententiam pœna illa incurratur à decedente non solum in loco conflictûs, sed etiam extra illum ex vulnere, ibidem accepto, sive duellum publicè, sive privatim indictum fuerit, & etiam si vulneratus ante mortem non incerta signa dederit pœnitentiæ, atque à peccatis, & censuris absolutionem obtinuerit, sublatâ Episcopis, & Ordinariis locorum super hac pœna interpretandi, ac dispensandi facultate.

5ta est privatio asyli, ab eodem Pontifice lata in eum, qui in duello, sive publicè, sive privatim indicto occiderit hominem, sive hic mortuus fuerit in loco conflictus, sive extra illum ex vulnere, in duello accepto. Insuper statuit, eum habendum tanquam homicidam, qui interfecerit proximum suum animo præmeditato, ac deliberato ad normam constitutionis antecessoris sui Benedicti XIII. quæ incipit : *Ex quo Divina* : ita ut à quocunque loco sacro, aut religioso, ad quem confugerit, servatis tamen de jure servandis, extrahi, & Judicis competentis Curiae pro merito puniendus extradi possit, ac debeat. Constitutionem Benedicti XIII. retuli P. 2. N. 114.

6ta. Præter pœnas aliis communes, in Clericos duellantes lata est suspensio, privatio omnium beneficiorum, inhabilitas ad beneficia deinceps obtinenda. Jure antiquo tantum duellantes Clerici, & duellum acceptantes, incurrerant duntaxat suspensionem ab officio ; Jure autem

autem novo Pii IV. incurrunt etiam eam tantum instigantes, faventes, & promoventes, & insuper privationem omnium beneficiorum Ecclesiasticorum, officiorum, dignitatum, fiuntque inhabiles ad illa, & alia impofterum obtinenda. Potest tamen in his, nisi mors, aut mutilatio sit subsecuta, Episcopus dispensare.

Dixi in resp. *Pœne duelli propriè dicti*: hoc enim solum spectant pœnæ, ab Ecclesia latæ: unde si duo subitâ irâ excandescunt singulâ certamine congredierentur, aut ex subito motu exirent ad alium locum tutius pugnaturi, pœnas non incurrerent.

Dixi 2. *Et si non solemnè*: quamvis enim pœnæ, utpote odiosæ, olim censerentur tantum respicere duella solemnè, eas tamen Gregorius XIII. & Clemens VIII. extendunt ad duella etiam non solemnè, ita ut excommunicatio Sedi Apostolicæ reservata, privatio Ecclesiasticæ sepulturæ ubique incurratur ob duella etiam privata. Quoad alias autem pœnas, constitutiones illorum Pontificum teste Laym. Gobat; Pichler in Germania non sunt in usum deductæ; sicut & Trid. quoad pœnas temporales proscriptionis bonorum, infamiæ, privationis, jurisdictionis in his partibus receptum non esse, multi testantur. Quidquid sit de hoc, non omnes, licet latæ sint sententiæ, eodem modo in aliis etiam locis incurruntur. Nam excommunicatio, privatio Ecclesiasticæ sepulturæ, si duellum sit notorium, privatio asyli, irregularitas, ex vulnerati morte secuta, ipso facto ante omnem sententiam Judicis, etiam criminis declaratoriam incurruntur, privatio autem beneficii, ante legitimè obtenti, & juxta Molin. Sanch. Navar. inhabilitas ad alia beneficia obtinenda,

nenda, amissio jurisdictionis, loci, & bonorum requirunt sententiam criminis declaratoriam; quia sunt privatio juris acquisiti. Idem dicit La Croix de infamia, & Ecclesiastica sepultura, quando crimen non est notorium, quia pœnæ publicæ, ut inquit S. Th. tantum delictis publicis sunt infligendæ. Quare si duellum non sit evidenter notum in, vel ex eo mortuus Ecclesiasticâ sepulturâ nec donandus, nec privandus est, antequam auditus sit Episcopus, qui si longè absit, ita ut sepultura usque ad ejus responsum differri non possit mortuus, si signa pœnitentiæ dederit, sepeliendus est secretò in loco sacro sine pompa. Ità La Croix.

Q U Æ S T I O VI.

Quando bellum sit licitum, & quando illicitum?

382. *Requisi-
ta ad
bellum
justum.* Bellum (quod est pugna multitudinis contra multitudinem extraneam) si sit defensivum, quo iniqua vis repellitur, est licitum, non tantum ad injuriam repellendam, sed etiam ad rem suam vindicandam auctoritate publicâ; quia jure naturæ licet se tueri contra injuriam, cumque supremi Principes coram Judice conveniri non possint, licet auctoritate publicâ ex amore justitiæ vindicativæ de injuria vindictam sumere, & procedere ad bellum offensivum, seu tale, quo vis alteri inferitur. Hoc, ut sit licitum & justum, requirit has condiciones:

1^{ma}. Debet geri auctoritate Principis, vel Magistratûs non agnoscantis Superiorem, qualis est Papa, Imperator, Reges, & quædam Resp.

Resp. ut Venetorum, Genuensium, &c. *Ratio est*; quia, qui habet Superiorem, potest, debetque eum implorare, ut de re controversa judicet, & injuriam vindicet; qui verò, auctoritate publicâ præditus, Superiorem non habet, ipsemet potest de ea cognoscere, judicare, & justo modo vindicare injuriam.

2da. Debet esse justa causa id gerendi v.g. injuriæ, vel rei injustè ablatae, vel possessæ recuperatio; restitutio pacis & securitatis publicæ, subjugatio rebellium.

3tia. Priusquam inchoetur, debet bellum gesturus curare jus suum, & partis adversæ diligenter examinari à viris doctis & piis. Quodsi jus ejus, facto examine, inveniatur minus probabile, juxta omnes non potest licitè bellum indicere; quia succedit Judici, qui non potest judicare secundum minus probabilem. Si autem pro illo, non possidente, staret major probabilitas, juxta aliquos potest rem illam bello quærere; juxta alios requiritur moralis certitudo, cum ex bello sequantur plurima incommoda; & certa, legitima possessio prævaleat rationi, etsi magis probabili. Hinc si pro utraque parte stet æqualis probabilitas, & pro una possessio certa & legitima, hæc bello imperi non potest.

4ta. Debet pars, cui bellum intendendum videtur, instrui rationibus bellandi, sique cedat iis, bellum indici non debet, utpotè non necessarium cum tot incommodis & cædibus.

5ta. Non debet fieri ex odio, vel vindicta privata, aut vana gloria, neque præcisè ad imminuendas vires adversæ partis, ne aucta prævaleat, & nocere possit: neque enim occidere

dere licet homines, ne nocere possint; aliàs cædibus permiscerentur omnia. Quæ in bello liceant, & quæ non liceant, dixi in Neo-Confessario, N. 164. viderique potest La Croix L. 3. P. 1. à N. 867. & alii.

Q U Æ S T I O VII.

Quid, & quibus teneatur restituere injustus vulnerator, mutilator, velocifor extra duellum?

383. Resp. Tenetur omnia, & probabilius sola *Tene-* damna realia restituere, quorum causa per se
tur ad proxima injustaque fuit; præcisè autem pro
omnia cicatrice, membro, vitâ, nihil tenetur restituere.
in bonis *ima pars* est communis; quia causa per se dam-
fortune. ni reparabilis, exigente Justitiâ, tenetur reducere æqualitatem. *Pars 1da* quoque communior & probabilior est contra Sotum, Molinam, Sylvest. Cajet. & alios.

Ratio nostra est 1. Justitia non obligat ad reparandum damnum, quod ex natura sua est irreparabile: atqui tale est jactura vitæ, membri &c. *Major* constat; quia Justitia intendit æqualitatem, ejusque motivum cessat, ubi hæc obtineri non potest. *Minor* probatur; quia, quidquid præstiterit occisor, mutilator, damnum illatum manet, nec habetur, quod in commercio humano sit aptum substitui, vel commutari. Hoc ipso enim, quod sint diversî generis, non habent communem mensuram, quâ ad æqualitatem reducantur, nec ratione sui, ut patet, nec ratione humanæ indigentiae: ratione hujus enim communem mensuram tantum habent res, quæ ab hominibus

nibus occupata, mutuo consentiunt sunt ab uno in alium transferibiles propter mutuam indigentiam: sic quantum unus eget, & juvat alterius v. g. equo; tantum hic eget illius, juvaturque v. g. pecuniâ. At verò vita, sanitas, membra, potentia, fama, honor non sunt res ejusmodi: unde communis sensus est: Bonum unius generis per alterum diversi generis non compensari.

2. Ut sit obligatio restituendi, debet ex natura rei aliquid determinatè esse debitum; atqui determinari non potest, quantum sit restituendum v. g. pro excusso oculo, vel pro vita: si enim dicas: pro vita deberi mille, cur non duo, cur non tria millia? Quamvis enim homicida non teneatur ad tantum, ut incidat in gravem, vel extremam miseriam, si tamen dives sit, nulla determinata summa saxari poterit, cum semper possit plus & plus exigi, quin adæquetur vita & ea redeat.

3. Communis is hominum sensus est, ut nisi ad tales solutiones velut pœnas condemnentur, non putent, se ad eas obligari, nec hæredes putent, se posse aliquid exigere præcisè pro occisi vita; quod ramen procul dubio facerent, si esset obligatio restituendi per diversum boni generis: non secus ac, naturâ dicente, pro damno in bonis fortunæ &c. exigunt in eodem genere compensationem. Unde *L. ultimâ de his, qui effuderint*, dicitur: *Cicatricum & deformitatis nulla fit aestimatio; quia corpus liberum nullam aestimationem recipit.* Et ideo, quidquid detur pro vita, non fit compensatio etiam partialis illius. Contingere ramen potest, ut bonum unius generis sit medium ad illud diversi generis reparandum

v. g. honor ad famam reparandam &c. *Ex his resolves*

1. Occisor, mutilator, vulnerator tenetur
 384. restituere expensas in medicamenta, Medicum,
Corollaria. lucrum cessans si ante mortem factæ sunt expen-
ria. sæ, & lucrum cessaverit quod quis sanus fecisset,
An etiã vel ex vulnere ineptus non fecit; quia horum
parenti- injusta causa per se fuit occisor, vulnerator,
bis, cog- mutilator: & quia adhuc læsus jus ante mor-
natis, tem habuit; eo mortuo, debentur hæredibus,
credito- qui si desint, expendenda sunt in pias causas,
ribus ? vel eleëmofynas. Expensas tamen funeris or-
 dinariè præstare non tenentur, utpote nihilo-
 minus aliquando faciendæ. Si tamen modò
 majores fuissent faciendæ, v. g. quia defunctus
 sepeliri debuit extra patriam, excessus ille com-
 pensandus esset.

2. Si occisus uxorem, & liberos, vel paren-
 tes adhuc habuit, his damna emergentia ex
 occisione, & lucrum cessans post mortem
 compensanda sunt, non quidem secundùm
 quantitatem, quam singulis antè lucratus est,
 ac si jam acquisitum esset; sed secundùm spem
 judicio prudentum, spectatis circumstantiis:
 lucrum enim variis modis impediri potest, &
 æstimatio ejus facienda est pensatis hominis
 læsi, vel occisi valetudine, robore, ætate, pe-
 ritiâ, artificio, statu, modo vivendi, & lucrân-
 di, deductis expensis, & iis, quæ conlump-
 sisset: hæc enim inter lucra ad hæredes tran-
 seuntia numerari non possunt; sed tantùm,
 quæ ex opera & industria hæredibus obvenis-
 sent: v. g. si spes lucri æstimata fuit 500. flo-
 renis, & consumpturus pro se erat 100. hæ-
 redibus obvenire non possent nisi 400. Ratio
 dictorum est; quia uxor, liberi, parentes fa-
 ciunt

tiunt unam cum defuncto personam, hisque debebantur ab occiso alimenta, atque ita occisio per se & proximè connectitur cum eorum nocumento, & hujus causâ per se & proxima fuit occisor, qui detrahere non potest labores, quibus occisus lucrum facturus fuisset, quia, quod occisus hos non potuerit, ex injuria oritur, sique hi detrahi possent, totum fere lucrum detraheretur: unde sicut, qui abstulit opifici instrumenta, tenetur totum lucrum cessans, non detractis laboribus, compensare; ita hic, ut habet communis.

Quod si occisus, vel mutilatus fuisset homo otiosus, nullam faciens spem lucri, nullum compensandum esset. Similiter, si uxor, occiso per alium marito, æquè commodè nupserit, vel nubere possit, aut eâ occasione gratis ab alio alatur, occisor nihil debet uxori; quia injuria non fuit efficaciter damnosa, & occisor non obligatur uxori, nisi in quantum succedit in obligationem mariti; hic autem non tenetur alere uxorem, si aliunde habeat alimenta. Ex eadem ratione non tenetur alimenta præstare parentibus occisi, si aliunde alere se possint.

3. Et si fratribus, sororibus, vel consanguineis occisi, si descendentes, vel ascendentes non habet, obveniant bona ejus, damnaque in iis causata compensanda sint ipsis; lucrum tamen cessans post mortem occisi iis compensare probabilius non tenetur occisor. Ita Molina T. 3. D. 83. N. 6. Less. L. 2. Cap. 9. Dub. 26. Sotus, Lugo D. 11. S. 4. N. 77. & alii contra varios, quorum aliqui cum Navarr. censent, omnibus, quibus occasione homicidii damnum evenit, vel lucrum cessat, etsi tantum spem ad id habuerint, compensandum

esse. Alii cum Sanch. volunt, restituendum esse filiis, parentibus & uxori absolute: cæteris autem tantum, si damnum occisor præviderit inde secuturum, siue ei sint consanguinei, siue amici. Ratio horum est; quia, qui alium per vim, fraudem, aliamve injuriam impedit à bono obventuro, vel sperato, tenetur ad compensationem. Sed ratio nostra est; quia damnum, quod aliis ex occisione sequitur, non habet connexionem cum occisi viri in ratione debiti, sicut habet cum damno filiorum, parentum, præsertim egentium & uxoris, quibus alimenta debebat, sed tantum per accidens, & remotè connectitur; atque adeo ad id præcavendum non est obligatus occisor: nemo enim habet jus obligans me ex Justitia, ut abstinere ab operationibus meis in iis omnibus, quæ per accidens & remotè illi possunt creare nocuimentum. *Confirmatur.* Si argumentum adversæ partis valeret universaliter, occisor non deberet tantum restituere iis, qui occisi liberalitate alebantur, sed etiam sperantibus ab ipso promotionem, eleëmofynam, invitationem ad prandium, intercessionem apud Judicem, quod repugnat sensui communi & praxi, & nemini teste Lugone, in mentem venit: unde, licet sententia opposita speculativè defendi possit, ad praxin tamen inutilis est, repugnatque menti Confessorum, & pœnitentium. quodque fundamentum contrariæ sententiæ non bene universaliter concludat, satis constat probantque Less. & Lugo locis citatis. Vide dicta sub Num. 332. Fatendum tamen, sententiam valde probabilem esse, quæ obligat occisorem ad compensandum lucrum cessans fratribus, aliisque hæredibus ab intestato;

stato; quia jus habent succedendi in defectu testamenti.

Superest dubium, an occisor teneatur creditoribus occisi præstare compensationem, si debita, quæ aliàs solvenda fuissent, nunc solvenda non sint? Affirmat Molina loco cit. Num. 8. Laym. L. 3. P. 2. C. 6. & alii; quia debitor occisus arctius obligabatur creditoribus, quàm filiis: his enim non debebatur, nisi quod deducto æ realieno restabat, Negat, teste Molinâ, communior, quam sequitur Less. & Lugo suprâ. *Ratio est*; quia non est causa damni illis per se, sed per accidens tantum, cum non constituent unam cum occiso moraliter personam, uti liberi, uxor, parentes ob nexum arctissimum, & rarissimè ideo plus damni patiantur: vel enim occisus liberos, vel uxorem, vel parentes in vivis habuit, vel non? Si habuit, jam illis compensando æstimationem sperati lucri, factum est creditoribus, quod sperare potuerunt. Si non habuit, jam valde incertum est, an à vivo plus potuissent expectare, quàm modò reliquerit: fortè enim inivisset Matrimonium, aut plus, quàm lucrum consumpsisset, & jam minus ad creditores pervenisset. Atque ob hanc causam meritò dicit Lugo, non esse causam, nisi per accidens, damni occisorem, nisi intenderit illud, quo casu putat fore causam per se. Sic inquit: Si quis veller ad locum certum, devotionis causâ ire, & ibi offerre pium donum, & tu, ægrè carens ejus præsentia, suaderes ei, ut non iret, fingendo viam prædonibus infestam; nemo dicet, quòd tenearis compensare illud donum; quia iter non est causa per se illius: secùs, si intendisses locum illum pri-

vare hoc dono. Sed de hoc vide dicta N
319.

Utraque sententia probabilis est, five jam occisor damna explicitè cognoverit secutura, five solum confusè in periculo, quâ saltem ratione communiter cognoscit; quia habitualiter scit, quòd occisio ordinariè afferat damna non solum occito, sed etiam conjunctis, adeoque confusè cognoscit malitiam, quam habitualiter scit inesse homicidio; sicut Religiosus, qui habitualiter scit furtum religiosi esse simul violationem voti, si futetur, & hanc malitiam contrahit, etsi explicitè de ea non cogitet. Aliud foret, si quis ex gravi fundamento positivè judicaret, eum, quem occidere intendit, carere uxore, & liberis: tunc enim illis injuriam formalem non inferret; quia excluderet confusam ejus cognitionem. Ita Lugo N. 89. & 90.

325. *Quæres.* Quid dicendum, si lethaliter læsus, sine duello, homicidæ remitteret obligationem damna compensandi. R. Si remitteret damna sibi illata, valida foret per se loquendo remissio, & ea compensare non teneretur occisor. Secus dicendum, si attentaret remittere damna secutura liberis, aut uxori, vel parentibus post mortem suam, ad quorum compensationem occisor ex justitia iis obligatur; quia hi immediatè læsi sunt: duplex enim intervenit injuria: una in patrem, cui vita auferitur; alia in filios &c. quibus alimenta debentur, & impediuntur. Et ex hac secunda, non ex prima oritur filiis Jus ad compensationem obtinendam ab homicida; quod Jus, cum oriatur ex injuria filiis illata, pater de eo disponere non potest; præsertim cum vivente patre homi-

homicida nondum debeat compensationem damni post mortem secuturi, nec filii Jus ad illam habeant, nisi mortuo patre, cujus morte prius completur injuriæ efficacia. Unde non apparet, quare pater possit illam obligationem remittere. Exemplum habemus in eo, qui alium per fraudem impedivit à beneficio consequendo, ad quod tamen Jus non habuit: nam Collator potest remittere injuriam sibi factam, non verò factam impedito. Atque ita tenet Lugo, siue filii aut parentes sint divites, siue egentes: unde falsum est, quòd filii non habeant Jus majus, quàm habeat pater. Quod dico de filiis, idem dic de creditoribus, si illis homicida debeat compensationem. Dixi; *Per se loquendo*: Nam damna ante mortem secuta in præjudicium creditorum, & legitimarum prolium remittere non potest,

Q U Æ S T I O VIII.

Ad quid teneatur, qui alium læsit, vel occidit in duello, vel singulari certamine?

Resp. Qui alium in duello, vel singulari certamine, utrimque spontè suscepto, servato moderamine inculpatae tutelæ vulneravit, vel occidit, juxta communem non tenetur per se loquendo, compensare damna illi secuta: *Ratio est*; quia vulneratus, vel occisus censetur juri suo ad compensationem renunciâsse. Idem est, si læsus, vel occisus sine gravi incommodo, vel infamia fugere potuit, sed noluit; quia & tunc in pugnam spontè con-

§ 86.
*Tenetur
compensare
damna
si vi ad-
egit.*

rentibus, creditoribus, & cedere jure exigendi compensationem, dubitatur. Affirmat quidem ^{lesus} Less. Sanch. & Molina, tenentes, si ante mor- ^{possit obli-} tem omnia condonet, occisorem ad nihil tene- ^{gationem re-} ri: verum imprimis videtur illicitè condona- ^{mittere?} re iis, quod comperit creditoribus: sicut, qui non est solvendo, & recusat legata, & donationes acceptare, peccat; quia, qui tenetur ad finem, tenetur ad media. Item qui sua vendit, donat, & ita se minus potentem facit solvendis debitis, peccat. etsi probabilis validè vendat. & donet, & acceptans, conscius injuriæ, tenetur restituere secundum dicta: deinde non videtur posse præjudicare alimentis prolium, & pinguiori hæreditati, cum jus ad compensationem injuriæ filiis, parentibus, uxori illatæ non sit ipseus.

Ad hæc tamen respondet Lugo D. 11. N. 71, quodd, licet post injuriam illatam, v. g. post lethale vulnus non possit occisus remittere damna, quæ aliis injustè per se consequuntur, ante tamen injuriam possit non tam remittere, quàm impedire, ne postea debeantur. Ratio hujus differentię est; quia in tantum uxori, vel filiis oritur postea jus contra homicidam, in quantum hic per injustam violentiam eorum alimenta, & emolumenta impedivit; quando autem occisus in sui occisionem consentit, eo ipso actio illa non est violenta, adeoque nec ipse, nec hæredes ab emolumentis per violentiam impediuntur, quæ tamen hic ad obligationem restitutionis requiritur: Econtra qui non consentit in sui occisionem, & ipse, & ejus hæredes violentiam per eam patiuntur; hinc licet damna sibi illata possit remittere, modò fiat sine præjudicio creditorum; non

poterit tamen remittere damna aliis injustè illata : similiter non potest ante injuriam illatam remittere damna creditoribus secutura, quia aliàs ab hæredibus solutionem accepissent, & consentiens in illam remissionem peccat contra justitiam, & tenetur restituere : sicut, ut habet Lugo N. 72. si provocans ad duellum ex justitia deberet alteri alimenta, & ad vitam suam eum in finem conservandam teneretur, provocatus peccaret contra justitiam adversus tertium illum, occidendo provocantem ; quia cooperaretur ejus peccato injustitiæ : unde provocatum nec remissio tacita, nec expressa provocantis excusaret ab obligatione restituendi damna illata tertio.

C A P U T VII.

De injuriis corpori illatis per stuprum, & adulterium, orta quoque inde obligatione restituendi.

387. *Stuprum adulterium.* **N**Ota. Stuprum latè acceptum est omnis copula illicita ; minùs latè, est violatio virginis, vel viduæ per carnalem copulam facta, ipsâ consentiente ; strictè accepta est violenta, id est per vim, fraudem, vel merum injustum, aut reverentialem facta violatio, seu defloratio. Strictè acceptum aliqui dicunt esse deflorationem virginis, si hæc contenserit, si non. Adulterium est copula carnalis repugnans non tantùm castitati, sed etiam justitiæ, seu fidei conjugali ex parte unius, vel utriusque : violatur enim jus duorum conjugum, si committatur à duabus personis matrimonii vinculo aliunde

aliunde obstrictis , tumque præter malitiam castitati oppositam , duplicem continet contra justitiam. Si autem una tantum persona sit conjugata , hujus tantum conjux patitur juris læsionem.

Q U Æ S T I O I.

Quandonam corruptor virginis, seu mulieris non conjugatæ ei injuriam faciat, & teneatur ad restitutionem ?

Resp. 1. Qui sine fraude, vi, & metu in- 388.
justo talem induxit ad copulam, injuriam non *Si muli-*
fecit , & per se loquendo , ad nullam tenetur *et spontè*
compensationem : nam imprimis injuriam non *consen-*
fecit puellæ ; quia hæc potuit efficaciter *ce- sit, ad*
dere Jure suo , & liberè consentiendo re ipsâ *nihil te-*
cessit ; dein nec parentibus, sub quorum fortè *netur*
custodia, & patriâ adhuc potestate est, quique *violator,*
ideo infamantur, aut coguntur augere dotem ,
ut æquè honestè nubar ; quia filia potest abs-
que injuria parentum non nubere , aut nubere
inæquali , cum ad hoc habeat potestatem sui
corporis : ergo potest absque eorum injuria
impedimentum ponere melioribus nuptiis ,
adeoque deflorator, qui ex consensu filiæ im-
pedimentum ponit, etsi precibus & blanditiis
copulam obtineat, non peccat magis contra
Justitiam , quàm ipsa filia ; consequenter nec
ad restitutionem tenetur. Rebellus, & qui-
dam alii censent defloratorem quidem non te-
neri ad supplementum dotis ; teneri tamen
quoad fieri potest ad restituendum parentibus,
si crimen fiat publicum, honorem, & ad dedecus
familiz reparandum. Sed Sauch. & alii id
com-

communiter negant ; quia inhonoratio, & dedecus non sequitur per se ex actione , sed per accidens , & ex revelatione , & malitia aliorum : sicut quia infamatio ordinis religiosi non sequitur per se ex peccato religiosi , sed ex divulgatione ; religiosus præcisè peccando , v. g. peccato luxuriæ non lædit Jus religionis ad famam.

Dixi : *Per se loquendo , seu ex natura rei :* quia per accidens ad restitutionem obligari potest ex Justitia , v. g. ad augmentum dotis : ut, si occultam filix deflorationem revelet , aut per Judicium condemnatur ad multam pecuniariam. Cæterum in foro externo præsumitur virgo seducta , & deflorator cogitur eam dotare , vel ducere. Quod si re ipsâ tamen seducta non esset , teneretur defloratori restituere summam pecuniæ cum omnibus expensis litis ; quia processit fraudulenter ; & præsumptio non subsistit , adeoque nec sententia illi innixa. Idem est , si deflorator multaretur tanquam deflorator virginis , quæ re ipsâ talis non esset. La Croix N. 315. Porro si nata sit proles , eam à partu per triennium tenetur alere mater ; dein pater , donec possit proles sibi ipsi providere : Imò ab ipso partu tenetur pater , si mater non possit. Juxta La Croix mater tenetur ad Lac ; Pater verò ad reliqua admittit hoc Laym. L. 5. Tr. 10. C. 5. N. 5. Filium. Si proles. Sit legitima , quia vir accipit dotem , ut onera matrimonii sustineat ; Secus si proles sit illegitima. Quod si duo eandem cognoverint , & dubitetur , uter sit pater , tenetur uterque pro ratione dubii hoc onus subire ; cum uterque posuerit actionem per se generativam. Denique si hospitali proles fuit exposta, paren-

tes ei tenentur restituere expensas ; quia hospitale solum fundatum est pro pauperibus alendis , non pro aliis , nisi suo sumptu ; ita communis apud La Croix N. 159. Putant tamen aliqui hospitalia esse maxime instituta , ne proles occidantur ad tegendam infamiam , adeoque exponentes non teneri ad expensas.

Resp. 2. Qui per vim, fraudem, vel metum 389.
injustum à soluta obtinuit copulam absque promissione matrimonii gravem injuriam illi fecit, *Secus, si vi, vel*
tenereturque in conscientia compensare omnia *fraude*
damna compensabilia , ex copula de facto *inducta*
secuta , nisi violentiam passa spontè remittat. *est.*

Ratio est : quia mulier Jus habet servandi corpus suum , & extorqueus sic copulam causa est injusta damnorum illorum

Dixi 1. *Damna compensabilia :* nam pro ipsa virginitate , seu integritate corporis , cum nec pretio , nec aliis bonis inferioribus aestimari possit ; non tenetur ad aliquid, nec eam reparare potest.

Dixi 2. *De facto secuta :* Nam si puella præter jacturam integritatis nullum damnum sit passa , eò quod facinus manserit occultum, & non sit difficultas æquè benè nubendi , non tenetur nisi fortè ad petitionem veniæ pro injuria ; quia tunc facinus transit in meram injuriam , pro qua est quidem solvenda pœna post sententiam judicis , nihil tamen propriè restituendum , cum non sit injuria damnosa reparabilis , nec pro solo periculo debeat restitutio.

Dixi 3. *Nisi ipsa spontè remittat :* Nam sicut ipsa antecedenter ad damnum integritatis potuit cedere Jure suo absque injuria parentum propriè dicta , ita & post damnum illi
illarum

illatum potest cedere Jure suo ad compensa-
tionem.

Dixi 4. *Vel per metum injustum*. Nam si
justus fuit : uti si deflorator dixit, quodd vel-
let, nisi consentiret, eam accusare, de quo
justè accusare poterat, non tenetur compen-
sare damna ; quia ipsa consensit, ut hoc dam-
num evitaret. Sufficeret tamen metus reve-
rentialis conjunctus cum metu mali injustè in-
ferendi ; quia consensus non esset omninò vo-
luntarius. Porro violata non tenetur esse con-
tenta, quodd se violator offerat ad eam ducen-
dam uxorem ; quia debet ei manere libertas
nubendi, cui volet, habetque Jus, ut con-
stituatur in eo statu, ut æquè benè possit nu-
bere, ac si violata non esset ; quod si violator
faciat ; violata debet acquiescere, nec potest
exigere, ut is eam ducat, nisi aliter damna
compensare non posset ; quo casu nec tenere-
tur ducere, si esset magnus excessus ex parte
violatoris ; quia non est obligatio alia debita
solvendi, quando longè majus bonum debet
ex suis perdere, quàm sit debitum alteri, confor-
miter dictis.

390. Resp. 3. Qui solutam aliquam sub spe data,
Aut sub vel promissione matrimonii seu verâ, seu fictâ
promis- induxit ad copulam, per se loquendo, tenetur
sione eam ducere, etsi vim nullam intulerit. *Ratio*
matri- est ; quia promittendo sincerè, se explicite, &
monii? spem dando implicite obligavit violatæ, aliàs
non consensuræ ; fictè verò promittendo, etsi
non contraxerit obligationem vi promissionis,
utpote nullius ; attamen quia fictè promitten-
do injuriam fecit, hæcque in individuo repa-
rari, uti debet, non potest, nisi servando,
quod exterius promisit, tenetur id implere,
cum

tum altera pars jam impleverit, de quo conventum erat.

Dixi in responsione: *Per se loquendo*: Nam imò non teneretur ducere, si ob impedimentum superveniens ducere non posset. 2. Si ipsa præ matrimonio eligeret dotem. 3. Si ipsa illum graviter decepisset, v. g. simulans se nobilem, vel virginem, cum talis non esset; quia fraus fraude compensaretur. 4. Si postea fornicaretur cum alio, non inducta à violatore. 5. Si ipsa scivit se longè inferioris esse conditionis, vel potuit ex verbis, aliisque circumstantiis sufficienter advertere promissionem non esse seriam; quia tunc voluit decipi. 6. Si inter illas personas esset impedimentum matrimonii, in quo non solet dispensari: si enim dispensari soleat, tenetur violator petere dispensationem; quia, qui se obligavit ad finem, obligavit se ad media. Imò si violator fuisset obstrictus voto castitatis, aut religionis incun-
dæ, ejus obligatio in favorem Justitiæ suspenderetur, & teneretur violatam ducere saltem, si fuisset ignara voti, petitâ dispensatione in voto ad petendum licitè debitum. De his plura, ubi de sponsalibus. P. 4.

Q U Æ S T I O II.

Ad quid teneatur adulter, & adultera,
si proles ex adulterio
nata sit?

Resp. Si proles certò ex adulterio nata sit, 391.
teneretur 1. adulter alere prolem ab anno tertio, *Obligatio*
ut dixi de defloratore virginis, & deinceps, *utriusque*
donec sibi de alimentis providere possit: à
partu

partu ad tertium annum inclusivè tenetur uti dictum, ipsa mater ex *Cap. 2. de conversione Infid.* In defectu matris tenetur pater, & in hujus defectu mater. Si proles nata non sit, non est obligatio, nisi fortè petendi veniam, si crimen innotescat; quia injuria damnoſa non est in se reparabilis. 2. Adulter, & adultera per se loquendo, tenentur avertere omnia damna nata inde ſequi, & ſecuta ordinariè compensare, æquè primo, & in ſolidum; quia ratione adulterii ſunt cauſa æquè principalis injuſta illorum. Neque ratione ignorantiz excuſari poſſunt; quia omnes ſciunt damna inde ſequi.

Damna autem ſunt hæc: 1. imum expenſæ, quas conjux innocens facit in alimenta proliſ non ſux, ſibi ſuppoſitæ; & hæſ pro triennio à nativitate proliſ tenetur compensare adultera, deinceps verò adulter.

2. adum eſt damnum filiis legitimis proveniens circa hæreditatem paternam, vel maternam, ſi ſimul ad eam admittatur proles illegitima.

3. tium, quod proli ſpuriz obvenit ex hæreditate per aſcendentes, aut ab inteſtato ab uno ex legitimis, aut conſanguineis.

Molina inſuper obligat ad reſtituenda, quæ proli ſpuriz obveniunt à conſanguineis per donationes, factas tanquam conſanguineo, eò quòd ſupponentes ſpuriam per fraudem ad illa inducant. Lugo ad hæc non obligat, eò quòd per accidens ſequantur, neque ſuppoſitio eſt per ſe connexa cum donationibus.

*Cauſa
excu-
ſantes.*

Dixi: 1. Tenentur avertere, & compensare omnia damna per ſe loquendo: Nam ſi ut alii, ita adulteri ex variis cauſis excuſari poſſunt

ac

ac imò quidem, si ob inopiam compentare non possint. 2. Si restitutio, vel averfio damñorum fieri non possit, quin mater cum sua, vel gravi prolis infamiâ, aut vitæ magnæque discordiæ periculo, crimen occultum manifestet; quia tunc adest impotentia moralis, & obligatio restituendi temporalia non est, ubi gravis ja-ctura boni altioris ordinis subeunda est. imò revelatio criminis plerumque inutilis est; quia filius in possessione legitimæ nativitatæ non tenetur cum tanto suo præjudicio matri credere; nisi ita prober, ut Judex in foro externo cum posset declarare spurium, cum mater possit errare, aut ex malo in eum affectu id asserere. Si tamen spes esset, fore, ut si ius crederet matri, fratribusque esset satisfactorius, & crimen matris non revelaturus, teneretur filio manifestare; quia infamia apud filium tanta non esset, ut excusaret. 3. Excusatur, si maritus & filii legitimi prudenter præsumantur damna remittere; eò quòd, ob amorem matris, vel mutuum, malint alium habere coheredem, quam crimen matris cum infamia ejus, & familiæ detegi. Quòd si mater diceret liberis: unus ex vobis est illegitimus, & liberi ex amore matris nollent nominari, mater esset libera: si autem nollent nominari, quia singuli sibi timerent; mater non foret libera; quia legitimi injusto timore coacti remitterent.

Dixi 2. *Tenentur ordinariè æquè imò, & in solidum*: Nam si adulter pervium, aut metum injustum, vel fraudem copulam obtinuit ab adultera, aut irâ sollicitaverit, ut quo amodo invita consenserit, vel ex metu & ve-

Si mulier per vim coacta.

R. P. Reuter Theol. Mor. P. III. Oo pallio

tipalis tenetur in eo loco : & idem est , si adultera sic induxisset adulterum. Ceterum si ve adulter suaserit , si ve solum permiserit , ut mater filium spurium marito suo supponeret , tenentur ambo æquè in idem : Suasio enim est in commodum utriusque , & permissio adulteri censetur causa damni ; quia teneretur hoc impedire , & ipse alere prolem suam , perque adulterium imposuit matri quandam necessitatem spurium habendi inter legitimos. Quod si adulter non vellet , aut non posset damna compensare , teneretur sola mater quoad posset : potest autem saltem ex parte his modis : 1. mod. Bonâ sua paraphernalia relinquendo suis legitimis. 2. Diligentius laborando , quantum status permittit. 3. Parcius vivendo , & sumptus corporis cultui hactenus impenso minuyendo ; suadendo spurio , ut , si conveniat , religionem ingrediatur , & hæreditati renuntiet , vel officium suscipiat , in quo hæreditate non egeat.

Q U Æ S T I O III.

Ad quid teneatur adulter , & adultera in dubio , an nata proles concepta sit ex adulterio , vel ex quo cum pluribus ?

Resp. 1. Si mater intra breve tempus habuit copulam cum suo marito , & cum adultero , dubitetque , ex quo conceperit , probabiliter adulteri ad nihil tenentur. Itâ Scot. Gobar. Lugo , & alii ; quia in dubio præsumitur pro matrimonio , cui tanquam favor proles adjudicatur , ut habet communis : ergo proles , in pos-

possessione legitimitatis existens, ob dubium non est ea privanda, & quanquam parentes ejus sint in mala fide ratione adulterii, sunt tamen in possessione suorum bonorum. Nec videtur is obstat, quod in dubio, an ex incendio sylvæ, à te excisato, combusta sit vicina domus; teneatis pro ratione dubii; quia in hoc casu non est præsumptio pro contrario, quæ elidat rationem dubitandi, sicut est in priore.

Verùm sententiâ opposita, quam tenent Molina, Rebellus, Laym. & alii; quod adulter teneatur pro ratione dubii cum adultera, videretur probabilior; tum quia tam adulter, quam adultera malâ fide posuunt causam, ex qua apta sunt illa damna sequi, ortumque est periculum præiudiciale, quod maritus subit prolem alienam alere: tum quia in dubio de debito duorum, solvens lo alicui tertio, æquum non est unum obligare ad totum, dubium autem hæc est, an maritus an adulter debeat proli fortè spurgiæ; tum denique, quia in dubio non est magis favendum reo, quàm innocentî, quod hæc fieret: nam adulter actionem posuit de se damnificativam, qua coniecit maritum innocentem in periculum injusti damni, actu probabiliter securi, & adhuc secuturi.

Nec juvat, quod adulter sit in possessione suorum bonorum; nemo autem in dubio sit spoliandus re suâ: nam maritus etiam est in possessione suorum bonorum; an innocens magis spoliandus est suis?

Nec juvat iterum, quod præsumptio sit pro legitimitate prolis: nam est in gratiam prolis innocentis, quæ in foro externo censetur legi-

392.
*Teneatur
adulter
pro ra-
tione
dubii.*

tima, potestque, quâ diu aliud non constet, salvâ conscientiâ dividere cum legitimis hæreditatem: at non ideo liberatur adulter, & adultera, qui maritum & legitimos in certum periculum damni conjecerunt, quàm injuriam pretio æstimabilem tenentur pro ratione dubii resarcire.

993. *Etiâ adulteri pro qualitate dubii.* Resp. 2. Si certum quidem sit, prolem esse ex adulterio; sed incertum, ex quo de pluribus, quibus se commiscuit, adultera conceperit: tenetur adultera ad dimidium portionis hæreditariæ, legitimis prolibus subtrahæ: ad alterum dimidium unâ cum alimentis post triennium impensis, tenentur adulteri pro ratione dubii; quia certum est, unum esse patrem, & dubium est de singulis; ergo singuli tenentur pro ratione dubii, & in solidum in defectu aliorum.

Nec juvat, quòd in dubio, an fueris causa damni, ad nihil tenearis: nam, etsi verum id sit, si dubitetur, an actionem damnosam posueris; aliud tamen est, si certus sis de actione tua, & dubium sit, an ex ea per se damnum, damnum evenierit, quod constat esse secutum. Dein singuli hic sunt causa incertitudinis, quæ impedit, quominus compensatio ab uno determinatè exigi possit, & singuli, accedendo adulteram, consenserunt in eam.

Est quidem adultera, plures admittendo, potior causa incertitudinis, ob quam Lugo tenet, adulteram teneri ad omnia damna solam; adulteri tamen singuli consenserunt per copulam in omnem eventum damnosum, per consequens sunt causa injusta damni, quilibet enim cogitare potuit, & debuit, ex suo concubitu fortè prolem nascituram esse.

Resp.

Relp. 3. Ordinariè non tenetur adultera 394.
 revelare crimen suum pro averrendis damnis, *Revelat*
 vel compensandis. 1. Quia filius non tenetur *ratio a-*
 matri credere, etsi mater juramento id assereret, *adulteri*
 scireturque aliquando adulterasse, aut antè *an faci-*
 non habuisse prolem: constat enim matres *ex-enda?*
 pè errare, & impotentes esse in amore erga
 prolem unam, & odio erga alteram. 2. Ne-
 mo tenetur credere uni, etiam omni excepti-
 one majori, si ideo grave damnum subire de-
 beret; quia sic via panderetur fraudibus, men-
 daciis, perjuriis, & injuriis. 3. Quia rard tale
 crimen revelari potest sine periculo ultæ, infamiz,
 odii tum matris, tum filii, & adulteri,
 præsumiturque maritus adulteræ nolle scire cri-
 men uxoris, ne subeat dedecus, periculum
 odii, vindictæ, tristitiæ. 4. Quia filii censetur
 malle amittere aliquid de bonis fortunæ,
 quàm matrem suam infamari, aut ejus crimen
 manifestari, ex quo ipsius infamia, & alia mala
 sunt eventura.

C A P U T VIII.

De Injuriis in fama, & honore,
 orta que inde obligatione
 restituendi.

Q U Æ S T I O I.

Quid sit fama, & honor, & quibus *395.*
 actibus violetur? *Occultè*
nocens
ius retia

SUppono tanquam certum, quod etiam no- *net ad*
 cens, quamdiu delictum ejus est occultum, *famam*
per suam.

per se loquendo. retineat jus ad famam, nec id
revelari possit sine ejus injuria; nisi aliud bonum
commune, aut privatum exigat, vel permittat:
id enim tenent omnes Theologi cum S. Th. 2. 2.
q. 73. a. 1. ad 3. habetque sensus communis
Fidelium non omnino nudum, praxisque Con-
fessorum, qui poenitentes, delictum occul-
tum proximi revelantes sine rationabili causa,
obligant ad famæ reparationem. Atque eos
ex justitia ad eam obligari, non invenio, qui
dubitet.

Ratio autem est: quia id bonum commune ex-
igit: nam 1. Cum primum sit, hominem labi,
si nocentes intelligerent, amittit se jus ad fa-
mam, posse delicta sua occulta revelari, cum im-
plerique abjicerent de bono nomine, & in de-
spirationem acti de eo conservando, longè li-
berius ruerent in pericula, à quibus eos valde re-
trahit non tantum timor infamiae.

2. Ex sententiæ oppositæ praxi sequerentur
perpetuæ dissensiones, rixæ, odia, vindictæ.
Unus enim denigratus ab alio, & hujus
labes, & occulta delicta revelaret sine remor-
su conscientiae, ex quibus quæ confusio se-
queretur in humana Republica, nemo non
videt. Profectò, si ante legem illam natura-
lem non revelandi sine justa causa delicta pro-
ximi occulta, consulti fuissent homines, quid
ea in re statuendum esset, omnes unanimi
consensu decrevisset, ut lapsò in delictum
occultum maneret jus ad famam suam, utpote
non ignari, quemque labi posse, & id ad bo-
num commune esse necessarium; unde & Deus
non potuit non ferre legem illam de non re-
velandis occultis proximorum delictis, nisi ad-
sit causa justa, secundum dicta. Quare do-
ctrina

Œtina communis habet, non possit citra injuri-
am delictum occultum proximi revelari viro pru-
denti & taciturno, ubi deficit rationabilis causa;
non posse sine detractioe Religiosum sui Con-
fratris delictum occultum, jam plenè emenda-
tum, deferre ad Superiorem, tanquam Patrem;
non posse te proximi delictum occultum denun-
tiare Ecclesiæ sine prævia correctione fraterna,
ubi delictum non cedit in detrimentum boni
communis, & spes æqualis fructûs est ex pri-
vata fraterna correctione, juxta illud Christi
Domini Matth. 18. *Si peccaverit in te frater
tuus, corripe eum inter te, & ipsum solum:
si audierit te, lucratus es fratrem tuum; si au-
tem non audierit, adhibe tecum unum, vel
duos; quod si non audierit eos, dic Ecclesiæ,*
id est, Prælato, cui incumbit sollicitudo, &
regimen animarum, non verò Senioribus, ut non
itâ pridem exposuit Jurista quidam contra comu-
nem interpretationem Doctorum Catholicorum.
Prætereo plura in hanc materiam alia, quæ vel
mediocriter in Theologia versatis perspecta
sunt.

Quare audiendus non est, qui anno 1749. die 19. Septembris pro inauguratione Doctora-
li Juridica inter aliàs produxit has Theses ex
Jure Civili duo. *Expen-
duntur
theses.*

IV. Ordine. *At eum, qui occultè nocentem
aliis modis, sive scripto, sive dicto etiam ali-
bi, quàm coram Magistratu infamavit, eam
obrem condemnari non est bonum æquum.* L.
18. ff. De Injuriis.

V. *Cum nemo nocens habeat porrò jus ad
famam suam, licet ei non negem simplicem
facultatem tuendi famam.*

VI. *Hinc veritas convicii absolvit infamantem,*

mantem, nullo facto discrimine, an referat. Respublica peccatum illud notum esse, nec ne.

VII. Imò fides veri, id est, erronea falsaque infamantis credulitas excusat injuriantem, si probet hanc negativam: non dixi, conviciandi consilio, qui est genuinus intellectus Legis §. C. De Injur.

Expendat prudens Lector jam antè dicta. Thesesque has conferat, cum propositis ex universo Jure pro utriusque Juris Doctoratu anno eodem, die 13. Augusti, de consentu fori interni, sive poli, cum foro externo, sive fori & eas cum aliqua veri apparentia connectat. Theses hæ erant in Cap. 1.

XXIV. *Regulam esse: Omnem legem justam pro foro externo esse pariter justam pro foro interno.*

XXV. *Idque etiam verum esse in lege absolvente. In Asterisco addit: Dicendum erit, si in emptione, venditione latio ultra dimidium non intervenerit, ad resarciendum damnum non dari obligationem etiam in conscientia. Ratio datur, quòd pro bono communi Legislator voluerit collare obligationem in conscientie foro.*

XXVI. *Nec referre, quod Constitutio absolvens: quosdam cives videatur dura.*

XXVII. *Unica hic exceptio admittenda est, nempe: Si paritio subditi foret manifestè peccaminosa.*

Harum, & priorum Thesium eundem esse Anchoram, qui dubitat, consulat stylum Scribentis.

Sequitur autem ex illis imò, cum, qui occultè nocentem infamavit, etiam alibi, quàm coram Magistratu, condemnari in foro conscientie.

scientiæ, non esse bonum æquum ; quia *Lex justa in foro externo justa est in foro interno, & nemo nocens habet porro jus ad famam.*

Sequitur 2. Quòd, qui occultè nocentem conviciatus est, veritas convicii absolvat eum non solum in foro externo, sed etiam in foro interno ab obligatione reparandi famam, & honorem, etsi non referat, Reipub. peccatum illud esse notum ; quia justum in foro externo justum est in interno.

Sequitur 3. Quòd, sicut fides veri, id est, erroneæ, falsæque infamantis credulitas, excusat injuriantem in foro externo, si probeat hanc negativam : *Non feci conviciandi consilio* ; ita absolvat eum in foro interno, adeoque non teneatur ad famæ, vel honoris reparationem obligationem datam.

Sequitur 4. Quòd emptor, si per dolum malum, vel fraudem deceperit venditorem infra dimidium, sicut in foro externo, ita & interno absolvatur ab obligatione injuriam reparandi, si fraus non probeatur.

Sequitur 5. Quòd malæ fidei possessor, si auctore non probante absolvatur in foro externo, absolutus sit in foro interno conscientie &c.

Quæ omnia viam aperiunt fraudibus, detractionibus, conviciis, aliisque peccatis innumeris, tamque sunt absurda, ut mirum sit, principia, ex quibus fiunt, astruere, potuisse venire in mentem docti & prudentis hominis. Sed de his satis. Vide P. 1. sub N. 156. quæ 396. ratione lex justa in foro externo sit justa in interno. *Nunc ad questionem.* quid, &

Resp. 1. Fama est existimatio multorum *quorum* de vita & moribus alterius. Dicitur Fama à *plex* ? fando,

fando ; quia fundamentum est humani de aliâ quo sermonis. Dividitur in malam & bonam. Mala est existimatio sinistra de aliquo ob aliquod ejus malum , seu maculam , præsertim moralem. Bona , est existimatio bona multorum de aliquo , fundata in ejus bono , principaliterque in ejus virtute , ac sapientiâ , movente ad bonam existimationem de eo. Dico : *Principaliter* : nam secundariò nîi potest ejus ingenio , bonâ indole , nobilitate , robore , dexterritate &c. Rectè notat Lugo Disp. 14. N. 1. Opinionem unius de aliquo famam dici particulare n , sicque dici posse , famam esse bonam opinionem de aliquo ob aliquod ejus bonum.

397.
Honor,
laus,
gloria.

Resp. 2. Honor formalis est testificatio quzdam de excellentia alterius.

Dixi 1. *Honor formalis* : nam fundamentalis & objectivus est ipsa excellentia , digna æstimatione , hujusque testificatione.

Dixi 2. *Testificatio* ; quæ si fiat verbis , dicitur *Laus* ; hæc verò si clarescat , seu ad notitiam veniat plurimorum , dicitur *Gloria* , id est , clara cum laude notitia ; si fiat aliis signis v.g. cessione primi loci , inflexione corporis , depositione pilei , genuflexione , erectione statuar &c. dicitur *Honor* : si fiat cum aliqua submissione ad alterum tanquam Superiorem , dicitur *Reverentia* , cultus , veneratio.

Dixi 2. *Testificatio quædam* ; quia juxta aliquos cum Lugone , honor non necessariò est cum submissione & reverentia , ed quòd Deus dicatur honorare Sanctos , & Reges suos ministros honorent. Alii cum Lessio volunt , honorem semper esse cum reverentia & submissione , & Sanctos à Deo non honorari , sed hono-

honorificati, id eft, fieri alijs honorabiles. Haunold, putat, honorem femper eſſe vel cum ſubmiſſione teſtificantis excellentiam alterius, vel ſaltem cum intentione aut iudicio de ſubmiſſione illi ab alijs exhibenda; ſed lis eſt de voce.

Dixi 4. *Excellentia*, id eſt, bonitatis, vel perfectionis, propter quam, per ſe loquendo, dignus ſit æſtimatione, & hujus manifeſtatione: nam per teſtificationem excellentiæ, in qua honor ſimilis conſiſtit, debet intendi non tantum manifeſtatio excellentiæ, ſed etiam æſtimationis, quam quis habet de excellentia alterius; aliàs honor ſimulatus eſt, & minus bonum, quàm fama.

Aldidi: *Per ſe loquendo*; nam, licet demones habeant multas excellentias naturales; honorari tamen non poſſunt; quia reddunt ſe dignos omni ignominiâ per odium perpetuum Dei, & obſtinationem in malo. Cæterum honor erga homines debet eſſe teſtificatio externa; quia interna non intuemur; honor autem erga Deum poteſt eſſe teſtificatio merè interna; quia & hanc intuetur Deus. Honor, prout includit famam, eſt majus bonum, quàm fama: prout diſtinguitur à fama, eſt minus bonum; quia melius eſt internè haberi pro bono, quàm externè tantum ſignificari bonum, & internè haberi pro malo. Ex his patet, quòd dehonoriatio ſit teſtificatio quædam mali, ſeu imperfectionis in alio cum ſignificatione ſuz malæ exiſtimationis de illo.

Reſp. 3. Fama aliena læditur iudicio temerario, ſuſpicionem, dubitationem, opinionem *Quibus* temerariâ, detractiōe, ſuſurratiōe, & libel- *lædat ſe*
lo Fama.

lo famoso : honor autem contumeliâ. Explico actus singulos :

399. *Judici-*
um te-
merari-
um, sus-
picio, du-
bium,
Uo.

1. *Judicium temerarium* est firma, ac determinata de labe proximi sententia, levibus innixa indiciis, vel: firma sententia de defectu proximi, nitens levi conjecturâ. Dicitur: *Firma sententia*, id est, assensus sine formidine de opposito, vel, ut ait Haun L. 2. N. 515 Assensus cum firmitate itâ, ut ex modo tendendi non velit quis ab eo recedere, nec ultra investigare, sed ex illo procedere ad actiones circa talem rem, vel personam. Dicitur: *Innixa levibus indiciis*; quia, si fiat secundum regulas prudentiæ, & meritum motivorum, hîc & nunc occurrentium, rectum, & non temerarium erit.

2. *Suspicio temeraria* est debilis adhesio; saltem inchoata, cum magna formidine de opposito, orta sine convenienti motivo; vel: assensus inchoatus, quo quis inclinat in unam partem, judicans subesse fundamentum opinandi.

3. *Dubitatio* est suspensio quædam intellectus ab utriusque partis assensu cum judicio, saltem virtuali, de incertitudine; vel: quia pro neutra parte est sufficiens motivum; vel: quia præsentem pro utraque parte suffienti motivo, voluntariè quis se cohibet ab alterutra parte judicanda, sine sufficienti ratione non interpretando in meliorem partem.

4. *Opinio*, ut hîc accipitur, est judicium de labe proximi itâ hæsitans & formidolosum, ut, si assentiens interrogatus reflecteret, diceret, rem non esse certam: unde dicitur assensus determinatus de labe proximi, sed infirmus, & conjunctus cum formidine de opposito. Per labem

labem proximi intelligitur defectus proximi vel moralis, vel naturalis, ratione cujus persona aliqua certa possit vilipendi. Levia indicia dicuntur, quæ non sufficiunt ad probabile, seu prudens judicium. Temeritas dupliciter admitti potest: nempe, vel advertendo, quòd indicia sint insufficientia, vel tantùm nolendo inquirere, an sint sufficientia; advertendo ramen obligationem inquirendi: & ità plerumque fit, dum admittitur temeritas, pro qua vitanda indicia non sunt desumenda à priori ex difficultate, & raritate innocentiz humanæ, vel majore numero malorum; sed à posteriori ex signis particularibus datis ab eo, qui judicatur habere vitium: neque enim ex eo, quòd plures sint mali, quàm boni, rectè arguitur, quòd hic determinatè sit malus.

5. *Detraçtio* est famæ alienæ injusta & plerumque clancularia apud alios diminutio, sive jam dir. &c. intendendo infamiam, sive indire. &c. fit. Dicitur: *Diminutio fama injusta*: si enim fiat ex iusta causa per labis veræ revelationem, non est detractio. Dicitur: *Clancularia*; quia, si fiat præsentì, erit contumelia; dicitur plerumque clancularia; quia, si cui crimen in faciem coram aliis objicias, est contumelia, & simul detractio, quæ erit calumnia, si crimen falsum affingatur.

6. *Susurratio* est revelatio eorum, quæ pacem & amicitiam inter familiares perturbare nata sunt. Et quia, hoc qui faciunt, plerumque tacitè, seque leniter insinuando facere solent: hinc à comparatione cum vento, leniter spirante, dicti sunt susurriones.

7. *Libellus famosus* est scriptura, continens labem alterius secretam, eo fine facta, ut labes publica fiat; qualis non esset Epistola ad pri-

privatum directa, labem alterius occultam continens. Potest tamen esse etiam signum aliud æquivalens, ut suspensio cornuini, facta ad fores alterius, ut adulterium uxoris ejus occultum significetur.

8. *Contumelia* est læsio alieni honoris injusta, seu alieni honoris injusta diminutio, vel restitutio de proximi vitio morali, vel naturali: fit plerumque præsentī, fieri tamen etiam potest absentī: ut, si dehonores alterius effigiem, ejus litteras, spectantibus aliis, ex contemptu conjicias in ignem, vel conculces, aut dilaceres.

Q U Æ S T I O II.

Quale peccatum sit Judicium, Opinio, Suspicio, & Dubitatio temeraria?

400. *Judicium temerarium ex genere suo mortale.* Relp. 1. Judicium temerarium de labe proximi ex genere suo est peccatum mortale contra Justitiam. *Ratio est;* quia temerè tollit in suo subjecto bonam de proximo existimationem, ad quam ille jus habet, idque disponit efficaciter ad agendum contempribiliter cum eo, sicque radix est contemptus & dehonorationis; ideoque homines merito, ubi materia est gravis, inviti sunt graviter contra se suscipi tale judicium. Quia tamen & materia esse potest levis; hinc est peccatum mortale tantum ex genere suo, non verò ex genere toto. Patet in simili de detractione, quā tollitur, vel minuitur bona existimatio proximi in audiente. Est tamen peccatum unum specie infimum; quia ejus malitia sumitur ex eo, quòd quis apud se ladat existimationem de pro-

proximo, quo merè materialiter se habet diversitas materiæ, sicut diversitas materiæ merè materialiter se habet in ordine ad furtum.

An distinguatur specie à detractiōe, dubium est: negat Molina; quia non apparet diversitas, sive apud me, sive apud alium proximi famam lædam. Affirmat Lugo hic N. 33. eò quòd per iudicium temerarium non tollatur fama radicalis, seu notitia habitualis de bono alterius, sed solùm fama formalis, seu assensus aliàs procedens ab habituali notitia: qui enim temerè iudicat, satis advertit, deesse sufficientia indicia, adeoque faciliè recuperat bonam existimationem. At per detractiōem tollitur utraque fama apud audientem, ità, ut non redeat bona existimatio, nisi ab extrinseco meliùs informeretur. Verùm hoc ad prax n parum faciet: temerè enim iudicans non potest in Confessione dicere, se detraxisse, cùm aliud peccatum per hoc intelligitur.

Resp. 2. Ut iudicium temerarium sit peccatum mortale, hæc quatuor condiciones requiruntur. 401.

1^{ma}. Debet esse firmum, & citra dubium; Quatuor con-
aliàs faciliè deponitur, & non tollit famam no- ad illius
tabiliter. gravita-

2^{da}. Debet esse plenè deliberatum, & vo- tem re-
luntarium: unde non peccat graviter, qui ad quisita
motivorum insufficientiam plenè non advertit, vel negligentiam tantùm levem committit in repellendo iudicio; vel si advertat, motiva esse insufficientia, voluntate tamen iudicium non admittit, vel non approbat: firmitas enim iudicii ab actu voluntatis provenire debet.

3^{ia}. Debet esse in materia gravi de persona determinata, seu physicè, seu moraliter
una

una : si enim materia gravis non sit , nec grave nocumentum infertur : uti nec , si persona non sit determinata , aut incognita : unde , qui temerè judicaret , omne juramentum esse peccatum mortale , & dum alium audit jurantem , judicaret illum peccare mortaliter , non peccaret graviter suo judicio ; quia temerè judicaret actionem ; hanc verò non tribueret temerè personæ. Similiter , qui temerè judicaret , peccatum grave esse commissum , non designando , à quo commissum fuerit , vel designando aliquem in particulari , quem non novit , nec agnitus est , non peccat mortaliter ; quia nulli infert nocumentum grave in fama. Idem est , si videres à longè larvatum , nec agnitum , nec agnoscendum , quem judicares temerè esse impudicum ; quia per judicium non læderes ejus famam , ut est hic homo , cum non agnoscis ut talem ; sed sub communi ratione hominis , quo non obstante adhuc bene sentis de eo in particulari , ut est hic homo. Aliud foret , si talem vulnerares ; quia vulneratio non præscindit , sed physicè afficit personam individuum.

414. Debet esse notabilis temeritatis , nempe nixum levibus indiciis : si enim motiva facerent rem valde credibilem , malitiâ mortali careret ; quia inter judicium valde probabile , & moraliter certum , quod excusat à peccato , non est magna differentia. Hinc gravem injuriam non faceret , qui etiam firmiter tunc judicaret.

Hæ quatuor conditiones , quia rarò adsunt omnes , dum quis sinistrè de proximo judicat , hinc DD. plerique norant , rarò peccari mortaliter per judicia temeraria. Porro temeritas

hæc

hâc regulâ deprehendi potest : si indicia de se sint indifferentia , vel rarò conjuncta cum tali defectu temerarium est , cum ex illis colligere si autem ; ut plurimum sint cum eo conjuncta , temerarium non erit : possunt tamen aliqua esse sufficientia respectu unius personæ , vel materiæ , & non respectu alterius . Sic fores temerarius , si ex nomine baptismali , aut ex deformi à natûra corpore judicares , aliquem esse malum , aut ex rumore vulgi crederes labem in viro probo , aut si author rumoris esset nimis liber in loquendo , vel malè affectus , vel speraret commodum ex proximi depressione . Econtra non esses temerarius , si audiens aliquid à viro probo & fide digno crederes , multò minùs , si suspicareris , aut dubitares : minus enim requiritur ad prudentem dubitationem , vel suspicionem , quàm ad prudens judicium ; cum plus sit judicare , quàm suspicari , vel dubitare .

Resp. 3. Temeraria suspicio , opinio conjuncta cum formidine , seu judicio de incertitudine , dubitatio de labe proximi , ordinariè sunt peccatum tantùm veniale . Ita AA. communiter cum S. Th. Q. 60. A. 3. Ratio est ; tum quia ob debilem , & facilè mobilem adhesionem ordinariè leve tantùm damnum proximo afferunt , cum famam non tollant , sed tantùm minuant & dubiam reddant .

402.
Temeraria opinio, suspicio ordinariè est veniale tantùm.

Dixi 1. *Suspicio temeraria* ; quia , quando adsunt probabilia indicia , licitè possum dubitare etiam positivè , seu judicare , dubium esse : nemo enim potest esse rationabiliter invitus , si judicem , dubium esse , quod verè dubium est . Potest etiam tunc suspendi judicium ; quia nemo tenetur se exponere periculo erran-

di. Quodsi utrimque sint indicia probabilia , utramque partem probabilem esse judicare potes : ex eo enim , quod judices , proximum esse probabiliter malum , non licet affectum & actiones suscipere in præjudicium ejus : si que determinatè judicares esse malum , peccares contra Justitiam ; quia proximus est in possessione famæ : in æquali autem causa melior est conditio possidentis. Hinc axioma : *Dubia in meliorem partem sunt interpretanda* , id est , in dubio de probitate nemo judicandus est malus , donec debitè probetur esse talis ; non quod teneam judicare esse bonum , sed vel suspendere judicium , vel saltem non absolutè judicare esse malum.

Dixi 2. *Ordinariè* ; quia potest suspicio , & opinio ob excessum temeritatis (quæ vel ex malitia propria , vel ex odio & invidia sæpe provenit , dum facile judicamus malè de iis , ad quos malè afficimur) & enormitatem criminis proximo impositi ; esse mortale peccatum : gravius enim apparet , famæque nocet ex levissimis indiciis suspicari , vel putare etiam cum formidine virum sanctum , hominem Religiosum esse incestuosum , hæreticum , sodomitam &c. quàm alium de plebe firmiter judicare esse fornicatum. Sed rarè adest circumstantia sic augens temeritatem : hinc ordinariè suspicio venialem culpam non excedit.

His non obstantibus licet sibi consulere , & damna præcavere ex justo timore : v. g. peregrinus intrat domum tuam , vel domi tuæ pauperem alis : hunc etsi positivè judicare non possis esse furem ; potes tamen res tuas in tuto collocare ; quia hoc non fit ex suspitione , aut judicio temerario de hoc homine ; sed ex justo timore.

timore, fundato in certa scientia, quòd inter homines sint aliquando furaces, qui tales non existimantur, quodque occasio quandoque faciat furem; adeoque prudenter judicas posse contingere, ut damnum patiaris: ergo prudenter caves, ne id contingat. Ita Lugo.

Q U Æ S T I O III.

An, & quando Detractio, Contumelia sint peccata mortalia, & quot modis fiant?

Resp. Detractio ex genere suo est peccatum mortale in iustitiæ, unum specie infima, majus furto, minus homicidio. *Ratio 1^a partis* 403.
Detra-
ctio ex
genere
suo
mortalis. est; quia damnum grave per eam famæ inferri potest, quod repugnat iustitiæ. *Ratio 2^a de partis* est; quia malitia detractionis consistit in violatione juris, quod proximus habet ad famam suam; quòd autem detractio fiat imponendo falsum crimen, vel revelando verum, hoc vel illud, diversitas tantum materialis est in ordine ad iustitiæ. *Ratio 3^{ta} partis* est; quia fama est majus bonum, quàm bona fortunæ, & vita nobilior bonum, quàm fama;

Potest autem fieri detractio vel directè, vel indirectè intendendo diminutionem famæ, *Fit 3.
modis.* idque 3. modis:

1. Imponendo falsum crimen, & dicitur Calumnia.
2. Revelando verum, sed occultum.
3. Amplificando, seu augendo verum crimen, occultum solùm quoad augmentum.

4. Sinistrè interpretando bona proximi opera, quasi facta sint sinistrâ intentione.

5. Negando rectè facta, vel dotes alterius cum famæ ejus jactura.

6. Eadem extenuando.

7. Tacendo, ubi silentium censetur vituperatio.

8. Simulatè, & frigide laudando cum boni nominis jactura: unde potest fieri verbis, Scripturâ actione & omissione, libello famoso, & susurratione: si fiat libello famoso, est detractio gravissima; quia diffunditur latius, & hæret diutius. In authores talium libellorum statuta est pœna capitis à Jure Civili *L. unica Cod. de libellis famosis*, & à Jure Canonico Pœna flagelli: ab Alexandro IV. Pœna excommunicationis in eos, qui tales edunt contra Ordines Religiosos. Si fiat susurratione, est peccatum gravius, quàm simplex detractio, & contumelia; quia pax & amicitia est bonum famæ & honore nobilius: estque susurratio non raro causa odii, invidiæ, aliorumque peccatorum.

404.
Contumelia.

Resp. 2. Contumelia est quoque peccatum contra Justitiam ex genere suo mortale, specie distinctum à detractioe; ejusdem tamen speciei moralis in ratione specialis injustitiæ. *Ratio 1^{ma} partis* est; quia quivis habet jus strictum, ne sine justa causa honor suus lædatur, potestque inhonoratio esse ex objecto suo gravis. *Ratio 2^{da} partis* est; quia honor est bonum à fama notabiliter diversum. *Ratio 3^{ta} partis* est; quia contumelia omnis est contra idem bonum, seu jus, ne dignitas minuat.

Dixi: *In ratione specialis injustitiæ*; quia, si per contumeliam lædatur simul alia virtus, aderit

aderit nova etiam species malitiæ; ut, si fiat animo proximum commovendi ad iram, si fiat parentibus, vel Deo, aut Sanctis &c. imò & intra genus injustitiæ novam speciem habere potest: ut, si proximus simul in fama, vel bonis fortunæ lædatur.

Porro contumelia fieri potest primò negativè per omissionem honoris hîc & nunc debiti, redundantem in proximi vilipensionem apud alios, quod addo; quia secundùm dicta Num. 28. aliàs nemo strictum jus habet ad positivam honorationem. 2. Fieri potest positivè, tum factis, tum verbis, absenti, vel præfenti. Si fiat alteri objiciendo defectum, vel vitium in faciem, vel objiciendo indigentiam, in qua ei succurristi; dicitur improprium: si præfens vel absens, dictis vel factis cum vilipensione objiciatur risui; dicitur irrisio: si objiciatur risui cum aliqua ludificatione, vel deceptione; dicitur illusio: ut, cum Judæi Christo, velatâ facie, illudebant: si objiciatur risui per gestus, aliosve indecoros motus corporis; dicitur subfannatio: sic Judæi subfannabant Christo, moventes capita, & dicentes: *Vah! qui destruis templum Dei*: si fiat objiciendo defectum naturalem; propriè dicitur convicium: si fiat præcisè objiciendo culpam; dicitur contumelia. His injuriis aliquando accedit maledictio, quâ alteri optatur malum.

Relp. 3. Detractio, & contumelia est peccatum mortale, quando in fama, & honore creatur grave damnum, hoc est tale, quod spectata communi hominum complexione, aptum est causare magnam contristationem, vel amicitiam dissolvere, secundùm dicta N. 894. Secus per se sunt peccatum tantum veniale:

Hoc autem ut rectè discernatur, non debet spectari sola materia, sed simul qualitas personæ, quæ detrahit, & cui detrahitur; defectus, qui narratur, vel obijcitur; & varia auditorium dispositio: nam licet revelare de aliquo occultum peccatum mortale, sit materia gravis secundum se detractionis, & peccatum veniale materia levis; attamen de gregario milite dicere, quod habuerit duellum, fuisse ebrium, non est detractio gravis: dicere autem de religioso, perfectionis valde studioso, eum solere mentiri, est detractio gravis; quia huic, non illi, inferitur detrimentum grave in fama. *Ex dictis deduco sequentia.*

407.
Corollaria.

1^{mo}. Detractio gravis est, si de aliquo dicas, quod sit adulter, idque licet probabilia de eo essent indicia; quia graviter nocet famæ: neque enim hoc ipso intelligitur tua de eo incertitudo, formido, vel dubium, ob quod à mortali excusatur opinio formidans. Si diceres probabile esse, quod sit talis, quamquam excusari posses à mortali; quia tantum ingenerares suspicionem, vel opinionem formidolosam: attamen est peccati mortalis periculum, nisi certum sit, quod alter non sit firmiter crediturus, nec id divulgaturus.

2. Grave est dicere de muliere Galla; Hispana, Itala, item de Germana primæ, vel mediæ fortis, quod sit ebriosa; quia habetur pro magno probro.

3. Grave communiter est dicere de viro magnæ authoritatis, qui famam habet, vel habere debet boni iudicii, & prudentiæ, quod sit scrupulosus, seu inanes habeat peccati apprehensiones; & orram inde anxietatem; quia per hoc significatur defectus iudicii naturalis,

&c

& prudentiz, quod meritò displicer graviter tali perfonæ, poteftque ei gravia damna caufare. Aliud effer, fi per fcrupuloſitatem intelligeretur exacta cura conſcientiz, vel id diceretur de homine juvene, vel indocto.

4. Grave eſt dicere de aliquo, quòd laboret morbo gallico, niſi addatur cauſa rationabilis inculpata talis morbi, quia communiter oritur ex vitio carnis. A mortali tamen probabiliter excuſat Nav. quia & ex aliis cauſis oriri poteſt: unde non poteſt ex dicto tuo oriri niſi ſuſpicio, vel iudicium incertum.

5. Grave eſt defectus leves de aliquo apud eodem tot revelate, ut notabiliter lædatur ejus fama, idque, licet fiat intra longum tempus. De diverſis tamen levia dicere mortale non eſt, niſi in communis redundet infamia gravis.

6. Grave eſt, ſi alicui, ab aliis, vel à te jam ante per leves detractones diſſamato, etſi necdum graviter, per detractiorem addas defectum etiam levem, unde gravis conſurgat infamia; quia cauſa eſt, ut famam adhuc ſimpliciter bona, ſitam in iudicio indiviſibili poſſidens, eam privetur, adeoque cauſa eſt novi damni gravis: ſicut qui vulnerato multis levibus vulneribus addit leve, quo accedente fit læſio lethalis, & mors ſequatur. Secus eſt de eo, qui furatur aliquid leve ab eo, cui per levia furta ablata ſunt aliqua; quia non eſt cauſa damni gravis. Et ratio eſt; quia vita conſiſtit in indiviſibili, uti & infamia gravis in iudicio indiviſibili de gravi alterius labe.

7. Grave eſt dicere de aliquo indeterminato ex aliquo v. g. monaſterio, quòd commiſerit Simoniam, vel adulterium, ſi inde gravis infamia redundet in monaſterium, quod ex circum-

stantiis colligendum est: neque enim semper est grave cum hominibus satis constet in communitatibus etiam religiosis fuisse impios, & deteruisse ordinem. Hinc apud prudentes ex unius malitia non maculatur saltem graviter monasterium, sicut non maculatum est collegium Apostolicum proditione judæ, maculatur tamen apud simplices, quibus scandalo esse solet.

8. Grave est dicere de Medico peritissimo, quod sit ignarus: dicere autem de homine vulgari, quod sit stupidus, parvi judicii, per se loquendo grave non est; quia hæc non reputatur infamia apud prudentes.

9. Grave saltem non est, revelare crimina alterius occulta minora, ordinariè conjuncta cum majore jam publico: ut, si dicatur de ebrioso, quod rixetur cum uxore; quia talis revelatio, aut nova infamia non est, aut saltem non gravis. Fieri tamen posset, ut grave foret, novum crimen revelare ejusdem generis: ut, si diceres de viro honesto, quod secundâ vice sit fornicatus; quia primus lapsus potuit censeri fuisse factus ex fragilitate, passione, occasione extraordinariâ; quando autem dicitur repertiisse, facile judicabitur esse ei vitio deditus. Regula itaque generalis est videre, an magna inde sequatur infamia: Fama enim divisibilis est.

10. Grave non est detrahere in re gravi cum animo statim revocandi, modo sciatur revocatio satis profutura; quia proximus non potest esse graviter invitus, quod tantillo tempore careat bonâ æstimatione apud alios: sicut per se grave non est auferre rem alienam cum animo statim restituendi.

11. Grave non est dicere aliquid grave de aliquo, quem audientes non noverunt, nec agni-

agnituri ſunt ; imò hoc culpâ omni vacare poteſt.

12. Etſi non ſit ſemper grave referre audita, ut audita, nempe dubitanter ſine aſſe-
ratione ; quia non tollitur fama abſolutè, ſed
tantum ſemiplenè : poteſt tamen etiam eſſe
grave ; ut, ſi audientes ſint credituri, aut di-
vulgaruri tanquam indubitatum. Si eo modo,
allegatis tuis authoribus, referres occultum cri-
men alterius, ut auditores meritò induceren-
tur ad credendum : peccares graviter contra
Juſtitiam, tenererisque ad reſtitutionem ; quia
eſſes efficax cauſa damni. Si verò non refer-
res eo modo, prævideres tamen, auditores
ex ſua levitate, vel malitia firmiter creditu-
ros ; peccares graviter contra charitatem, non
tamen contra Juſtitiam ſecundum Lugonem
graviter ; quia non eſſes cauſa efficax damni
gravis.

13. An damnato detrahere ſit contra Juſti-
tiam, controvertitur. Negat Molina, & Haun.
eò quòd non ſit amplius proximus, & lex ei
non aſſiſtat. Aſſeruat Lugo, eò quòd in tan-
tum ſit adhuc proximus, quod nobis in na-
tura ſit conjunctus, retineatque Jus ad famam
non minus, quàm ut non procuremus majore
illi pœnam. Fortè detrahens damnato ex-
cuſari poterit, eò quòd hic, jam confuſione ple-
nus, famam apud nos non æſtinet. Cæterum
deſuncto, de cujus damnatione non conſtat,
detrahere non minus peccatum eſt, quàm de-
trahere vivo.

408.

14. An ſit mortale delictum verum occultum grave proximi referre viro prudenti, &
taciturno, dubium eſt. Aſſeruat communior, & probabilior. Ratio eſt ; quia proximus non

*Revelatio
re viro
pruden-
ti cri-*

men al-
terius,
an sit
culpa
gravis?

minus rationabiliter est invitus graviter, quàm si in re gravis de e, temerè judicares: cujus ratio à priori est; quia detractio, apud unicum facta, tollit famam habitualement, vel impediendo species impressas de bonitate proximi, inclinantes ad benè judicandum de illo: ingenerat enim species contrarias, quibus impediuntur, & vincuntur species priores; aut saltem faciendo, ut voluntas Judicium de proximi bonitate non imperet: sicque tollit famam radicalement, estque gravius peccatum, quàm Judicium temerarium, quod tantum tollit famam actualement. Ità Lugo cum comuni contra Nav. Caj. & alios, qui tenent non esse mortale. Tum quia talis non habet Jus ità firmum ad suam famam, utpote non fundatum in vera, sed in falsò existimata innocentia: tum quia censetur leve damnum, & moraliter perinde est, ac si nulli diceretur. Aliud est de Judicio temerario; nam per hoc crimen imponitur proximo, qui fortè est, & saltem censeri debet innocens, donec probetur reus. Hæc sententia videtur probabilis; nisi is, cui refertur, sit talis, ut, cui detrahis, meritò valde ægrè ferat, eò quòd is sit ei familiaris, aut à quo multa expectet &c. sit superior &c. quandoque enim magis ægrè fertur, si uni tali, quàm si aliis pluribus dicatur. Ceterùm loqui de delicto proximi cum eo, cui notum est, per se injuria non est; imò honestum esse potest, si fiat ex bono fine, v. g. ut alius à peccato deterreatur, vel ut ejus famæ consulatur &c.

§ 5. Dicere de Sacerdote, quòd duellum commiserit, aut sit amans puellarum, est mortale; non verò id dicere de milite, vel juvene nobili; uti neo de puella dicere, quòd sit garrula, superba, vel dicere de germano, quòd sit ex parentibus

De Læſione, & Reſtitutione Fame, 603
tibus hæreticis:grave tamen eſt dicere de aliquo
honestæ reputationis, quòd ſit ſpurius.

Q U Æ S T I O IV.

An, & quando ſit detractio crimen pu-
blicum aliis, id ignorantibus,
revelare?

Nota. Tripliciter poteſt eſſe aliquid publi- 409.
cum, ſeu notorium, nempe Jure, factò; & fa- *Nota-*
mâ. 1. Jure ſimpliciter publicum eſt, quòd *rum,*
conſtat per ſententiam Judicis abſolutè, & pu-
blicè latam, ſeu non obnoxiam appellatìoni,
vel retractatìoni, ſecundùm quid verò, quod
conſtat per confeſſionem Rei in publico Judi-
cio, vel per legitimam teſtium depoſitionem.
2. Factò publicum eſt, quod factum in loco
publico coram tam multis, ut, ſpectatâ illorum
conditione, nullâ tergiverſatione celari, nec
ullo Juris ſuffragio excuſari poſſit. 3. Famâ
publicum eſt, quando fama de crimine, ex
ſufficientibus indiciis orta, pervenit vel ad ma-
jorem partem communitatìs, vel ad tot perſo-
nas de communitate, ut ſpectatis circumſtan-
tiis, ſeu attentâ multitudine, & qualitate eo-
rum, qui id ſciunt, vel attentâ qualitate com-
munitatìs,* in qua factum eſt, prudentis arbi-
trio indubiè divulgandum ſit, & ejus notitia
perventura ad majorem partem illius commu-
nitatìs, ſeu Civitatìs, Pagi, Parochiæ, Col-
legii, Monafterii. Porro crimen notum ma-
jori unius communitatìs particularis parti v. g.
Collegii, Monafterii, non cenſetur publicum
abſolutè, & reſpectu omnium; ſed tantùm re-
ſpectu illius communitatìs, v. g. monafterii,
reli-

religionis, familiar, domus, &c. Juxta Molin:
Lug. N, 70. Laym. ad publicitatem criminis
in communitate sufficit, si hæc constet ex octo
hominibus, quod sciant tres, vel quatuor; si
constet ex triginta, sufficit sciri à septem, vel
octo; si ex centum, satis est, quod sciant quin-
decim, vel viginti. si in oppido sint domus
quadraginta, sufficit, quod sciant octo, vel de-
cem diversarum domuum: si civitas habeat
quingentos incolas, satis est triginta, vel qua-
draginta per civitatem dispersos id intellexisse;
si crimen diffamatum sit in curia, vel alio loco
illustri, ex quo facile in alia loca ejus notitia
perveniet, censetur publicum in toto regno.
Quod multi, complices criminis, id sciant, per
hoc non est notorium, Hi nec testes sunt idonei.
Hoc notato.

410. Resp. 1. Quando crimen verum est publi-
Licet si- cum per sententiam Judicis absolutè, & publicè
ne vio- latam, declaratoriamque personæ, quæ talis, ali-
latione is id ignorantibus; in quibuscunque locis po-
justitia, test per se loquendo, licitè verbo, scripto, vel
si cri- typo revelari, saltem citra peccatum contra
men sit Justitiam. Ità Lugo, & alii communiter. Ratio
notori- est; quia hoc ipso quod Judex sic ferat senten-
um per tiam in reum, spoliare jure ad famam in vin-
senten- dictam seu pœnam criminis intendit, datque
tiam. omnibus licentiam eam ubique promulgandi,
ut cæteris ubique sit in exemplum, & terrorem:
unde reus jus ad famam statim amittit quoad
crimen, cujus condemnatur. *Confirmatur:* ex-
pedit bono Reip. ut liceat crimen publicum re-
velare, nè publicè infamatus honoretur, & ex
errore aliis præferatur; utque sic homines de-
terreantur timore infamiz à sceleribus: hinc &
Reus ex hoc etiam capite amittit Jus ad famam,
ejus,

ejusque possessionem in pœnam criminis; ne potest esse rationabiliter invitus, quodd crimen suum ubique divulgetur, cum bonum commune prævaleat privato.

Dixi 1. *Quando crimen verum, &c.* Nam si crimen falsum sit, innocens Jus ad famam retinet: unde sciens innocentem, peccat contra Justitiam, divulgans crimen id ignorantibus.

Dixi 2. *Per sententiam*: Nam solum si sit notum per depositionem testium, vel Rei confessionem, non datur potestas crimen illud, si occultum sit, divulgandi quia tum non est notorium respectu populi, sed tantum respectu Judicis ad reum condemnandum: si tamen constaret sententiam mox ferendam esse, & publicandam; non esset mortale paululum anticipare, nisi inde alia gravia damna sequerentur; quia parum laderetur fama proximi.

Dixi 3. *Per sententiam publicè absolute laetam*; quia si sit tantum respectivè publica, v.g. respectu certæ communitalis: ut, si Abbas in suo monasterio aliquem de suis puniret per sententiam judicalem: non liceret illud crimen divulgare sæcularibus; quia Abbas non intendit ad id dare potestatem, cum ea foret religioni perniciofa.

Dixi 4. *Declaratoriam personæ, quæ talis*: si enim persona maneat occulta, & per Judicis sententiam non declaretur, juxta Lugonem non potest revelari aliis; eam noscentibus, v.g. si peregrinus hic Treviris ignotus puniretur per sententiam Judicis propter delictum, & verbis aliove supplicio infami afficeretur; non ideo ejus socii id possint in patria ejus manifestare; quia nec Juris, nec facti publicitas daretur personæ quæ talis; Judex enim non noscens,
non

non potest reum ut talem pronuntiare. adeoque nec dare facultatem infamandi, non secus, ac si larvatus non agnitus esset punitus.

An eti- Dixi 5. *Potest revelari licite in quibuscum-*
am sine que locis, saltem extra peccatum injustitiae: Nam
violati- Lessius, Valentia, Toletus grave putant esse con-
one cha- tra charitatem revelare crimen in alio loco quò
ritatis? fama ejus aut nunquam, aut non nisi post lon-
 gum tempus erat perventura. Lugo tamen Disp.
 14. N. 68. & 77. illos arguit doctrinæ non
 coherentis: Ratio enim cur non peccetur con-
 tra Justitiam est; quia bonum commune exigit,
 ut liceat loqui de delictis publicis, ut quisque
 absque errore cognoscatur, qualis revera sit, &
 singuli pro meritis honorentur: ne aliquis prop-
 ter suam ignorantiam, privatam erret, honoran-
 do, & magnificiendo eum, qui à cæteris me-
 ritò despicitur, atque ut ità terreantur homines
 à sceleribus, quæ utilitas publica præponderat
 damno, quod ex ampliore publicatione dete-
 ctus jam publici potest evenire singulis; ideo-
 que singuli malunt libertatem retinere loquendi
 de publicis defectibus aliorum; quàm ut aliis non
 liceat loqui de publicis eorum defectibus. Jam
 verò, si foret contra charitatem de illis loqui,
 utilitas illa publica non obtineretur; adeoque
 frustra per illam publicitatem J. ad famam tol-
 leretur: unde secluso omni aff.ctu sinistro juxta
 illum non peccatur contra charitatem, sique
 contra hanc, peccaretur etiam contra Justitiam.
 Si tamen specialiter affligendus esset proximus
 ex revelatione, & jam emendatus impediretur
 à necessariis ad vitam, vel statum alibi justè ac-
 quisitum, aut revelatio fieret sinistro aff.ctu,
 peccaretur contra charitatem.

411.

Resp. 2. Quando crimen verum est publi-
 cum

tum absolute publicitate facti, vel famæ etiam per injuriam, potest, per se loquendo, revelari aliis id nescientibus tum in eodem loco, tum in loco sine injuria, ubi facile. & brevi publicandum est. Lugo D. 14. N. 64. Ratio *1ma partis est*; quia nocens in iis locis amisit Jus ad famam, & expedit bono communi, ut quis dignoscatur talis, qualis publicè est; ne alii per eum decipiantur, & dignioribus illum præferant; & ita habet totius orbis consuetudo. Ratio *2da partis est*: quia revelatio jam parata est in fama, & rumore.

Publicum famæ, vel fama.

Dixi 1. *Crimen verum*; Nam si crimen falsò esset impositum, maneret Jus ad famam.

Dixi 1. *Absolute publicum*: Nam quod est publicum respectu monasterii, vel certæ domus, aut familiæ tantum, id extra illam vulgare non licet.

Dixi 3. *Etiam per injuriam*: quia publici-Jus ad tas tollit Jus ad famam: totum enim Jus fundatur vel in carentia criminis, aut defectus, vel in eo, quod adhuc lateat: uterque enim titulus dat Jus, prior absolute magis rigorosum, & universale; posterior vero, ut non manifestetur sine justa causa, sic exigente pace, & bono Reip. ut ita homines amore bonæ famæ excitentur ad abstinendum à vitiis; cum, si liceret quæcunque vera delicta publicare, ruerent, de bona fama desperantes, in vitia plurima. Utroque autem titulo cessante nullum manet Jus. Quare tunc incipit Jus, quod alii habent ad sciendum statum, & qualitatem aliorum, ne errent circa illos, & nimium graventur: esset enim onus valde grave obligatio tacendi de delictis publicis per injuriam manifestis; quia in anxietate perpetua versaremur, ne hoc, quod publicum

cum est, sit vulgatum per injuriam; imò vix liceret loqui de ejusmodi, cum ut plurimum per injuriam à primis manifestentur. Aliud est de crimine falsò imposito; quia Jus loquendi requirit, ut crimen & verum sit, & publicum.

Si dicas cum Bonac. Haun. qui tenent non licere, si sciatur esse per injuriam vulgatum, si, inquam, dicas: pro priori ad injuriam infamatus habebat Jus cerum ad famam, an autem per injuriam id amiserit, ità ut ulterius vulgari possit, incertum est; Imò, Jus habet ad recuperationem famæ, quæ per ulteriorem vulgationem impeditur. R. Reip. bono communi, quod privato præferendum est, sic postulante, habet homo Jus certum loquendi de publicis; an autem crimen non sit satis publicum, ut ulterius vulgari possit, etiam certum non est. Unde potest uti jure suo, & bonum commune præferre privato. Quòd infamatus Jus habeat ad recuperationem famæ, tenetur, quoad potest, injuriæ author eam restituere; sed non ideo alii privandi sunt Jure suo, quod tribuit publicitas, loquendi de publicis, quod dum faciunt, non intendunt reparationis famæ negationem; sed utendo jure suo eam permittunt, in quo injuria non est: sicut non esset, si sciens, furem non posse restituere ablata pecuniam, nisi venderet nunc Titio merces suas, præveniendò ipsum venderem meas, sicque indirectè impedirem restitutionem; sit quidem difficilior restitutio famæ, & infamatio extenditur, si crimen amplius vulgetur; verùm id per accidens est, & loquens utitur suo Jure: sicut Judex, si crimen per injuriam etiam sit vulgatum, licetè inquirat; quia Jure suo utitur.

Dixi

Dixi 4. *In eodem loco, &c.* Nam an liceat divulgare, & revelare in alio loco, ad quem fama perventura non erat, magis dubium est: multi negant, eò quòd nocens non amiserit Jus ad famam pro illo loco. Vel saltem repugnet graviter charitati, quod probabilius est, nisi bonum publicum, aut privatum proximi aliud exigit. Affirmant alii cum Lugone; tum quia licet homini peregrino, huc venienti, aut alicui hinc abeunti, crimen hic publicum, etsi illi ignotum, revelare: cur non in alio loco existenti? cùm distantia loci nihil conferat ad famam; tum quia bonum commune exigit, ut liceat de publicis loqui, cui charitas non exigit bonum privatum præferre. Sic historici pro bono communi delicta publica libris & scriptis transmittunt licitè posteritati, ad terrorem scilicet scelerum incutiendum, & excitandum amorem virtutis. Nec obstat, quòd notoria in Cœnobio non liceat referre extraneis, ea nescientibus: nam sic non sunt notoria simpliciter, sed notitiâ restrictâ ad talem congregationem, quæ est quasi persona politica, retinens res suas secretas apud se, nolens eas aliis communicari, quando redundat in ejus detrimentum. Et hinc venienti ad monasterium externo peregrino non licet ea referre, sicut licet peregrino referre venienti ad urbem, quæ in hac notoria sunt.

Si dicas: In loco, ad quem fama criminis perventura non est facilè, crimen est occultum: sicut publicum dicitur, cujus fama vel jam est in loco, vel eò perventura facilè. Respondet 1. mo. Lugo N. 58. ut aliquid dicatur publicum, satis est per se, & ex parte objecti, quòd sit in talibus circumstantiis, ut venire possit in no-

titiam, licet impedimentum sit ex parte subje-
cti : ut si quis sit cæcus, & surdus, incarceratus,
& absens, &c. hocque impedimento non tolli
notorietatem respectu talis personæ, & illi
crimen revelati posse; secus si impedimentum
sit ex parte objecti v. g. quia est occultum.
Respondent 2do. Alii ex Suar. & Castrop. cri-
men in uno loco publicum esse simpliciter, &
absolute publicum: nam dici non potest simpli-
citer, & absolute occultum. Econtra Sancti. L. 2. in
decalogum cap. 11. n. 20. tenet, si hic sit pub-
licum alibi verò occultum nec sit periculum,
ne fama hinc illuc sit id perlatura, censeretur ibi
occultum, prout opponitur publico; quia ibi-
dem revera nesciunt.

Dixi, *probabilius repugnare charitati, nisi*
&c. Nam imprimis non obest publicæ utili-
tati, ut vult Lugo, si in quibusdam casibus
maneat obligatio charitatis. Dein quamvis re-
us talis jus ad famam amplius non habeat,
eam tamen in alio loco sine fraude, & injuria
possidet: Unde 1mo videtur revelatio crimi-
nis in alio loco, ubi id publicum non est, nec
fama illuc est id perlatura, graviter repugna-
re charitati, si infamis reus jam in illo loco
existens, & emendatus gravi afficeretur mœ-
rore, damna pateretur in bonis fortunæ justè
acquisitis, vel in fama honestate vitæ jam com-
parata, nec bonum commune, aut privatum
proximi postularer crimen detegi. 2do. Si re-
us per injuriam hîc, non vero alibi diffamatus
esset, & tamen alibi diffamaretur, nec esset,
quod revelationem suaderet. 3. Si nobilis ado-
lescens, hîc notorie illegitimus, transulisset se,
v. g. in Hispaniam, ibique per studia, vi-
tæque inculpatam jam magni nominis, pro-
mo

motus esset ad dignitatem, vel honorificum officium, uxoremque duxisset ex nobili familia, nemo, credo, dicet, non peccaturum contra charitatem, qui hinc literis, vel ibi existens labem natalium vulgaret, atque ita detrimento esset in fama justè acquisita, bonisque fortunæ, concordia cum familia uxoris &c. Imo non desunt, qui dicant, talem peccaturum contra justiciam, cum labes illa ipsi sit involuntaria, nec facto publico jus ad famam abjecerit, nec per sententiam judicis illo privatus existat. Nec juvat, quod crimen hic publicum referens Hispano, hic peregrino, non peccaret contra charitatem, quia is hic haberetur ut incola. Nec tamen illi liceret id vulgare in Hispania, si reus ibi existeret vel notus foret, nec esset quod revelationem exigeret; sed peccaret contra charitatem in circumstantiis jam relatis. Atque hæc maximè valent, si crimen tantum sit fama publicum, & forte per injuriam in uno loco, & non in alio. 412.

Resp. 3. Quando delictum fuit facto, vel famam publicum, & deinde lapsu temporis est oblivione sepulchrum, & infamia per eam sublata, infamatus redit ad priorem statum possidet jus ad famam suam. Ratio est; qui diversitas temporis facit, ut non sit amplius absolute publicum, sed tantum, ut fuerit; secus est, quando crimen in uno loco est publicum, & non in alio: tunc enim respectu existentium est absolute publicum, adeoque, nisi aliud hic & nunc charitas exigat, referri potest: Quare distantia loci non tollit publicitatem, sicut distantia temporis. Ita Lugo, Molin; & alii, qui etiam tenent sine in-

juria posse revelari crimen, oblivione sepul-
tum, si fuerit publicum per sententiam judicis;
quia, non obstante, oblivione, facultas ma-
nifestandi, à judice data, videtur moraliter
perseverare. Juxta Less. n. 82. olim ob cri-
mina infamis, etsi sit nunc bonæ famæ, nun-
quam habuit jus ut judicaretur non fuisse malus
pro tempore, quo crimina publica fecit.

Hactenus dicta; etsi passim recipiantur, ut
probabilia, optimè tamen faciet, qui non ni-
si ex justa causa, rectaque intentione, & par-
cè loquitur de proximi labe, & peccatis præ-
sertim in loco ubi adhuc occulta sunt, ne im-
pingat contra charitatem.

Dices: Historiographi etiam sacri crimina
antiquorum transmissit posteris ad loca, u-
bi aliàs nunquam innotuissent, quia arguan-
tur peccati contra charitatem, ergo &c. Resp.
Ere boni publici est crimina tunc notoria trans-
mitti ad posteros, ut hi cauti fiant, & deter-
reantur à peccatis, innotescat Dei misericordia
erga pœnitentes, & justitia contra impœni-
tentes, unde rectè faciunt, modò etiam refe-
rant pœnitentiam, si qui eam egerint. Hæc
ratio locum non habet in quibuscunque casu-
bus de labe proximi, ut patebit consideranti
jam dicta. Id fit in sacra scriptura & usus in
toto mundo habet, non verò hoc.



Q U Æ S T I O V.

An aliquando poſſit occultum alterius delictum conſilii, ſolatii, auxilii, vel gravis mali à ſe, vel proximo avertendi cauſâ ſine detractiōe revelari?

Reſp. 1. Poſteſt aliquando ſine detractiōe, 413.
 & peccato ſaltem mortali, verum, & occultum *Poteſt*
 proximi crimen, juſtè intellectum amico re-*fieri*
 velari conſilii, & auxilii cauſâ, etſi Author *quando*
 innotefcat illi. Eſt communis DD. quorum *que au-*
 aliqui cum Leſſ. & Lugone tenent, id aliquan-*xiliis*
 do fieri poſſe ſine peccato, ſaltem gravi, ſolius *cauſâ.*
 ſolatii cauſâ. *Ratio eſt*; quia non eſt hu-
 manum, ut quis cogatur carere neceſſariò
 conſilio, vel auxilio in re gravi, & injurias
 ſibi factas intùs concoquere, nec poſſit dolo-
 rem ſuum in amicum fidelem ex parte exone-
 rare. Unde & author injuriæ non poteſt eſſe
 rationabiliter invitus, remque tam difficilem
 exigere: ſicut enim, qui alteri vulnus infixit,
 non habet jus, ne læſus ſibi adhibeat medi-
 cinam; etſi per id fortè eveniat aliquod malum
 lædenti, quod ſibi imputare debet; ità hic:
 querela enim apud amicum eſt aliqua doloris
 medicina. Cavendum tamen, ne dicatur plu-
 ribus, vel perſona apertius nominetur, quàm
 ſit neceſſarium ad auxilium, vel ſolatium. Lu-
 go D. 14. N. 53. & ſic à mortali ſaltem ex-
 cuſari cenſent D. D. poſſe ſervulos, qui inju-
 rias ſibi ab heris ſuis, uxores, quæ à maritis,
 filios, qui à patre, religioſos, qui à Prælato
 ſibi factas queruntur fideli perſonæ ſolatii cauſâ,
 Item conjuges, qui ſibi referunt delicta dome-

sticorum doloris mitigandi, vel rei domesticæ conservandæ, aut benè administrandæ causâ.

Dixi 1. *Sine peccato saltem mortali* : quia, si consilium, vel auxilium ad grave malum avertendum sit necessarium, aut gravis mœror aliter depelli non possit, nullum foret peccatum : leviter tamen aliquando excedi potest, imò, & graviter, si fieret ex odio in proximum, vel ex vindicta, intendendo illi infamiam : sicut, si quis acceptâ injuriâ percuteret proximum, vel spoliaret ; sic enim eligeret malum proximi, quâ tale, ad leniendum suum dolorem, & vindictam quæreret.

Dixi 2. *Iuste intellectum* propter jam dicenda.

414.
Item pro
gravi
malo a-
verten-
do.

Resp. 2. Potest quis licitè detegere defectum, vel crimen verum alterius occultum, justè intellectum, quando ejus ignorantia cedit in notabile damnum spirituale vel corporale proprium, vel proximi : sicut enim ad bonum commune spectat, ut oculi defectus aliorum sine justa causa non aperiantur ; ita ad id spectat, ut justis de causis aperiantur, ne ex eorum ignorantia aliis damna oriantur, & in hoc omnes debent consentire. Hinc si homo improbus, & ineptus ad docendam juventutem, ad curam animarum, ordines sacros, statum religiosum, matrimonium laborans impedimento, id dirimente, aspirat ; licet defectum aperire iis, de quorum periculo agitur, vel ad quos spectat mala impedire, modò non plus fiat, quàm ad mala avertenda sit necessarium. Si enim impediri possit malum non nominando personam, hæc manifestari non debet.

Dixi 1. *Defectum, vel crimen verum* : nam falsum

falſum imponere, nunquam licet, cùm hoc ſit poſitivè lædere Jus ad famam, fundatum in vera innocentia. Nec juvat, quòd pro conſervanda vita in extrema neceſſitate liceat aliena auferre vi etiam, & dolo; quia bona fortunæ eâ lege ſunt diviſa, ut in tali neceſſitate quantum neceſſe eſt, ſint communia; bonum autem famæ ità cuique proprium eſt, ut Domino rationabiliter inviro, auferre non liceat unquam. Dein eſſet talis impoſitio mendacium pernicioſum. Vide damnatam 43. & 44. ab Innoc. XI.

Dixi 2. *juſtè intellectum*: nam ſi ejus notitia ſit per injuriam, v. g. fraudem, vim, dolum injuſtum immediatè à te acquiſita, ſine injuria revelari non poteſt, niſi res ad eum ſtatim ſit deducta, ut licitè poſſes ejus notitiam acquirere: uti ſi alter te, vel alium innocentem injuſtè vexaret, & non poſſes aliter injuriam repellere, niſi ejus crimen revelando; vel ſi is teneretur tibi ex juſtitia ſecretum revelare, aut ſi ad bonum Reipublicæ revelatio eſſet neceſſaria. *Ratio 1^{ma} partis eſt*; quia ex injuſta præterita notitiæ acceptione oritur obligatio ad omnia damna proximi, inde ſecuta, compenſanda, & ſecutura impedienda; cùm injuſta acceptio perſequeretur. *Ratio 2^a partis eſt*: quia ſi hîc & nunc licitè poſſes acquirere notitiam, ſi eam non haberès; jam illa moraliter eſt tua: ſicut, ſi furatus eſſes rem alienam, & venires ad extremam neceſſitatem, in qualiceret eam auferendo acquirere, in eâ neceſſitate poſſes rem conſumere; quia foret moraliter tua, ſecùs ac foret extra talem caſum. Quodſi autem tu ſine injuria haberès ab alio notitiam, qui hanc acquiſiſſet per inju-

riam, illâ uti posses ad grave malum à te aver-
tendum ; quia nec ullam injuriam fecisses, &
utereris jure tuo, secreto jam ab alio violato.
Neque oportet quoad omnia loqui de fama
aliena, uti, de bonis fortunæ : horum enim
dominium servit necessitati vitæ, non item do-
minium famæ alienæ.

Dixi 3. *Quando ignorantia cedit in dam-
num notabile* : neque enim requiritur, ut dam-
num, quod innocens aliàs patieretur, sit majus,
vel æquale illi, quod alter in fama patitur ; quia
jus ad famam, fundatum non in verâ, sed tan-
tùm existimata bonitate alterius, non est itâ
strictum, sed concessum ob pacem bonum-
que commune : hinc quando ad bonum com-
mune expedit crimen alterius revelari, jus il-
lud cessat ; est autem expediens bono commu-
ni, ut liceat crimen alienum verum manife-
stare, quando id necessarium est ad damnum
notabile à se, vel proximo innocente averten-
dum ; sic enim impii à sceleribus deterrentur,
& innocentibus manet potestas se defendendi
contra injurias : universim sufficit, damnum
esse tale, quod non tenearis ex charitate sub-
ire ad impediendum damnum illud, quod alter
justè subire cogitur propter delictum manifesta-
tum. Atque in hoc casu si revelando non peccetur
contra Justitiam, nec peccatur contra chari-
tatem. *Ex dictis deduco,*

415.
*Corolla-
ria.*

1. Si quis te falsò accuset, aut injustè vexet
cum damno gravi, potes ejus crimen, justè
intellèctum, manifestare, si manifestatio di-
rectè conducat ad repellendam injuriam in fa-
ma, honore, bonis fortunæ propriis, vel alte-
rius innocentis, sitque unicè necessaria, nec
fiat ex pravo affectu ; sed ut lædenti non cre-
datur

darur ab auditoribus , infringatur ejus nocendi potentia ; quia innocens habet jus ad suâ defensionem cum moderamine inculpatæ tutelæ ; & injuriam inferens , non potest esse rationabiliter invitus , cum ipse cogat ad hoc medium unice necessarium de se licitum : neque enim author criminis habet jus absolutum ad suam famam , sed conditionatum tantum , ut nempe non infametur , nisi ex justa causa. Si autem criminis revelatio non conducat , aut non sit necessaria ad defensionem , revelare id non licebit. Sic non licet alium appellare adulterum, eod quod is te appellet furem. In dubio, an criminis revelatio sit necessaria , magis favendum est innocenti ; adeoque licet viâ securiore uti : sed cavendum, ne revelatio fiat cum majore detrimento, quàm necesse sit.

2. Si Titius Cajo machinetur malum v.g. mortem, aut damnum in bonis fortunæ, & hujus habeas notitiam , potes Cajum monere de imminente damno , atque, si necesse foret , nominando Titium. Si autem perinde damnum averti possit, dicendo in communi, ut sibi caveat, sua custodiat , esse aliquem , qui malum paret ipsi &c. nominandus non esset.

3. Si quis per calumniam tibi crimen imponat , potes dicere, eum mentiri, etsi hoc illi ignominiosum foret. Si verò crimen verum esset, dicere liceret , injuriam tibi fieri. Observanda sunt hic verba S. Scripturæ Prov. 26. *Ne respondeas stulto juxta justitiam suam* , id est , per verba non consona rectæ rationi. Item : *Responde stulto juxta stultitiam suam* , id est, ita , ut manifesta fiat falsitas.

Q U Æ S T I O VI.

An, & quando licitè possit Secretum promissum, & commissum revelari, vel literarum secretum acquiri? ●

416. *Secretum quintuplex.* Nota. Secretum quintuplex est. Primum est naturale, quo ex lege naturæ tenemur occultum proximi crimen, vel defectum cum ejus infamia sine justa causa non revelare citra omne pactum, 2dum est promissum, quo tenemur aliquid antè nobis cognitum, non revelare, quia sic promissimus, 3tium est commissum, seu communicatum, quo tenemur non revelare id, cujus notitiam ab alio accepimus, interveniente pacto expresso, vel tacito id non revelandi. Pactum expressum erit, si tibi dicatur, hoc esse sub secreto servandum, tuque saltem tacitè acceptes. Tacitum autem erit, si ex circumstantiis & usu recepto constet, hoc committi sub secreto servandum. Sic ad secretum obligantur Consiliarii Principum, Officiales belli, Advocati, Medici, Chirurghi, Theologi de casu aliquo consulti, obstetrices, & probabiliter omnes, quibus consilii, vel solatii, auxilii causâ secreta committuntur; hoc ipso enim, quodd secreta suscipiunt, ex communi persuasionem censentur se obligare ad non revelandum, & in ea persuasionem alii sua secreta revelant. Itaque secretum commissum est, quo tibi communicatur notitia sigillata, & limitata, quam antè non habuisti. Secretum autem promissum est, quo obligas te ad notitiam, aliunde habitam, non communicandam alteri. Illud per se obligat ex Justitia sub pec-

peccato ex genere ſuo mortali ; quia alter ea legē communicat notitiā , ut ſerves eam tibi , ſicque implet ex parte ſua conditionem , per conſequens & tu teneris tuam partem implere , & tacere. Tale non foret , ſi ſocius furci promitteres ſilentium ; quia notitiā furci haberēs à ſenſibus tuis. Secretum verò tantum promiſſum obligat vel ex fidelitate tantum , vel ex Juſtitia pro intentione promittentis ſecundum dicta de promiſſione. Quartum eſt ſecretum literarum , jure gentium introductum , quo tenemur alienas literas ſine conſenſu ſcribentis , per ſe loquendo , non aperire , & ad hoc quoque obligat Juſtitia ex conventionē tacita omnium gentium , quam declarat praxis , & conſuetudo in Rep. humana. Quintum eſt ſecretum ſacramentale , de quo P. 4.

Reſp. 1. Qui ſecretum promiſſum ſine legitima cauſa revelat , peccat graviter , vel leviter pro quantitate materiæ , & ſuſcepta obligatione ; ac primò quidem contra fidelitatem ; quia non conformat facta promiſſioni , fidemque datam frangit. 2. Contra Juſtitiam , ſi ſimul ex hac ſe intendit obligare , quod ordinariè non intendunt homines. Unde hoc ſecretum violare , ſecluſo periculo gravis damni , vel gravis infamiæ , vel læſione notabili charitatis , plerumque tantum peccatum veniale eſt ; imò aliquando nullum , ſi nimirum adſit juſta cauſa non ſtandi promiſſione ; ut , ſi promittens interrogetur legitimè à Superiore , vel Judice , cui tenetur reſpondere ; vel ſi injuſtè læſus ab eo , cui promiſit , aliter famam ſuam tueri non poſſet ; aut innocens ex illo ſilentio patiatur grave incommodum ; pro hiſ enim caſibus non cenſetur ſe obligàſſe.

Reſp.

417.
Secre-
tum pro-
miſſum
obligat,
ſaltem
ex fide-
litate.

418. Resp. 2. Qui violat secretum commissum, *Secretū* etsi possit peccare tantum leviter in materia *commis-* levi, gravius tamen peccat, & quidem mor-
sum ser- taliter in materia gravi contra Justitiam, quam
van- violans tantum secretum promissum; quia ac-
dum ex cipit à committente notitiam sub sigillo natu-
justitia. rali, quod arctius obligat, & ita quidem, ut
interrogatus etiam legitime à Superiore teneatur
non revelare, sed uti æquivocatione, di-
cendo, sibi hoc non constare, notitiā scilicet
communicabili; quia notitia tunc est talis, ac si
eam non haberet. *Excipe*, nisi ille, qui se-
cretum commisit, injustè vexaret Remp. vel
aliud innocentem, & aliter ab injuria averti
non posset: tunc enim revelare posses, etsi te
obligasses ad sustinendam potius mortem,
quàm id revelare; quia obligatio tacendi in
his casibus esset vinculum iniquitatis, quod
exigere committens non potest; & promittens
ejus malitiæ cooperaretur. Cæterum, cum
alius tibi rem commiserit sub secreto & obli-
gatione tali solum, sub qua censeris admissu-
rus fuisse, si futura prævidisses; hinc attendi
debet intentio tua te obligandi ad silentium:
si enim te obligaveris ad silentium cum peri-
culo cujusunque damni. etiam mortis, tene-
ris tacere; quia, cum hoc sit licitum, potuisti
te ad hoc obligare, si verò obligaveris te ver-
bis tantum communibus, non exprimendo
malum v.g. mortem; censeris solum te ob-
ligasse ad moralem quandam, & humanam
non nimis difficile custodiam: unde colli-
gendum ex circumstantiis, quousque censea-
tur se extendisse intentio, ad quale & quan-
tum incommodum, ad qualem mutationem
circumstantiarum &c. Hoc tamen notandum,
si in

ſi in caſu aliquo liceat revelare ſecretum commiſſum, id revelandum non eſſe, niſi quantum neceſſe eſt ad malum imminens avertendum: uti ſi quis ſub ſecretoꝝ revelâſſet tibi artem medendi morbo certo, & non poſſes hîc & nunc tibi, vel proximo mederi, niſi revelares ei, qui medium pararet, deberes ei tantum, & ſub ſecreto revelare.

Reſp. 3. Eſt, per ſe loquendo, peccatum mortale contra juſticiam, legere alienas literas, niſi adſit conſenſus expreſſus, vel tacitus, aut prudenter præſumptus ſcriptoris; quia jure gentium introducta eſt obligatio, ſecreta literarum illæſa relinquendi, & ordinariè non conſtat, an contineant rem gravem, aut author non ſit graviter invirus. Si tamen prudenter judicaretur non eſſe invirus, culpâ lector vacare poſſet: tunc tamen non temerè in illis contenta aliis forent manifeftanda.

Dixi: *Per ſe loquendo*: nam licitè legi poſſunt: imò tempore belli juſti literæ, quæ ab hoſte, vel ex locis vicinis hoſtium afferuntur. 2. Literæ aliorum à miniſtris publicis aperiri, & legi poſſunt, quories judicant, ad bonum commune id eſſe neceſſarium. 3. Licitè legis alienas literas, in quibus ſine paſſione prudenter judicas, contineri tuam injuriam, vel damnum tibi, vel proximo injuſtè parari, quod aliter averti non poſſit; quia licitum eſt ſibi conſulere: cautelâ tamen hîc opus, ne ſine ſufficienti fundamento judices, nec plus legendum, quàm neceſſe ſit. Hæc intelligenda ſunt quoque de literis apertis, quas quis caſu perdidit, aut per injuriam. Item de ſcriptis, quæ Dominus ſecreta eſſe voluit. Quodſi literas dilacerâſſes, & in locum publicum projeciſſes, an liceat

419.
*Et litte-
re alie-
ne non
aperien-
da.*

liceat fragmenta colligere, & combinata legere, dubium est. Affirmant multi, eò quòd dominus videatur eas habere pro derelictis, & jure suo cedere: si in parva frustra sint dilacerata, negant probabiliùs alii; quia sic lacerando satis indicavit, nolle se, ut in iis contenta constent aliis: sicut si projiceret in ignem, & laberentur in locum, ex quo à re extrahi possent; satis ostenderet, nolle ab aliis legi.

Q U Æ S T I O VII.

An, & quando peccet audiens detractiones?

420. Resp. Peccat imò contra Justitiam, tene-
Peccat, turque in defectu detrahentis ad restitutionem
si influat audiens, qui efficaciter influit in detractio-
 nem interrogando, excitando, animando, avi-
 dè attendendo, ostendendo complacentiam
 in discursu detractorio; quia talis est vera cau-
 sa damni in fama. 2dò peccat, si audità de-
 tractione lateatur; quia repugnat charitati.
 3tiò peccat contra charitatem pro ratione damni
 graviter, vel leviter, qui non impedit, quan-
 do commodè potest, damnum in fama. Imò
 Superior, non impediens subditum à detracti-
 one, peccat contra Justitiam, sicut parens non
 impediens filium à furto; quia ex officio tenetur
 impedire suos, ne damna aliis inferant. Unde
 & talis non impediens tenetur ad restitutionem:
 caput enim politicum tenetur gubernare suos in
 ordine ad alios.

Dixi: *Si commodè possit*: Nam non peccat,
 qui putat suam monitionem nihil profuturam,
 qui magnum incommodum meritò metuit,
 qui

Qui ob authoritatem detrahentis rationabili ver-
recundiâ prohibetur. Debet tamen ostendere,
sibi displicere, assumendo faciem tristiore, vel
sermonem aliò verrere, vel discedere, si com-
modè possit. Si nihil ex his fieri commodè pos-
sit, audiens non facile credat detrahenti, sed
in melius omnia apud se pro favore proximi ex-
plicet, memor, quories falsitati sint obnoxii
sermones hominum.

Pro praxi notandum, quòd secundùm di-
cta P. 2. de Charitate N. 99. æqualis rarò, infe-
rior rarissimè teneatur corrigere detrahentem. 421.
Corre-
ctio fra-
terna.
Primò, quia audiens plerumque nescit, an
quod narratur, sit notorium; sæpè autem est,
etsi ipse id nesciat; & in dubio præsumendus
est referens alienos defectus non detrahere,
cum delicta non sint præsumenda; in quo er-
rant multi, existimantes simul, atque aliquid
audiunt contra proximum id sibi refutandum
esse. 2. Quia cœptâ detractione sæpè melius
consultitur proximo, si sinatur absolvi, quàm si
abrumparur; tum quia si defectus explicetur,
sæpè non tam graviter apprehenditur, quàm
initio conceptus erat; tum quia non rarò, si re-
ferentes aliena delicta arguantur, nolunt videri
errare, & certius affirmant, & confirmant,
quàm si correcti non fuissent. 3. Quia quan-
doque sine gravi offensa detrahens corrigi non
potest. 4. Quia alter non rarò habet justam
causam manifestandi.

Q U Æ S T I O VIII.

An, & quomodo fama sit restituenda? 422.
Est obli-

Resp. Qui alterius famam læsit per forma-
tionem ex
justitia.
lem

lem injuriam, seu imponendo falsum crimen, vel defectum, seu occultum, etsi verum revelando, sub peccato ex genere suo mortali teneretur ex justitia eam reparare, imò & damna in bonis fortunæ inde secuta, si saltem confusè sint prævisa. *Ratio* per se clara est; quia damnum grave tam in fama, quam bonis fortunæ per detractionem inferri potest; cumque hoc reparabile sit, & justitia læsa exigit reduci æqualitatem, obligatio in materia gravi gravis erit. Ex his deduco.

423.
Corollaria.

Primò. Qui proximo detraxit injustè apud illos, qui meritò timebantur, aut prævidebantur crimen, vel defectum ulterius propalaturi, tenentur in horum defectu reparare famam apud auditores mediatos; quia etiam apud hos est causa injusta infamiæ; ideoque tenetur inquirere, an auditores immediati etiam dixerint aliis; si autem prudenter credebantur non propalaturi longius, non tenetur saltem ex culpa, nisi apud immediatos auditores; quia ulterior propalatio non est ipsi moraliter imputabilis, sed aliorum malitiæ, qui tenebuntur famam reparare, injustè ulterius læsam. Ita Dicast. N. 168. & alii. Idem dicit Tamb. & Sporer, si inculpabiliter non cogitaverit, quòd illi aliis essent propalaturi.

2. Si ex detractione injusta securum sit damnum in bonis fortunæ, v. g. amorio ab officio, aut non promorio digni ad illud, tenetur detrahens compensare, etsi crimen occultum sit verum; quia crimen occultum habet se, ac si non esset: hinc damnum sequitur ex sola revelatione injusta.

3. Qui publicè diffamavit aliquem, ut impediret ab officio, quo erat indignus, cum satis fuisset.

fuiſſet diffamare privatim, teneretur reparare famam in publico perditam, non tamen damna ex non obento officio, qui infamatus jus non habebat, ut non impediretur ab officio: & ſola infamia apud promotorem, quam alter juſtè poterat creare, cauſa fuit negandi officium, proinde cauſa damni non fuit injuſta; ſed ſola extenſio infamiæ, quæ ut integrè reparetur, ſatis eſt, ſiniſtram opinionem tolli de præſenti & futuro: tunc enim cenſetur fama reſtituta pro præterito, conceptæque opinione oppoſita quaſi retrorahitur, totumque damnum moraliter reparatur; nec pars famæ præteritæ in proprio genere aliter reparari poteſt.

4. Per ſe loquendo, detractor teneretur revocare, quod dixit, & efficaciter eximere aliis exiſtimationem ſiniſtram: nec ſatis eſt infamatum laudare in aliis; quia labes aſperſa in mentibus hominum in uno genere, non detergitur per laudem in alio genere: uti ſi dixiſti, aliquem eſſe impudicum, vel injuſtum, & laudes poſtea eum à miſericordia in pauperes; dein opinio hominum de virtute, niſi vera ſit, inconfans eſt, poteſtque infamia eſſe gravior, quàm laus in alio genere. Dixi: *Per ſe loquendo*: quia, ſi alius modus non videretur profuturus, is adhibendus eſſet, v. g. ſi illi, apud quos detraxiſti, permansuri eſſent in opinione concepta, eò quòd adverterent, quòd revoces, ut conſcientiæ ſatiſfacias. Hoc tamen caſu deberes manere paratus revocare efficaciter, ubi poteris.

5. Qui detraxit revelando crimen verum, juxta communem non poteſt revocare, dicendo, ſe mentitum eſſe, aut falſum dixiſſe; quia ſic loqueretur contra mentem: ſed dicere de-

bet, v. g. se deceptum esse, nempe errore prædicto; homines sæpe, talia dicendo, falli, mentiri: cum, de quo dixit, fuisse innocentem, nempe innocentiam publicam: se illi fecisse injuriam.

6. Qui alteri detraxit, per calumniam falsum crimen scienter imponendo; per se loquendo, strictissime obligatur ad omnem modum, quo falsam opinionem animis auditorum eximat, reparetque stabiliter alterius famam, & quidem, si alia via commodior non suppetat; tenetur dicere, se mentitum esse, idque juramento confirmare; imò si juramento non crederetur, testes falsitatis adhibere, aliaque remedia extraordinaria, ut reher communis cum Lugone; quia diffamatus habet jus strictissimum, fundatum in vera innocentia ad famam: proinde diffamator tenetur adhibere media eò necessaria; sique ordinaria non sufficiant, tenetur ad extraordinaria: malitiæ enim suæ debet imputare, quòd sibi onus illud imposuerit: unde, qui infamavit per libellum famosum, tenetur refutare per scripturam æquè publicam, vel per vocem præconis, aut Concionatorum, aliove modo, judicio prudentum sufficienti. Dixi: *Reparetque stabiliter*: nam, si auditores primum crederent revocanti, postea autem priorem resumerent opinionem sinistram, moti ejusdem calumniatoris auctoritate, teneretur iterum hanc tollere, etsi ad id juramento opus esset; quia hoc damnum famæ adhuc respiceret primum delictum, ut fuit causam, ut rectè Lugo. *Nec juvat*, quòd auditores fortè ex malitia sua non credant juramento, aut opinionem sinistram resumant: nam licet, dum dantur sufficientia motiva ad

depo-

deponendam illam opinionem, hanc deponere teneantur; non ideo cessat obligatio eam eximendi, cum injusta illius causa fuerit detractor, & detractio adhuc pergat influere.

7. Fama restituenda est, quamprimum commodè potest; aliàs continuatur injuria.

8. Si referas aliquid de alio, publicè infamato, & auditores alium ab illo videantur intelligere, teneris corrigere.

9. Hæredes detractoris non tenentur resarcire damnum famæ; quia obligatio est personalis, quæ non transir ad hæredes. Secus est de damnis realibus ex detractioe securis.

10. Qui de alio concepit judicium temerarium, vel suspicionem temerariam, deponere tenetur, ut famam apud se redintegret. Hæc procedunt etiam de detractioe defuncto factâ.

Q U Æ S T I O IX.

An sit obligatio restituendi Famam, sine formali injuria ablatam, vel læsam?

Resp. Qui detraxit proximo sine injuria ^{424.} formali v. g. sine advertentia ad malitiam ex *Tene-* præcipitantia linguæ, vel si putavit, delictum *tur eti-* esse publicum, cum verè fuerit occultum, *am ex* tenetur ad restitutionem, vel potius ad impe- *justitia.* diendam continuationem, saltem in materia gravis infamæ, si possit sine gravi incommodo; idque tum ex Charitate, tum probabilius ex Justitia etiam. *Ratio 1^{ma} partis est;* quia Charitas obligat, ut impediamus damnum proximi, quando commodè possumus. *Ratio 2^{da} partis est;* quia quisque tenetur ex Justitia non solum non inferre damnum proximo,

sed etiam procurare, quantum commodè poterit, ne ex sua actione illi damnum sequatur. Sic teneris, si alterius domum incendiisti, etiam inadvertenter omnino, & inculpabiliter, statim, ubi advertis, extinguere incendium. Si alteri, loco medicinæ, bonâ fide propinasti venenum; si tuum animal, te ignorante, cepit nocere; teneris damnum impedire: aliàs tibi imputabitur. Est tamen gravior obligatio alteri non inferendi damnum, quàm impediendi: nam obligatio non inferendi damnum scienter est absoluta: nunquam enim licet alteri inferre damnum scienter; obligatio impediendi damnum ex actione sua inculpabili secururum est limitata, si nempe commodè possit: si enim grave damnum illi immineret, quod ex Charitate non teneretur subire, censeretur damnum alterius tantum permittere. Sic paterfamilias tenetur nunquam detrahare proximo, tenetur etiam curare, ne sui domestici detrahant, utpote caput illius corporis politici, quod sic tenetur ex Justitia gubernare, ut aliis non noceat; attamen, si non possit sine gravi incommodo impedire detractionem, censeretur tantum permittere. Ità Lugo. Ex eadem ratione teneris restituere famam Paulo, si crimen, quod dixisti de Petro, alii intellexerunt de Paulo. Item teneris impedire damna, quæ ex permissa scienter continuatione infamiae secuta sunt, non verò quæ sunt secuta, antequam adverteris, detractionem fuisse injuriosam. Less. dat hanc rationem; quia non restituens famam alienam quodammodo eam detinet; verum non satis apparet, quomodo detineatur, cum extincta sit. Sicut si domus per te incensa combusta esset sine tua culpa cum non detineres. Nec videtur ratio firma, si dicatur, quòd,

quòd, qui inculpabiliter detraxit, si non eximat opinionem sinistram, pergat suâ authoritate adhuc movere ad eam continuandam mediis speciebus ingeneratis de labe proximi; nam sequeretur, quòd, qui inculpabiliter falsò jurâisset, vel falsum dixisset, advertens postea, teneatur revocare: aliàs erit perjurus & mendax: species enim ingenitæ non movent, nisi ad credendum ob authoritatem dicentis. Itaque obligatio non est ex formaliter injusta detentione, nec ex re aliena; sed ex eo, quòd quis teneatur impedire, ne ex actione sua sequatur damnum proximo: hîc non tam obligatio est restituendi, quàm impediendi damnum ulterius, & quidem etiam apud auditores mediatos, si immediati id non faciant. Ab hac tamen obligatione per accidens plerumque excusatur inculpabiliter detrahens, tum ob moralem impotentiam; tum quia, dum apud immediatos dicta sua revocat, implicite iis committit, ut hanc revocationem aliis indicent, si fortè quibusdam revelaverint; hocque immediati auditores in se recipiunt, dum tacent, & narrationem ad id non obligant, præsertim, cum primus narrator scire non possit, quibus illi dixerint; hocque confirmat praxis Confessoriorum, qui tantùm obligant detractorem, ut revocet apud eos, quibus ipse revelavit: nec sine causa; quia cuilibet recta ratio dicat, reparandam esse injuriam proximo illatam.



QUÆSTIO X.

Quænam excusent à Restitutione
Famæ?

425. Resp. Excusat imò impotentia physica, &
1. *Impo* moralis; uti, si auditores, coram quibus de-
ventia, traxisti, nec verbo, nec scripto convenire possis, aut reparare non possis sine longè graviori infamia, vel damno famam læsam, revelando crimen verum occultum; nimis enim durum est cum longè graviori detrimento teneri compensare damnum longè minus. Longè majus potest esse etiam damnum admodum grave in bonis fortunæ; quia bonum ordinis inferioris propter necessitatem, vel utilitatem suam sæpe censetur inter homines esse majoris æstimabilitatis, quàm bonum ordinis superioris. In hoc tamen casu teneris, si possis, laudare in aliis infamatum, ut, quoad potes, famam restituas, & ità alii faciliùs excusent delictum revelatum. Non teneris tamen petere veniam, seu condonationem; quia Justitia tantùm obligat ad reparationem damni, quod per condonationem non reparatur. Dixi; *Damnum longè majus*; quia, si tantùm deberes subire æquale, vel paulò solum majus, non excusaretis; æquum enim est, ut nocens potius, quàm innocens in pari, aut fere pari-conditione patriatur.

426. 2. Excusat subsequens justa criminis publi-
2. *Justa* citas; tum enim justè per alias causas infamia
dein cri, conservatur, nec tolli potest; sicut ergo tunc
minis crimen potest aliis manifestari: sic non impe-
publi- diri ulterior infamia. Aliud esset, si crimen
catio, postea

postea injustè apud eosdem per alium revelaretur ; neque enim excusaris à restitutione, quòd alter injustè damnum augeat, conservet, vel inferat. Si tamen prævideres, te revocando nihil effecturum, nec spem esse, ut tua revocatio aliquando prosit, ad eam non tenereris, nisi laudando in aliis prodesse posses. *Nec juvat*, quòd alter per publicationem amiserit jus ad famam : nam amisit per injuriam à te factam ; ergo, quantum in te est, teneris curare, ut famam recipiat.

3. Excusat facta jam aliis modis famæ redintegratio, uti infamati purgatione Canonica, 427. *Recu- peratio* probitate vitæ, prudentum testimonio, sententia Judicis innocentem declarantis : hoc casu tamen damnum temporale ex infamia fortè secum, & expensæ factæ pro recuperatione famæ aliunde, sunt compensandæ.

4. Excusat prudens judicium, sinistram opinionem jam diu per oblivionem delatam esse : 428. *Cessa-* sicut enim non est obligatio restituendi famam, si audientes primum dicenti non crediderint ; ita infamia per nec, si per oblivionem prudenter judicetur infamia cessare ; ad quod judicandum magna prudentia opus est, ne nimis facillè credatur infamia delata, nec nimis facillè judicetur adhuc vigere, ne jam deleta renovetur. Servit hic, ut quisque consideret, quid sibi vellet in talibus circumstantiis fieri ; & quamvis judicetur infamia deleta, adhuc laudandus & honorandus est infamatus : sic enim securitati consulitur, modò sic fiat, ut non detur occasio renovandi labis memoriam.

5. Excusat condonatio infamiæ sponte, & 429. sine præjudicio juris alieni facta ab infamato ; 5. *Con-* quia hic est dominus suæ famæ, potestque ejus donatio, læsionem remittere : sufficit autem remissio ta-

cira, vel prudenter præsumpta ex hoc, quodd prudenter credatur remissurus, si rogaretur, aut malit rem dissimulari, quàm renovari ejus memoriam. Dixi: *Sine præjudicio &c.* Nam non excusat condonatio, si infamia cedat in familiam, statum, ordinem &c. uti nec, si filiis sit damnosa in bonis acceptis à majoribus, aut per propria merita acquisitis; tum enim condonatio est illicita, & invalida; quia infamatus non habet potestatem renuntiandi juri illi. Non esset tamen invalida, si alios tantum impediret à bonis non debitis ex Justitia; uti, si pater, condonando infamiam, fieret impotens alendis prolibus; hæc tamen repugnaret pietati.

430.
Recupera-
tio
aqualis
infama-
tionis
recusa-
ta

6. Excusat reciproce infamationis æqualis recuperata restitutio; uti, si alius te infamavit, æqualem tibi labem aspergendo, & nolit restituere; licet enim male ageres, si infamatus ab alio enim infamares, quando infamatio non est necessaria ad recuperationem famæ tuæ; cum non liceat reddere malum pro malo: attamen, si infamantem te infamasti, & is nolit reddere, justè negas restitutionem famæ, donec tibi tuam redintegret, modò jura sint paria; tunc enim alter non potest esse rationabiliter invitatus; etsi enim negatio restitutionis damnum non repararet, conservas tamen famam, quam amissurus esses per revocationem; & negationem restitutionis justè adhibes tanquam medium ad cogendum alterum ad famæ tuæ recuperationem: sicut, si alius tibi furatus esset equum; justè non solveres ei debitum æquale, donec tibi restituat equum, majus tamen non posses retinere saltem perpetuè.

QUÆ

Q U Æ S T I O X I

An, & quomodo honor, per contumeliam læsus, sit restituendus?

Resp. Qui injustè alterius honorem læsit, ^{431.} *Obligatus ad reparationem* tenetur, per se loquendo, ad ejus restitutionem integram, càmque faciendam exhibitione alicujus honoris; non tamen semper petitione veniæ. Quodsi simul etiam in alio genere boni damnum intulit, tenetur & hoc reparare. *Ratio 1^a partis est*; quia per contumeliam læditur, & minuitur in æstimatione hominum alterius dignitas, isque vilior in opinione eorum redditur; adeoque fit vera injuria, quam justitia exigit reparari. *Ratio 2^a partis*, quia contumeliam inferens ad nihil aliud tenetur ex justitia, quam ad reductionem integram æqualitatis ablatæ; quod fieri potest per exhibitionem honoris, proportionatam dehonorationi, quâ placari potest animus inhonorati; quia rationabiliter non potest plus exigere, quàm æquale. *Ratio 3^a partis est*; quia illius damni injusta causa est; unde si quis viro multum honorato, spectantibus aliis, injustè infligat alapam, debet illi honorem integrare, ut qui non parum apud alios communiter læditur; si vulnus simul inflixit, debet pro eo sanando impensas refundere &c.

Dixi 1. *Ad restitutionem integram*: aliàs enim non satisfacit justitiæ; unde debet satisfactio esse talis, ut, spectatis omnibus circumstantiis personæ lædentis, & læsæ dignitate, injuriæ gravitate, &c. sufficiat ad honorem plene reparandum. Hinc, si coram aliis Pe-

trum contumeliâ affeceris, teneris coram illa honorem reparare, nec sufficit semper, si etiam publicè cum signis doloris humiliter petas veniam; sed quandoque erit necessaria major humilitas, v. g. genuflexio; si enim rusticus Principi, vel Nobili publicè alapam impegeret; nemo dicet eum satisfacturum petendo veniam. Si, nemine præsentem, alicui contumeliâ, aut alapam impegeris, non est satis desistere; sed teneris vel petere veniam, vel testificari, te rursus habere æstimationem ejus, vel tali modo te gerere, ut injuriam censearis non amplius continuare, sed reparare; per injuriam enim illi creâsti afflictionem, quàm ex justitia teneris tollere; quod non facis, nisi ponas satisfactionem.

Dixi 2. *Per se loquendo*; quia potest esse causa excusans, uti dictum de restitutione famæ. Quodsi inhonoratus vindictam sumpsit ab inhonorante, v. g. si hunc percussisset, vulnerâset &c. plerumque non requiritur ulterior satisfactio pro honore; quia pro hac videtur acceptare vindictam, & alter non resistendo videtur testari suam culpam, & æstimationem de altero. Si tamen ad alios dimanâset infamatio quibus de vindicta non constaret, deberetur alia apud illos reparatio.

Dixi 3. *Faciendam exhibitionem honoris*; id est, positionem signi externi, quo testetur internam suam de alterius dignitate, & prærogativa, præ quibusdam saltem aliis æstimationem, eamque conjunctam cum aliqua sua submissione, & reverentia, sicut antè posuerat signum suæ æstimationis de vilitate, vel contemptu; sic enim justè rependitur, quod antè injustè abla-

ablatum fuit. Talia ſigna poſſunt eſſe honorifica ſalutatio, ac compellatio, invitatio ad menſam, conſeſſio loci honorifici, ſignificatio doloris de ſua culpa, petitio veniæ, aliaque ſigna erga offenſum. Superiores tamen raro tenentur à ſubditis veniam perere, ne dum nimia ſervatur humilitas, regendi frangatur authoritas, inquit S. Aug. Epist. 109. ſed contumeliã, oſtendendo majorem benevolentiam, peculiarem honorem, ac favorem, tollere poſſunt. Subditus verò ſi ſuperiorem contumeliã affecit, aut debitum honorem cum diminutione authoritatis negarit, tenetur ex juſtitia ad aliam ſatiffactionem, quæ prudentum judicio ſufficiat; ut ſi tranſeunte Præſolato non aperiatur caput, aliis id facientibus; tunc enim cenſetur eum contemnere, & contumeliã afficere.

Petes, quæ propoſitiones in hac materia ſint damnatæ?

432.

Propoſitiones

Reſp. Hæ duæ ſunt ab Innoc. XI. damnatæ, prima quæ ordine inter damnatas eſt 43. ſic habet: *Quid ni niſi veniale ſit detrahentis authoritatem magnam ſibi noxiam falſo crimine elidere?* Altera 44. hæc eſt: *Probabile eſt non peccare mortaliter, qui imponit falſum crimen alteri, ut ſuam juſtitiam ac honorem defendat; & ſi hoc non eſt probabile; vix erit opinio probabilis in Theologia.* Hæ propoſitiones falſæ ſunt primò; nam ſive id fiat in judicio, ſive extra illud; læditur jus proximi in materia gravi ad famam: Neque enim impoſitio falſi criminis eſt juſta deſenſio; ſed vindicta; quia non eſt medium certò efficax, & unicum ad ſui deſenſionem neceſſarium, Non certò efficax; quia potes in probatione

deſi-

deficere, & adversarius per veros testes, aliaque indicia dictis tuis fidem elidere. Non necessarium: quia sunt aliae viæ te defendendi; imò si esset in aliquo casu medium necessarium, attamen, quia licentia illa sine culpa mortali vergeret in perniciem Reipublicæ, dum facile sibi persuaderent homines, quòd non possint hic & nunc se aliter defendere, adeoque passim imponderent aliis falsa crimina in suâ defensionem; hinc necesse est id universim sub gravi prohiberi. Deia si hoc fiat in iudicio, agitur contra justiciam legalem, & publicam in re gravi; quia Judex induceretur ad puniendum innocentem, & testes ad perjurium; sicque læderetur Jus Reipublicæ, quod habet ad rectam gubernationem per iudicia.

Nec juvat, quòd non peccet graviter, qui mendacio, vel dolo, promissis vel minis injustum vitæ aggressorem decipit, & occidit cum moderamine inculpatæ tutelæ: nam occisio potest esse efficax & necessarium medium ad se defendendum, adeoque justa defensio, nec ex illa licentia imminent mala, quæ ex prioribus, nec læditur Jus Reipublicæ. Vide *Analys.* N. 136.

C A P U T IX.

De injuriis in bonis fortunæ per furtum, & rapinam, orta que inde obligatione restituendi.

* *

QUÆS.

Q U Æ S T I O I.

Quid, & quotuplex sit Furtum, &
Rapina?

Resp. 1mò. Furtum est injusta, & occulta ^{433.}
rei alienæ ablatio, seu acceptio. Dicitur 1. *Ablatio* : Per quod furtum distinguitur à pura *Definitio.*
damnificatione injusta v. g. incensione domûs,
quæ propriè furtum non est. Dicitur 2. *Rei* ;
nempe externæ, seu mobilis, seu immobilis :
ut si partem agri alieni trahas in tuum, furtum
committis, ut & si mancipium abducas. Di-
citur 3. *Aliena* ; sive jam sit sub alterius Do-
minio, sive sub legitima tantùm detentione,
Furtum enim committere potes, non tantùm
Domino rationabiliter invito rem suam aufe-
rendo ; sed etiam auferendo rem pignori da-
tam, vel depositam, aut commodatam ante
præfixum tempus subducendo. Dicitur 4.
Injusta ablatio ; nam, si adsit consensus Do-
mini, vel detentoris justî, etiam prudenter solùm
præsumptus, aut non possit Dominus esse ratio-
nabiliter invitus, furtum non erit secundùm
dicta de legibus N. 195. Dicitur 5. *Ablatio*
occulta ; id est, quæ fit sine vi, dolo, etsi
fortè Domino vidente, vel præsenre fiat. Esse
autem furtum peccatum contra justiciam ex
suo genere mortale extra dubium est, & ejus-
dem speciei moralis ; quia læsivum juris alieni
in eodem genere boni in æstimatione morali.
Imò nec specie differt à pura damnificatione
injusta propter eandem rationem : quodd enim
res destructa non possit in individuo restitui,
speciem non mutat. Potest tamen aliunde ac-
cede-

cedere species sacrilegii, vel rapinæ furto simplici. Unde

434.
Divisio.

Resp. 2. Furtum aliud est simplex, quod solius furti rationem habet, & nomen; aliud violentum, & dicitur rapina, quæ est injusta rei alienæ ablatio, cum vi facta Domino, vel iusto detentori. Per vim intelligitur non tantum violentia absolute, & strictè dicta, quæ fit cum impetu in personam omninò invitam, & renitentem; sed etiam violentia secundum quid, quæ fit, quando aliquid per metum injustum extorquetur: unde rapinam committit, qui alteri renitenti rem suam, vel à se legitime detentam, per vim auferit, vel per metum gravem, injustè incussum, adigit ad extrahendam. V. g. Si latro minetur mortem, nisi extradat pecuniam; si Princeps minetur exilium, vel carcerem, nisi solvas injusta tributa. Econtra rapina non est, si quis nocte effringat ostium, & nemine præsentem, aut renitente, rem subducatur: hinc rapina differt specie à simplice furto: Fur enim tantum bona involat; raptor autem simul personam saltem inchoativè aggreditur.

2. Furtum aliud est sacrilegum, quo auferitur res sacra, vel non sacra de loco sacro pertinens aliquo modo ad locum sacrum: ut, si quis ex templo, vel alio loco profano furatur, reliquias sacras, etsi solius devotionis causa, vel ex templo suppellectilem argenteam, vel taperem Ecclesiæ pro aliqua celebrare sic commodatum, ut ipsa pro eo respondere debeat. Quod si res sacra nullo modo ad Ecclesiam pertineat, jam illam auferre ex loco sacro probabilius sacrilegium non erit: ut, si quis in templo alteri crumenam exsecet, aut emun-

gar,

gāt ; vel si quis ex sacristia pertinentem ad Parochum rogam, vel ejus superpellicium auferat. Idem dicunt aliqui de furto rei in Ecclesia depositæ, dum pro ea Ecclesiæ non est respondendum: sed hoc alii non admittunt, putantes per tale furtum non sine sacrilegio Ecclesiæ immunitatem violari.

3. Furtum aliud est manifestum, in quo fur præsentē adhuc insecutione, vel inclamatione deprehenditur cum re furtiva eo die, quo furatus est, antequam rem detulerit, eò quò deferre, vel ubi manere cum ea constituerat.

4. Aliud est qualificatum, quod in Jure speciale nomen habet, & specialibus pœnis punitur, estque triplex : nempe 1. plagium seu plagiatus, quo homo liber invitatus dolosè interceptitur, supprimitur, venditur, emitur. 2. Peculatus, quo res vel bona publica, ad Fiscum vel Principem pertinentia, injustè subducuntur. 3. Abigeatus, quo ex grege plura pecora simul, vel successivè abiguntur, aut etiam unum, si magnum sit, uti bos, equus, nisi ex stabulo abstrahatur. De his videri potest Haun. N. 259.

5. Furtum aliud est nocturnum, quod fit in tenebris, ità ut fur agnosci non possit. Hunc occidi permittunt leges, non tamen sine clamore, id testificante, modò ei sine periculo parci non possit. Aliud diurnum, quòd fit in luce, ità ut fur dignosci possit. Denique furtum aliud est grave, aliud leve : irrationabile enim esset, ob furtum rei levissimæ damnare hominem peccati mortalis.

Dices : In materia furti non videtur dari parvitatis materię parvitas ; ergo malè dividitur in gravis materię, & leve. Antec. probatur : nam Gratianus *tertia in furto.*

negati-
va ex
decreto
Gratia-
ni.

in Decreto non quidem *Causa 14. q. 4. post Can. 3.* uel citatus fuit in Theſibus Anno 1749. die 19. Sept. Sed *Causa 24. q. 4. post Can. 3.* ait: *Furtum non tam in quantitate rei, quam in affectu furantis consideratur.* Et Canon. 4. immediate ſubſequens ita incipit: *Fur autem non ſolum in maioribus, ſed etiam minoribus iudicatur: non enim id, quod furto ablatum eſt: ſed mens furantis attenditur.* R. N. ant. cujus probatio nihil evincit: nam imò, quæ Gratianus in Decreto ex ſua opinione addit, authoritatem non habent, niſi privari Authoris, quæ ſi repugnent ſententiæ omnium cõmuni, probabilitatem non habent, niſi niranur ratione ſolidâ, aliis antè non cognita. 2. Canones loquuntur de iis, qui affucti furtis publicis in voluntate ſunt habituali furandi. Tertius enim ita incipit: *Hi, qui in furis publicis implicati, à nobis non videantur injuſtè defendi.* Convenit autem inter Theologos, quòd, qui minuta furantur cum intentione furta frequentandi, ſingulis vicibus graviter peccent. Et in his non tam quantitas, quam in præſenti auferunt, quàm affectus attenditur, non tantum in foro interno; ſed etiam in externo, in quo furta parva frequentata graviter quandoque peccantur. Verum ex his perperam concluditur, affectum furantis eſſe eundem univerſim, ſive parum, ſive multum auferatur; in furto tam parum dati materiæ parvitatem, quàm in materia venerea, ut memoratæ Theſes aſſerebant. Clarum enim eſt eundem non eſſe furantis affectum, ſi ſine intentione plura furandi quid leve auferatur, qui eſt, quando quid magnum auferunt. Item grave peccatum non eſſe furari quid leve ſine tali intentione, ſicut eſt furari quid valde notabile.

His

His Theses subjicio.

I. Ima. Furtum non tam in quantitate rei, quam ex affectu furantis judicatur.

II. Affectus furantis idem, siue multum, siue parum auferatur.

III. Hinc infurto tam parum datur parvitas materiæ, ac in reuenera.

Q U Æ S T I O II.

Quæ quantitas materiæ sufficiat, & requiratur ad furtum grave, inducendamque obligationem gravem restituendi?

Resp. 1. Illa quantitas materiæ sufficit, & requiritur ad furtum grave, per consequens ad inducendam obligationem gravem restituendi, 435.
Quanta ex se apta est dissol- vere amicitia. cujus injusta ablatio, vel detentio, spectatâ communi hominum complexione, de se est alienativa absolutè animi hominis damnificati à damnificante; illa vera non sufficit, sed levis est, quæ talis non est: Ratio constat ex dictis N. 294.

Dixi 1^{mo}. *Spektatâ communi hominum complexione*: quia Justitia, utpote indiscriminatim intendens æqualitatem, omnibus consulit, mansuetis, iracundis, malis, & bonis æqualiter; ideoque attendit ad id, quod plerumque contingit, & ad effectum, quem injuria apta de se est causare ex suppositione, quòd damnificatus sit antecederet constitutus in debito temperamento indolis, & morum, non verò ad accidentalem cujusque dispositionem: neque ad affectum, qui hic & nunc oritur in animo damnificati: sequitur enim Justitia ductum rationis, & dictamen prudentiæ.

R. P. Reuter Theol. Mor. P. III. Ss Dixi

Dixi 2. *De se alienativa*, seu nata alienare absolute animum, vel quia graviter nocet; vel quia, utpote multum alliciens, conjuncta est cum morali periculo similis damnificationis, de se non levis, frequentanda. In idem recidit, si dicatur materia gravis furti, quæ, si auferatur, & detineatur, Dominus merito est graviter invitus.

At verò, quæ hic & nunc talis sit, non est facile determinare. Hinc Doctores in diversas abeunt sententias. Aliqui cum Esparfa, & Dicast. statuunt eandem quantitatem respectu omnium; alii respectivè diversam, quam nempe auferendo ab uno peccatur graviter; non verò auferendo ab alio, v. g. valde divite. Molina censet respectu hominum, non habentium pingues facultates, ad grave furtum sufficere, quod ordinariè datur operatio pro labore unius diei; quia, si hic illâ mercede fraudetur, admodum ægrè fert, & computat inter damna non levia. Sed hæc regula non est satis clara pro omnibus; cum merces sit diversa pro varietate opificum, regionum, ac laborum. Haun. & Illung statuunt pro gravi quantitate id, quod necessarium est sustentationi hominis plebeji uno die. Verùm homo valde dives non videtur rationabiliter esse graviter invitus, si tantundem illi auferatur: Plebejus enim uno die solido, seu octavâ parte imperialis vivere potest. Navarr. pro materia gravi statuit medium solidum, Valentia tres, Marchantius 4. per solidum intelligitur 8va pars imperialis, estque ferè idem quod Italis Julius, Hispanis Regalis. Denique alii cum La Croix L. 3. P. 1. N. 984. pro materia gravi statuunt id, quod sufficit ad sustentationem hominis damnificati per unum diem, cum quibus.

Resp.

Resp. 2. Illa quantitas nata est alienare absolute animum damnificati à damnificante, & materia gravis furti, quæ ad damnificati solius sustentationem pro uno die sufficit. Per sustentationem intellige id, quo is ad victum, amictum, & habitationem pro sola sua persona indiget, adeoque statuenda est quantitas non absoluta, sed respectiva. 436.
Quantitas furti respectiva est mensuranda

Ratio 1^a partis est; quia, cui tantundem injustè auferitur, vel detinetur, merito est graviter iniustus; re enim privari, sufficiente ad sustentationem unius diei, est damnum grave; sicut damnum grave censeretur, uno die privari victu, amictu, & habitatione.

Ratio 2^a partis, quam tenent Lugo, Plat. Gormaz, La Croix, alique communius, est imò: quia non eadem quantitas respectu omnium est apta de se absolute alienare animum damnificati à damnificante: nam quæ talis est respectu pauperis, non est sufficiens respectu valde divitis: si enim hic propter unum, alterumve solidum absolute alienaret animum: valde contristaretur, dissolveret amicitiam, non secus ac pauper, & vulgaris; juxta omnes ageret id sine sufficiente causa. 2. Quantitas furti mensuranda est secundum quantitatem damni illati: atqui non est damnum, quod diviti inferitur per ablationem solidi æquale damno, quod inferitur pauperi per solidi ablationem: solidus enim est pauperi æstimabilior, quam diviti, ejusque amissione plus gravatur. In quem sensum Christus Dominus dixit Marci 12. quod vidua, quæ in gazophylacium duo minuta, id est, quadrantem miserat, plus omnibus divitibus, qui miserunt multa, miserit; quia nimirum quadrans erat ei æstimabilior propter indigentiam. Cujus

ratio à priori est ; quia æstimabilitas rei temporalis, v. g. pecuniæ, non à sola conducentia ad usum humanum, sed simul à necessitate, indigentia, & utilitate ejus, cui auferitur, petenda est ; solidus autem est magis necessarius, & utilis pauperi, quàm diviti ; quia illi sufficit ad congruam sustentationem, & ejus amissione fit inferior, quàm dives. Amissione unius gallinæ plus pauper gravatur, quàm multum dives gravetur in mille Marcis, inquit S. Thom. *Opusc. de erudiendis pauperibus* L. 7. C. 8. 3. Ex communi sententia injuria in fama non est absolute ponenda, sed respectivè ad personam, cui inferitur ; fierique potest, ut crimen objectum uni, vel de uno dictum sit materia gravis, & dictum de altero sit materia levis, & contrà : quia nempe uni grave, alteri leve tantum damnum fit in honore, vel fama ; ergo similiter de furto dicendum est, cum hoc solum discrimine, quòd detractio eò sit gravior, quo persona, cui detrahitur, est in famam illustrior ; quia majus damnum ei inferitur, si dicas, v. g. esse mendacem, quàm si de plebejo id dicas.

Opposita solvuntur. Dices 1^{mo}. Solidus pauperis in communi æstimatione non plus valet, quàm solidus divitis ; ergo quantitas materiæ furti est pensanda absolute. R. Transeat antecedens. N. Conseq. quantitas furti, & injuriæ non desumitur à solo valore in æstimatione communi absoluto, sed simul à valore relativo ad personam, cui res auferitur, in ordine ad quam solidus pauperi ob necessitatem majorem plus valet, quàm valeat aliis. Ex quo non sequitur, quòd dives, permittens cum paupere aureum, ipsi injuriam faciat, quia tradit pauperi aureum tam ipsi pretiosum, quàm sit is, quem ab eo accipit. *Si dicas*

Jus,

Jus, quod habet dives ad solidum suum, est tantum, quantum est Jus, quod habet pauper ad suum. R. Jus materialiter spectatum est æquè magnum, C. formaliter spectatum N. Quantitas Juris enim materialis pensatur per respectum ad rem secundum se; quantitas autem formalis secundum necessitatem, & utilitatem, ad quam ordinatur. Sic, dans pauperi imperialem, censeris plus dare, quàm si dares diviti; quia is pauperi utilior est. Si modius frumenti tui hoc mense valeat medio floreno, & mense sequenti floreno integro, idem Jus materialiter sequenti mense habes, sed majus formaliter; quia modius tunc utilior est, fieretque tibi major injuria, si auferretur. *Si dicas iterum*: Conditio pauperis est furto extrinseca; ergo non auget materiam furti. R. est furto materialiter considerato extrinseca, C. formaliter spectato N. quia facit, ut injuria sit major, cum reddat pauperem miserabiliorem ablatis solidi, quàm redderet divitem.

Dices 3. Quodd respectu divitis quandoque requiratur major quantitas ad mortale furtum, per accidens est; quia dirior facilius præsumitur jure suo cedere, quàm minùs dives; voluntas autem præsumpta excusat à furto, saltem gravi; ergo per se, & spectatâ naturâ rei eadem respectu omnium quantitas est statuenda. R. N. antecedens: nam, suppositâ dispari condicione divitis, & pauperis, fundatur in natura rei; seu recta ratio dicitur, quodd non æquè dives possit esse rationabiliter graviter invitus, quàm pauper ob solidi ablationem. *Si dicas*: si non est eadem quantitas respectu omnium, divites erunt deterioris conditionis,

quàm pauperes ; quia erunt magis expositi furtis. R. N. seq. *Conditio divitum melior est, quam non mutarent cum conditione pauperum ; æquè protegentur à justitia, ut iis non inferatur damnum grave, ac pauperes ; sique furta iterentur, sit materia gravis ; an ideo erunt securiores à furtis, si per accidens est, eos non posse esse æquè invitos graviter, ac pauperes ?*

Dices 3. Si gravitas furri simul merienda sit ex circumstantia personæ damnificatæ, nunquam determinari quantitas poterit ; quia pendet à circumstantiis ignotis ; quis enim scit, an hic vel ille sit dives, liberalis, an tenax, bene, an malè dispositus ? R. 1. Idem valet, si dicatur per accidens esse, quod plus requiratur ad grave furtum respectu divitis. R. 2. N. seq. nam, nisi aliud constet, tales esse homines, censendi sunt communiter, spectatâ complexione, & educatione communi secundum rationem ætatis, conditionis, sexûs, regionis. Quoad statum divitis, & pauperis talis quisque, nisi aliud constet, habendus, qualem se externè præfert ; si fur in hoc erret, per accidens est.

437.
Quantitas respectiva determinatur re late ad diversos

Resp. 3. Pro hisce regionibus nostris, & loquendo de personis extraneis, quantitas respectivè gravis probabiliter sic statuitur. 1. Respectu planè pauperis, vel mendici, per se loquendo, ad furtum grave sufficit unus solidus ablatus. 2. Respectu hominis vulgaris, v. g. civis tenuioris, aut rustici duo solidi. 3. Respectu paulò amplioris tres. 4. Respectu moderati divitis quatuor, seu medius imperialis noster. 5. Respectu valde divitis unus imperialis. 6. Respectu opulentissimi Regis duo ducati ; respectu inferioris Principis unus.

Ratio

Ratio est ; quia hoc videtur sufficere, & requiri respectu illorum ad sustentationem personæ talis pro uno die, quoad victum, vestitum, habitationem secundum modum vivendi communem, & mediocrem, quem servant hujusmodi conditionis homines; tum quia, servatâ illâ proportionē, videtur omnibus illis rationabilis causa præberi gravis indignationis; tum quia hæc sententia neque est nimis rigida, neque nimis laxa, sed inter auctores dissidentes mediâ incedit viâ, quod in ejusmodi rebus incertis solet esse tutissimum,

Dixi 1. *Pro nostris hisce regionibus* : attento nempe pecuniæ valore, qualis in his solet esse communiter; si enim is alibi est valde diversus, cum dictâ proportionē loquendum est secundum valorem ibi existentem.

Dixi 2. *Loquenda de personis extraneis*, nam circa domesticas, v. g. conjuges, filios, & filias-familias, circa propinquos familiares, circa famulos, & famulas A. A. passim liberaliores esse solent saltem in quibusdam, putatque Platelius hic N. 764. requiri in filiis quantitatem ordinariè duplo majorem, ut res ablata furtum mortale constituar. Sed videtur in his plurimum attendendum ad facultates, liberalitatem, indulgentiam, ac voluntatem magis aut minus pro ratione rerum invitam dominorum, quæ circumstantiæ, quia non sunt eadem in omnibus; hinc videtur fieri subinde posse, ut quantitas, ad grave furtum requisita, debeat triplo, vel quadruplo esse major, quàm ordinaria, & contrâ minor subinde, quàm duplo major, prout nempe circumstantiæ prædictæ, ex quibus res illa plurimum dependet, sunt diversæ. Videtur etiam ad grave

furtum ordinatiè plus requiri in conjugibus, quàm in filiis, & in his plus, quàm aliis propinquis, & familiaribus, & in his iterum plus, quàm in famulis, & famulabus, idque propter arctiorem conjunctionem. In religioso sufficere potest minor, quàm in filiis ob votum paupertatis, & professionem majoris perfectionis, communemque disciplinam religiosam. Quæ bona ad filios, & uxores pertineant, vel non pertineant, adeoque, quæ auferendo, aut consumendo, distrahendo furtum committant, constat ex dictis à N. 40. & 46.

*Soluntur
sur op-
posita.*

Dices imò. Duplex ducatus non videretur sufficere sustentationi Regis pro uno die, essetque irrationabile, si Rex amissione ejus sine-
ret se moveri ad gravem indignationem, & alienationem animi omnimodam; ergo. R. N. antec. nam sermo est de solius personæ Regiæ sustentatione, ad quam, seclusa pompa aulica, sufficit illa quantitas, ut constar experientia: nam datur œcono-
mo ejusmodi pro singulis accumbentibus ducatus, & ramen inde adhuc habet luctum. Est quoque Rex meritò graviter invitus, si ei auferatur duplex ducatus; quia meritò est graviter invitus, si ei auferatur unius diei sustentatio. Reges enim sustinere debent majora onera, frequentiora damna, & pericula. Imò sunt sæpè respectivè pauperiores, quàm aliqui cives, cum sæpè in magnis sint debitis: hinc multi A. A. ponunt unum ducatum etiam respectu Regum: loquuntur enim de non ditissimis, ut nunc communiter non sunt. Quod etiam valer de aliis, licet multa possideant. *Nec juvat*, quòd Rex nihilominus aliunde habeat; quo vivat; quia, quæ

quæ aliunde habet, jam considerata sunt tanquam constituentia divitem, à quo ideo possit citra mortale plus, quàm à paupere, vel minùs divite eripi; adeoque antecedenter positum est, acsi præter illa aliud non haberet. Unde facultas illa aliunde habendi sustentationem non debet iterum adduci in considerationem pro extenuanda gravitate illius injuriæ. Et idem est, si moderatè diviti eripiatur medius imperialis.

Inst. 1. mō. Opulentia Regis longè magis superat opulentiam civis, quàm duplex dueatus superet medium imperialem: ergo quantitas gravis non est cum proportionem assignata. R. Transeat antec. N. consequ. Satis est, quòd inter bona sit proportio geometrica, & deficiens; hæc autem habetur, si considerentur onera, pericula, damna Regum.

Inst. 2. Videtur nimis laxum dicere, quòd quis possit furari dirissimo Regi sine mortali ultra tres imperiales; quia etiam licentia illa multum alliceret homines ad furta multiplicanda; & ideo fornicatio, pollutio, fractio sigilli pro omni casu est prohibita. Respondent Layman L. 3. Tr. 3. P. 1. N. 3. Sporer, alique gravissimi A. A. teste La Croix N. 999. negando assumptum. Nec ratio contrarium evincit: nam si sine peccato mortali possit quis furari unum, aut duos imperiales, etiam allicit, etsi paulò minùs, nec tamen hoc dicere censetur nimis laxum. Et ratio est; quia non est periculum proximum, & per se tale repetendi talia furta: tum quia, si reperantur, deveniunt ad peccatum mortale: tum quia est obligatio restituendi saltem sub veniali, nec deest periculum gravis pœnæ subeundæ, si

deprehendatur furtum commissum. Hæc retrahunt à furtis multiplicandis. Aliud est de fornicatione, & pollutione, ubi non est simile retrahens.

Dicitur 2. Si materia gravis furti v. g. respectu nobilis, valde divitis, sit unus imperialis; ergo qui tali furaretur imperialem minùs obolo, non peccaret mortaliter. Consequens non potest dici; quia peccatum mortale differt notabiliter, imò specie à veniali, consequenter, & materia debet differre notabiliter; differentia autem imperialis ab imperiali minùs obolo non est notabilis. Resp. Hoc argumentum debent omnes solvere, si ve eandem quantitatem statuunt respectu omnium, si ve diversam; est autem duplex responsio. Haun Tr. 2. Cap. 3. N. 330. Gormaz hic N. 722. Cardenas in Crisi 1. D. 27. C. 3. & Crisi 2. D. 23. N. 110. concedunt sequelam Majoris, putantes, has quantitates statuendas esse in indivisibili, dicuntque, imperialem ab imperiali minùs obolo non differre notabiliter in entitate & materialiter; differre autem notabiliter quoad vim ultimò completivam materiæ gravis, inductivamque magni effectûs; sicut calor ut septem, & calor ut octo: pondus navim opprimens ob additionem guttæ, pondus depri-mens bilancem per additionem unciz non differt notabiliter ab alio, uncia minore, materialiter, & entitative; differt tamen notabiliter quoad magnum effectum inducendum. Ità hic. Alii summas illas considerant moraliter, ità ut, si valde diviti subduxeris circiter imperialem, censcaris peccasse mortaliter; si autem minus, tantum venialiter; quia dominus censetur æquè invitus, si ve unus obolus plus

plus, siue unus, aut alter minus auferatur, quod non tenet, si desit pars notabilis v, g. una tertia. Sed, quidquid dicatur, tandem deveniendum erit ad abolum, qui compleat partem notabilem; nam si dicas cum aliquibus, peccari mortaliter, si eripiatur imperialis minus tantum sex nummis, quorum 30. faciant solidum; non verò, si eriperetur minus 24. nummis; quia non censureretur ablatum imperialis moraliter spectatus, deveniri tandem debet ad nummum, quo non ablato, non sit amplius imperialis moraliter spectatus ablatum. Videri potest La Croix L. 3. P. 1. N. 1001.

Dices 3. Si solidus est materia gravis furti respectu pauperis, non verò respectu divitis; quia solidus est pauperi æstimabilior; ergo pauper furatus valde diviti medium imperialem, si eum amisit, non tenebitur restituere; quia pauper subiret damnum grave, cum dives ille sit tantum passus damnum leve: Justitia autem non obligat, ut quis cum damno suo gravi reparet damnum leve. Resp. 1. Argumentum iterum debent solvere omnes; nam fatentur, saltem per accidens, requiri plus ad peccatum grave, & obligationem gravem ex culpa, respectu divitis, quam pauperis; sique argumentum valet, pauper nunquam tenebitur diviti restituere totum, quod abstulit etiam cum culpa mortali, si inde non sit factus ditior; quia pauperi erit gravius damnum, quam diviti. Resp. 2. Neg. sequelam. Probat, disting. Justitia non obligat, ut inferens damnum, absolute leve, subeat damnum ex parte objecti absolute grave, C. ut inferens damnum leve, respectu damnificati, subeat damnum grave comparative ad se damnifican-

cantem. N. nam id per accidens est, cumque pauper non possit aliter reducere æqualitatem, ad hoc tenetur. Ita La Croix L. 3. P. 2. N. 248. Item L. 3. P. 1. à N. 988. *Ex dictis colliges sequentia.*

438.
Corolla-
ria.

1. Non peccat mortaliter, qui rem alienam gravem aufert, cum animo statim v. g. intra quadrantem restituendi; uti nec, si intra breve tempus velit restituere, quantum requiritur, ut materia non amplius detineatur gravis; quia dominus non potest esse graviter invitus.

2. Qui furatur rem sacram, pretio temporali æstimabilem, v. g. calicem, gravitas furti determinanda est, sicut in re profana.

3. Si res sit adæquatè sacra, ut v. g. Reliquiæ, considerata est dignitas, & raritas: unde juxta Sanch. Castrop. mortale foret furari minimam particulam S. Crucis; veniale tantum, tamen extra territorium Romanum, auferre de Corpore alicujus Sancti aliquid pulveris, capillum, aut simile quid, quod non deformeret Reliquias, nec minuat earum æstimationem. In districtu Romano tamen prohibitum est sub pœna excommunicationis à Clemente VIII. & Paulo V. minimum quid auferre de Reliquiis, invito Ecclesiæ Præfecto. Prohibitio videtur facta ob aviditatem istius populi nimiam, quâ aliàs facilè gravia inferret damna. La Croix N. 1002.



Q U Æ S T I O III.

Quid tenendum sit de furtis minutis multiplicatis?

R. 1. Qui sæpius vel ab eodem, vel à diversis 439.
parum furatur, singulis vicibus cum intentio- *Furans*
ne magnam paulatim summam congregandi, *levia*
per singula illa furti peccat mortaliter; quia *cum in-*
toties habet voluntatem rem alienam gravem *intentione*
habendi, vel proximum graviter damnifican- *materia*
di; sique is modus furandi prohibitus non *gravis*,
esset sub mortali, plurimum pateretur Resp. *peccat*
humana; direlescereque possent mercatores uten- *gravi-*
do mensurâ & stateris dolosis, quod repugnat *ter.*
juri naturæ & divino, dicente Scripturâ Prov.

11. *Statera dolosa abominatio est apud Deum.*
Et Deut. 25. *Non habebis in sacculo diversa*
pondera, majus, & minus, abominatur eum
Dominus, qui hac facit: unde talis fur, ubi
ad magnam quantitatem venerit, tenetur sub
mortali ad restitutionem, etiam ratione accepti-
onis injustæ.

Resp. 2. Qui sine intentione tandem ha- 440.
bendi magnam quantitatem sæpius furatur par- *Quid, si*
va, siue ab eodem, siue à diversis, singulis vi- *furetur*
cibus peccat venialiter tantum, quamdiu nec- *exigua*
dum gravem quantitatem attingit: ubi verò hanc *sine tali*
atingit, illo furto postremo, siquidem advertat, *intenti-*
attingi quantitatem gravem, peccat mortaliter *one?*
contra Justitiam, teneturque ad restitutionem,
etsi ex diversis singuli non damnificentur gra-
viter. Ratio *1ma partis est*; quia, quando
abest illa intentio, & materia gravis nondum
attingitur, nec grave damnum proximo in-
fertur,

ferretur, nec adest voluntas id inferendi. *Ratio 2da partis est*; quia jam advertenter verè damnum grave injustè complet. Neque multum interest, an quis simul, an successivè exuatur bonis suis, cùm utroque modo illis carere cogatur. Quancquam ad mortale major requiritur quantitas, ut notat Less. quando quis minima furatur magnis temporum intervallis, & non ex industria, sed occasionaliter, quàm si brevi tempore, vel ex intentione multum habendi, aut simul eodem tempore furaretur; quia id domini minùs sentiunt, & minùs ægrè ferunt interpolatas levium furtorum occasionaliter factorum vices, ceduntque faciliùs jure suo, & obligationem restituendi faciliùs remittunt. *Ratio 3tia partis est*; quia, licèt singuli non patiantur grave damnum, quando à singulis materia tantùm levis auferatur; fur tamen vult habere rem gravem alienam, infertque damnum grave communitati graviter invitæ: lædit enim eam per aliquid grave, quod in membris suis patitur ipsa; quia dum membra aliqua suis spoliuntur, alia magis gravantur: unde singuli de communitate sunt graviter inviti, ne hoc fiat; præsertim, cùm licentia illa furandi sine mortali peccato vergeret in gravissimum Reip. detrimentum, in qua desineret omnis industria, & fures, otio dediti, furtis minoribus se quotidie alerent. Itaque, ut graviter lædatur Justitia commutativa, non est necesse, ut uni determinatè inferatur damnum grave; sed satis est, quòd inferatur Reipublicæ, quæ est persona quædam politica, & moraliter una. Sic Princeps peccat graviter contra Justitiam commutativam, si sine justo titulo vectigal, vel gabel-

lam

lam parvam imponat, singulis solvendam per pontem, vel viam incessuris, ex qua exsurgat magna summa. Peccat similiter graviter mercator, qui longo tempore iusto minoribus ulnis utitur, vel ponderibus, aut mensurâ, etsi singulis apud ipsum eminentibus tantum leve damnum inferret.

Dixi 1. *Siquidem advertat attingi quantitatem gravem*: si enim invincibiliter in postremo parvo furto non cogitaret de ea, vel omnino nesciret, parva illa in unum grave coalescere, jam per accidens excusaretur à mortali, ratione talis ignorantiae, vel inadvertentiae. Quod tamen adhuc teneretur probabilius sub mortali ad restitutionem, habetur N. 325.

Dixi 2. *Ubi materiam gravem attingit*: ad quam, ubi à pluribus successivè pauca auferuntur, jam plus, jam minus ad mortale requiritur: nam quod plures sunt damnificari, eò plus requiritur; quia damnum, in plures divisum, censetur minus, ideoque homini minus sunt injuri, ut rectè Sanch. Less. & alii. Hinc Molina & alii requirunt saltem duplum. Putant Sanch. & Cardenas, si eripiat ab illis, qui unam communitem constituunt, ad materiam gravem semper sufficere unum aureum: sed probabiliter, si communitas sit magna, potest ulterius quandoque extendi, modò non excedat duos ducatos. Si singuli, à quibus parva auferuntur, non constituent unam communitem, nec intendatur magna quantitas, censent Esparza & La Croix, probabiliter vix peccari mortaliter; quia nullo damnum grave sentitur, neque singuli, aut omnes illi, qui invicem nullam communem

nionem habent, videntur posse esse graviter inviri. Sed probabilius est oppositum ob rationes datas, & universitas generis humani debet esse invita. Communitatem autem hinc constituunt, qui simul debent ferre opera, ita ut, si unus minus ferat, alter debeat plus ferre, sicque, quando uni nocetur, inchoative noceatur & alteri. Putant aliqui, si pauca à diversis auferantur separatim, longo tempore interpolata, quod non uniantur in unam materiam gravem, sic tenet Diana, si interpolentur per mensem, Sanch. & Dicast. si per annum separantur singula. Negant id alii, etsi per quatuor annos separantur; quia damnum posterius auget antecedens. Quinquam tunc plus requiratur ad materiam gravem v. g. dimidio, vel duplo plus. La Croix N. 1011. *Ex his deduco*

441.
Corollaria.

1. Peccant graviter, per se loquendo, singulis vicibus, qui, etiamsi singulis parum defraudent proximos, injusto pondere, mensurâ, vel ulnâ vendunt; quia singulæ defraudationes fiunt ordinariè cum intentione habendi notabilem summam. Idem est de caupone, qui solet modicum aquæ vino commiscere; nisi id ex bonitate vini compensetur, secundum dicta N. 220.

2. Qui per levia furta complet materiam gravem, etsi non possit restituere priora, peccat nihilominus graviter; quia non tantum peccat graviter, qui, cum potest, non vult restituere materiam gravem; sed etiam, qui damnum grave complet, & nisi hoc verum esset, pauper, & Religiosus, non potens restituere, furando successivè parva, nunquam peccaret graviter. Sic &, qui multas parvas par-

tes

tes in Horis, vel Missa die festo omittit, aut ponit multa opera servilia, actu comedit in die Ieiunii interruptum multa parva, peccat mortaliter complendo materiam gravem, etsi priora non possit infecta reddere.

3. Qui, postquam complevit materiam gravem, furatur quid leve, probabilius peccat singulis vicibus mortaliter, si advertat ad materiam gravem: tum quia habet voluntatem, saltem implicitam, augendi prius damnum grave, quod constituunt posteriora, & augent cura prioribus, sicut parva priora constituiebant materiam gravem, tum etiam, quia complet toties voluntatem habendi materiam gravem alienam. Hinc docet Dicast. quod, qui, omitendo in Horis parva, pervenit ad materiam gravem, toties peccet mortaliter, quoties leve quid iterum omittit, nisi adsit voluntas priora repetendi. Sed hic spectanda sunt simul, quæ requiruntur ad numericam peccatorum multiplicationem. Salas & Molina docent, ultimum parvum furtum esse tantum veniale, aut eo tantum aggravari prius mortale, eò quod non addatur notabile damnum, quæ sententia à Bonacina vocatur valde probabilis, videturque vera, si furtum subsequens procedat à priore voluntate, moraliter non interrumpat.

4. Qui, dum furatur quid leve, quod materiam gravem completeret, habet animum statim priora restituendi, vel hoc ultimum; excusatur à mortali, dummodo seriò velit: quod non vult, qui scit, se non posse restituere.

5. Qui aufert quid exiguum, domino valde charum, v. g. florem rarum, & singularem, primos fructus ex arbore, à domino destina-

tos ad honorandum Principem, & ideo valde charos, prævidirque, dominum graviter affligendum ex amissione, peccat graviter, non quidem contra Justitiam; nisi damnum aliud sequatur, vel bonum impediatur; attamen contra charitatem. Idem est de eo, qui artifici auferret instrumentum, etsi levis pretii, ex cujus usu viveret. Inò si sic hic impediretur à victu, vel lucro acquirendo, peccaretur contra Justitiam graviter, non tam peccato furti, quàm injustæ damnificationis.

6. Filii peccant mortaliter, si notabile quid etiam successivè subducant de parentum bonis absque eorum consensu expresso, tacito, vel prudenter præsumpto, tenenturque restituere ex bonis castrensibus, vel quasi castrensibus, si quæ habent, vel in divisione hæreditatis cum fratribus computare in partem suæ legitimæ, nisi fortè tantundem & isti subduxerint patri, vel hic condonaverit, vel saltem rationabiliter existimatum fuerit, quòd fuisset condonaturus, si scivisset. *Ratio est*; quia verè lædunt jus parentum, & fratres defraudant. Idem dicendum de famulantibus, si de bonis dominorum absque consensu, saltem tacito, successivè, vel simul notabile quid subducant. *Ratio est eadem.* Regulariter tamen in esculentis & poculentis ordinariis, quæ ab ipsis famulantibus absumentur, requiritur major quantitas ad mortale respectu eorum, quàm respectu extraneorum; quin & in aliis reculis, quas indies contrectant; quia in iis Heri censentur minùs inviti. In statuenda autem quantitate gravi considerandæ sunt circumstantiæ, qualitas materiæ acceptæ, an pecunia, an esculenta, vel poculenta ordinaria,

&c

& iis apponi solita, an extraordinaria; an in proprios, vel alienos usus; divesne sit dominus, an pauper; liberalis in suos, an parcus; an famulus sit charus, vel valde utilis, aut contrà. Considerari quoque potest, an præsumpta Domini voluntas non excuset à restitutione, & culpâ gravi. Quanquam rectè monet Molina, quòd fures domestici, famulus, uxor, filius sint obligandi ad restitutionem, vel petendam remissionem, etsi certò sibi persua-deant, rei dominum fore contentum, ut non restituant: sic enim absterrentur à repetendis furtis.

7. Famuli sartorum, & ipsi magistri regulariter peccant, etiam graviter, ubi materiam gravem attingunt, retinendo, vel vendendo panni fragmenta, quæ supersunt, dominis adhuc utilia: nam imprimis nulla adest ratio, famulos excusans: ordinariè enim accipiunt justam mercedem à suis magistris; alias passim non locarent ipsis suam operam pro ea: neque ordinariè spectant fragmenta illa ad ipsos magistros. Deinde certum non est, quòd magistri mercedem justam non accipiant, aut injuriam patiantur irreparabilem, & domini in his regionibus fragmenta sollicitè repetunt. Aliud esset, si alicubi consuetudo obtineret, ut minùs solva-
tur, & fragmenta sartoribus maneant; aut con-
staret, dominos opulentos non velle sibi frag-
menta restituì.

Resp. 3. Si plures furta levia committant, non moventes se mutuò, probabilius non peccant graviter quid leve auferendo, etsi advertant, ab aliis jam esse ablata, aut auferenda, quæ simul grave damnum constituent, adeoque nec sub mortali tenentur ex Justitia ad restitutionem.

Ità Sanch. Lugo , & alii multi contra Suar. Vasq. & alios multos probabiliter docentes , à singulis peccari graviter , eò quòd scienter concurrant ad grave damnum , & in illud consentiant. *Ratio prioris est* 1. Quia singuli immediate per se tantum nocent in re levi ; in nocumenta autem , ab aliis facta , non influunt, nec, ut suppono , tenentur ex Justitia impedire, adeoque iis non imputantur. *Ratio est* 2. Si sententia opposita esset vera , sequeretur abyssus inextricabilis scrupulorum tam in Confessariis, quàm in pœnitentibus : nam quisquis alicui diviti furaretur minimum, merito timere deberet se exponi periculo peccandi mortaliter ; quia moraliter certum est , alios eidem multas similes injurias fecisse. Imò qui post vineam magnâ ex parte direptam, unicam uvam furaretur, peccaret mortaliter , longeque gravius, quàm cæteri priores : jam enim in totum prius damnum censetur influere. V. La Croix L. 3. P. 1. N. 1010.

Dixi : *Non moventes se mutuo* : nam aliud est , si se consilio, suasionem, &c. invicem movent : tunc enim essent causa totalis totalitate effectus. Secus est in casu nostro.

Si dicas 1. Qui vulnerato addit leve vulnus, ex quo moritur , qui bene poto addit ultimum haustum , ex quo plenè inebriatur ; qui alicui, multis levibus infamato , ab aliis, vel à se, addit labem levem , ex qua consurgit gravis infamia ; peccat mortaliter : ergo similiter , qui damnificato ab aliis leviter , addit damnum leve, ex quo, prioribus juncto , consurgit damnum grave, peccat mortaliter. Resp. Conc. Antec. Neg. Consequentiam : nam mors, ebrietas, fama , simpliciter adhuc bona , infamia gravis consistit in indivisibili ; mors quidem in privatione vitæ, ebrie-

ebrietas in privatione rationis, infamia in iudicio indivisibili de gravi labe proximi. Hæc autem velut novus effectus gravis causantur per actus illos leves: ante hos enim adhuc erat vita, usus rationis, fama simpliciter bona. Contra damnum grave in bonis fortunæ non consistit in indivisibili, & ultimum damnum leve inferens, non causat novum damnum grave; nec priora complet, cum ab ipso non dependant.

Si dicat 2. Si casu effusæ pecuniæ ex loculis mercatoris, colligerentur à multis, omnes peccarent mortaliter, etsi singuli levem summam auferrent. Idem est, si multi vineam diriperent; ergo à pari. Resp. Neg. Conseq. Singuli tacite se animarent confidentiâ impunitatis ad diripiendam pecuniam. Sed id tantum videtur verum, si duo vel plures se mutuo ad id moveant; non autem si alteri mera occasio ad furandum sit unus suo exemplo. Ut dictum N. 343.

Colliges. Si famulæ, vel famulo cura domûs, 443.
vel cellæ sit commissæ, & videat alium famulum *Quid, si*
successivè parva furari, tenetur impedire, aut *famulus*
domino dicere; secus peccat contra Iustitiam, *domino*
& tenebitur ad restitutionem etiam sub gravi, *si non ma-*
grave damnum sit domino illatum. Si autem ei *nifestat*,
cura non sit specialiter commissæ, tenebitur qui *furta*
dem ex charitate, si commodè possit, impedire, *domesti-*
vel dominum monere, non tamen ex Iustitia, *corum*
ut tenent; teste La Croix L. 3, P. 2. N. 46. com- *vel ex-*
muniter omnes. At si extraneus furaretur; velut *ternoræ*
probabilius tenet La Croix cum Less, & Lug.
quod teneatur famulus restituere, etsi illi cura
non sit specialiter commissæ; quia videtur esse
tacitus contractus, & de jure gentium, ut cuius
famulo res domini sint commissæ contra injurias

externorum. Negat id Molina, Bonac. & alii. Denique si dominus singulis famulis mandaret leve damnum inferre, ex quibus multiplicatis confurgeret grave; dominus peccaret graviter, & teneretur sub gravi ad restitutionem, etsi singuli famuli tantum peccassent leviter.

Q U Æ S T I O IV.

An, & quæ necessitas excuset à Furto?

444. Resp. Nec necessitas communis, nec gravis, *Sola extrema* sed sola extrema, vel quasi extrema excusat à furto, id est: nec in comuni, & vulgari, nec in gravi licet propriâ autoritate alienum quid usurpare, vel subducere sine consensu, saltem tacito, vel prudenter præsumpto domini; licet tamen ex bonis proximi, ad naturam ipsi simpliciter non necessariis, sibi providere de mediis saltem ordinariis ad extremam necessitatem sublevandam: est communis omnium, teste Cardenâ.

Ratio una partis est: quia licentia illa magnam in Reip, induceret confusionem: est enim necessitas communis, quâ laborant plerique pauperes publicè, vel occultè mendicantes, quæque importat defectum quidem aliquem in necessariis ad vitam & statum; non reddit tamen vitam nimis miseram & molestat juxta statum & conditionem patientis: in hac autem, si liceret aliena subducere, confunderentur omnia.

Ratio 2da partis est: quia necessitas gravis est, quando quis ex defectu necessariorum, est in periculo incidendi in magnam miseriam, quæ reddat vitam notabili-

ter

ter moleſtam, non tamen miſerrimam, & morti æquivalenter acerbam; vel ex qua imminet periculum notabilis damni: in hac autem aliena auferre, ut non liceat, exigit reſtus ordo in Rep. humana: nam 1. Cùm neceſſitas illa ſit frequens, multiplicarentur furta & rapinæ cum perpetua pacis communis perturbatione. 2. Homines non ſatis abſtinerent à bonorum dilapidatione, otio, & inertiâ; quia poſſent ſibi providere ex alienis, caſu quo laberentur in gravem neceſſitatem. 3. Gravi neceſſitati ſatis ſuccurritur per obligationem dandi eleëmofynam, quam dare ex charitate tenentur divites proximo, in gravi neceſſitate exiſtenti, ſecundùm dicta P. 2. Hinc domini ſunt meritò rationabiliter inviti, in tali neceſſitate ſibi ſua clam, vel vi auferri; nec bona ſunt communia: non enim eo fine producta ſunt bona inferiora, ut omnes eſſent æquales in dignitate, honore, opibus, deliciis. Imò connaturalius eſt, ut ſint inæquales, ideoque bonorum diviſio introducta eſt, ut per induſtriam, aut fortunam alii aliis ſint excellentiores: proinde ex eo, quòd unus homo caſu, aut culpâ ſuâ ſtatum priſtinæ excellentiæ amittat, non eſt cauſa ſufficiens diviſioni bonorum derogandi; cùm natura non produxerit hominem, ut in ſtatu ſuperiori viveret, ſed ut viveret, atque ad hoc ſolum neceſſaria ei providit.

Ob has rationes meritò damnata eſt ab Innoc. XI hæc ordine 36. Propoſitio: *Permiſſum eſt furari non tantùm in extrema neceſſitate, ſed etiam gravi*, ubi per furtum intelligitur occulta ſubductio rei alienæ: nam nemo docuit, quòd liceat auferre rem alienam.

invito rationabiliter Domino, quod propriè furari est. *Si dicas* : Gravis necessitas excusat à restitutione, ergo & à furto. R. N. consequentiam ; quia obligatio restituendi tantum suspenditur. Deinde utraque licentia non exponit paribus periculis : hinc Dominus non potest esse in uno, in altero potest merito esse invitatus rationabiliter. Vide N. 362. §. Nn. 5.

Ratio 3tia partis est : quia extrema necessitas est defectus, vi cuius quis est in periculo mortis, vel certo, vel probabiliter secururæ, nisi succurratur. Dico vel probabiliter : nam irrationabile foret expectare usque, dum quis incidat in periculum proximum ejus, aut jam de vita desperatum sit. Sicut autem quilibet habet jus, imò obligationem conservandi vitam suam ; ita in tali necessitate competit ei jus ad media eò necessaria : hinc tum omnia bona, in ordine ad illam necessitatem sublevandam necessaria, sunt ipsi cum aliis communia saltem quoad usum : omnia enim bona inferiora ad tuendam hominis vitam, & æternam felicitatem consequendam condita sunt, & ordinata, cui ordinationi divisio bonorum, jure gentium introducta, præjudicare non potuit : alioquin enim esset irrationabiliter introducta : quare, incidente extremâ necessitate, habent se bona, ac si divisa non essent, fiuntque primo occupantis, quatenus ad illam necessitatem sublevandam sunt necessaria : unde talis non feratur, cum Dominus non possit esse rationabiliter invitatus.

Dixi 1. *De bonis proximi, non necessariis simpliciter ad naturam* : Nam si Dominus in pari tecum esset necessitate, non posses subdu-

ducere, quæ ipsi ad vitam sunt necessaria; quia in pari causa melior est conditio possidentis.

Dixi 2. *Potest sibi providere*; id est necessaria subducere clam, si petendo non obtineat, vel prævideat se non obtenturum: secus tenetur petere, quia revera non est in necessitate extrema surripiendi; idque videtur verum etiam de viro nobili, si possit convenire virum nobilem, aut petere per litteras, quæ non erubescunt. Aliud esset, si hæc non posset, foretque nimis durum ostiatim mendicare.

Dixi 3. *De mediis saltem ordinariis*; quia, an possit rem valde pretiosam, v. g. ter mille aureos, ad vitam tuendam necessarios, subducere, probabiliter utrimque controversitur. Negat Lugo, præsertim, si summa illa esset necessaria alteri ad suum statum sustinendum, aut alter ideo in gravia mala esset lapsurus: tum quia charitas non obligat cum tanto suo dispendio; tum quia nulla virtus obligat ad vitam suam, vel proximi conservandam per media tam extraordinaria: unde nec hoc in divisione bonorum videtur exceptum. Affirmant alii; quia bona tunc sunt communia saltem ad usum pro necessitate, hoc sensu, quod pauper in ordine ad id habeat jus accipiendi, & acquirendi necessaria; non habet tamen dominium bonorum; unde dives abscondens sine vi, & dolo bona sua, non pauper in extrema necessitate ea accipiat, peccat secundum Viva tantum contra charitatem, & probabilius dives non tenetur tunc succurrere ex iustitia, sed ex charitate ad eleemosynam. V. 331.

Dixi 4. *Necessaria ad extremam necessitatem sublevandam*: nam plus auferre non licet quam eò sit necessarium. Unde imò. Si suf-

ficiat solus usus rei, v. g. equi, manet obligatio eum restituendi cessante necessitate. 2. Si extremè indigens habeat alibi in re, vel in spe probabili, unde solvere possit, non potest rem alienam subducere, nisi cum onere restituendi; quia necessitas tum non exigit rem permitti gratis, si sufficiat mutuò, vel commodatò accepta. 3. Qui rem alienam extremè egens consumit, si nec in spe habeat, quò compenset, non tenetur postea compensare, etsi apud ipsum fuisset deposita, vel ipsi commodata, & ipse ad meliorem fortunam perveniret. Idem probabiliter dicitur, si rem furto haberet; quia, si res apud Dominum extitisset, potuisset sine obligatione restituendi auferre. Nec obstat, quòd obligatio ex contractu, & furto sit personalis, cohærens personæ; quia Dominus in casu extremæ necessitatis tenetur illam obligationem remittere, cum aliàs obligatus fuisset gratis dare. Aliud foret, si rem habuisset mutuam, aut furto sublatam, per mixturem fecisset suam: tunc enim rem propriam consumpsisset, & maneret prior obligatio, redeunte potentiâ restituendi.

Quæ dixi de extrema necessitate, idem dic de quasi extrema; quia, hâc incidente, extrema est moraliter præiens: est enim necessitas quasi extrema defectus, ex quo adest proximum periculum incidendi in malum, morti æquivalens, quod ex circumstantiis æstimandum est: quale censeretur privatio oculorum, vel membri principalis, perpetuus carcer innocentis, infirmitas magna, perpetua amentia, &c. Necessitatem quasi extremam aliqui vocant valde gravem; & de hac locuti sunt Less. Con. Tamb. Vasq. Bonac. docentes, licitum esse

esse in gravi necessitate rem alienam, ad illam sublevandam necessariam, subducere.

Q U Æ S T I O V.

An, & quando occulta compensatio excusetur à furto?

Resp. Occulta compensatio, quæ est tanti 445.
de bonis debitoris, quantum hic ex justitia Si certa
debet, acceptio, vel detentio, facta inscio ipso, *servan-*
excusatur à furto, & per se licita est, si fiat ex *tur*, ad
bonis creditoris in eadem specie, sine damno, *sint con-*
& præjudicio tertii, cumque minimo, quo fieri *ditiones.*
commodè potest, damno debitoris; debitum-
que sit strictum, seu justitiæ; idque certum, &
præsens; & alia via aut omninò non, aut non
nisi cum magna difficultate obtineri possit.
Est communissima contra Elizalda L. 8. Q. 7.
§. 4. Ratio est; 1. modò. Quia debet esse me-
dium moraliter possibile ad obrinenda, debita
sibi jure stricto; atqui nisi liceret in casu oc-
cultæ compensatio, non superesset medium:
ergo.... 2. Debitor, nec quò ad substantiam,
nec quò ad modum potest esse rationabiliter
inventus, quòd creditor in iis circumstantiis
utatur occultæ compensatione: non quoad sub-
stantiam; quia creditor accepit rem æquiva-
lenter suam: non quoad modum; quia ex-
cusat necessitas, & impotentia alià vià debi-
tum accipiendi, nimisque durum est sic pri-
vari sibi debito, & cogi ad sustinendam diu-
turiorem injuriam. Nec sic creditor est Ju-
dex in propria causa: non enim sibi jus dicit
dubium in propria causa; sed exequitur jus
suum, aliunde liquidum, & ulteriorem inju-
riam

riam propulsat : sicut, qui rem suam invenit apud furem, & clam privatâ authoritate recipit.

Nec juvat, quòd nemo possit licitè propriâ authoritate ulcisci injuriam, sibi illatam ; quia justitia vindicativa, ad quam ultio spectat, est in solo superiore, cujus est pœnas commensurare culpis ; subducere autem debitum non est ulcisci, sed ulteriorem injuriam avertere, quod justitia commutativa permittit.

Nec juvat iterum, quòd forum externum non approbet occultam compensationem ; quia id præsumit eam fieri, aut periculum esse, ne fiat sine justo titulo ; quem, si sciret cum cæteris conditionibus adesse, improbare non posset occultam compensationem. Sic si fur rei tibi subductæ jam haberet civilem possessionem, forum externum improbareret, si eam authoritate privatâ eriperes, & tamen id licitè faceres.

Dixi 1. *Per se loquendo* : nam per accidens potest in iis etiam circumstantiis esse illicita ; ut, si accepisses rem mutuam à tuo debitore, & jurasses te redditurum : tunc enim ob reverentiam juramenti retinere non posses in compensationem tui debiti.

Dixi 2. *Si fiat ex bonis creditoris sine præjudicio 3^{ti}, &c.* nam ad licitam occultam compensationem requiruntur hæ conditiones :

Condi- 1^ama Debitum debet esse justitiæ, & non tantum convenientiæ, vel charitatis, aut gratitudinis : aliàs enim utens compensatione ne quidem jus ad rem habet. Ità omnes.

2^{da}. Debitum illud justitiæ debet esse certum ; quia nemo potest re legitimè possessâ ob

Ob solam probabilitatem ab alio propriâ auctoritate spoliari : legitima enim possessio tribuit jus certum rem retinendi. Unde receptum est axioma : *In dubio melior est conditio possidentis*. Cujus ratio est ; quia, si mera probabilitas sufficeret ad deturbandum aliquem legitimâ, & bonæ fidei possessione, nimis facile quilibet posset spoliari rebus suis, dum homines lucri avidi quærent sibi rationes, & conjecturas judicii probabilis de eo, quòd hoc vel illud sibi debeat. Sufficit tamen certitudo moralis ita, ut viri prudentes nec dubitent, nec putent, dubitari posse de debito justitiæ.

3^{ta}. Debitum regulariter debet esse præsens : aliàs enim jus & debitum non est, sed erit. Dixi : *Regulariter* ; nam juxta Illsung, Sporet, & alios licet prævenire, si alter post mensem sit tibi certò debiturus, & tunc non sis accepturus ; quia licet periculum rebus suis imminens remove, & se servare indemnem, vitra damnum tamen debitoris ex anticipata solutione ; quod, si sequeretur, compensandum esset.

4^{ta}. Res, in compensationem accipienda, debet esse debitoris, & non tantum apud ipsum deposita, vel ipsi commodata. Aliud juxta multos esset, si res apud creditorem esset deposita ; & leges, quæ contrarium statuunt, intelligunt de foro externo. Alii putant, quòd depositarius vi contractûs specialiter se obliget ad rem depositam in specie reddendam. Sed hoc incertum est : unde videtur standum jure naturæ, quod compensationem permittit.

5ta. Res debita non debet facile alio modo posse obtineri, v. g. coram Judice, ut ordinariè non potest; vel quia debitum probare non potest, vel impensæ, incommoda, jactura amicitiae, aut gratiæ multum utilis, subeunda sunt. Si tamen Judicem non adires, cum facile posses per eum obtinere debitum, communiter non censetur mortale; quia occultè compensans sibi, non agit contra justitiā commutativam; sed tantum contra leges, quæ modum tantum, sine authoritate Judicis, debitum subducendi improbant, & graviter non obligant: imò nullo modo peccas, si rem tuam, in se existentem apud malæ fidei possessorem, subducas; modò sine scandalo, & alteriùs incommodo fiat.

6ta. Debet, quoad fieri commodè potest, non accipi res, nisi ejusdem speciei, v. g. pecunia pro pecunia, frumentum pro frumento debito; aliàs injustè cogeretur debitor rem non debitam commutare cum alia debita. Si tamen in re simili compensatio fieri non possit, erit licita in aliis debitoris bonis; quia hic non potest esse rationabiliter invitatus, modò sine alio fiat incommodo. Dominium tamen firmum rei alterius speciei non acquiritur; sed debitor, si dein solveret, posset eam repetere.

7ma. Fieri debet cum minimo, quo potest, debitoris damno, quodque non tenearis ex justitia, vel charitate impedire. Hinc cavendum, ne debitor ignorans solutionem iterum tibi, vel hæredibus tuis solvat, vel perseveret in peccato, si sit in mora culpabili; sed monendus, quòd ultra ab ipso nihil exigatur, ita tamen; ut non inducatur ad antidoralem aliquis

cujus donationem : hoc enim, utpote ex errore procedens, restituendum esset. Si tamen sine gravi incommodo hoc recusare non posses, licitè quid admitteres ; sed teneris restituere.

8va. Fieri debet sine damno, & præjudicio tertii innocentis, v. g. cavendo, ne aliis creditoribus, jus prælationis habentibus, præjudicerur ; ne fiat ex bonis debitoris, quorum administrationem, & usumfructum non habet ; ne alius putetur furatus, & cogatur restituere. Quia tamen hoc ultimum tantum per accidens sequitur ex occulta compensatione : hinc si hanc sine notabili incommodo omittere non posses, licitè eam faceres ; si autem posses, compensando peccares, non quidem contra justitiam ; attamen contra charitatem. *Ex his deduces.*

1. Famuli, & famulæ (idem est de aliis servantibus pro salario, ut sunt operarii diurni, *Corolla.* Opifices, Secretarii, Quæstores, &c.) non possunt licitè heris suis, vel dominis surripere occultè ad compensandam operam suam, quam malevolentibus jorem judicant salario, quod recipiunt. Constat ex opposita damnata ab Innoc. XI. ordine 37. *Ratio est* ; quia, quod ipsi ita judicent, non idèò certum est, suntque ipsi rari apti ad judicandum, etiam esse probabilius salarium minus justo : nam sicut pretium mercium, ita & salarium justum non consistit in indivisibili ; sed aliud est justum infimum, aliud medium, aliud summum : & quamvis sit evidenter infra infimum, si famulo, totà die laboranti, non dentur sufficientia ad victum secundum alios suæ conditionis ; atramen ut discernatur, quando opera famuli exigit majus

jus stipendium, ad plurima attendendum est : atque imprimis , an non alii passim reperiantur , qui citra similem necessitatem tali stipendio contenti sint : quod si ita sit , stipendium certò justum est. Item an multi reperiantur , qui velint operam suam locare : ex multitudine enim eorum dectescit pretium operæ , dein , an ultro offeratur famulus hero non indigenti : tum enim magis vilescit , sicut vilescunt merces ultroneè oblatæ : denique , an non opera simul per alia compensetur , v. g. per favores , instructionem spem promotionis , aliave emolumenta pretio æstimabilia. Quæ omnia ritè ponderate non possunt famulantes ; imò nec Confessarius , nisi valde doctus : & benè versatus in morali , habensque simul noticiam communis æstimationis , & praxeos in regione , in qua servitur. Unde non sufficit , quòd famulus judicet , sibi evidentem fieri injuriam ; quia amor proprius non rarò facit , credi evidens , quod sæpè vix est probabile. Si tamen famulus occupètur in aliis pluribus , ad quæ certò non est conductus , pro his potest augmentum stipendii petere , si que aliter obtinere non possit juxta La Croix N. 976. potest occultâ compensatione uti ; modò faciendo , ad quæ conductus non est , non sit liber ab aliis æquè difficilibus , & æstimabilibus , & non voluerit opera facere gratuita.

2. Si famulus acceperit pecuniam mutuum à Domino , v. g. pro emenda novæ vestis , judicetque probabiliter salarium suum esse minus justo , & Dominus moriatur ; non potest quidquam in compensationem occultate hæredbus : quia jus Domini ad recipiendum mutuum

anrecedenter est in certa possessione, & sic ad hæredes transit; consequenter elidit jus incertum famuli, nec possessio juvat famulum Lugo D. 18. N. 10. La Croix L. cit. Sic inquit Lugo: Si debueris, & dubites, an solveris; si votum reale feceris, & dubites, an impleveris; teneris adhuc solvere, & implere non obstante, quod sis in certa bonorum tuorum possessione. Econtra, si famulus vi, vel metu injusto sit compulsus ad serviendum pro stipendio certo minore, quam justum sit, potest occurrere compensatione supplere defectum non tantum ad stipendium justum infimum, sed etiam usque ad medium, modò serventur reliquæ conditiones; quia injuriam passus esset, & Dominus debet ei stipendium justum, facileque famulus invenisset, qui ei medium justum dedisset. Si verò propriâ indigentia compulsus id fecerit, juxta Less. hic cap. 12. Suar. Disp. 8. de Sacram. S. 4. & alios, teste Viva, communissimè potest sine injuria compensare sibi ad pretium infimum justum; quia conducent famulam tenetur consentire in leges conductionis, quæ exigunt pretium saltem infimum justum. Unde si conductor in id non consentiat, facit injuriam; sicut emens tenetur consentire in pretium justum, sique à paupere, indigentia ad vendendum compulsus, emat justo minoris, injuriam facit, & tenetur restituere defectum.

3. Non potes hæredi necessario subducere clam rem tibi legatam in testamento, destituro solennitate civili; quia probabile tantum est, eam tibi deberi. Aliud tamen est de legato pio. Econtra quando in contractu in se quidem valido, attamen per sententiam Judicis irritabili

R. P. Reuter Theol. Mor. P. III. V v passus

passus es, si aliâ viâ non possis rem recuperare, & ante sententiam Judicis alter teneatur restituere, potes occultâ compensatione uti; quia jus tuum certum est. Lugo D. 22. N. 116. La Croix N. 962. in fine. Universim attendendum, an jus strictum sit, & certum. An is, cui Princeps debet, à quo debitum obtinere non potest, possit occultâ compensatione uti, defraudando gabellas, vel vectigalia ab alio conductâ, vel empta, utrimque probabiliter controversitur, de quo videri potest La Croix N. 970.

*Solutum
est op-
posita.*

Dices 1mo. Potest Princeps exigere tributâ, quando causâ probabilius est justa: potest Rex bello occupare provinciam ab alio possessam, quam probabilius judicat esse suam: possum intendere, per Judicem rem ab aliò possessam recuperare, quam probabiliter judico; mihi deberi: ergo à pari possum mihi rem subducere clam, quam probabilius judico esse meam, vel mihi deberi. R. T. anteced. N. consequ. nam 1. Tributa imponuntur in bonum communitalis, unde in iis imponendis Princeps agit velut administrator illius, & Judex ex consensu communitalis, ex quo sufficit causâ probabilius justa. 2. Rex in eo casu agit velut Judex, nec aliud medium est dirimendi dubium. At ne hallucinetur in propria causa, debet adhibere consiliarios pios, & doctos, qui de probabilitate judicent. 3. Judex, tanquam legum peritus, ex communi consensu à Republica constitutus est, ut in controversis, sic exigente bono communi, jus suum cuique tribuat, & judicet pro eo, pro quo jus est probabilius, ne dominia maneant incerta, ut discordiæ tollantur, quod vel maximè conducit

ducit ad bonum Reipublicæ : unde, quando mihi est jus probabilius, estque spes victoriæ, possum agere apud Judicem, ut ille discernat, cui probabilius res, vel jus conveniat. At licentia occultè subducendi, quod probabilius judicat privatus esse suum, vel sibi deberi, vergeret in perturbationem Reip. Privati enim temporalium avidi facillè aberrant in causis propriis, & raro sunt apti ad rectè judicandum in ejusmodi : quare licentia illa concedenda non est privatis, etsi aliquis re ipsâ aptus esset ; quia universim debet esse prohibitum, cujus licentia vergeret in perniciem Reip. Dixi : *Transcat* ; quia multi ad bellum offensivum requirunt moralem certitudinem ; cum Judex propter jus incertum non possit legitimè rem possidenti, eam abjudicare. Eapropter non potest judicare secundum probabiliorem, & possidentem legitimè re suâ spoliare, dum in solo peritorio agitur ; sed tum requiritur moralis certitudo, aut prius evacuanda est possessio.

Dices 2. In compensatione intervenire debet contractus ; aliàs creditor erit Judex in propria causa : atqui in compensatione occulta nequit intervenire contractus : hic enim est duorum, vel plurium in idem consensus ; debitor autem, inscius compensationis occultæ, non consentit ; ergo compensatio occulta in quocunque casu est illicita. Hoc est fundamentum Thescos vigesimæ tertiæ inter reliquas pro doctorum in utroque jure publicæ dissertationi proposiæ Anno 1749. die 13. Augusti : qua negabatur unquam esse licitam auctoritate privatâ occultam compensationem. Sed facilis est responsio : nam cum jus credi-

coris sit certum, nec aliâ viâ, uti supponitur, sibi debitum possit obtinere, tam parum requiritur contraclus, quàm requiratur, ut rem meam, apud alium existentem, clam recipiam, si alio modo recuperare nequeam; sed satis est, quòd debitor non possit in casu nostro esse rationabiliter invitus, etsi positivè non consentiat. Neque ideo creditor est Judex in propria causa: non enim inter partes, ut solet Judex humanus in foro externo, controversiam dirimit; sed utitur jure suo certo, & ut dixi, ulteriorem injuriam propulsat. Unde liquet, an probabile, an verò tantum umbratile sit relatæ Thesîs fundamentum contra communem omnium, teste Lugone, Theologorum sententiam, si Henricum, & Elizaldam excipias, cujus infirma argumenta jam suprà dissoluta sunt.

Dices 3. Debito certo potest satisfieri per solutionem probabilem: ut, si quis probabiliter judicet, se certam Horam Canonicam jam dixisse, non tenetur eam repetere; ergo, ut rem ab alio possessam subducam, sufficit me probabiliter judicare, rem esse meam. R. Debito purè legali potest satisfieri per solutionem probabilem. Transeat. Debito justitiæ. N. ant. & conseq. Quando agitur de satisfaciendo debito legali, faciliùs præsumitur, saltem aliquando, Legislator esse contentus satisfactione probabili: id enim petit regiminis suavitas: at ubi quæritur de debito rigoroso justitiæ, non præsumitur possessor, vel creditor contentus solutione, aut opinione solùm probabili. Quisque se ipsum consulat, an foret contentus, si alius rem ab ipso possessam ei eriperet; eò quòd.

quod hic probabiliter, imò probabiliùs judicet,
esse suam. Vide dicta P. 1. N. 188.

Q U Æ S T I O VI.

Quid tenendum in variis dubiis de obli-
gatione restituendi?

In dubiis de præsentì materia attendendum
imò, pro quo stet possessio, de quo regulas de-
di P. 1. N. 83. 2. An res possideatur bona, du-
biâ, vel malâ fide. His conformiter

Resp. 1. Possessori dubiæ fidei serviunt se-
quentes Regulæ :

1. Qui accepit rem ab alio, vel primus
eam occupavit, dubitans, an spectet ad aliquem
tertium, vel aliquos in particulari, si, factâ
inquisitione debitâ, dubium maneat, tenetur
pro qualitate dubii restituere; quia, cum rem
necdum habuerit bonâ fide, possessio ei non
favet.

2. Qui accepit rem à bonæ fidei possessore,
dubitans, an ejus sit, potest, si adhibitâ di-
ligenti inquisitione dubium maneat, retinere;
quia juri possessoris bonæ fidei potest insistere.
Si acceperit, dubitans in communi, & factâ
inquisitione dubium maneat, an res spectet ad
aliquem, sed in communi tantum, & nesciat
ad quem, probabiliter potest incipere possessi-
onem bonæ fidei; quia neminem novit, cui
injuriâ faceret, Vafq. Turr. Lugo. At pro-
babiliùs pro ratione dubii dandum aliquid
pauperibus, sicut dictum de debitis incertis ex
delicto.

3. Si quis rem, bonâ fide hætenus posses-
sam, probabiliter putat esse alienam, & factâ

debitâ inquisitione maneat dubium , potest eam retinere, si probabiliter sit sua, etsi probabilius sit aliena. Itâ Vasq. Tamb. Diana, Lugo, Castrop. Laym. Dicast. apud La Croix L. 3. P. 2. N. 563. contra Valentiam Con. & alios, contendentes tunc rem esse restituendam, eò quòd non sit æquale dubium; possidentis autem conditionem tantum esse meliorem in dubio æquali. Sed ratio aliorum est; quia titulus possessionis prævalet omnibus aliis, quæ non convincunt certò; nam in possessione est verum, certumque jus; definitur enim possessio: *Jus insistendi rei non prohibet a possideri*; ergo, quamvis dubium sit de rei proprietate, possidens tamen habet jus certum rei insistendi, donec sit moraliter certus, rem esse alienam, consequenter poterit incipere præscriptionem, & elapso tempore absolute retinere. La Croix suprâ. Quodsi neglexit inquirere, & ideo nunc nequeat veritatem invenire, tenetur pro ratione dubii ad restitutionem; quia injuriam fecit, quam tenetur compensare secundum rationem spei, quam habebat is, de quo dubium erat, an res esset illius; neque postea manet bona fides, nec possessio favere pergit; in quo tamen contradicunt Rebellus, Bonac. Castrop. apud La Croix N. 564. eò quòd adhuc faveat possessio certa, & facta nunc inquisitione redeat bona fides.

4. Si quis rem bonâ fide possederit, & factâ inquisitione debitâ manens dubius eam consumpserit; Domino comparenti tenetur saltem ex re accepta, quantum inde factus est ditior; quamvis enim consumere, ut tenet communior, potuerit, & dubio speculativo manente, se practicè resolvere; quia in dubio præ-

prævalet possessio ; attamen non potest dici-
scere ex re aliena. Idem probabiliter Laym.
& multi alii dicunt, si rem vendiderit ; quia
sive vendat, sive consumat, videtur esse par
ratio, cum pretium succedat loco rei. Lugo
tamen, & alii dicunt, si vendiderit, teneri ad
totum pretium Domino comparenti reddendum,
etsi non sit factus ditior ; quia tenebatur non im-
pedire Dominum à recuperanda re sua ; proinde
debebat esse paratus restituere totum rei valo-
rem. Similiter dicit Dicastillo, teneri ad rei
valorem totum, & fructus perceptos, si con-
sumpserit, etsi non sit factus ditior ; quia jus
itâ dubium non faciebat illi potestatem aliquid
ex re aliena consequendi sine obligatione re-
stituendi. Non tenetur tamen ad id, quod
non percepit, nec quod casu apud ipsum
perit.

5. Qui rem, bonâ fide, & sine dubio etiam
speculativo possessam, consumpsit, postea au-
tem, sciens fuisse alienam, dubitat, an ex ea
factus sit ditior, juxta La Croix N. § 68. Sanch.
Tamb. & alios ad nihil tenetur ; quia, cum de-
beat esse obligatio ex re accepta, tam diu pos-
sessio est pro libertate, donec constet, rem in
æquivalenti apud ipsum esse. Similiter du-
bium, an debeat plus, vel minus, tenetur tantum
ad minus ; quia possessio est pro illo, & in
dubiis minimum est amplectendum, ut ex
utroque jure probat Dicastillo. Contra pri-
mum videtur esse : pro priori ad consumpti-
onem re ipsâ erat certa obligatio ex re aliena,
non est autem nunc certum, illam esse extin-
ctam. Nec juvat, quod quis sit in certa posses-
sione suorum bonorum, & certus non sit in il-
lis esse quid alienum : nam certum est in ejus
bonis

bonis fuisse alienum, & certum non est, modò non esse; ergo tenetur restituere pro ratione dubii.

61a. In dubio, an bonâ, an malâ fide possessionem quis cœperit, præsumitur cœpisse bonâ fide; quia delicta non præsumuntur. Sâ tamen quis actu sit in malâ fide, & dubitet, an sic inceperit, præsumitur, malâ fides fuisse ab initio; quia semel malus semper præsumitur esse malus secundum *Regulam 8. Juris in 6.*

7ma. Quando nullus eorum, de quibus dubitatur, an sint domini rei, rem possidet; res pro ratione dubii est dividenda, nempe æqualiter, si dubium sit æquale, inæqualiter, si sit inæquale. Si res sit indivisibilis, forte agendum est, aut ex consensu partium uni res applicanda, & aliis pro ratione dubii satisfaciendum.

448. Resp. 2. In dubio, an quis fuerit injustus *Ad quid* dam-
nificator, servandæ sunt regulæ sequentes.
tenetur 1ma. Dubitans, an sit cooperatus alieno
dubius, damno, non tenetur restituere; quia melior
an fue- est conditio rem suam, & libertatem possi-
rit inju- dentis. Unde nec tenetur, qui consilium de-
dit *dam-* dit, sed dubitat, an alter re ipsâ damnum in-
nifica- tulerit; dubiumque vincere non potest. Si au-
ter? tem sciat, damnum esse illatum, & dubitet,
an consilium suum in id inflexerit, aut alter
ex propria malitia, aut aliunde motus, dam-
num intulerit, probabilius tenetur pro ratio-
ne saltem dubii; quia delictum alterius sine
consilio non debet præsumi, & ex facto se-
cuta est præsumptio pro efficacia consilii, cum
soleat ordinariè tunc esse efficax, & in foro
externo talis condemnaretur ad restitutionem
in defectu damnicatoris. Oppositum tenet

Lessius,

Lessius ; eò quòd possessio videatur stare pro libertate, & rebus ejus.

2da. Dubius an grave, an leve damnum intulerit, tenetur tantum ad reparandum leve. Dubius autem, an res aliena, quam quis tenetur restituere, sit gravis, vel levis, peccat graviter, si non restituat ; quia exponit se periculo continuandi gravem injuriam, quam non evacuat ipsius error. *Nec juvat*, quòd in dubiis minimum sit sequendum : nam hic prævalet possessio domini, qui jure repetit rem suam, uti in se est. Aliud est in casu priore ; quia dubitans habet certum jus rei suæ, quo se non tenetur privare ob dubium jus alterius.

3tia. In dubio, an res apud te deposita, elocata, tibi commodata apud te perierit casu, an culpâ tuâ probabilius spectato jure naturæ, ad nihil teneris ; quia es in possessione innocentiae, & delicta non præsumuntur. Ità Lugo, La Croix & alii contra alios dissentientes, eò quòd in dubio damnum potius ferre debeat, qui beneficium accepit, quàm qui illud contulit. In foro autem externo depositario, locatario incumbit probatio, & quòd res perierit, & quòd sine ejus culpa perierit, ut habet communis ; quia, quæ sunt facti, non creduntur, si non probentur ab illo, cui res per contractum tradita est custodienda, quia possessio est pro domino, qui rem integram tradidit cum jure eam recuperandi, nisi probetur sine culpa periisse. Excipe cum communi, nisi graves sint conjecturæ pro innocentia, aut ejusmodi soleant casu perire sine culpa, ut, si ovis periit ex grege, vel discus argenteus ex aula Principis, in ejusmodi præsumptio stat pro custode gregis, & œconomo ;

unde, si jurer sine culpa periisse, absolvitur. Similiter in dubio, an incendium ortum sit casu, an ex culpa conductoris, præsumitur, quod casu; nisi locator culpam ostendat, ut ex communi Juristarum docet Laym. L. 3. Tr. 4. C. 22. N. 6. Quamvis enim communiter oriatur ex culpa alicujus domestici, tamen non tenetur omnem eorum culpam præstare pater-familias, ut habetur L. 11. ff. De Periculo & Commodo.

414. Indubio, quanti res fuisset valitura, an apud furem sit deteriorata, an dominus eam fuisset servaturus, donec pluris, vel minoris valuisset, probabilius restitutio est faciendæ tantum pro ratione dubii, secundum judicium prudentum, supra valorem, quem habuit, dum erepta, vel consumpta fuit à possessore malæ fidei; nam nulla ulterior facit possessio, cum major valor necdum extiterit, & dubietas imminuat æstimationem lucri, & damni. Ita Lugo D. 18. N. 133. Less. Dicastillo, & alii contra Azor, Rebllum, & Vasquez. Nec juvat, quod in dubio potius favendum sit innocenti, quam nocenti; quia hoc solum obtinet, quando possessio est pro innocente, vel res dividi non potest, nec utrique parti satisfieri. Quod si dominus diceret, quod rem illa, vel isto tempore venditurus fuisset, vel in illud servaturus, rectè dicunt Lugo, Less. &c. se non teneri credere, nisi accedant aliæ conjecturæ: hinc, stante dubio, restitutio faciendæ erit secundum proportionem tantum compertæ veritatis, aut perseverantis dubii.

449.
Quid in
dubio
positiva
agendum?

Resp. 3. In dubio positivo, in quo quis opinatur, rem, quam bonâ fide alter possidet, esse suam, serviunt hæ regulæ.

1^{ma}. Rem, bonâ fide ab altero possessam, nemo potest eripere illi, etsi probabilius sit sua, ut dictum supra; quia alteri fâvet certa possessio. Secus, si quis esset certus esse suam, & aliâ viâ non posset obtinere, secundum dicta.

2^{da}. Opinans probabiliter, rem esse suam, si nequit alio modo obtinere, potest eam occultè subducere possessori malæ fidei; quia huic nec legitima possessio, nec jus fâvet; sed tenetur eam extradere: ergo subducendo illi injuriam non facit.

3^{ta}. Si putans, se teneri ex voto dubiè valido, solverit aliquid, juxta La Croix non poterit postea sibi compensare, etsi postea sciat, se potuisse non solvere; quia illi, quibus solvit, jam habent possessionem, jusque probabile illis fâvet; pro ipso autem nulla est certitudo. Verum videtur exsolventis, quod ex voto se debere existimavit, etiam spectanda intentio: cum enim homines ordinariè sic constituti habitualiter sint, ut, dum solvunt, quæ putant se debere, nolint transferre dominium, nisi verè debeant; considerandum, an non fuerit sic constitutus, ut noluerit soluti transferre dominium, nisi debeat, adeoque annon fuerit error in substantia, nempe in motivo solvendi. Si supponamus, quod tali voto dubiè obstrictus, potuerit non solvere, & verè in dominii translationem non consenserit; tenetur is, cui solvit, restituere. Idem videtur dicendum, si tibi probabile fuisset, quod debeas Petro 100, & probabile fuisset, quod non debeas; solvisses autem putans, te teneri, cum revera non tenereris; quia eras in possessione tuæ pecuniæ. Dicit quidem Viva, quod non possis compensare occultè, eò quod Petrus jam sit

fit in possessione bonæ fidei : at est in possessione rei alienæ , si non consenseris in translationem dominii. Sicut, si tibi Titius subduxisset occultè rem tuam , putans bonâ fide, esse suam, & nunc bonâ fide possideret , non ideo posset eam retinere ; sed tu posses occultâ compensatione eam recuperare , si alius modus non suppeteret.

4ta. Si certus fueris de debito , & probabiliter opineris , quodd restitueris , vel solveris ; probabilius adhuc teneris ad solvendum totum. Itâ Sanch. Vsq. Rebellus , Lugo Disp. 18. N. 12. Dicast. La Croix hic N. §71. etsi oppositam sententiam defenderit velut probabilem L. 1. N. 600. *Ratio est* 1. Factum in dubio non præsumitur. 2. Debito certo non satisfit per solutionem incertam ; quia non ponitur æqualitas. 3. Ex parte creditoris est certa possessio juris ad solutionem totius à te faciendam ; possessio autem prævalet omni probabilitati pro opposito.

Oppositam sententiam tenent non pauci , Viva , Schild. & alii putant , ad nihil teneri ; quia in dubio probabili juris licet sequi sententiam probabilem , & jam non est certa possessio pro creditore. Admittit hoc Tannerus , si debitor , & creditor dubitent. Laym. Diana , Tamb. aliique obligant tantum ad partem pro qualitate dubii , & hæc sententia probabilis est. *Respondent autem ad 1mum* , hoc verum esse in dubio negativo , non verò in positivo , ubi factum probabiliter ostenditur. *Ad 2dum dicunt* , debitum non esse amplius certum , nec jus unquam fuisse certum pro casu, quo stat probabilitas pro solutione factâ. *Ad 3. dicunt* , sicut possessio juris ad solutionem est

est penes creditorem ; sic possessio rei solvendæ est penes debitorem : quare non apparet , cur debitor debeat se spoliare certâ possessione rei suæ. Sed hæc non satisfaciunt omnino. Vide P. 1. à N. 188. His conformiter dicendum , hæredes Titii teneri vel debitum totum solvere ; vel debere petere compositionem iudicio viri prudentis in casu , quo Titius accepit à Cajo centum mutuos , dato in testimonium obligationis chirographo ; utroque autem mortuo , hæredes Titii inveniunt in libro rationum scriptum , debitum esse solutum ; hæredes autem Caji adhuc inveniunt chirographum Titii , & debitum nondum expunctum in suo libro. *Ratio est* ; quia debitum fuit certum , solutio autem est incerta. Neutri tamen licet occulta compensatio ; quia pro neutra parte est jus certum. Less. in *Auctorario*. V. *Contractus Casu* 8. docet , hæredes Titii ad nihil teneri , nisi compellantur in foro externo , quod confugere possint hæredes Caji. *Ratio est* ; quia , cum delicta non præsumantur , præsumi non debet , quodd Titius in libro suo scripserit , debitum esse solutum , si ita non esset , sed potius præsumi debet , Cajum ex oblivione retinuisse chirographum , & oblitum esse , debitum in libro suo extinguere. Similiter in dubio , an conductor pensionem solverit , adhuc tenetur solvere ; quia locator est in possessione juris ad creditum. Si tamen tribus annis proximis solverit , in foro externo præsumitur etiam solvisse annis antecedentibus : nisi clarè probetur contrarium. Ità statuitur *L. Quicumque. C. de apochis publicis*.

scilicet. In dubio , an res , quæ apud injustum deventorem perit , peritura fuisset apud dominum,

num, censetur non fuisse peritura; quia possessio est pro existentia rei: unde restituenda est tota. At verò, si dubium sit de damnis, vel lucris secururis, restitui tantum debet pro rata dubii; quia, cum lucra necdum existant, pro iis non est possessio, sed injustus detentor est in possessione rerum suarum; spes tamen lucri, & periculum damni est in possessione, adeoque secundum proportionem talis spei, & periculi restitutio facienda est. La Croix N. 218.

61a. In dubio, an fructus rei sit naturalis, an mixtus, standum est iudicio iudicis, vel prudentum. Si determinari non possit, præsumitur naturalis; natura enim censetur semper plus operari, cum sit fundamentum industriæ.

Ex dictis colliges, quomodo limitanda sit doctrina aliquorum, qui dicunt, in dubiis de restitutione, Confessarium stare debere pro benigniore parte non restituendi; nam standum est pro illo, pro quo est possessio, & restitutio facienda est secundum mensuram assignatam N. 301. In dubio, pro quo stet possessio, iudicandum est pro eo, pro quo est præsumptio secundum dicta P. 1. N. 83.

450.
Fundamenta
præsumptionis.

Fundamenta autem præsumptionis sunt hæc:

1^{um}. Qualitates naturales, quæ, si solent inesse suo tempore, præsumuntur inesse; secus, inesse non præsumuntur. Sic parentes præsumuntur amare liberos, & liberi suos parentes; in minoribus præsumitur inconsideratio, vel ignorantia; in personis sanguine proximè conjunctis præsumitur abesse turpis, & venereus actus &c.

2^{um}. Qualitates, quæ quidem aliunde pro-

Proveniunt, sunt tamen pletumque conjunctæ cum eo, de quo dubitatur. Sic Medicus, & Chirurgus præsumitur scire, an vulnus aliquod sit lethale; Judex præsumitur bene functus suo officio; quilibet in particulari, si antè vitam duxit honestam, præsumitur bonus, nisi probetur oppositum. Econtra, qui semel fecit peccatum, præsumitur adhuc semel facturus. Unde ei non defertur juramentum suppletorium.

3^{um}. Tempus, vel locus. Sic qui hodie scitur esse pauper, continens &c. præsumitur antea fuisse talis. Item præsumitur quis scire, quæ geruntur in vicinia, aut edictum in loco publico affixum, vel promulgatum.


4^{um}. Non dicta, non facta. Sic, qui ex duobus criminibus sibi objectis unum negat, & de altero tacet, fateri non præsumitur.

5^{um}. Favor juris specialiter assistens certis causis, vel personis. Sic præsumitur pro Matrimonio, pro libertate, pro valore actûs, pro exclusione peccati, in partem benigniorem.

6^{um}. Præterita v. g. gesta in adolescentia ad tempus præsens, & futurum, & præteritum præsumuntur.

7^{um}. Communiter contingentia. Sic, qui alteri damnum intulit, præsumitur id fecisse malo animo: unde præsumptio definitur: *Anticipata de re dubia opinto, ex argumentis, & indicitiis, per rerum circumstantias frequenter evenientibus, desumpta*. Quæ si exprimatur in lege, dicitur præsumptio juris: ut, si Lex, vel Canon præsumendo dicat: Videtur, intelligitur, creditur: arbitror, conjectura est. Tales extant in Jure Canone finali. De restim. spoliat.

spoliat. in 6. Can. finali. de Presbyt. non baptiz. Can. unico. de Desponsatione imp. in 6. v. g. decimas spectare ad Ecclesiam Parochialem; baptizatum esse, qui inter Christianos natus, & educatus est; habere usum rationis, qui annum ætatis septimum implevit; debitorem liberari à debito, si chirographum sit cancellatum &c. Si autem formetur tantum à Judice, vel viro prudenti, dicitur præsumptio hominis, uti dixi P. I. N. 83.



TRACTATUS IV.

De Justitia in Judiciis fori externi servanda.

451. **Nota** 1. Fori varia est significatio: nam *Forum externum*, & *Forum internum*, significat territorium, seu locum publicum, in quo res venales exponuntur; forus autem in maiusculis significat locum iudicii. Derivatur in utraque significatione à *Fero*; quia illuc feruntur tum res venales, tum lites. Sæpe autem nomine fori venit iudicium, jurisdictio, seu potestas iudicandi, sive jus dicendi subditis, & in hoc sensu dicitur causa aliqua pertinere ad forum Ecclesiasticum, vel Sæculare, vel esse fori mixti, si pertineat ad utramque jurisditionem. Forum in hoc sensu aliud dicitur externum, sive forum fori, in quo tractantur causæ in ordine ad externam Reip. seu Ecclesiasticæ, seu Civilis gubernationem; aliud internum, quod dicitur forum poli, seu conscientie.

scientiæ, quod in eis in mente hominũ, ubi conscientia est, exercetur. Hocque aliud est sacramentale, in quò aliquid geritur interveniente absolutione à peccatis; aliud non sacramentale, in quò non intervenit Sacramentum Pœnitentiæ: uti, si quis extra hoc absolvatur à censura occulta, & non deducta ad forum contentiosum.

2. Judicium, à Jure dicendo dictum, est legi-*Judiciũ*
tima causæ, inter Actorem & Reum controversiæ, *fori ex-*
per Judicem facta discussio, & definitio. Variè *terni, &*
autem dividitur. *ejus di-*

Ac imò quidem ex parte Judicis in Eccle-*visto.*
siasticum, & Sæculare: Primum est, quod ad
Judicem Ecclesiasticum pertinet: ut, si contro-
versia sit vel de causis Ecclesiasticis v. g. de
Matrimonio, Beneficiis, Decimis &c. vel de
personis Ecclesiasticis; alterum ad Judicem
Sæcularem pertinet, ut, si contentio sit de re
sæculari, & inter Laicos, vel saltem Reus sit
Laicus.

2. Ex parte materiæ dividitur in possesso-
rium, cum de sola possessione; & petitorium,
cum de rei proprietate, aliove jure à possessio-
ne distincto agitur. Potest etiam simul cu-
mulari, consultius tamen primò agitur in pos-
sessorio.

3. Ex parte formæ dividitur in ordinarium, & *Ordo*
extraordinarium seu summarium. Ordinatum *juris.*
est, in quò ordo Juris, seu forma servatur, nempe
citatur Reus in Jus, libellus, seu intentio actoris
in scripto porrigitur, fit litis contestatio, seu in
litem consentitur, Reo Actori contradicente,
præstat, si peratur, juramentum calumniæ,
proferuntur probationes, & demùm sententiã
Judicis in scripto. Hæc forma si non serve-
R. P. Renter Theol. Mor. P. III. Xx tur,

tur, acta sunt irrita. Judicium extraordinarium est, in quo simpliciter de plano, sine solenni strepitu, & forma, inspectâ solâ facti veritate, proceditur. Debet tamen & in hoc Reus citari, & dari ei copia se defendendi, nisi causa sit notoria; & pateat, quod nulla parti absenti defensio competat.

4. Ex parte finis dividitur in civile, in quo Actor suum, vel alterius commodum privatum prosequitur, sive causa ex contractu, sive ex delicto descendat; & in criminale, in quo agitur in causa criminis ad pœnam publicè infligendam, sive ea sit corporalis, sive pecuniaria, Fisco applicanda, aut publici officii privatio. Quodsi crimen tantum sit contra Justitiam publicam, ut: v. g. blasphemia, simonia, hæresis, oritur actio tantum criminalis; si verò simul particularis persona per id sit læsa, ut sit per homicidium, furtum, contumeliam, oritur actio criminalis simul, & civilis. Porro personæ, quæ ad judicium concurrunt, sunt Judex, Reus, Testes, Advocatus, Procurator, Assessor, Tabelio, de quibus hîc agendum, quantum ad Theologum pertinet.

CAPUT I.

De Judice.

QUÆSTIO I.

Quænam prærequirantur in Judice?

452. **R** Esp. In Judice (qui est persona publica;
 1. Scien- ad id constituta, ut secundum leges, vel
 tia. consuetudinem populo Jus dicat) prærequiritur
 1mo

Imò. Scientia eorum, quæ pertinent ad ipsius officium, & sine quorum cognitione illud, ut oportet, exercere non potest. Quare scire debet leges, consuetudines, ordinem juris, casus ordinarios, in officio suo occurrentes, pro extraordinariis autem recurrere ad libros, & peritos. *Ratio est*; quia ex Justitia tenetur cuique tribuere jus suum, ferreque sententiam justam, utpote debitam tum communitati, tum parti: ad hoc enim se obligavit suscipiendo officium; obligatio autem faciendi includit obligationem sciendi: hinc petens, vel admitrens officium Judicis, non instructus sufficiente scientiâ, peccat mortaliter; quia exponit se periculo graviter nocendi Reip. quapropter non est capax absolutionis, nisi paratus sit renunciare officio, aut saltem per se illud non exercere, donec scientiam necessariam habeat. Sique ex defectu scientiæ damna causaverit aliis, sive in substantia litis, sive in superfluis sumptibus, tenetur compensare. Imò, si errorem etiam sine culpa à se commissum in præjudicium litigantis agnoscat, tenetur eum, si possit, corrigere v. g. suadendo parti læsæ, ut per appellationem, vel aliter sibi consular. Hæc cum proportionem valent etiam de Advocato, aliisque ad judicium concurrentibus.

2. Prærequiritur in Judice jurisdictio, tum in personas, tum in causam judicandam: aliàs sententia irrita est; quia procedens à non habente potestatem eam ferendi, ultra quam actus se non extendit: unde Judex injuriam facit, invalidè se ingerendo partium causis, & injustè usurpando alienam jurisdictionem, peccatque, per se loquendo, mortaliter. Potest

tur, acta sunt irrita. Judicium extraordinarium est, in quo simpliciter de plano, sine solenni strepitu, & forma, inspectâ solâ facti veritate, proceditur. Debet tamen & in hoc Reus citari, & dari ei copia se defendendi, nisi causa sit notoria; & pateat, quod nulla parti absenti defensio competat.

4. Ex parte finis dividitur in civile, in quo Actor suum, vel alterius commodum privatum prosequitur, sive causa ex contractu, sive ex delicto descendat; & in criminale, in quo agitur in causa criminis ad pœnam publicè infligendam, sive ea sit corporalis, sive pecuniaria, Fisco applicanda, aut publici officii privatio. Quodsi crimen tantum sit contra Justiciam publicam, ut: v. g. blasphemia, simonia, hæresis, oritur actio tantum criminalis; si verò simul particularis persona per id sit læsa, ut sit per homicidium, furtum, contumeliam, oritur actio criminalis simul, & civilis. Porro personæ, quæ ad judicium concurrunt, sunt Judex, Reus, Testes, Advocatus, Procurator, Assessor, Tabelio, de quibus hic agendum, quantum ad Theologum pertinet.

CAPUT I.

De Judice.

QUÆSTIO I.

Quænam præquirantur in Judice?

452. **R**Esp. In Judice (qui est persona publica, ad id constituta, ut secundum leges, vel
 2. *Scientia.* consuetudinem populo Jus dicat) præquiritur
 1. *via.* 1. mē

Imò. Scientia eorum, quæ pertinent ad ipsius officium, & sine quorum cognitione illud, ut oportet, exercere non potest. Quare scire debet leges, consuetudines, ordinem juris, casus ordinarios, in officio suo occurrentes, pro extraordinariis autem recurrere ad libros, & peritos. *Ratio est*; quia ex *Justitia* tenetur cuique tribuere jus suum, ferreque sententiam justam, utpote debitam tum communitati, tum parti: ad hoc enim se obligavit suscipiendo officium; obligatio autem faciendi includit obligationem sciendi: hinc petens, vel admitrens officium Judicis, non instructus sufficiente scientiâ, peccat mortaliter; quia exponit se periculo graviter nocendi Reip. quapropter non est capax absolutionis, nisi paratus sit renuntiare officio, aut saltem per se illud non exercere, donec scientiam necessariam habeat. Sique ex defectu scientiæ damna causaverit aliis, sive in substantia litis, sive in superfluis sumptibus, tenetur compensare. Imò, si errorem etiam sine culpa à se commissum in præjudicium litigantis agnoscat, tenetur eum, si possit, corrigere v. g. suadendo patri læsæ, ut per appellationem, vel aliter sibi consulat. Hæc cum proportionem valent etiam de Advocato, aliisque ad judicium concurrentibus.

2. Prærequiritur in Judice jurisdictio, tum in personas, tum in causam judicandam: alias sententia irrita est; quia procedens à non habente potestatem eam ferendi, ultra quam actus se non extendit: unde Judex injuriam facit, invalidè se ingerendo partium causis; & injustè usurpando alienam jurisditionem, peccatque, per se loquendo, mortaliter. Potest

autem quinque modis alicui competere jurisdictione.

*Quot
modis
alicui
possit
compe-
tere?*

1. Ex officio, cui annexa est potestas authoritativa subditos judicandi, & hæc dicitur jurisdictione ordinaria, qualem habet Papa in omnes Baptizatos, Episcopus in omnes suos Diocesanos, Princeps sæcularis in suos subditos. 2. Ex concessione ordinariam habentis, & hæc dicitur delegata. 3. Ex consensu Partium: ut, cum Partes se subjiciunt alicui, velut arbitro, vel Judici, modò de cætero potestatem habeat in similes, etsi non in illos. 4. Ratione delicti, in eo loco ab extraneo commissi, vel ratione domicilii, vel contractus ibi celebrati, vel rei, de qua agitur, in suo territorio sitæ. 5. Ratione injuriæ, illatæ subdito alterius Principis, in defectu proprii, ad satisfactionem præstandam interpellati.

453.
*Corolla-
ria.*

Hinc peccat graviter imò, & excommunicationem incurrit Judex sæcularis, si Clericum ad judicium suum citet, pertrahat, aut judicet; quia Clericus ab ejus jurisdictione Jure Divino, & Ecclesiastico exemptus est, ita, ut Clericus suæ exemptioni renunciare non possit, etsi possit in civilibus se Judici sæculari subdicere, ut arbitro, atque ut Actor Laicum ad eum pertrahere, quo casu, si Reus eum conveniat, juxta multos judicari potest à Judice sæculari, quod tamen Juri Canonico negat Laym. esse conforme.

2. Si ad se pertrahat causas merè Ecclesiasticas. Si autem causa sit mixti fori, v. g. persona sit sæcularis, & pœna statuta à Jure Canonico, datur locus præventioni, potestque tam Judex sæcularis, quàm Ecclesiasticus præveniens judicare. Si verò causa sit mixta, id est,

est, ab utroque jure prohibita, Judex Ecclesiasticus procedere debet contra Ecclesiasticos, & Sæcularis contra Sæculares.

Dixi: *Per se loquendo*; nam, licet personæ *Exemptio Cleri* Ecclesiasticæ non solum Jure positivo Ecclesiastico, sed etiam Divino sint exemptæ à foro, *vicorum* & jurisdictione sæculari, non tantum in cau- *a sacra-* sis, & actionibus personalibus; sed etiam in *lari ju-* causis, & actionibus realibus quoad res Eccle- *rifdi-* siasticas, & sacras, ut sunt Sacramenta, Pro- *etione* fessio Religiosa, Juramentum, Officia, & Jurisdictio Ecclesiastica, Prælatūra, Beneficia, Jus Patronatûs, Jus eligendi ad Prælaturas, Jus decimandi, res consecratæ, & benedictæ crimen hæresis, & probabiliter etiam simoniæ; imò etiam quoad res temporales, dicente *Conc. Lateranensi* sub Leone X. *Sess. 9. in Bul-* la *Reform. cum a jure tam divino, quàm hu-* mano *Laicis nulla potestas in Ecclesiasticas* personas attributa sit: & *Trid. Sess. 25. C. 20. de Reform. Ecclesie*, personarum Ecclesiasticarum immunitatem Dei ordinatione, & Canonicis sanctionibus statutam esse: licet, inquam, ita sit; viget tamen consuetudo in Gallia, & multis Germaniæ locis, præsertim apud Cameram Imperialem, ut Clerici, & Religiosi in causis realibus, seu quando intentatur actio realis, conveniri possint in foro sæculari, seu coram Judice Laico.

Atque hanc consuetudinem non improbant *Quidam* plures Canonistæ apud, & cum Pichler L. 2. *consue-* T. 2. N. 10. modò de ea constet, &, utpote *indine* strictæ interpretationis, non extendatur ad ca- *contra-* sus, de quibus non constat, eam vigere, co- *ria?* ranturque illam justificare, vel per tacitum consensum Pontificis, vel per jurisdictionem,

vel onus reale antè impositum bonis , & cum
 iis ad Ecclesias translatum , & per Jus sæcula-
 ribus , tanquam Advocatis Ecclesiarum , refer-
 varum ; putantque Jus Divinum , & privile-
 gium , Clericis à Christo concessum , spectare
 immunitatem secundum rationem genericam ,
 abstractam à circumstantiis particularibus , re-
 lictumque esse Ecclesiæ Capiti determinare , in
 quibus locum habeat , vel non habeat. Simi-
 liter , teste Pichler N. 18. multi tenent , ubi vi-
 get consuetudo , posse circa rem spirituales
 tractari coram Iudice sæculari ubi agitur de
 nuda possessione , de mero facto. Videri
 potest La Croix L. 4. N. 140. ubi dicit , non
 posse per consuetudinem præscribi contra ex-
 emptionem Clericorum à jurisdictione sæcu-
 lari.

454. *Petes.* Quis sit sensus axiomatis : *Nemo po-
 test esse Iudex in propria causa.* Resp. Sen-
 sus est , quod nemo in propriam utilitatem di-
 rectè ferre possit sententiam ; quia Iudex de-
 bet esse medius , & quasi diremptor inter Par-
 tes.

1. Dixi : *Directè* : nam imò potest Prælatus
 esse Iudex in causa suæ Ecclesiæ. 2. Si Iudex
 à Parte requisitus sit , & dubitetur , an cogno-
 scendi , & iudicandi potestas ipsi comperat ;
 potest idipsum ante omnia decernere ; quia sic
 iudicat de potestate publica , non de bono pri-
 vato. 3. Si causa sit notoria , quod Iudex ra-
 tione officii publici injuriam passus sit , posset
 Reum sine processu in continentem punire , ut
 publica potestas stet inconcussa. 4. Potest
 supremus Princeps lites inter se , & suos subdi-
 tos cum suis Consiliariis cognoscere , & defini-
 re ; quia cogi à subditis non potest , ut alterius
 arbi-

arbitrio se submittat, censeturque à Legum Con-
ditore nihil injusti promanare. Layman L. 3.
T. 6. C. 2. N. 11.

Q U Æ S T I O II.

Quot modis Judex juridicè procedat
adversus crimina, & quæ obser-
vanda?

Resp. 1. Procedere potest tribus modis: 1. 455.
Via accusationis, cum Actor aliquis assumit in *Tribus*
se onus probandi crimen, & dicitur accusator. *modis,*
2. Viâ denuntiationis juridicæ, seu tendentis
ad punitionem, cum deferens crimen non vult
suscipere onus probandi, & in hoc differt ab ac-
cusatore. 3. Viâ inquisitionis, cum, nullo ac-
cusatore, vel denuntiatore viam aperiente, Judex
capit informationes.

Est autem inquisitio triplex. 1ma est: Ge- *Inquisi-*
neralis, quâ Judex vi officii generatim inqui- *tio tri-*
rit, an Leges servantur. 2da est: Specialis, *plex,*
quâ inquiritur de crimine determinato, & per-
sonâ determinatâ: v. g. an Petrus commiserit
homicidium hoc? 3tia est: Mixta ex utraque,
cum vel de solo crimine, vel solâ personâ deter-
minatâ inquiritur: ut, si constet, homicidium
esse commissum, & inquiratur, quis illud com-
miserit, vel inquiratur in vitam Titii. Viam de-
nuntiationis & inquisitionis Layman putat non
distingui; quia denuntians tantum dat occasio-
nem inquirendi, sicut infamia.

Resp. 2. Judex, vel Magistratus, sine ulla 456.
data occasione, ex solo suo officio potest insti- *Inquisi-*
tuere inquisitionem generalem, & quandoque *tio gene-*
debet. In hac tamen ei non licet elicere cri- *ralis*
mina *licet.*

mina occulta, de quibus nulla est infamia. *Ratio 1^a partis est*; quia id necessarium est ad bonum Reip. cui tenetur prospicere, nec ulli fit injuria. Quodsi occasione illius aliqua scelera occulta detegantur, id per accidens est, & præter intentionem Judicis, qui intendit bono communi consulere, quod prævalet famæ privati. *Ratio 2^a partis est*; quia officium Judicis tantum est, hocque regulariter solum exigit bonum commune, ut crimina publica, & notoria, quibus Reus amisit jus ad famam, pro meritis puniantur; sique passim occulta prodarentur, gravia inde orirentur incommoda: nempe perturbatio pacis, vilipensio bonæ famæ, cujus conservatio à peccatis retrahit; & consequens inde ruina in scelera; unde Judicis potestas ad id non debet esse concessa. Hinc subditus interrogatus etiam sub juramento nec tenetur, nec potest prodere crimen occultum alterius, nisi esset tale, quod vergeret in grave malum Reip. vel in perniciem animarum, & ejus manifestatio esset necessaria ad hæc certò avertenda; tum enim Superiori, saltem ut patri aperiri debet, ut mala avertat. Si quis per duos testes, etiam illicitè testantes, deprehenderetur auctor criminis, Judex eum punire posset; quia sine injuria, à se commissâ, haberet notitiam,

457.

Specialis, nisi infamia præcesserit, vel æquivalens ordinario non licet

Resp. 3. Regulariter non potest licitè Judex specialem, vel mixtam de particulari persona facere inquisitionem, tendentem ad punitionem, nisi præcesserit infamia, vel aliquid æquivalens, quod iustam det causam: tum quia Justitiæ vindicativæ, & Jurisdictionis punitivæ finis unicus est, ut publica & notoria crimina puniantur, ne scelera ex impunitate multiplicentur.

plicentur in ruinam Reip. hic autem finis cessat, quando crimen adhuc est occultum, adeoque infamaretur sine justa causa proximus adhuc integræ famæ; tum quia Judex procedere debet ex scientia publica; hanc autem non habet, nisi per accusationem, vel Rei confessionem, vel infamiam, quæ non habetur per duos testes etiam juratos, & oculos; quia crimen adhuc manet occultum; sed debet esse publica, probataque per duos saltem testes, qui nominent personas, à quibus id publicè audiverint: neque infamia de uno crimine dat Jus interrogandi de alio occulto, nisi sit crimen ordinariè connexum. Nec sufficit infamia orta à malevolis, sed requiritur, ut sit orta à bonis, & fide dignis.

Dixi 1. *Regulariter*; nam ut fiat inquisitio circa crimina excepta, quæ vergunt in perniciem Reip. ut sunt hæresis, crimen læsæ Majestatis, proditiōis, conjurationis, falsæ monetæ, latrocinii; non requiritur præcedens infamia, sed sufficit ex indiciis non levibus prudens suspicio.

Dixi 2. *Neliquid æquivalens*: ut habetur, si adsit notoreitas, vel confessio criminis in judicio, etiam coram paucis, vel coram Judice, & Notario. Vide Less. cap. 19. N. 124.

Dixi 3. *Tendentem ad punitionem*: quia, quando agitur de malo impediendo, v. g. de beneficiorum, & officiorum collatione, vel de Matrimonio contrahendo, conferendis sacris ordinibus, licitum est de impedimentis, & delictis personarum particularium in genere inquirere, etsi nullus sit rumor. Omnia enim alioquin essent plena incestus, sacrilegis, vel nefariis conjugii, & pravis rerum sacrarum, & profa-

narum ministris : hinc bonum commune præferendum est privato : debent tamen delicta aperiri secretò, & minimâ, quâ fieri potest, læsione famæ. Quomodo excusentur judices sæculares, qui in criminibus, non exceptis, ex denuntiatione publici officialis ad id deputati, vel privati, aut partis læsæ, non suscipientis onus probandi, procedunt ad capiendas informationes, & indicia, & ex his libellum specialis inquisitionis formant, habet Less. L. 2. Cap. 29. Dub! 5. n. 132. De denuntiatione occulti hæretici Dixi P. 1. in A. N. 81. & erudite agit sua, De fide Disp. 20. L. 4.

QUÆSTIO III.

Quid Judici liceat circa capturam, examen, & torturam Rei ?

458.
Indicia
levia,
gravia,
vehementia,
maxima

Nota. Indicia dicuntur, ex quibus colligi potest factum. Sunt autem alia levia, quæ dubitationem, vel levem suspicionem movent; alia sunt gravia, seu magna, quæ movent suspicionem gravem, seu reddunt factum valde credibile; unde generant præsumptionem, & credulitatem; alia sunt graviora, seu majora, quæ reddunt factum ferè, vel quasi moraliter certum, & hæc Less. Cap. 19. N. 151, vocat vehementia, ita, ut ad plenam certitudinem nihil deesse videatur, nisi sola Confessio; vel quæ ita probant, ut licet non planè convincant, valde tamen ad plenam probationem accedant; alia maxima, quæ undequaque convincunt, & plenam probationem faciunt. Hæc ad condemnationem sufficiunt. Indicia magna

generant præsumptionem probabilem, majora vehementem. Præsumptio enim est cognitio ex circumstantiis resultans, sive probabilis conjectura ex signis proveniens, quæ alio non adducto pro veritate habetur. Neutra illa sufficit ad condemnationem, sed requiritur vel moraliter certa, vel violenta. Vide La Croix N. 1438. Hoc notato.

Resp. 1. ad capturam Rei requiruntur indicia magna; quia capi tanquam Reum affert gravem infamiam, & magna incommoda. Unde charitas & Justitia exigit ad id non procedi, nisi ex magnis indiciis; & quidem quod persona est dignior, & captivitas futura ignominiosior, aut damnosior, cò majora requiruntur indicia. Idem dicendum de speciali inquisitione.

Resp. 2. Tortura adhiberi potest in criminibus gravibus ad subsidium probationis, quæ nempe pœnam corporalem, vel tritemium, non verò in iis, quæ pœnam exilii, vel pecuniariam tantum merentur. Ratio 1^a partis est; quia aliàs scelera gravissima passim impunè patrari possent in perniciem Reip. ab hominibus callidis, & audacibus, modò curarent, ut testes, aliaque indicia removerentur. Ratio 2^a partis est, quia aliàs major pœna ad eliciendam confessionem criminis adhiberetur, quàm ex confessione infligeretur.

Dixi: In subsidium probationis; hinc adhiberi non debet, si Reus sit convictus, ut de crimine condemnari possit. Ut autem licitè subficiatur torturæ, requiritur semiplena probatio, quam faciunt 1^o modò. Testis unus omni exceptione major. 2. Rei confessio extra Judicium. 3. Fama publica à viris honestis orta, ac per testes pro-

probata cum alterius indicii adminiculo, quod addo; quia fama sola non probat, sed habet se instar accusatoris. 4. Indicia magna, seu quæ faciunt factum ferè moraliter certum. *Ratio responsi est*, quia tortura est instituta in subsidium probationis, ut, quando argumenta, & indicia sunt valde magna, necdum tamen sufficientia, sic plena probatio eliciatur: nam confessio Rei in tortura extra hanc ratificata & permanens ad diem sequentem, ex semiplena probatione facit plenam.

461. Resp. 3. Ut Reum Judex licitè subjiciat torturæ, non debet tantum adesse semiplena probatio, sed antequam procedat ad torturam, debet adhibere omnes vias mitiores deregendæ veritatis: est enim hoc medium postremum in defectu aliorum, damnosum, valdeque periculosum, & fragile, uti constat ex *L. 1. ff. de questione. §. 23.* & ex *S. Aug. L. 19. de Civitate. C. 6.* apud La Croix N. 1455. Innocentes enim sæpè coguntur vi tormentorum se fateri reos, & nocentes toleratâ torturâ probant se innocentes. Proinde Judex peccat graviter contra Justitiam, si secus faciat; uti & si itâ torqueat, ut spectatis viribus, & complexione sustinere, reo sit moraliter impossibile; estque tum confessio nulla, ac proinde ex ea non potest Judex procedere, etsi tortus eam ratificet metu novæ torturæ. Quod si Reus semel tortus nihil sit falsus, non potest iterum torqueri, nisi nova accedant indicia; quia per torturam priora elisit. Si tamen crimen falsus in tortura, extra eam id revocet, potest iterum torqueri; quia indicia manent in suo vigore, si verò tertio tortus, ac confessus, tertio revocet, absolvendus est; quia præsumitur vi tormentorum

torum confessio extorta, adeoque involuntaria, & nulla.

Nota. Torqueri prohibentur (nisi in criminibus exceptis,) viri in magna dignitate constituti, ut Officiales Principum, urbium Gubernatores, Nobiles equestris ordinis, &c. impuberes, senes, qui memoriâ vacillant, prægnantes, & nondum confirmatæ à partu.

Resp. 4. Peccat graviter contra Justitiam 462. Judex, si meru tormentorum sine sufficienti-*Peccata* bus ad torquendum indicis eliciat confessio-*Judicis.* nem. Si promissione impunitatis non obligatum fateri inducat ad fatendum, & hâc notitiâ utatur ad puniendum; hâc enim confessione uti non potest, etsi ratificata, utpote nullâ cum sua ratificatione. Si tamen reus interrogatus teneretur fateri, promissio esset de re illicita, tenereturque Judex eum punire, nisi promississet supremus Princeps. Hic enim, utpote potens in lege dispensare, teneretur stare promissione. Similiter peccat, si Reum interroget de suo crimine, dum nec infamia publica, nec semiplena probatio per testem, nec sufficientia indicia præcedunt. Item si ex levibus indicis imponat Juramentum veritatis; quia Judex non potest procedere, nisi ex scientia publica, quam non habet per levia indicia. Vi, de dicenda de Reo.

Q U Æ S T I O IV.

An liceat Judici acceptare munera? 463.

Resp. Non licet acceptare non levia: vel *vinâ*, & *Legedi-* enim acceptaret pro sententia justa, & jam *humanâ* venderet, quod suum non est, sed alteri exprohibe-
Justi-*sur.*

Justitia debitum ; consequenter tenetur restituere : neque enim sic dantur liberaliter. Vel acceptaret pro sententia injusta , & jam alteri parti facit injuriam : & quamvis tunc , si non excedant laborem , & periculum , secundum dicta , non teneatur restituere ante sententiam declaratoriam criminis ; non desunt tamen , qui tenent oppositum. Vel denique munera fuerunt liberaliter oblata , & sine onere ; & jam ea acceptare jure positivo , divino , & humano , tam civili , quam Ecclesiastico , in conscientia obligante , prohibetur. Nam Exod. 23. dicitur : *Nec accipies munera , quæ etiam excæcant prudentes , & subvertunt verba iustorum.* Item Cap. 10. de vita , & honestate Cleric. & L. 18. de officio pref. expressis verbis interdicitur : estque prorsus irrita sententia , lata pro pretio illicito. Hinc Judices , violantes hæc præcepta , peccant per se loquendo graviter. *Ratio autem est ;* quia munera bene afficiunt Judicem erga dantem , affectus autem facit , ut intellectus magis attendat ad rationes dantis , magisque placeant , sicque paulatim totus animus in eum deflectat , & Judicium contumpatur , quod maximè verum est de iis Judicibus , qui ad hoc perversionis periculum non reflectunt. Ob hanc rationem putat Lugo , jure naturæ prohibitum esse acceptare munera , quæ de se apta sunt inducere ut plurimum corruptionem Judicis ; quia licentia uni permissa præjudicaret bono communi , & saltem non aberit scandalum ; quia subditi vel credent , vel merito timebunt , muneribus flecti Judices. Et quamvis abessent ista , non tamen sat securi sunt Judices , munera

acceptantes ; quia donatio sæpè non est satis voluntaria ad transferendum dominium : non raro enim dant ea litigantes ; quia timent , ne Judex plus faveat parti adversæ , ne moras trahat , sicque non dant spontè , sed ad redimendam vexam , & pro actû ex Justitia debito : hinc quamvis probabiliter Judex non teneatur restituere ; quæ accepit per donationem jure naturæ validam , nisi accedat sententia Judicis , declaratoria criminis ; rectè tamen faciet Confessarius , eum obligando ad restitutionem , aut injungendo pro pœnitentia , ut det pauperibus , sicque , carens commodo , deinceps caveat legum transgressionem ; quia Doctores de obligatione restituendi non conveniunt , & sæpè dona non sunt merè gratuita , sed pro avertenda vexa.

Dixi : *Non levia* : nam excipiuntur leviora munuscula , ex quibus perversionis periculum non est , & cessat ratio legis prohibentis , præsertim si offerantur , ut Judex exciretur ad diligentiam exactiorem , quàm debeat impendere , aut ut aliud onus indebitum subeat. Sic *Cap. 11. de Rescriptis*. Judici permittitur acceptare esculentum , & poculentum merè liberaliter oblatum , quod paucis diebus consumi potest ; sed cavendum est scandalum. Vide La Croix L. 4. N. 1499.



Q U Æ S T I O V.

An Judex, si advertat, unum ex litigantibus, vel Advocatum ejus, omittere aliquid, quo allegato evinceret litem, teneatur, vel possit illi id suggerere?

464.
*Juxta
multos
non po-
test.*

Resp. 1. Juxta multos nec tenetur, nec licetè potest. *Ratio est*; quia sustinet personam publicam, & procedere non potest, nisi ex scientia publica, adeoque tenetur judicare secundum allegata, & probata per partes litigantes, & esse indifferens, nec agere Advocatum unius partis. Juxta hanc sententiam suggerendo id parti, peccat graviter. Econtra Baldus tenet, posse suggerere, non tamen teneri. At Dicast. *de Justitia*. L. 2. Tr. 1. D. 5. N. 285. & nonnulli apud Dianam, qui hanc sententiam vocat probabilissimam, teneri assentunt suggerere. Ratio hujus sententiæ est 1. Quia hoc ipso, quod Judici causa proponitur, tenetur ex officio examinare omnia, quæ necessaria sunt ad cognitionem causæ, tum circa factum, tum circa jus, & curare, ut omnes Officiales: ritè sua peragant; ergo, si advertat, quod Advocatus unius omitat, quo allegato veritas causæ appareret, potest, & tenetur id suggerere. 2. Quando litigans venit ad Judicem, & justitiam petit, censetur petere, ut causæ suæ, & juris curam habeat, idque examinet, aut examinari faciat, & secundum id examinatum pronuntiet, non verò censetur esse contentus, ut agere alios sinat ex negligentia, inscientia, aut malitia, quod volunt, & secundum allegata pronuntiet ipse, sciens

sciens sententiam ex objecto esse injustam. 3. Si Judici satis esset sic pronuntiare secundum allegata, & probata, innumeris periculis injuste sententiae, & ipse, & litigantes essent expositi. Unde judicare debet secundum allegata, & probata, sed non quomodocunque, verum, quantum ipse scire potest, sufficienter: alias posset & dissimulare probationes ex jure, omittas ex negligentia, vel malitia Advocati. 4. Littere juxta S. Th. aliosque multos Judex teneatur juridice probatum reum mortis ad eam condemnare, quem scit privatam scientiam innocentem, quando non potest eum ostendere innocentem; tamen debet omnia adhibere, ut, si possit, eum liberet; ergo obligatio judicandi secundum allegata, & probata, non est tanta, ut Judex sciens ea esse falsa, non possit curare, ut deregantur. Cujus ratio à priori est; quia lex obligans Judicem, ad judicandum secundum allegata, & probata, lata est, tum ut vitetur acceptio personarum, & scandala, quae ex suspicionibus ejus videntur, si Judici liceret judicare secundum privatam scientiam; tum ut veritas sententiae attingatur. Hic autem finis illius legis cessat; nam & publice proponuntur suggesta, & veritas locum habebit.

Resp. 2. Cum distinctione: Judex tenetur 463. supplere, vel suggerere ea, quae juris sunt, & *Teneretur* ab Advocato, vel partibus omittenda; non autem *supplere*, quae sunt facti. Pars prima sumitur ex *retroua* *ju-*
in L. unic. C. ut quae sunt Advocatis. *Eccis sunt,*
Ratio est; quia debet administrare justitiam, non quae secundum jura: Juris autem sunt imò ex *factis*.
minare libellum, & ineptum rejicere. 2.
Deferte juramentum calumniae, ubi necesse est,
3. Dilationes concedere. 4. Testes non le-

gales repellere. 5. Exceptionem præscriptionis, & senatûs consulti Vellejani suggerere. 6. Præscriptionem illegitimam, instrumentum falsum, &c. rejicere, & similia, quæ si pars vel Advocatus non adverrat, tenetur Judex suggerere, vel supplere. *Ratio 2da partis est*; quia, si suggereret, quæ sunt facti, se suspectum redderet de studio partium. Facti autem sunt. 1. Producere testes, instrumenta, vel alias probationes. 2. Exceptiones opponere, quæ non sunt juris. 3. Allegare privilegium speciale &c. Excipe tamen, nisi factum sit notorium, vel reluceat ex actis, v. g. quod Reus jam præscripserit, quod habeat privilegium. Item ubi versatur periculum animæ, vel agitur de bono publico, aut de causa pia. Ità Pichler de officio Judicis Tit. 32. N. 6. & alii.

Q U Æ S T I O VI.

Quæ Judex observare debeat in ferenda sententia?

466. *Servandus ordo juris, leges, & consuetudo loci* Resp. Sequentia: 1. Tenetur servare ordinem juris, & judicare secundum leges, & loci consuetudinem, tempore, & modo debito. *Ratio est*; quia id exigit ejus officium, quod suscipiendo, ad ea se obligavit.

Quare peccat, regulariter loquendo, primò si condemnet non citatum, nec auditum; quia sic arma eriperet Reo se defendendi, quod repugnat juri gentium, si non naturali. Dixi: *Regulariter loquendo*: Nam 1. potest condemnare citra ordinem juris, si crimen sit ità publicum, ut nullum relinquat Reo locum se defendendi

in

in judicio. Sic latrones in crimine deprehensi quandoque è vestigio suspenduntur ; id quod & fit quandoque in bello , militibus peccantibus contra mandata Regis, vel Ducis : Factum enim notarium vicem subit accusatoris, & testium. 2. Si ex processu juridico imminet periculum rebellionis , vel alterius, gravis perturbationis in Republica. Quo tamen casu debet causa privatim discuti, nisi sit omnino evidens. 3. Si crimen sit Principi, vel aliis tribus, omni exceptione majoribus, notum, ita, ut juridicè probari possit, & Reus nequeat sine gravi incommodo publicè puniri : hoc enim casu reus mortis occultè poterit interfici sine citatione, & probationibus publicis ; quia tum constat Reo nullum esse in judicio defensionis locum, & Judex agit, ut defensor suus, vel Reip. potius, quam ut Judex. Idem dicit Less. si crimen esset enorme, & ob infamiam non expediret vulgari, v. g. si quis Regina vim intulisset, & Rex solus id sciret. Hoc casu putat Lessius Rempublicam consentire.

2. Peccat Judex, si delicta non puniat, & pœnas statutas non exequatur : quamvis enim Judex supremus ob justam causam possit pœnas relaxare, vel mitigare, non potest tamen id sine proportionata causa ; Judex verò inferior id nequit, nisi ob bonum commune Reip. aliud necessarium esse declaret Episcopalia, & non sit recursus ad superiorem, vel de privata injuria actoris agatur, & is consentiat.

3. Peccat, si sine justa causa sententiam diffuset, & non maturè, ut par est, expediat. Hæc enim est Reip. voluntas. Quare tenetur compensare damna, ex injusta dilatione secuta, & multò magis, si sententiam injustam

scienter, vel ex negligentia graviter culpabiliter
ferat.

467. II. Tenetur Judex in causis piis judicare se-
cundum Canones, & non secundum Jus civile :
Unde Judex etiam secularis tenetur stare pro tes-
tamento ad causam piam signato tantum manu
testatoris defuncti, aut condito sine institutione
hæredis. Idem est de legatis piis, insertis testa-
mento profano, destituito sollemnitate Ju-
dicare tis.
debet.

468. III. Nisi scientia privata obstat, tenetur ju-
dicare ex scientia publica : non enim habet
potestatem judicandi, nisi ut persona publica,
proinde nec nisi ex scientia publica, quæ ha-
betur per testes, legitimæque instrumenta, &
acta : sic enim bonum commune exigit, ne
Judicibus detur occasio judicandi pro sua li-
bidine, exercendique tyrannidem, supprimen-
di innocentes, eisque etipiendi arma se defen-
dendi.

469. IV. In causis civilibus tenetur judicare secun-
dum probabiliorē juris & facti ; ubi verò est æ-
qualis probabilitas, tenetur dividere secundum
dicta P. 1. N. 103. quia tenetur judicare secun-
dum allegata, & probata, saltem nisi scientia
privata obstat ; ergo, quando hæc sunt fortio-
ra, tenetur pro iis ; si verò sint æqualia ; pro
utraque parte iis conformiter judicare : Judex
enim est, & dicitur ex eo, quod populo Jus
dicat. In criminalibus autem gravioribus, ut
causâ mortis mutilationis, perpetui carceris,
&c. quando pro Reo est probabilitas etiam mi-
nor, illi favendum est conformiter dictis P. 1.
N. citato.

470. V. Quem Judex privatâ scientiâ scit no-
centem, si juridicè sit probatus innocens, eum
non sciens con-

condemnare non potest ; quia cum sustineat personam publicam, non potest judicare, nisi ex scientiâ publicâ : non enim concessa est alia judicandi potestas, ne detur ei occasio pro arbitrio suo judicandi : unde nec potest quidquam suggerere contra reum mortis, vel mutilationis, &c. cum nulli fiat injuria, secus ac in casu, N. 465.

*condem-
nare non
potest, si
probetur
innocens*

Q U Æ S T I O VII.

An Judex licitè possit condemnare Reum, quem privatâ scientiâ scit esse innocentem, si juridicè probatus sit nocens?

Resp. Condemnare licitè non potest, saltem in causis criminalibus gravioribus, ut est causa mortis, mutilationis, &c. Ita multi, & graves Doctores contra S. Thom, ejusque sequaces, præsertim antiquos Theologos.

Probatnr 1. Ex Jure naturali : nam intrinsecè malum est, directè occidere illum, quem quis scit innocentem ; atqui Judex directè occideret, quem sciret innocentem ; Ergo. Major constat. Neque Respublica potest Judici ad id dare facultatem, neque Deus illi eam concessit : nam Exod. 23, jubet Deus : *Non suscipies vocem mendacii, nec in judicio plurimorum (testium) acquiesces sententia, ut a vero devies : ... In-sonem, & justum non occides.* Minor quoque constat. Confirmatur. Judex sciens privatim alicujus matrimonium esse nullum, etsi juridicè probetur validum, non potest eum obligare ad usum matrimonii, nec is eo uti potest, etsi Judex imperaret.

*471,
Non po-
test in
causis
crimi-*

*nali-
bus
gravia-
riusq.*

Probatur 2. Ex Jure Canonico, quod Cap. 1. de sententia. & rejudicata jubet Judices procedere secundum conscientiam, & justitiam, solumque Deum pra oculis habere, cum aeterni tribunal judicis illum reum non habeat, quem injuste Judex condemnat : Atqui talis Judex non procederet secundum conscientiam, cum innocentem sciat : nec secundum Justitiam ; quia hæc exigit æqualitatem, & proportionem inter pœnam, & delictum ; delictum autem hic non est. Confirmatur. Secundum jam dicta ex sententia damnata, Judex non potest judicare juxta opinionem minus probabilem ; ergo multò minus juxta opinionem, vel testimonium certò falsum.

*Probatur 3. Ex Jure civili. Nam hoc quidem jubet, Judicem procedere secundum allegata, & probata : at unicè ideo, ut illi innotescat certius veritas, utque minus sit expositus periculo errandi circa merita causæ : non verò quando illi aliunde certò constat veritas causæ. Constat ex L. 6. ff. de officio pref. ubi dicitur : *Prefes Provincie id sequatur, quod convenit cum fide eorum, quæ probabuntur, ne veritas videatur erroribus.* Sed, quod falsum esse, Judex certò cognoscit, id ut verum nequit probari, & nullius fidei sunt testes, quos constat falsum testari. Præterea, quando veritas, quam per testes obtineri volunt Jura, jam aliunde certò cognoscitur, cessant testimonia, velut medium inutile deregendæ veritatis. Denique Jus civile prohibet fidem haberi testi suspecto ; ergo nec vult credi certè falso, sed vult judicem procedere secundum suam, non aliorum sententiam, & judicium. Per Legem 1. §. 6. C. de vet. jure enuch. Vult tot cautelas quoad testes, & probationes adhi-*

adhiberi ideo præcisè, ne innocens opprimatur; ergo credibile non est, quòd velit condemnari, & sic opprimi innocentem per testimonia, & probationes Judici certò falsas, & sic detorqueri in dispendium, quod in innocentis favorem introductum est. *Reg. Juris 61. in 6.*

Dixi in responsione : *Saltem in criminalibus gravioribus* : nam, an id quoque servare teneatur, dum agitur in causis civilibus, vel aliis criminalibus, v. g. pecuniaria multa, aut carcere non perpetuo, privatione officii, beneficii, &c. non convenit inter Patronos sententiæ nostræ. Negant Lessius, Layman, Lugo, Haun. Pirrhing, & alii, qui etsi teneant, Judicem obligari ad cōsandum omni industriâ, ut veritas detegatur, vel processus impediatur; id tamen si non possit efficere, putant, licere Judici sententiam ferre secundum allegata, & probata; tum quòd Resp. ex dominio alto possit dominium bonorum fortunæ de uno in alterum transferre justa de causa, qualis hic ipsis videtur esse, ne forma Judicii cum scandalo perturbetur; tum quòd nemo civium possit esse rationabiliter invitus, tunc contra se ferri sententiam, cum videat Judicem juvare non posse, nec par sit, ut hic officium dimittat; cum fortè nihilominus Reus ab alio sit condemnandus; tum quòd bona ista aliis modis facilè recuperari, aut compensari etiam occultè possint; neque enim mens Reip. est, aut esse potest, ut per sententiam, falsis probationibus nixam, quis re suâ privetur: id enim esset absque necessitate calumniatoribus favere. Verùm, etsi hæc quoad bona fortunæ faciliùs admitti posse videantur, dura

*An idē
dicen-
dum in
causis
civilibus?*

tamen sunt quoad reliqua : ut , si quis innocens , cum iactura famæ , quæ evitari hic non posset , privaretur honorabili officio , vel Beneficio Ecclesiastico , aut ad carcerem condemnaretur. Unde alii universim negant , posse Judicem , quem scit innocentem , scientiâ privatâ condemnare etiam in causis Civilibus , etsi iuridicè probatus sit nocens. 1. Quia id repugnat juri naturali , & justitiæ , tam commutativæ , quàm vindicativæ , quæ exigat æqualitatem & proportionem inter obligationem & solutionem , inter pœnam & delictum ; ac inter solutionem & obligationem nullam , inter delictum duntaxat apparens , & reipsâ nullum , & pœnam , nulla datur proportio , vel æqualitas : ergo , cum non sufficienter probetur , quodd jura humana recesserint à jure naturæ , fundato in justitia commutativa , & vindicativa , id asserendum non est. 2. Probationes desumptæ ex Jure Canonico , & Civili pro innocente ex causâ criminali graviore , eodem modo procedunt pro innocente in causis civilibus , & criminalibus levioribus. Ità Pichler & alii multi.

Quæ Adversarii opponunt , non convincunt.

Nam 1. Licet ad probandum sufficiant duo testes , non tamen , quando scitur , eos testari falsum : tum enim iis credi non potest.

2. Judex in tali casu non habet scientiam publicam contra Rem ; cum sciat esse errorem , vel calumniam , quam utique sequi non tenetur.

3. Executor , si sciret privatim , sententiam mortis esse injustam , vel ut loquitur S. Thom. intolerabilem contingere errorem , non potest

eam

eam exequi ob rationem datam, & alijs excusari possent carnifices, qui SS. Martyres, & Judæi, qui Christum occiderunt. Imò nec in alijs exequi potest sententiam notoriè injustam, cum sit nulla. Dein, etsi detur, quòd in Civilibus sententiam non notoriè injustam, quam privatim scit injustam, teneatur exequi per *Cap. 28. §. Quia verò. de officio Judicis delegati.* si ita Judex mandet; cum ipsi non concedatur, sic bono communi exigente, examinare sententiam; non tamen tenetur Judex ex ullo juris præcepto obsequi testibus, sed debet eorum fidem examinare, & iniquos repellere.

4. Probatuſ nocens, etsi apparenter alijs non sit innocens, est tamen reipsa, & Judici innocens, qui veram innocentiam attendere debet. Si falli testes facerent nocentem, & ob eorum testimonium quis condemnari posset; nec Christus fuisset innocens, sed justè condemnatus.

Potes. Quid ergo faciet Judex in casu, in quo scit, innocentem esse eum, qui juridicè probatus est nocens? *Quid in eo casu facien-* R. Debet tentare omnia, ut eum liberet, scilicet, sæpe, & per intervalla *dum judi-* resumere examen testium, an non varient, eos increpare, repellere Actorem, vel accusatorem, dicendo, sibi constare Rei innocentiam, differre sententiam, ut interim veritas detegatur magis, aperire carcerem, si sine scandalo fieri possit. Si omnia attentata non juvent, Judex inferior debet causam deferre ad Judicem superiorem, depositaque personam Judicis, apud illum testem agere pro innocente. Si nec hoc juvet, debet potius cedere officio, quàm proferre in eum sententiam mortis, vel mutilationis.

nis. In civilibus tamen non tenetur cedere potius officio cum majori detrimento tum dignitatis suæ, tum bonorum fortunæ, quam passurus sit Reus; hic enim tunc rationabiliter invitus esse non potest, sed debet id sinistris casibus annumerare, poteritque deinde Judex aliis modis indemnitati ejus consulere, quod & charitas ab eo postulabit.

CAPUT II.

De Accusatore, Denuntiatore, & Testibus.

QUESTIO I.

Quis possit, & teneatur accusare, vel denuntiare?

472. *Nota.* Accusare est delictum Rei deferre, *Quid sit accusatio, & denuntiatio?* vel manifestare Superiori, tanquam Jædici ad vindictam publicam, vel, si minus strictè accipiatur, etiam ad satisfactionem debitam obtinendam, quam accusator velut actor exigit, & Judex ex officio præstare debet, servato juris ordine. Unde accusatio propriè dicta est delatio Rei de crimine ad vindictam publicam, quæ finis ejus est ad exemplum populi, ut omnes ab ejusmodi criminibus sibi caveant. Debet autem fieri in scripto, & in hoc exprimi dies, & annus, quo intentatur, nomen accusatoris & accusati, species delicti, mensis & annus delicti commissi, ne accusatio reddatur incerta & lubrica, Reoque eripiatur facultas se defendendi, probando negativam.

tivam, & testes convincendo falsi. Non est tamen opus, in libello exprimere diem delicti commissi; quia alioquin potestas probandi nimis restringeretur: facile enim posset fieri, ut quis diei vel etiam hebdomadæ oblivisceretur; quia non ita cadit sub sensum, uti locus; si tamen Reus petat exprimi diem & horam, cogendus est actor juxta Lessium L. 2. Cap. 30. sub Num. 4. quia aliàs intercluderetur Reo locus defensionis, cum aliter probare non posset, se non fecisse, quam ostendendo, se eo tempore non potuisse facere, eò quòd fuerit alibi, vel infirmus. Si tamen accusator non meminit diei & horæ, potest jurando se non recordari, defungi. Si meminerit & dicat diem & horam, non tamen tenetur probare; quia ad hoc se non obstrinxit. Si sponte posuit diem & horam, & non possit probare, poterit nihilominus Reus condemnari, si per testes, omni exceptione majores, sit probatum, delictum esse commissum tali tempore & loco: tunc enim parum refert, quòd erratum sit in die, vel horâ, & loco particulari: nam delictum punitur; quia commissum esse constat, non verò, quia hoc vel illo loco vel die commissum est; nisi pendeat delictum à circumstantia loci vel temporis: ut, si quis tempore, die vel loco prohibito piscatus, venatus, vel pastus esset. Similiter, si qualitas vel conditio, delictum tantum aggravans, sit posita in libello, & probari non possit, probetur autem substantia delicti, ad proportionatam poenam Reus condemnari debet; quia interest boni communis delicta puniri. Acedit, quòd in libellis soleat apponi clausula, quâ accusator testa-

testatur, se nolle obligari, nisi ad probandum id, quod necessarium & principale est.

2. Denuntiare est deferre, vel legitime manifestare delictum Superiori, ut sua munere fungatur, & providentiâ utatur ad aliquod damnum impediendum, vel emendandum. Unde denuntiatio est legitima manifestatio, facta Superiori ad prædictum finem. Differt ab accusatione, quod possit fieri ordinariè sine inscriptione, & solis verbis, nec importet obligationem probandi, uti importat accusatio. Denuntiatio dividitur in Judicialem, & Evangelicam; quia exponitur in Evangelio à Christo Matthæi 18. quæ enim fraterna dicitur. Hæc est, quâ delictum proximi defertur ad Superiorem, ut patrem, ad id jam commissum emendandum, vel in periculo avertendum. Judicialis est, quâ defertur delictum ad Superiorem, velut Judicem in ordine ad vindictam publicam pro bono communi, ne delicta maneant impunia. Ad hanc reducitur etiam denuntiatio, quâ delictum, fraternâ correctione sine fructu adhibita, defertur ad Superiorem, ut is vel paternâ correctione utatur, vel si hæc non proficiat, judicialem processum instituat ad damna à proximo vel communitate avertenda, vel subditum efficacius corrigendum. *Hu notatis*

473. Resp. Accusare, vel denuntiare tenentur
1. *Ad id* 1. Qui ad hoc à Republ. vel Dominis sunt con-
consti- tituti, quales sunt Fiscalis, vigiles, & custo-
tuti. des agrorum, vinearum, sylvarum &c. saltem quoad necessarium est ad avertenda damna alioquin tenentur ad ea compensanda: suscipiendo enim officium, ad hoc se obligarunt ex *Justitia.*

2. Pri-

2. Privati tenentur accusare, vel denunciare, quando crimen est contra bonum publicum, & pendet adhuc in futurum; vel continuandum putatur. Talia crimina sunt hæresis, proditio, significatio consiliorum Principis facta, vel facienda hosti, cussio falsæ monetæ, veneficium, lactocinium; quia quisque tenetur, etiam cum suo damno, consulere bono publico, utpote prævalenti bono privato.

2. Quæ
doque
aliter

3. Est obligatio quandoque accusandi, vel denunciandi, si grave damnum immineat proximo innocenti ex crimine, quod aliter averti non potest; quia charitas postulat, ut innocenti succurratur contra iniquum. Si tamen gravius hic damnum pari deberet, quam aliis privatis, juxta La Croix L. 2. N. 217. non est semper obligatio accusandi, vel denunciandi; quia, cum uterque sit proximus, non est, unde nascatur obligatio unum gravius damnificandi in gratiam alterius. Est autem obligatio, si innocens sit valde conjunctus v. g. si sit parens vel filius, si damnum redundet in Communitatem, si damnificatus teneatur damnum illud subire ad liberandum innocentem.

4. Non teneris, imò nec licere potes, etiam posito Superioris præcepto, denunciare crimen; si delinquens emendatus est sine periculo recidendi, & Partii læsæ satisfactum sit, & crimen sit occultum, nec in judicio probabile, nec periculum immineat aliis; quia sine causa proximi infamia sequeretur, vel: si inde immineret grave tibi periculum honoris, vel vitæ, aut rerum tuarum, & crimen non vergat in perniciem Reipubl. Item si cogereris probare, & non posses.

5. Accusare prohibentur imò excommunicati, proditores, infames; idque in poenam cri-

cri-

criminis. 2. Filii suos parentes, servi dominos ob reverentiam. Clerici in causa sanguinis ob indecentiam. *Excipe*, nisi bonum commune aliud exigeret.

Q U Æ S T I O II.

An, & quando Accusationi vel denuntiationi præmittenda sit secreta correctio, juxta illud Christi Matth. 18.
Si peccaverit in te frater tuus &c.?

474. Resp. Quando crimen est probabile in judicio, non tenetur accusator, & denuntians juridicè, regulariter loquendo, præmittere secretam monitionem, seu correctionem fraternam, v.g. ut Reus desistat, vel satisfactionem præster; sed potest sine injuria accusationem instituere. *Ratio est*; quia, sicut Judex potest delictum licitè punire; ita potest alius licitè id procurare ex amore boni communis: idem enim bonum utrimque intenditur, ut scilicet, timore pœnæ, homines à delictis detetreatur; & quamvis privatus non teneatur ex officio, uti Judex; potest tamen famam proximi bono communi postponere. Dixi: *Regulariter*: nam licèt Judex possit punire ad exemplum publicum, crimen jam plenè emendatum, & de eo etiam accusare privatus sine injuria; hoc tamen videtur minùs conforme charitati, præsertim, si persona habeatur honesta, estque periculum affectûs sinistri, si nihil ultra incommodi timendum sit.

sed denuntiationi Evangelicæ

Econtra denuntiaturus denuntiatione Evangelicâ, tenetur priùs monere peccatorem, si putet emendatum iri; quia finis hujus denuntiationis

tionis est emendatio fratris : quæ si privatâ monitione æquè obtineri possit , sine causa læditur fama proximi. Finis autem denuntiationis judicialis, est vindicta publica, ad bonum publicum ordinata , quæ privatâ monitione non obtinetur. Vide dicta de Charitate P. 2. N. 102. & Lug. Disp. 37. N. 79. Item L. 4. Mor. D. 46.

Controvertitur , quomodo verba Christi : *Si peccaverit in te frater tuus* &c. intelligenda sint ? Putant aliqui , esse hunc sensum : Si peccaverit in te , id est , contra te , inferendo tibi injuriam : in patientia & spiritu lenitatis corrige eum privatim. Si audierit te , præstetque, quod debet, lucratus es fratrem tuum ; si te non audierit , adhibe tecum unum vel duos , ut sit admonitio efficacior , iique sint testes private tuæ correptionis ; sicque nec horum monitis obtemperet , dic Ecclesiæ seu Prælato , cui si non obediat , sit tibi tanquam extraneus Ecclesiæ. Hi tenent, verbis Christi tantum contineri consilium istius ordinis. Alii contrâ tenent, verba esse præceptiva , sensumque esse : *Si peccaverit in te* , id est, coram te , tibi que ita , quantum est de se , dederit scandalum , atque ita peccaverit in te ; corripe eum inter te , & ipsum solum. Utraque sententia habet pro se testimonia Patrum apud Suar. Tom. 4. L. 10. C. 7. N. 7. sed juxta Suarez ibidem N. 10. reipsâ non est, nec esse potest controversia quoad doctrinam moralem ; eò quod Christus non tulerit nova præcepta , nisi de Sacramentis , ibique explicaverit tantum præceptum naturale charitatis erga proximum , vi cujus, & corrigendus est proximus, & famæ ejus consulendum.

QUÆSTIO III.

Quot, & quales ad legitimum Judicium
Testes requirantur, & sufficiant?

475.
*Requi-
rantur
saltem
duo.*

Resp. Ordinariè ad plenam probationem in judicio requiruntur, & sufficiunt duo testes, omni exceptione majores, & jurati: nam Matthæi 18. dixit Christus Dominus: *In ore duorum, vel trium testium stabit omne verbum.* Debent autem testes sensu externo percepisse, & non tantum ab aliis audivisse id, quod testantur, & de eodem facto cum iisdem circumstantiis deponere; alias erunt tantum testes, ut vocant, singulares, & plenam probationem non faciunt.

Dixi: *Ordinariè*: nam aliquando unus sufficit, nempe ad Impediendum Matrimonium ex Cap. 27. *De Sponsalibus*, & ad leviores penas. Sic ad testimonium publici custodis puniri solent furantes ligna in sylva communi: hoc enim expedit ad bonum commune; aliquando vero plures requiruntur v. g. ad testamentum solenne.

Dixi 2. *Omni exceptione majores*, id est, tales, contra quos jure nihil opponi potest.

*Qui tes-
tes esse
non pos-
sunt;*

Unde regulariter non possunt testari legitime sequentes: 1. Servus, seu mancipium. 2. Mulier vi juris Canonici in Criminalibus, quæ tamen Jure Civili in omni causa ad testandum admittitur, uti & Jure Canonico in causa, quæ non nisi per mulieres cognosci potest. 3. Minor 20. annis in Criminalibus, & impubes in Civilibus, qui tamen factus pubes, testari potest de iis, quæ vidit impubes.

bes. 4. Furiosi & amentes, qui tamen, si habeant lucida intervalla, quandoque admittuntur ad testandum ea, quæ in iis videntur. 5. Infames infamiâ juris, vel facti, qui ob notitiâ publici criminis apud prudentes amittunt existimationem. 6. Personæ inopes, & viles: pauper tamen admittitur, si sit bonæ famæ, nec prudenter timeatur fidem habere venalem. 7. Inimici. 8. Sanguine juncti, & domestici actoris; quia in his fides potest esse suspecta. Quando tamen crimen est tale, ut non soleat committi, nisi inter domesticos, domesticum testimonium admittitur, dum crimen aliter probari non potest. Valet quoque testimonium domestici pro domestico contra domesticum; quia non subest suspicio affectionis. Domestici autem ii soli dicuntur, qui cohabitant, & aliquo modo subsunt potestati ejus, à quo tanquam testes producuntur. 9. Perjuri. 10. Socii criminis. Denique idem nequit esse accusator, & testis, nisi in rebus levis momenti. Porro qui solo jure positivo excluduntur, possunt esse testes in criminibus exceptis. Item quando delictum est commissum eo tempore, & loco, ut alii testes haberi non possint v. g. in campo, sylvâ, cubiculo, nocturno tempore; quia bono communi debet posse consuli. Qui ordinariè testes esse non possunt, his verbis exprimi solent:

*Conditio, Sexus, Aetas, Discretio, Fama,
Et Fortuna Fides; in testibus ista requi-
ras.*

Videri potest La Croix L. 4. N. 1313. ubi varias affert circa testes exclusos exceptiones.

R. P. Reuter Theol. Mor. P. III 22 QUÆS.

mune, vel proximi, conformiter jam dictis. Quodsi interrogatus respondeat, non debet tacere, quæ sunt in favorem Rei, aliàs testimonium vitiosum, & injuriosum erit. Si testi opponatur defectus ad infumandum ejus testimonium, is à Judice Interrogatus, tenetur eum faceri, si turpitudinem non contineat, v. g. si sit consanguineus: locus, si turpitudinem contineat; nisi adesset semiplena probatio ejus, quam non facit sola infamia. Lugo D. 37. N. 23.

Dixi 3. *Nisi legitima causa excuset*: hæc enim si adsit, non tenetur testificari, etiam juridicè interrogatus; quia præceptum humanum non obligat cum gravi incommodo, nisi aliud postulet bonum commune, vel salus proximi.

Q U Æ S T I O V.

Quibus casibus Testis, etiam legitime interrogatus, non teneatur respondere?

Resp. Insequentibus: 1. Si delictum non vit ex Confessione Sacramentali.

2. Si accepit ejus notitiam sub sigillo secreti naturalis, vel si consilii, aut remedii accipiendi causâ, sit illi à delinquente communicata: hoc enim casu nec tenetur, nec potest testari, vel denunciare, etsi de auctore criminis esset infamia, aut etiam semiplena probatio; quia bonum commune exigit, ut sic communicata sciantur: aliàs enim peccatores à consilio petendo, & auxilio averterentur, agerentur in desperationem, malaque multa sequerentur. *Excipe tamen, nisi testimonium vel denun-*

477.
Si notitiam habeat ex confessione sacramentali, vel alia unde non videtur ubi sit.

5. Si notitiam facti accepit ab hominibus non satis fide dignis : tunc enim hec de auditu testari tenetur.

6. Siciat, aut probabiliter judicee, quòd author facti coram Deo non peccarit, uti, si ex ignorantia inculpabili pro fera occidit hominem ; si rem alienam abstulit crediti compensandi gratiâ, aut gravissimâ necessitate adactus ; quia interrogatio Judicis procedit ex præsumptione culpæ commissæ, secundum quam Judicis intentionem negari rectè potest : factum sibi esse cognitum : sicut author ejus id rectè negare potest, etiam juramento interposito. Lessius L. 1. Cap. 31. N. 14.

7. Si interrogetur testis de jure inhabilis. Sic parentes ad testandum contra liberos provocati, respondere non tenentur, fatendo crimen ; nec liberi contra parentes ; nec frater contra fratrem ; nec gener contra socerum &c. nisi in criminibus exceptis ; sed dicere possunt, se nescire, intelligendo, se id non scire notitiâ, quam communicare teneantur.

Q U Æ S T I O VI.

An peccet, & ad quid teneatur, qui se occultat, ne ad testandum citetur, aut, qui citatus non comparet, vel interrogatus veritatem dicere dissimulat, vel falsum testatur ?

Resp. 1. Peccat, qui se occultat, dum se offerre tenebatur ad testificandum ob damnum imminens ; quia tunc Charitas, vel Justitia legalis obligat ad testificandum : non tenetur tamen ad restitutionem ; quia non tenebatur

478.

*Se occultans,
dum se
offerre*

tenetur, peccat contra charitatem vel justitiam legalem. ex justitia commutativa se offerre. Si autem nullum damnum immineat, sed ejus testimonium tantum requiratur ad aliquem condemnandum, facilius excusabitur; quia tunc nemo se tenetur ad testificandum offerre. Quodsi damnum immineret accusatori, eo quod probare non posset, sibi imputare debet, quod illi se periculo commiserit; nisi accusarit ob mali Reipublicæ, vel proximo imminenti periculum. Imò juxta Lugonem N. 1. si ex restitutione æquale damnum sequatur tertio innocenti, etiam non teneor ei succurrere cum æquali alterius malo: uti, si Titius condemnatur ob homicidium, quod solo esse à Cajo commissum, non teneor hunc prodere, ad Titium liberandum; quia, licet unus sit innocens, alter tamen nunc non est causa damni injusti; & sicut ille potest se licite liberare, ita & ego possum filere, & permittere malum alterius. Uterque enim est proximus. Ità Lugo.

479.
Citatus, non compensans sine justa causa, peccat contra obedientiam.

Resp. 2. Citatus ad testandum, si non compareat, aut interrogatus veritatem artificio aliquo dissimulet, peccat contra obedientiam, nisi adsit causa à testando excusans; quia justo Superioris præcepto tenetur obedire. An peccet contra justitiam, & teneatur damna compensare secuta ex negatione testimonii, controvertitur. Affirmat Navarr. Sotus, & alii apud Less. quia Judex citans, vel interrogans imponit officium testis; proinde uti Judex ex officio, adeoque ex justitia tenetur administrare justitiam, sic testis tenetur ex justitia ad id concurrere, postquam citatus, vel interrogatus est. Negant probabilius Molina, Less. L. 2. Cap. 30. N. 59. Lugo Disp. 39 sub N. 5. Et Ratio est; tum quia citatio, & Judicis præceptum

ceptum non imponit obligationem justitiæ , sed tantum obligationem obedientiæ ; nec citatus tenetur ex officio , nisi id acceptet ; nec illud recusando injustus est , sed inobediens non comparando , vel veritatem dissimulando. Sic , si quis jussus à Magistratu suscipere tutelam pupilli , vel curatoris officium , id recusaret , vel falsis prætextibus ab eo se excusaret , non esset injustus , sed inobediens. Nam obligatio , quâ quis tenetur ex justitia obire aliquam functionem erga proximum , non oritur præcisè ex præcepto Superioris . sed ex acceptance ejus , quæ eam obit. Sic enim , acceptando functionem illam , vel officium , tacitè promittit , & ad illam se ex justitia obligat , alterique Jus tribuit eam exigendi : si autem nolit acceptare , ex justitia non obligabitur : nemo enim potest alicui dare Jus ad functiones alterius liberas , nisi sit illarum Dominus. Quare cum nemo sit Dominus functionum mearum liberarum præter me ; nemo quoque sine meo consensu ad illas Jus alteri dare potest. Hinc , etsi jurâssem , me dicturum veritatem , non peccarem contra justitiam non testando , nisi parti justam causam habenti , simul promissem.

Dices. Si Judex præciperet , ut proferres scripturam aliquam , quæ ad causam pertineret , & eam lacerares , vel occultares , peccares contra justitiam , & tenereris damna inde secuta compensare ; ergo à pari. R. Transeat Ant. N. C. Non enim est paritas ; quia de scriptura , utpote re externâ , Respub. potest disponere , sicut de aliis bonis , ejusque usum alteri concedere ; quod si faceret , contra agens peccaret contra justitiam. Secus est de actio-

nibus liberis, quas præcipere potest; sed jura alteri ad alienas dare non potest sine consensu Domini, aut saltem non constat, quòd det. Dixi: *Transseat*; quia potest Respubl. præcipere, ut proferatur scriptura in gratiam alterius absque eo, quod alteri jus ad eam conferat.

480. Resp. 3. Quis sciens, vel ex crassa ignorantia falsum testatus est, fuitque alteri causa efficiens damni, tenetur totum id reparare; sique damnum, necdum secutum, imminet, v. g. ad restitutionem, vel mutilatio, tenetur sua dicta retractare, si id putet profuturum, idque cum periculo vitæ, si alter de ea periclitetur; quia damni causa injusta fuit, & à nocente pars damnum subeundum est pro avertendo damno pari, quod innocenti ex ejus culpa imminet.

Dixi 1. *Qui sciens*; nam si ex ignorantia, inadvertentia, vel ex oblivione inculpabili falsum sic testatus, etsi teneatur impedire damna adhuc impendentia; si possit; non tenetur tamen, absque ejus culpa jam secuta, compensare; quia nec rem habet alienam, nec formalem fecit injuriam.

Dixi 2. *Fuitque causa efficiens*; nam si Reus jam per alios testes fuit convictus, & ejus testimonium superveniens nullum effectum habuit, ed quòd poena ob illud nec simul infligenda, nec aucta fuit, non tenetur ad restitutionem; quia injuriam non intulit efficaciter damnosam.



CAPUT III.

De Reo.

QUESTIO I.

An, & quando Reus, à Judice interrogatus teneatur fateri veritatem?

Nota. Sicut qui apud Judicem contra alium agit in criminalibus, dicitur accusator, in civilibus verò actor; ita, contra quem agitur, dicitur Reus, & in criminalibus quidem, qui criminis accusatur, vel defertur, sive jam nocens, sive re ipâ sit innocens: in civilibus autem, contra quem Actor Jus suum prosequitur in judicio. Hoc notato

Resp. 1. Reus criminis, si non interrogetur 481, juridicè, seu secundum ordinem Juris, non *Non te-* tenetur fateri crimen, sed potest Judicem elu- *netur, si* dere, vel verbis ambiguï, vel etiam negan- *non in-* do cum aliqua restrictione non purè mentali in *terroge-* sensu vero secundum dicta P. 2. N. 244. *tur juris* *io est;* quia tunc Judex non habet Jus interro- *dicè,* gandi, vel obligationem Reo imponendi; unde potest Reus dicere, se nihil scire de interrogatis, subintelligendo scientiâ ex debito communicandâ; se esse innocentem, nempe innocentiam publicâ &c.

Ut autem Judex interroget juridicè, debet *Juridicè* imò esse Judex legitimus, seu habens Juris- *ca in-* dictionem non impeditam. 2. Non debet li- *terroga-* tis processum à se ipso incipere. 3. Debet ad *tio.* esse semiplena probatio vel per testem legitimum, vel per indicia æquivalentia, vel per

infamiam probatam cum indicio aliquo. Ita Lugo Disp. 40. N. 1. *Ratio hujus est* ; quia ut Reo possit imponi obligatio suum crimen fatendi, debet hoc jam esse aliquo modo deductum in notitiam publicam ; ita, ut Reo non suppetat probabilis ratio id celandi, seque defendendi : quamdiu enim ei illa suppetit, Juri naturæ repugnat illi imponere obligationem in conscientia illud aperiendi, seque armis spoliandi, quibus videtur posse se, suaque tueri. Tale enim mandatum non est accommodatum conditioni hominum ; cum nemo, aut non nisi paucissimi illud essent servaturi : unde nec illi imponi nunc potest juramentum calumniæ, id est, quo jurer se in omni parte processûs veritatem dicturum.

482.
*Nec si
dubites,
an in-
terroge-
tur ju-
ridicè.*

Resp. 2. Nec tenetur fateri crimen, quando dubitat, an Judex interroget juridicè ; quia nemo tenetur parere Superiori cum gravi suo incommodo, vel alterius, nisi constet, quòd legitime præcipiat sub periculo : cur enim teneretur tantum onus in se suscipere in dubio, an Superior id possit imponere, cum in dubio favendum sit Reo. Secus est, si nullum notabile incommodum sit timendum : tunc enim standum est pro Superiore. Hinc tenetur Judex, priusquam interroget, aperire Reo statum causæ, probationes, indicia, & testes, ut intelligat contra se procedi juridicè, seque interrogari posse, utque, si quid habeat contrà, possit opponere, & excipere.

483.
*Secus, si
juridicè
certò in-
terroge-
tur.*

Resp. 3. Si Reus interrogetur juridicè hoc-que illi constet, tenetur ad mentem interrogantis veritatem fateri, idque juxta communio-riorem, etsi capite plectendus esset. *Ratio est* ; quia ob bonum publicum tum Judex præcipit

cipit justè : justè autem præcipienti obtemperandum est , & quidem sub mortali in materia gravi : aliàs enim scelera puniri non possent , nisi Reus esset crimen confessus , & apertissimis documentis convictus , id quod sæpè haberi non potest , sicque in perniciem Reip. scelera impunè committerentur.

Dixi : *Ad mentem interrogantis* : hinc si factum, de quo interrogat, vacaret culpâ lethali ; v. g. si hominem occidisses , putans inculpabiliter esse feram, posses negare factum ; quia Judex interrogat de facto criminoso ; sique factum fateteris , & non posses probare , quòd culpâ vaces , punireris. Similiter non teneris fateri circumstantiam , ex qua vehemens suspicio oriretur , te esse authorem criminis , v. g. si quis esset occisus in domo, in qua quidem fuisses , sed non occidisses , negare potes te in illa fuisse ; quia Judex interrogat , an fueris occidendo.

Resp. 4. Non est tamen improbable, quòd 484.
Reus non peccet mortaliter , si interrogatus *Sed quid*
etiam juridicè, neget crimen in causis capitali-*si agere-*
bus , quando est spes evadendi , & nullum *tur de*
Reip. malum timendum est , ità Sylv. Less. *vita?*
Lugo , & alii. *Ratio est* 1^{mo} ; quia, quam-
diu est spes evadendi, eò quòd crimen nondum
sit plenè probatum , præceptum illud fatendi
videtur nimis durum , & non satis accommo-
datum humanæ fragilitati , vixque observan-
dum , cum jubeat Reum præbere arma ad se
occidendam. 2. Lex humana non obligat
cum periculo mortis , nisi aliud exigat bonum
Reip. ergo nec præceptum. 3. Nemo po-
test cogi ad testandum contra sanguine junctos,
vel quando sibi inde grave malum imminet ;
quis-

quisque autem sibi vel maxime conjunctus est. Idem tenet Lessius in causis criminalibus aliis, in quibus valde gravis poena imminet, ut damnatio ad tritemes, vel carcerem perpetuum, & confiscatio bonorum omnium: secus est, si poena sit spiritualis, v. g. excommunicatio; quia est simul medicinalis, & facile tollitur. Juxta hanc sententiam Reus non tenetur jurare ad mentem Judicis, ubi in causa capitali est spes evadendi, sed potest æquivocatione, vel restrictione non purè mentali uti, & negare crimen. Secus tamen esset, si non foret spes evadendi, sed crimen certò plenè probandum esset.

485. *Dices.* Index habet jus præcipiendi *Solvitur* Confessionem, & imponendi juramentum *ratio op.* cendi veritatem: ergo Reus tenetur fateri *posita* veritatem, & jurare ad mentem Judicis: non *senten-* enim potest esse jus præcipiendi, ubi non est *ita.* obligatio obediendi. Resp. 1. Judex habet jus interrogandi testem, nec tamen testis semper tenetur testari, ut constat ex dictis. R. 2. Tr. Ant. N. consequentiam: Judex non intendit obligare absolute, & sub culpa, ut fateatur crimen, nec id potest; sed sub poena v. g. torturæ, intenditque suo officio satisfacere, & explorare, an sit se nocentem confessus, ut sic homines à sceleribus deterreantur. Item, ut, si teneatur, videns spem evadendi non esse, respondeat, quo etiam sensu testem interrogat Judex. Itaque juri interrogandi respondet obligatio fatendi veritatem sub poena, non sub culpa in dicto casu. Quodsi Judex imponat juramentum calumpniæ, ubi sine mendacio negare potest crimen, etiam sine perjurio jurare potest se reum non esse:

Neque

Neque enim alio sensu jurare tenetur, quàm quò
Judex præcipere potest. Huic sententiæ poterit
Te accommodare Confessarius Rei, & obligatio-
nem fatendi crimen, quàm communior senten-
tia astringit, dissimulare.

Cæterùm notat Lessius hic N. 15. ut Reo 486.
possit imponi juramentum fatendi crimen, re- *Quando*
quiri ea indicia, vel probationes, quæ sufficiant *Reo pos-*
ad torturam; quia juramentum est quædam *fit impo-*
tortura spiritualis, cum mentem non pessimam *ni jura-*
non minus urgeat ad dicendam veritatem, *men-*
quàm tortura corporis. Idem dicit de præcep- *tum,*
to fatendi crimen; cum non minus sit obliga-
tionem in conscientia; quàm juramentum im-
ponere: hinc ex simplici infamia, ubi nullum
aliud est indicium, non potest imponi obliga-
tio fatendi crimen; quia sola infamia non facit
sempiternam probationem, sed tantum subit
vicem accusatoris. Neque convictus, falsus
unum crimen, potest obligari ad fatendum
aliud occultum, nisi sit cum priore communi-
ter conjunctum, aut prudenter judicetur fuisse
conjunctum.

Resp. 3. Reus convictus, si interrogetur de 487.
sociis in crimine excepto, seu vergente in per- *An te-*
niciem Resp. vel tertii, ut est hæresis, latro- *neatur*
cinium, conspiratio in necem tertii &c. tene- *fateri*
tur eos prodere; imò ad id tenetur etiam non *socios*
interrogatus; quia sic exigit bonum commu- *crimini*
ne. Tenetur quoque in aliis, quando fas est *nis?*
Judici specialiter de iis inquirere, ut si jam la-
borent infamiâ, vel contra eos sint sufficientia
indicia, aut testimonium unius legitimum;
quia tunc legitime interrogatur, postulatque
bonum commune, ut eos prodât. Quod si
crimen esset tale, quod sine socio non com-
mittit

mittitur, socius autem omninò esset occultus, non posset eum prodere, nisi esset crimen exceptum vergens in detrimentum Reip. neque tunc Judex posset specialiter inquirere, nisi adsit infamia, vel æquivalens de certa persona. Putat Sanchez peccare Judicem interrogando generatim de sociis, si Reum non pramonet, ne manifestet omninò occultum, nisi Reus sit prudens, & sciat, quos possit, & quos non possit manifestare; alioquin datur causa scandalì, & graviter errandi. Si tamen Reus tormentis adactus aperiret socios, ubi aperiendi non erant, putat Layman excusandum à mortali; quia consors criminis jus tam rigorosum non habet ad famam, ut sub mortali cum tantis tormentis ei teneatur tortus consulere, estque manifestatio involuntaria. V. Less. L. 2. C. 29. N. 162. Lugo Disp. 37. N. 66. Laym. L. 3. Tr. 6. C. 5.

488. Resp. 6. Post sententiam à Judice latam non
An post tenetur Reus fateri crimen, quod injustè nega-
senten- vit; quia finito judicio finitur obligatio Rei;
tiam? imò probabile est, nec ante sententiam ad id
dicis re- teneri, etsi adhuc sit in potestate Judicis, do-
neatur nec iterum interrogetur; quia obligatio re-
fateri, spondendi erat pro tempore tantum, quo in-
quod terrogabatur; sicut si jussus juraveris falsum,
autè ta- non teneris revocare, quando inde nul-
chit. lum alteri damnum timetur, aut se-
 cutum est, quod aliàs recupe-
 rari non possit.

Q U Æ S T I O II.

An peccet mortaliter Reus, si, ut tormentis liberetur, imponit sibi falsum crimen, falsò se fatendo nocentem, unde morte perimetur?

Resp. Affirmat sententia communis, eò quòd ^{489.} moveat Judicem ad ferendam sententiam in- ^{Dubi-} justam mortis, & causa sit per se occisionis sui ^{um est.} innocentis, non secùs, ac si imponeret alteri falsum crimen, ob quod occideretur. Negant probabiliter Sylv. Lessius L. 2. C. 11. Disp. 7. Lugo Disp. 14. N. 174. Dicastillo, dicentes, hoc praxice teneri posse. *Ratio hujus sententia est*; quia homo non tenetur cum tanto cruciatu tueri vitam suam, ne eripiat, nec videtur esse causa moralis per se mortis suæ; sed hanc ex justa causa permittere: non enim intendit, ut à Judice occidatur sed ut se eximat, Judicique dat occasionem occidendi, qui & causam ulterius examinare potest; cum constet non rarò in tortura confessionem fieri falsam. Sic ajunt, qui exponit se hostium telis ex justa causa, non censetur se occidere: vel nec qui judicem rogat, ut potius se occidat, quàm ita torqueat, nec honesta persona, quæ rogat leonem, qui tenet illà abuti nefando modo, ut potius mortem sibi inferat, quàm illam corporis corruptelam, & animæ periculum.

Juxta hanc sententiam non tenetur talis postea revocare crimen, etsi Juramento affirmatum, si meritò timeret, ne ad torturam revocetur; quia perjurium, & confessio jam tracta sit, & non revocando nemini injuriam facit.

Aliud

Aliud est, si alteri imponeret falsum crimen; aut ex falsa confessione sequeretur illi per se grave malum, v. g. bonum Reipub. fama religionis graviter laderetur: tunc enim potius quævis tormenta subeunda essent. Nunquam enim licet, falso crimine imposito, alteri nocere habenti jus ad sua; & bonum commune privato præferendum est. Posse Reum se judici plectendum sistere, dictum est supra: tunc enim non nisi ad justam sui occisionem judicis dat occasionem.

Q U Æ S T I O III.

An Reo, verè etiam nocenti, liceat fugere ex carcere,

490. Resp. Reo etsi verè nocenti non solum ante, *Licet.* sed etiam post sententiam justam licet fugere si, ad mortem, vel mutilationem, vel carcerem perpetuum, vel triremes sit damnatus; secus, si ad carcerem non perpetuum. *Ratio 1^a partis est;* quia Reus non conjicitur in carcerem, ut ibi spontè mortem, mutilationem, triremes expectare, aut perpetuò manere teneatur. Illud enim præceptum esset nimis durum ob summam hominis inclinationem pro vita conservanda; nec est necessarium bono communi, cum facile aliter detineri Reus possit: unde Judex id præcipere non potest. *Ratio 2^a partis est;* quia talis pœna justà non est supra vires humanas.

491. Hinc imò ad mortem, vel mutilationem, *Corollaria.* &c. damnatus potest citra vim custodes carceris decipere, v. g. procurando, ut absint, dando potum, ut indormiant, vincula, & car-

carcerem effringere; quia, cui licitus est finis, etiam licita sunt media ad eum necessaria de se non mala, quale non est effractio carceris; quia præceptum id vetans esset nimis durum. Non licet tamen vim inferre custodibus; quia hoc esset vim inferre potestati publicæ, quæ in Judice & ministris residet, non verò in vinculis, & parietibus, vel foribus carceris. Si Reus sic fugiat, & custodes pariantur damnum, id per accidens est: uti & si alii captivi simul fugiant. *Nec obstat*, quòd leges videntur graviter effractionem carceris: nam sunt leges tantum pœnales in bonum Reipub. latæ, ut vel Rei non fugiant, vel si fugitivi retrahantur, pœnam incurrant: quæ tamen non est capitis, nec propriè dicta.

2. Illis, quibus licita est fuga, possunt alii, *An alii* qui non sunt publicæ potestatis ministri, eam *possint* suadere, viam ostendere, instrumentum vincula incidendi, carcerem effringendi subministrare; quia, quod alteri licet, id ei suadere *possunt*. *cooperari ad fugam.* possum, atque ad id juvare, nisi aliunde prohibeatur. Id autem prohiberi hîc non constat; quanquam prohiberi posset. Non licet tamen aliis vincula distrumpere, carcerem effringere, ut captivi elabantur: tum quia id Reis licet propter maximum incommodum imminens, & summum jus, vitam suam conservandi, ad quod aliis talis actio non est necessaria: tum quia alioquin magistratui nihil esset satis tutum, & firmum pro Reis custodiendis, quod cederet in maximum Reipub. damnum. Dicast. apud La Croix L. 4. N. 1527. putat proximè junctis, ut p. tri, conjugi, fratri fas esse juvare Reum in effringendo carcere; quia consentur una cum illo persona. Idem dicit

R. P. Reuter Theol. Mor. P. III. Aaa de

de eo, qui certissimè timer, ne à Reo exa-
minando prodatur, & incarceretur simul ;
quia liberando Reum centerur liberare se ip-
sum.

Dixi : *Qui non sunt publica potestatis mini-
stri* ; quia, cùm hi teneantur ex officio curare,
ne Rei fugiant, fugam non possunt suadere sine
violatione justitiæ.

Q U Æ S T I O IV.

An, & quando Reus condemnatus te-
neatur sententiæ Judicis obedire ?

491. Resp. 1. Reus justè condemnatus ad mor-
Tenetur tem, si nequeat fugere, tenetur sententiæ obe-
justè dire, & eā præstare, sine quibus illa executi-
condem- oni commodè dari non potest à ministro justitiæ ;
natus. v. g. ad locum destinatum ire, manus ligan-
das porrigere, scalas ascendere, &c. hæ enim
actiones censentur simul à Judice præcipi, &
non sunt ex natura sua connexæ cum morte.
Non licet tamen Reo exequi in se ipsum pœ-
nam mortis, vel mutilationis, v. g. ve-
nenum haurire, pectus gladio transfodere ;
hoc enim crudelitatem saperet : neque inferre
vim ministris, ut elabatur, vel defendere se
contra Judicem : sic enim resisteret potestati
publicæ, ordinatæ à Deo.

493. Resp. 2. Qui certò injustè, & non servato
Non au- juris ordine ad mortem, vel mutilationem
tem cer- condemnatus est, potest etiam per vim mini-
stè inju- stris illatam fugere, & vi contra eos se defen-
demna- dere. *Ratio est* ; quia Judex non egit ut ju-
tu cstra dex, sed ut persona privata, estque sententia
juris or- injusta, etiam in foro externo : uti si quis con-
dinem. dem-

condemnatus esset per testes notoriè inidoneos, per documenta, & probationes notoriè falsas &c.

Resp. 3. Reus condemnatus in civilibus per 494
sententiam, secundùm allegata, & probata, *secundum* In civili
vato juris ordine latam, etsi tantùm probabili-*libus ten-*
ter ex objecto justam, teneretur obedire, nisi lo-*netur*
cus sit appellationi. *Ratio est*; quia senten-*obedire,*
tia præsumitur justa, exigitque bonum Reip. *et si sen-*
ut obediat: si enim liceret tunc non obedire, *tentia*
plerumque supervacanea essent judicia, & Resp. *objecti-*
multis, & magnis perturbationibus confun-*ve justa*
deretur. *tantum*

Dixi: *Nisi locus sit appellationi*: nam si probabi-
liter prudenter judicet sententiam esse injustam, *ap- peller* *est*
pellare potest ad Superiorem Judicem; quia *sec-*
cuique licet justum prædium contra injuriam
sibi quærere, nec per hoc arguit Judicem
priorem; quia hic potuit materialiter errasse,
suntque diversa hominum judicia; jura non eo-
dem ab omnibus modo intelliguntur; sequun-
tur judices non nunquam prudentiale, ut vocant,
suum judicium, quod non est idem in omni-
bus. Si tamen Reus sciret sententiam esse ju-
stam, vel sibi spem non esse evincendi litem
contra eam probabiliter injustam, non liceret
appellare: si enim sciret justam, appellando
faceret injuriam judici, & patri adversæ; si
solum probabiliter esset injusta, & spes non esset
victoriæ, sine justa causa vexaret adversarium.
Porro appellatio fieri debet intra 10. dies à diè
cognitionis latæ sententiæ; aliàs locum non
habet. Potest serius introduci.

Resp. 4. Reus in causa civili, servato juris 495
ordine secundùm allegata, & probata con-
demnatus per sententiam, quàm certò scit esse *Secus*
est, sec-

Scandalo si sententia sit seriò in-justa. ex parte materiæ injustam, v. g. quia falsis probationibus, vel præsumptione falsâ nititur, in conscientia, secluso scandalo, non tenetur obedire, sed potest rem suam alteri adjudicatam retinere, aut uti occultâ compensatione. Nontamen potest se per vim contra judicem, vel ministros, quamdiu est in judiciis potestate, defendere, ne talem sententiam exequantur. *Ratio 1^a partis est*: tum quia finis sententiæ est jus suum cuique tribuere: proinde non obligat, quando ex ejus observatione sequitur contrarium: uti fieret, si obsequeretur sic condemnatus, quia coqueretur carere jure suo; tum quia talis sententia nec justribuit, nec aufert. Neque enim est intentio judicis, innocentem spoliare resuâ, ut pluribus dicetur infra. *Ratio 2^a partis est*; quia judex, ferendo sententiam secundum allegata, & probata, legitimè utitur potestate publicâ, cui per vim resisti non potest, exigente sic bono communi, rectâque ordinatione, ne ministri publici dum suâ potestate legitimè utuntur, inde patiantur; licenim omnes merito à talibus officiis averterentur in detrimentum Reipub.

496.
Corollaria.

Hinc imò, si per sententiam, falsâ præsumptione nixam, sis condemnatus ad pendendam multam pecuniariam, non teneris, si sine scandalo declinare possis, eam solvere, sique solveris, potes, modò certus sis sententiam fuisse injustam, occultâ compensatione uti, saltem antequam sententia transiret in rem judicatam.

2. Si per sententiam, etsi legitimam, re ipsâ tamen materialiter certò injustam, Cajus condemnatus sit ad solvendum iteratò debitum, jam antè

ante solutum Titio, non tenetur in conscientia, secluso scandalo, Cajus iterum solvere; sique solverit, Titius sciens sententiam fuisse injustam, tenetur restituere, sique renuat, potest Cajus, nisi legitima præscriptio fortè obster, juxta La Croix L. 4. N. 1479. Lugonem, Lessium, aliosque occultâ compensatione uti.

C A P U T IV.

De Advocato, Procuratore, Referente, & Notario &c.

Q U Æ S T I O I.

Quæ sint obligationes Advocati ?

Resp. Advocati, qui describitur : Patronus litiganti in judicio assistens, ejusque causam secundum jura deducens; obligationes sunt sequentes. 497.
*Advoca-
tum,*

1ma. Debet habere scientiam suo officio convenientem, ut possit merita causarum secundum leges, consuetudines, praximque tribunalium loci expendere, & proponere.

2da. Causæ sui Clientis debet convenientem impendere diligentiam, quæ major esse debet pro causa difficiliore : & gravioris momenti.

3tia. Debet sincerè suo clienti indicare causæ suæ probabilitatem, spem vincendi, & periculum perdendi, abstinere à fraudibus, convitiis, injuriis contra partem adversam.

4ta. Debet acquiescere stipendio justo, nec majus exigere taxato; aut si nullum taxatum

fit, debet esse contentus illo, quod spectatâ qualitate negotii, laboris, &c. censetur iustum; non licet autem de eo pacisci, lite jam cœptâ, ne cliens cogatur ad majus iusto; nec licet pacisci de parte aliquota, v. g. mediâ, 3tâ rei controversæ, si evincatur; quia sic suam rem agens faciliè induceretur, ut per fas, & nefas conaretur litem evincere.

5ta. Quando in civilibus causis sunt utrimque probabiles, etsi, quando est spes non levis justæ victoriæ, possit clientis sui causam, sibi minus etiam probabilem, tueri relinquendo judici decisionem, fortè aliter judicaturus; debet tamen de eo prius monere suum clientem, & ejus in id consensum habere: sicut enim cliens potest suas rationes judici per se proponere, sic licitum est per Advocatum eas proponere; quando autem causa est injusta, vel tenuiter tantum probabilis, aut solè ordinariè rejicià judice; tunc, sicut cliens, sic nec Advocatus potest licitè eam tueri.

6ta. In causa sanguinis non licet Advocato causam dubiam accusatoris contra Reum tueri; potest tamen Reum defendere etiam nocentem, ut mortem evadat; quia Reus non tenetur subire pœnam, nisi convictus. Proinde, sicut is se, sic & alius eum justè defendere potest. In his si deficiat Advocatus, peccat contra justitiam, & tenetur compensare dampna.

7ma. Advocatus tenetur pauperibus non solum in extrema, sed etiam gravi necessitate patrocinari gratis, si sine suo incommodo gravi possit; quia charitas exigit, ut quis in gravi necessitate eâ re, vel actione, quâ

proximi

raus eget, succurrat, si sine gravi incommodo possit. Ergo Advocatus patrocinando tenetur succurrere, nec alii debent ei stipendium dare pro constituto in necessitate.

Q U Æ S T I O II.

Quid sit Procurator judicialis, & quod ejus officium?

Resp. Procurator est persona publica, qua^{498.} causas alienas in Judicio, mandato, & nomine Domini administrat. *Procurator* Convenit in multis cum Advocato; quia uterque causas alienas in judicio prosequitur; hinc non raro confunduntur; imò hodie eadem persona Procurator, & Advocatus constituitur, ut sumptus, alique incommoditates evitentur. Differunt tamen per hoc, quod Procurator partes absentis sustineat, & per litis contestationem fiat Dominus litis, causamque in Judicio prosequatur ut Dominus, non minus, ac ipse principalis: Advocatus autem parti litiganti, in Judicio presenti, assistit, causam secundum Jura legitimè deducendo; unde & ferè eadem obligationes habent; uterque enim debet rem principalis fideliter agere cum diligentia, pro negotii gravitate requisita.



QUÆSTIO III.

Quid sit Assessor, Referens, & Notarius ?

499. *Assessor.* Resp. 1. Assessor est, qui in iudicio assistet, seu assistit Judici, eique jura, & consilia suggerit. Unde & Consiliarius dicitur. Hodierno jure Assessores, & Consiliarii non tantum causas cognoscunt, sed etiam jurisdictionem habent, & sententias ferunt. Unde sunt veri iudices; incumbuntque iis eadem obligationes, quas iudici incumbere diximus.

500. *Referens.* Resp. 2. Referens est, cui committuntur acta litigantium, discutenda eo fine, ut postea causarum merita, & fundamenta iudici referat, & Assessoribus, sicque eos instruat ad ferendam sententiam.

501. *Notarius.* Resp. 3. Notarius est, qui dicta & facta in, vel extra iudicium publicâ autoritate conscribit, arque in acta, seu protocolum (sic vocatur Liber actorum) refert. Hinc etiam dicitur Actuarins, Protocolista, Scriba publicus, Tabellio, Secretarius. Hic tenetur imò conformiter suo juramento arcana non prodere, sententiam necdum publicatam non manifestare, testimonia testium sincerè, sine exaggeratione, & imminutione transcribere; alioquin peccat contra Religionem & iustitiam, & tenetur de damnis. 2. Tenetur acta & protocolla diligenter custodire, non differre causæ expeditionem, curare, ut causæ veniant ad peritos iudices, & cætera, quæ ejus officii sunt, fideliter & sedulò curare.

QUÆS.

Q U Æ S T I O IV.

Quæ Juramenta in Judicio soleant , vel possint exigi , vel præstari ?

Resp. Sequentia. Juramentum calumniæ , 502. malitiæ , veritatis , credulitatis , juramentum in litem , juramentum cautionis , judiciale , juramentum voluntarium , & necessarium. Explico singula.

1. Juramentum calumniæ , puta , vitandæ , *Juramentum* est juramentum à litigantibus super causâ , bonâ *men-* fide susceptâ , & deinde prosequendâ præstitum. *tum ca-* Per hoc tam Actor , quàm Reus jurare debet. *lunio.*

1. Quòd credat , se habere , & fovere causam justam. 2. Quòd in judicio interrogatus velit veritatem dicere de omnibus , de quibus ad causam pertinentibus , legitimè interrogabitur , itâ ut respondere teneatur. 3. Quòd non utatur falsâ probatione , nec ab adversa parte exigat probationem superfluum. 4. Quòd nihil patrociniî causâ judicibus , vel aliis dederit , aut daturus sit præter salaria. 5. Quòd calumniosam dilationem non petat , animo scilicet judicii protrahendi.

2. Juramentum malitiæ , nempe vitandæ , est, *Malitia* quo pars litigans jurat , quòd nihil malitiosè agere in causâ velit. Differt à juramento calumniæ ; quia hoc tantùm post contestationem litis , & ordinariè semel solùm præstatur , concernitque totum negotium : juramentum autem malitiæ ante , & post contestationem litis præstatur , & quoties est præsumptio de malitia , concernitque tantùm partem suspectam.

*Verita-
tis.*

3. Juramentum veritatis est, quo quis jurat, quòd velit veritatem dicere: credulitatis verò, quo jurat se credere, id verum esse.

In litem

4. Juramentum in litem est, quo lis, seu res, de qua in judicio agitur, æstimatur vel secundum se, vel secundum affectionem, seu interesse singulare.

*Cautio-
nis.*

5. Juramentum cautionis, seu cautio juratoria est, cum Partes sub initium litis jurant, quòd in judicio utque ad finem persistere, & sententiæ parere velint.

*Judicia-
le.*

6. Juramentum judiciale est, quod approbante judice Pars Parti defert in judicio eâ lege, ut, si jurare ausit, absque ulteriore processu victor existat; cui hoc defertur; præstare id vel debet, vel parti alteri præstandum deferre: utrique enim Parti deferri potest. Si tamen actor plenè probaverit, reus id actori deferre non potest; nec hic reo, nisi adsit semiplena probatio, vel saltem non levis præsumptio contra reum.

*Necessa-
rium.*

7. Juramentum necessarium est, quòd judex, cognitâ causâ, ob inopiam probationis plenæ uni Parti defert, vel ex officio ad indagandam veritatem, vel ad instantiam Partis petentis; estque aliud suppletorium, quod defert judex Parti, quæ semiplenè probavit, ut ejus adminiculo probatio compleatur. Aliud purgatorium, quòd judex imponit gravato suspicionibus ad se purgandum, & innocentiam suam ostendendam.

*Volun-
tarium.*

8. Juramentum voluntarium dicitur, quod ex conventionem Pars Parti defert extra judicium, eâ conditione, quòd offerrens velit ab ulteriori processu abstinere, & juramento stare, si id Pars, cui defertur, præstiterit; hoc

Parti.

Pars, cui defertur, potest recusare, & procedere viâ juris. Vide Layman L. 4. Tr. 3. C. 11.

C A P U T V.

De Re Judicata.

Q U Æ S T I O I.

Quando Sententia transiisse in rem judicatam censeatur?

Nota 1. Sententia, quæ est judicis pronuntiatio, continens decisionem causæ controuersæ, alia est principalis, & definitiva, quâ deciditur causa principalis, totique controuersæ finis imponitur per absolutionem, vel condemnationem, & sic terminatur prima instantia. Alia est interlocutoria, quâ tantum deciditur aliquis articulus, vel quæstio incidens, sed summarie tantum, ac inter initium, & finem causæ principalis, quæ interim manet suspensa, v. g. an testes sint legitimi, vel admittendi.

Nota 2. Ut sententia definitiva sit valida, 504.
1. Non debet procedere à judice incompetente. 2. Non debet esse difformis juri clausa ad ro. Sic non valet, quâ pronuntiatur valere iustam, alienationem rerum Ecclesiæ immobilium, sine solennitate factam. 3. Debet esse conformis libello. 4. Debet formaliter, vel æquivalenter esse absolutoria, vel condemnatoria. 5. Debet esse lata absolutè. 6. Non debet esse notorie injusta, aut lata ex instrumentis notorie falsis. 7. Non debet exprimere rationem motiui, quæ probatur esse falsa. Et hinc judices

dicēs inferiores non exprimunt rationem suę sententię , sunt & præterea quædam conditiones extrinsecę observandę , quibus tamen in variis locis derogatum est saltem ex parte.

505. *Nota 3.* Sententia definitiva hos habet effectus : 1. Terminat officium judicis respectu talis causę. 2. Finit litem , & facit Jus inter Partes , non tamen firmiter , nisi absolute transiens in rem judicatam. 3. Si condemnēt ob delictum publicum , aut etiam propter delicta privata furti , rapinę , injurię &c. irrogat infamiam. *His notatis*

506. *Resp.* Sententia valida tam interlocutoria , Si intra quàm definitiva valida transit in rem judicatam , quando victus illi acquiescit vel expresse , vel tacite , quod confertur in foro externo regulariter facere , si intra decendium , à die habitę de sententia notitię , non appeller ad Judicem superiorem ; tum enim sententia in foro externo habetur pro veritate ; ita ut postea probatio in contrarium non admittatur. Quod statutum est , ut sit litium finis , & sua Judici sit autoritas , quę facit , ut jus fiat , quod jus non erat.

Dixi 1. Sententia valida ; nam sententia , ipso jure irrita , nihil operatur ; sed de ejus nullitate agi usque ad 30. annos potest , retractarique debet. Nec appellatio eo casu est necessaria ad Judicem superiorem , sed retractatio fit ad querelam iniquę condemnati , vel à Judice superiore , qui , cognitā summarie justitię querelę , restituere debet in integrum querelantem , vel ab eodem , si ordinarius sit.

Dixi 2. Regulariter : nam sunt varii casus , quibus etsi intra 10. dies appellatum non sit , sententia tamen non transit in rem judicatam ,

ram, sed & potest peti, ut causa iterum cognoscatur, & de ea pronuntietur. Imò potest Judex ex officio, invitâ etiam Parte, procedere, & sententiam retractare, ubi errorem cognoverit; quia ad judicem pertinet peccata tollere. Vide Con. L. 2. Tr. 27.

Q U Æ S T I O II.

Quibus casibus non transeat Sententia
Judicis in rem judicatam?

Resp. Variis. Præcipui sunt sequentes: 1. Si ^{507.} sententia lata sit in causa criminali capitali: *Præci-* nam, sicut in hac sententia ferri non potest in *pne in* eum à Judice, quem privatâ scientiâ scit inno- *sex casib;* centem; sic nec executioni dari potest, si po- *bus.* stea pateat condemnati innocentia.

2. In causa matrimoniali: hæc enim sive lata sit pro valore, sive contrâ, si postea appareat, fuisse falsam, executioni dari non potest; quia sententia Judicis matrimonio valorem nec dare, nec auferre potest. Et idem est, quoties sententia sine peccato servari non potest.

3. Si sententia sit lata, innixa juramento necessario, quod in supplementum probationum à Judice delatum fuit Parti: tale enim juramentum defertur alterâ Parte invitâ; hinc si probatio alia postmodum contrâ afferatur, juramentum infirmatur. Aliud est de juramento judiciali, ex quo deciditur ex utriusque Partis consensu, atque itâ intervenit transactio, quæ non retractatur per nova documenta postmodum reperta.

4. Si sententia sit lata ex instrumentis, vel
testi-

testimoniis falsis, non tamen notoriè talibus, v. g. si testes fuerint pecuniâ corrupti.

5. Si lata fuit ex consilio Doctoris, vel periti in aliqua arte, vel ex depositione testium de credulitate, seu dicentium se credere ità esse, vel ex aliis probationibus merè præsumptivis, aut reprobatis à jure.

6. Quando causa, ob quam quis condemnatus est, transit in non causam, ut si damnatus ad compensandam rem commodatam perditam, præcium solvisset, & res dein reperiretur; in his casibus, si postea afferantur contra sententiam probationes certæ, & convenientes, aut pars victrix fateatur sibi jus non comperiisse, vel detecta fuerit falsitas instrumenti, vel ejus, aut testium corruptio, sententia retractari potest, & debet, non quidem per appellationem, sed per querelam iniquè condemnati. Idem est, si dein nova documenta reperiantur, & producens ea iuramento probet, quod illa fuerint sibi incognita, aut non potuerit producere: cò quòd fuerint perditæ, aut non potuerint obtineri ab eo, penes quem erant. Idem quoque est, si contra sententiam noviter repertum sit testamentum, aut instrumentum, ex quo constet, quòd antè lata sit sententia contraria, quæ in rem judicatam transit. Secunda enim sententia est invalida. Excipiuntur etiam causæ minorum, & Ecclesiarum, quæ gaudent privilegio restitutionis in integrum.



QUES-

Q U Æ S T I O III.

An transitus Sententiæ in rem judicatam locum quoque habeat in foro conscientiæ, dum postmodum Sententia scitur fuisse injusta ex parte objecti ?

Quæritur, an, si verus debitor, bonâ fide litigans, fuit absolutus à debito, teneatur solvere, si, ubi intra decendium non fuit appellatum, postea cognoscat, se debuisse; aut, si quis exegerit debitum, & per sententiam Judicis id obtinuerit, postea autem cognoscat, sibi nullum jus competiisse, teneatur solum restituere. Idem est in aliis casibus.

Resp. In foro conscientiæ locum non habet, 108. sed per sententiam materialiter injustam absolutus à debito, postea rescians se verè debuisse, *Vera videtur* tenetur solvere, nisi præscripserit. Ità TT *sententia ne-* communissimè, & multi Canonistæ, inter quos *est* Innocentius III. in cap. *Quia plerique. 8. De* *negativa* *Immunitate.* Abb. Fel. &c. contra quosdam alios Juristas.

Probat. Nam Inprimis jure naturæ, præscindendo à lege positiva, jus transferente, vel auferente, est obligatio: Creditor enim non appellando non censetur liberaliter donasse: quod autem non appellaverit, ex eo esse potest, quod aut documenta, quibus debitum probaret, non habuit, aut sumptus magis horruit, quàm carentiam debiti. Deinde obligatio illa non est sublata per jus positivum. Nam

1. Innoc. III. Cap. *Significantibus*, 2. *De purgatione vulgari*, præcepit ei, qui furti in judi-

judicio damnatus fuerat , innocentia ejus post transitum sententiæ in rem judicatam cognita , restitui universa , quæ illius criminis prætextu ablata fuerant. Nec hæc præcepit Pontifex, ut volunt Adversarii , quod sententia lata fuerit contra juris ordinem sine legitima probatione ex sola purgatione vulgari per duellum : nam Pontif. pro motivo sui rescripti solam allegat innocentiam postea cognitam : nam ait : *Nunc verò furtum apud alios est inventum , & quod ipsi fuerint innocentes . est , faciente Domino , revelatum : unde Consulibus ipsis dedimus in mandatis , ut ablata restituant universa.*

2. *L. Fullo 2. ff. de condito sine causa, & L. commodato 17 ff. commodati.* permittitur repetitio solutionis , quam conductor de locato, vel commodatarius , ex commodato conventus , fecerat ob rem locatam, vel commodatam amissam , si postea fuerit inventa, & recuperata manifesto indicio, diciturque, victorem in causa per rem judicatam non fieri absolute tutum.

Dicunt quidam Adversarii , quod hæc non retractetur sententia , sed redeat ad non causam ; quia pretium rei amissæ erat pro re amissa : hæc autem recuperatâ, à domino cessat ratio habendi ejus pretium : hinc hoc repeti à solvente potest , & ab accipiente restitui debet . ne cum re is habeat ejus pretium , & cum damno alterius locupletetur. Verum & id valet in casu nostro : nam si debitor invenitur 2dò solvisse, & prius jam debitum fuisse extinctum. , 2da solutio imperata, & facta est ob existimatum adhuc existens debitum ; comperta autem ejus solutione factâ, jam causa secun-

secundæ solutionis cessat : ergo pariter redire debet sententia ad non causam.

3. *L. Julianus. De conditione indebiti* dicitur : si verus debitor à creditore in judicio conventus absolvatur, naturâ obligatam manere : quòd autem ibi sit sermo de debitore, agente malâ fide, dicitur ab Adversariis, & non probatur.

4. Qui in venditione læsit ementem infra dimidium justipretii, etsi in foro externo absolvatur, non liberatur tamen ab obligatione naturali supplendi defectum justipretii, vel dissolvendi contractum. Et idem est de eo, qui auctori se obligavit per pactum nudum, vel contractum levi metu extortum.

Respondent quidem Adversarii, in histan- tium negari actionem ; non tamen extinguì ob- ligationem. At quando transit sententia in rem judicatam, tolli ex dispositione juris ob- ligationem, & jus transferri ; verùm hoc ipsum est, de quo quæritur.

5. Sententia Judicis fundatur in præsumptio- ne Justitiæ causæ ejus, pro quo pronuntiata est, estque suo modo, & implicite condi- tionata, nempe si allegata, & probata subsistant, præsumptio autem cedit veritati cognitæ, præ- fertim pro foro interno, in quo super omnia ve- ritas est.

Respondent iterum Adversarii, quòd, licet sententia nitatur præsumptione, non tamen ejus firmitas, & efficacia ; sed hæc oritur ex lege, transferente dominium, quando senten- tia valida est, ob bonum commune, cui ma- gis expedit, ut res judicatæ firmæ sint, quàm

R. P. Reuter Theol. Mor. P. IV. Bbb ut

ut semper iustæ : dominia enim essent incerta ;
& non esset finis litium.

Sed contra est 1. Probandum est efficaciter
prius, quod leges transferant dominium, quàm
recedatur à jure naturali.

Contra est 2. Transferri per sententias inju-
stas dominia, bono communi nec necessarium,
nec utile est : non necessarium ; quia, ut finis
fiat litium, satis est, post decem dies in foro ex-
terno negari actionem, relictâ obligatione na-
turali, ut sæpe in aliis contingit. Ut dominia
non maneant incerta, satis est, victorem in fo-
ro externo haberi pro domino, posseque se
tanquam talem, salvâ conscientia, quamdiu
non constet de injustitia, gerere, sique tempo-
re ad præscribendum requisito non appareat in-
justitia ejus, usucapione acquirere dominium.
Nec est utile, tum quia, ut dixi, lites æquè im-
pedientur negando actionem, & dominia fiunt
certa per præscriptionem ; tum quia sic calum-
niis aperitur via, lexque transferens sic domi-
nia ab eo, qui intra decem dies non appellaret,
esset nimis dura : sic enim posset innocens dam-
nari ad mulctam Fisco pendendam, & nulla es-
set ei via, sua recipiendi : item sciens se solvisse,
si apocham amisisset, compelli posset ad iterum
solvendum, sine tpe, sua recuperandi &c.

Contra est 3. Sententia injusta, ut omnes ad-
mittunt, in multis casibus non transfert domi-
nium : ut, si instrumenta probentur fuisse fal-
sa &c. quæ igitur necessitas, aut utilitas suadet
in aliis transferri ?

Contra est 4. Non præsumitur Judex veli-

le innocentem spoliare re suâ , nec præsumitur actor velle acquirere aliena.

Nec obstat 1. Quòd Jus sententiæ tribuat vim legis ; illam habeat pro veritate ; dicat , eam facere Jus inter litigantes : nam hæc procedunt in foro externo ; & interno , quamdiu non constat certò de injustitia sententiæ. Jura proin loquuntur de Jure debili ; & revocabili , vi cujus victor potest re adjudicatâ uti , trui , quamdiu non constat de sententiæ injustitia.

Nec obstat 2dò Textus Innoc. III. L. 2. T. De sententia , & re judicata , quò dicitur : *Quamvis foris dicto donationis instrumento non sit plurimum innitendum , nec confirmationibus , nec privilegiis , quæ ex ipso causam , & originem acceperunt ; attendentes tamen , quòd , quantum ad litigantes ipsos , jus ex sententia factum fuit , postquam in rem transit judicatam , etiamsi contra jus litigatoris lata fuisset , veritate gestorum sermonibus prævalente , definivimus &c.* nam ante sententiam fuit , & post eam mansit jus dubium , proinde standum erat sententiæ , quæ in rem transierat judicatam.

Nec obstat 3. Quòd *L. Cum putarem 36. ff. familia eriscunda.* decernatur , quòd , qui cohæredem , qui talis non erat , admisit ad divisionem hæreditatis , eique , Judicis auctoritate , res quasdam hæreditarias dederat , nequeat datum repetere , licet postea error detectus fuerit : nam , licet in foro externo tali negetur actio , non ideo alter , si sciat , sibi nihil ex hæreditate competere , in conscientia retinere poterit. Imò , si id fateatur , po-

rest sententia rescindi secundum dicta, ut dō-
cent etiam Adversarii.

Nec obstat denique, quod si post transactionem deegatur error, nihilominus conventis standum sit: nam in ea consentiunt Partes ob periculum perdendi, & spem lucrandi ex utraque parte. At, licet partes litigantes in dubio præsumantur consentire; sæpe tamen reipsa Pars sciens, sibi fieri injuriam, non consentit, nisi coacta. Ex his jam consurgit hoc argumentum reflexum; quando obligatio Juris naturæ est certa, & extinctio ejus, tanquam tacta Jure positivo non probatur, nisi dubiè; standum est pro Jure naturæ: Leges enim Jus naturæ restringentes sunt odiosæ, estque Jus naturæ in certa possessione, ex qua per legum dispositionem dubiam deijci non debet.

Q U Æ S T I O IV.

An idem procedat in transactionibus, & fœderibus inter Reges, & supremos Principes; ita, ut injuriam passus, salvâ conscientia, resilire possit, & priora sua vi armorum recuperare?

Cùm Reges, & Principes supremi, seu superiorem non recognoscentes, Judicem non habeant, qui eorum controversias inter se terminet, & jus iis dicat; sed eas per transactiones, & fœdera, vel bella soleant dirimere: queritur hic, an si unus sit injuriam passus,

an

aut vi armorum coactus suo jure cedere per pacis fœdera, possit dein salvâ conscientiâ, ubi vires collegerit, resumere bellum, & sua, quibus cedere coactus fuit, recuperare: sicut condemnatus per sententiam objectivè injustam, potest se indemnem reddere; vel an teneatur fidem publicè datam inviolabiliter servare?

Circa hanc quæstionem Anno 1749. die 18. Aprilis publicæ disceptationi pro Doctoratu, in utroque jure consequendo, subjectæ fuerunt hæc positiones ex jure naturali, & gentium.

I. *ma. Ex injuria aquè parum nasci potest* § 99.
jus, aut vinculum juris, quàm ex iniquitate *Theses*
aquitas. *ex jure.*

II. *Unde ex vi, metuque injustè incusso*
acquiri incutienti obligationem, chimæra est.

III. *Proinde omnis contractus sic initus,*
quanquam sit voluntarius, effectum caret, &
rescissione non indiget.

IV. *Quòd ipsum de transactione tam pri-*
vata, quam publica (qualis est Pax) obtinet,
itâ, ut pax vi armorum extorta non stringat;
sed datâ occasione respirandi, queat belli, injus-
tiæ moti, vindicta peti.

Resp. Fides publica, data hosti, etsi bellum § 10.
 injustum gerenti, servanda est, modò fœdus *Fides*
 non sit objectivè malum. Itâ S. Th. 2. 2. q. publicè
 40. A. 3. O. Cæterique Theologi commu- *data*
 nissimè ex S. Augustino, & Ambrosio, quorum *servan-*
 primus Epistola 205 ad Bonifacium Comitem, *da est*
 quæ refertur in Cap. Nols. 23. q. 1. itâ scribit: *hosti.*
Fides, quando promittitur, etiam hosti ser-
vanda est, contra quem bellum geritur, Alter
verò L. 1. Offic. Cap. 29. hæc habet, Quanta

*fit iustitia, ex hoc intelligi potest, quod nec locis, nec personis, nec temporibus excipitur, que etiam hosti reservatur. Hæc quomodo sint intelligenda, colligitur ex iis, quæ paulò post addit, inquit: Liqueat igitur etiam in bello fides, & iustitiam servari oportere, nec nullum decorem esse posse, si violetur fides. Ratio autem communis sententiæ est; quia fœdera publica per jus gentium, omni humano generi commune C. *jus gentium*. D. 1. §. *jus gentium Instit. de jure naturali gentium*, & civili, introducta sunt, sic exigente bono communi generis humani: nam nisi fœdera publica, seu inter diversos Principes, seu inter Magistratus, & subditos omnimodè servanda essent, nulla pax, aut societas in humano genere stabilis posset consistere; sed via aperiretur perpetuis bellis, & cædibus.*

Nec juvat 1. Quòd fortè altera pars per vim ad fœdus injustum, seu sibi perniciosum adacta fuerit, quod in bellis plerumque fit: nam cum paciscentes tales superiorem Judicem non habeant, qui causâ cognitâ illis jus dicat, & quisque bellam gerens plerumque arbitretur, sibi jus bellandi competere, posset pars quælibet postea causari, & dicere, sibi vim illatam esse, adeoque fœdus à se rescindi posse, quod vergeret in maximam generis humani perniciem; cum nec pax iniri, nec bella perpetua vitari possent. Miratur Author positionem in positione IV, quòd Authores passim negent, belligerantes cognoscere posse de injustitia belli, extortæque pacis iniquitate, quos non latet, judicium de belli suscipiendi necessitate, ac iustitia Principibus, Superiorem non recog-

recognoscentibus, competere : verùm mirari defuisset , si expendisset , quid bonum commune exigat , ad quod tuendum , & promovendum Principibus est concessa potestas. Exigit illud , ut re bene examinata , & viris doctis in consilium vocatis , decidat Rex , an bellum hîc & nunc pro bono subditorum sit necessarium , justèque suscipi possit , ac debeat : exigit insuper , ut fides publica data ; inviolabiliter servetur etiam hosti : unde ad primum , non ad secundum illi est potestas ; quæ data ipsi est non ad destruendum , sed ad promovendum bonum commune. Mirum potius est , quòd Author Theſum tam leviter à communi sententia recedat.

Nec juvat 2. Quòd fœdus initum sit Principi , vel Reip. perniciosum : nam bonum unius Regni , Principatûs , vel Reip. cedere debet bono communi universali totius generis humani.

Nec juvat 3. Quòd ex injuria nec inferenti jus , nec obligatio eam patienti nascatur : & injuriam passus , hanc Authori positionum non videatur remississe. Nam imò Jus , & obligatio non nascitur immediatè ex injuria , sed ex consensu , quem victa pars debilior præstat , eligens minus malum præ graviore. 2. Vel verè consentit in pacem , eamque sincerè juramento confirmat , vel non : si primum , remittere debet injuriam , si non absolute , saltem sub conditione : *Nisi exurgat deinceps alia justa causa belli , seu offensivi , seu defensivi , atque ità nanciscar occasionem meam , quibus cogor cedere , recuperandi*. Si secundum ; mendax , & perjurus fuit , nec à fœdere potest recedere ob rationem datam , sed adhuc debet

consensum universali bono communi. Vide dicta P. 2. sub N. 244.

Dixi in Assertionem 1. *Fides publica* ; nam si privatus aliquis alteri privato, injuriam inferenti, vi adactus se obligârit, rescindi contra-ctus, si solubilis est, ex naturali æquitate potest ; quia id non in perniciem, sed in bonum cedit generis humani. Idem est, si privatus alieno Principi, vel Reipublicæ se obligâset, & id dein cederet in damnum proprii Principis, vel Reip. quia, cum Juri Principis sui præjudicare non possit, subintelligitur ; *Salvo jure Principis mei. Cap. Venientes. de jure jurando.*

Dixi 2. *Modò ex objecto fœdus malum non sit* : Ad hoc enim obligari non potest, etsi juramento confirmâset : nam juramentum vinculum iniquitatis esse non potest.

Q U Æ S T I O V.

An saltem Summus Pontifex fœdera Catholicorum tum inter se, tum cum Catholicis inita possit relaxare ?

§ 11. *Fœdus cum infidelibus nec indirectè* Resp. 1. Si à Christiano Principe, vel Rege cum Infidelibus, seu non Baptizatis publicum fœdus ex objecto non malum sit initum, Summus Pontifex nec directè, nec indirectè id relaxare potest ; quia id cederet in maximum detrimentum, & contemptum Ecclesiæ Christi. Nihil enim magis illi indecorum, nihil Regibus, & Christiano populo magis noxium esse potest, quàm si censeantur fidem publicam, seu fœdeta violare. Quare, si à Catholico Principe fœdus, legitimâ potestate cum

cum Infidelibus constitutum, postea videretur cedere in detrimentum Religionis Catholicæ; à Christo, supremo Rectore, & defensore Ecclesiæ, auxilium implorandum, & sperandum, & nunquam medium perfidiæ obnoxium adhibendum esset.

Resp. 2. Si fœdus publicum, inter partes § 12.
Catholicas legitimâ potestate constitutum, suc- *Fœdus*
cessu temporis cedat in grave detrimentum Ec- *publicum*
clesiæ; potest Summus Pontifex illud ex ple- *inter*
nitudine potestatis suæ indirectè relaxare; præ- *Catho-*
cipiendo nempe alteri parti, ut obligationem *licos ali-*
fœderis initi remittat, vel illud, si pars illa re- *quando*
cuset in favorem Ecclesiæ obligationem remit- *relaxa-*
tere, propriâ autoritate dissolvere; secus, si *re potest.*
non cedat in detrimentum Ecclesiæ. *Ratio*
1^a partis est; quia omnis potestas, ad bonum
Ecclesiæ regimen necessaria, competere debet
Pontifici; ad hoc autem necessaria est pote-
stas in casu ejusmodi dissolvendi Catholico-
rum fœdera: neque Reges, & Principes Ca-
tholici, utpote Ecclesiæ filii, & defensores à
Deo constituti, aliâ conditione fœdera sua cen-
sentur constituere, quàm ut Ecclesiæ salva stet
incolumitas. *Ratio 2^a partis est*; quia, si
fœdera non cedant in detrimentum Ecclesiæ,
potestas illa Pontifici ad regimen Ecclesiæ non
est necessaria, nec conveniens fuit, ut ipsi illa
conferretur, ne fœdera publica minus firma
consisterent.

Resp. 3. Si Catholici cum Hæreticis fœdus § 13.
publicum ineant legitimum, non potest autho- *Non ve-*
ritate summi Pontificis relaxari. *Ratio est*; *ro in sta-*
quia Pontifici sua potestas concessa est in ædi- *inter Ca-*
ficationem, & non in destructionem; si au- *tholicos,*
tem *& Hæ-*
reticos.

tem Pontifex relaxaret tale fœdus, cederet in detrimentum Ecclesiæ gravissimum : cum enim Hæretici , Catholicæ fidei hostes , in fœderibus se inter , & Catholicos constitutis , exclusam velint Pontificis relaxandi potestatem , nulla cum iis fœdera inire possent Catholici , & apud ipsos , omnesque nationes infideles blasphemaretur nomen Domini , & Religio Catholica objiceretur contemptui , si verè diceretur. Catholicos , interveniente autoritate Pontificis , fœdera publica contra Jus gentium violare. Quæ mala tam gravia sunt , ut quamvis Hæretici per Baptismum subjiciantur jurisdictioni Ecclesiæ , attamen Pontifici esse potestatem fœdera publica cum Hæreticis relaxandi , expediens non fuerit. Unde malorum , quæ ex fœderum observatione in detrimentum Ecclesiæ consequuntur , remedium petendum , & sperandum esset à Christo summo Ecclesiæ Rectore , & Protectore , qui auxilium feret in tempore opportuno. La Croix N. 881.

Dixi : *Fœdus legitimum* : Nam objectivè malum neminem obligare potest ; cum ad malum objectivè implicet obligatio Ità Laym. L. 2. Tr. 3. Cap. 12. La Croix L. 3. P. 1. N. 881. & Catholici Doctores communiter. Quare falluntur Heterodoxi , qui perperam prætendunt , licere sibi à fœderibus publicis cum Catholicis resiliire ; eò quòd Doctores Catholici doceant , fidem , etiam publicam , Hæreticis non esse necessariò servandam.

Objiciunt quidem Hæretici , Concilium Constantiense salvum conductum dedisse Joanni Hussio , & postea id violasse ; verùm id probare nequeunt : nam datum illi fuisse salvum conductum

à Pa.

à Patribus Concilii nullibi legitur. Dedit quidem Sigismundus Imperator, sed non violavit. Primum enim dedit illum in forma Juris communis, id est, salvâ justitiæ executione; sicut & Patres Concilii Sess. 6 Hieronymo Pragensi dederunt omnem salvum conductum à violentia, justitiâ semper salvâ. 2. Hussius post salvum conductum, ab Imperatore datum, arripuit fugam, quæ ipsi ab Imperatore sub pœna capitis erat interdicta, ut ostendit Becanus in opusculo de fide Hæreticis servanda. 3. Concilium Constantiense sess. 19 demonstrat, à sæculari potestate, etiam Imperatoriâ, per salvum conductum, alicui datum, Jurisdictioni Ecclesiasticæ, quia superiori, nullum posse generari præjudicium, quod minùs in personarum errores inquirere, & pertinaces punire valeat.

Ex his facilè intelligitur, quàm bene communi Reip. humanæ bono consulat relata Thesis quarta.

Finis tertiæ Partis.

O. A. M. D. G.



Emen-

Emendanda in parte Tertia

- Pag. 65. lin. ult. ad nutum pro *ad unum*.
 Pag. 143. lin. 20. domini pro *damni*.
 Pag. 157. lin. 7. quandoque pro *quando*.
 Pag. 168. lin. 21. ob temporis.
 Pag. 172. lin. 8. ordinaria pro *ordinario*.
 Pag. 174. lin. 2. Dei ut pro *Dei est*.
 Pag. 218. lin. 6. & 11. ingreditur.
 Ibidem lin. 14. Laym pro *Lugo*.
 Pag. 300. lin. 7. à fine agri, vineæ, pro *prinea*.
 Pag. 308. lin. 8. à fine res tales
 Pag. 338. lin. ult. seminato, donec
 Pag. 347. lin. 10. à fine par sit, ut pro *ant*.
 Pag. 428. lin. 3. non verò pro *an verò*.
 Pag. 505. lin. 7. filii fiant pro *filia*.
 Pag. 506. lin. 2. pro *ut fert*.
 Pag. 529. lin. 4. à fine doctorali pro *doctor*.
 Pag. 545. lin. 18. Curimensem pro *Eron*.
 Pag. 574. lin. 9. justè pro *injustè*.
 Pag. 583. lin. 10. à fine dub. pro *duo*.
 Pag. 629. lin. 8. à fine narratorem pro *narratio-*
nem.
 Pag. 698. lin. 12. Suar. pro *sua*.

ARA 2485

